

sc. 19. Pl. 5.



166





PRÆLECTIONES

Theologicæ — Dogmaticæ — Polemicæ — Scholasticæ
habitæ in celeberrima PATAVINA ACADEMIA

A P. M. F. JACOBO HYACINTHO
S E R R Y

ORD. PRÆD. DOCTORE SORBONICO

AC

PRIMARIO IBIDEM SACRÆ THEOLOGIÆ PROFESSORE.

Quas in unum collectas, atque in ordine collocatas

ILLUSTRISSIMIS, ATQUE EXCELLENTISSIMIS VIRIS

JOANNI, ET PETRO
BASADONÆ

FRATRIBUS

VENETIS SENATORIBUS AMPLISSIMIS

D. D. D.

CAMILLUS MANETTI UTINENSIS J. U. D.

OPUS POSTHUMUM

IN QUINQUE VOLUMINA DISTRIBUTUM.

Volumen Secundum.

DE DEO HOMINE FACTO.

Accedunt Opuscula ab Authore jampridem edita videlicet:

*D. Augustinus Vindictus, & Schola Thomistica
Vindicta.*



V E N E T I I S

APUD THOMAM BETTINELLI
SUPERIORUM PERMISSU, AC SENATUS PRIVILEGIO
MDCCXLII.

E L E N C H U S
TRACTATUUM, DISPUTATIONUM, ET PRÆLECTIONUM
una cum suis Argumentis,

Quæ in hoc secundo Volumine continentur.

TRACTATUS QUARTUS
DE DEO HOMINE FACTO
PRÆLUDIUM.

*Adversus Judæos, ceterosque Infideles, Hæreticos, necnon alienos a Thomistica
Schola Theologos triplici Disputatione differendum proponitur. Pag. 1.*

DISPUTATIO PRIMA

Adversus Judæos, ceterosque a Christiana Religione alienos.

PRÆLECTIO PRIMA.

Judæorum cæcitas in intelligendis, explicandisque Veteris
Testamenti de Christo Vaticiniis detegitur : Messiamque,
qui noster est Christus, adventasse jampridem, octo potissi-
mis Capitibus demonstrandum proponitur : & ex ipsamet
Judaica pertinacia, atque perfidia invictissimum Argumen-
tum depromitur. Pag. 4

II

Ex Gentium Vocatione & Idolatriæ abolitione, Christum
jampridem venisse, luculenter ostenditur. 11

III

Ex sublato Levitico Sacerdotio, & novo induc'to, Messie ad-
ventum olim jam contigisse, invictissimè demonstratur. 19

IV.

Ex abrogata Mosaica Lege, novaque sancita Liberatoris Mis-
sio jamdudum peracta inferitur. 27

V.

Hierosolymæ instaurandæ, Salomonici Templi iterum excitandi, Judaici populi colligendi, novique Messie venturi Spes omnis Judæis præcluditur. 37

VI.

Judæorum hallucinatio Christum bellatorem, ac manu fortem venturum sibi blandientium, quem imò pacificum, atque humilem Sacri Vates prænuñciarunt, validissimis momentis retegitur, ac demonstratur. 46

VII.

Ex turpissima Christi morte, humanique generis sacro suo sanguine expiatione, sacrorum Oraculorum auctoritate, verum illum fuisse Messiam adpromissum, evincitur. 53

VIII.

Messiam sacris Oraculis præmonstratum, non purum futurum Hominem, sed Hominem Deum cum hominibus conversantem ostenditur. 62

IX.

Judæorum sibi promissi Christi Divinitatem cum Arianis, cæterisque Infidelibus impiè pernegantium momenta refelluntur. 71

X.

De Christi virtutum, atque prodigiorum narratione à Pilato Judææ Præsidente ad Tiberium Cæsarem missa: deque ejusdem Apotheosi apud Romanum Senatum tentata differtur. 81

XI.

Christum de Virgine nasciturum Oracula Sacra testari; bocque adamussim in Jesu nostro fuisse expletum, quàm evidentissimè demonstratur. 92

XII.

Christum stante secundo Templo mortalibus oriturum, Prophetis Testimoniis, aliisque momentis evincitur. 100

XIII.

Christum intra septuaginta Hebdomades, ac florente adhuc Romanorum Imperio in lucem fore proditurum, Sacrorum Textuum auctoritate comprobatur. 108

XIV.

XIV.

*Cbristum, sublato Judæ sceptro, Judæis ac Gentibus fore ori-
turum, ex celeberrimo Jacobi morientis Vaticinio evin-
citur.* 117

XV.

*Prioris argumenti continuatio : Judæa Regnum circa Cbristi
Domini ortum penitus eversum asseritur, propugnatur.* 124

XVI.

*Cbristum non ex Levitica, sed ex Judaica Tribu originem
suam duxisse per Davidem, propugnatur.* 132

XVII.

*Quo pacto gemina Cbristi Genealogie à D. Matthæo, &
D. Luca descriptæ, quæ dissonæ planè videntur, concilia-
ri secum invicem possint, ostenditur.* 139

XVIII.

*Qua ratione Cbristi Domini Genealogie à Matthæo, & Lu-
ca exarata cum Veteris Testamenti Historia conciliari va-
leant, expenditur.* 148

XIX.

*Judeorum effugia de Virga tribulationis, ac de Promissis con-
ditionatis præcluduntur.* 157

XX.

*Sceptrum, seu Imperium, quod ante Messie tempora de Ju-
da non auferendum vaticinatur est Jacob, privata-ne Tri-
bus fuerit, an potius totius Judaicæ Gentis, expenditur.* 166

XXI.

*Quo distinctè tempore Judæ sceptrum exciderit, impletumque
fuerit Patriarchæ Jacobi Vaticinium declaratur.* 176

DISPUTATIO SECUNDA

Adversus Hæreticos.

PRÆLECTIO PRIMA.

Varia Hæreticorum de Christo systemata referuntur, ac
confutantur. 185

II.

Contra Eutychianos duæ in Christo naturæ propugnantur. 191

III.

Contra Nestorianos unica in Christo Persona defenditur. 198

IV.

Adversus Monothelitas duplex in Christo Voluntas asseritur,
aliaque de duplici Christi appetitu, humanaque corporis
forma expendantur. 204



DIS-

DISPUTATIO TERTIA

Adversus Angelicæ Scholæ Adversarios.

P R Æ L E C T I O P R I M A .

Seposita redimendi hominis, justæque satisfactionis exigentia voluntate, nulla fuit Incarnationis necessitas. 210

II.

Divine Justitiæ condignam satisfactionem pro importata per peccatum injuria a puro homine exhiberi minime potuisse; sed hoc ab homine Deo dumtaxat præstandum esse, assertitur, propugnatur. 216

III.

Christi Domini pro hominum noxiis Deo exhibitam satisfactionem non solum æquam, sed superabundantem, moralique æstimatione simpliciter infinitam fuisse, demonstratur. 222

IV.

Satisfit adversæ partis fundamentis. 227

V.

Christus Dominus secundum strictos juris apices pro noxiis hominum offenso Deo satisfacit. 233

VI.

Sola redimendi hominis causa Humanitatem a Divino Verbo fuisse assumptam statuitur. 238

VII.

Christum ætibus suis promereri Incarnationem, & Virginis Maternitatem minime potuisse, demonstratur. 244

DIVUS AUGUSTINUS

A CALUMNIA VINDICATUS

Adversus Jo: Launoji Traditionem.

E Pistola nuncupatoria.	253
Prefatio.	255
SS. D. N. Clementis Papæ XI. Damnatio, & prohibitio Libelli typis editi sub titulo : <i>Veritable Tradition de l'Eglise &c.</i>	257

C A P U T P R I M U M.

L <i>Aunojus jam inde a libelli prologo, suam in Augustino erroris infimulando audaciam nequicquam excusat, sed pinguioribus erroribus augeat.</i>	259
---	-----

II.

<i>Launojus in proferendo Augustiniana, quam oppugnat, doctrinae specimine ignorantia, calumnie, fallacie revincitur.</i>	266
---	-----

III.

<i>Prima Launojana narrationis calumnia depellitur. Quo cultu Augustini de gratia, & prædestinatione doctrina, ab Innocentio, Zozimo, & Episcopis Africanis, ut primum vulgari cœpit, excepta sit.</i>	282
--	-----

IV.

<i>Bonifacii I. Rom. Pont. magna de Augustino, ejusque doctrina opinio concepta, adversus Launoji hallucinationem defenditur.</i>	290
---	-----

V.

<i>Launoji, de commoto statim in Augustinum orbe catholico, somnium dissipatur.</i>	297
---	-----

VI.

<i>Motæ inter Monachos Adrumetinos de Augustini doctrina controversia, non modò ejusdem auctoritatem non imminuunt,</i>	313
---	-----

utī Launojo visum est, verūm etiam conciliant multō majorem. De Vitali Carthaginensi fabula refellitur. 302

VII.

Gallorum ac potissimē Massiliensium in Augustinum Censuræ, ab Launojo denud recusæ, bonori, & gloriæ cedunt sanctissimo gratiæ Vindici. 307

VIII.

Launojana fabella, de turbis in Africa, & Italia excitatis, Augustinianæ doctrinæ occasione, statim a Sancti Doctoris obitu, depellitur, confutatur. 319

IX.

Cælestini I. Rescriptum ad Gallos Episcopos, a Prospero, & Hilario ad Augustinianæ doctrinæ commendationem impetratum anno 432. a Launoji technis defenditur. 325

X.

Prosperi, & Hilarii religiosa sollicitudo, in promovenda Augustini doctrina, recenti Apostolicæ Sedis oraculo consecrata, a Launoji calumniis vindicatur. 333

XI.

Launoji, de Auctore Librorum de Vocatione gentium, aberrationes, calumniæ, diſteria refelluntur. Vincentii Lirinensis Commonitorium exsufflatur. 339

XII.

Afflicta Augustino, ejusque discipulis hæreseos Prædestinatiæ nota depellitur. 345

XIII.

Augustinianæ doctrinæ de Semipelagianismo triumphus, sæculis sexto, septimo, & octavo reportatus, & a Launojo pessima fide dissimulatus, distinctè narratur. 354

XIV.

Gottescalebi causa, dissidentibus invicem Gallie Præsulibus, agitata sæculo nono, Augustini nomen non modò non attērit, ut celebret potius. 372

XV.

Augustini doctrina, post judicatam Gottescalebi causam, summo in Ecclesia cultu excepta est, ad sæculum usque decimum quartum; Vvithklesso, aliisque Novatoribus opposita. 379

XVI.

XVI.

*Augustinus a Lutheri, & Calvinii erroribus remotissimus, summa
veneratione a Tridentina Synodi Patribus exceptus.* 389

XVII.

*Augustini doctrina a Leonardo Utinensi ex sacro surgebat tra-
dita, & ab Aquilejensi Patriarcha probata, Tridentinae
Synodi iudicio confirmatur. Facti narratio a Launojo cor-
rupta, ac depravata, ex legitimis documentis restituitur.* 394

XVIII.

*Augustini doctrina non modò nihil, ex Baji Jansenique dam-
natione detrimenti cepit, verùm etiam multò majorem in
Ecclesia auctoritatem obtinuit.* 403

XIX.

*Launoji, de violata ab Augustino priorum seculorum Tradi-
tione, criminatio ex dictis eliditur; eademque ab omni ve-
ri specie remotissima demonstratur.* 412

XX.

*Augustinianae doctrinae capita a Launojo erroris insimulata,
priorum seculorum Traditioni consentanea probantur. Pri-
mi alteriusque seculi Patres expenduntur.* 421

XXI.

*Tertii seculi Patres ad crism vocantur, & Augustiniano
dogmati asseruntur.* 430

XXII.

Quarti incuntis seculi Patres Augustino conciliantur. 441

XXIII.

*Quarti cadentis seculi Patres, & quinti incuntis, Augusti-
no suffragati ostenduntur.* 448

XXIV. Et ultimum.

*Familiares priscis Ecclesiae Patribus loquendi formulae, ab
Launojo frequentius objectae, cumulatius expenduntur, & cum
Augustini sententia conciliantur.* 465

*Decretum Illustriss. ac Reverendiss. D. Caroli Maurritij le
Tellier Archiepiscopi Remensis, adversus Launoji Traditio-
nem de Prædestinatione, & Gratia, e gallico in latinum
translatum.* 473

Epistola Joannis Launoji &c. 497

SCHOLIO.

SCHOLA THOMISTICA

V I N D I C A T A.

Epistola dedicatoria.

513

Præfatio.

515

CUM Opusculum hoc non per Capita, aut alias sectiones procedat, sed Tractatus Theologicus Gabrielis Danielis S. J. adversus Gratiam seipsa efficacem, continuata ejus libelli serie, censoriis Animadversionibus in eo confutetur; non est, cur hic illarum Elenchum reddamus, sed Lectorem ad Materialium, Rerumque Notabilium Indicem remittere satis erit.



MO.

MONITUM LECTORI.

HIC locus esset Indiculi Scriptorum, quorum Testimonia in hoc Volumine proferuntur, atque Editionum, quibus in eis conferendis usi fuimus : quod & in Volumine præcedente præstitimus, & in reliquis nos præstituros polliciti sumus, si tamen alii præterea laudandi Scriptores in eis occurrerint. Sed cum ii in hoc perpauci sint, satius esse duximus, ne inanem luderemus operam, Authorum, quos tam in hoc, quàm in sequentibus Voluminibz laudari continget, nomina, atque editiones in postremo dumtaxat exhibere, & in unum Indiculum conjicere. Quod te propterea, humanissime Lector, monitum voluimus, ne incuria aliqua illum hinc nos prætermisisse arbitrareris.





D E
DEO HOMINE FACTO
P R Æ L U D I U M.

*De Deo Homine facto adversus Judæos cæterosque Infideles;
Hæreticos; necnon alienos a Thomistica Schola Theologos
triplici Disputatione differendum proponitur.*



Mysterium absconditum a sæculis, quod unum scire gloriabatur Apostolus; Deum scilicet factum Hominem, ac pro Hominibus Cruci suffixum; impræsentiarum explicandum aggredimur. Potulat enim instituti operis ratio, & a Magistro Sententiarum, cujus nos interpretationem pro Officio nostro prosequimur, servata docendi methodus, ut post detecta in antecessum Humanæ Naturæ Originis vitio sauciata altissima vulnera, novo nunc aperto Lyceo demissum Cælo Medicum ostendamus: *Magnus quippe, ait Augustinus, de Cælo venit Medicus, quia magnus per totum Orbem Terræ jacebat agrotus: Serm. 115. de Verb. Apost.*

Præf. P. Serry Tom. II.

A

In

De Deo Homine factō.

In qua quidem obeunda provincia, si quod nobis est lumen Ingenii, quod scimus, quàm sit exiguum, id enitendum imprimis, quod superioribus annis, quo potuimus, studio exequuti sumus: ea nimirum seligenda nobis academicarum Exercitationum Argumenta, quæ sui Dignitate, ac Majestate nauscentes Auditores allicere, atque excitare utcumque valeant. In hoc enim Athenæo, ubi non, ut aliàs Christus ajebat, *messis multa*, *Operarii autem pauci*, sed contra potius, *Operarii multi*, *pauca admodum messis* [ut plerunque facilius possis Magistrum, quàm Discipulum invenire] cavendum maximè bonarum Artium Professoribus, quos Juventutis Institutioni VENETA MAJESTAS admovit, ne, si jejunas, aridasque Disputationes confectentur, surdis parietibus, nudisque subsellis oecentare sæpissimè compellantur. Hac arte præteritis annis incumbentia Sacris Musis fata delusimus; atque, sin minùs Scholæ frequentiam fecimus, solitudinis saltem dedecus, ac ignominiam declinavimus.

Hanc itaque sequuti methodum, quam & conciliandæ Audientiæ necessitas, & Divinæ, quam profitemur, Scientiæ retinenda Majestas nobis inspirant, universam de Divini Verbi Incarnatione Commentationem tribus Disputationibus complectemur. Prima erit contra Judæos, cæterosque quoscumque, qui Christo nostro obsequium negant, ejusque Divinitatem impugnant: Altera adversus nonnullos Hæreticos, qui tametsi Eundem, uti Deum, religiosè nobiscum colant, de Illius tamen Attributis, Prærogativis, ac Dotibus minùs rectè opinantur: Postrema demum adversus peregrinos a Thomistica Schola Theologos, Catholicos licèt, qui circa aliqua ad Christum pertinentia suis innixi Principiis contrarias Angelici Doctoris Sententiis Opiniones tuentur. De sequuto itaque jampridem, Sacris in Literis adpromisso, salutari Messis Adventu [quo non modò tota hæc de Deo Homine Pertractatio nititur, verum etiam universa, qua late patet, Christiana Religio] cum perfida Synagoga, cæterisque Christianæ Fidei Adversariis decertabimus primò; frustra que ab iis etiamnum expectari, ab his verò impie blasphemari, ostendemus: De duabus subinde in uno Christo Naturis, de Personæ unitate, de duplici Voluntate, de Carnis & Animæ veritate cum Eutichianis, Nestorianis, Monothelitis, Valentinianis, Agnoitis, aliisque hujus farinae Pestibus Controversias movebimus, eorumque Errores retegemus, consutabimus: Tum demum de condigna Satisfactione ab Homine puro frustra exhibenda, de æquivalente, quin & superabundante Christi Domini Satisfactione, de Causa & Motivo Incarnationis cum Angelicæ Scholæ Osoribus disputabimus, illorumque Placita refellemus. Primam, alteramque Disputationem Religioni debemus, ac Fidei;

ter-

tertiam domesticæ Scholæ studio, piæque in Præceptorem Angelicum voluntati. Infirmam siquidem, Viroque Theologo minus consonam advocationem commodare videremur Ecclesiæ, si quem a Deo verè missum, verumque Deum esse, adversus impia Infidelium præjudicia primò ostenderimus, Hunc suis Adjunctis, & Dotibus ab Hæreticis exui, vel minui sineremus : Officio quoque nostro deesse plurimùm putaremur, si Scholasticis de Christo potioribus Controversiis, quæ inter Doctores Catholicos [Subtilis præsertim, & Angelicæ Scholæ Discipulos] agitantur, penitus prætermisissis, Thomistarum Asserta in tuto ponere, ac pro viribus propugnare desineremus. In primos, alterosque liberius agere non verebimur; ut agere nimirum solet Hostis in Hostem : postremos autem ea lenitate defricabimus, quam veritatis duntaxat attingendæ studium, non jurgandi æstus inspirat. Quare Disputationem primam statim aggredimur, qua Judæorum potissimùm Errores, falsæque de promisso sibi Messia præjudicia detegentes, Illum frustra ab iis diu expectatum, expectandumve, advenisse jampridem ; Eumque verum esse Deum, eundemque Christum nostrum, quem nos veneramur, & colimus, invictissimis Argumentis demonstrabimus, evincemus.



4 DISPUTATIO PRIMA

*Adversus Judeos, ceterosque a Christiana
Religione alienos.*

PRÆLECTIO PRIMA.

Judeorum cecitas in intelligendis, explicandisque Veteris Testamenti de Christo Vaticiniis detegitur; Messiamque, qui noster est Christus, adventasse jampridem, octo potissimis Capisibus demonstrandum proponitur; & ex ipsamet Judaica pertinacia, atque perfidia invictissimum Argumentum depromitur.



SÆPE mecum tacitus cogitavi, quid demum causæ sit, quòd, cum tam multæ in dies prodeant de salutari Christi Adventu eruditæ Lucubrationes & vulgatæ typis, & e sacro Suggestu pronuntiatæ; tam pauci tamen Judæorum ad Christianam Fidem traducantur; ut jam cesserit in proverbium, facilius esse, Æthiopem dealbare, quàm Hebræum ab Errore divellere. Donec id venit in mentem; ortum id maximè ex anticipatis, vetustisque Opinioni-
bus, quas de promissis sibi Christi Dotibus, & Officiis animo ebiberunt; in quibus evellendis, resellendisque prima Virorum eruditorum desudare debet industria: quod ni fiat, omnis in cæteris quibusque probandis, demonstrandisque perit labor, luditur operâ.

Ecquid enim, si percontemur ab eis, qualem Sacris in Literis prænuntiatum sibi Christum existiment, qualem etiamnum hodie præstolentur? Sine cunctatione reponunt, quod a Majoribus acceperunt: Virum bellatorem, ac manu fortem, Gentium domitorem, qui obliteratam Mosaicam Legem restituat, Leviticum Sacerdotium instauret, Salomonis Templum, ac Hierosolymam a fundamentis erigat; ac demum Judaicum Genus toto Orbe dispersum, ac profugum, relictis spretisque Gentilibus, in unum cogat, fortunet, ac beet. Ea sibi promissi Christi criteria fingunt cæci Homines, his spebus crudas mentes alunt, atque interim hianti ore candidiores Soles expectant. Falsa autem ea cum sint, falsa quoque illorum de Christi Adventu judicia derivari necesse est. Hinc in-
gens

gens illa frangendæ Judaicæ perfidiæ difficultas, & auferendi velaminis labor propemodum infinitus. Cùm enim sinistram illam de Messia Dotibus, & Officiis opinionem ebiberint, illuc perpetuò vota vertunt: ac licet Ecclesiastici Tractatores magno Argumentorum apparatu perspicuum faciant, præfinita optati Adventus tempora successisse jampridem, fluxisse Danielis Hebdomades, ablatum Judæ Sceptrum; Illi ex aduerso omnes Ingenii nervos intendunt, ut eliquatissimis Oraculis nebulas offundant; quodd necdum talem Messiam viderint, qualem sibi stultè, inaniterque finxerunt.

Idem scilicet illis usu venit, quod olim Theophrasto Philosopho in rusticano Secessu degenti contigisse legimus: quem cùm Alexander Macedo de suo in ejus Casam adventu submissis Nunciis monuisset; nunquam tamen adduci potuit, ut stata die, ac dicta hora advenientem agnosceret, coleretque pro dignitate: quodd alium sibi finxisset Macedonem, proceritate scilicet Corporis magnum arbitratus; qui contra statura humili, sola rerum gestarum gloria ubique Magnus celebrabatur.

Quid plura? Non pauca Scripturarum Vaticinia, quæ mysticum in sensum sumenda veniunt, mortiferam secuti literam præposterè accipiunt; ut necdum Prophetias omnes impletas obtendant. Hinc cùm de beatis Christi temporibus ab Isaia scriptum legerint *Cap. 11. Habitarib Lupus cum Agno, & Pardus cum Hædo acubabit; Puer parvulus minabit eos; Leo quasi Bos comedet paleas* (quo Symbolo dissonas Gentes, moribus, ac patriis Legibus diversas sub unius Christi Domini Imperium cogendas vaticinatus est sacer Vates) ii continuò, quasi ridente Minerva, hujusce Oraculi corticem in Christianorum faciem illidunt, ut Jesu Nazareno Christi Dignitatem eripiant, quodd Illo in Terris agente nec Lupus habitaret cum Agno, nec Pardus cum Hædo accubuerit, nec ulla demum aureæ hujus ætatis ab Isaia descriptæ vestigia in hanc usque diem Mortalibus apparuerint. O cæcas mentes! Quidni ergo, si Superis placet, complanatum iri Terræ Sola, adventante Messia, fubulantur, ut & tunc Montes ipsi subdant, surgantque Valles? Nam & hoc ipsum, si literæ corticem æmulemur, vaticinatus est Isaïas *Cap. 40. Omnis vallis exaltabitur; omnis Mons & Collis humiliabitur; & erunt prava in directa, & aspera in vias planas.* Quidni quoque plaudentia manibus Flumina, Montes festo saltatu choreas agentes, adoriente Messia, comminiscuntur? Namque & hoc alterum, si nudis verbis hæreamus, futurum ominatus est Regius Vates *Psalmo 97. Flumina plaudent manu; simul Montes exultabunt a conspectu Domini.* Quæ sanè, præterquam sunt absurdissima, repugnant etiam inter sese; cùm & Montes exultare a conspectu Domini, quodd ait Regius Vates, impossibile sit; si nul-

li tunc, ut loquitur Isaïas, futuri sunt Montes, sed Solo æquandi.

Quid ergo nobis facto est opus, si quo felici exitu Judaicam perfidiam frangere volumus, & oppansum cœcis Mentibus velum educere? Evellenda illis ex Animo funesta illa, infausaque præjudicia: figenda promissi Messiaz Criteria: definiendæ Notæ, ad quarum normam certam veri Messiaz agnitionem exigamus: revelandus Prophetarum Oraculorum sensus, ne omni interpretationum vento circumferantur. Ita fiet, ut longè alium Liberatorem Mundo promissum Judæi videant, quàm sibi ex præconcepis Opinionibus fixerint; & in unum, quem nolunt, Jesum Nazarenum Vaticinia collineare fateantur. Quocirca octo ista Doctrinæ Capita totidem Prælectionibus ostendere, firmisque Momentis evincere aggredimur, antequam expleta salutaris Adventus tempora demonstremus.

Primum: Christum sacris Prophetarum Oraculis prænunciatum non Judæos modò (quæ cœca illorum gloriatio est) verùm etiam Gentiles, atque istos maximè, vocaturum fuisse, & Idololatriam toto Orbe deleturum.

Secundum: Christum Divinis promissis Oraculis novum Sacerdotii genus institutum fuisse, Levitico consummato, atque sublato. Qua parte delusos maximè, Judæos nemo nescit.

Tertium: Christum a Moyse Synagogæ prædictum Legem novam consummata veteri, fœdus novum impleto veteri sanciturum: Ritusque Mosaicos, inductis aliis, ablegaturum. Quo Capite Judæorum Animi potissimùm obduruerunt, Mosaicæ Legis perennitatem arbitrati.

Quartum: Christum veteris Testamenti figuris ac typis adumbratum a Deo, non Salomonicum Templum, ut putant; non Hierosolymam instauraturum; ut illic veteri ritu Judæi Sacrificia offerant, & in terra Patrum suorum secundùm carnem feliciter, beatèque vivant; sed Templum Spiritale toto Orbe diffusum, Ecclesiam dico, ubi spiritu, & veritate colitur Deus.

Quintum: Christum fatidicis Codicibus expressum, non Virum bellatorem, Copiarumque ductorem futurum, ut ajunt; qui miseram Gentem armata manu, ac stricto gladio vindicet; sed Virum humilem, atque pacificum; sacra duntaxat in Vicia, non in Homines, bella gesturum; nec nisi arma mystica tractaturum.

Sextum: Christum sacris Vaticiniis prænunciatum, Hominem non prorsus immortalem fore, quod ajunt; sed morti, & quidem turpissimè a Perfidis addicendum; ut Hominum noxas expiaret Sanguine suo.

Septimum: Christum Vatum penicillo delineatum, ac tanquam
ad

ad vivum expressum, non purum, ac merum Hominem fore; sed Hominem Deum cum Hominibus conversantem.

Octavum : Christum Deum, & Hominem a sacris Vatribus dictum, non communi satu, cæterorum Hominum sorte proditurum in lucem; sed partu Virgineo, qui Deum factum Hominem deceat.

In quibus omnibus probandis, demonstrandisque, ne qua fortè nubecula Judæorum Mentibus hæreat; neve secum pugnare sacri Codices videantur, illud simul aperiemus; quo pacto, quave ratione Christus Mortalibus oriturus alio & alio sensu pacificus, & bellator a Divinis Vatribus dictus sit; Servus & Dominus; reiectus & approbatus; contemptus & honore habitus; ignotus & cognitus; pauper ac dives; æternus & morte damnandus.

Hæc ubi semel in aperto fuerint, semotis jam præjudiciis, reductoque velo, promissum sibi Christum, velut ex facie, Judæi noscent. Atque dum illis subinde impleta salutaris Adventus tempora, revolutas annorum periodos, expletas Danielis Hebdomadas, ablatum Judææ Sceptrum, ereptam Prophetiam, Templum eversum, Sacerdotium antiquatum demonstrabimus; quæ omnia nascituri Christi Epocham figunt, totque prænunciatas a sacris Vatribus Notas in uno Jesu nostro consentientes referemus; Christum ex facie jam notum Judæi, si rectè sapiunt, amplectentur: sin minus, quid nisi cæcam obstinationem inculabimus? Hoc igitur nobis Consilium; hæc institutæ de Christi Adventu Disputationis, quæ primum hic locum obtinet, idea, atque conceptus.

Id unum in votis est, ut qui e Judæorum Grege bonarum Artium studiis delectantur, quales in Italia plurimos novi, hujusce Argumenti tractatione nequaquam absterreantur, sed invitentur multò magis. Ego quidem pro ea, quæ Christianis inesse debet, humanitate tela ipsa, quæ feram, melle subliniam; pietate non minus, quàm doctrinâ pugnabo; ut vel ex ipsa tuendæ Christianæ Causæ ratione Judæi faciliè colligant, penes illos veram stare Religionem, qui ita modestè norant de Religione disputare.

Nos verò, quotquot Christiana professione ac nomine sumus, [*Genus electum, Gens sancta, Filii promissionis*] hanc ipsam Judæorum in Christo negando pertinaciam, ac cæcitatem lucro vertamus. Hæc nobis, hæc primariæ Demonstrationis loco sit, qua Christi jamdudum nobis oborti veritatem adstruamus, cæteris omnibus Demonstrationibus anteponenda. Et verò, [ut hoc saltem velitari Argumento in præsentia proludam] cùm hanc ipsam Judæorum obstinationem, & cæcam in Christo negando pertinaciam præcinerint sacri Vates; tum maximè Jesum a Nazareth Christum verum esse Judæi probant, dum pertinaciter negant; ipsasque Prophetias implent, dum impletas inficiantur.

Quid

Quid enim sacris in Literis luculentius expressum, quam futuræ Judæorum in Christum perfidia, obstinatio, pertinacia, ob quam a Deo rejici, ac reprobari meruerunt? *Isaïæ Cap. 1. Filios enutrivit, & exaltavit: ipsi autem spreverunt me: cognovit Bos possessorem suum, & Asinus præsepe Domini sui; Israel autem me non cognovit, & Populus meus non intellexit. Vae Genti peccatrici, Populo gravi iniquitate, semini nequam, Filiis sceleratis; dereliquerunt Dominum, blasphemaverunt Sanctum Israel, abalienati sunt retrorsum. Osee Cap. 9. Abjiciet eos Deus meus, quia non audierunt eum: & erunt vagi in nationibus. Jeremiæ Cap. 5. Audi Popule stulte, qui non habes cor: qui habentes oculos non videris; & aures, & non auditis. Et post pauca v. 25. Populo autem huic factum est cor incredulum, & exasperans; recesserunt & abierunt. Tum Cap. 8. Apprehenderunt mendacium, & noluerunt reverti: Attendendi & auscultavi, nemo quod bonum est loquitur Milvus in Cælo cognovit tempus suum; Turtur & Hirundo & Ciconia custodierunt tempus adventus sui; Populus autem meus non cognovit judicium Domini.*

Quid disertius Divinis Oraculis prænunciatum, quam Christum in salutem quidem Israelis mittendum a Deo; eidem tamen, suâ ipsius culpâ, in ruinam cessurum & scandalum? *Isaïæ Cap. 8.: Erit vobis in sanctificationem: in lapidem autem offensionis, & in petram scandali duabus domibus Israel: in laqueum, & ruinam habitantibus Jerusalem. Et offendent ex eis plurimi & cadent: & conterentur, & irruentur, & capientur.*

Quid frequentius inculcatum, quam Judæorum in sacris Literis intelligendis, exponendisque improba cæcitas, Mentisque stupor & cordis? *Isaïæ Cap. 29. Miscuit vobis Dominus spiritum soporis: claudet oculos vestros: Propbetas & Principes vestros, qui vident visiones, operiet. Et eris vobis visio omnium, sicut verba libri signati, quem cum dederint Scienti literas, dicent: lege istum: & respondebit: Non possum, signatus est enim. Et dabitur liber Nescienti literas, diceturque ei: Lege: & respondebit: Nescio literas Ideo ecce ego addam, ut admirationem faciam Populo huic miraculo grandi & stupendo: peribit enim sapientia a Sapientibus ejus, & intellectus Prudentum ejus abscondetur: Isaïæ Cap. 6. Vade, & dices Populo huic: audite audientes, & nolite intelligere: videte visionem, & nolite cognoscere. Excæca cor Populi bujus, & aures ejus aggrava, & oculos ejus claudet; ne forte videat oculis suis, & auribus suis audiat, & corde suo intelligat, & convertatur, & sanem eum. Jeremiæ Cap. 8.: Quomodo dicis, sapientes nos sumus, & Lex Domini nobiscum est? Verè mendacium operatus est stilus mendax Scribarum. Confusi sunt Sa-*
pientes

pientes, perterriti & capti sunt : verbum enim Domini proiecerunt, & sapientia nulla est in eis. Ezechielis Cap. 12. : Fili hominis in medio domus exasperantis tu habitas ; qui oculos habent ad videndum, & non vident ; & aures ad audiendum, & non audiunt : quia Domus exasperans est. Et alia id genus pene sexcenta, quæ commemorare longum esset.

Illum ergo, colligo ego, Christum verum esse fatendum est, quem Judæi pertinaciter diffitentur ; cùm & id a sacris Vatribus fuerit prænuntiatum futurum, ut venienti Christo pertinaciter repugnarent. Fatendum, verum illum esse Liberatorem a Deo missum, in quo scandalum passi sunt cæci homines ; cùm & id prædixit Isaias fore, ut in eum, tanquam in offensionis petram, impingerent. Fatendum, præposterarum esse, ac spurias, quas e sacris Literis erueri sibi videntur, promissi Christi Domini Notas, & Characteres ; cùm & id Prophetæ veteres præmonuerint fore, ut in Scripturarum intelligentia cœcutirent. Fatendum, uno verbo dixerim, nunc maximè Prophetias impletas esse, dum negant : quandoquidem hæc ipsa illorum negatio Prophetis Oraculis prænuntiata est.

Atque hic certè Divinorum Iudiciorum altitudinem demirari licet ; dum Gentem integram, nusquam licet imperitantem, ubique tamen incolam, Christiano nomini præ cæteris inimicam, conspicimus servandis illis ipsis, quos minùs intelligit, veteris Testamenti Codicibus excubantem ; signatosque sibi Libros, nobis apertos, ac referatos, toto Orbe circumferentem, ut inimicos nostros, quemadmodum loquitur Augustinus, Librorum nostrorum custodes, ac bajulos habeamus, qui & Fidei nostræ, & Perfidie suæ chirographum gestent. Ita providente supremo Numine, ne ulla de nobis oriri suspicio possit, num fortè sacros illos Libros, quibus prænuntiatus est Christus noster, supposuerimus : quod de nobis suspicari Gentiles faciliè possent, nisi Judæos, præ cæteris nobis infensos, fideiussores haberemus. Augustini observatio est, *Enarratione 1. in Psal. 58. : Per omnes Gentes, inquit, dispersi sunt Judæi, testes iniquitatis suæ, & veritatis nostræ. Ipsi Codices habent, in quibus prophetatus est Christus, & nos tenemus Christum. Et si quando fortè aliquis Paganus dubitaverit, cum ei dixerimus Prophetias de Christo, quarum evidentiam obstupescit, & admirans putaverit a nobis esse conscriptas ; de Codicibus Judæorum probamus, quia hoc totum prædictum est. Videte quemadmodum de inimicis nostris alios confundimus inimicos. Quod ut feliciùs cederet, Judaicam Gentem, Romanorum licet armis devictam, subjugatamque, deleiri tamen omnino noluit Deus, sed servari ; constanterque Legis suæ signum in omne ævum tenacissimè custodire : ut objecta semper*

oculis nostris reprobatae Nationis imagine, summam Dei in nos, quos sibi in Gentem elegit, Misericordiam agnosceremus. Quod pie perinde, ac eruditè dixerat paulò ante sanctissimus Doctor, ita Christum Dominum Romanos Judæorum domitores alloquentem inducens : *Istos inimicos meos, ipsosque, qui me occiderunt, noli occidere. Maneat Gens Judæorum. Certè victa est a Romanis, certè deleta est Civitas eorum : non admittuntur ad Civitatem suam Judæi, & tamen Judæi sunt. Nam omnes ista Provincia a Romanis sunt subjugata; Judæi tamen manent cum signo suo : nec sic victi sunt, ut a Victoribus absorberentur. Non sine causa Judæus Cain ille est, qui cùm fratrem suum occidisset, posuit in eo Deus signum, ne quis eum occideret. Hoc est signum, quod habent Judæi : tenent omnino reliquias Legis suæ, circumcidentur, Sabbatha observant, Pascha immolant, (*) azima comedunt. Sunt ergo Judæi, non sunt occisi, necessarii sunt credentibus Gentibus. Quare hoc? Ut demonstraret nobis Deus in inimicis nostris Misericordiam suam. In ramis superbiæ præcis, inserto Misericordiam suam demonstravit oleastro. Ecce ubi jacent, qui superbi erant : ecce ubi infertus es, qui tunc jacebas. Et tu noli superbire, ne præcidi merearis.*

At sentio, me plus justò hære in limine. Quod igitur hætenus delineavi, aggrediendum est opus : resque ipsa tota distinctè, ac per partes faciunda. Quare proxima Prælectione primam Notam, ad quam promissi Messiae agnitionem exigere Judæi solent, distinctè refellemus, oppositamque statuemus; qua non modò Judæos, verùm etiam exteras Gentes Messiae ministerio vocatum iri demonstrabimus.



PRÆ-

(*) Stant adhuc Templo Pascha immolabant; non sic tamen everso Templo.

PRÆLECTIO II.

*Ex Gentium Vocatione, & Idololatriæ Abolitione Christum
jampridem venisse, luculenter ostenditur.*



NOTA est illa Judæorum, cùm recentium, tùm veterum, aberratio, unde prima fluxit cœcitas, ac perfidiæ labes; Christum Prophetarum Vaticiniis prænunciatum Judæos duntaxat, quibus singulariter promissus est, vocaturum, liberaturum, beaturum; reliquas vero Gentes, tanquam electi Populi inimicas, despecturum, & cœcis Idololatriæ tenebris demersas sacro furore deleturum. Hoc sibi primum venturi Christi criterium fabricati sunt miseri Homines; hanc primam promissi Liberantis Notam posuere; ad cujus normam ejusdem agnitionem pertinaciter exigunt. Eoque jactato Fundamento, Jesum nostrum eo maximè titulo Christum esse diffidentur, nec nisi Impostorem, ac Seducatorem fuisse putant, quodd Gentiles, non secùs ac Judæos, vocandos sibi sumserit; Ecclesiamque promiscua Judæorum, atque Gentilium societate inflatam instituerit.

Hoc primum Judaicæ perfidiæ Caput oppugnandum aggredimur; eoque maximè titulo Jesum nostrum verum esse Messiam, seu Christum ostendemus, unde illi pertinaciter negant. Quo circa adversis omnino vestigiis incessuri duo hæc præsentī Prælectione demonstranda sumimus: Primum, Christum sacris Oraculis prænuntiatum non Judæos tantum, verum etiam Gentiles, atque istos maximè fuisse advocaturum: Alterum, quod præcedentis Confectarium erit, Jesum Mariæ Filium primas illas veri Messiae partes feliciter implevisse, nec alium idcirco expectari meritò posse.

Et certè, quod ad primum Caput attinet, tam crebris, tamque dilucidis sacrarum Scripturarum Oraculis Gentium vocatio prænuntiata est, tanquam primarius venturi Christi Character, Notaque potissima, ut mirari omnino subeat, Judæos eo in Capite cecutivisse. Enim verò promissi Messiae Imperium non uno privato Judææ tractu concludunt sacri Vates, non uno Cananæ sinu definiunt; sed toto, qua latè patet, Orbe diffundendum contestantur: eumque non modò Hierosolymis, totaque Judæa, verum etiam in Gentilibus regnaturum disertissimè profitentur. Id porro qua ratione verum esset, si soli Judæi, spreto, contentis, ac reprobatis Gentibus, in Christi Fidem, & Clientelam vocandi erant? Scripturarum elenchum, & indicem texendum aggrediar, si cuncta

B ij ad

ad id evincendum opportuna Oracula referre velim : pauca seligam, unde cætera nosse liceat.

Genesis Cap. 12. : ubi Christus ex semine Abrahamæ nasciturus prænuntiatur. *In te*, inquit Deus, *benedicentur universæ Cognationes terræ*. Tum subinde *Cap. 22.* : *Benedicentur in semine tuo omnes Gentes terræ*. Ac demum *Cap. 49* ; ubi mittendus Messias promittitur de Tribu Juda : *Non auferetur Sceptrum de Juda, & Dux de semore ejus, donec veniat, qui mittendus est; & ipse erit expectatio Gentium*. Ut hinc videamus, prima Dei Oracula, quibus prænuntiatus est Christus, non Judæorum duntaxat, sed universarum Cognationum, atque Gentium benedictionem, liberationemque promississe.

Sed & longè disertius Propheta Regius *Psalmo 2.* : *Postula a me, & dabo tibi Gentes hæreditatem tuam, & possessionem tuam terminos Terræ*. *Psal. 17.* *Eripies me de contradictionibus Populi, constitues me in caput Gentium*. *Psal. 21.* *Reminiscantur & convertentur ad Dominum universi fines Terræ; & adorabunt in conspectu ejus universæ familia Gentium; quoniam Domini est regnum, & ipse dominabitur Gentium*. *Psal. 71* ; ubi venturi Messiae Imperium describitur : *Et dominabitur a mari usque ad mare, & a flumine usque ad terminos Orbis Terrarum Et benedicentur in ipso omnes Tribus Terræ, omnes Gentes magnificabunt eum*. *Psal. 85.* : *Omnes Gentes quascumque fecisti, venient, & adorabunt coram te Domine, & glorificabunt nomen tuum*.

Regio Vati mirè concinit *Isaias*, venturi Messiae officium describens *Cap. 49.* : *Parum est, ut sis mihi servus ad suscitandas Tribus Jacob, & sæces Israel convertendas : ecce dedi te in lucem Gentium, ut sis salus mea usque ad extremum Terræ*. Et *Cap. 55.* : *Ecce testem Populis dedi eum, Ducem, ac Præceptorem Gentibus*. Quasi venturi Messiae ministerii pars maxima in Gentilium conversione, institutione, atque salute procuranda posita esset.

Faceat ergo vana illa Judæorum gloriatio, qua promissi Messiae Imperium, Religionem, ac Fidem in uno Judææ tractu concludunt ; Gentilesque procul a Dei cognitione, atque benedictione perpetuo fore ambitiosius hariolantur. Imò verò hanc præ cæteris adorantis Messiae Notam designavit *Isaias*, quòd ejus ætate exterræ Gentes in domum Dei Jacob venturæ essent, legemque de Sion exeuntem fideliter amplexuræ : *Et eris*, inquit ille *Cap. 2.*, *in novissimis diebus præparatus mons domus Domini in vertice montium, & elevabitur super colles : & fluent ad eum omnes Gentes. Et ibunt Populi multi, & dicent : venite : ascendamus ad montem Domini, & ad domum Dei Jacob; & docebit nos vias suas; & ambulabimus in semitis ejus : quia de Sion exiit Lex, & verbum*

Dj-

Domini de Jerusalem. Cui & suffragatur Zacharias Cap. 2. : Et applicabuntur Gentes multæ ad Dominum in die illa, & erunt mihi in Populum.

Quid plurâ? Minus sacris Vatribus visum est, venturi Messia: Imperium, Religionem, ac Fidem ad omnes Terræ tractus, atque ad ipsos quoque Gentiles protendisse. Ne quis fortè hac in re falleretur, neve totum id de Judæis per varias Mundi Nationes ac Gentes dispersis dictum acciperet, quos Christus collecturus esset, atque ad se vocaturus; non de Gentilibus ipsis, Idololatriis, ignotisque Deo Populis, Deumque nescientibus ab eodem vocandis, atque ad veri Dei cultum traducendis; illos ipsos a Deo vero alienos Populos perinde vocandos, convertendosque prænuntiarunt Sacri Vates: Oleez Cap. 2. : *Dicam non Populo meo Populus meus es tu : & ipse dicit, Deus meus es tu : Isaiæ Cap. 55. : Ecce Gentem, quam nesciebas, vocabis; & Gentes, quæ te non cognoverunt, ad te current, propter Dominum Deum tuum, & Sanctum Israel, quia glorificabis te: Cap. 18. : In tempore illo deferetur munus Domino exercituum a Populo divulso, & dilacerato : a Populo terribili, post quem non fuit alius; a Gente expectante, expectante, & conculecata. Cap. 65. Quæsierunt me, qui ante non interrogabant; invenerunt, qui non quæsierunt me. Dixi, ecce ego, ecce ego ad Gentem, quæ non invocabat nomen meum : Cap. 31. : In die enim illa abiicies vir idola argenti sui, & idola auri sui, quæ fecerunt vobis manus vestræ : Cap. 17. In die illa inclinabitur homo ad Factorem suum : & oculi ejus ad sanctum Israel respiciens : & non inclinabitur ad altaria, quæ fecerunt manus ejus : & quæ operati sunt digiti ejus non respiciet, lucos & delubra. Quibus paria leguntur Cap. 2. v. 17. 18. 19. 20.; & Psalmo 17. v. 45.*

Quin etiam, quod notandum magis, eas quoque speciatim Gentilium Nationes ad veri Dei cultum convertendas significarunt, quæ densioribus ignorantia: & idololatriæ tenebris involvebantur; quæque Judaicum Populum odio præ cæteris implacabili prosequerantur : ut fatuam illam gloriationem, atque iactantiam Judæi deponant, qua cæteros veluti canes, & a vero Deo segreges despiciantur. Equæ enim Gens Idololatriæ tenebris immerita magis, quæ Natio Judæis magis infensa, quam Ægyptiorum? Et hanc tamen, depulsa Idololatria, verum Deum agnituram, & adoraturam vaticinatus est Isaias Cap. 19. : *In die illa erit altare Domini in medio Terræ Ægypti, & titulus Domini juxta terminum ejus erit in signum, & in testimonium Domino exercituum in Terra Ægypti. Clamabunt enim ad Dominum a facie tribulantis, & mistet eis Salvatorem, & propugnatorem, qui liberet eos. Et cognoscetur Dominus ab Ægypto, & cognoscent Ægyptii Dominum in die illa, &*

colent eum in hostiis, & in muneribus : & vota vovebunt Domino, & solvent. Vaticinatus perinde est Ezechiel Cap. 30. : Hæc dicit Dominus Deus ; disperdam simulacra, & cessare faciam idola de Memphis : & Dux de Terra Ægypti non erit amplius, & dabo terrorem in Terra Ægypti. Non absimiliter Zacharias Cap. 13. : Et eris in die illa, dicit Dominus exercituum : disperdam nomina idolorum de Terra (Ægypti,) & non memorabuntur ultra : et Pseudopphetas, et Spiritum immundum auferam de Terra. Quæ Gens idololatriæ tenebris immerfa magis, aut quæ Judæis magis infesta, quàm Assyrii ? Et hos tamen verum Deum, depulsa idololatria, adoraturus prænuntiavit Isaias idem Cap. 27. : Et eris : in die illa clangetur in tuba magna, et venient, qui perdit fuerant de Terra Assyriorum, & qui ejecsi erant de Terra Ægypti : et adorabunt Dominum in monte sancto in Jerusalem. Quæ Gens idololatriæ tenebris immerfa magis, aut quæ Judæis magis infesta, quàm Babylonii, Æthiopes, Tyrii, Sabbæi, Madianitæ, Ephæi, alique id genus ? Et hos tamen ad veri Dei cultum accessuros Sacri Codices attestantur : Psal. 86. : Memor ero Rabab, et Babylonis, scientium me : ecce alienigena, et Tyrus, et Populus Æthiopum, bi fuerunt illic : Nimirum in Sion Civitate Sancta, de qua illic sermo venit : Psalm. 71. Coram illo, Christo scilicet venturo, procident Æthiopes, et inimici ejus terram lingent. Reges Tharsis, et Insula munera offerent, Reges Arabum, et Saba dona adducent ; et adorabunt eum omnes Reges Terræ, omnes Gentes servient ei. Isaiæ cap. 60. : Et ambulabunt Gentes in lumine tuo, et Reges in splendore ortus tui. Leva in circuitu oculos tuos, et vide ; omnes isti congregati sunt, venerunt tibi : filii tui de longe venient, et filia tuæ de latere surgent. Tunc videbis, et afflues : mirabitur, et dilatabitur cor tuum, quando conversa fuerit ad te multitudo maris, fortitudo Gentium venerit tibi. Inundatio Camelorum operiet te, Dromedarii Madian, et Ephaz omnes de Saba venient, aurum, et thur deferentes, et laudem Domino annuntiantes. Quæ Gens tandem Judaico Populo magis infesta, quàm quæ Hierosolymam devastavit ? Et hanc tamen verum Deum adoraturam vaticinatus est Zacharias Cap. 14. : Et omnes, qui reliqui fuerunt de universis Gentibus, quæ venerunt contra Jerusalem, ascendent ab anno in annum, ut adorent Regem Dominum exercituum.

Alia id genus pene sexcenta missa facio Scripturarum Oracula, quibus Gentium vocatio, atque ad veri Dei cultum religiosa conversio, uti primarius venturi Messie Character denuntiatur. Legat, qui volet, integrum Isaiam, maximè verò Capite 42. ad 66. : Jeremiam Capitis 3. 4. 16 et 31. : Oleam Capitis 1. & 2. :

]ue-

Joelam Cap. 2. : Amos Cap. 9. : Michæam Cap. 4. : Sophoniam Capisibus 2. & 3. : Aggæum Cap. 2. : Zachariam Capisibus 2.8.9. 13. & 14. : Malachiam Cap. 1.

Jam verò, ut ad alterum positæ Assertionis Caput accedam, Jesum nostrum primas illas promissi Messias partes feliciter implevisse, Gentisque idololatrias ad veri Dei cultum partim se ipso, partim Discipulorum ministerio revocasse, adeo notum est, ut negari a nemine possit. Ex quo enim generale Mandatum Apostolis a Christo Domino datum est Matthæi Cap. 28. : *Euntes docete omnes Gentes* : Marci Cap. 16. : *Euntes in Mundum universum predicate Evangelium omni Creaturæ* ; jam tunc destinatione, atque Mandato abolita est Idololatria, peracta Conversio Gentium : cum contra, stante Mosaica Lege, utpote quæ non erat universis Gentibus prædicanda, ne Mandato quidem, atque destinatione Gentium Conversio peragenda esset, aut abolenda illarum Idololatria. Progressu verò temporis ita promotum est sacrum opus, ut vix ulla jam toto Orbe Natio sit, Gens ulla, quæ saltem uni vero Deo non serviat. Omnes, tametsi Sacris, ac Ritibus dissidentes, Deo vivo, ac vero, fugata Idololatria, thus adolent. Ac si quis fortè est Orbis angulus, ubi etiamnum Idola colantur, is, novis in dies missis Evangelii Præconibus, eruditur, paulatim vocatur ad Fidem, & a prophanis suis Ritibus ad puram, castamque Fidei professionem, repetitis decretis Pontificiis, avocantur. Sic ut ea vocandarum Gentium, & eliminandæ Idololatriæ Prophetia, quæ prima Christi venturi Nota data fuerat, & impleta jamdudum sit, & in dies cumulatiùs impleatur, donec in sæculi fine ex integro perficiatur, & consummetur, Juxta Apostoli Dictum 1. Corinth. Cap. 15. : *Cum autem subjecta fuerint illi omnia, tunc & ipse Filius subjectus erit ei, qui subjecit sibi omnia, ut sit Deus omnia in omnibus.*

Nunc quid ad hæc Judæi? Nonnulli Generis sui gloria tumidi, quique Gentiles, non tecus ac canes miseros, despiciantur, frigidè respondent, Promissiones de Christo venturo Judæis solis factas esse, non Gentibus. Sit ita porro, ut volunt; non id obest, quominus Christus ille solis Judæis promissus Gentibus etiam Salutem esset allaturus : id quippe laudata jam Oracula distinctè significant. Abrahæ, E. G., promissus est Christus : at qui non solos Abrahæ Posteris liberaret, sed universas Terræ Gentes, & Cognationes; ut Loca Geneleos a me laudata disertè testantur. Judæ promissus est Christus ex ejus sèmone nasciturus : at non Judæis solis profuturus, sed Gentibus, a quibus etiam expectabatur; ut indigitatus a me Locus ostendit. Atque ita de reliquis Promissionibus. Solis ergo Judæis promissus est Christus, quia apud eos solos & Moyse, & Prophetæ versabantur; iisque solis Eloquia sua crediderat Deus :

at

at non pro solis Judæis promissus est, sed pro his omnibus, qui invocant nomen ejus: *An Judæorum Deus tantum? Nonne & Gentium? Imò & Gentium; Rom. Cap. 3.*

Ququam & id inficiari omnino possumus, solis Judæis promissum fuisse Christum; tametsi specialiori sanè modo fuerit illis prænuntiatus. Annon enim inter Moabitas venturum Christum prænuntiavit Balaamus, Deo ita volente, ut inter barbaras etiam Gentes Christus utcumque agnosci posset? Prophetiam refert Moyses ipse *Num. Cap. 24. : Orietur stella ex Jacob, & consurget virga de Israel, & percutiet duces Moab, vastabitque omnes filios Seseb.* Quo Oraculo excitatos Magos observant Ecclesiæ Patres ad Christum natum requirendum. Annon inter Idumæos venturum Liberatorum vaticinatus est Job, cujus liber a Judæis, ut sacer, agnosciatur? Non inter Ninivitas Prophetæ munus auspicatus est Jonas? Non uni ergo Judaico Populo, verum etiam Gentili a sacris Vatribus promissus est Christus. Primas itaque sibi arrogent Judæi, quantum libuerit (*Rom. cap. 3.*) quod credita illis fuerint *Eloquia Dei*: quod prima, nobilioraque venturi Messie Vaticinia exceperint; per me licet: *Non fecit (Deus) taliter omni Nationi, & judicia sua non manifestavit eis, Psal. 147. : At primas alio ex Capite, potiorque jure sibi Gentiles arrogabunt; quod priores venienti Christo sint obsecuti, ipsisque Judæis prælati fuerint, Deo ita futurum prænuntiante ad Judæorum superbiam retundendam, Deuter. Cap. 28. : Advena, qui tecum versatur in terra, ascendet super te, erisque sublimior: tu autem descendes, & eris inferior: ipse sænerabit tibi, & tu non sænerabis ei: ipse erit in caput, & tu eris in caudam: Et Ezechielis Cap. 17. : Ego Dominus humiliavi lignum sublime, & exaltavi lignum humile, & siccavi lignum viride, & frondere feci lignum aridum: Quod de Judæis, ac Gentilibus dictum nemo nescit.*

Illud enimvero prima Dei destinatione fuerat constitutum, ut Judæis primùm Salutis via panderetur. Hinc Christus Dominus Matthæi *cap. 15.* mulierem Chananæam de finibus Tyri egressam repulit, ut indignam; non esse bonum, inquit, sumere panem filiorum, & mittere canibus: seque missum duntaxat professus est ad oves, quæ perierunt domus Israel. Ac tum Apostolos Fidei factores mittens Matth. *Cap. 10. : In viam Gentium, inquit, ne abieritis, & in civitates Samaritanorum ne intraveritis.* Verum Judæis Evangelium Salutis repellentibus, in eorum sortem Gentiles ingressi sunt. Quod in *Actibus Apostolicis* disortè significarunt Paulus, & Barnabas *Cap. 13. : Vobis oportebat primùm loqui verbum Dei; sed quoniam repellitis illud, & indignos vos judicatis æternæ vitæ, ecce convertimur ad Gentes.*

Re-

Reponunt alii Hebraicæ Legis Doctores, quos de more Rabbinos dicunt, frustra jactitare Christianos, Gentes ad veri Dei cultum conversas esse, Jesu Nazareno adoriente, ejusque Discipulis prædicantibus; cum inter Christianos, ex Gentilibus majori ex parte coalescentes, tot Hæreses, tot Sectæ, tot Schismata reperiantur, a quibus nos ipsi, qui Catholici dicimur, abhorremus. Non ergo, inquit, veri Dei cultus toto Orbe diffusus est: quandoquidem nec una toto Orbe Christiana Religio viger.

Mirari profectò subit, Judæos eo nos telo petere, quod non hebetare modò, sed & in illos regerere faciliè fuerit. Imprimis enim, in quacumque tandem Christianorum Secta, quocumque in Schismate unus verus, depulsa Idololatriâ, colitur Deus: quod adoriente Christo futurum Prophetæ prænuntiarunt. Stat ergo vel ex hoc solo Capite, quod hæcenus Argumentum profecuti sumus. Dicant tamen amabo, (quandoquidem de Christianæ Religionis veritate cavillantur) nunquid non vera inter Judæos Religio fuit olim? Non id profectò Judæi negabunt; qui veram etiamnum Religionem apud Suos extare contendunt. At nonne, quo tempore apud Judæos Religio florebat maximè, Sectis, & Schismatibus scindebantur? Numerabantur enim Samaritani, Saducæi, Pharisei, Hemerobaptistæ, Herodiani, aliique non pauci Doctrina, & Ritibus inter sese non minùs dissidentes, quàm inter Christianos Ariani, Manichæi, Nestoriani, Eutyriani, Pelagiani, Calvinistæ, Lutherani. Quorsum verò tot inter Sectas vera nihilominus stabat Judæorum Religio? Causas assignant Hebræi numero plures, nobis perinde ad solvendum nodum istum accommodas. Primam, quia, inquit, omnes & Samaritani, & Saducæi, & Herodiani, & Pharisei verum, & unicum Deum adorabant. Bene est: at adoramus & nos unicum, quotquot Christiani nominamur, tametsi Sectis, & Hæresibus discindamur. Secundam afferunt rationem, quia omnes Moysen, uti Legislatorem, agnoscebant, ejusque Libros amplectebantur; tametsi a Nonnullis falsis Interpretationibus inquinatos. Et id bene: At agnoscimus & Nos omnes Jesum, ut Christum Cælo demissum; ejusque Evangelium, tametsi a Nonnullis sinistra interpretatione vitiatum, excipimus. Tertiam rationem addunt, quia Religionis Judaicæ orthodoxia, & puritas in primo stipite, unde cæteri omnes spurii palmites pullularunt, innoxia stabat, nihilque primæ originis Sanctitati officiebant cœnosi rivuli derivati. Hoc & nos usurpamus: Christianæ Religionis orthodoxia, & puritas nobis Catholicis Romanis, uti primo stipiti, unde tot illæ Sectæ derivatæ sunt, integra hæret: nec quidquam Christiani nominis Sanctitati officiant tot illæ Pestes, ac Sectæ, quibus quotidie scindimur. Aut ergo nullam apud sese Religionem

fuisse Judæi dicant, quo tempore tot illis Schismatibus scindebantur; aut veram apud Christianos tot inter Hæreses Religionem florere fateantur.

Quæret fortasse nonnemo, quid Christus *expectatio Gentium* dicatur *Genesis Cap. 49.*: uti & *desideratus cunctis Gentibus* Aggæi *Cap. 2.*: cum nec desiderari, nec expectari ab iis posset, qui nullam, aut certè levissimam futuri illius Adventus notitiam habebant? Respondeo, potuisse plane, in eum sanè modum, quo res etiam inanimes ea desiderare, atque expectare dicuntur figuratè, quæ sunt illis maximè necessaria; etsi nullam illorum notitiam habeant; ut *terra de cælo pluviam expectare* dicitur, *Deuteronomii Cap. 11.*: *Fruentum desiderare nubes*, *Job Cap. 37.*: *Area sitire imbrem*, *Joelis Cap. 1.*: Sic itaque Gentes, ad quarum Salutem Christi Adventus necessarius omnino erat, eundem expectare, ac desiderare sunt dictæ, quanquam illis esset ignotus. Aut certè id dictum non de desiderio, atque expectatione Christi Adventum, ejusque Fidem præcedente; sed de desiderio Salutis obtinendæ per Christum post cognitionem, ac Fidem de illo habitam, ex quo demum advenerit, illisque nuntiatus fuerit. Ut fileam, non omnibus omnino Gentibus fuisse prorsus ignotum promissum Judæis Liberatorem, & Christum; quod ex Balaami, & Jobi Historia perspectum est.



P R Æ L E C T I O III.

*Ex sublato Levitico Sacerdotio , & novo inducto Messie
Adventum olim jam contigisse , invictissimè
demonstratur .*



UAM ante dies aliquot institimus viam, eandem hodie tenere pergitur. Alteram Judaicæ cœcitatæ Aberrationem, qua in disjudicandis Christi promissi Characteribus hallucinantur, hodierna Prælectione confutamus. Ea scilicet Judæorum animos jamdudum occupavit Opinio, Leviticum Legis veteris Sacerdotium, utpote à Deo Optimo Maximo solemniter institutum, perenniter fuisse duraturum; tantumque abesse, ut à promisso Christo rescindi, abolerique possit, ut potius ab illo instaurandum omnino sit, novaque solemnitate celebrandum. Quo semel facto perfidiæ Fundamento necessaria consecutione subiinde colligunt, Jesum nostrum falsum prorsus Messiam esse, imò veriùs Hominum Seductorem, Divinæque Institutioni prorsus injurium, qui sublato Levitico Sacerdotio novum apud Suos instituit, falsaque Religione Populos informavit. Quid ergo nos in præsentia agere oporteat, ut Judaicam hallucinationem refellamus, Jesumque Mariæ Filium ex hoc ipso Principio verum esse Messiam demonstremus, unde illi pertinaciter negant? Hoc unum ex opposito demonstrandum incumbit; Leviticum Legis veteris Sacerdotium, tametsi Divinitus institutum, certo duntaxat tempore fuisse duraturum, finemque sub Messie temporibus habiturum. Ita fiet, ut opposita consecutione colligamus, Jesum nostrum idcirco maximè veri Messie nomine dignum esse, quod Leviticum Sacerdotium ablegarit, novumque Sacerdotii, ac Sacrificii genus induxerit.

Tria maximè in Levitico Legis veteris Sacerdotio Scripturæ notant, quibus & illud ex integro constat: Victimæ videlicet offerendas, Sacerdotes offerentes, Locum, ubi esset Sacrificium offerendum. Victimæ offerendas designaverat Deus certa Animantium genera, Boves, Agnos, Arietes, aliæque id genus, quæ in Libris Mosaicis adnotantur: Sacerdotes oblaturus elegerat non quovis ex ordine, sed ex unica Tribu Levi; imò intra Leviticam Tribum ex sola Aaronis Familia oriundos: Locum demum, ubi esset Sacrificium offerendum, definierat non qualemcumque, & pro arbitrio seligendum; sed Tabernaculum Domini, ac tum postea Salo-

C ij moni-

monicum Templum , extra quod Sacrificium omne profanum erat . Porro tria hæc , tametsi Divinitus instituta , Viſtimas, Sacerdotes, & Locum immutanda fore, adeo dilucidè prænuntiarunt ſacri Vates, ut ſtipites, ac plumbeos eſſe oporteat quotquot id pertinaciter negent.

De Singulis dicam ex ordine. Ac primò quidem, quod attinet ad Viſtimas offerendas, eas tandem aliquando reiiciendas fore, diſerte pronuntiat Iſaias *Cap. 1.*; idque ob horrenda Judæorum ſcclera, atque ob illud maximè, quo Deum ſuum ignorarunt, manulque effuſo Chriſti Sanguine inquinarunt : *Cognovit Bos ; inquit Propheta, poſſeſſorem ſuum, & Aſinus præſepe Domini ſui; Iſrael autem me non cognovit, & Populus meus me non intellexit. Væ Genti peccatrici, Populo gravi iniquitate, ſemini nequam, filiis ſcleratis, dereliquerunt Dominum, blaſphemaverunt ſanctum Iſrael, abalienati ſunt retrorſum . . . & v. 11. : Quo mihi multitudine Viſtimarum veſtrarum, dicit Dominus? Plenus ſum: holocauſta Ariærum, & adipem pinguium, & ſanguinem Viſulorum, & Agnorum, et Hircorum nolui. Cum veniretis ante conſpectum meum, quis quaſivit hæc de manibus veſtris, ut ambularetis in atriis meis? Ne offeratis ultra Sacrificium fruſtra : incenſum abominatio eſt mihi. Neomeniam, et Sabbathum, et feſtivities alias non feram; iniqui ſunt cæus veſtri. Calendas veſtras, et Solemnitates veſtras odit anima mea : facta ſunt mihi moleſta, laboravi ſuſtinens. Et cum extenderitis manus veſtras; avertam oculos meos a vobis, et cum multiplicaveritis orationem, non exaudiam : manus enim veſtræ ſanguine plene ſunt. Nec minus apertè Jeremias *Cap. 6.* : Ut quid mihi tibus de Saba aſſertis, et calamum ſuarve olentem de terra longinqua? Holocautomata veſtra non ſunt accepta, et Viſtimæ veſtræ non placuerunt mihi. Amos non abſimiliter *Cap. 5.* : Odi, et projecit Feſtivities veſtras; et non capiam odorem cæuum veſtrorum. Quod ſi obtuleritis mihi Holocautomata, et munera veſtra, non ſuſcipiam, et vota pinguium veſtrorum non reſpiciam. Ac demum Michæas *Cap. 6.* : Quid dignum offeram Domino? Curvabo genu Deo excelſo? Nunquid offeram ei Holocautomata, et Viſulos anniculos? Nunquid placari poſeſt Dominus in millibus Ariærum, et in multis millibus Hircorum pinguium?*

Reponent fortè Judæi, nihil aliud hæc Oraçula ſibi velle, quàm tot illa Viſtimarum genera, totumque illum Solemnitatum Judæicarum apparatus Deo minimè probari; non quòd re ipſa exolverint, aut ultra offerri, celebrarique non poſſint : ſed quod impuris fortè mentibus, ac manibus offerrentur. Quo caſu, etiam florente Moſaica Lege, ingrata nonnunquam erant Sacrificia.

Verùm quantum illos ea interpretatio ſaliet, oſtendit Regius

Va

Vates, dignus cæterorum Prophetarum Interpres : Is enim Christi Adventum prænuntians *Psalmo* 49., Judæorum Sacrificia improbatum iri significat, non quoddam Holocaustomata, & Sacrificia per se se spectata Deo displiceant ; sed quoddam ille offerendorum Animalium Ritus sit abrogandus, novumque Sacrificii genus instituendum. Clariora verba sunt, quàm ut cavillari quis possit. *Audi Populus meus, et loquar : Israel, et testificabor tibi. Deus Deus tuus ego sum : non in Sacrificiis tuis arguam te : Holocausta autem tua in conspectu meo sunt semper. Non accipiam de domo tua Vitulos, neque de gregibus tuis Hircos Immola Deo Sacrificium laudis : et redde Altissimo vota tua.* Ubi Deus paratum se quidem, promptumque significat ad Sacrificia, & Holocausta suscipienda ; sed aliud jam velle Sacrificii genus innuit, quàm quod Aaronico Ritu celebratur vitulorum, ac pecudum mactatione. Quocirca *Psalmo* 109., quem integrum Christo promissio accomodat Hebræorum doctissimi, Christi mittendi Sacerdotium, non secundum Ordinem Aaronis, sed secundum Ordinem Melchisedech futurum asseritur v. 4. *Juravit Dominus, et non pœnitescit eum ; tu es Sacerdos in æternum secundum Ordinem Melchisedech.* Nempe ut intelligamus, non jam sub Messie imperio pecudes Aaronico Ritu mactari in Sacrificiis oportere ; sed instar Melchisedech panis, & vini Sacrificium offerendum esse. Is etenim, uti nostis, panem, & vinum obtulit Domino, *Genesis Cap. 14.*

Accedit alterum observatione dignissimum ; non modò a sacris Vatribus prænuntiatum esse, fore, ut Deus Judæorum Sacrificia reprobaret ; verum etiam veteres Hostias, & Sacrificia penitus cessatura occiso Christo, ne ultra cavillari Judæi possint : *Danielis Cap. 9. : Post hebdomades sexaginta duas occidetur Christus et in dimidio hebdomadis deficiet Hostia, et Sacrificium.* En primum de Victimis, & Hostiis offerendis.

Jam verò, si Sacerdotes offerendo Aaronico Sacrificio destinatos perpendamus, Judæi multò facilius Causâ cadent. Tantum enim abest, ut Viros de Tribu Levi, ac de Familia Aaronis perpetuò feligendos voluerit Deus, qui etiam post Messie tempora Aaronicum Sacrificium offerant ; quin contra potius Judæis omnibus in sceleris poenam interdictionem a Deo legimus, ne ultra Sacerdotale munus obirent ; *Osæ Cap. 4. : Conticuit Populus meus, eo quoddam non habuerit scientiam : Quia tu scientiam repulisti, repellam, ne Sacerdotio fungaris mihi : et oblita es Legis Dei tui, obliviscar filiorum tuorum et ego.* *Ezechielis Cap. 34. : Hæc dicit Dominus Deus : ecce ego ipse super Pastores requiram gregem meum de manu eorum, et cessare faciam eos, ut ultra non pascant gregem, nec pascant amplius Pastores semetipsos, et*

libce



liberabo gregem meum de ore eorum, et non eris ultra eis in escam.

Quid plura? Non modò Judæis interdicendum Sacerdotale munus contestatus est Deus, sed etiam e numero Gentium (quod notandum maxime) Sacerdotes, & Levitas electurum se declaravit; ex Africanis, & Lydis, ex Græcis, & Italis, exterisque Nationibus Dei nomen antea ignorantibus, ut Sacris Altaribus admittrent. Sic ut nulla jam suboriri dubitatio possit, quin Aaronicum Sacerdotium temporarium esset, & adventante Christo penitus abrogandum: *Ecce ego, inquit Deus Isaïæ Cap. 66., venio ut congregem cum omnibus Gentibus, et linguis; et venient, et videbunt gloriam meam. Et ponam in eis signum, et mittam ex eis, qui salvati fuerint, ad Gentes in mare, in Africam, et Lydiam tendentes sagittam; in Italiam, et Græciam, ad Insulas longè, ad eos qui non audierunt de me, et non viderunt gloriam meam.... Et assumam ex eis in Sacerdotes, et Levitas, dicit Dominus.* Volente itaque Domino, antiquatum est Aaronicum Sacerdotium, ex quo ad Gentiles translatum est. Illud enim ita Leviticæ Tribui assertum erat, ut si quis fortè alia Stirpe satus thuribulo manum admoveret, capite plecteretur: *Numer. Cap. 16.: Ne quis accedat alienigena, et qui non est de semine Aaron, ad offerendum incensum Domino; ne patiatur, sicut passus est Core, et omnis Congregatio ejus, loquente Domino ad Moysen.*

Sed quid tandem, si Locum offerendo Aaronico Sacrificio destinatum perpendamus? Compendio confecta res erit. Enim verò in solo Tabernaculo Domini, ac tandem in solo Salomonis Templo offerendum erat Aaronicum veteris Testamenti Sacrificium, ut in confesso est apud Hebræos; & tamen spondit Deus, futurum aliquando, ut grata, & propitia Sacrificia ubivis Gentium extra Salomonicum Templum, extra Judæam, ac in ipso exterarum Nationum sinu offerantur. *Malachiæ Cap. 1.: Non est mihi voluntas in vobis, dicit Dominus exercituum, et munus non suscipiam de manu vestra. Ab ortu enim Solis usque ad occasum magnum est nomen meum in Gentibus, & in omni loco sacrificatur, & offertur nomini meo oblatio munda: quia magnum est nomen meum in Gentibus, dicit Dominus exercituum.* Apertius verò Isaïæ Cap. 19., ubi venturi Messię beata tempora describuntur, in ipsa etiam Ægypto, & ab ipsis Ægyptiis offerendum tunc Sacrificium declaratur: *In die illa erit Altare Domini in medio Terræ Ægypti, et titulus Domini juxta terminum ejus erit in signum, et testimonium Domino Exercituum in Terra Ægypti. Clamabunt enim ad Dominum a facie tribulantis, et mittet eis Salvatorem, et propitiorem, qui liberet eos. Et cognoscetur Dominus ab Ægypto, et*

cognoscent Ægyptii Dominum in die illa, & colent eum in bestis, & in muneribus, & vota vovebunt Domino, & solvent. Et Cap. 18. : In tempore illo deferetur munus Domino exercituum a Populo divulso, & dilacerato; a Populo terribili, post quem non fuit alius; a Gente expectante, expectante, & conculcata, cujus diriperunt flumina terram ejus, ad locum nominis Domini exercituum, montem Sion. Ubi est ergo illa Aaronici Sacrificii jactata perennitas ab ipso Christo in Salomonico Templo religiosè retinenda? Cum potius adoriente Christo, quovis in loco, ac in ipsa etiam Ægypto, atque ab ipsis Ægyptiis offerri Sacrificia possint.

Et certè, cum illud promissi Messiae Munus potissimum esse debuerit, ut non Judæos tantum, verum etiam Gentiles toto Orbe diffusos advocaret, atque in unius Religionis, & Fidei professionem colligeret; quemadmodum in superiori Prælectione locupletissimis Sacrarum Scripturarum Oraculis demonstravimus; quò quæso fieri posset, ut eo Sacrificio staret Messiae Religio, quod in uno Hierosolymorum Templo, atque a solis Judæis offerendum erat? Qua lege, qua sorte, stata die in hoc unum Templum ex toto Terrarum Orbe convenirent? Aliud igitur institui Sacrificium opus erat, quod & ubivis, & quavis die, & ab omnibus Gentibus offerri commodè posset. Messiae igitur debitas partes implevit Jesus a Nazareth, dum Sacrificium typicum, ac temporarium abrogavit, novumque constituit. Sic enim erat a Sacris Vatibus prænuntiatum.

At fuit, inquiunt Judæi, ab ipso Deo Sacrificii, & Sacerdotii Levitici promissa perennitas, Jeremiæ Cap. 33. : *Hæc dicit Dominus. Non interibis de David Vir, qui sedeat super Thronum Domus Israel. Et de Sacerdotibus, & de Levitis non interibit Vir a facie mea, qui offerat Holocausta, & incendat Sacrificium, & cadat Victimæ omnibus diebus. Et factum est verbum Domini ad Jeremiam dicens : hæc dicit Dominus : si irritum potest fieri pactum meum cum die, & pactum meum cum nocte; ut non sit dies, & nox in tempore suo; & pactum meum irritum esse poteris cum David servo meo, ut non sit ex eo filius, qui regnet in Throno ejus, & Levitæ, & Sacerdotes Ministri mei. Sicuri enumerari non possunt stellæ cæli, & metiri arenam maris; sic multiplicabo semen David servi mei, & Levitæ Ministros meos. Quò ergo fieri potuit, ut & Sacrificii, & Sacerdotii Levitici abolitio certa Christi venturi Nota esset? Quove jure, tituloque utrumque sustulit Jesus noster, ut alterum Sacerdotii, & Sacrificii genus induceret?*

Nodum hunc a Judæis perinde solvi necesse est: Quod si fecerint, erunt illi mihi magni Apollines. Si enim, inquam, Sacrificii, & Sacerdotii Levitici promissa a Deo perennitas est, quid illi

ab annis amplius mille sexcentis utroque perinde sunt destituti? Nec satisfacient, si fortè reponant, utrumque a suo illo, quem præstolantur, Messia restitutum iri. Quanquam enim res ita foret, ex quo tamen per annos mille sexcentos utrumque cessavit, ac defuit, absolutum, quod illi fingunt, Dei Promissum falsum est; quo nimirum spondit futurum esse, ut de Sacerdotibus, & Levitis non interiret Vir a facie ejus, qui offerret Holocaustomata, & incenderet Sacrificium, & caderet Victimæ omnibus diebus. At quem solvere nodum Judæi nequeunt, solvimus non longè facillimè, ac novum inde statuti Dogmatis Argumentum petimus. Reponimus itaque, duo simul, eodemque plane modo promississe Deum laudato Jeremiæ Oraculo: non interitum de David Virum, qui sedeat super Thronum Israel; & non interitum de Sacerdotibus, & Levitis Virum qui offerat Holocaustomata, & incendat Sacrificium; seu non defuturum Israeliticum Sceptrum de Domo David, & Sacerdotium de Domo Levi. Porro ex aliis Scripturæ Locis, quibus perinde promissa est Judaici Sceptri perennitas, liquet apertè, non esse promissam Judaici Sceptri absolutam perennitatem, sed certis terminis circumscriptam; donec scilicet promissus Judæis Christus Mundo illucesceret; *Genes. Cap. 49. : Non auferetur Sceptrum de Juda, & Dux de femore ejus, donec veniat, qui misceendus est.* Itaque pari modo non absoluta Sacrificii, & Sacerdotii perennitas Synagogæ a Deo promissa est, sed iisdem plane circumscripta limitibus; donec videlicet Christus Dominus oriretur. Quare, cum sublatum jam & Sacrificium, & Sacerdotium Leviticum nemo non videat; ipsique etiam Judæi, velint nolint, plus satis experiantur, promissum Judæis Messiam, & Christum Mundo illuxisse necesse est. Addiderim, si quis fortè absolutam prorsus Sacrificii, & Sacerdotii Levitici perennitatem Synagogæ promissam velit, non alio sensu id verum esse, quam quo absolutam quoque Judaici Sceptri perennitatem promissam Aliqui putant; nempe, uti temporale Judææ Sceptrum in spirituale transmutatum perennat in Christo, de quo Angelus ad Mariam dixit *Lucæ Cap. 1. : Dabit illi Dominus sedem David Patris ejus, & regnabis in domo Jacob in æternum*; ita typicum, & temporarium Leviticum Sacerdotium in amplius, perfectius, sanctiusque transmutatum, æternum in Christo manet; de quo Apostolus in *Epistola ad Hebræos Cap. 7. : Es alii quidem plures facti sunt Sacerdotes, idcirco quod morte prohiberentur permanere; hic autem, eo quod maneat in æternum, sempiternum habet Sacerdotium.*

Cæterum qui nobis tam audaciter litem intendant miseri Judæi de sublato Aaronico Sacerdotio, sine quo veram Religionem stare non posse putant; videant ipsi, quo pacto stare nunc apud sese ve-

ram

ram Religionem nobis ostendent. Videant, num ipsi suo se gladio jugulent. Si etenim, ut veritas habet, nulla sine Sacrificio, sine Sacerdotio stare vera Religio potest; ostendant, quæso, nobis, quodnam ipsi nunc Sacerdotium, quod Sacrificium penes se habeant. Sacrificia certè nec offerunt Judæi, nec offerre nunc possunt, juxta Ordinem Aaronis, quem unicum jactant, & profitentur. Destructo siquidem Tabernaculo, & Salomonis Templo Solo æquato, nullus illis suppetit locus, ubi offerre nunc liceat. Sacerdotes nec habent, nec habere nunc possunt; cùm suas Tribus usque adeo permixtas, & confusas habeant, ut Leviticam, ex qua sola Sacerdotes seligere fas illis est, secernere nequeant. Quam ergo Religionem profitentur? Dicent fortè, quod mihi non ita pridem illorum Unus obtrudebat, qui Synagogæ suæ cymbalum audit, stare sine iis posse Judaicam Religionem, imò & stetisse re ipsa toto tempore Captivitatis Babylonicae, dum, everso primùm Hierosolymæ Templo, in Babylonem a Rege Nabucodonosore deportati fuere. Verùm hallucinantur, qui ea Suffugia comminiscuntur. Nam & tempore Captivitatis Babylonicae Judæi non pauci subsisterant Hierosolymis; iique nomine Fratrum suorum in Babylonem deportatorum Hostias offerebant a d-Aram Domini, quæ quidem etiam everso Templo residua manserat; aut nova illic levi opera extructa fuerat. Patet id ex Epistola Judæorum in Babylone captivorum ad alios Hierosolymis residuos; quæ extat in Libro Baruch *Cap. 1.*: *Misimus ad vos pecunias, de quibus emise Holocaustomata, & tibus, & facite manna, & offerre pro peccato ad Aram Domini Dei nostri.* Sacrificium igitur retinebant in illis rerum suarum angustiis. Habebant etiam hac ipsa tempestate Joakim Sacerdotem, ut videre est eodem Capite Libri Baruch: Certa etiam spe instaurandi Templi fovebantur; Deo scilicet per Jeremiam attestante, futurum tandem, ut intra annos septuaginta Templum instauraretur, ut legitur *Cap. 29.* Nunc verò post secundam Hierosolymorum ruinam a Romanis illatam, permixtis confusisque Tribubus, Sacerdotes nec habent, nec habere ullo modo possunt: Templum unâ cum Ara Domini a Tito, & Vespasiano ita Solo æquatum est ab annis mille sexcentis, & quod excurrit, ut omnis offerendi Sacrificii, & instaurandi Templi spes sit adempta; quod cumulatius demonstrabimus loco suo. Perperam ergo eo Babylonica Captivitatis Exemplo se muniunt, ut Argumentum elidant.

Reponent fortè Judæi, si quam rerum nostrarum notitiam habent; magnam Christianorum partem nec Sacerdotes habere, nec Sacrificium; potissimè vero Calvinianos; apud quos nec Sacrificium Altaris offertur, nec Sacerdotes ad Sacrum Ministerium obeundum inunguntur: qui tamen veram penes se Religionem extare gloriantur.

Præf. P. Serry Tom. II.

D

Optan-

Optandum, ut Argumento satisfacerent Calviniani Ministri : neque enim is ego sum, qui Causam illorum orare debeam. Dicam tamen interim, hunc ipsum Calvinianorum Errorem, quo Missæ Sacrificium explodunt, nihil Judæis in hacce præsentī Controversia suffragari. Non habent illi quidem quotidianum, & incruentum Missæ Sacrificium, quod a nobis ad cruenti Sacrificii memoriam offertur in dies; nec temporarios Sacerdotes ad id muneris destinatos inungunt; habent tamen illi, quemadmodum inquirunt, Christum novi Testamenti Sacerdotem æternum, cruentumque mortis illius Sacrificium, semel quidem cruento modo oblatum in Terris, sed quod itidem incruento modo perenniter offertur in Cœlis, ubi Christus perennis Hostia semetipsum jugiter offert Deo Patri. Quare non sunt illi sine Sacerdote, & sine Sacrificio, qui & Sacerdotem æternum, & æternam Hostiam Deo perenniter oblatam agnoscunt. Quare nil mirum, si ex hoc saltem Capite veram penes sese Religionem extare gloriantur. Verùm non ita Judæi de Sacerdotii, & Sacrificii Aaronici perennitate gloriari possunt. Neque enim sui illi dudum e vivis sublatis Aaronici Sacerdotes suo in Cœlis officio defunguntur, ut defungitur Christus: nec perennant, quæ ab iis fuerunt olim oblatæ, Victimæ; uti profectò perrennat Victima illa grandis, & salutaris in Ara Crucis olim oblata. Dispar itaque Judæorum, & Calvinistarum est ratio. Quæ tamen non ideo sunt a me dicta, quasi Calvinianos ab Errore tueri velim: absit: sed ut Judæorum Argumento reponam quidquid minus mali Calviniani reponerent, si eo fortè ad hominem, ut vulgò dicitur, urgerentur.

Mitto ineptam, insulsamque quorundam Judæorum Argutationem, qui, ut Levitici Sacerdotii abolitionem non esse apud Suos extinctæ, & antiquatæ Religionis argumentum ostendant, id demum clarigationis veluti jure nobis opponunt: Christianos etiam summo Sacerdote suo quandoque destitui, ut tempore Schismatis, ac toto pseudo-Pontificatu Joannæ Papißæ. Quasi verò deficiente apud nos Pontifice Summo deficiat Sacerdotium; ac non potiùs multa Episcoporum, ac secundi Ordinis Sacerdotum millia supersint ad Christianæ Religionis Sacra peragenda? Aut fortè sublato Pontifice non stet penes Ecclesiam Catholicam alterius eligendi, initiandique potestas? Cùm contra apud Judæos non modò Pontifex Summus, sed & totus Sacerdotum, ac Levitarum Ordo defierit; nullaque aliorum eligendorum, initiandorumque facultas extet penes Synagogam. Quæ porro de Joanna Papißa vulgò jactantur, tametsi dictis nihil officiant, anilia commenta sunt, ab ipsis etiam Protestantibus, quibus aliquid pudoris est, falsi convicta: de quibus prolixius disputare non est Locustæ hujus, & Instituti.

P R Æ L E C T I O IV. 27

*Ex abrogata Mosaica Lege, novæque sanctitatis Liberatoris
Missio jamdudum peracta infertur.*



Tertiam Judæorum in Christum nostrum Criminationem attingimus, qua illum veri Messiae partibus defuisse, imò & sese nefario sacrilegio poluisse audacissimè criminantur. Mosaicam Legem tanta solemnitate divinitus institutam, tot miraculis, ac prodigiis confirmatam, tanta Religione a Viris Spiritu S. afflatis custoditam, tot sæculorum tractu florentem, a Christo nostro rescissam, eliminatam, antiquatam non sine stomacho conqueruntur. Si mala Lex Moysis, inquit, cur a Deo sanctita? Si bona, cur a Jesu nostro rescissa? Neque satis intelligi posse ajunt, qua sorte, quo fato Instituta Dei, Deo ipso volente atque jubente, rescindi aliquando debuerint; quasi Is instabilium, ac levium Hominum more consilia mutet. Hinc colligunt Viri miseri, Jesum nostrum nequaquam, uti Messiam, habendum, sed uti scedisfragum, Deo injurium, Sacrorum Institutorum conculcatorem morte damnandum: aliumque idcirco Messiam a Sacris Vatribus prænuntiatum expectari a Fidelibus oportere; qui neglectam, & oblitteratam ab Hominum cordibus Moysis Legem instauret, majoremque in lucem, & solemnitatem inducat.

Nos aliam longè viam inimus; utque Judaicam perfidiam hoc ipso, quo nobis jugulum petunt, gladio feriamus; hoc unum præfenti Prælectione demonstrandum aggredimur: Mosaicam Legem, tametsi divinitus institutam, adventante Christo, obliterari, antiquari, in novam, uno verbo dicam, commutari debuisse. Ita fiet, ut opposita consecutione colligamus, Jesum nostrum idcirco maxime veri Messiae nomine dignum esse, quòd Legem veterem consummarit, novamque condiderit.

In qua quidem obeunda provincia media subeundi oneris parte levati sumus. Ea enim superioribus Prælectionibus Fundamenta posuimus, uberrimæque veterum Prophetarum testificatione confirmavimus; unde Legem Mosaicam adoriente Christo rescindi, atque in novam commutari debuisse, necessariò colligamus. Si enim, uti jam demonstravimus, Christus sacris Oraculis prænuntiatus, non Judæos tantùm, ut ipsi putant, verùm etiam exterarum Gentes toto Orbe diffusas, & Judaicò Nomini inimicas vocaturus erat; & in Fidei, Religionisque societatem adducturus, novam profectò Le-

D ij gem,

gem, ablegata Mosaica, succedere opus erat. Ecquo enim pacto Lex unico Judaico Populo data, cujus Promissa uni duntaxat Abraham Stirpi servabantur, universis latè Gentibus accommodari potuisset? Quo pacto toto Orbe diffusi Populi unicam Chananæam Terram, lacte, ac melle fluentem, inhabitassent, quodd religiosis Legis suæ Observatoribus Moyfes promittebat? Qua sorte univèrsæ Gentes carnali Circumcisione initiandæ fuissent, cùm hæc ad Judæos a cæteris Gentibus distinguendos fuerit primitus instituta? Quod enim Judæos distinguit a Gentibus, commune esse non potest Judæis, & Gentibus. Quo tandem portento univèrsi Orbis Populi in unum Hierosolymæ Templum convenissent, statisque temporibus confluisissent ad Legis Mosaicæ Sacra peragenda, quæ alio in loco sine sacrilegio celebrari non poterant? Alteram itaque Legem succedere opus erat, non Judæis utique peculiarem, sed quæ servari ab omnibus Gentibus posset.

Rursus, si Messias Prophetarum Vaticiniis nuntiatus novum Sacerdotium, sublato Levitico, conditurus erat, quod pariter dedimus manifestum; quis non videat, novam quoque Legem, sublata veteri, sanciturum fuisse? Stat quippe inconcussum illud D. Pauli Principium, quo Hebræos olim exagitabat; Principium, inquam, naturali lumine notum; *Translato enim Sacerdotio, necesse est, ut & Legis translatio fiat; Ad Hebræos Cap. 7.* Quomodo enim, sublato Levitico Sacerdotio, stare ea Lex posset, cujus pars maxima in Levitici Sacerdotii Cultu, ac Religione versatur? Jam ergo in antecellum ex positis, probatisque Fundamentis contra Judæos præjudicata res est.

Non ita tamen morosi sumus, nec in asserenda veritate adeo parci, quin illos novis Momentis, iisque nil minus validis, refellamus. Et sanè Fœdus novum, Pactum novum adventante Messia a Deo cum Hominibus ineundum, illudque non temporarium, sed æternum, tam sæpe Sacris in Literis prænuntiatur, ut plane mirari mihi subeat, Judæos eo in Capite cœcutiisse. *Isaïæ Cap. 55. Inclinate aurem vestram, & venite ad me; audite, & vivet anima vestra, & feriam vobiscum pactum sempiternum, misericordias David fideles. Ecce testem Populis dedi eum, Ducem, & Præceptorem Gentibus.* Tum postea *Cap. 61. : Dabo opus eorum in veritate, & fœdus perpetuum feriam eis. Et scient in Gentibus semen eorum, & germen eorum in medio Populorum.* *Jeremix Cap. 32. : Et feriam eis pactum sempiternum, non desinam eis bene facere: & simorem meum dabo in corde eorum, ut non recedant a me.* *Ezechielis Cap. 16. : Suscitabo ego pactum meum tecum, & scies, quia ego Dominus.* *Osce Cap. 2. : Percutiam cum eis fœdus, in die illa & sponsabo te mihi in sempiternum.*

Et

Et alia id genus non pauca Prophetarum Vaticinia; quæ Dei Fœdus non qualecumque, & cum solis Judæis, sed æternum, atque cum universis Gentibus ineundum prænnuntiarunt.

Quid modò Judæi, ut laqueum istum effugiant? Legem, seu Fœdus adveniente Messia faciendum ultro concedunt, non tamen novum, & ab eo distinctum, atque diversum, quod cum Israelitico Populo jampridem, sequestro Moyse, Deus inierat. Verùm os illis occludit Propheta Baruch Cap. 2.: *Et statuem illis Testamentum alterum sempiternum, ut sim illis in Deum, & ipsi erunt mihi in Populum*. Os illis verberat Jeremias Cap. 31., atque adeo apertè, adeo dilucidè, ut omnem prorsus Cavillationem elidat: *Ecce dies veniens, dicit Dominus, & feriam domui Israel, & domui Juda fœdus novum: non secundum pactum, quod pepigi cum Patribus eorum, in die qua apprehendi manum eorum, ut eduцерem eos de Terra Ægypti: pactum quod irritum fecerunt, & ego dominatus sum eorum, dicit Dominus. Sed hoc erit pactum, quod feriam cum domo Israel post dies illos, dicit Dominus: dabo Legem meam in visceribus eorum, & in corde eorum scribam eam, & ero eis in Deum, & ipsi erunt mihi in Populum*. En itaque Legem novam Messia temporibus faciendam; Legem a Mosaica Israelitico Populo ex Ægypto egresso data longè distinctam; Legem, non in Tabulis lapideis scriptam, sed Cordibus insculptam: Legem, non Servitutis, sed Amoris.

Ecquis etiam nesciat, Mosaicam Legem & in Monte Sina sanctam a Deo, & unico Judaico Populo datam esse? Porro Legem alteram Messia temporibus orituram vaticinatus est Isaias Gentibus quoque communem, a Hierosolymis, & Monte Sion prodeuntem. Quibus Notis quid, nisi Euangelium, intelligamus a Christo nostro Hierosolymis datum, a Spiritu S. in Monte Sion super Discipulos effuso confirmatum, ut universis Gentibus nuntiaretur? *De Sion exibit Lex, inquit Isaias Cap. 2., & verbum Domini de Jerusalem. Et judicabis Gentes, & arguet Populos multos*. Quæ iisdem ferme verbis legere est Michæ Cap. 4.: *Et properabunt Gentes multæ, & dicent, venite ascendamus ad montem Domini, et ad domum Dei Jacob; et docebit nos de vis suis; et ibimus in semitis ejus: quia de Sion egredietur Lex, et verbum Domini de Jerusalem. Et judicabis inter Populos multos; et corripiet Gentes fortes usque in longinquum* Et v. 6.: *In die illa, dicit Dominus, congregabo claudicantem: et eam, quam eieceram, colligam, et quam affixeram: Et ponam claudicantem in reliquias: et eam, que laboraverat, in Gentem robustam: Et regnabis Dominus super eos in Monte Sion, ex hoc nunc, & usque in æternum*.

Nol

Notum, quantum se Judæi hoc loco torqueant, ut ab iis Jeremiæ, Isaïæ, & Michææ Vaticiniis expediant sese. Jeremiam de novo Fœdere, seu Pacto locutum respondent, non de Lege nova faciendâ: quam ob causam Hebraico vocabulo *Berith*, non vocabulo *Tora* sit usus. Aut certè, si de Lege nova faciendâ fortasse dixit, novam duntaxat intelligi voluisse quoad modum scribendi, ac denuntiandi; non novam quoad substantiam Mandatorum etiam cæremonialium. Hoc est, eandem semper futuram Mosaicam Legem, & si quæ prius in Tabulis lapideis scripta erat, atque ita minus religiosè servabatur, postmodum Judæorum Cordibus, ac Visceribus ad plenam ejusdem observantiam inscribenda sit. Isaïam verò, & Michæam, Legem de Sion, seu de Hierosolymis prodituram dixisse volunt, quatenus in Monte Sina a Deo primum Moyse data, tum Hierosolymam perlata, inde tandem velut e publica Schola propagata sit.

Quam sint Responso illa futilia, nemo non videt: Norunt enim verò quotquot Hebraicè sciunt, idem plane sonare *Tora*, quod *Berith*; uti plane Sacrarum Scripturarum usu idem Lex sonat, ac Fœdus, & Pactum: propterea quòd data, receptaque Lege Deus, & Homo mutuo paciscantur; Ille quidem observantiam spondens, Ille remunerationem promittens. Maximè cum in antithesi posita illic ab Jeremia inter Pactum novum, & Pactum vetus utrobique vocabulum *Berith* usurpetur; certoque certius sit, nomine Pacti veteris, nonnisi veterem Legem intelligi. Unde etiam Exodi *Cap. 34.*; & Deuteronomii *Cap. 29.*; ubi de Mosaica Lege sub nomine Fœderis in Latina versione sermo sit, vocabulum *Berith* in Textu Hebraico reperitur. Jam verò ex quo Lex nova a Deo faciendâ promittitur, Mandata quædam nova complecti illam necesse est, non Cordibus duntaxat inscribi priora Mandata ad illorum observantiam obtinendam. Nec enim Princeps Legem novam condere dicitur, dum Legem diu antea latam procurat executioni demandari. Quare utrumque per Jeremiam promissit Deus, & Legem novam se daturum, & hanc ipsam Populi sui Cordibus, ac Visceribus inscripturum. Alterum, quod de Mosaica Lege subjungitur in Sina primum data, tum Hierosolymam perlata, inde tandem velut e publica Schola propagata, futilitatis plenum est. Mosaica quippe Lex in Sina data est, toto præsentè Populo, ac Tribubus universis, quæ eandem in suas quæque domos detulere. Quare illam a Hierosolymis, velut e publica Schola emendicare, necesse illis non fuit. Michæas etiam, & Isaïas Locis ante laudatis de futura Legis sanctione, & traditione loquuntur: *De Sion exibit Lex De Sion egredietur Lex*: horum autem Prophetarum ætate jam dudum exierat, egressaque fuerat Mosaica Lex:

Lex : de ea itaque sermonem illic esse, impossibile est. Quamquam enim Prophetæ res futuras ob certitudinem Prophetiæ quandoque narrent, uti præteritas; nunquam tamen res præteritas, uti futuras enuntiant. Restat ergo, ut de Evangelica Lege in Monte Sion Hierosolymis lata sermo fiat.

Et sanè novam illic, & alibi Legem spondent laudati Prophetæ, ad cujus observantiam Gentes quoque obligarentur : repugnat autem, Mosaicam Legem ab omnibus Gentibus observari; tum quodd multa illius Præcepta extra Terram promissam observari nequeant; tum quodd Præceptorum aliqua data sint ad Judaicum Populum a cæteris Gentibus distinguendum, uti paulò antea demonstravimus.

Quid quodd Mosaicæ Legis Ritus, Sabbathæ, Solemnitates, Sacros Apparatus tandem aliquando abolendos non semel vaticinati sunt Sacri Vates? *Isaias Cap. 1. : Neomeniam, & Sabbathum, & Festivitates alias non feram. Calendas vestras, & Solemnitates vestras odit anima mea. Oseas Cap. 3. : Dies multos sedebunt filii Israel sine Rege, & sine Principe, & sine Sacrificio, & sine Altari, & sine Ephod, & sine Teraphim.* Hoc est, sine Sacerdote, & sine Propheta : erat enim Ephod superhumeralis Sacerdotum indumentum; Teraphim autem imagines erant futura prænuntiantes. *Oseas idem Cap. 2. : Cessare faciam omne gaudium ejus, Solemnitatem ejus, Neomeniam ejus & omnia festa tempora ejus. Amos Cap. 5. : Odi, & projeci festivitates vestras : & non capiam odorem cætuum vestrorum. Quid si obtuleritis mihi Holocaustum, & munera vestra, non suscipiam, & vota pinguium vestrorum non respiciam.*

Dicent fortè Viri miseri, comminantis, & indignantis Dei verba esse, ut illos officii sui admoneat, non Dei veteres Institutiones oblitterantis. Verùm & indignantis, & oblitterantis verba esse, Textus clamat : idque disertè contestatus est Jeremias *Cap. 31.* supra laudato; ubi idcirco Pactum vetus a Deo rescindendum monet, quodd illud iampridem Filii Israel nequitia sua, ac sceleribus irritassent. Hinc *Isaia Cap. 43.* monet Deus : *Ne memineritis priorum, & antiqua ne intueamini.* Ecce ego facio nova, & nunc orientur, utique cognoscetis ea. Huiusque rationem assignat *v. 22.* *Non me invocasti Jacob, nec laborasti in me Israel.* Ut fileam, Oseæ saltem Dictum merè propheticum esse; ac simpliciter denuntiare, quid Judæis eventurum sit, nullo comminantis, vel indignantis Dei sensu insinuat.

Sed vultis, rem totam minutatim, ac per partes expendamus? Præstò sum. Quid in veteri Ritu sanctius, quid augustius Arcæ ipsâ Testamenti; in qua scilicet Dei Majestas inhabitabat, Lexque

que Moyſis ſervabatur? Et hanc tamen adventante Chriſto obliterandam, ac nihili faciendam mandavit Deus Jeremiæ *Cap. 3.*: *Cumque multiplicati fueritis, & creveritis in Terra in diebus illis, ait Dominus: non dicetis ultra, Arca Testamenti Domini: neque aſcendet ſuper cor, nec recordabuntur illius: neque viſitabitur, nec fiet ultra.* Quid ſanctius, ac ſolemnius ſolemnitate Paſchali in memoriam exitus de Ægypto celebranda? Et hanc tamen aliquando reſcindendam prædixit Jeremias *Cap. 16.*: *Ecce dies veniunt, dicit Dominus, & non dicent ultra, Vivit Dominus, qui eduxit filios Iſrael de Terra Ægypti.* Quid ſanctius inter Moſaicæ Legis Sacramenta carnali Circumciſione Abrahamo primum indiſta, tum poſtea a Moyſe præcepta, ac demum a Joſue novo Ritu celebrata? Et hanc tamen carnalem Circumciſionem innovandam, & in ſpiritualem commutandam vaticinatus eſt Jeremias *Cap. 4.*: *Hæc dicit Dominus viro Juda, & Jeruſalem, novate vobis novale, & nolite ſerere ſuper ſpinas: Circumcidimini Domino, & auferite præputia cordium veſtrorum, Viri Juda, & habitatores Jeruſalem.* Deuteronomii *Cap. 30.*: *Circumcides Dominus Deus tuus cor tuum, & cor ſeminiſ tui: ut diligas Dominum Deum tuum in toto corde tuo.* Quid ſanctius Salomonico Templo, extra quod Sacrificium Moſaicæ Legis offerre ſacrilegum erat? Et hoc tamen Solo æquandum vaticinatus eſt Iſaias *Cap. 25.*, omni futuræ inſtaurationis ſpe adempta; ne crudas ſpes ſuas Judæi inaniter alant, qui illud a Meſſia ſuo inſtauratum iri hæriolantur: *Posuiſti Civitatem in tumulum, urbem fortium in ruinam, domum alienorum: ut non ſit Civitas, & in ſempiternum non ædificetur.* Qua de re in ſequenti plura dicam.

Id ergo, velint nolint, Judæi fateantur, Moſaicam Legem ad oriente Meſſia reſcindi, & in novam commutari debuiſſe: fruſtraque Meſſiam alterum expectari, qui neglectam illam, & obliteratam inſtauret. Neque obeſt, quod crambis inſtar recoſtæ nobis obtrudunt: Si bona Lex Moyſis, cur tandem reſciſſa? Proh Deum immortalem! Bona quidem Lex illa fuit, ſed juſto tempore, donec nova ſuccederet. Bona; ſed inſtar pædagogicæ ad rudes animos informandos; atque ita accedente plenitudine temporum perficienda. Bona; ſed inſtar figuræ; atque ita revelata veritate abolenda. Bona; ſed inſtar Symboli Chriſtum præfigurantis; atque ita veniente Chriſto implenda, & conſummanda. Nec idcirco Deus, quo volente reſciſſa fuit, Conſilia mutaviſſe putandus eſt: quia & illam ea mente, eoque conſilio condiderat primum, ut juſto duntaxat tempore perduraret, & conſummata demum Meſſiæ tempore exoleſceret: adeoque non immutata eſt, ſed impleta Dei Voluntas. Uti plane dum Deus Serpentem æneum, quem a Moyſe

con-

conflari jusserat in Deserto, ab Ezechia Rege comminui voluit, *Lib. 4. Regum Cap. 18.*, Consilia non mutavit; quia non ea Mente Serpentem æneum conflari voluit, ut perpetuo perduraret, sed ut ea duntaxat urgente necessitate laboranti Populo mederetur.

Neque magis nos anxios, & sollicitos habet, quod Judæorum aliqui curiosius observant; Malachiam Prophetarum ultimum *Cap. ult.* Mosaicæ Legis observantiam inculcasse usque ad extremum Mundi diem: *Mementote Legis Moysi servi mei, quam mandavi ei in Horeb ad omnem Israel præcepta, & judicia.* Ecce ego mittam vobis Eliam Prophetam, antequam veniat dies Domini magnus, & horribilis. Et convertet cor patrum ad filios ne forte veniam, & percusiam terram anathemate. Indequè effectum, ut Jესus ipse noster, ne falsus Propheta, falsusque Messias agnosceretur, non semel protestatus sit, non venisse se Legem solvere, sed adimplere, *Matth. Cap. 5.* Quod videlicet probesciret, Legem Moysis æternam in Scripturis sæpe dici; cui ut nihil addi, ita nihil ex ea detrahi possit; *Deuteronomii Cap. 4.*: *Non addetis ad verbum, quod vobis loquor, nec auferetis ex eo: custodite Mandata Domini Dei vestri, quæ ego præcipio vobis.* Adeo non erat Mosaicæ Lex ex integro abolenda.

Non, inquam, Observationes istæ anxios nos, ac sollicitos habent. Locus siquidem Malachiæ de utroque Christi Adventu exponi commodè potest: vel de primo, uti *Matthæi Cap. 11.*, & *Luce Cap. 1.* exponitur: quo casu, quemadmodum Eliæ nomine Joannes Baptista designatur: *Ipse est Elias, qui venturus est* (ante Jესum nostrum,): *ut convertat corda patrum in filios*; ita Mosaicæ Legis Observantia ad Joannem usque dicitur obligasse; quatenus scilicet *omnes Propheta, & Lex usque ad Joannem prophetaverunt*, ibidem *v. 13.* Secundum quem Malachiæ Prophetæ sensum tantum abest, ut Mosaicæ Legis perennitas colligi possit, ut potius ejusdem abolitio, & cessatio Jესu nostro adoriente colligatur. Vel de secundo Christi Adventu Malachiæ Dictum accipitur, ut *Matthæi Cap. 17.*: ac sic quidem ad eum usque diem Mosaicæ Legis memoria recolenda indicitur, *Mementote Legis Moysi servi mei*, non Observantia mandatur: quæ duo Hebræi solent accuratè distinguere. Aut si ed usque illius Observantia mandatur, Præceptorum duntaxat moralium (quæ Legis etiam Evangelicæ communia sunt) Observantia præcipitur; non cæremonialium, & judicialium, quæ Mosaicæ Legis propria sunt. Hanc Christus noster non solvit quidem, absolvit tamen: hanc adimplevit, sed adimplendo consummavit, figurata ejusdem Præcepta ad exitum perducendo: eaque ratione illius nos jugo tandem absolvit; *Ad Galatas Cap. 3.*: *Christus nos redemit de maledicto Legis, factus*

pro nobis maledictum : quia scriptum est : maledictus omnis , qui pendet in ligno . Sicubi autem æterna Lex Sacris in Literis dicta est , non utique ratione finis id nominis habuit ; aut certè non ratione Figuræ in ea contentæ dicta est æterna ; sed ratione Figurati , & ratione Antitypi . Nisi fortè Legem æternam re ipsa dicere malit Aliquis quoad Præcepta moralia , tametsi quoad Præcepta cæremonialia temporalem . Quod porro in Deuteronomio latum est Interdictum , ne quidquam verbo Dei addatur , aut detrahatur ex eo , privatos quidem Judæos , ac totam etiam Synagogam adstringit ; non Deum ipsum , qui sublata Legi Mosaicæ Evangelicam subrogavit : maxime cum nec sic quidem verbum , quod Moyfi locutus fuerat , re ipsa resciderit , sed impleverit ; Figuræque Præceptis cæremonialibus expressas allata demum veritate compleverit , consummarit .

Nihilo felicius arguantur Hebræi aliqui recentiores ac veteres , qui , ut Circumcisionem , potissimum Mosaicæ Legis Ritum , perpetuò duraturam , ac nunquam rescindendam evincant , locum *Genesis Cap. 17.* ambiciosius ostentant ; ubi Deus Circumcisionis Ritum Abrahamo præcipiens ita loquitur : *Infans octo dierum circumcidetur in vobis , omne masculinum in generationibus vestris : tam vernaculus , quàm emptitius circumcidetur erisque Pactum meum in carne vestra in sædus æternum .* Hinc Circumcisionis perennitatem avidè colligunt , quòd ab ipso Deo æterna sit dicta .

Næ illi ignari , & imprudentes , qui domestica nesciant , quæ nos ab illis , non illos a nobis oportuit didicisse . Notat siquidem Rabbi Chimchi in *Libro Radicum* , Vocabulum illud æternum expressum Hebraica voce *Holam* (uti est in citato *Genesis* Loco) non semper significare durationem omni fine carentem , sed longum quandoque tempus ; non semper stricti nominis æternitatem sonare , sed solam quandoque diuturnitatem ; ut *Genesis Cap. 17.* de Terra Chanaam dictum est : *Daboque tibi , & semini tuo Terram peregrinationis tuæ ; omnem Terram Chanaam in possessionem æternam* , per verbum hebraicum *bolam* ; quæ tamen jam diu a Judæis non obtinetur . Et *Deuteronomii Cap. 15.* de Servo , qui anno septimo egredi noluerit , dicitur : *Assumes subulam , & perforabis aurem ejus in janua domus tuæ , & serviet tibi usque in æternum* , per vocem *bolam* ; qui tamen recurrente anno Jubilæi a servitute solutus erat , ut habetur in *Levitico Cap. 25.* Ac tunc tantum vocem illam æternum durationem omni fine carentem necessariò significare , dum Vocabulo *Nezac* , vel *Sela* , vel *Od* in Hebraico Textu expressa est . Quod idem , missa eruditione Rabbinica , observat D. Augustinus *Quæst. 13. in Genesim* , & *Quæst. 43.*

in Exodum. Perperam itaque absolutam Circumcisionis perennitatem ex laudato Testimonio Judæi colligunt.

Sit ita tamen, & absolutam perennitatem, seu durationem omnī fine carentem eo Vocabulo significari concedamus : non advertunt Imprudentes, duo longè diversa adnotari hoc Loco, ac latè distinguī. Fœdus scilicet Dei cum Abrahamo initum, seu contractam cum illo Amicitiam, & Signum initi Fœderis. Circumcisio Abrahamo præcepta non est Fœdus ipsum, sed est Fœderis Signum, uti versiculo superiori declaratur; *Circumcideris carnem præputii vestri, ut sit in Signum Fœderis inter me, & vos.* Damus ergo Judæis, utroque concedimus, Fœdus Dei æternum esse; contractam Dei cum Abrahamo Amicitiam æternam esse; quod unum Scriptura docet Loco a Judæis toties decantato : *Eritque Pactum meum in carne vestra in Fœdus æternum* : at contracti Fœderis Signum æternum esse pernegamus; nullumque Scripturæ Locum proferri posse contendimus, quo Signum hoc æternum, ac perenne vocitetur.

Inquiet fortè, Signum Fœderis æternum esse oportere, si Fœdus æternum est. At id ex proprio cerebro dicent, non ex Sacris Literis; tamque falsum est, quàm quodd maxime. Quis enim nesciat, Amicitiam firmam, ac stabilem instabili plerunque, fluxo, ac fugitivo Signo firmari? Quis nesciat E. G. plerunque perire anulum, qui unicum apud Hebræos Fœderis Matrimonialis Signum est; nec tamen idcirco Matrimonium rescindi, atque dissolvi? Satis quippe est ad retinendam cujuscumque Amicitia, ac Fœderis firmitatem, si Signum, quo primum sancita est, memoriâ recolatur; quanquam illud re ipsa desierit. Id & nos agimus in præsentia, qui licet exoletam Circumcisionem non usurpemus; toties tamen divini Fœderis cum Abrahamo initi recordamur, quoties Circumcisionem sola mente recolimus.

Sed reponent, (idque mihi non semel a Judæis objectum est) Fœdus Dei cum Abrahamo initum, cum ejus quoque semine initum fuit : stat igitur etiamnum hodie cum Judaico Populo Dei Fœdus : quandoquidem secundum nos Fœdus illud æternum erat. O cæcos Homines ! Fœdus cum Abrahamo initum, cum ejus quoque semine initum est. Ita certè : sed quo semine? Semine fideli, quod Fidem Abrahamæ sectaretur; semine, quod staret in Pacto, quod staret in Fœdere; non quodd Pactum, Fœdusque iniquitate sua rescinderet. Mutua quippe fide Pacta consistunt. Si ergo tanta Fide Pactis initis stetissent Abrahamæ Posterī, quanta Fide stetit Abraham ipse, nihil dubitandum, quin & perpetuè cum Posteris perdurasset. At quam turpiter Pactum initum Judæi violarint, Prophetæ plus satis attestantur, ac lugent : *Psal. 77. : Averterunt*

E ij se,

se, & non servaverunt Pactum : quemadmodum Patres eorum ;
 conversi sunt in arcum prævum. Jeremias Cap. 11. Irritum fecerunt
 domus Israel, & domus Juda Pactum meum, quod pepigi cum Pa-
 tribus eorum. Oseas Cap. 6. : Sicut Adam transgressi sunt Pa-
 ctum, ibi prævaricati sunt in me. Malachias Cap. 2. : Vos autem
 recessistis de via, & scandalizastis plurimos in Lege : irritum feci-
 stis Pactum Levi, dicit Dominus exercituum. A divino itaque
 Fœdere sua culpa, & iniquitate deciderunt. Sed volunt Abrahæ
 semen, cum quo Fœdus initum, perenniter stet? Hoc sumus nos
 quotquot Christiano nomine gloriamur. Semen Abrahæ sumus, non
 Carne, sed Spiritu; semen ex Fide, non ex Fœmore; semen cir-
 cumcisum Mente, non Corpore : Non enim, ut ait Apostolus ad
 Romanos Cap. 2., Non enim, qui in manifesto Judæus est; neque qui in
 manifesto in carne est Circumcisio: sed qui in abscondito Judæus est:
 & Circumcisio cordis in Spiritu, non Litera : cujus laus non ex
 Hominiibus, sed ex Deo est.



P R Æ L E C T I O V.

*Hierosolymæ iustaurandæ, Salomonici Templi iterum excitandi,
Judaici Populi colligendi, novique Messie venturi spes
omnis Judæis præcluditur.*



NIL in ore frequentius habent Judaicæ perfidæ Doctores, atque Magistri, quàm Christum Prophetarum Vaticiniis prænuntiatum Urbem Hierosolymam, ac ipsum maximè Salmonicum Templum excitaturum, ut illic veteri Ritu Judæi Sacrificia offerant, & in terra Patrum suorum secundum carnem beatè, ac feliciter vivant. Hac esca Gregalium suorum spes crudas alunt; solidæ Plebi fortunata tempora, & Soles candidos adpromittunt; standum animis admonent, donec excussa, qua premuntur ubique gentium, misera Servitute, bona pace, & Avorum suorum hæreditate perfruantur. Hinc & Jesum nostrum veri Messie partibus deuisse audacissimè colligunt, quòd nihil ejusmodi quidquam Judæi ejus ætate experti sint: minùsque Servatoris Officio functum effutiant, a cujus tempore Judæi extorres, & profugi ubique gentium vagantur, & errant; quos tamen a promisso sibi Servatore colligendos Prophetæ veteres prænuntiarunt.

Quantùm illos ea fallat Opinio, ex parte hætenus demonstravimus, dum Leviticum Sacerdotium, Legemque Mosaicam a promisso Messia antiquandam, ac rescindendam probavimus. Hinc quippe nullam excitandi Salomonici Templi necessitatem superesse, faciliè colligas. Verùm, ne potissimum istud Judaicæ perfidæ Caput perfunctoriè tantùm attigisse videamur, id præsentis Prælectione demonstrabimus: Omnem profus instaurandæ Hierosolymæ, & excitandi Salomonici Templi spem Judæis ademptam esse; frustra illos Messiam alterum præstolari, qui istud miseræ, ac profugæ Genti officium præstet.

Et certè Divinò quodam Numine factum est, ut post annos mille sexcentos, & quòd excurrit, Salmonicum Templum a Tito, & Vespasiano Solo æquatum nequaquam excitaretur; tametsi Judæi molitionem attentarint sæpe numero. Verum enimvero Templi, & Urbis instauracionem quoties Judæi aggressi sunt, toties repressi, atque submoti cæptum Opus intermisere. Primùm quidem sub Hadriano Imperatore: tum sub Constantino tentantes Opus a militibus longè submoti manum quantocius retraxerunt: postremò sub Juliano Apostata, qui Christianæ Religionis odio magnas

Ju-

Judæis & opes, & operas ad Templum excitandum impenderat, Opus rursus aggressi ingenti portento repressi conciderunt; igne scilicet e fundamentis erumpente, & intempestivos conatus reprimente; ut Dei Numen in Molitores iratum experirentur Universi. Non hic Christianos Scriptores Facti Testes advocabo, a quibus Portentum hoc memoriæ commendatum est, tametsi spectatissimos, ac fide dignissimos; Joannem Chrysostomum *Serm. 2. in Judæos*, & Homilia 4. in *Matthæum*; Gregorium Nazianzenum *Orat. 4.*; Ambrosium *Epist. 29. ad Theodosium*; Theodoretum *Lib. 3. Historiæ Ecclesiasticæ Cap. 20.*; Socratem pariter *Lib. 3. Cap. 20.*; Sozomenum *Lib. 5. Cap. 22.*; Cassiodorum *Historiæ tripartitæ Lib. 6. Cap. 43.*; aliosque non paucos, in quos Judæi fortassis exceptionem facerent, uti Christianorum Partibus addictos. At Testem dabo omni exceptione majorem, Ammianum Marcellinum, Virum ethnicum, Christiani Nominis professum hostem, quem nobis ad Judæorum invidiam gratificari voluisse nemo dixerit. Is ergo *Lib. 23. Rerum gestarum* de Juliano Apostata ita scribit: Imperii sui memoriam magnitudine Operum gestiens propagare, ambrosiosum quondam apud Hierosolyman Templum, quod post multa, & interneciva certamina, obsidente Vespasiano, posteaque Tito, ægre est expugnatum, instaurare sumptibus cogitabat immodicis; negotiorumque maturandum Alypio dederat Antiocheni, qui olim Britannias curaverat Pro-Prefectus. Cum itaque rei idem fortiter instaret Alypius, juvaretque Provinciæ Rector, metuenti globi flammarum prope fundamenta crebris assultibus erumpentes fecere locum exustis aliquoties Operantibus inaccessum: hocque modo elemento destinatus repellente cessavit incæprum. Hæc Scriptor ethnicus, Christianorum adversus Judæos Causiam agens.

Neque minus Divino Numinē factum æstimare par est, ut in ejus tandem Principis potestatem cederet Hierosolyma, magni quondam Nominis umbra, qui Christiano Nomini præ cæteris intensus est; ne fortē fatalis Urbis instaurationem Christianorum artibus impeditam Judæi dicant: sed ultricem Dei Manum in se concitatam experiantur. Neque enim, ne instauretur, obsistimus nos, aut repugnamus, qui nihil in eo Terræ tractu potestatis obtinemus. Obstat Nominis nostri professus hostis Turcarum Imperator, nullo certē impendendū nobis officii studio motus, sed cæcus Divinæ Ustionis Administer. Imò obstat secreto, atque occulto judicio Deus ipse, qui pro ea, quam habet in flectendis, movendisque Hominum cordibus mirabili, atque ineffabili potestate, Judæos ipsos ab eo instaurandæ Hierosolymæ audaci consilio tandem aliquando procul avertit. Neque enim a multis sæculis Opus faciundum susceperunt Judæi, aut etiam attentarunt.

Jam

Jam verò quàm inaniter adventante Messia tentandum instaurat-ionis Opus hariolentur cœci Homines, iis manifestum fore arbitror, qui sacra Prophetarum Oracula vel obiter læstitarint. Omnem enim & instaurandæ Hierosolymæ, & reparandi Templi spem Mortalibus adimunt : Isaiæ Cap. 25. : *Posuisti Civitatem in tumulum, urbem fortem in ruinam, domum alienorum : ut non sit Civitas, & in sempiternum non edificetur* : Jeremiæ Cap. 19. : *Hæc dicit Dominus exercituum : sic conteram Populum istum, & Civitatem istam, sicut conteritur vas figuli, quod non potest ultra instaurari* : Amos Cap. 5. : *Audite verbum istud, quod ego levo super vos planctum : Domus Israel cecidit, & non adjiciet, ut resurgat. Virgo Israel projecta est in terram suam, non est qui suscitet eam* : Danielis Cap. 9. : *Et Civitatem, & Sanctuarium dissipabit Populus cum Duce venturo : & finis ejus vastitas, & post finem belli statuta desolatio. Confirmavit autem Pactum multis Hebdomada una : & in dimidio Hebdomadis deficiet Hostia, & Sacrificium, & erit in Templo abominatio desolationis : & usque ad consummationem, & finem perseverabit desolatio. Unde est ergo fatua illa Templi Salomonici tandem aliquando per Messiam instaurandi spes, stolidæ Judæorum Plebi a Magistris suis, atque Doctoribus tam liberaliter facta ? Sic sanè Simplicium credulitati illudendum, ut id demum instauratum iri jactitetur, quod in sempiternum non edificandum vaticinatus est Isaias ; non ultra instaurandum Jeremias ; non erigendum, nec suscitandum Amosus ; perpetua demum, atque ad finem usque duratura desolatione dissipandum Daniel prænu-tiavit ?*

Accedit Oseæ locupletissimum Vaticinium Cap. 3. miserum Judæorum Statum, quo sine Rege, sine Templo, sine Sacerdote, sine Laribus futura est perfida Gens, ad extremum usque Mundi diem duraturum vaticinantis ; quo demum tempore Christum agnoscent Judæi, sed serò nimis : *Dies multos sedebunt filii Israel sine Rege, & sine Principe, & sine Sacrificio, & sine Altari, & sine Ephod, & Teraphin*. (hoc est sine Pontifice, & sine Propheta). *Et post hæc revertentur filii Israel, & quærent Dominum Deum suum & pavebunt ad Dominum, & ad bonum ejus novissimo dierum*. Nulla ergo instaurandi Templi spes illis affulget, si ad novissimum usque diem sine Sacrificio, sine Altari, sine Pontifice mansuri sunt.

Sed videamus nunc tandem, quid illorum spes potissimam excitavit, ut stultam adeo Fabulam venditarent. Amosi Prophetæ luduntur Oraculo perperam intellecto Cap. 9., ubi Deum ita loquentem inducit : *In die illa suscitabo Tabernaculum David, quod cecidit & reedificabo illud, sicut in diebus antiquis*. Et post pau-

pauca, v. 14. : *Et convertam captivitatem Populi mei Israel : & edificabunt Civitates desertas, & inhabitabunt : & plantabunt vineas, & bibent vinum earum : & facient hortos, & comedent fructus eorum. Et plantabo eos super humum suam, & non evellam eos ultra de terra sua, quam dedi eis, dicit Dominus Deus tuus.* Luduntur & aliis longè pluribus, quæ Judæos quaquaversum dispersos, & profugos in pristinum Statum, & Locum a Christo venturo restituendos vaticinantur : *Isaïæ Cap. 11. : Levabis (Dominus) signum in Nationes, & congregabis profugos Israel, & dispersos Juda colliget a quatuor plagis terræ : Jeremiæ Cap. 29. : Et reducam captivitatem vestram : & congregabo vos de universis Gentibus, & de cunctis locis, ad quæ expuli vos, dicit Dominus : & reverti vos faciam de loco, ad quem transmigrare vos feci. Cap. 30. : Et convertam conversionem Populi mei Israel, & Juda, ait Dominus : & convertam eos ad terram, quam dedi Patribus eorum, & possidebunt eam. Cap. 23. : Et ego congregabo reliquias Gregis mei de omnibus terris, ad quas ejecero eos illuc : Et convertam eos ad rura sua : & crescent, & multiplicabuntur. Ezechielis Cap. 34. : Sicut visitat Pastor Gregem suum in die, quando fuerit in medio ovium suarum dissipatarum : sic visitabo oves meas, & liberabo eas de omnibus locis, in quibus dispersæ fuerunt in die nubis, & caliginis. Et educam eas de Populis, & congregabo eas de terris, & inducam eas in terram suam : & pascam eas in montibus Israel, in rivis, & in cunctis sedibus terræ. In pascuis uberrimis pascam eas, & in montibus excelsis Israel erunt pascua earum.*

Magna fateor, & larga Promissa, quæ carnalium Judæorum oculos statim seriant, Animosque ad temporalia duntaxat bona inhiantes rapiant, atque devinciant ! Quæ tamen magna ex parte non nisi figurato sensu accipi debent ; ut ad spiritualem Judæorum liberationem per Fidem, necnon ad mysticam Hierosolymorum instaurationem, Ecclesiam scilicet, a Christo instituendam, celebrandamque referantur. Quod ni fiat, in sexcenta absurda impingitur : quorum duo hic leviter notare satis erit in uno Amosi Vaticinio, quod Judæis præ cæteris fucum facit. Tabernaculum scilicet Domini reedificandum ominatur Amosus sicut in diebus antiquis : *Ut possideant reliquias Idumææ, & omnes Nationes, eo quodd invocatam sit Nomen meum super eos ; Cap. 9. Quis autem dicat, Zorobabelis ætate, ac etiam secutis inde temporibus Nationes omnes Judæorum Imperio fuisse subditas : cum ii potius exterarum deinceps Nationum dominatum, ac etiam tyrannidem passi sint ? Addit idem Amosus v. 15. Plantabo eos super humum suam : & non evellam eos ultra de terra sua, quam dedi eis, dicit*

dicat Dominus Deus suus. Cum tamen perspectum sit, totam Judaicam Gentem suis subinde Sedibus fuisse depulsam, dissipatam, perpetuoque exilio ad hæc usque tempora damnatam. Non itaque ad temporalem Hierosolymorum instaurationem, sed ad spirituales Judæorum liberationem per Fidem, Ecclesiæque institutionem referenda illa sunt; uti in *Actibus Apostolicis Cap. 15.* referuntur. Interea tamen quæ de materiali, ut ajunt, Hierosolymorum instauratione, deque temporali Judæorum liberatione, & in pristinum locum restitutione promittuntur tot illis productis Oraculis, stolidè prorsus expectantur etiamnum, quæ dudum destinatum exitum habuerunt: soluta nimirum sub Cyro Persarum Rege Captivitate Babylonica, instaurato secundis curis Salomonico Templo, Judaico Populo in Judæam reducto, atque in integrum restituto annis ante Christum nostrum amplius quingentis, *Lib. 2. Paralip. Cap. 36. : Esdræ 1. Cap. 1.* Cum enim durante Captivitate Babylonica Propheticum munus obirent Amos, Jeremias, Ezechiel; ad illam primam instaurationem, quæ, soluta post annos septuaginta Captivitate, facta est, oculos intendebant; ut Judæorum captivorum animos erigerent, data illis spe bona futuræ prope diem liberationis, & Templi quantocius excitandi. Id ut dicamus, gemina ratio cogit: prima, quod instaurandi Templi facultatem a Cyro Persarum Rege datam notet Esdras, *ut completeretur verbum Domini ex ore Jeremiæ*: Secunda, quia, si de altera Hierosolymorum instauratione, qualis nunc ab Hebræis expectatur post secundam cladem a Tito, & Vespasiano illatam, Prophetas illos locutos diceremus, palam sibi, apertèque repugnarent; quippe qui & Hierosolymam, & Templum nunquam deinceps instaurandum, locis paulò ante laudatis apertissimè contestantur.

Reponunt nihilofecius Judæi, modicam, tenuemque admodum fuisse eam Hierosolymorum instaurationem, quæ sub Cyro post primam eversionem tentata est: cum tamen futurum prænuntiaverint Jeremias *Cap. 31.*, & Zacharias *Cap. 14.*, ut instaurata Hierosolyma finitima circumquaque Loca, Colles, ac Valles occuparet: atque hinc colligunt, Messiam expectandum esse, qui, secunda instauratione facta, tantam Urbi amplitudinem tribuat, quantam Prophetæ laudati promiserunt. Adduat, & hoc quoque Jeremiam spondidisse *Cap. 31.*, fore ut instaurata Civitas *non evelleretur, & non destructur ultra in perpetuum*: Et Zachariam *Cap. 14.* perinde scripsisse: *Anathema non erit amplius: sed sedebit Jerusalem securo*: cum tamen post factam primam illam sub Cyro instaurationem, sub Tito deinde, ac Vespasiano deleta sit. Ut ergo (subjungunt) sua iis Oraculis veritas constet, nova cumulatissimaque instauratione expectanda est, ultra quam nullus deinceps eversionis,

ac vastationis metus esse possit; placidèque ad Dominum suum Judæi exsules revertantur.

Sed in eo quoque deluduntur; nec satis intelligunt, Prophetas pro more suo a typo, seu figura ad veritatem gressum facere; ab instauratione temporali Hierosolymorum, quæ sub Cyro peracta est post primam everfionem, ad spirituales Ecclesiæ institutionem; ut carnales Judæorum animos a temporalibus bonis ad spiritualia erigerent. Quæ ergo de instauratione tunc primum Hierosolymæ amplitudine, ornatusque perennitate Sacris Literis adnotantur, hæc de Ecclesiæ institutione, de mystica, & spirituali instauratione intelligenda omnino veniunt. Ne porro Judæi mortiferæ Literæ tenacius hærentes nobis obtrudant, Christianorum Effugium istud esse, ac pro arbitrio confectum, ut objectam illorum Difficultatem declinemus potius, quàm solvamus; hujusce dati Responsi rationes prorsus invictas subicimus, quæ Judaicarum interpretationum vanitatem in propatulo ponant; idque totum de spirituali instauratione accipiendum evincant.

Ratio prima hæc est: quòd non absimilem instaurationem, liberationem, redintegrationem Sodomitis, & Samaritanis adpromiserit Deus, ac laudatis ante Oraculis Judæis dicitur spondisse: Ezechielis Cap. 16. : *Soror tua Sodoma, & filia ejus revertentur ad antiquitatem suam: & Samaria & filia ejus revertentur ad antiquitatem suam: & tu, & filia tuæ revertemini ad antiquitatem vestram*: hoc est, ad antiquam Sedem, opes, & gloriam. At Samariam, Sodomam, vicinaque Urbes igne succensas nunquam temporaliter restituendas Judæi consensunt: spiritualis igitur duntaxat eis promittitur instauratione. Parem Moabitibus, ac Judæis liberationem promisit Jeremias Cap. 48. : *Convertam captivitatem Moab in novissimis diebus, ait Dominus*. Parem, & Ammonitis spondit Cap. 49. : *Et post hæc reverti faciam captivos filiorum Ammon, ait Dominus*. Cum tamen nec Ammonitas, nec Moabitas e temporali captivitate rediisse, Judæi fateantur. Quæ ergo illis promittitur liberatio, spiritualis est; puta conversio ad Deum per Christum. Quidni ergo pari jure laudatis Prophetarum Vaticiniis spirituales Israelis, ac Hierosolymorum instaurationem intelligamus, Ecclesiæ scilicet institutionem?

Ratio altera hæc est: quòd Dei Domum, & Hierosolymam instaurandam in eum modum, ac formam Prophetæ vaticinentur, quam ad literam, & secundum verborum superficiem accipere, ineptissimum sit: Ecce ego, inquit Deus Isaïæ Cap. 54., *Sternam per ordinem lapides tuos, & fundabo te in Sapphiris, & ponam jaspidem propugnacula tua*: Quæ quis extra figuram dicta putet? *Es eris*, inquit Isaïas Cap. 2. *præparatus mons domus Domini in vertice*

sice montium, & elevabitur super colles : Quæ quis secundum nativum verborum sensum accipienda sibi fingat? *Et eris*, subjungit idem Isaias Cap. 66., *mensis ex mense, & sabbatum ex sabbato* : *venies omnis caro, ut adoret coram facie mea*. Qua vero sorte fieri posset, ut toto Orbe diffusæ Gentes quovis Mense, imò & quovis Sabbatho Hierosolymam tandem instauratam adirent, verum illic Deum adoraturæ? Addit Zacharias Cap. 14. convoluturas illuc Gentes omnes *ad celebrandam festivitatem Tabernaculorum* : Rem utique, si nudam literam spectes, penitus impossibilem. Sed & Isaias toties jam appellatus instauratæ semel Hierosolymæ, Populique ad pristinas Sedes reducis beata temporæ describens, ea de Vallibus, ac Montibus, de diebus, ac noctibus, de brutis demum Animantibus narrat, quæ si quis stricto sensu, ac citra allegoriam velit accipere, omnium cachinnis, ac sibilis excipietur : Cap. 40. : *Omnis vallis exaltabitur, & omnis mons, & collis humiliabitur* ; *& erunt prava in directa, & aspera in vias planas* : Cap. 24. : *Erubescet Luna, & confunderetur Sol, cum regnaverit Dominus exercituum in Monte Sion, & in Iersalem* : Cap. 30. : *Eteris lux Luna sicut lux Solis, & lux Solis eris septempliciter, sicut lux septem dierum in die, quæ alligaverit Dominus vulnus Populi sui, & percussuram plagæ ejus sanaverit* : Cap. 11. : *Habitabit Lupus cum Agno, & Pardus cum Hædo acubabit* : *Vitulus, & Leo, & Ovis simul morabuntur, & Puer parvulus minabit eos. Vitulus, & Ursus pascentur : simul requiescent Casuli eorum* : *& Leo quasi Bos comedet paleas. Et delectabitur Infans ab ubere super foramine Aspidis* : *& in caverna Reguli, qui ablatus fuerit, manum suam misset. Non nocebunt, & non occident in universo monte sancto meo*. Hæc itaque spiritali, & allegorico sensu citra dubium intellecta, nonnisi ad spirituales Hierosolymorum, & Judaicæ Gentis instauracionem, liberationem, salutem, ac pacem referuntur.

Tertia demum ratio, quæ Judæis jugulum petiit, ista est : quod suæ laudatis paulò ante Jeremiæ, & Zachariæ Oraculis veritas minime constaret, si de temporali Hierosolymæ instauracione locuti dicantur. Hanc enim, ut primùm instaurata fuerit sub Cyro Persarum Rege, *non evellendam ultra, nec destruendam, nec futuram deinceps anathema* ; sed summæ securitate potituram affirmant. Quod certè, si de temporali securitate, atque perennitate dictum velint, quis non videat, esse falsissimum? Cùm toties subinde a Romanis oppugnata, captatandem, incensa, deletaque sit. De mystica itaque Hierosolymorum instauracione, deque spiritali Judæorum restitutione locutos Prophetas oportet, dum futuræ sub Cyro Persarum Rege restitutionis, atque instauracionis Adjuncta, ac Circumstantias prænuntiaverunt ; ut a typis (quod Prophetis familiari

est) ad antitypa gressum facerent, a Templo scilicet Salomonico sub Cyro *Christo Domini* temporaliter instaurato ad Spirituale Templum (Ecclesiam intellige) a Christo Jesu excitandum, exstruendum, & consecrandum.

Hinc depulsam arbitror alteram Judæorum hallucinationem, qua Terram Chanaam Abrahamo, & semini ejus a Deo datam gloriantur in possessionem eternam, *Genesis Cap. 17.* Unde colligere sibi putant, Terram hanc adveniente Messia sibi fore restituendam, ut illam æternum possideant, juxta Isaïæ Vaticinium *Cap. 60.* : *Populus autem tuus omnes justis, in perpetuum hæreditabunt Terram, germen plantationis meæ, opus manus meæ ad glorificandum* : Et *Ezechielis Cap. 37.* : *Et habitabunt super Terram, quam dedi servo meo Jacob, in qua habitaverunt patres vestri : et habitabunt super eam ipsi, & filii eorum, & filii filiorum eorum usque in sempiternum* : & *David servus meus princeps eorum in perpetuum* . Ut enim omittam hæc, quod in superioribus Hebræorum Magistrorum Autoritate probatum est; iis loquendi formulis æternum, in perpetuum, in sempiternum, non semper durationem omni fine carentem intelligi, sed prolixum quandoque tempus significari duntaxat; quis quæso vel mediocriter sapiens prima fronte non videat, isthæc per allegoriam dicta esse, & Terræ Chananeæ symbolo cœlestem Felicitatem adumbrari in perpetuas æternitates a veris Abraham Filiis possidendam? Nam si res secundum carnem, & juxta literæ corticem pensare Judæi velint, dicant, qua ratione fieri posset, ut Abraham semen, quod toto Terrarum Orbe diffundendum promiserat Deus *Genesis 13.*, unico Chananeæ sinu contineri posset? Dicant, qua sorte Terra Chanaam æternum possidenda esset, quam ab annis mille sexcentis, & eo ampliùs, minime possident? Dicant, qua digna mercede fidem Abraham Deus Optimus compensasset, si unicum illi, ejusque semini Terræ angulum in præmium concessisset? Mentem ergo erigere necesse est, ne & Abraham fidei, & Dei Liberalitati injuriam irrogemus. Quare Chananeam a Posteris Abraham re ipsa, ac longo annorum tractu possessam olim ultrò concedimus; at insinuatam illam possessionis perennitatem ad Cœlestem Patriam, cujus hæc symbolum erat, referendam judicamus. Aliàs sua Dei Oraculo veritas constare non posset.

At erit fortè, qui dicat, Jesum nostrum nec sic quidem veri Messias officio functum esse; qui Judæos toto Orbe dispersos, ac profugos nec spiritualiter quidem collegit, nec in unius Ecclesiæ societatem adduxit : quod tamen, fatentibus nobis, verus Messias Sacris Oraculis prænuntiatus facturus erat. Imò, inquit ego, Judæos in unius Ecclesiæ sinum collegit Jesus noster, quotquot colli-

gen-

gendos Prophetæ veteres prænuntiarunt; veros Abrahamæ Filios: Filios, inquam, non Carne, sed Spiritu; Filios non ex Fœmore, sed ex Fide; Filios non Corpore circumcisos, sed Mente: *Non enim omnes, qui ex Israel sunt, ii sunt Israelitæ: neque qui semen sunt Abrahamæ, omnes filii:* inquit Apostolus *ad Romanos Cap. 9.* Quin & id observatione longè dignissimum est; Judaicæ Gentis partem plurimam Christo Domino adhæsisse, ac consensisse; partem alteram repugnasse; ut Prophetarum Oracula omni ex parte implerentur. Cum etenim Prophetæ Judæorum alios Messias consensuros, alios repugnatos prænuntiarint; vocandos allos, alios rejiciendos; minùs Propheticæ veritati consultum esset, si vel Omnes, excepto nemine, Christo Domino consensissent; vel Omnes, deîmpto nemine, repugnassent. Duplicem igitur Israellem secernere necesse est; Spiritualem unum, Carnalem alterum; Fidelem illum, Infidelem istum; eum verum Abrahamæ Filium, istum spurium, ac degenerem; eum promissis Benedictionibus cumulatum in Christo Jesu, cui credidit; istum reprobatum a Jesu, quem tradidit; illum in Ecclesiæ Catholicæ unitatem Fidei professione susceptum, istum in effusi Sanguinis pœnam toto Orbe profugum, & extorrem. Sic sanè Scripturas nullo negotio conciliamus; donec ad Sæculi finem, ac in secundo Christi Adventu infelices illæ *convertentur reliquiæ Israelis, Reliquiæ, inquam, Jacob ad Deum fortem;* ut est apud Isaiam *Cap. 10.*



PRÆLECTIO VI.

Judæorum hallucinatio Christum bellatorem, ac manu fortem venturum sibi blandientium, quem imò pacificum, atque humilem Sacri Vates prænuntiarunt, validissimis Momentis retezitur, ac demonstratur.



Uccedit ordine quinta prænuntiati Messiaæ Nota, quæ uti carnalium Judæorum genio magis arri-
det, ita & ab iis majori animorum contentio-
ne defenditur. Horum una vox est, una sen-
tentia, Messiam, Prophetarum Oraculis prænun-
tium, Virum manu fortem, ac bellatorem fu-
turum; qui & ingentes ducat Exercitus, & iis
cum summo imperio præsit. Cùm enim in unam

qua toto Orbe premuntur, temporalem Servitutem oculos inten-
dant, eum tandem oriturum sibi Liberatorem opinantur, qui mi-
seram Gentem armata manu, ac striôto gladio vindicet, densaque
Gentibus exteris strage illata optatam diu Suis libertatem resti-
tuat. Ea spe bona lætantur Miseri, ventura felicia tempora præ-
stolantur, futurumque tandem existimant, ut hoc suo Messia Du-
ce, ac Vindice, quem sibi ad arbitrium effingunt, Nationum,
quibus hodie serviliter parent, sanguine faginentur.

Ludam operam; si quotquot in hanc rem Scripturarum Oracula
congerunt cœci Homines, velim hic minutatim, atque distinctè
recensere. Selectiora breviter dabo, quibus figmentum istud nitun-
tur adstruere. Numerorum Cap. 24., ubi Christi Adventus quàm
disertissimè prænuntiatur: *Orietur stella ex Jacob, & consurget vir-
ga de Israel; & percutiet duces Moab, vastabitque omnes filios
Sarb. Et erit Idumæa possessio ejus: hæreditas Seir cedet inimicis
suis: Israel verò fortiter aget. De Jacob erit, qui dominetur, &
perdet reliquias Crvisatis. Psalmo 109.: Dominus a dextris tuis
confregit in die iræ suæ Reges. Judicabit in Nationibus, implebit
ruinas, conquassabit capita in terra mulsorum. Isaïæ Cap. 42.:
Dominus sicut fortis egredietur, sicut vir præliator suscitabit zel-
lum, vociferabitur, & clamabit: super inimicos suos confortabi-
tur: Jeremiæ Cap. 12.: Gladius Domini devorabit ab extremo ter-
ræ usque ad extremum ejus. Joelis Cap. 2.: Dominus dedit vocem
suam ante faciem exercitus sui: quia multa sunt nimis castra ejus,
quia fortia, & facientia verbum ejus. Habacuc Cap. 3.: In-
fremuit conculcabis terram: in furore obstupescies Gentes. Egredietur
es in salutem Populi tui: in salutem cum Christo tuo. Zachariæ
Cap.*

Cap. 9. : *Extendi tibi Judam quasi arcum, implevi Ephraim : & suscitabo filios tuos Sion super filios tuos Gracia : & ponam te quasi gladium foris.* Et alia id genus multa, quæ passim in Prophetis occurrunt : unde Messiae bellatoris, Copiarumque ductoris effingendi ansam Judæi recentiores, ac veteres arripuerunt.

Sed neque unico isto Actu Messiae bellicosi Fabula luditur. Addunt liberales naniarum istarum Venditores, Messiam post confecta bella, eam Orbi pacem temporalem allaturum, quæ nullo deinceps bello, nulla inter se Gentium dissensione turbetur. Ita quippe colligere sibi videntur ex variis Prophetarum Oraculis : *Psalmo 45. : Venite, & videte opera Domini, quæ posuit prodigia super Terram : auferens bella usque ad finem Terra. Arcum conteret, & confringet arma : & scuta comburet igni. Psalmo 75. : Notus in Judæa Deus : in Israel magnum nomen ejus. Et factus est in pace locus ejus : & habitatio ejus in Sion. Ibi confregit potentias arcuum, scutum, gladium, & bellum. Isaïæ Cap. 2. : Constabunt gladios suos in vomeres, et lanceas suas in falces : non levabit Gens contra Gentem gladium, nec exercebuntur ultra ad prælium. Michææ Cap. 4. : Judicabit (Dominus) inter Populos multos, et corripiet Gentes fortes usque in longinquum : et concident gladios suos in vomeres, et hastas suas in ligones : non sumet Gens adversus Gentem gladium : et non discent ultra belligerare. Et sedebit vir subtus vitem suam, et subtus ficum suam, et non erit qui deterreat ; quia os Domini exercituum locutum est. Aliaque non absimilia Prophetarum Oracula, quæ distinctius, & accuratius recensere longum esset.*

Quid plura? Talem Orbi pacem a Christo bellatore, ac domitore datum iri fabulantur, quæ bruta etiam Animantia inter sese conciliet, societque mutuo ; quæque ingenitam illis feritatem adiumat, ne ultra deinceps Hominibus noceant. Ut plane quod in effingenda aurea Saturni ætate a Poetis ingeniosè confictum est, totum id in effingendo Messiae Sæculo somniasse Judæorum aliqui videantur. Nec desunt, quæ in hujus Commenti fidem ostendent Prophetarum Vaticinia : *Isaïæ Cap. 11. : Habitabit Lupus cum Agno : et Pardus cum Hædo accubabit : Vitulus, et Leo, et Ovis simul morabuntur, et Puer parvulus minabit eos. Vitulus, et Ursus pascentur : simul requiescent Catuli eorum : et Leo quasi Bos comedet paleas. Et delectabitur Infans ab ubere super foramine Aspidis : et in caverna Reguli, qui ablactatus fuerit, manum suam mittet. Non nocebunt, et non occident in universo monte sancto meo. Quæ totidem ferme verbis inculcantur Cap. 65. : Lupus, et Agnus pascentur simul, Leo, et Bos comedent paleas : et Serpentis pulvis panis ejus : non nocebunt, necque occident in omni*
mon-

monte sancto meo; dicit Dominus. Ezechielis Cap. 34. : *Faciam cum eis Pactum pacis, et cessare faciam Bestias pessimas de terra: et qui habitant in deserto, secum dormient in saltibus: v. 28. : Et non erunt ultra in rapinam in Gentibus, neque Bestia terræ devorabunt eos: sed habitabunt confidenter absque ullo terrore. Osee Cap. 2. : Percutiam cum eis Fœdus in die illa, cum Bestia agri, et cum Volucre Celi, et cum Reptili terræ: et arcum, et gladium, et bellum conseram de terra: et dormire eos faciam fudicialiter.*

Quid autem, positis illis Judaicæ perfidiæ Fundamentis, adversus Jesum nostrum consequatur, in aperto est; Illum nempe a nobis perperam, uti Messiam, agnosci, & coli, quem nec Virum bellatorem, nec manu fortem extitisse, satis scimus; nec ulla nobis hujusce promissæ Pacis, aureæque Ætatis paulò ante narratæ beneficia contulisse profiteamur.

Ut ergo pro more nostro & Instituto inanes illas Judæorum Argutias retundamus, duo hæc demonstrare nobis est opus: Primum; Messiam illum bellatorem, tot illis Vaticiniis prænuntiatum, non temporalia, non carnalia bella gesturum fuisse, ut Judæi sibi inaniter blandiuntur; sed spiritualia, quibus Animæ hostes, & vitia pelleret: Alterum; pacem a Messia bellicoso Homini redonandam Spiritus esse, non Carnis; Animæ, non Corporis; piam Mentis, & Fidei securitatem, non externam variarum Gentium in servandis finibus consensionem. Sic certè Judæos cæcos Scripturarum Interpretes ostendemus; & Jesum nostrum verum Messiam iis ipsis Principiis demonstrabimus, quibus illi pertinaciter negant.

Ut itaque promissum Bellatorem, Bellaque ab ipso gerenda certissimè dignoscamus, arma ipsa, quibus usus erat, observare sat erit. Ex armorum quippe genere Belli quoque gerendi genus sine controversia definiemus. Hæc porro nobis indigitat Isaias, cujus Suffragio turpiter abutuntur, Cap. 11. : *Percutiet terram virga oris sui, et spiritu labiorum suorum interficiet impium. Et erit justitia cingulum lumborum ejus: et fides cinctorium renum ejus. Bellum igitur spirituale gesturus erat Bellator ille, spiritualia duntaxat arma tractaturus, verba scilicet, spiritum, justitiam, & fidem. Quæ totidem a fidelibus illius Discipulis tractanda monet Paulus Apostolus ad Ephesios Cap. 6. : Propterea accipite armaturam Dei, ut possitis resistere in die malo, et in omnibus perfecti stare. Statim ergo succincti lumbos vestros in veritate, et induti lorica justitiæ, et calceati pedes in præparatione Evangelii pacis: in omnibus sumentes scutum Fidei, in quo possitis omnia tela Nequissimi ignea extinguere: et galeam salutis assumite: & gladium spiritus: (quod*

est

est verbum Dei. Quibus in verbis Christi Apostolum Prophetæ mirum in modum consentientem habemus, ut unius interpretationem ex alio colligamus.

Idem Belli genus, spirituale scilicet, nil minùs egregiè, & luculenter ostendit Isaias idem Cap. 8.; ubi de Christo bellicoso in ipsa quoque pueritia bella gerente sic habet: *Et dixit Dominus ad me: voca nomen ejus, Accelera Spolia detrahere: festina prædari. Quia antequam scias puer vocare patrem suum, & matrem suam, auferetur fortitudo Damasci, & spolia Samariæ, coram Rege Assyriorum.* Jam ergo vagitu ad arma vocaturus erat bellator Infantulus; signa belli, non tuba, sed crepitacillo daturus: nec ex equo, vel de curru, vel de muro, sed de Nutricis, aut Gerulæ suæ collo hostem aggressurus; atque ita Damascus, & Samariam pro mamillis subacturus. Quidni ergo figuratam hîc locutionem, & spirituale Bellum adumbratum intelligamus; quo nimirum præmatura professione Virtutis internos Animi hostes, Damasci, & Samariæ symbolo designatos, adhuc Puer superaret? Sed hæc est Judæorum improba cæcitas, ut non alios Hominis hostes putent, præter Ægyptios, Assyrios, Babylonios, aliosque id genus antiquos suæ Gentis domitores: nec alia idcirco Bella, ab eo, quem præstolantur, Liberatore gerenda norint, nisi quæ temporalem illis libertatem, ac pacem attulerint. Vah cæcas mentes! Verus Hominis hostis peccatum est, quo uno læditur Anima, & servituti addicitur. Legant suæ Gentis Annales; nusquam Judæos servituti addictos invenient, nisi ob Idololatriam, aut scelus aliud quod ingens. Ita Ægyptiis, Moabitis, Ammonitis, Philistæis, Madianitis, Assyriis, Babylonis, Persis, Medis, Græcis, Romanis per varia temporum intervalla ob admissa identidem scelera servierunt. Ut hinc noverint, peccata veri nominis hostes esse, unde prima tot servitutum, torque malorum origo nata est: Ægyptios verò, Moabitas, Philistæos, aliosque id genus Populos non tam hostes, quàm Dei vindicis Administros. Is ergo verus Messias, verus Liberator habendus erit, qui vitiis, non qui Gentibus bellum indixerit; qui spiritualia, non qui carnalia arma tractarit; qui Mentis, non qui Corporis libertatem attulerit. Hinc frequentes illæ Prophetarum voces: *Si in toto corde vestro revertimini ad Dominum, auferet Deus alienos de medio vestri, Baalim, & Astaroth: & præparate corda vestra Domino, & servite ei soli, & eruet vos de manu Philistim Lib. 1. Reg. Cap. 7.*

Sed nihil æquè Judaicam hoc in Capite vanitatem exfufflat, quàm decretorium Sapientis Oraculum *Sapientiæ* Cap. 5., ubi venturi Liberatoris bellicum Apparatum describens, hostesque ab eo conterendos adumbrans, nil, nisi spirituale Bellum, ab eo geren-

dum insinuat : *Dextera sua teget eos , & brachio Sancto suo defendet illos . Accipiet armaturam zelus illius , & armabit creaturam ad ultionem inimicorum . Induet pro thorace iustitiam , & accipiet pro galea iudicium certum . Sumet scutum inexpugnabile æquitatem : acuet autem duram iram in lanceam , & pugnabit cum illo Orbis Terrarum contra insensatos . En tibi promissi Bellatoris armaturam ; iustitiam , iudicium , æquitatem , ac zelum : quæ illis instar thoracis , & galeæ , instar scuti , & lanceæ futura erant . Quod plane collineat Osee Dictum Cap.1. : *Domui Juda misererebor , & salvabo eos in Domino Deo suo : et non salvabo eos in arcu , & gladio , & in bello , & in equis , & in equitibus .* Næ ergo Judæi mente , & sensu capti , qui suæ Gentis Liberatorem Alexandri , ac Cæsaris Apparatu proditurum hariolantur : mortificationem securi literam nil , nisi quæ carnis sunt , sapiunt . Hunc longe alium nobis effingit Isaias Cap.42. ; ut mitem potius , humilem , pacificum dignoscamus : *Ecce , inquit , servus meus , suscipiam eum : electus meus , complacuit sibi in illo anima mea : dedi spiritum meum super eum , iudicium Gentibus proferet . Non clamabit , neque accipiet personam , nec audietur vox ejus foris . Calamum quassatus non conseret , & linum fumigans non extinguet : in veritate educet iudicium . Non erit tristis , neque turbulentus ; donec ponat in terra iudicium : & Legem ejus Insulæ expectabunt .**

Hanc autem Pacem a Messia domitore , ac bellatore Homini-
bus redonandam Spiritus esse , non Carnis ; (quod alterum præsentis Instituti Caput est) ex hoc primo sponte sua fluere , nemo non videt . Ut enim Belli fructus Pax est , spirituales ab eo Pacem donari necessum erit , qui non nisi spiritualia Bella gesserit , & spiritualia arma tractarit . Patet id nihilofecius adhuc luculentius , & apertius ex Aggæi Oraculo Cap. 2. ; ubi de Templo Salomonis post solutam Captivitatem Babylonicam restituto sub Cyro Persarum Rege sermonem habens loquitur in hæc verba : *Veniet desideratus cunctis Gentibus : & implebo domum istam gloria , dicit Dominus exercituum Magna erit gloria domus istius novissimæ plusquam primæ , dicit Dominus exercituum . Et in loco isto dabo pacem , dicit Dominus exercituum .* Quæram etenim a Judæis , num fortè Pax temporalis Templo huic a Zorobabele restituto data fuerit , quod creberrimis Bellis appetitum est ab Antiocho , Pompejo , Cajo , ac tandem post horrendas calamitates funditus a Romanis excisum est ? Negabunt profectò , si sapiunt , temporali Pace donatum esse Templum illud : spirituales itaque Pacem huic duntaxat promissam fuisse fateantur necesse est . Quam scilicet Jesus noster eo in Templo oblatus Æterno Patri
Ho-

Hominibus quæsit Sanguine suo, placato Deo, & Hominibus reconciliato, sedatisque Conscientiæ motibus, qui teterrimum Peccatoribus Bellum inferunt.

Quod ergo Isaïæ *Cap. 2.* de Messia temporibus legimus, unde Judæi prælidium petunt : *Constabunt gladios suos in vomeres, & lanceas suas in falces : non levabit Gens contra Gentem gladium, nec exercebuntur ultra ad prælium*; Uti & alterum Michææ *Cap. 4.* a Judæis proferri solitum; figuratæ loquendi formulæ sunt, a Prophetis usurpari solitæ, spirituales Animæ Pacem iis symbolis designantes. Nempe deponendam significavit Avaritiam, Superbiam, Cupiditatem, aliosque pravos Animi motus, unde injusta Bella nascuntur. Qualia ex dominandi libidine Nabucodonosor, Antiochus, Assyrii, Chaldæi, Persæ, Græci, Romani, nondum nato Christo, moverunt. Non quod sub Messia Imperio injusta etiam Bella esse non possint : quot enim experimur in dies? Sed quod istiusmodi nulla a veris, piisque Christi Fidelibus excitentur; ad quos memoratæ Isaïæ, & Michææ Promissiones diriguntur. Ut enim Bella hæc Christi Lege vetantur; ita qui ex dominandi cupiditate, atque libidine Bella movent, non Christiani verè sunt, sed Pagani.

Se verò longè magis deridendos propinant recentiores Hebræi, qui Pacis temporalis, aureæque, quam fabulantur, ætatis sub Messia Imperio redivitæ vestigia in brutis etiam Animantibus quærant, Osææ, Isaïæ, & Ezechielis Oraculis abusi turpiter. Quasi verò adveniente Messia ferocia Animalia mitibus sociari debuerint, eodem pasci pabulo, eademque caula concludi. Hæc sanè usque adeo inepta sunt, ut nequidem in cucurbitæ caput ventura existimaverim; nisi hæc ipsa a Synagogæ Primoribus jactari propriis ipse auribus audivissem. Has tamen Gregalium suorum ineptias derident, qui aliquanto plus sapiunt, Synagogæ Magistri : Rabbi Samuel, Rabbi David Kimchi, Rabbi Moyses Benmaimon. Ecquis enim non videat, Lupum, Pardum, Ursu, Leonem, feraque id genus Animantia, uti impiarum Gentium simulacra, a Prophetis assumi; Agnum verò, Hædum, Vitulum, mansuetas pecudes, fideles Israelitas adumbrare; quorum summa erit inter Gentes pax, atque tranquillitas Animi, ubi semel in unius Ecclesiæ societatem coaluerint? Barbaras enim Gentes brutorum Animalium simulacris adumbrari, testis est Propheta Joel *Cap. 1.*; ubi Judææ vastationem a Babylonis, Persis, Græcis, Romanis inferendam prænuntians, Eruçæ, Locustæ, Bruchi, & Rubiginis symbola mutuatur : *Residuum*, inquit, *Eruçæ comedit Locustæ, & residuum Locustæ comedit Bruchus, & residuum Bruchi comedit Rubigo*: hoc est, ut ipsimet Judæi nobiscum interpretantur, reliquias Imperii Babylonicæ vastavit Persarum Imperium;

reliquias Perfidis vastavit Græcia; reliquias Græciæ vastavit Roma. Testis & Daniel, qui oblatum sibi divinitus *quatuor grandium Bestiarum* visum enarrat *Cap. 7.* eadem illa quatuor Regna designantium: *Hæ quatuor Bestiæ magnæ quatuor sunt Regna, quæ consurgent de Terra.*

Certè si nihil in Prophetis Oraculis exponendis allegoriæ damus, sed mortiferam secuti literam omnia *κατὰ λέξιν* sumi volumus, ut auream Messie ætatem effingamus; non modò deponendam brutorum Animantium feritatem effutiemus; sed etiam complanatum iri Terræ Sola fabulabimur, ut nulli tunc Montes, nullæ Valles existant: dicente scilicet Isaia *Cap. 40.*: *Omnis Vallis exaltabitur, omnis Mons, & Collis humiliabitur, & erunt prava in directa, & aspera in vias planas.* Quin etiam novo absurditatis, ac repugnantie genere Flumina plaudentia manibus, Montes, Silvasque Caprarum more saltantes fabulabimur; Regio scilicet Vate inclamante *Psal. 97.*: *Flumina plaudent manu, simul montes exultabunt a conspectu Domini, quoniam venit: & Psal. 95.*: *Tunc exultabunt omnia ligna silvarum a facie Domini, quoniam venit.* Quæ certè, ut alibi observavimus, præterquam sunt absurdissima, pugnant insuper inter sese; cùm & Montes exultare a conspectu Domini, quod ait Regius Vates, impossibile sit; si nulli tunc Montes, ut loquitur Isaia, futuri sunt, sed Solo æquandi.

Fateantur itaque, velint nolint, miseri Recutiti, aureum illud promissi Messie Sæculum, nonnisi figuratè, ac spiritualiter, accipiendum esse: aliàs Figmenta sua jampridem ebibita novis, iisque turpioribus cumulabunt; quibus sese non solùm mente, sed & sensu captos magis, ac magis exhibebunt.



PRÆLECTIO VII.³³

Ex turpissima Christi morte, Humanique Generis Sacro suo Sanguine expiatione, Sacrorum Oraculorum Autoritate, verè illum fuisse Messiam adpromissum, evincitur.



Udd Christum divinis Oraculis prænuntiatum Virum bellatorem, copiarumque ductorem Judæi commenti sint, parum illis visum erat, nisi eundem etiam immortalem effutirent. Ita se Sacris Literis edoctos ajunt, ubi tam sæpe venturæ Messiz perennitas, ejusque Regni æternitas commendatur : *Psalmo 109. : Tu es Sacerdos in æternum secundum Ordinem Melchisedech : Psal. 71. : Permanebit cum sole, & ante lunam, in generationem, & generationem : Isaïæ Cap. 9. : Multiplicabitur ejus imperium, & pacis non erit finis : super solum David, & super regnum ejus sedebit : ut confirmet illud, & corroboret in judicio, & justitia, amodò, & usque in sempiternum : Ezechielis Cap. 37. : David servus meus princeps eorum in perpetuum : Danielis Cap. 7. : Dedit ei potestatem, & honorem, & regnum : & omnes Populi, Tribus, & Lingue ipsi servient : potestas ejus potestas æterna, quæ non auferetur : et regnum ejus, quod non corrumpetur : Michææ Cap. 4. : Regnabit Dominus super eos in monte Sion, ex hoc nunc, et usque in æternum : & alibi sæpius.*

Hinc validissimum adversus Jesum nostrum telum cudere arbitrantur ; qui cum morte, & quidem turpissima, sit affectus, Christus a sacris Vatribus prænuntiatus esse non possit. Neque verò Commentum istud ab iis recens excogitatum æstimare par est : illo enim ipso Jesum quoque viventem, & cum Homini-bus conversantem impetierunt, teste Joanne Cap. 12. Evangelii. Cum enim is Christum sese Judæis daret, ac prædicaret, seque tamen Cruci suffigendum, & exaltandum innueret, *Respondit ei turba : nos audivimus ex Lege, quia Christus manet in æternum : & quomodo tu dicis, oportet exaltari Filium hominis? Quis est iste Filius hominis?* Nempe jam tunc Christum a Lege promissum nequaquam moriturum arbitrabantur. Quo fit, ut & fabulæ loco habeant delictorum nostrorum expiationem Christi Sanguine faciendam : tametsi noxas Hominum quodam sensu laturum Christum, illorum Aliqui fateantur ; quem idcirco *Virum expiationis* appellant.

Quare, ut hoc etiam oppanum Judæorum oculis telum reducamus,

mus, ne eo fortè præjudicio occupentur, quominus verum Christum agnoscant; duo hæc ostendenda veniunt: Primum; Christum Divinis Oraculis prænuntiatum mortem, & quidem turpissimam, subitum fuisse, Impiorum circumventionem, ac malis artibus: Alterum; eundem illum noxas Hominum effuso Sanguine expiaturum. Age nunc, rem agamus, & ad positæ Assertionis probationes accedamus.

Messiam ab Impiis morte plestendum adeo luculenter Prophetæ veteres præcinnuerunt, ut meridiana in luce cæcutiisse Judæos necesse sit, qui inde contra Christum nostrum Argumentum arripuerunt, quod sustinendæ mortis genus, Crucis scilicet, obiter innuisset: *Ego, inquit, si exaltatus fuero a terra, omnia traham ad me ipsum, Joannis Cap. 12.*

Daniel in eo percelebri Vaticinio, quo Messiam post certas Hebdomades venturum vaticinatus est *Cap. 9.*, eum tandem occidendum disertè significat: *Post Hebdomades, inquit, sexaginta duas occidetur Christus.*

Sapiens *Cap. 2.*: Impiorum adversus Christum conatus, & oblocutiones percensens, ita illos eum blasphemantes inducit, ut mortem ei turpissimam inferant: *Tanquam nugaces astinati sumus ab illo, & abstinet se a viis nostris tanquam ab immunditiis, et præfert novissima justorum, et gloriatur, patrem se habere Deum. Videamus ergo, si sermones illius veri sint, et tentemus, quæ ventura sunt illi, et sciemus, quæ erunt novissima illius. Si enim est verus filius Dei, suscipiet illum, et liberabit illum de manibus contrariorum. Consumelia, et tormento interrogemus eum, ut sciamus reverentiam ejus, et probemus patientiam illius. Morte turpissima condemnemus eum. Quo nihil disertius, nihil apertius.*

Isaias Christi in subeunda morte mansuetudinem commendans, eundem profectò moriturum præcerto ponit *Cap. 53.*: *Oblatus est, quia ipse voluit, et non aperuit os suum: sicut ovis ad occisionem ducetur, et quasi agnus coram tondente se obtrimescet, et non aperiet os suum. De angustia, et de judicio sublatum est: generationem ejus quis enarrabit? Quia abscissus est de terra viventium: propter scelus Populi mei percussus eum. Quo Oraculo disertissimo Eunuchum Reginæ Candacis ad Christi Fidem vocatum scribit Lucas, dum ejus illi sensum Philippus aperuit, Actorum Cap. 8.*

Non absimiliter Jeremias *Cap. 11.*: *Ego quasi agnus mansuetus, qui portatur ad victimam: et non cognovi, quia cogitaverunt super me consilia dicentes: mittamus lignum in panem ejus, et eradamus eum de terra viventium, et nomen ejus non memoretur amplius.*

Omnibus verò explicatiùs Zacharias *Cap. 12.*, ubi Deum ita lo-

quen-

quentem inducit : *Effundam super domum David, & super habitatores Jerusalem spiritum gratiæ, & precum: & aspicient ad me, quem confixerunt: et plangent cum planctu, quasi super unigenitum, & dolebunt super eum, ut doleri solet in morte primogeniti.*

Quis ergo Judæos ferat tam temere, tamque audacter effutientes, Christum a Lege promissum nequaquam fuisse moriturum: eaque de causa Jesum nostrum pro vero Christo, atque Messia promisso haberi non posse, quod is morte, eaque turpissima, sit affectus? Cum contra, hoc ipsum Prophetæ veteres præcinerunt fore, ut Christus turpissimam mortem obiret.

At nec id fatis. Nedum moriturum Messiam Sacri Vates cecinere; verum etiam mortis genus, quo Nazarenus noster affectus est, omniaque oppetitæ mortis Adjuncta, & Circumstantias adeo distinctè, & explicatè notarunt, ac retulerunt, ut illum ipsum exerto digito demonstrasse, nec tam Prophetias, quàm Evangelium adornasse videantur.

Quid etenim? Jesu nostro capiendo, tenendo, ducendoque ad mortem prælusit Principum Sacerdotum, Seniorumque Consilium; de quo Matthæus Cap. 26. : *Tunc Congregati sunt Principes Sacerdotum, & Seniores Populi in atrium Principis Sacerdotum, qui dicebatur Caiphas: & consilium fecerunt, ut Jesum dolo tenerent, & occiderent.* Et hoc ipsum David vaticinatus est Psal. 2. : *Astiterunt Reges terra, & Principes convenerunt in unum adversus Dominum, & adversus Christum ejus.* Figuratè verò Psal. 21. : *Circumdederunt me Vituli multi: Tauri pingues obsederunt me. Aperuerunt super me os suum, sicut Leo rapiens, & rugiens..... Quoniam circumdederunt me Canes multi: Consilium malignantium obsedit me.*

Jesus noster venditur triginta Argenteis, ejusque venditionis pretio projecto Ager figulinus emitur. Et hoc prænuntiatum est a Zacharia Cap. 11. : *Appenderunt mercedem meam triginta Argenteos. Et dixit Dominus ad me: proiice illud ad Statuarium, decorum pretium, quo appretiatum sum ab eis. Et tuli triginta argenteos: & projecì illos in domum Domini ad Statuarium.* Similiter ab Amos Cap. 2. : *Hæc dicit Dominus: super tribus sceleribus Israel, & super quatuor non convertam eum: pro eo quod venderit pro argento Justum, & pauperem pro calceamentis: Hoc est, villi pretio.*

Jesus a Judæis captus est. Prædictum hoc etiam a Jeremia Tre-norum Cap. 4. : *Spiritus oris nostri Christus Dominus captus est in peccatis nostris.*

Jesus noster conspuitur, & in faciem cæditur. Præcinerunt & id Prophetæ non pauci: Isaïas Cap. 50. : *Corpus meum dedi percu-*

curientibus, & genas meas vellentibus : faciem meam non averti ab increpantibus, & conspuentibus in me : Jeremias Tbernorum Cap. 3. : Dabit percussienti se maxillam, saturabitur opprobriis : Michææ Cap. 5. : In virga percussient maxillam Judicis Israel : Quo titulo non alium, nisi Christum, intellectum voluit; de quo Isaïæ Cap. 33. dicitur : Dominus enim Judex noster, Dominus Legifer noster, Dominus Rex noster : ipse salvabit nos.

Jesus noster flagellis cæditur. Et id a Davide prædictum Psal. 34. : *Adversum me læsati sunt, et convenerunt : congregata sunt super me flagella, et ignoravi : Psalmo 37. : Quoniam ego in flagella paratus sum : et dolor meus in conspectu meo semper : Psalmo 72. : fui flagellatus tota die, et castigatio mea in matutinis.*

Jesus noster iniquè a falsis Testibus accusatur. Prænuñtiavit & hoc Regius Vates Psal. 34. : *Surgentes Testes iniqui, quæ ignorabam, interrogabant me : Psalm. 37. : Qui inquirebant mala mihi, locuti sunt vanitates : et dolos tota die meditabantur : Psalm. 26. : Insurrexerunt in me testes iniqui, et mentita est iniquitas sibi.*

Jesum ad Montem Calvarie procedentem, & Cruci, quam gestabat, suffigendum plaudentium, & lamentantium Turba comitatur. Præcinuit hoc Zacharias Cap. 12. : *Effundam super domum David, et super habitatores Jerusalem spiritum gratiæ, et precum : et aspicient ad me, quem confixerunt. Et plangent eum planctu, quasi super unigenitum, et dolebunt super eum, ut doleri solet in morte primogeniti.*

Jesus noster Ligno Crucis suspenditur, pedibus, manibusque confossis. Ita plane prædictum a multis : Ab Jeremia Cap. 11. : *Et ego quasi agnus mansuetus, qui portatur ad victimam : et non cognovi, quia cogitaverunt supra me consilia dicentes : mittamus lignum in panem ejus, et eradamus eum de terra viventium. A Davide Psal. 21. : Foderunt manus meas, et pedes meos : dinumeraverunt omnia ossa mea : A Zacharia Cap. 13. : Quid sunt plagæ istæ in medio manuum tuarum? Et dicit : bis plagatus sum in domo eorum, qui diligebant me.*

Jesus unâ cum Latronibus Cruci suffigitur, & pro suis Tortoribus Deum rogat. Sic sanè Isaïæ Cap. 53. : *Cum sceleratis reputatus est : et ipse peccata multorum tulit, et pro transgressoribus rogavit.*

Jesu nostri de Cruce pendentis vestimenta partiuntur sibi Milites; in Tunicam inconfutilem mittunt sortem. Ita Plane Psalmo 21. : *Ipsi verò consideraverunt, et inspexerunt me : dividerunt sibi vestimenta mea, et super vestem meam miserunt sortem.*

Jesus in Cruce sitiens felle, & aceto potatur. Ita Psalmo 68. : *Dederunt in escam meam fel : & in siti mea potaverunt me ace-*

ro : Et Jeremiæ Threnorum Cap. 3. *Replevit me amaritudinibus, inebriavit me absynthio*. v. 19. : *Recordare paupertatis meæ, & transgressionis meæ absynthii, & fellis*.

Jesus Noster in Cruce pendulus irridetur a Prætereuntibus capita sua moventibus, ac tolerata etiam supplicia exprobrantibus. Est & id apud Davidem Psalmo 21. : *Ego autem sum vermis, & non homo, opprobrium hominum, & abjectio plebis. Omnes videntes me deriserunt me, locuti sunt labiis, & moverunt Caput : speravit in Domino, eripias eum ; salvum facias eum, quoniam vult eum*. Quæ plane iisdem ferme verbis Christo probra jaciebant Principes Sacerdotum cum Scribis, & Senioribus : *Alios salvos fecit, se ipsum non potest salvum facere : si Rex Israel est, descendat nunc de Cruce, & credimus ei : confidit in Deo, liberet nunc, si vult eum ; dixit enim, quia filius Dei sum* Matth. Cap. 27. : Iterum Psal. 88. : *Exprobraverunt inimici tui Domine, exprobraverunt commutationem Christi tui* : Item Psal. 108. : *Ego factus sum opprobrium illis : viderunt me, & moverunt capita sua*. Quæ omnes Impiorum in Christum de Cruce pendentem derisiones, & probra distinctiùs prænuntiantur laudato supra Sapiensia loco, Cap. 2.

Jesu tandem moriente Sol obscuratur, tenebrescit dies, Terra movetur in signum doloris, & luctus. Neque id a Prophetis silentio missum : Amos Cap. 8. : *Nunquid super isto non commovebitur Terra, & lugebit omnis habitator ejus? Et erit in die illa, dicit Dominus Deus : occidet Sol in meridie, & tenebrescere faciam terram in die luminis : & convertam festivitates vestras in luctum, & omnia cantica vestra in planctum*. Joel Cap. 2. : *A facie ejus contremuit Terra, moti sunt Cæli : Sol, & Luna obtenebrati sunt, & stellæ retraxerunt splendorem suum*.

Cum ergo & Messiam morituum Prophetæ dixerint, & mortis a Jesu nostro appetitæ circumstantias tam multas, tam singulares, quæque in alium neminem cadant, minutatim, atque distinctè notarint ; tantum abest, ut ei Messiaë titulum propterea derogare Judæi possint, quoddam mortem obierit ; ut potius non alium ab eo agnoscere, atque excipere cogantur ; quem intento veluti digito Prophetæ veteres præmonstrarunt.

Unam fortè Judæi evadendi sibi viam aperient, si dixerint : quæ hæcenus magno numero prolata sunt Prophetarum Oracula, quæ Christus patiens moriensque præsignatus est, de Christo, illiusque morte non esse propheticè dicta ; etsi casu duntaxat, atque fortuito in illo exitum habuisse videantur. At nec illà quidem evadent viâ, nisi duo hæc simul ostenderint : primum, de quo alio propheticè dicta sint ; alterum, in quo alio exitum obtinuerint : quæ tamen, quantumlibet Ingenium torqueant, nunquam ostendent. Ac

de Davide quidem plana res est, illum non de se ipso, sed de altero quopiam dixisse propheticè, quæ ex ipsius Psalmis hæcenus recitavimus; etsi illatas sibi injurias narrasse videatur. Quandonam enim aut flagellis coesus est David, aut ab iniquis Testibus accusatus, aut pedes manusque confossus, aut cum sceleratis reputatus, aut felle, & aceto potatus, aut ejus demum vestimenta inter Prædatores divisa sunt, aut sortitione illis sunt attributa? De Christo itaque certissimè dixit Propheta Regius, cujus & ipse typus erat, cui & ipsum Davidis nomen Sacris in Literis sæpius attribuitur. De Salomone, Isaia, Jeremia, Zacharia, Michæa, & Amoso nil minùs certum, illos de Christo perinde dixisse propheticè; seu quòd res narrent, quæ in illos ipsos minimè cadant; seu quòd Christum ipsum, cui eventura erant, ex ipsius nomine nonnunquam appellent; seu quòd Deum ipsum, qui hæc a Judæis in assumpta Natura passurus esset, loquentem inducant. Neminem autem unquam inventum esse, in quo quæcumque ex laudatis Vatribus recitata sunt exitum habuerint, usque adeo notum est, ut ne Judæos quidem, tametsi obstinatè refractarios, inficiaturos putem.

Nonnulla potius, quantùm conjicio, ex prolatis Vaticiniis cavillabuntur, quæ de Christo minimè dicta contendunt, ac longè aliò referenda volent. Et quidem in Amosi Oraculo notum quærunt illorum Aliqui: *Super tribus sceleribus Israel, & super quatuor non convertam eum: pro eo, quòd venderis pro argento justum*, Cap. 2. Quod de futura Christi venditione (cujus causa sine ulla spe veniæ Israellem repulerit Deus) propheticè dictum inficiantur, sed de Josephi venditione historicè dictum volunt. Ineptè tamen, & contra Facti notitiam. Non enim Josephi venditio quartum Israelis scelus numeratur, sed primum: neque illius causa absque conversionis spe repulsus est Israel, sed charus etiam Deo subinde fuit. Hoc etenim ordine Israelis scelera recehserunt juxta Sacrarum Scripturarum Fidem: ut primo loco Josephi venditio ponatur; secundo, adoratio Vituli in Oreb; tertio, occisio Prophetarum; quibus tamen venia data est; quarto, venturi Christi venditio omni conversionis, & veniæ spe Israelitis prorsus adempta.

Vitiligant Alii longè plures Versionis Vulgatæ lectionem ad Psalmum 21. v. 17. : *foderunt manus meas, & pedes meos*; additisque pro arbitrio punctis hebraicis, non utique *foderunt* ex hebraico vocabulo *Charu* legi volunt, ne tam patenti Vaticinio convincantur; sed *sicut Leo* ex vocabulo *Chauri* legi malunt; ex quo nullus plane sensus elicitur. Quid etenim sibi vult, *sicut Leo manus meas, & pedes meos*? Cùm præfer-

tim,

tim, quæ sequuntur, minimè congruant, & *diminuerunt omnia ossa mea*; quæ tam bellè cum priori Vulgatæ Lectiōnis parte consentiunt. Sed & audacibus Interpolatoribus ora verberant septuaginta Interpretes, qui *Charu* non *Chari* in hebraico Textu legerunt; *foderuntque*, non *sicut leo verterunt*: ita quippè adamussim reddidere *ἔσφαξαν πόδας καὶ χεῖρας, foderunt pedes meos, & manus*.

Cavillantur pari audacia allatum supra Oraculum Jeremiæ *Thren. Cap. 4. v. 20. : Spiritus oris nostri Christus Dominus captus est in peccatis nostris*. Quod non de Christo promisso, seu Messia dictum existimant, sed de Josia Rege, qui non pro suis, sed pro Populi peccatis a Nechaone Rege Ægypti occisus est. Verùm Cavillatoribus refractariis genuinum infringit Paphrastēs Caldæus, missis circuitionibus, & ambagibus vertens *Rex Messias captus est*: infringit & ipse Textus Hebraicus, qui loco vocabulī *Dominus*; Dei nomen Tetragrammaton ponit, *Jehova* scilicet, nulli plane aut appropriatione, aut accommodatione conveniens, sed ei soli, qui Naturā ipsā suā Deus est.

Nugantur demum in Regii Vatis Dicto *Psal. 72. v. 14. : fui flagellatus tota die*; quasi de Christo nostro nequeat intelligi; qui non tota die, sed media vix hora de mane flagellatus est. At non advertunt, si nugis illis est locus, neminem omnino fore, in quem Regii Vatis verba cadere possint; cū nemo unquam die tota, & integra flagellatus inveniatur. Horum ergo verborum duplex est sensus: primus, ut flagellorum nomine non verbera duntaxat intelligantur, sed quæcumque tormenta, quæcumque supplicia, quæcumque pœnæ per totam illam diem toleratæ, quæ a matutina castigatione, seu verberatione initium habuere: quæ de causâ sit dictum, *fui flagellatus tota die, & castigatio mea in manibus*. Alter sensus est, ut Christus flagellatus sit tota die; quod flagellorum, verberumque dolorem senserit tota die; ob illorum nimirum acerbitatem, illatasque sibi plagas atrocissimas; tametsi mediam duntaxat horam de mane flagellatio tenuisset.

Stant itaque undecumque, omnique ex Capite invictæ probationes, quibus primam statutz Assertionis partem ostendimus; promissum Sacris Oraculis Christum mortem, eamque turpissimam fuisse subiturum. De cætero eundem illum noxas Hominum proprio Sanguine expiaturum fuisse, (quod membrum statutz Assertionis est alterum) ex superiori demonstrato Capite confectarium arbitror. Cū id non ob aliud Judæi inficiuntur, quàm quod Messiam nequaquam moriturum existiment. Unicum ad Causæ cumulum addam Isaïæ Oraculum *Cap. 53.*; quod alio-

H ij rum

rum bene plurium instar erit : *Verè languores nostros ipse tulit, & dolores nostros ipse portavit : Et nos putavimus eum quasi leprosum, & percussum a Deo, & humiliatum. Ipse autem vulneratus est propter iniquitates nostras, attritus est propter scelera nostra : disciplina pacis nostræ super eum, & livore ejus sanati sumus. Omnes nos quasi oves erravimus, unusquisque in viam suam declinavit : & posuit Dominus in eo iniquitatem omnium nostrum Propter scelus Populi mei percussus eum. Quod ad præfens Institutum satis superque est.*

Nec quenquam movere potest decantata toties Judæorum cantilena, qua Christi Regni perennitatem ostendant, ut eum nunquam moriturum evincant. Imò ideo moriturum fuisse dicimus, ut Regnum æternum, atque cœleste adipisceretur. Cum etenim Messie Regnum toties a Prophetis descriptum, ac prænuntiatum, non terrenum, sed spirituale omnino sit ; non hujus Mundi, sed alterius ; mori illum necesse fuit, ut obitæ mortis merito Regnum æternum obtineret, Hominibusque Sanguine suo quæsitis, atque redemptis in omne ævum dominaretur : *In hoc enim Christus mortuus est, & resurrexit, ut & vivorum, & mortuorum dominetur, ad Rom. Cap. 14. : Nonne hæc oportuit pati Christum, & ita intrare in gloriam suam? Lucæ Cap. 24.*

Qua parte Judæi deluduntur turpiter, seque supinos, ac cœcos Scripturarum Interpretes produunt, dum Messie Regnum, de quo toties mentionem ingerunt Sacri Codices, aut mundanum, hujusque sæculi, aut aliter, quàm obitæ mortis merito ei datum arbitrantur. Supinam cœcitatem castigant laudata Prophetarum Oracula. Hinc Isaias *Cap. 53.* Christo dominatum, atque triumphum, nonnisi in meritum mortis appetitæ, adjudicat : *Ideo dispersiam ei plurimos, & fortium dividet spolia, pro eo, quodd tradidit in mortem animam suam.* Hinc idem ille Evangelicus Vates promissum Messiam, non præsentis, sed futuri sæculi Patrem appellat ; ejusque Principatum, nonnisi ex Cruce ipsa, quam humeris gestaturus erat, derivavit *Cap. 9. : Parvulus enim natus est nobis, & filius datus est nobis ; & factus est Principatus super humerum ejus, & vocabitur nomen ejus Admirabilis, Consiliarius, Deus, fortis, Pater futuri sæculi, Princeps pacis.* Hinc & Propheta Regius Christum Gentium, Populorumque Caput constitutum monet non ob aliud, quàm ob toleratam contradictionem, & reprobationem ab Impiis, *Psal. 17. : Eripies me de contradictionibus Populi : constitues me in caput Gentium : Psal. 117. : Lapidem, quem repronaverunt edificantes, hic factus est in caput anguli.* Sed est illa Judæorum densa cœcitas, ut quoties de Regno æterno audiunt,

diunt, nonnisi terrenum intelligant : quoties de Davidis Solio in ævum possidendo, & instaurando legunt, nil nisi mundanum cogitent, externo mortiferæ literæ sensui duntaxat hærentes. Adeo scilicet juxtà Isaïæ Pronuntiatum Cap.6., *Excæcatum est cor Populi hujus* ; bonisque terrenis, ac perituris dantaxat inhiat more pecudum, quibus nulla futuræ, supernæque Vitæ spes est : *Incrassatum est enim cor Populi hujus, & auribus graviter audierunt, & oculos suos compresserunt; ne fortè videant oculis, & auribus audiant, & corde intelligant, & convertantur, & sanem eos : Actorum Cap.28.*



P R Æ L E C T I O VIII.

*Messiam Sacris Oraculis præmonstratum, non purum futurum
Hominem, sed Hominem Deum cum Hominibus
conversantem, ostenditur.*



Irum fortè videri queat, Judæos, qui in reddenda promissi sibi Liberatoris imagine audaci adeo, liberoque usi sunt penicillo, ut illum contra quod veritas habet, Gentium domitorem, bellicosum, Copiarum ductorem, ac prorsus immortalem effingerent; eundem tamen, (quod verissimum erat) Deum verum factum Hominem, & cum Hominibus conversantem nec leviter expressisse.

Nihil tamen est, quod miremur, si alterum, quo tenentur, Errorem attendimus. Fecit hoc enim fatalis illa, qua janitulum laborant, Mysterii Trinitatis ignoratio. Cum enim promissum sibi Messiam, Liberatoremque a Deo mittendum ubique legerint; Deum autem uti Natura, ita & Persona unum, non trinum agnoscant; necessaria consecutione factum est, ut Messiam illum suum, non Deum, a quo mitti debuit, sed alterum a Deo sibi fingere. Cum contra, si Deum de Deo, Lumen de Lumine, Deum verum de Deo vero, ut Catholica Fides habet, genitum agnovissent, Deum a Deo in assumpta Hominis Natura mitti posse, de facili comperissent. Ut igitur hunc illis scrupulum eximamus, nobilissimamque adumbrati Messiae Notam, ex qua maximè dignosci debeat, præfigamus, ac definiamus, illud nunc, quod rei Caput est, ex veteris Testamenti Oraculis ostendere aggredimur: Messiam, tamen mittendum a Deo; Deum tamen & ipsum esse debuisse, in assumpta Hominis Natura cum Hominibus conversantem. Unde & hoc alterum Judæi simul intelligent; Deum, tamen individua Naturâ, non ideo tamen Personâ unum esse; sed, Deum de Deo, ex ipsa æternitate, Mentegenitum; ut & hoc patet a Genitore Genitum mitti in assumpta Natura, ac etiam in tempore, nihil vetet, nihil repugnet.

In eo Sacrorum Oraculorum genere limpidissimum, disertissimumque illud mihi semper visum est, quod legitur in *Libro Baruch*; qui tamen hebraicè modo non extet, hebraicam tamen originem refert; *Cap. 3. : Hic est Deus noster, & non assimabitur alius adversus eum. Hic advenit omnem viam discipline, & tradidit illam Jacob puero suo, & Israël dilecto suo. Post hæc in tetris visus est, & cum Hominibus conversatus est.* De vero ete-

nini

nim illic Deo sermonem fieri, ne Judæos quidem arbitror negaturos: de suo, inquam, Deo, quem coluerunt, & adorarunt, a quo & disciplinæ Legem acceperunt. Is autem, si Baruchus, Jeremias Scribæ, & Amanuens fides est, in terris visus est, & cum Hominibus conversatus est. Quod sanè aut nunquam, aut in Christi promissi Persona exitum habuit. Deus igitur ille fuit, & in Terris visus, & cum Hominibus conversatus.

Reponent illi fortè, Deum ex Baruchi Vaticinio in Terris videndum fuisse, & cum Hominibus conversaturum, non Persona propria Naturæ nostræ substantialiter unita, atque ita Hominum oculis conspicua; sed sola miraculorum, & prodigiorum patratiōe, quæ in electi Populi beneficium editurus erat. At si non alio pacto Deus videndus fuisset in Terris, nihil singulare, ac peculiare in futurum tempus promississet Baruchus, ut diceret, *post hæc in terris visus est*; cum tot, tantaque portenta, atque prodigia in tradenda Disciplinæ Lege diu ante edidisset. Ut sciam, Deum, quodd in Hominum beneficium prædicia patret, non idcirco censeri cum Hominibus conversari; nisi quandam nobiscum in Natura communionem, & societatem habeat. Accedit, quodd patratiōem miraculorum Prophetæ quandoque notent tanquam quid confectarium, ac veluti fructum Dei ipsius ad nos venientis: Isaia Cap. 35. : *Deus ipse veniet, & salvabit vos. Tunc aperientur oculi cæcorum, & aures surdorum patebunt. Tunc saliet sicut Cervus Claudus, & aperta erit lingua Mutorum. Et Cap. 25. : Ecce Deus noster iste, expectavimus eum, & salvabit nos: Iste Dominus, sustinuimus eum, exultabimus, & letabimur in salutari ejus. Quia requiescet manus Domini in monte isto: & triturbabitur Moab sub eo, sicut teruntur paleæ in plastro. Et extendet manus suas sub eo, sicut extendit natans ad natandum: & humiliabit gloriam ejus cum allisione manuum ejus. Non igitur eatenus ad nos Deus ipse venisse censendus est, non eatenus a nobis est visus, ac nobiscum est conversatus, quodd ejus nomine, atque virtute ingentia sint patrata miracula; sed quodd præsens ipse, nobisque in Humana Natura sibi unita conspicuus miracula illa patravit, nostramque Salutem sit operatus.*

Pari ad præsens Institutum nostrum vi, ac potestate est Isaia Vaticanum Cap. 48, & sequentibus, si penitus expendatur, & primis ultima conferantur: *Audi me Jacob, & Israel, quem ego voco: Ego ipse, ego primus, & ego novissimus. Manus quoque mea fundavit terram, & dextera mea mensa est Cælos. Accedite ad me, & audite hoc: non a principio in abscondito locus sum: ex tempore, antequam fieret, ibi eram: & nunc Dominus meus misit me, & Spiritus ejus. Hæc dicit Dominus Re-*
dem-

demptor tuus sanctus Israel : Ego Dominus Deus tuus docens te utilia, gubernans te in via, qua ambulas. En tibi Deum verum, Finem utique, atque Principium rerum omnium, Cœli, & Terræ Conditorem, qui se a Domino suo missum dicit in Salutem, & Redemptionem Israelis. Deum ergo de Deo fateri necesse est, Deum verum de Deo vero, ad Salutem Hominum missum, ut in assumpta Natura Israellem redimeret. Quis ille porro, nisi Messias Israel, ac per Israellem Mundo promissus?

In eundem plane sensum Cap. 45 : Hæc dicit Dominus : Labor Ægypti, & negotiatio Æthiopiæ, & Sabaim viri sublimis ad te transibunt, et tui erunt : Post te ambulabunt, vincti manibus pergent : et te adorabunt, teque deprecabuntur : Tantum in te est Deus, et non est absque te Deus. Vere tu es Deus absconditus, Deus Israel Salvator. Et hic quoque qui loquitur, verus Deus est : Hæc dicit Dominus : neque enim alium ea formula loquentem inducunt Prophetæ. Is itidem, quem alloquitur, perinde verus est Deus in Israelis Salutem missus : Deus, inquam, absconditus, a nobis exorandus, & adorandus; absque quo non est Deus; hoc est, qui solus est Deus, ex trita loquendi formula superiori Capite usurpata v. 6. : Hæc dicit Dominus Rex Israel, et Redemptor ejus, Dominus exercituum : ego primus, et ego novissimus, et absque me non est Deus. Qui igitur in Salutem Israelis venturus erat, Deus verus est a Deo vero missus; cum quo tamen unus, ac solus est Deus, unitate nempe Naturæ, etsi Personâ ab eo distinctus.

Nec absimiliter Zachariæ Cap. 2., & sequentibus, Dominus exercituum sese a Domino exercituum missum dicit bis, ac etiam tertio : missum autem etiam ad Gentes, ut & illæ ad Deum converterentur, ejusque tunc demum Populus fierent : Hæc dicit Dominus exercituum : post gloriam misit me ad Gentes, quæ spoliaverunt vos : qui enim tetigerit vos, tangit pupillam oculi mei : Quia ecce ego levo manum meam super eos, et erunt præda his, qui serviebant sibi : et cognoscetis quia Dominus exercituum misit me. Lauda, et lætare filia Sion : quia ecce ego venio, et habitabo in medio tui, ait Dominus. Et applicabuntur Gentes multæ ad Dominum in die illa, et erunt mihi in Populum, et habitabo in medio tui, et scies quia Dominus exercituum misit me ad te. Quis non hic Deum verum a Deo vero missum intelligat; Messiam Deum a Deo Patre; cum quo tamen Naturâ unus est Deus, etsi Personâ distinctus ab eo? Observatio est Augustini Lib. 20. de Civitate Dei. Cap. 30. : Ecce dicit Dominus Omnipotens a Domino Omnipotente se missum. Quis hic audeat intelligere, nisi Christum loquentem? Quod idem ex altero paris formæ Oraculo intulerant
Pa-

Patres Concilii Sirmienfis, ex *Genesis* scilicet *Dicto Cap. 19.* : *Dominus pluit super Sodomam, & Gomorrbam sulphur, & ignem a Domino de Cælo.* Ita quippe *Anathematismo 16.* pronuntiant laudati Patres, ut est apud *Hilarium Libro de Synodis* : *Si quis, pluit Dominus a Domino, non de Filio, & Patre intelligat, sed ipsum Filium a se dicat pluisse, anathema sit.* Pluit enim Dominus Filius a Domino Patre.

Confirmat ista vel maximè, quòd promisso Messiae tributas Divinitatis Prærogativas legamus, Characteres, ac Titulos iis ipsis Scripturæ Locis, quos de Messia scriptos Judæorum Vulgus agnoscit; ut perennitatem *Psalmi 71.* : *Permanebis cum Sole, & ante Lunam, in generatione, & generationem* : Totius Mundi dominatum *v. 8.* : *Dominabitur a mari usque ad mare : & a flumine usque ad terminos Orbis Terrarum* : Adorationis cultum eidem a Regibus exhibendum *v. 11.* : *Adorabunt eum omnes Reges Terræ, omnes Gentes servient ei* : Miserorum liberationem per ipsum afferendam *v. 13.* : *Parcet pauperi, & inopi : & animas pauperum salvas faciet.* Ex usuris & iniquitate redimet animas eorum : Benedictionem Gentibus omnibus largiendam *v. 17.* : *Benedicentur in ipso omnes Tribus Terræ : omnes Gentes magnificabunt eum* : Nomen ejus in æternum benedicendum *ibi* : *Sit nomen ejus benedictum in secula : ante Solem permanet nomen ejus ; & v. 19.* : *Benedictum nomen majestatis ejus in æternum, & replebitur majestate ejus omnis terra* : Æternitatem demum Michææ *Cap. 5.* : *Et tu Bethleem Ephrata parvulus es in millibus Juda : ex te mihi egredietur, qui sit dominator in Israel : & egressus ejus ab initio a diebus æternitatis.* Futile quippe est, quod nonnulli Rabbini reponunt, Messiam ex æternitate esse oportere in Mente Divina duntaxat, non in se ipso. Nihil enim peculiare, ac singulare haberet eo ex Capite; cum ex æternitate in Mente Divina sint quæcumque Creaturæ, ex ipsarum etiam conditione vilissimæ.

Nec modò Divinitatis Prærogativas, ac Notas promisso Christo tributas legimus; sed & distinctum Dei Nomen eidem assertum *Isaiæ Cap. 9.* : *Parvulus enim natus est nobis, & filius datus est nobis, & factus est principatus super humerum ejus : Et vocabitur Nomen ejus, Admirabilis, Consiliarius, Deus, Fortis, Pater futuri sæculi, Princeps pacis.* Ingentis enim audaciæ est Dei Nomen in eo *Isaiæ* Oraculo expunctum velle, quod & Textus hebraicus, & Chaldaicæ Paraphrases, & Versiones Syriacæ, & Arabica constantissimè retinent.

Sed nec qualecunque Dei Nomen Messiae tributum legimus; sed sacrum & ineffabile Tetragrammaton *Jehova*; quod nulli plañe Creaturæ, quantumlibet præcellenti, per figuram, & transla-

tionem accommodari potest; sed huic uni designando consecratur, qui solus Naturâ suâ verus est Deus. Videas id in Jeremia Cap. 23. : *Ecce dies veniunt, dicit Dominus : & suscitabo David germen justum : & regnabit Rex, & sapiens erit : & faciet judicium, & justitiam in terra.* Quod certè de venturo Messia dictum, ne Judæi quidem inficiantur. Tum sequitur e vestigio : *In diebus illis salvabitur Juda, & Israel habitabit confidenter : & hoc est Nomen, quod vocabunt eum, Dominus justus noster.* In hebræo verò pro Dominus est Nomen *Jehova* : uti & Cap. 33., & sequentibus, ubi eadem Sententia paucis immutatis recitatur : *Ecce dies veniunt, dicit Dominus : & suscitabo verbum bonum, quod locutus sum ad domum Israel, & ad domum Juda. In diebus illis, & in tempore illo germinare faciam David germen justitiæ : & faciet judicium, & justitiam in terra. In diebus illis salvabitur Juda, & Jerusalem habitabit confidenter : & hoc est nomen, quod vocabunt eum, Dominus justus noster* : apposito perinde Nomine *Jehova*, loco Dominus, in Textu hebraico; ut promissus Messias, venturusque Salvator veri, propriique nominis Deus intelligatur.

Non me fugit, quantum Judæorum oculos urat illa tam elegans, tamque distincta Dei appellatio promisso Messiaz tributa, ac per Nomen etiam Tetragrammaton *Jehova*, quod de nullo plane, nisi de vero Deo, figuratè dicitur. Idcirco illorum Aliqui Aquilam, Symmachum, Theodotionem Semichristianos Judaizantes secuti, Dei Titulum ex Isaïæ Oraculo audacter expungunt. At, ut diximus, audaces Interpolatores falsi convincunt Textus hebraicus, Paraphrastæ Chaldæi, Versiones Syriaca, & Arabica, Dei Nomen, ac Titulum referentes. Alii in geminum Jeremiæ Contextum petulantius grassantur; iique duplici ordine distinguuntur. Alii enim legi nolunt *hoc est nomen, quod vocabunt eum, Dominus justus noster*; quo significatur, Christum venturum a suis Fidelibus vocatum iri Dominum justum nostrum, seu Dominum justificantem nos; sed, violato pro nutu sacro Textu, legi malunt; *hoc est nomen, quo vocabit eum Dominus, justus noster*; quasi Messias vocandus sit a Domino *justus noster*; non imple tamen Dominus Deus sit. Verùm reclamant Hebraici Codices punctis, & apicibus Massoreticis illustrati, Paraphrases Chaldaicæ, Versiones Syriaca, & Arabica, verbum plurali numero *vocabunt*, non singulari *vocabit* referentes, ut plane Fideles vocaturos, non vocaturum Dominum notent. Ut mittam, Deum, si *justi* Nomine Messiam vocaturus erat, non utique dicturum *justus noster*, seu justificans nos; sed potius *justus vester*, seu justificans vos; cùm is non Deum, sed Populum justificaturus esset. Idcirco Cæteri, eo relicto Suffugio, cùm Messiam Dominum justum nostrum ipso

ipſo nomine *Jebova* nuncupatum hoc loco videant, eò ſe recipiunt, ut dicant, ipſum quoque Tetragrammaton nomen *Jebova* non per proprietatem quidem, ſed per translationem Creaturis quandoque tribui. Sacris in Literis; ut *Genef. 22.* Mons, ſuper quem Abraham Sacrificium obtulit, dictus eſt *Dominus videt*, uſurpato perinde nomine *Jebova*, loco *Dominus*; quòd illic vidiffet Deus, probaſſetque Abraham obedientiam: *Exodi 17.* Altare conſtructum a Moyſe ab eodem dictum eſt *Dominus exaltatio mea*, uſurpato nomine *Jebova*; quòd ibi Deus Moyſen exaltaſſet, conceſſa illic victoriâ de Amalecho: *Ezechielis Cap. 48.* Hieroſolyma dicitur *Dominus ibidem*, per vocabulum *Jebova*. Aberrant nihilominus iſti toto oſſio; nec ſuis illis Exemplis quidquam evincunt. Nec enim Mons, nec Altare, nec Hieroſolyma, *Jebova*, ſeu *Dominus* abſolutè dicuntur; ſed addito ubique vocabulo aliquo exercitam illic operationem ſignificante; nempe *Dominus videt*, *Dominus exaltatio mea*, *Dominus ibidem*. Quare non ipſam Dei Eſſentiam, atque Naturam illis rebus convenientem ſignificat nomen *Jebova*; ſed Divinam tantum Operationem, atque Virtutem iis in rebus elucentem. At in laudatis Jeremiæ Locis Meſſias *Jebova juſtus noſter* ſimpliciter dicitur; quo quidem Dei Natura, atque Eſſentia, uti Meſſiæ propria, denotatur. Maximè cum Meſſias Perſona quædam ſit, quæ hujus appellationis capax eſſe poſſet; cætera laudatis Exemplis allata inanimata proriſus, in quæ Dei Nomen ſimpliciter, & abſolutè ſumtum cadere non poſſe, nemo non videt. Quare non modò Deus in Chriſto, ac per Chriſtum juſtificat nos; ſed ipſemet Deus eſt *juſtitia noſtra*, ut habet Textus hebraicus, hoc eſt, Author Juſtitie noſtræ.

Non eſt tamen diſſimulandum, non deſſe eruditos Interpretes, ac etiam ſummè Catholicos, qui ad ſecundum Jeremiæ Locum mendum irrepiſſe putent in Vulgata Verſione, ac pro *vocabunt eum*, legi velint, *vocabit eam*; ita quidem ut ſenſus ſit, quòd *Dominus juſtus noſter* Civitatem illam vocabit nomine Jeruſalem. Et ſanè generis ſcæminini pronomen unâ cum verbo in numero ſingulari *vocabit* referunt Exemplaria Latina bene multa (ut notatur in margine ad eundem Prophetæ Locum in Bibliis antiquioribus) & ipſe etiam hebraicus Textus hodiernus.

Verum vitiatum ab Judæis interpolatoribus Textum illum, ne tam patentî Oraculo premerentur a Chriſtianis, pluribus Momentis evinco. Primò, quia Septuaginta Interpretes, quos certè hebraicæ Linguae peritiſſimos fuiſſe, nemo unquam inſiciabitur, ita græcè verterunt, ut habet Vulgata: *hoc eſt nomen, quod vocabunt eum, Dominus juſtus noſter*; ut obſervavit Lyranus. Secundò, quòd idipſum vertunt & Paraphraſtæ Chaldæi; nempe, *hoc eſt nomen,*

quod ipsi dicent ei : quod quidem in idem recidit . Tertio, quia eo pari modo legitur etiam in Versione Syriaca . Quarto, quia, si legendum esset, ut contendunt Hebræi, *vocabit eam*, nominis appellatio caderet in Jerusalem, quam Dominus eo nomine foret nuncupaturus : at verò Jeremiz temporibus, imò pluribus in antecessum Sæculis, eo nomine jam vocabatur Civitas illa, ut nescit nemo : Quid itaque eo nomine a Deo vocanda fuisset impossibile ? Quinto, quia impropria prorsus, & supervacanea in ea Hypothesi esset additio illa *justus noster*, seu *justitia nostra*, vel *justificans nos*, ut vertunt Interpretes : potiori etenim jure scribere debuisset Propheta Sanctissimus *justus ejus*, seu *justificans eam*, si de Jerusalem dictum illud intelligi voluisset . Tandem haud levem ingerit suspicionem, vitiatum fuisse in hebraico Textu Locum illum, *Versiculus Sextus Capitis 23.*; ubi tam pronomen masculini generis, quàm verbum plurali numero usurpatum legimus in ipso etiam hebraico Textu : *Et hoc est nomen, quod vocabunt eum, Dominus justus noster* : quæ profectò nuda est repetitio *Versiculi 16. Capitis 33.*, de quo modò Controversia agitur . Quibus omnibus addiderim ego observationem minimè pœnitendam, quam Vir hebraicæ Linguae fatis peritus, ac omnimoda Eruditione excultus, non ita pridem mihi subministravit : nimirum, in veteri hebraico Textu, qui punctis Massoreticis caret (quæ longè post Jeremiz tempora sunt adinventæ) perinde legi posse *vocabit*, ac *vocabitur*; cum literæ, quibus Futurum illud in tertia persona constatur, non minus passivam, quàm activam reddant significationem, solisque punctis variè notatis de una transeat in alteram, activè *ikrà*, passivè *ikarè*. Quo fit, ut ex punctorum positione perperam facta, quod passivæ tortè significationis in originali Textu verbum erat, in activam transferit . Porro, si passivè velimus sumere *ikarè vocabitur*, eundem prorsus sensum reddet, quem habet Vulgata nostra, *Et hoc est nomen, quod vocabitur ei* : eo vel maxime, quòd in originali Textu pronomen *lab* tertii esse Casus, compertum est . Nec verò quicquam obest, scæminini generis esse pronomen illud : tunc etenim ad Spiritualem, & Mysticam Hierosolymam referendum erit; videlicet ad Christi Ecclesiam suo tempore ædificandam; cujus typus (saltem triumphantis) Civitas illa erat, juxta illud Ecclesiæ *Cælestis Urbis Jerusalem, beata pacis visio*; cuique Ipsummet Christum, tanquam dilectissimæ Sponsæ, nomen suum communicare voluisse, verosimile est .

Dispendium operæ fuerit intactum, si hîc præteritum celebratum Zachariæ Vaticinium; quod, uti in Jesu nostro impletum memorat dilectus Apostolus *Cap. 19. Evangelii*, ita luculentum est Divinitatis Argumentum in Christo prænuntiato. Extrat illud *Cap. 12. his*

12. his verbis expressum : *Effundam super Domum David, & super habitantes Jerusalem Spiritum Gratiae, & Precum : & aspicient ad me, quem confixerunt*. Ex quo ita colligere licet : Qui illic loquitur, Deus verus profectò est ; nec enim alius Spiritum Gratiae, & Precum super domum David, & super Habitatores Jerusalem effundere potuit, nisi Deus : is ille porro futurum spondet, ut in ipsum aspiciant Jerusalem Habitatores, ipsumque configant. Deum itaque in assumpta certè Natura & aspecturi erant, & confixuri Hierosolymorum Habitatores : isque vicissim Humanam Naturam assumpturus erat, ut ab iis configi posset.

Non sum infcius, variare Hebræorum Exempla, & expressas inde ab antiquo Versiones, Græcam, Syriacam, & Arabicam ; ac in nonnullis Hebræorum Exemplis legi *dekarou, confixerunt* ; in aliis *recadou, insultaverunt* : nato nimirum errore ex duarum quamsimilium litterarum hebraicarum traiectione, ך dalet, & resh. At præterquàm melioris notæ Codices, ac longè plures priorem lectionem referunt, eam calculo suo probavit Joannes Evangelista hebræus ex hebræis, laudato jam Evangelii loco legens, *videbunt, in quem transfixerunt*. Utcunque tamen legere lubeat, perinde Jesu nostro patiente impletum jure dicitur Vaticinium Zachariæ, cum & illum Judæi confixerint, & illi Cruci affixo Judæi petulantius insultarint : de quibus narrat Matthæus Cap. 27. : *Prætereuntes autem blasphemabant eum moventes capita sua, & dicentes : Vab qui destruis Templum Dei, & in triduo illud roadificas : Salva te ipsum : si filius Dei es, descende de Cruce*.

Cæterum, ne memorato sub hujus Disputationis initium obice teneantur Hebræi, quominus summum illud Fidei Caput agnoscant ; neve Deum factum Hominem a Deo mitti posse inficiantur, quod plures in eo Personas agnoscere reformident, alteram ab altera spiritaliter genitam, Deum scilicet de Deo, Deum verum de Deo vero ; (quanquam sit hoc ex Momentis secundo ordine positus abunde probatum) plenius tamen, ac luculentius ex Psalmo 2. & ex Psalmo 109. demonstratur. Prioris hæc verba sunt v. 7. : *Dominus dixit ad me : Filius meus es tu, ego hodie genui te : Postula a me, & dabo tibi Gentes hæreditatem tuam, & possessionem tuam terminos terræ*. Alterius autem v. 1. et seq. : *Dixit Dominus Domino meo ; sede a dextris meis : Donec ponam inimicos tuos, scabellum pedum tuorum. Virgam virtutis tuæ emisset Dominus ex Sion : dominare in medio inimicorum tuorum Tu es Sacerdos in æternum secundum Ordinem Melchisedech*. Quo ex loco Christus noster tam luculentam æternæ suæ ab æterno Patre Generationis probationem eruit, ut Pharisæis ora præcluserit ; uti est apud Matthæum Cap. 22. Dum enim inquit Regius Vates : *Dominus dixit ad me : Filius meus es tu, ego hodie*

hodie genui te : & rursus, *Dixit Dominus Domino meo* *in splendoribus Sanctorum ex utero ante Luciferum genui te*, duas perfectò Personas secum veluti loquentes inducit, alteram ex altera genitam, & quidem ex æternitate : atque ita utramque Divinam ; cum nihil ex æternitate sit præter Deum . Persuatum enim est, quod recentiores Hebræi nonnulli contra Majorum suorum fidem commenti sunt, verba hæc Davidis ipsius esse, Salomonem alloquentis. Quis enim Salomonem, aut alium quemvis Hominem, in Splendoribus Sanctorum editum dicat ? Quis ante Luciferum genitum fabuletur ? Quis Salomonem, aliumve Mortalem Sacerdotem æternum commentus est unquam, ac etiam secundum Ordinem Melchisedech ? Quis Davidem Salomonis Hostes ad illius pedes prostravisse sibi fingat ; Gentes illi in hæreditatem dedisse, totumque Terrarum Orbem possidendum contulisse ? Non alterius ergo, nisi Æterni Patris verba illa esse possunt æternum Filium alloquentis, in quem unum cadere queunt ; ut multis ostendit Apostolus in *Epistola ad Hebræos Cap. i., v. 7.*

Plura addere facile fuerit : sed jam satis est probationum. Audiendi modò Judæi in oppositum adnitentes ; Christumque a Deo promissum purum Hominem futurum ostendere aggredientes. At, ut multa ad suam illam Perfidiā sustinendam congerere solent, quæ intra breve spatium expediri a nobis, atque refelli omnino non possunt ; idcirco istud operis in alteram Prælectionem polemicam, mittimus, majori otio perficiendum.



71

PRÆLECTIO IX.

Judæorum sibi promissi Christi Divinitatem cum Arianis, cæterisque Infidelibus impiè pernegantium Momenta refelluntur.



Romissi Messæ Divinitate, quantum ex veteris Testamenti Oraculis licuit, bono in lumine collocata, id unum nobis in præsentī reliquum est, ut Judæorum conatus improbos, quæ lucidissimæ veritati nebulas offundere moliantur, vanos prorsus, atque irritos ostendamus. Quæ in re id unum dolet, quod ab Arianis, ac Socinianis, eodem Errore implicitis, vires accipiant, quibus in oppugnanda Fide Catholica audaciores fiunt, atque valentiores. Hujus tamen, cujus hic Causam agimus, præsidio tuti fœderatorum Synagogæ militum tela eadem arte, & opera retundemus.

Hoc itaque paralogismo Judæi primùm in aciem veniunt: Deus, inquit, venturum Christum hisce verbis promissit Moyse *Deuteronomii Cap. 18. : Propbetam suscitabo eis de medio fratrum suorum similem tui : & ponam verba mea in ore ejus, loqueturque ad eos omnia, quæ præcepero illi.* Non esset autem similis Moyse, sed eo longè major, si Deus re ipsa foret. Quæ ratione eum Moyse digniorem facit Apostolus noster *ad Hebr. Cap. 3. : Amplioris enim gloriæ iste præ Moyse dignus est habitus, quânto ampliorē bonorem habet domus, qui fabricavit illam.* At quidni, quæso, ex quo Deus factus est Homo, ex conditione assumptæ Naturæ Moyse similis esset, qui nobis omnibus ab eodem Apostolo similis dicitur *ad Philipp. Cap. 2. : In similitudinē hominū factus, & habitu inventus ut Homo : Tametsi ex Divinæ Naturæ conditione Moysen infinitis titulis antecellat?*

Urgent nihilossecius: Adeo non erat Christus noster verus Deus, ut potius se a Deo derelictum fassus sit, de Cruce exclamans : *Deus meus, Deus meus, ut quid dereliquisti me?* Matth. Cap. 27. Nempe id nesciunt cæci Homines, & in isto Argumenti genere minùs versati, & eruditi, in extrema Vitæ periodo Divinitatem Christum Dominum deseruisse foris, ut non esset illi ad defensionem contra Tortores, atque Carnifices; quo acerbis pro nobis pati posset: non deseruisse tamen intus quoad unionem Hypostaticam, ut Deus, Deique Filius semper esset. Quæ de re plenius disputabimus loco suo. Quanquam, si quoad unionem Hypostaticam in extrema Vitæ periodo deseruisse fateremur, Judæi vel ex hoc

hoc Capite Causâ caderent. Inde quippe consequens esset, Christi Domini Humanitatem toto antea Vitæ decursu ea unione Hypostatica fuisse donatam.

At ecce insurgit illorum Unus, qui in rebus nostris, atque in Historia Evangelica præ cæteris Sodalibus versatus videri amat: Usque adeo, inquit, conscius sibi erat Jesus noster, non esse se Deum, ac Dei Filium, imò nec Christum a Lege promissum; ut quanquam per circuitus, & ambages eum sese quandoque jactaret, nunquam tamen apertè, distinctè, conceptisque verbis eum se præbuerit, ac vendidit, a Judæis quantumlibet provocatus: Joann. Cap. 10. : *Circumdederunt ergo eum Judæi, & dicebant ei: quosque animam nostram tollis? Si tu es Christus, dic nobis palam.* Quin etiam Matthæi Cap. 16. : *Tunc præcipit Discipulis suis, ut nemini dicerent, quia ipse esset Jesus Christus.*

Quibusnam, quæso, hæc edisserit Recutitus? Christianis non potest, Historiam Evangelicam probè callentibus: Turcis fortasse, aut Sinis, nonnisi Alcorani deliria, & Confucii somnia læsitantibus. Quotquot enim Euangelium evolverunt, norunt sanè, quàm clarè, atque distinctè Christum sese, Deique Filium dixerit Jesus noster: Joannis Cap. 4. : *Dicit ei mulier (Samaritana): scio, quia Messias venit, qui dicitur Christus: Cum ergo venerit ille, annuntiabis nobis omnia. Dicit ei Jesus: Ego sum, qui loquor tecum:* Matthæi Cap. 26. : *Princeps Sacerdorum ait illi: Adjuro te per Deum vivum, ut dicas nobis, si tu es Christus filius Dei. Dicit illi Jesus: Tu dixisti: hoc est, ex Hebræorum loquendi formula, ita est, ut dixisti: Marci Cap. 14. : Summus Sacerdos interrogabat eum, & dixit ei: Tu es Christus filius Dei benedicti? Jesus autem dixit illi: Ego sum: Lucæ Cap. 22. : Et ut factus est dies, conveniunt Seniores Plebis, & Principes Sacerdotum, & Scribæ, & duxerunt illum in Concilium suum dicentes: si tu es Christus, dic nobis. Et ait illis: si vobis dixerò, non credetis mihi; si autem & interrogaverò, non respondebitis, neque dimittetis. Ex hoc autem erit Filius Hominis sedens a dextris virtutis Dei. Dixerunt autem omnes: Tu ergo es Filius Dei: Qui ait: Vos dicitis, quia ego sum: hoc est, ego sum, uti dicitis: unde subiunxerunt: Quid adhuc desideramus testimonium? Ipsi enim audivimus de ore ejus; nempe esse se Filium Dei: Joannis Cap. 10. : Vos dicitis, quia blasphemamus, quia dixi, Filius Dei sum? Quin & hoc ipso, qui nobis obiicitur, Loco Joan. Cap. 10, cum Jesu nostro dixissent Judæi: Quousque animam nostram tollis? Si tu es Christus, dic nobis palam; hoc ipsum, quod quærebatur, professus est palam: subiungit enim Evangelista: Respondit eis Jesus: loquor vobis, & non creditis: Nempe, quod ex me quæritis, loquor vobis, nec tamen*

cre-

creditis : Opera, quæ ego facio in nomine Patris mei, hæc testimonium perhibent de me : sed vos non creditis, quia non estis ex ovibus meis. Imò usque adeo palam se, apertèque Dei filium præbuerat Jesus noster toto Vitæ decursu, ut hac ipsa de causa a Judæis ad mortem postulatus sit : Nos Legem habemus, ajebant illi, & secundum Legem debet mori, quia filium Dei se fecit ; Joan. Cap. 19. Quotquot etiam se Illi primùm adiunxerant, eundem uti Messiam, seu Christum a Lege, & Prophetis promissum habebant, Joan. 1. vers. 41. : Andreas invenit Simonem, & dicit ei : invenimus Messiam, (quod est interpretatum Christus) : Et v. 45. : Invenit Philippus Nathanael, & dicit ei : quem scripsit Moyses in Lege, & Propheta, invenimus Jesum filium Joseph a Nazareth. Quòd ergo Apostolis præceperit Jesus, ne cui tunc dicerent, ipsum esse Christum ; non ideo fuit, quòd talem se Ipse non præberet, palamque non prædicaret ; sed quòd unius tunc Christi Missionis tempus esset, non item Apostolorum : nec in hujus Ministerii partem ingredi possent ii, nisi post Christi mortem, & illapsu Spiritus S. Priùs enim pro tuenda veritate Jesum mori necesse fuit, quàm cæteros pro eadem illa vitam profandere.

Sed neque se Deum esse tacuit Christus, quanquàm ex ore ejus nunquam vox illa prodierit *Deus ego sum* : quia eos sibi Titulos sumisit, qui uni Deo congruunt, unde & ipsi Judæi satis dignoscèrent, Eum pro Deo prorsus haberi velle. Hinc Joan. Cap. 5. : cùm in Judæorum cœtu dixisset Christus : *Pater meus usque modò operatur, & ego operor* ; mortem illi statim intenterant, quòd ea loquendi ratione *Patrem suum dicebat Deum, æqualem se faciens Deo*. Non absimiliter Joan. Cap. 10., cùm alio in cœtu dixisset Christus, *Ego, et Pater unum sumus*, Divinitatem sibi his verbis attributam intellexere Judæi ; sumtisque, quibus illum obruerent, lapidibus dixere : *De bono opere non lapidamus te, sed de blasphemia, quia tu Homo cùm sis, facis te ipsum Deum*. Rursus Joan. Cap. 8., cùm perinde dixisset Christus, *Amen amen dico vobis, antequam Abraham fieret ego sum*, arrogatam sibi eo verbo Eternitatem, Divinitatemque intellexere ; eaque de causa *rulerunt Lapidés, ut jacerent in eum*. Cur porro non ita perinde distinctis, conceptisque verbis Deum sese dixerit Christus toto mortalis Vitæ suæ tempore, ac subinde dixere, atque scripsere ejusdem Discipuli, & Apostoli ; ratio in promptu est : quòd necdum tunc Trinitatis Mysterium expressè, distinctèque revelatum esset ; sed subobscurè tantùm, & in velamine Sacrificiorum, & Figurarum ; adeoque periculum esset, ne hac ipsa de causa Christi prædicationem Judæi rejicerent, si Deum a Deo, (quem Personam, non se-

cus ac Naturā, unicum noverant) missum audirent : donec illapsu Spiritus S. plenioris, distinctiorisque Revelationis recipiendæ capaces fierent. Neque enim æssimare par est, Judæorum Vulgus ullam tunc Mysterii Trinitatis notitiam habuisse, nomineque *Filii Dei*, quod sibi sumebat Christus, alteram Trinitatis Personam intellexisse, ejusdem cum æterno Patre Naturæ, atque Substantiæ; sed singularis duntaxat Sanctitatis, & Excellentiæ Virum a Deo ad Salutem Israelis specialiter missum. Non est itaque cur silentium Christo nostro objiciant Recutiti.

Nova tamen hic oritur Difficultas, quæ, ut aliquos male torquet, ita a nobis resolvi postulat. Sit ita, inquit Aliqui; Christus se Filium Dei vocitavit, eoque illum ornarint Titulo Apostoli ejus, atque Discipuli; attamen nonnisi Filius Dei adoptivus erat, ea videlicet Adoptione, quæ ex Gratia, singularibusque Spiritus S. Donis sobolescit; non Filius naturalis ex ipsa Patris Substantia genitus, ejusdemque Naturæ Divinæ communione consubstantialis. Id ex duplici Scripturæ Loco colligere sibi videntur. Primus occurrit Joan. Cap. 10., ubi cum Christus adstantibus Judæis se ipsum Dei Filium nuncupasset; iique idcirco commoverentur, Eumque lapidibus oppetere vellent, quasi per summam blasphemiam Dei Titulos sibi arrogasset; Christus eorum impetum sedavit his verbis, quibus emissum verbum interpretatus est, & emollivit v. 34. : *Nonne scriptum est in Lege vestra, (Psal. 81.) quia Ego dixi Dii estis? Si illos dixit Deos, ad quos sermo Dei factus est, et non potest solvi Scriptura : quem Pater sanctificavit, et misit in Mundum, vos dicitis; Quia blasphemas, quia dixi, Filius Dei sum?* Ex quibus ita colligunt : Idcirco probat Christus Dominus, nullam se blasphemiam admisisse, Dei Filii Titulum sibi arrogando, quia in Scripturis Filii Dei, ac etiam Dii appellantur ii, ad quos sermo Dei factus est : at ii, ad quos factus est sermo Dei, Prophete nimirum, & Justi veteris Testamenti, non aliter Dii dicuntur, & Filii Dei, quam ex Gratia Adoptionis : non itaque alio sensu Christus ipse Filius Dei, ac Deus haberi voluit. Rursus Filiationem suam idcirco probat eo loci Christus Dominus, quia a Patre sanctificatus est : *quem Pater, inquit, sanctificavit, et misit in Mundum; vos dicitis; Quia blasphemas, quia dixi, Filius Dei sum?* Non alia ergo Filiatio illi est, quam quæ Sanctificatione obtinetur : hæc porro nonnisi gratuita est, & adoptiva. Et quidem si Christus naturalem se Dei Filium, verumque Deum appellasset, nunquam se contra Judæos ab ea, cujus accusabatur, blasphemia liberasset allato Prophetarum, atque Justorum Exemplo, quos Scriptura, nonnisi improprio, & translatitio sensu Deos appellat. Hoc primum.

Alterum ex Lucæ Cap. 1. petitur Argumentum, ubi Angelus Christi Incarnationem Virgini parituræ prænuntians, cum illa adeo felici Nuntio respondisset: *Quomodo fiet istud, quoniam Virum non cognosco?* Respondit v. 35.: *Spiritus Sanctus superveniet in te, et virtus Altissimi obumbrabit tibi. Ideoque et quod nascetur ex te Sanctum, vocabitur Filius Dei.* Ideo ergo Christus, de Virgine natus, vocatus est Filius Dei, quia superveniente Spiritu Sancto, obumbrante Altissimo conceptus est: At Filiatio, quæ non aliter habetur, quàm merito purissimæ conceptionis temporalis, & ex superveniente Spiritu Sancti Gratia, accidentariæ duntaxat est, adoptiva, gratuita, non naturalis, ac substantialis, quæ ex æternitate, ac necessariò habetur: Christus igitur Filiationem Divinam, substantialem, naturalem, æternam non habet; sed ut ut maximè, gratuitam, accidentariam, uno verbo dixerim, adoptivam. Hoc alterum, quod Aliquos male torquet, Argumentum est.

Non est tamen difficile, utrumque refellere. Ad id ergo, quod primo loco positum est, reponi imprimis potest; Christum, quoties se Dei Filium Turbas alloquens vocitavit, non illico id omne ab iis intelligi voluisse, quod illis suberat verbis; esse se nimirum Dei Filium naturalem ex æterni Patris Substantia genitum; quia (necdum expressè, distinctèque revelato Trinitatis Mysterio) æterna illa secundùm Substantiam Generatio longissimè erat a Judæorum intelligentia, sensuque disjuncta: sed id unum tunc temporis intelligi voluisse, illum se esse singularis Virtutis, Sanctitatis, & Excellentiæ Virum, quem venturum in Salutem Israelis Lex, & Prophetæ promiserant: adeoque nihil mirum, si eo se Titulo, in illum duntaxat sensum intellecto, dignum probavit Prophetarum, ac Justorum Exemplo; qui cum tantæ Dignitatis, & Excellentiæ non essent, Dii tamen, ac Filii Dei sunt appellati *Psalmo 81. : Ego dixi: Dii estis, et Filii Excelsi omnes.*

Quidni quoque reponamus; Christum Dei Filii Titulum stricto prioris sensu, (ut re vera erat) sibi arrogantem, objectam sibi a Judæis blasphemiam Notam depulisse, non facta comparatione sui ipsius cum Prophetis, & Justis; qui ideo tantùm sunt dicti Dii, ac Dei Filii, quia ad ipsos *sermo Dei factus est*; sed Argumento, ut Logici loquuntur, a minori ad majus; Quasi diceret: si illos Scriptura Deos appellat, ad quos sermo Dei factus est, Prophetas scilicet, ac Justos veteris Testamenti; quantò magis citra blasphemiam Filius Dei appellari potest ille, qui substantialis Dei Sermo est? Si Justis quilibet Filii Dei nuncupantur vel hoc solo Titulo, quòd per adventitiam, & accidentariam Spiritus S. Gratiā sanctificati sunt; quantò magis eo Titulo dignus erit ille, quem Pater sanctificavit ea Sanctificatione substantiali, quam ex

ipsa sui æterna Generatione sortitur? De qua Paulus *ad Romanos Cap. 1.*: *Qui prædestinatus est Filius Dei in virtute secundum Spiritum sanctificationis*, nimirum æternæ.

Alterum ex verbis Angeli Virginem salutantis delibatum Argumentum mero laborat æquivoco; quod enodare, & expedire facile sit. *Spiritus S.*, inquiebat Nuntius ille Cœlestis, *superveniet in te, & virtus Altissimi obumbrabit tibi. Ideoque & quod nascetur ex te Sanctum, vocabitur Filius Dei.* Bene professô: at perperam infertur; Christus ergo habet, quod Filius Dei sit appellatus, quia obumbrante Spiritu Sancto conceptus est. Minimè gentium: quia *non nascetur ex te* non appellat supra Personam Christi absolute, & secundum sese spectatam, sed supra Personam, quatenus subsistit in Natura assumpta. Nihil itaque aliud sibi volunt Angelica verba, quàm obumbrationem Spiritus Sancti, qua Deipara Virgo fecundata est, in causa fuisse, cur Homo ille, ex Virgine natus, Filius Dei vocetur, & sit. Quatenus scilicet Humana Natura ex Spiritu Sancti obumbratione obtinuit, ut Dei Filio Hypostaticè jungeretur; eaque ratione vocaretur, & esset, quodd ex Virgine natum est. Non itaque absolute, ac sine modo inferendum est, Christum ex sua Conceptione temporali habuisse, quodd Filius Dei nominetur; sed restrictè Christum, ut Hominem, eam Filii nomenclaturam obtinuisse ex ea Conceptione purissima, qua Humana Natura Hypostaticè Verbo Dei unita est.

Si cui fortè Responsum istud videtur obscurius, & impeditius, hoc alterum sibi habeat. Ideo Christum Dei Filium dictum esse, quodd obumbrante Spiritu Sancto de Virgine Matre conceptus sit, quia vel ex hoc solo, quasi a posteriori, & a signo externo Christum Deum esse, ac Dei Filium naturalem certò colligimus; propterea quodd soli Deo temporaliter genito mira illa, ac prodigialis Conceptio debeatur: juxta quod Ecclesia canit: *Miretur omne sæculum; talis decet parrus Deum.* Unde non ait Angelus: *Ideoquæ & quod nascetur ex te Sanctum, eris filius Dei;* sed *vocabitur filius Dei:* nimirum ab Hominibus eum ex hujusmodi signo discentibus. De cætero enim ratio a priori, ac necessaria, cur Christus verus sit, ac naturalis Dei Filius, est, quia ex Substantia Patris antæscæcula genitus est. En tibi enervatum illum, non Judæorum quidem, (nec enim solent illi adeo subtiliter disputare) sed Arianorum, & Socinianorum Achillem.

Quandoquidem autem in hanc aleam cum Arianis, ac Socinianis ingressi sumus, juvat levi saltem manu, reliqua Momenta refellere, quibus Christi Divinitatem pari perfidia aggrediuntur. Congerunt itaque Illi ea omnia Evangelii Loca, ubi Christus sum veluti conditionis, & fortis oblitus Divinitatis Titulos reculare, atque

atque a se amovere visus est : ut Præscientiam rerum omnium, ac præsertim extremi Judicii, quam sibi inesse diffitetur Marci Cap. 13. : *De die autem illo, vel hora, nemo scit, neque filius : summam largiendi, cui voluerit, Regni Cœlestis potestatem, quam se habere negat Matth. Cap. 20. : Sedere ad dexteram meam, vel sinistram, non est meum dare vobis, sed quibus paratum est a Patre meo* : Omnipotentiam, qua se præditum negat Joan. Cap. 5. : *Non potest Filius a se facere quidquam : æqualitatem cum Patre, quam sibi fatetur indebitam Joan. Cap. 14. : Pater major me est : summam Bonitatem Marci Cap. 10. : Quid me dicis bonum? Nemo bonus, nisi unus Deus*. Quo ultimo loco supremam Bonitatem, uti sibi minus debitam, non modò a se amover, sed ea maxime ratione, quòd Deo soli debeatur; satis profectò innuens, ab eo se Titulo longè esse. Ad restis funiculum addunt Apostoli Dictum ad Romanos Cap. 1. *Qui prædestinatus est Filius Dei in virtute secundum Spiritum sanctificationis*. Cum enim prædestinatio non sit, nisi de rebus liberis, & futuris; eum nec ex æternitate, nec ex necessitate Naturæ Dei Filium esse colligunt, sed ex tempore tantùm, atque ex liberæ adoptionis Gratia, qui Divina prædestinatione factus est Filius Dei.

Sed sunt hæc plane ludicra, atque futilia. Utque singula distinctè percurram; Quis prudens diffiteri audeat, extremi Judicii diem fuisse Christo perspectam, si, quæ de ipso Scriptura narrat, paulisper attenderit? *Constitutus est a Deo Judex vivorum, & mortuorum*; ait D. Petrus Act. 10. Quis porro Judex ignoret pronuntiandæ Sententiæ, & ferendi Judicii diem? Author ille est Sæculorum, atque ita extremæ diei : *Per quem fecis & sæcula*; ad Hebræos Cap. 1. Quis verò Opifex suum opus ignoret? In illo thesauri omnes scientiæ, & sapientiæ conditi erant : qua ergo sorte hoc Illum Divinæ Sapientiæ Arcanum latuisset? Idcirco itaque extremum Judicii diem se nescire respondit ab Apostolis interrogatus, quia Dei Patris Legatus erat ad Homines missus; atque ita Legatorum more respondit, qui ea se nescire dicunt, quæ tenent sub sigillo : ea quippe re ipsa nesciunt ut Legati, quia eorum revelatio illis delegata non est; Nec propterea aut amphibologia, aut æquivocatione usus est Christus, ut nonnullis Christianæ morum Disciplinæ Corruptoribus visum est; qui eo Christi Exemplo abutuntur, ut æquivocationum, & amphibologiarum usum Fidelibus licitum faciant. Non, inquam, iis usus est Christus; quia cum verba significandi vim ex publico usu recipiant, quisquis verbis juxta publicum usum significantibus utitur, sine æquivocatione, & amphibologia censendus est loqui : nec Mentis, ut ajunt, restrictione opus habet, ne mendacii reus evadat ita loquens. Porro verbum

bum *nescio* in ore Legati de Secreto Regis interrogati ex publico usu, in quacumque Republica bene constituta recepto, id sonat unum, *nescio ut revelem*; et si aliunde noverit, ut occultet. Quare Legatus, qui ita ore rotundo se nescire respondet, ubi de Secreto Principis interrogatur, tam non mentitur, nec æquivocatione utitur, quàm nec Confessarius, qui de rebus in sacro Tribunali auditis interrogatus, simpliciter, & absolute respondet, *Nescio*: quia nimirum ex publico Ecclesiæ usu verbum *nescio* id unum in ejus ore sonat: *nescio, ut Homo: nescio, ut revelem*: adeoque Mentis Restrictione non indiget, qui sic loquitur; ut mendacium evitet; si tamen nugaci illa arte vitari posset. Cæterum Christum Dominum, aut etiam Angelos, Patriarchas, Prophetas, Apostolos Æquivocis, aut Amphibologiis usos esse, Commentum est insulsum, erroneum, impium, ab universo Clero Gallicano damnatum solemniter. Certe anno 1700. die 4. Septembris pronuntiata adversus hæc, alique fœtida fordenrium quarundam Scholarum purgamenta. Propositio Episcoporum Censuræ subiecta hæc erat: *Patriarchæ, & Prophætæ, Angeli, ipse Christus, nedum Viri justii, & sancti, Æquivocationibus, sive Amphibologiis, & Restrictionibus mentalibus usi sunt*: Episcoporum verò Censura his verbis expressa fuit: *Hæc Propositio scandalosa est, temeraria; mysticè, propheticè, parabolicè, sive æconomice ad insinuandam alius veritatem dicta, vel tacita, cum vulgaribus gestis confundit, Sanctorum Patrum Acta ludibrio vertit, ipsis etiam Angelis injuriosa, erga Christum contumeliosa, & impia*. Ita religiosissimi, doctissimi que Præsules Galliarum. Sed hæc obiter ad eam Assertionem morum corruptricem refellendam. Alia jam Judæorum, & Arianorum objecta paucis expedio.

Quo titulo extremi Judicii diem perspectam habuit Christus Dominus, ita & habuit conferendi, cui liberet, Regni Cœlestis arbitrium, quod nobis Sanguine suo mercatus est. Annon enim Cœlestē Regnum pro summa potestate Latroni pœnitenti largitus est? Tantumque abest, ut hoc inesse sibi negarit arbitrium Filiorum Zebedæi Matrem alloquens, quin potius confirmavit. Non enim ait: *Non est meum dare, sed Patris*: verum: *non est meum dare vobis, sed quibus paratum est a Patre*. Quasi dicat: non est æquum dare vobis Titulo, quem obtenditis, Confanguinitatis; sed iis dandum est, quibus ob Virtutis meritum a Deo Patre, & a me quoque paratum est. Uno verbo, non inesse sibi negat conferendi potestatem, sed iis inesse negat obtinendi meritum, qui a Deo Patre prædestinati non sunt.

Quod ad Omnipotentiam attinget, plana res est, non posse Filium a se facere quidquam, hoc sensu: quod uti Naturam habet a Patre, non a se ipso; ita & agendi Virtutem, quæ Divinæ Na-
turae

turæ est indivulsa, non habet a se, sed a Patre. Nec tamen idcirco minus potest : imò, ut ait Ipsemet, *quacumque enim ille (Pater) fecerit, hæc & Filius similiter facit*, Joannis Cap. 5. Id itaque non imbecillitatis, sed suæ a Patre Processionis est Argumentum.

Ruit mole sua illud alterum de æqualitate cum Patre, quam Christum his verbis negasse volunt, *Pater major me est*. Per omnium quippe ora volitat trita Responsio, Christum, uti Hominem, Patre quidem esse minorem, tamen, uti Deus, sit illi non æqualis modò, verum etiam omnino consubstantialis : juxta vulgatum illud Symboli Divo Athanasio perperam adscripti : *Æqualis Patri secundum Divinitatem, minor Patre secundum Humanitatem* : quo vel uno, Christi Domini Dictum Arianis eripitur. Quia tamen interpretationem illam minimè patiuntur quorundam Patrum Testimonia, Gregorii scilicet Nazianzeni, Basilii, Cyrilli Alexandrini, Chrysostomi, Athanasii, Tertulliani, Hilarii, qui Christum, etiam uti Deum, quodam dicendi modo, Patre minorem agnoscunt, idcirco istud quoque ad solutionis cumulum addimus : Patrem æternum in ratione Principii Processionis quadam (ut Schola loquitur) relata Dignitate, atque Præstantiâ gaudere, Filio, ac Spiritui Sancto minimè communi. Sic etenim Pater & Filii, & Spiritus Sancti Principium est, ut ii vicissim Patris Principium nequaquam sint. Quæ tamen Excellentia, atque Præstantia, cum merè relata sit, absolutam in Natura æqualitatem minimè lædit. Ne quis verò putet, quæsitum de Scholæ tribulis, ac vepretis Suffugium illud esse potius, quàm genuinum Patrum illorum interpretamentum, S. Cyrilli verba dabo, quibus & suam, & aliorum Patrum Sententiam in eum plane modum exponit *Lib. 2. Thesau. Cap. 3. : Quamvis ergo, inquit, secundum rationem Substantiæ Patris, æqualis, & penitus similis sit ; major tamen ipso Pater est, qui eum generat, in hoc solummodo, quia ex eo Filius est : & sic Principium Filii secundum originem Pater est.*

Quintum minùs urget, si Christi loquentis scopum attendimus. Dum enim Cuiuspiam Eum Magistrum bonum appellanti respondit, *Quid me dicis bonum? Nemo bonus, nisi solus Deus*, Marci Cap. 10. non, inesse sibi aut Bonitatem, aut Divinitatem, inficari voluit ; sed interrogantis incredulitatem retundere ; qui, cum Ipsum Deum nollet agnoscere, bonum Eum nihilominus appellabat. Quare Argumento velut ad Hominem usus dixit : cum me Deum abneges, quid me tamen bonum appellas? Cum bonus verè nemo sit, nisi solus Deus.

Postremi, quod Pauli est, Testimonii explicandi duæ apparent viz. Una est, si dicamus cum Doctore Angelico, in ea Propositi-

tionem, *Christus prædestinatus est Filius Dei*, et *Filius* Propositionis, Subiectum esse, non Prædicatum; quod significetur, Filium Dei prædestinatum esse, ut Homo fieret, Hominesque redimeret. Altera, si dixerimus et *Christus* non supponere pro Persona absolute sumpta, sed quatenus in Humana Natura subsistit; ut sit sensus, Humanam Naturam in Christo prædestinatam esse, ut assumeretur ad conditionem Filii Dei per unionem Hypostaticam cum Verbo Dei. Qua duplici explicatione Difficultas omnis elisa est.

At interim, dum Arianos insequor, a suscepto munere, & insitura cum Hebræis Disputatione procul abscedo. Dum enim promissum sibi Christum, Deum fore dissimulant, ac etiam evincere satagunt, a Sanctorum Patrum Testimoniis, & a Scholæ nostræ subtilitatibus procul abstinere, in quibus fatentur, mediocriter se esse versatos. Quare ab opere supervacuo abstinendum, & progrediendum ad alia. Ut autem Judæi intelligant, quantum a veritate procul aberrant, dum Christo nostro Divinitatem eripere moliuntur, rem haud prorsus inutilem fore duco, si antequam de postrema Messiae Nota (Partu nimirum Virgineo, quo edendus erat) verba faciam, quid Gentiles ipsi (Pilatus, atque Tiberius Cæsar, sub cuius Imperio mors Christi contigit) de illo senserint, fusiùs exponam: quod, Divino favente Numine, proximè futuræ academicæ Prælectionis Argumentum erit haud fortè injucundum.



P R Æ L E C T I O X.

De Christi Virtutum, atque Prodigiorum Narratione a Pilato Judææ Præfide ad Tiberium Cæsarem missa; deque ejusdem Apotrophi apud Romanum Senatum tentata diffinitur.



Christum nostrum, nedum Messia Sacris Oraculis prænuntiati, verum etiam veri Dei a Deo Patre in Mundum missi, ut Hominum noxas sacro suo Sanguine expiaret, Characteribus præfuisse, satis, ut puto, in antehabitis Prælectionibus adversus perfidam Synagogam, cum Arianis hoc in Capite foederatam, multiplici

Argumentorum genere demonstravimus. Superest tamen unum, quod, uti palmare magis, ac crassioribus proinde eorundem Ingeniis accommodatius, prætermittere, nefas existimaverim: ut inde Judæi intelligant, & quotquot cum illis de Christi nostri Divinitate perperam sentiunt, quàm procul a vero absint, dum illum purum fuisse Hominem, quin & Seductorem, & Impostorem (hos enim Ei Characteres assignunt miseri Recutiti) impie blasphemant. Audiant porro quid de Illo Pilatus ipse, qui Eum invitus morte damnaverat, quid Tiberius Imperator senserit Romæ, ac pertentarit: ut hinc appareat, quàm alienam ab ea, cui adhuc adhæret perfida Judæorum Natio, Ethnici illi (quantumvis Idololatriæ, aliisque fatalibus præjudiciis præoccupati) de Christo nostro opinionem conceperint, atque tenuerint.

Vixdum Christus Cælo redditus erat, ejusque Divinus Spiritus in Discipulos effusus; cum Virtutum ejus, ac Prodigiorum Fama, longè lateque diffusa, Romam quoque ipsam occupavit. Pilatus Judææ Præfex Res, quæ illic contigissent magni Momenti, ad Cæsarem scribere solitus, patratorum a Christo Signorum, Divinarumque Virtutum, Excitationis Iplius a mortuis, novæque ab Eo conditæ Religionis Narrationem ad Tiberium misit. Hic, perceptis Actis, reque, quantum licuit, intellecta, retulit ad Senatum, ut & Christus inter Deos, quos Roma coleret, referretur. Renuit Senatus Augustus: Cæsar tamen persistit in Sententia; Christianosque ob eam, quam de Christo conceperat, opinionem, singulari Benevolentia, quandiu vixit, perpetuè fovit. Non ea porro hic proferimus, ut Christi Divinitatem, Excellentiam, probitatem ex Ethnici Imperatoris opinione evincamus: absit a Theo-

logo Christiano absurditatis genus. Sed hæc duntaxat exponimus, ut vel ex ipsa profana Historia, quam, si quid sapiunt, coguntur Judæi admittere, ex abundanti eos impetamus; dum nimirum, quem Ipsi nedum, uti Deum, colere, ac venerari detrectant, sed etiam impium, Seductorem, blasphemum ore rotundo proclamant, ac detestantur, Eundem ab Ethnicis ipsis, qui Ejus ætate vixerunt, uti justum, pium, summis Virtutibus præditum, Prodigiis patratione præclarum, ac tandem Religionis Cultu, Divinisque Honoribus perquam dignissimum habitum fuisse, monstramus.

Totum id tamen variis Difficultatibus obstructum est; & a Nonnullis quidem ex parte, ab Aliis ex integro vocatur in controversiam. Quare, ut sua dictis veritas constet, tria nobis impræsentiarum quærenda sunt: Primò; constet ne prius, Pilatum de rebus a Christo præclare gestis Tiberium Cæsarem monuisse, Cæsaremque Christi Apotheosim tentasse apud Senatum Romanum? Secundò; quæ causæ, ut renueret, Senatum impulerint? Tertiò; quid de Epistolis, quæ vulgò circumferuntur, a Pilato ea occasione ad Cæsarem datis, sentiendum veniat? Quibus ad liquidum perductis, plana expeditaque res erit.

Primum, illudque potissimum, usque adeo, meo quidem judicio, certum est, ut citra summam audaciam in dubium verti nequeat; utpote Testium omni exceptione majorum Suffragio communium. Tertullianus in *Apologetico adversus Gentes* Cap. 5. : *Apud vos, inquit, de humano arbitrato Divinitas pensatur. Nisi Homini Deus placuerit, Deus non erit: Homo jam Deo propitius esse debet. Tiberius ergo, cujus tempore nomen Christianum in Sæculum introivit, annuntiatum sibi ex Syria Palæstina, quod illic veritatem illius Divinitatis revelaverat, detulit ad Senatum cum prærogativa Suffragii sui. Senatus, quia non ipse probaverat, respuit. Cæsar in Sententia mansit, comminatus periculum Accusatoribus Christianorum: & Cap. 21., præmissa brevi prodigialium Christi Gestorum analysi, ita subdit: Ea omnia super Christo Pilatus, & ipse jam pro sua Conscientia Christianus, Cæsari tum Tiberio nuntiavit. Sed & Cæsares credidissent super Christo, si, aut Cæsares non essent Sæculo necessarii, aut si & Christiani potuissent esse Cæsares.*

S. Justinus martyr in *Apologia* 2. ad Antoninum Imperatorem, in hæc ipsa Acta, a Pilato ad Tiberium missa, digitum intendit, dum, nonnullis Christi Prodigiis enarratis, subjungit: *Hæc ita gesta esse, cognoscere ex Actis, quæ sub Pilato sunt conscripta, potestis. Tum aliis interjectis: Et quod illa fecerit, Christus, ex eis, quæ sub Pilato conscripti sunt, Commentariis cognoscere potestis.*

S. Lucianus in Deciana Persecutione Nicomediæ martyr ad eadem illa Pilati Acta videtur Præsidem provocasse, dum diceret: *Consu-*

lite

hæc *Annales vestros*, & invenietis *Pilati temporibus*, dum *pateretur Christus*, *media die fugatum Solem*, & *interruptum diem*. Verisimile quippe est, *Pilatum* inter tam multa, de quibus ad *Cæsarem* scripsit, *Portenta* atque *Prodigia*, mirabilem illam *Solis* *obscuratio-*
nem, quæ *Christo* *patientem* contigerat, minimè siluisse.

Eusebius Cæsariensis Lib. 2. Hist. Eccles. Cap. 2. Rem totam sat fuisse prosequitur : Cum per omnem jam locum, scribit, de *Resurrectione*, & *mirabilibus Domini Jesu Christi*, & de *Ascensione ejus ad Cælum felix Fama* loqueretur, ac per omnium aures beati hujus rumoris volveretur opinio ; quoniam antiqui moris erat apud Romanos, ut *Provinciarum Judices*, si quid forsè novi in his, quas regebant, *Provinciis* accidisset, vel *Principi*, vel *Senatui* nuntiarent, uti ne ex his, quæ gerebantur, ignorare aliquid viderentur, de *Resurrectione a mortuis Domini*, & *Salvatoris nostri Jesu Christi*, quæ jam in omnem locum fuerat pervulgata, *Pilatus Tiberio Principi* refert. Sed & de cæteris mirabilibus ejus, & ut post mortem, cum resurrexisset, & quamplurimis jam *Deus* esse crederetur. *Tiberius*, quæ comperebat, rescribit ad *Senatum*. *Senatus* autem sprevisse dicitur, pro eo quòd non sibi prius hujus rei *judicium* fuerit delatum, sed *authoritatem suam prævenit Vulgi Sententia* ; *Lex* enim erat antiquitus designata, ne quis apud Romanos *Deus* haberetur, nisi *Senatus Decreto*, & *Sententia confirmatus*. Porro autem pro vero hoc erat, quod agebatur, ne *Divina Virtus humanis* putaretur *assertionibus* indigere. Cumque secundu[m] ea, quæ supra diximus, tenuisset *Senatus*, *Tiberius* tamen tenuit *Sententiam* suam, ut ne quid adversum *Doctrinam Christi* contrarium moliretur.

S. Joannes Chrysostomus hujus perinde fidem facit *Hom. 26. in Epist. 2. ad Corinth. :* *Romanorum Senatus*, inquit, *banc potestatem* habebat, ut *Deos* crearet, atque *conscriberet*. Quippe, cum res omnes a *Christo* gesta nuntiate sunt, *Romam* misit *Is*, qui *Judeorum Nationi* præerat, *sciscitant* ex ipsis, num eum quoque *Deum* creare placeret. Id vero *Illi* facere recusarunt, quòd iniquo, atque infenso animo ferrent, ante *Decretum suum*, atque *Sententiam*, *Crucifixi Potentiam* effulgentem universum orbem ad sui cultum, & *enerationem* attraxisse.

Hegeſippus, non ille quidem, qui *Aniceti*, & *Eleutherii* *Romanorum Pontificum* temporibus floruit, sed alter junior, qui, cadente *Sæculo IV.*, post *Constantini* tempora vixit, in *Anacephaleosi Librorum* suorum de excidio *Urbis Hierosolymorum* hæc habet : *Quamvis enim idem Pilatus manus laverit* dicens : *Mundus ego sum a Sanguine Justii hujus, vos videritis ; nequaquam tamen minus exitit reus*, qui *gloriam Dominicæ Resurrectionis* agnoscentes, prædicare invitatus studuit, sed credere perfidus contempsit ;

ficus restatur ejusdem Epistola Casari in hunc modum directā : Tum Epistolam subicit, de qua nobis paulō post sermo erit.

Paulus Orosius Lib. 7. Hist. Cap. 4. , Postquam, inquit, passus est Dominus Christus, atque a mortuis resurrexit, & Discipulos suos ad prædicandum dimisit, Pilatus Præfex Palestina Provincia ad Tiberium Imperatorem, atque ad Senatum retulit de Passione, & Resurrectione Christi, consequentibusque Virtutibus, quæ vel per Ipsum palam factæ fuerant, vel per Discipulos Ipsius in Nomine Ejus fiebant, & de eo, quodd certatim crescente plurimorum Fide Deus crederetur Senatus indignatione motus, cur non sibi prius secundum morem delatum esset, ut de suscipiendo Cultu prius Ipse decerneret, Consecrationem Christi recusavit, Edictoquo constituit, exterminandos esse Urbe Christianos; præcipue cum & Sejanus Præfectus Tiberii suscipiendæ Religionis obstinatissimè contradiceret. Tiberius tamen Edicto Accusatoribus Christianorum mortem comminatus est.

S. Gregorius Turonensis Lib. 1. Historiæ Cap. 24. Factum paucis enarrat : Pilatus, ait, Gesta ad Tiberium Cæsarem mittit; & eam de Virtutibus Christi, quàm de Passione, vel Resurrectione Ejus insinuat. Quæ Gesta apud nos hodie retinentur scripta. Tiberius autem hoc ad Senatum recensuit : quod Senatus cum ira respuit, pro eo, quodd non ad eum primitus advenisset. Rem Posteris pergratam fecisset Gregorius, si quæ Gesta apud se scripta retinere dixit, publicasset : cujus illa coloris sint, probaremus.

Extremum Facto, quod hic unice quærimus, sigillum ponit Nicephorus Callixtus Lib. 2. Hist. Cap. 8. , cujus hæc verba sunt : Consuetudo jam inde a plurimis annis obtinuerat, ut qui Præfecturas, ac Provincias sortiti essent, res novas, quæ sub eis accidissent, singulas summum Imperium habenti Casari significarent, ut Illum nihil prorsus rerum lateret. Itaque de Resurrectione ex mortuis, aliisque Prodigis Jesu Christi Tiberio Casari scribens Pilatus, cum res ejus pleraque, rum quodd ex mortuis redvivens, sibi que ipsi superstes, Deus jam a multis, & quidem præcipuus esse crederetur, revuntiavit. Quam rem Tiberius ad Senatum retulit. Senatus autem non esse deliberandum de ea censuit, sub illo quidem prætextu, quodd Ille non prius, veteri more, ipsius Senatus Sententiâ in Deos esset relatus : re autem ipsa, quodd Divinæ Doctrinæ Disciplina humano prorsus non indigeret auxilio. Sed enim, etiamsi Senatus ad eummodum verbum de Servatore rejecisset, Casar tamen in Sententia sua perstisit, salutarique Prædicationi impedimentò non fuit.

Sic sanè Summi Viri per omnem ætatem a Il Christiani Nominis Sæculo ad XIII. pleno consensu tradiderunt. Iis porro refragari, ac repugnare velle, an non Summæ temeritatis est, atque

De-

Dementiæ? Repugnat tamen, ac refragatur hac ipsa ætate nostra Tanaquillus Faber, in Protestantium Schola Professor Salmuriensis, Tertullianum ex Actis Pilati apocryphis Fabellam hauisse dictitans; quam Cæteri deinceps ex ejus Fide descripserint imprudenter, transmiserintque ad Posteror. Scilicet non adverterit imprudens ipse, Acta Pilati de Christi Virtutibus ad Tiberium missa, ad quæ deinceps Tertullianus, S. Justinus, & S. Lucianus, ambo Martyres, Romanos, cæterosque Ethnicos provocabant, ab iis longè diversa esse, quæ a Maximino Tyranno, Christianis insensissimò, conficta esse, narrat Eusebius *Lib. 9. Hist. Eccl. Cap. 6.*, plena impietatis, atque blasphemiar. Ab iis quoque longè esse distincta, quibus, ut Author est D. Epiphanius *Hæres. 50.*, Quartodecimani Hæretici insigniter abutebantur; nec ad ea summos, quos retulimus, Viros digitum intendisse; sed ad illa potius, quæ, curante Pilato, a publicis Notariis excepta, Romamque transmissa, in publicis Archivis summâ curâ, & integra Fide servabantur. Unde & ad illorum Annales, ad illorum Commentarios, atque Archiva Tertullianus, Justinus, Lucianus liberè provocabant. Quis autem putet, Illos & famæ suæ, & Christiani Nominis gloriæ tam male consuluisse, ut ad spuria Instrumenta, quæ in Romanorum manibus essent, tam fidenter, tam liberè provocarent; quorum falsitatem Romani ipsi tam faciliè retexissent; nec sine Christiani Nominis derisione, atque ludibrio suggillassent?

Sed nec ab omni veri specie abhorret, uti Tanaquillus contendit, Tiberium, Christo Ejusque Religioni minimè addictum, de Illo curasse, ut de ejus Apotheosi retulerit ad Senatum. Quidni enim id eum tentasse verisimillimum sit, Christi quidem, quæ didicerat, Operum admirabilitate permotum? Certè nec Christo, nec ejus Religioni addictus erat Adrianus Imperator: & is tamen, ut Author est Ælius Lampridius, ethnicus & ipse, in ejus *Vita*, *Templa sine Simulacris jusserat fieri; quæ ille ad hoc parasse dicebatur, ut Christo Jesu consecraret, nisi Sacrorum Consultores deterruissent*; veriti nempe, ne, si id egisset Adrianus, ad Christi partes, relicto Idolorum Cultu, Universi transirent. Nihilò magis Christo, Ejusque Religioni addictus erat Alexander Severus: & Hunc tamen *Christo Templum facere, Eunque inter Deos recipere voluisse*, idem Lampridius memorat; tametsi nefariis circumventus Consiliis executioni non dederit. Quid ergo, simile quidpiam tentasse Tiberium, qui, cum Christi temporibus in vivis ageret, de Illius Mirabilibus eo faciliùs, ac certius instrui poterat, quodd sub ipsis Pilati oculis, Clientis ac Præsidis sui, patrata fuerant, a veri specie prorsus abhorreat?

Abhorret multò minùs a vero (qui alter Tanaquilli cavillus est)

Se-

Senatum Romanum respuisse, quod placuisset Tiberio. Ea quippe Tiberius erat Animi moderatione, ut sibi, suisque consiliis Senatum repugnare, ubi aliqua, vel specie tenus, iusta subesset ratio, molestè non ferret. *Quædam*, inquit Svetonius *in vita Tiberii Cæsaris Cap. 31. adversus sententiam suam decerni, ne questus quidem esset*. Imò, cum vocem minùs idoneam, seu fortè barbaram, inter scribendum usurpasset aliquando, quam ideo honoris gratia usu impostero recipiendam, ac jure Latii donandam Alii qui dicerent, Quendam, Marcellum nomine, morosum verborum exactorem, æquo animo tulit liberè pronuntiantem: *Hominibus Cæsarem Civitatem Romanam dare posse, dictionibus non posse*; ut scribit Dio Cassius *Lib. 57*. Et mirabimur, Senatum Romanum optatam a Cæsare Christi Domini Apotheosim rejecisse, idque peccato animo tulisse Tiberium? Qui profectò, ni tantum tribuere Senatus Authoritati voluisset, negotium istud ad eum minimè dedulisset.

Mirabimur longè minùs, si quæ Senatum Romanum, ut repugnaret, rationes impulerint, perpendamus: quod Caput est susceptionis Disputationis alterum. Prima, a Patribus paulò ante laudatis diligenter observata, ista est: quòd antea Christo Domino Divini Honores delati fuissent, quàm integra ad Senatum ipsùm delata Res esset. Quare præceptam sibi Sacrorum Honorum decernendorum Authoritatem cum ferret ægerrimè, Apotheosim, a Tiberio licèt optatam, decernere noluit. Altera; quòd, nisi cæteris Gentium Diis sua Sede pulsus, Jesus solemnì Apotheosi consecrari non posset; quippe qui solus coli vellet, neminemque Divinorum Honorum consortem pateretur; ut ex ipsa Christianæ Religionis Doctrina probè novisse poterant, cum ex ipso Pilato Cæsari scribente, tum ab aliis Christianæ Religionis jam addictis, qui fortè Romæ tunc aderant. Tertia; quòd Christum cernerent Paupertatis, Humilitatis, Mansuetudinis Assertorem, terrenæque gloriæ, fastus, & ambitus contemptorem, ac penitus inimicum; quæ quidem omnia præ cæteris Romano Imperio, quod armis stabat, & opibus, humanæque gloriâ, & dominandi libidine apprimè servebat, contraria videbantur. Quarta; quòd externa Sacra recipi vetuisset non ita pridem Senatus Augustus, ut innuere videtur Titus Livius *Lib. 39*. Quinta; quòd infami supplicio Christus fuisset affectus, Judæis quidem (popularibus suis) instantibus, atque urgentibus, sed tamen Viro Romano, qualis Pilatus erat, Sententiam pronuntiantem. Sexta etiam addi posset; quòd videlicet Judæus genere Christus erat; Natio etiamtum Romanis invisa, vel saltem perperam affecta. Quibus tamen omnibus, ut ad negandam Christo Domino Apotheosim, rationibus moverentur, Divini Judicii Sapientia

pientia fecit : ne videlicet Christus , falſorum Numinum inſtar , Divinitatem ab Hominiſus precariò videretur accipere : neve Chriſtiana Religio , toto Orbe propediem diffundenda , Senatus Romani iudicio , atque præſidio tuta , ejuſdem Authoritate propagata in dies cenſeretur . Quibus addiderim ego , nec forè addidiſſe pigebit , id etiam fortaſſis contigiſſe , ne tot præclariffimi Martyres Martyrii corona fraudarentur . Nullus etenim extitiſſet Tyrannus , in Romanorum ſaltem Dominio , ſemel ac a Romano Senatu publica Authoritate Chriſtiana Religio approbata , Rituque ſolemni Divini Honores Chriſto noſtro deſtinati fuiſſent .

Reſtat , ut de Epistoſis videamus , quæ a Pilato ad Tiberium tunc temporis datæ referuntur : quas quidem ſpurias , ac pro arbitrio a quibuſdam Nebulonibus conſictas Nullus dubitat . Horum tria producuntur Exempla , quorum falſitas , ſuppoſitio , notheia in ipſos incurrit oculos . Primum , illudque pervetuſtum , Claudio inſcriptum exhibet Hegeſippus in *Anacephalaſi Librorum ſuorum de excidio Hieroſolymorum* , quarto cadente Chriſtiani Nominis Sæculo : ex quo illud tranſcripſit Baronius in *Annalibus ad annum Chriſti* 34 . Alterum in eundem omnino ſenſum , elegantioribus tamen verbis , Claudio Tiberio Neroni Imperatori inſcriptum refert Sixtus Senenſis *Lib. 2. Biblioth. Sanctæ* , in vetuſtis , ut præmonet , *Bibliothecæ Vaticanæ Monumentis* repertum . Tertium in lucem edidit Florentinus in *Notis & Exercitationibus ad Apoſtolorum Indiculum* : quod a Notatore quodam , ut ait , in antiqua pagina cum aliis memoratu dignis circa annum 1480 ſcriptum invenit , a ſuperioribus Exemplis & verbis , & ſenſu longè diverſum . Quod , quia a Viris hodie eruditis melioris aliquantò notæ iudicatur , integrum ſubiicere non pigebit . Eſt igitur huiusmodi apud Florentinum loco laudato pag. 113. *Pilatus Tiberio Caſari Salutem . De Jeſu Chriſto , quem tibi plane poſtremis meis declaraveram , nunc tandem Populi acerbum , me quaſi invito & ſubſciente , ſupplicium ſumptum eſt . Virum hercle ita pium , ac ſincrum nulla unquam atas habuit , nec habitura eſt . Sed mirus exiſtis Populi conatus , omniumque Scribarum , & Seniorum Populi conſenſus : ſuis Propbetis , & more noſtro Sybillis , præmonentibus , hunc Veritatis Legatum crucifixere : Signis etiam ſuper Naturam apparentibus , dum penderet ; & Orbi univerſo , Philoſophorum iudicio , lapſum minantibus . Vigent illius Diſcipuli opere , & vitæ continentia Magiſtrum non mentientes ; imò in ejus Nomine beneficiſſimi . Niſi ego ſeditionem Populi prope exſuantem perſimuiſſem , fortaſſe adhuc nobis ille Vir viveret . Eſſi tuæ magis Dignitatis fide compulſus , quam Voluntate mea adductus , pro viribus non reſiſterim . * Sanguinem juſtum , totius accuſationis immunem ; verum Hominum malignitate ini-*

iniquè in eorum famem (ut Scriptura interpretantur) exitium pasi, & verocundari. Vale. IV. Nonas Aprilis.

In Singulis tamen Epistolarum Exemplis, seu Hegesippi, seu Sixti Senensis, seu demum Florentinii, aperta sunt falsitatis, & suppositionis indicia. Vel enim iis ipsis Epistolis constant Acta integra a Pilato ad Tiberium Cæsarem missa, ad quæ Justinus, Tertullianus, Lucianus Ethnicos provocabant; aut certè transmissis fufioribus Actis comites Epistolæ datæ sunt. Primum illud tam falsum est, quàm quod maximè: cùm nonnulla iis Actis contenta notent laudati Patres, de quibus nihil extat in citatis Epistolis. Alterum non est verisimile: cùm submissa simul Acta nequaquam appellent Epistolæ illæ; sed paucula Christi Prodigia comprehendio notent; nulloque interim verbo significant, fufius illa, atque prolixius adjunctis Actis contineri: quod certè Pilatum facere congruebat, si prolixioribus Actis conjunctas Epistolas dedisset Imperatori.

Quid etiam, quodd ejusdem sensus, ejusdemque sententiæ ab Hegesippo, & Sixto Senensi producuntur Epistolæ, verbis duntaxat inter sese, ac loquendi formulis discrepantes? ut qui eas legerit, binas ejusdem Autographi, Græci sortè, aut, si mavis, Hebræi, interpretationes latinas putet. Pilatus porro, si quas tunc Tiberio unâ cum submissis Actis dedit Epistolas, latinas profectò dedit; ut binas illarum versiones latinas facere, necesse non esset. Nisi sortè quis dicat, Hegesippum Græcè scribentem Pilati qualescumque Epistolas Græcè reddidisse; unde variæ deinceps interpretationes latinæ prodierint, verbis duntaxat, loquendique formulis aliquantò diversæ. At nec id quidem constat, Hegesippum Judæum genere, Græcè scripsisse: cujus imò Operum nullum Græcum extat Exemplar; uti Renatus Laurentius Barrensis in *Prænotatione ad Libros de excidio Hierosolymitano* sapienter admonet.

Insuper priora Exempla duo ab illius ætatis stilo non parum abhorrent; maximè verò primum ab Hegesippo publicatum. Nonnulla præterea continent ambo, quæ Pilatum, Virum Romanum ac Cæsaris Administrum, literis ad Ipsum datis significasse, non est verisimile: ut quodd *Jesus Judæorum Rex jure, ac meritiò diceretur*: cùm alium Judæis Regem constituisset Tiberius. Unumquodque etiam illorum complectitur aliquid, aut apertè falsum, aut Pilato minus utique congruens. Falsa, inquam, est prioris Inscriptio: *Pontius Pilatus Claudio Salutem*: Quanquam enim ex Claudia Stirpe natus Tiberius, *Claudius* quoque sit dictus; nuspiam tamen ita simpliciter est appellatus; sed *Tiberius Claudius Nero*: unde & vulgatum scomma a Svetonio fertur, ut pro *Tiberio Biberius*, pro *Claudio Caldus*, pro *Norone Mero* ab Æmulis diceretur. Pilato quoque mi-

minus congruit periodus illa alterius Exempli : *Hoc expectabant Judæi, ut Deus illorum per Virginem juvenculam mitteret, qui jure Rex eorum diceretur : hunc me præsentem misit in Judæam.* Unde enim rescire Pilatus potuit, Jesum ex Virgine Matre in lucem fuisse editum ? Non utique a Judæis a Christo averfis ; qui Eum, uti Mariæ, ita & Josephi habebant filium. Sed nec a Judæis sectatoribus Christi ; quorum profectò perpauci illibatæ Illius Conceptionis Mysterium noverant : qui verò noverant, necdum, ante illapsum Spiritus Sancti, & publicam Evangelii Prædicationem, propalandum rebantur.

Postremum tandem, quod descripsimus, Epistolarum Exemplar, tametsi notæ aliquantò melioris Eruditis hodie videatur, multis tamen Capitibus peccat, quæ fraudem produnt quàm patentissimam. Ipso enim statim initio significat Pilatus, se de Christo, priusquam morti addiceretur, priores ad Tiberium Epistolas destinasse : *De Jesu Christo, inquit, quem tibi plane postremis meis declaraveram, nutu tandem Populi acerbum, me quasi invito & subsicente, supplicium sumptum est. Virum hercle ita pium, ac sincerum nulla unquam ætas habuit, aut habitura est :* quod scripsisse Pilatum, nemo sibi facillè in animum inducet. Si enim talem Jesum Tiberio datis antea Literis declarasset, incredibile omnino est, eum tam cito, ac nec spectato quidem Rescripto, importunis Judæorum querelis, atque clamoribus cessurum fuisse, ut acerbum de Illo supplicium sumerent. Imò qui Illum a morte liberare tantopere cupiebat, eo præsertim obtentu expectandi Rescripti Cæsarei, Causam saltem traxisset in longum ; non hac ipsa die, qua cœpta est, latâ suis ingratiis Sententiâ finivisset. Addit subinde Pilatus, *Judæos Veritatis Legatum crucifixisse, signis etiam super Naturam apparentibus, dum penderet, & Orbis universo Philosophorum judicio lapsum minantibus.* At qui tunc Philosophi Hierosolymis aderant, qui ea de re judicium ferre possent ? Attendit haud dubiè Epistolæ Fabricator ad vulgatum Dionysii verbum, qui Solem, quo tempore pendeat Christus, præter Naturæ Leges obscuratum cernens (erat etenim ea die Plenilunium, quo Solaris Eclipsis naturaliter contingere nequit) exclamasse fertur : *Aut Deus Naturæ patitur, aut Mundi Machinam dissolvitur.* At hoc, præterquam a Recentioribus duntaxat est traditum, vertiturque in dubium, Athenis tamen a Dionysio dictum fertur, non Hierosolymis : cujus idcirco notitiam Pilatus, dum scriberet, nullam habere poterat. Subjungit : *Vigent illius Discipuli opere, & vitæ continentia Magistrum non mentientes ; imò in ejus Nomine beneficentissimi.* Nempe ad prodigia ab Apostolis in Hominum beneficium patrata alludit : qualia tamen nulla

ante illapsum Spiritus Sancti sunt acta : & tamen, si Superis placet, data notatur Epistola IV. *Nonas. Aprilis*, diu scilicet antequam in Apostolos Spiritus Sanctus illaberetur. Prosequitur Epistolæ quisquis est Author : *Nisi ego Seditionem Populi prope exstuantem permississem, fortasse adhuc nobis ille Vir viveret*. Certè de Christo extincto, ac nondum a mortuis excitato ista dicuntur : de Viro enim ad vitam reduce nemo sic diceret. Secunda tamen Aprilis die, qua data notatur Epistola, ad vitam redierat Christus : si, quod habet communis Ecclesiæ Traditio, die 25. Martii in Crucem est actus : aut certè nondum secunda Aprilis die extinctus erat : si, quod nonnulli ætatis nostræ Cronologi putant, die duntaxat Aprilis quarta suffixus est. Quodcumque ergo res cadat, in vitioprehenditur Epistolæ Fabricator. Nec est, quodd quis nobis obrudat, secundam illam Aprilis diem, qua data perscribitur Epistola, sequentis anni esse, non illius, quo passus est Christus ; eaque idcirco verba *fortasse adhuc nobis ille Vir viveret* Christi ad Superos Ascensum subindicare. Ecquis enim credat, Pilatum suam illam de rebus a Christo præclare gestis, deque nova ab Eo indicta Religione narrationem in annum alterum distulisse ? Cùm tanti Cæsaris interesset, ista rescire, ut si quos fortè motus exciret nova per Christum inducta Religio, Prudentiâ suâ sedaret, atque compesceret. Superest Epistolæ extrema periodus sensu vacua : *Sanguinem justum, totius accusationis immunem ; verum Hominum malignitate iniquè in eorum famem (ut Scripturæ interpretantur) exitium pati, & vererundari*. Quod tamen, non ipsi Epistolæ Fabricatori, sed antiquæ paginæ a Notatore descriptæ vitio tribuendum existimo.

Rejiciendæ sunt itaque, & ad quiesquillas amandandæ, quæ a Pilato Judææ Præfide ad Tiberium datæ feruntur Epistolæ : quanquam Eum submissis ad Cæsarem Actis & Instrumentis, patratorem a Christo Prodigiorum fidem facientibus, Literas Actorum comites addidisse, verisimillimum sit ; quæ tamen vetustate temporis interierint.

Tria itaque, Viri Theologi, in hoc, quod expendimus, de Christi nostri Divinitate Argumento hodierna luce præstitimus. Primo, alteroque Judæorum pervicaciam, qua Divinos Eidem Honores, atque Prærogativas impio conatu nituntur eripere, Ethnicæ Imperatoris Exemplo, qui Ejus Apotheosim, tametsi frustra, Romæ curaverat, & Romani Senatus judicio, qui injustis de causis, & futilibus prorsus rationibus ductus eandem rejecit, infringere pertentavimus : tertio verò, oblata veluti occasione, Pilati de Christo Acta ad Cæsarem missa, ad quæ primorum temporum Christiani, & Martyres Sanctissimi Tyrannos suos, cæterosque Idololatriæ Sectatores provocabant, non ea profectò esse, quæ
ex

ex Pilati Epistolis (a Nebulonibus quibusdam pro arbitrio, uti dicebam, confectis, aliisque minùs cautis Scriptoribus ullo absque criterio probatis) contineri videntur, ostendimus: neque enim Christi Divinitas falsis, & spuris indiget Testimoniis. Reliquum modò est, ut ad viam pristinam, a qua paulisper consultò defleximus, redeamus: novumque adversus Judæos, quos nondum plenè subegimus, ex postremo sacris Oraculis prænuntiati Messiz Characterè certamen vehementius instauremus: quod proxima polemica Praelectione, Illo, cujus hic Causam nos agimus, opitulante, perficiemus.



P R Æ L E C T I O XI.

Christum de Virgine nasciturum Oracula Sacra testari; hocque adamussim in Jesu nostro fuisse expletum; quàm evidentissimè demonstratur.



E partu Virgineo, quo Christus in lucem edendus erat, nulla nobis cum Judaica Synagoga esset, si Deum illum futurum (quod jam abunde probavimus) unâ nobiscum agnoscerent. Quid enim tam Deum deceat, Hominem inter Homines proditurum, quàm de illibata Virgine nasci? At, ut illud perfractè negant, ita & istud pari audacia, atque perfidia dissidentur.

Quare, ut postremam istam promissi Messiae Notam ex superioribus jam sponte fluentem paucis expediam, rem ferme totam ad unius Isaiae Oraculi criterium revoco, ejus occasione gravis Christianos inter, atque Judæos Controversia dudum emerit: *Ecce virgo concipiet, & pariet Filium, & vocabitur nomen ejus Emmanuel. Butyrum, & mel comedes, ut scias reprobare malum, & eligere bonum, Isaiae Cap. 7.* Quod in Deiparæ partu impletum esse testatur Matthæus Cap. 1.: *Hoc autem totum factum est, ut adimpleretur, quod dictum est a Domino per Prophetam dicentem: Ecce Virgo in utero habebit, & pariet filium &c.*

Utque id ab Omnibus intelligi facillè possit, occasionem, qua fufum Oraculum est, paucis exponam. Ralia Rex Syriæ, & Phæcee Rex Israel sociatis viribus, & Copiis Civitatem Jerusalem obfidione cinxerant, eamque vehementer urgebant, & Achazum Regem Juda ad extremas angustias adigebant; cùm Deus, misso Isaia Propheta, Regi Achazo periclitanti fecit animum, spondiditque brevi futurum, ut ab iis Hostibus eximeretur. Is minùs integram fidem Prophetæ præstitit; quòd in tam præcipiti rerum eventu promissam Liberationem ab omni veri specie remotissimam existimaret. Quapropter, ut Promissis fidem adderet Isaia, spondit, se Miraculum, quodcumque liberet, in Achazi oculis editurum in prolata Prophetæ confirmationem. Renuit impius Rex, nolle se, inquiens, tentare Dominum. Tunc despectum se sentiens Isaia, converso sermone ad Domum David, cui duram in Deum cervicem exprobravit, futurum spondit, ut Deus sponte sua Portentum omnium maximum ederet, Virginis scilicet parituræ, cujus Filius *Emmanuel*, hoc est, *nobiscum Deus*, vocandus esset: addiditque,

ditque, Terram duorum illorum Regum Jerusalem obsidentium devastatum iri, antequam Virginis parituræ Filius annos attingeret Rationi proximos : *Propter hoc, inquit Propheta, dabit Dominus ipse vobis signum. Ecce Virgo concipiet, & pariet Filium, & vocabitur nomen ejus Emmanuel : Butyrum, & mel comedet, ut sciat reprobare malum, & eligere bonum. Quia antequam sciat Puer reprobare malum, & eligere bonum, derelinquetur Terra, quam tu d testaris, a facie duorum Regum suorum.*

Eo Oraculo prænuntiatum Messia ortum summo consensu contendimus quotquot Christiano nomine sumus ; favetque nativus Scripturæ sensus, si paulò penitius perpendatur. Cum etenim impius Achaz fieri non posse crederet, ut Dei ope a duobus potentissimis Hostibus liberaretur, signaque in promissæ Liberationis confirmationem oblata respueret, significare voluit Deus, in ipsius nutu esse positum, ut majora Prodigia edat, & ab Hostibus longè potentioribus Homines liberet. Quare facturum se, inquit, ut etiam Virgo gravida gigneret, Deumque pareret, totumque Humanum Genus a Diaboli tyrannide, cujus levem imaginem duo illi Reges Jerusalem obsidentes præferebant, sine cunctatione liberaretur.

Judæi e contrario nihil, quod Messiam contingat, eo Vaticinio prænuntiari volunt ; Christianosque emunitionis esse naris existimant, qui magna inibi Mysteria subodorentur, ubi nulla re ipsa sunt. Quare tria ponunt hujusce Vaticinii occasione : primum, perperam in Vulgata Ecclesiæ Versione legi *Ecce Virgo concipiet, & pariet Filium* ; cum hebraica vox *Habalmâ*, quæ in primigenio Textu legitur, non Virginem necessariò sonet, sed Puellam adolescentulam, quæcumque sit illa, sive Virum experta, sive intacta, sive nupta, sive innupta. Secundò, nihil Miraculi fore ajunt, tametsi necessariò legendum esset *Ecce Virgo concipiet, & pariet Filium* : id enim, inquiunt, eo sensu dictum non esset, quasi Virgo servata Virginitate Deum conciperet ; sed quòd Virgo cum esset antea, Filium, deflorata Virginitate, parturiret. Eo planè modo, quo Christus de Miraculis a se patris Joanni renuntiari jussit, *Cæci vident, Claudii ambulant, Surdi audiunt*, Matth. Cap. 11. : non quasi in ipsa cæcitate, & surditate viderent, atque audirent ; sed quòd Cæci, Surdiq; cum essent antea, sanata jam cæcitate, ac surditate, integris Sensibus uterentur. Tertio, prænuntiatum eo Vaticinio contendunt longè alium a Messia ; Ezechiam scilicet filium Achaz, ut Aliquibus placet ; seu etiam ipsius. Isaia Filium nasciturum ; ut Alii magis probant ; quo necdum ex ephebis egresso, Syriæ Regnum devastatum est.

Tria hæc æquè falsa demonstrare, Officii nostri est, si quo felici

lici exitu Judæos volumus exagitare, ac celeberrimum Vaticanum, quo maximè Fides Catholica nritur, ab impuris Cavillationibus vindicare. Agendum, nostram advocationem domesticæ Causæ accommodemus. Hoc primum esto hodiernæ Prælectionis Caput: Legendum omnino in Isaïæ Oraculo *Ecce Virgo concipiet*, nec vox illa hebraica *Habalmâ* cum articulo emphatico *ba* scripta anceps habenda, quasi in Puellam, sive quæ Virum passa sit, sive quæ ejus fuerit expers, ex æquo congruat: sed ei soli necessariò competit, quæ Virginitatem adhibitâ custodiâ servarit; quæque ad eam custodiendam abstinerit publico, & intra parthenonos septa se continuerit.

Enimvero vox *Habalmâ* ab hebraico themate *balâm*, quod abscondere propriè significat, derivatur. Hincque ad denotandam Virginem integram desumpta est, quod olim in more positum esset, ut Virgines magnâ diligentia secluderentur, & ab omni Virorum accessu semotæ custodirentur: ut videre est *Lib. Esther Cap. 2.*: tum apud Josephum *Lib. 7. Antiquitatum Judaicarum Cap. 7.*, ut Scriptores profanos silentio mittam. Hinc Salomon Virginem describens in *Canticis Cap. 4. Hortus conclusus*, inquit, *foror mea Sponsa, hortus conclusus, fons signatus*; quòd nempe Virgines clausæ, obseratæ, obsignatæque essent, ut inviolatum Virginitatis suæ sigillum, & integra pudoris claustra custodirent.

Hoc ipsum confirmant alia non pauca Scripturarum Exempla, ubi eadem illa hebraica vox *Habalmâ*, cujus occasione cavillari Judæi solent, ad Virginem Viro prorsus incognitam denotandam usurpata est, præmisso articulo illo emphatico *ba*. *Genesis Cap. 24.*; ubi de Rebecca nondum certè deslorata Versio latina habet, *Puella decora nimis, Virgoque pulcherrima, & incognita viro*, Textus hebraicus habet *Habalmâ*. Idem Mariæ sorori Moyfi attribuitur nomen *Exodi Cap. 2.*, quo tempore necdum Viro subacta fuerat. Uno verbo, nullus in universa, qua latè patet, Scriptura Sacra Contextus adnotari potest, ubi ea hebraica Diètio usurpata legatur ad Iuvenulam Viro cognitam designandam. Nolim in his mihi fidem integram dari, quippe qui vix aliquid in hebraicis literis balbutire audeo; sed detur integra Hieronymo, Viro hebraicè longè doctissimo, qui hebraicos Codices non secus, ac digitos suos, & ungues nòverat. *Ostendant itaque Judæi*, inquit ille, *in Scripturis alicubi positum Hahalmâ, ubi Adolescentulam tantum, & non Virginem sonet; & concedimus eis, illud, quod in Isaia apud nos dicitur Ecce Virgo concipiet, & pariet non absconditam Virginem, sed Adolescentulam significare jam nuptam*. Ita *Lib. Quæst. Hebr. in Genesim*. Quo circa tria esse hebraica nomina observat Sanctissimus Doctor *Lib. 1. contra Jovinianum*, quæ so-

lent

lent hac in materia Sacris in Literis usurpari : Primò, *Naarà*, quod adolescentulam simpliciter sonat, seu virgo sit, seu corrupta : estque propterea ætatis duntaxat nomen : Secundò, *Berbulà*, quod ex adverso virginem sonat, sive adolescentula sit, sive ætate provecta : estque idcirco duntaxat integritatis nomen : Tertiò, *Habalmà*, quod utrunque simul significat ; virginem scilicet, & adolescentulam, ut integritatis simul, & ætatis teneræ nomen sit : eoque ultimo propterea usum Isaiam celebri illo, quod expendimus, Vaticinio, ut adolescentulam simul & virginem parituram designaret. Hinc & Lingua punica, quæ ex hebræa nata est, *Habalmà* Virginem sonare, idem ille nobis est Author in suis ad Isaiam Commentariis.

Accedit in hujusce Catholicæ Veritatis confirmationem septuaginta Interpretum fides ; quibus non stare Judæis religio debet esse : ii quippe & Genere, & Religione Judæi erant. Oraculum autem illud græcè vertentes, nullacircuitione usi, Παρθένος reddiderunt, quod Virginem integram denotare nemo nescit : ἰδὺ ἰνὰ πύθινος ἔργας εἰ δὲ φέραι υἱόν. Ecce Virgo in utero concipiet Filium. Ita pariter habent Paraphrases Chaldaicæ, Versiones Syriacæ, & Arabica, Virginem perinde vertentes. Quibus ex recentioribus adiungendus venit R. David Kimchi in *Libro Radicum*, ubi eandem illam significationem inesse Dictioni *Habalmà* disertè docet. Quare ridendi omnino veniunt recentiores Hebræi, qui Versiones Symmachi, Aquilæ, Theodotionis nobis obtrudunt, ubi loco Virginis *Juvenulam* transfulerunt. Quis etenim nesciat, Symmachum Ebionitarum Hæresi fuisse infectum, quibus Jesu Matris Virginitatem inficiari solemne erat ; Aquilam, & Theodotionem Profelytos fuisse judaizantes, qui suas Scripturæ Sacræ Versiones suis Erroribus accommodarunt ? Egregij sanè Viri, qui in hacce eliquanda Controversia judices audiantur ! Scilicet, qui adversæ Partis Erroribus polluantur. Certè, consule Atheos, negabis Deum. Quid ergo mirum, si professi Marianæ Virginitatis ofores Semi-Judæi hoc illi Oraculum, quo ea maximè nititur, dolosis Versionibus eriperint ?

Ludunt pariter, illuduntque, qui vulgatum nostrum Interpretem, alia Scripturæ Loca reddentem, *Adolescentiam*, & *Adolescentulas* quandoque vertisse, nobis opponunt, ubi vocabulum *Habalmà* in Hebræo Textu positum erat : ut *Proverbiolum* Cap. 30. : *Tria sunt difficilia mihi, & quartum penitus ignoro. Viam Aquilæ in Cælo, viam Colubri super petram, viam Navis in medio mari, et viam Viri in Adolescentia*. Et in *Canticis Canticorum* Cap. 1. : *Adolescentula dilexerunt te*. Primam quippe adolescentiam intelligit Salomon in *Proverbiis*, qua quis adhuc delitescit, & absconditus

tus est, adeoque Adolescentiam virginalem; idque sibi vult unum, ignorari viam Viri in prima adolescentia sua, quia ex prima Viri adolescentia dignosci non potest, quis tandem futurus sit. *Habalmâ* itaque Adolescentiam sonare non diffitemur: at non qualem-cunque, sed absconditam, ignotamque; adeoque virginalem, qualem profectò Salomon intelligi vult, ejusdemque vulgaris Interpres. Nec minùs Adolescentulas Virgines intelligit in *Canticis Canticorum*, quas & a Reginis, & a Concubinis, quæ Virum scilicet passæ fuerant, apertè distinguit *Cap. 6. : Sexaginta sunt Reginae, & octoginta Concubinae, & Adolescentularum non est numerus*; quæ nondum Viro subactæ fuerant.

Jam, quod alterum Judaicæ Cavillationis Caput attinet, id pari fide, atque constantia pronuntio: Virginem parituram eo Isaïæ Oraculo designari, quæ servata Virginitate Filium edat. Conceptum etenim Virginis portendit eo loci divinus Vates, uti Signum ingens; hoc est, veluti rem novam, inusitatam, prodigialem: *Pete tibi signum a Domino Deo tuo*, inquit ille, *in profundum Inferni, sive in excelsum supra*. Quid verò novi, ac prodigii haberet, si Puella more communi Fœminarum post delibatam Virginitatem Filium esset paritura? Unde Hebraicus Textus ita periodum effert, ut plane Virginitatem partui coniungat. Ita quippe, si voculas ipsas, ac syllabas religiosiùs æmulari velimus, legendum venit: *Ecce Virgo prægnans, & pariens filium*. Atque hæc ipsa novitas est omnibus retro Sæculis ignorata; quam verbis paululum immutatis vaticinatus est Jeremias *Cap. 31. : Creavit Dominus novum super Terram; Fœmina circumdabis Virum*; cum tamen, si Judaicis interpretamentis aures accomodemus, nullam esse novitatem plane liqueat, totumque, quantum quantum est, Conceptionis Miraculum evanescat.

Tertium tandem, quod obtrudunt, ludricum prorsus est, ac desperatæ Causæ apertissimum Argumentum: eo scilicet Isaïæ Oraculo portendi ortum Ezechiz filii Regis Achazi, aut certè ortum Filii ipsiusmet Isaïæ Prophetæ. Insulsum plane Commentum. Fac enim, Filium de Virgine nasciturum non prænuntiari hoc loco: fac non promitti *Emmanuelis*, hoc est, *Pueri Divini* Conceptum: fac, uno verbo dicam, nihil nisi communem Partum denuntiari: necdum tamen ad Ezechiz filii Achaz, aut etiam ad ipsius Isaïæ Filii Nativitatem prænuntiandam Oraculum istud flecti posset, ut Judæi plus nimio imprudentes, nec satis in Historia Sacra versati fabulantur. Qua etenim, amabo, sorte Ezechiz Ortum prænuntiasset tunc temporis Isaïas, uti illorum Aliqui volunt; cum is diu antea esset, multosque jam annos numeraret? Ita porro rem esse, ex Sacris Literis liquet: Achaz enim, quo regnante Vaticinium

nium istud fufum est, *sexdecim annis regnavit*, ut habetur *Lib. 4. Regum Cap. 16.* Achaz autem Ezechiam filium suum annos *viginis quinque natus* hæredem Regni reliquit, uti *Cap. 18.* legere est: annos ergo circiter decem numerabat Ezechias, dum Achaz Pater ejus Regnum obtinuit; atque adeo multò plures numerabat annos, dum Achazo Regnum obtinente Oraculum istud, quod expendimus, ab Isaia pronuntiatum est.

Sed neque felicioribus ventis mare istud enavigant, qui ipsius Isaia Filii Ortum portendi eo Vaticinio commenti sunt. Illius etenim Pueri Ortus portenditur, quo necdum annos Rationi proximos obtinente Samaria devastanda erat: *Antequam sciat Puer reprobare malum, & eligere bonum, derelinquatur Terra, quam tu detestaris a facie duorum Regum.* Seu, ut sequenti *Capite* dicitur *v. 4. Antequam sciat Puer vocare Patrem suum, & Matrem suam, auferetur fortitudo Damasci, & spolia Samarie*: At, quo tempore Regnum Samarie eversum est, annos faciliè sexdecim Isaia Filius numerabat; utpote qui jam anno quarto Regni Achaz natus erat; adeoque diu ante bonum a malo secernere noverat; aut certè diu ante, Patrem, ac Matrem ex nomine appellabat. Rursus illius Pueri Ortus denuntiatur, cujus Mater, sin minùs Virgo, at saltem Juvencula erat; ita quippe Judæi volunt: at Isaia Uxor juvencula tunc profectò non erat; sed vetula potius: non itaque illius Filii Ortus describitur eo loci. Suis igitur retibus implicantur Hebræi, dum ista Suffugia quærunt, ut eliquatissimæ veritati nebulas offundant, Partumque virgineum singularem promissi Messia Prærogativam inficiantur.

Quod opponunt, nihilominus difficultatem non levem habet, multorumque torfit Ingenia. Ajunt quippe, incredibile prorsus esse, ut Isaia Achazo a duobus Regibus obfesso futuram liberationem promittens in hujus promissæ liberationis fidem Signum dederit Partum illum Virgineum, & Ortum Messia, quem nos annis circiter octingentis post Achazi obitum contigisse existimamus. Rei etenim promissæ Signum, quo nobis promissionis veritas confirmatur, rei promissæ exitum antevertere necesse est: aliàs nullam nobis promissæ rei fidem faciet. Non ergo Jesu nostri Ortuseo Vaticinio portenditur.

Verùm non est ita, ut ajunt, non est ita. Neque etenim Isaia Virgineum Partum, uti prognosticum Signum futuræ liberationis Achazo dederat: sed contra potius, cùm prognosticum Signum, seu Miraculum ab Isaia edendum nollit Achaz, Prophetamque uti falsum Hariolum despiceretur, nullam Diæti ejus, & promissæ Liberationi fidem adjungens; is, ut verum se Prophetam ostenderet, Deumque majora præstare posse, quàm quæ hac occasione Achazo promittebat, significaret; Partum Virgineum Miraculorum omnium maximum, prænuntiavit, totumque Humanum Genus Diaboli tyrannide libe-

randum vaticinatus est. Non ergo Partus Virgineus, Ortusque Messiae, tanquam prognosticum Liberationis Achazi Signum datum est; imò potius tanquam Signum posthumum, ac rememorativum, ut ita loquar, Prophetiae praecedentis: ut videlicet Homines a Diaboli tyrannide Messiae Ministerio tandem aliquando liberati anteaeternae Liberationis Achazi recordarentur.

Extant Divinis in Literis istiusmodi Signa posthuma, seu memnistica longè multa. *Exodi Cap. 3.* Deus Moysen Populi Liberatorem mittens, *boc habebis signum*, inquit, *quod miserim te: Cum eduxeris Populum meum de Aegypto, immolabis Deo super Montem istum.* Hæc porro Immolatio Populi exitum, Moysisque Missionem diu subsecuta est. *Primi Regum Cap. 10.* Samuel post inunctionem Saulis in Regem, *Et hoc tibi signum*, inquit, *quia unxit te Deus in Principem. Cum abieris hodie a me, invenies duos Viros juxta sepulchrum Rachel; & alia, quæ nonnisi post Saulem inunctum gesta sunt.* Sunt igitur Signa posthuma, & memnistica priorum, non prognostica futurorum. Neque refert, quòd in vivis futurus non esset Achaz, dum Virgo Christum esset paritura; quia non Achazo ipsi prodigiale illud Signum ab Isaia datum est, sed Domui David: *Audite ergo Domus David: quæ ad id usque temporis perennatura erat.*

Reponunt Viri propositi tenaces, hujus Pueri Ortum portendi laudato Isaie Vaticinio, quo discretionis annos nondum assecutus Regna Damasci, & Samariæ devastanda erant: at non modò ante discretionis annos a Jesu nostro habitos, sed & diu antequam oriretur in Terris utrunque Regnum fuerat devastatum: non itaque Prophetia illa refertur ad Jesum. Verùm non advertunt Viri carnales, & in uno literæ cortice duntaxat hærentes, Prophetam pro more suo a Figura ad rem ipsam designatam transvolare; a temporali Liberatione Achazi, ab obsidione Rafin, & Phacee ad Liberationem Humani Generis a diabolica Servitute, cujus hæc nonnisi symbolum erat. Nihil ergo sibi vult aliud Isaías iis verbis, *antequam sciat reprobare malum, & eligere bonum: antequam sciat vocare Patrem suum, & Matrem suam*; quàm Genus Humànum precocibus venturi Messiae Virtutibus, ac laboribus a peccati tyrannide liberatum iri. Quare & ea parte figurata locutio est. Sexcenta Prophetarum Exempla dare facile fuerit, ubi eodem plane Contextu a typis ad antitypa, a Figuris ad Christum transitum faciunt, nisi otiosi hominis esset in re compertissima demonstranda diutius immorari.

Quæ hæcenus in explicando, tuendoque Isaie Vaticinio diximus, majorem ex aliis Oraculis lucem accipiunt, quæ Fæminam tandem aliquam absque Viri copia parituram portendebant. Quanquam enim quis eo Partu in lucem edendus esset, non ita, ut Isaías, adnotaret; hujus tamen Ortus Prærogativâ, si res ita contingeret, præ cæteris

teris dignum Messiam Judæos non arbitror negaturos. Et quidem *Levitici Cap. 12.* ita Moysen Deus alloquitur : *Loquere filiis Israel, & dices ad eos : Mulier, si suscepto semine pepererit Masculum, immunda erit septem diebus, juxta dies separationis menstrua.* Ut quid verò clausula illa, *si suscepto semine pepererit*, si nulla unquam Mulier, nisi suscepto semine, paritura erat? Certè aut supervacua plane circumscriptio illa fuit, aut Mulierem aliquam nullo suscepto semine parituram eâ loquendi formulâ significavit. Pariter *Exod. Cap. 13.* : *Sanctifica mihi omne Primogenitum, quod aperis vulvam in filiis Israel, tam de Hominibus, quàm de Jumentis.* Quid hoc quoque, *quod aperis vulvam*, si nullus unquam futurus erat Primogenitus, qui Matris vulvam non aperiret, atque ex Matre integra nasceretur? Non absimiliter *Lib. 2. Regum Cap. 7.* ita Deus Davidem alloquitur : *Cumque completi fuerint dies tui, & dormieris cum Patribus tuis, suscitabo semen tuum post te, quod egredietur de utero tuo, & firmabo Regnum ejus ;* Et *Psalmo 131.* : *Juravit Dominus David veritatem, & non frustrabitur eam : de fructu ventris tui ponam super sedem tuam.* Quod non de Salomone diu antea nato, sed de Christo ex Davidis Genere orituro intelligere necesse est. Quid hîc posito Christus ex Davidis utero, seu ventre egressurus dicitur? Cùm potius ex Patrum lumbis, non ex Patrum ventre, vel utero nascantur Filii : nisi quodd illic Virginis Matris uterus designetur, de quo solo Christus Dominus, promissum Davidi semen, non de lumbis, & semine Viri proditurus erat. Ingeniosa Tertulliani observatio est *Lib. 3. contra Marcionem Cap. 20.* ; & *S. Irenæi Lib. 3. adversus Hæreses Cap. 21.*

In hanc usque diem de variis prænuntiati Christi Dotibus, & Characteribus diximus ; ut falsa Judæorum præjudicia revelleremus, quibus longè alium oriturum sibi Christum animo fingunt, quàm quem Sacra Scripturarum Oracula promiserunt. Postulat in præsentia suscepti operis ratio, ut de præfinito salutis Adventus tempore dicamus. Quod ubi semel Jesu nostro nascente elapsum, impletumque probaverimus ; certo jam, invictoque Momento colligemus, talem dudum re ipsa venisse Christum, qualem venturum Lex, & Prophetæ prænuntiaverant.



P R Æ L E C T I O XII.

Christum stante secundo Templo Mortalibus oriturum, Prophetis Testimoniis, aliisque Momentis evincitur.



Absoluta de Christi promissi Notis, Dotibus, Characteribus prolixiori Tractatione, qua Judæorum ignotum Sacris Vatribus Liberatorem effingentium hallucinationes reteximus, confutavimus, alteram de præfinito optati Adventus tempore Commentationem aggredimur, ut Judæicam perfidiam, undecumque id fieri poterit, impetamus. Hactenus omnes veri Messiae Dotes Sacris in Literis præsignatas uni Jesu Nazareno congruere, multis ostendimus; nunc notatas salutaris Adventus periodos, nec non definita Ortus illius optatissimi tempora in ejusdem Jesu nostri ætatem incidere, admotis veluti calculis, demonstrabimus.

Cæterum, ut est istud magnæ molis Opus, nec una Prælectione conficiendum, rem totam per partes aggrediemur; hocque unum erit hodiernæ Prælectionis Argumentum; Messiam a sacris Vatribus prænuntiatum certissimè nasciturum fuisse stante adhuc secundo Salomonis Templo; seu, ut clarius dicam, stante Salomonis Templo, quale a Zorobabele post solutam Captivitatem Babylonicam sub Cyro Persarum Rege instauratum erat: nec ultra post secundi Templi hujus excidium Adventum Messiae protrahi posse. Quare cum instauratum a Zorobabele Salomonis Templum annis subinde post Christum nostrum in Cœlos elatum triginta septem eversum, Soloque æquatum fuerit sub Vespasiano, & Tito; consequens omnino est, Messiam ante Vespasiani, ac Titi Imperium adventasse, rectèque idcirco salutaris illius Adventus Epocham in Jesu Nazareni ætatem incidisse. Atque ita Judæos ignoranter, ac perperam suum etiamnum hodie Liberatorem expectare, qui dudum advenit.

Amplam nobis probationum copiam subministrat Aggæus Prophetæ Cap. 2. Prophetiæ suæ, si cum *Libro primo Esdræ Cap. 3.* conferatur. Rem paucis exponam, ut eruendi inde Argumenti vis percipi facilius possit. Everis primitus Hierosolymâ, dirutoque Salomonis Templo, Judæos captivos in Babylonem deportaverat Nabuchodonosor Rex anno ante Christum nostrum sexcentesimo sexto. Annos septuaginta perduravit sæva Captivitas; quibus demum exactis, Judæi a Cyro Persarum Rege libertate donati sunt, veniamque Templi instaurandi, suis tamen sumptibus, impetrarunt.

runt. In hanc operam potissimum intenderunt Zorobabel filius Salathiel, & Jesus filius Josedech. Verum, ut erant tunc temporis Judæorum accitæ Vires, exhaustum Ærarium, adeo instaurati Templi moles a prioris Templi pompa, majestate, & magnificentia procul aberat, ut quotquot inter Judæos levem aliquam pristini Templi memoriam retinerent, in lacrymas solverentur. Lacrymantem Populum solatus est Deus, instaurati Templi Prærogativas, quibus pristinum superaret, commendando, ac celebrando hisce verbis, observatione dignissimis apud Aggæum Prophetam *Cap. 2: Adhuc unum modicum est, & ego commovebo Cælum, & Terram, & Mare, & Aridam: & movebo omnes Gentes. Et veniet Desideratus cunctis Gentibus: & implebo Domum istam gloria, dicit Dominus exercituum Magna erit gloria Domus istius novissimæ, plusquam primæ, dicit Dominus exercituum: & in loco isto dabo pacem, dicit Dominus exercituum.*

Tot hic in Judæos decretoria Argumenta, quot Verba: tot Efata, quot Apices. En etenim Desideratum cunctis Gentibus, qui Templum illud secundum a Zorobabele instauratum suâ gloriâ sit repleturus: en Pacem salutarem eo in Templo dandam Homini- bus: en Cælum Terramque, ac omnes etiam Orbis Populos com- movendos: en novissimi Templi gloriam pristini Templi gloriâ superiorem, majoremque. Stant porro universa hæc in nostra Christianorum Hypothesi; qua ponimus, verum Messiam Templum istud secundum (antequam a Romanis everteretur) Præsentia suâ, Miraculis, Adhortamentis, Orationibus illustrasse, consecrassè. Messias enim Desideratus cunctis Gentibus Sacris in Literis nuncupari solet: Is salutarem animorum pacem, reconciliato Homini- bus Deo, Fidelibus dedit: Is novæ Legis institutione, omniumque Gentium in unius Ecclesiæ Fidem consociatione Cælum, Terram, Populosque commovit universos: Is Divina prorsus Majestate, ac Gloria, qua major Salomone fuit, Templum replevit, & illustra- vit: ut planetot illis Titulis secundum hoc Templum, pristinum mo- dis omnibus superarit. Atque ita in Christianorum Hypotesi, Aggæi Prophetia plenam, & integram sortita est veritatem. Verum in Hypothesi Judæorum, qui Messiam secundum illud Salomonis Templum Præsentia suâ illustrasse dissidentur, eumque temporibus illis Mundo illuxisse inficiantur, quocumque ex capite Aggæi Prophetia falsa est: nihil enim eorum, quæ ab Aggæo sunt me- morata, eo in Templo peractum esset, unde prioris Templi glori- am superasse aliqua veritatis specie dici posset.

Risum tenere vix possum, dum Judæorum Effugia recolo, qui- bus Argumenti hujusce vim elidere adnituntur. Jactant scilicet Nonnulli ad hujusce secundi Templi gloriam exaggerandam, Ale-

xandrum, Macedonum Regem, ad illud aliquando supplicem accessisse; magnumque Herodem hoc idem Munificentia plane regia exornasse. Sit ita porro, per me licet; an ergo propterea pristini Templi Dignitatem, & Gloriam superasse dici possit, quasi Alexandri, aut Herodis Majestas plus illi Dignitatis attulisset, & Gloriæ, quàm vel unius Salomonis contulerat primo? Aut etiam, quod absurdum magis, vel Herodes, vel Alexander *Desideratus cunctis Gentibus* dici posset? Cùm tamen promiserit Deus futurum, ut *Desideratus cunctis Gentibus* hoc Templum subiturus esset. Reponunt Alii, majorem secundi Templi Gloriam dictam esse ob majorem illius diuturnitatem; quòd primum annis duntaxat quadringentis viginti duobus perdurasset; facta nimirum computatione ab anno Salomonis undecimo, quo perfectum est sacrum Opus, ad annum Sedeciae undecimum, quo a Rege Nabuchodonosore igne absumptum est: Alterum annis circiter quingentis septuaginta perennarit, donec a Romanis unà cum Urbe succenderetur. Perperam tamen, ac futiliter; cùm non ex novi Operis diuturnitate, aliquantò majori, Gloriam illam, & Excellentiam petierit Deus, sed ex Servatore e cunctis Gentibus expetito Templum istud subituro; & ex pace illic ab eodem Mortalibus concedenda, quod ex utroque laudato Oraculo perspectum est. Sunt denique qui reponant, in eo majorem secundi Templi Gloriam fuisse positam, quòd repugnantibus Judaici nominis Hostibus sit extructum; primum verò summa, & integra pace. Cujus quoque Responsi nugacitas, tametsi patet ipsa per sese, alio adhuc ex Capite ruit: quòd nimirum major illa secundi Templi Gloria, uti futura promitteretur a Deo; ista, qualiscumque a Judæis fingitur, præterita esset.

Quandoquidem autem de Pace sermo incidit, a Judæis scire velim, quo pacto, quave ratione in hoc secundo Templo datam Pacem ostendent, qui spiritualem Pacem a Messia ibidem datam inficiantur? Enimvero, si de temporali Pace, quam unicum Judæi norunt, interpretentur Oraculum, vereor ne minor secundo huic Templo Pax fuerit, quàm alteri præcedenti. Ecquis enim nesciat, quàm impotenter furiis investus Seleucus expilationem ejus attentavit; quàm foedè profanarit Antiochus; ac deinde Pompejus; quàm sacrilegè Idolis, ac suo præsertim Simulachro dehonestare præsumserit Cajus; quàm ferociter in idem exarserint Vespasianus, & Titus, illudque tandem Solo æquarint? Vertant igitur sese in omne latus miseri Homines, horum alterum admittere compelluntur; aut Messiam stante etiamnum Salomonis Templo a Zorobabele restituto, & instaurato adventasse, illudque Præsentia suâ illustrasse, consecrassè; aut nullam Divino huic Aggæi Oraculo veritatem inesse.

His

His robor addit, quod legimus apud Malachiam Prophetam. Fuit ille, ut notum est, Prophetarum ultimus, qui etiam, instaurato per Zorobabelem Salomonis Templo, Prophetiam adornavit; eo maximè tempore, quo Judæi secundi Ædificiî mole inspecta a lacrymis temperare non poterant, quòd Prioris comparatione vilius videretur. Hos Ille, non aliter, quàm Aggæus, solari aggressus est, futurum spondens, ut ad ipsum Templum brevi Messias accederet; qui Nomen ei suo Adventu, Dignitatem, & Gloriam conciliaret: *Ecce ego, inquit Deus Malachiæ Cap. 3., misso Angelum meum, & præparabit viam ante faciem meam. Et statim veniet ad Templum suum Dominator, quem vos queritis, & Angelus Testamenti, quem vos vultis. Ecce venit, dicit Dominus exercituum.* Certè Judæorum neminem fore puto, qui nomine Dominatoris, & Angeli, seu Nuntii Testamenti ab Hebræis tandiu expertiti, alium a Messia significari contendat: maximè cùm Illum aliis etiam Notis subinde indigitet Malachias, quæ in unum Messiam referri valeant. Ad illud itaque Templum Messias venturus erat; atque adeo ante Vespasiani, ac Titi Imperium, a quibus tandem eversum est Templum, Messias Mundo illuxit.

Crescit autem in immensum Argumenti robor, si in nostrorum temporum Judæos sermonem convertamus. Enimvero Aggæus, & Malachias Messiam brevi tunc nasciturum portendebant; ac velut staret in januis. *Adhuc unum modicum est, inquit Aggæus, & movebo omnes Gentes; & veniet Desideratus cunctis Gentibus.... Ecce ego misso Angelum meum, inquit Malachias, & statim veniet Dominator &c. Ecce venit &c.* Quibus etiam consentit Habacuc Propheta Cap. 2.: *Veniens veniet, & non tardabit.* Prophetabant Illi porro annis ante Jesum nostrum quingentis circiter, ac viginti; quibus si addamus annos, qui ad nos usque lapsi sunt, recurrent anni bis mille ducenti quadraginta, quo ex tempore Prophetæ illi tres Messiam proximè, brevique venturum promiserunt. Et tamen, si Judæis fidem adjungimus, nondum advenit. Quis quæso cœcam obstinationem non videat, luceatque?

Sed audite quid illorum Uni non ita pridem in mentem venerit, ut hujusce Argumenti vim elideret. Reposuit ille, Prophetas ante laudatos Messiam intra modicum tempus oriturum dixisse, tamen si nequidem hodie venerit post annos bis mille ducentos, & quod excurrit; quia apud Deum immensa temporum spatia instar momenti reputantur, juxta illud Prophetæ Regis Oraculum *mille anni ante oculos tuos, sicut dies besterna, quæ præteritis, Psal. 89.* Sit ita verò, ut re ipsa est; immensa temporum spatia instar momenti Deo reputentur: at ubi Deus alloquitur Homines, ejusque

que certas ad aliquid designandum temporum periodos definit, tales illas accipere necesse est, quales Hominibus periodi fluunt, non quales Deo, cui nil effluit, sed omnia ex æquo præsentia sunt. Aliàs nihil ex Dei verbo certi colligeremus, sicque temporum Notæ Divinis in Literis frequenter expressæ nihil unquam certi designarent: siquidem nulla apud Deum temporum interval- la, atque discrimina reperire licet. Sed & dicat magnus ille Judæorum Appollo, cur extremi duntaxat Prophetæ Messiam intra breve tempus oriturum prædicarunt, non itidem antiquiores? Certè si, quod ille reponebat, veritate constaret, quidni etiam Moy- ses, quidni Abraham, quidni Adamus ipse Messiam intra modicum tempus oriturum dixissent? Nam & totum tempus, quod ab Adam ad Christum, imò ad diem usque Judicii fluit, Deo ipsi modi- cum, & momentaneum reputatur. Facebant ergo nugaces, & ma- lenati Circulatores.

Gravia sunt hæc; sed addam, quæ Judæis multò certius jugu- lum petant. Usque adeo ex Sacrarum Literarum Oraculis comper- tum est, Messiam eo Sæculo fuisse nasciturum, quo Jesus noster Mundo illuxit, ut hæc ipsa inter illius ætatis Judæos receptissima Opinio esset, ac certa Sententia. Non hic ego Judæos illos nume- rabo, quos ea tunc persuasione fuisse imbutos, Sacrum memorat Evangelium; Simeonem, quem tunc *expectasse consolationem Israel* monet Lucas *Cap. 2.*: Annam Prophetissam filiam Phanuelis *Re- demptionem Israel* pariter præstolantem *v. 38.*: Mulierem Sama- ritanam Christo nostro dicentem, Joan. *Cap. 4.*: *Scio quia Mes- sias venit, (qui dicitur Christus).* Non hos, inquam, appellabo: sed Judæos priorum Librorum Authoritate convincam: quod ante me eruditè præstitit Illustrissimus Præsul Petrus Daniel Hue- tius in *Demonstratione Evangelica*, e qua nonnihil hic delibare, nulla mihi invidia fit.

Legimus igitur in Thalmude, maximè verò in *Libro Sanhedrin Capite ultimo*, Scholam Eliæ (non quidem Prophetæ hujus cele- bris, sed alterius Hebræi Doctores inter suos præstantissimi) Scho- lam, inquam, Eliæ totum Mundi tempus ab Adam usque ad fi- nem Sæculorum sex annorum millibus definivisse; quorum duo millia priora, ante Circumcisionis Legem Abrahæ datam, fuerit *Tbou*, idest inanitas; duo millia sequentia *Lex*; postrema duo *Messia Regnum*. Messias ergo juxta eam Eliæ Scholam, expleto quarto Mundi millenario, Regnum suum auspiciaturus erat. Ac re ipsa quidem, expleto quarto millenario, natus est Jesus noster. Fertur & in Libris Rabinorum, confessos esse Majores suos, qui temporibus Jesu nostro paulò superioribus vixere, Messia Adven- tum fuisse tunc imminetent. Fertur iisdem in Libris, Judæos, qui tem-

tempore secundi excidii Hierosolymitani vivebant, arbitratos jam tunc Messiam adventasse, sed ignotum, ubinam latitaret. Tradit Rabbi Salomon Jarchi, asseverasse priscos Gentis suæ Doctores, Messiam eo die natum, quo excisa est Hierosolyma. Sed & in eodem Libro Sanhedrin, ubi varia Rabbiorum deliramenta de Messiae Adventu referuntur, notantur nonnulli Rabbini, qui dixerint, Messiam venisse quidem antequam Templum Hierosolymitanum secundò excideret, sed inter Horti Eden delicias ævum agitare cum Elia Propheta, a quo tandem aliquando unendus sit oleo lætitiæ, dum ad muneris sui administrationem prodibit. Notantur & alii Rabbini, qui finxerint, eum tunc re ipsa venisse; sed Romæ inter ægros leprâ laborantes latitasse; qua de causa ab Iſaia Cap. 53. de illo dictum esset, *Et nos putavimus eum quasi leprosum*: ratum vero tempus, quo ex his latebris emerſurus esset, non designarunt. Adeo scilicet persuasum Judæis erat, stante adhuc secundo Salomonis Templo, ac sub Nazareni nostri temporibus notatas Messiae Adventus periodos successisse.

Ex hac eadem pervulgata inter Judæos Opinione, (quòd nempe eo tempore Messias venturus esset, quo Christus noster Mundo illuxit) pullulavit multorum ambitio, qui Messiae Nomen, & Dignitatem usurpare tunc ausi sunt; cùm tamen ante id temporis quenquam hoc attentasse, nulla prodatur Historia. Primus, ut eruditè notat laudatus Præsul Hue-tius, hac impietate sese illigavit Herodes Magnus, qui Sectam de suo nomine celebrem fecit, a qua uti Messias agnoscebatur. Christos postea se ipsos professi sunt vecordes illi Samaritani Dosithæus, & Simon. Imperium deinde tenente Hadriano Messiam se dixit Bar-cocheba, sive filius Stellæ, hoc insignitus nomine, quòd sibi nobile illud Balaami Vaticinium accommodaret, *Orietur stella ex Jacob.*, Num. Cap. 24. Deinde verò Bar-cuziba, hoc est, Filius mendacii dictus est, postquam ejus impostura deprehensa fuit. Bar-cochebæ vesaniam imitati sunt Rufus ipsius filius, ac deinde Romulus nepos, sed infelici prorsus exitu. Varii subinde exortj sunt pseudo-Christi, velut insignis ille David Eldavid, qui Persidis Regem bello laceſcere ausus vesaniam tandem suæ pœnas capite luit; alique plures, quos memorare hic longum esset, in Epistola Maimonidæ ad Rabbinos Massilienses, & in libro *Schebet Jebuda* recensiti. Unde porro, unde nata est tanta illa apud Judæos suffurandi Messiae tituli ambitio, quo ex tempore Jesus noster Mundo illuxit, cùm nullus in antecessum id attentasset? Nisi quòd Judæorum animos ea jam tunc occupasset

Opinio, promissi Messiae tempora successisse, dum Christus noster obortus est.

Ac re ipsa quidem, tametsi Judæi, qui Jesum nostrum prædicantem, sibi quæ Messiae Titulum arrogantem audire, litem illi quovis ex verbulo, ac motu intentarent, ut illum imposturæ reum agerent; nemo tamen omnium inventus est unus, qui illi eo ex Capite litem moverit, quod se Messiam, Christumque vendicaret, quo tempore salutaris periodi elapsæ non essent: nemo illi ex repugnantia temporum negotium facessivit. Ita nempe eo ex Capite Causa ejus erat in tuto; Messiaeque promissi tempora jam tunc advenisse, Judæi fatebantur universi, tanquam rem Sacris Literis contestatam, ipsisque etiam Gentilibus non ignotam. Testis mihi sit Flavius Josephus Scriptor inter Judæos celeberrimus, qui Apostolorum temporibus vixit, & Hierosolymitano excidio præsens adfuit. Is *Libro 7. de Bello Judaico Cap. 12.* disertè testatur, Judæos suos eo Sæculo sub Nerone, Vespasiano, & Tito ad bella movenda fuisse maximè concitatos ob Sacrorum Codicum Vaticinia, quibus futurum spondebatur, ut hoc tempore aliquis e Judaica Gente toti Orbi imperitaret: quanquam is, ut erat vero lumine destitutus, Vaticinia illa, sive adulatione, sive ex animi sententia Vespasiano accommodarit, non utique Judæo, sed Imperatori apud Judæos renuntiato: *Quod maximè eos ad bellum excitaverat, Responsum erat ambiguum, isdem in Sacris Libris inventum, quod eo tempore quidam esset ex eorum finibus Orbis Terræ habiturus Imperium.* Id enim illi quidem quasi proprium acceperunt, multique sapientes interpretatione decepti sunt. Hoc autem plane Responsio Vespasiani designabatur Imperium, qui apud Judæam creatus est Imperator. Testis & mihi Cornelius Tacitus eo locupletior, quod Ethnicus fuerit. Is *Libro 5. Historiarum* de Jesu nostri Sæculo ita scribit: *Pluribus persuasio inerat, antiquis Sacerdotum literis contineri, eo ipso tempore fore, ut valeretur Oriens, profectique Judæa rerum potirentur:* hoc est, Judæos supremum Orbis Imperium occupaturos. Testis mihi Svetonius Ethnicus quoque in Vespasiano: *Percrebuerat Oriente toto vetus, & constans opinio, esse in fatis, ut eo tempore Judæa profecti rerum potirentur.* Quod etiam Judæos ad se traxisse contestatur, indeque maximè rebellandi animum induisse. Adeo scilicet verum est, Judæos Divinis Oraculis admonitos Messiam Regnum Judææ, totiusque Orbis Imperium occupaturum expectasse tunc temporis, quo Jesus noster Mundo illuxit: tametsi falsis Regiæ Dignitatis imaginibus delusi terrenum, ac temporalem, non cœlestem, ac spirituales, Regem præsolarentur.

Unum superest desperatæ Causæ præsidium, quo se Judæi ple-

run-

runque recipere solent, dum eo a nobis telo petuntur. Nempe reponunt illorum Aliqui, sic sanè fuisse primum definita salutaris Adventus tempora; at ob ingentia Patrum suorum scelera in meliorem subinde tempestatem a Deo ipso dilatum esse. Dignum Palæmone Commentum! Scilicet Consilia sua mutavit Deus; quasi quid essent Judæi peccaturi, non prævidisset, cum primum mittendum Christum definivit. Quia tamen Responsum illud omnium insanissimum aliis etiam Argumentis pressi Judæi nobis ingeminant; hoc nos peculiari Prælectione data opera confutabimus, dum de Promissis conditione suspensis agemus.



PRÆLECTIO XIII.

Christum intra septuaginta Hebdomades, ac florente adhuc Romanorum Imperio in lucem fore proditurum, Sacrorum Textuum Autoritate comprobatur.



Inas orituri Christi temporis Notas definivit Daniel Propheta Sanctissimus; in quarum examine nostra hodie desudabit indutria; Christum Mortalibus oriturum portendens intra Hebdomades septuaginta, ac florente etiamnum Romanorum Imperio per ipsum evertendo, & conterendo. Ex quo certè duplici Vaticinio geminum contra Judæos Momentum delibabimus, quo promissum

Liberatorem (quem etiamnum hodie præstolantur) multis retro Sæculis adventasse demonstramus.

Illud porro celeberrimum Danielis Vaticinium de Christo intra septuaginta Hebdomades orituro dum verso, ordine primo solos mihi Judæos oppugnandos aggredior, missaque implexarum Questionum tractatione, quas ab Instituto nostro remotissimas novi, unicam, quæ Mæssæ Adventum intimè spectat, Difficultatem attingo. Quid rei sit, paucis aperiam, ut primum inde Momentum contra Judæos invictum eliciam.

Soluta post annos septuaginta Captivitate Babylonica, anno ante Christum nostrum quingentesimo trigesimo sexto Daniel Propheta sanctissimus prolixam ad Deum precationem habuit, qua Judæorum peccata confessus humillimè, quibus iram Dei concitaverat misera Gens, Divinam illis Misericordiam efflagitavit. Sub Orationis suæ finem Angeli Gabrielis aspectu, atque alloquio recreatus est, qui ei Divina Consilia de Christo proximè mittendo referavit. Supplicantem Prophetam hisce verbis affatus est Angelus: *Septuaginta Hebdomades abbreviatæ sunt super Populum tuum, & super Urbem Sanctam tuam, ut consummetur prævaricatio, & finem accipiat peccatum, & deleatur iniquitas, & adducatur Justitia sempiterna, & impleatur Visio, & Prophetia, & ungatur Sanctus Sanctorum. Scito ergo, & animadverte: Ab exitu sermonis, ut iterum ædificetur Jerusalem, usque ad Christum Ducem, Hebdomades septem, & Hebdomades sexaginta duæ erunt: Et rursum ædificabitur platea, & muri in angustia temporum. Et post Hebdomades sexaginta duas occidetur Christus, & non erit ejus Populus, qui eum negaturus est. Et Civitatem, & Sanctuarium dispa-*

ſipabit Populus cum Duce venturo : & ſinis ejus vaſſitas, & poſt finem belli ſtatura deſolatio. Confirmabit autem Pactum multis Hebdomada una : & in dimidio Hebdomadis deficiet Hoſtia, & Sacriſcium : et erit in Templo abominatio deſolationis : & uſque ad conſummationem, & ſinem perſeverabit deſolatio. Hæc Angelus Gabriel Danieleſi alloquens, uti legere eſt apud eundem Prophetam Cap. 9. & ſequentibus.

Ut ergo Judæos eo telo feriamus, Meſſiamque Mundo jamdudum illuſiſſe apertiſſimè colligamus, duo hæc demonſtrare nobis eſt opus. Primum; non alium, niſi Meſſiam, ſacro illo Gabrielis Oraculo Fidelibus adpromitti : Alterum; definitum tempus, intra quod venturus promiſſus eſt, Jeſu Nazarenì ætate elapſum eſſe. Hinc neceſſaria conſecutione colligemus, fruſtra Judæos ſuum etiamnum hodie Liberatorem præſtolari, qui Mundo dudum illuxit.

De primo Capite nullum apud Rabinos veteres dubium fuit: Meſſiam eo Gabrielis Oraculo portendi ſaſſi ſunt Rabbi Barachia, in *Berechid Rabba*, R. Moysi Ben-Nachman in *Danielem*, R. Samuel in *Epistoſa ad R. Isaac*, alique non pauci a Raymundo Martini in *Pugione fidei* memorati. Atque id evincit apertè Oraculi Contextus integer, modò attentius perpendatur. Is etenim venturus promittitur, qui prævaricationem conſumeret, finem peccato imponeret, deleret iniquitatem, Juſtitiam ſempiternam adduceret. Ecquis porro, niſi Meſſias his Characteribus Sacris in Literis designatus eſt? Iterum is ille promittitur, qui Viſiones, & Prophetias implet. Quis verò ille, niſi is, ad quem, ut ad finem, Prophetiæ omnes diriguntur? Ille demum promittitur, qui Pactum Dei cum Hominibus confirmaret : qua Nota Meſſiam sæpius indigitavit Iſaias, maximè verò *Capitulis* 42. & 49.

Hinc primo veluti conſpectu cernitis, opinor, quàm cæca nonnullorum recentium Rabbiorum pertinacia fuerit; qui vel Cyrum Perſarum Regem, vel Zorobabelem, vel Jeſum Joſedechum eo Oraculo designari jaſtitarunt; cùm ii a ſacris illis Titulis ab Angelo notatis tam longè abſint, quàm Ortus ab Occidente. Quanquam & duplici aliunde Capite revinci eorum Rabbiorum ceſpitatio poteſt. Primò, quòd nulluſ horum ſit occiſus; nec Cyrus, nec Zorobabel, nec Jeſus Joſedech, cùm tamen Chriſtus iſte, cujus Adventum promittit Gabriel, occidendus eſſet : *Poſt Hebdomades ſexaginta duas occidetur Chriſtus*. Secundò, quòd ii tres in vivis eſſent, quo tempore Danieli Viſio iſta facta eſt : cùm contra is, cujus Adventum portendit Angelus, nonniſi poſt certas Hebdomadum periodos mittendus a Deo eſſet.

Jam verò tempus, intra quod venturus promiſſus eſt Chriſtus ille, Jeſu Nazarenì ætate elapſum eſſe, (quod alterum, potiſſimumque

que probationis Caput est) bifariam evinco. Primò, ex Adiunctis salutaris Adventus & Circumstantiis : secundò, distincta præscriptarum Hebdomadam computatione. Adiuncta certè & Circumstantiæ rem in propatulo ponunt. Is etenim prænuntiatus est, cujus Adventu cessabunt Visiones, & Prophetiæ : at Prophetas cessasse in Synagoga ab ipso Nazareni nostri Sæculo Judæi ipsi vel inviti profitentur. Quosnam enim Synagogæ suæ Prophetas ab eo tempore nobis obtrudent ? Is rursus prænuntiatus est, quo occiso Civitas Jerusalem, & Sanctuarium dissipandum erat. At utrumque dissipatum esse sub Vespasiano, & Tito, Judæi plus satis experiuntur, ac dolent. Is venturus prænuntiatus est, in cujus Adventu deficiet Hostia, & Sacrificium : At utrumque defecisse Judæi norunt, qui nullas jam Hostias, nulla Sacrificia offerunt : imò, everso Salomonis Templo, dirutoque Tabernaculo, nullum Sacrificium offerre jam possunt, ut aliàs me arbitror demonstrasse. Is demum prænuntiatus est, quo tandem morte sublato futura erat in Templo abominatio desolationis ad consummationem, & finem usque duratura : at & id Judæi oculis usurpant, ac manibus palpant : desolatam Templum experiuntur, fatalisque desolationis reliquias circumquaque, utispirantia cadavera etiamnum gestant : abjecti, despecti, miseri, extorres, sine Patria, sine Principe, sine Sacerdote, sine Sacrificio, sine Templo : ut plane in iis impletum videamus, quod, Christo ad mortem damnato, sacrilego quidem, sed tamen Prophetico ore protulerunt : *Sanguis ejus super nos, & super filios nostros* Matth. Cap. 27. Quid ergo in aliud tempus suspicia trahunt ?

Hoc idem præfinitum tempus elapsum esse, æquè evincit septuaginta Hebdomadam computatio, intra quas Christus erat oriturus, eaque omnia eventura erant, quæ Gabriel Angelus Danieli prænuntiavit. Quod ut facilius innotescat, observare necesse est, septuaginta Hebdomades annorum, non dierum, hoc loco intelligi ; quarum singulæ annos septem referant ; omnes verò simul annos quadringentos nonaginta conficiant. In Sacris quippe Literis duplex tantùm invenitur Hebdomadam acceptio, dierum scilicet, & annorum : dierum, inquam ; ut *Leviticæ* Cap. 23. ubi septem dierum Hebdomades a Paschate ad Pentecosten numerantur ; annorum verò, ut *Leviticæ* Cap. 25. ; ubi septem annorum Hebdomades ad Jubilæum definiendum numerari præcipiuntur : *Numerabis, inquit Deus, septem Hebdomadas annorum, idest ; septies septem, quæ simul faciunt annos quadraginta novem ... Sanctificabisque annum quinquagesimum.* Porro dierum Hebdomadas in Danielis Vaticinio nequaquam intelligi, ipsi quoque Judæi sponte consentiunt : quandoquidem dierum Hebdomades septuaginta, dies dubitaxat qua-

arir-

dringentos nonaginta conficerent, hoc est, menses circiter sexdecim; quo tamen brevi temporis intervallo nihil contigit eorum, quæ intra septuaginta Hebdomades oritura prædixerat Gabriel Angelus. Restat ergo, ut de annorum Hebdomadibus Sacrum Oraculum intelligatur.

Quamquam autem in iis Danielis Hebdomadibus varix circumferantur Eruditorum Opiniones, quandonam exordium duxerint; aliis earum initium petentibus ab anno primo Darii Medi Persarum Regis, quo creditur pronuntiatum Oraculum, solutaque Captivitas est; anno ante Christum nostrum quingentesimo trigésimo sexto; aliis initium Hebdomadarum petentibus ab anno septimo Artaxerxis Longimani, quo ab eo Principe Diploma regium datum est ad Rempublicam Judaicam reformandam anno ante Christum nostrum quadringentesimo sexagesimo septimo; aliis demum Hebdomadam initium repetentibus ab anno vigésimo ejusdem Artaxerxis Longimani, quo restaurandæ Hierosolymæ venia Nehemiæ facta est, anno ante Christum nostrum quadringentesimo quinquagesimo quarto. Undecunque tamen initium septuaginta Hebdomadam petas, eas Jesu nostri Sæculo elapsas esse, necesse est; cum nonnisi annos quadringentos nonaginta conficiant: quos utut maxime in excidio Hierosolymitano evolutos invenies. Sed, etsi ea foret Judæorum cavillatorum pervicacia, ut eas Hebdomades necdum Jesu Nazareni Sæculo evolutas effutirent, adeone vecordes erunt, ut dicant, eas nec nostro quidem Sæculo effluxisse, quo annos bis mille ducentos sexaginta quinque ab eo Danielis Vaticinio numeramus? Quid ergo suum etiamnum hodie Liberatorem præstolantur?

Non me fugit, fuisse Judæorum aliquos, qui, ut laqueum istum effugerent, tempusque venturi Messix in longum ævum protraherent, septuaginta Danielis Hebdomades, non annorum simpliciter, sed decenniorum esse dixerint; adeo ut unaquæque Hebdomada septem annorum decades; hoc est, annos septuaginta conficeret: atque adeo septuaginta Hebdomades annos quater mille nongentos complecterentur. Scio fuisse & alios, qui Hebdomades Jubilæorum intellexerint; sic ut Hebdomada una septem Jubilæos, hoc est, trecentos quinquaginta annos involveret (est enim Judaicus Jubilæus annorum quinquaginta periodus) sic ut septuaginta Jubilæorum Hebdomades annos referant quater mille quingentos supra vicies millia. Scio demum fuisse & alios, qui Sæculorum Hebdomades effutierint, quarum scilicet quælibet septem Sæcula referret; sic ut septuaginta Hebdomades Sæculorum, annos undequinquaginta millia complectantur. Quæ certè, si vera forent, Messix Adventus ultra Kalendas græcas, ut ajunt, protraheretur. At dicant

cant Fabulatores nugivendi, qui putida ista Commenta vacuo cerebello fabricati sunt, dicant, inquam, quonam Scripturarum, aut sui etiam Thalmudis Exemplo suas illas Decenniorum, Jubilæorum, aut Sæculorum Hebdomades comprobabunt? Nullas enim, ut dixi, nisi dierum, & annorum Hebdomades Scriptura memorat. Sed nec ulla penes garrulos illos Argutores Commentum sui stabit usura: comprehenduntur in astutia sua. Enimvero Civitatem, & Templum eversum iri post illas Hebdomades septuaginta vaticinatur sacrum illud Danielis Oraculum: Sacrificia pariter in medio postremæ Hebdomadis abolitum iri prænuntiat: cum tamen peracta sint illa omnia antequam vel prima Sæculorum Hebdomada, vel secunda Jubilæorum, vel decenniorum decima impleta esset. Non ergo de Decenniorum, Jubilæorum, aut Sæculorum Hebdomadibus intelligendum est Danielis Oraculum.

Audiendus longè minùs Porphyrius Judæus, Sectâ Saducæus, qui eo Danielis Vaticinio implicatus, nec satis commodam, quæ elaberetur, viam inveniens id demum reposuit, Daniele non esse Prophetis adnumerandum; hujusque Vaticinii, qualecumque sit, intelligentiam ad finem usque Sæculi absconditam esse: juxta quod Danieli a Deo dictum fertur *Cap. 12. : Vade Daniel, quia clausi sunt, signatique sermones usque ad præfinitum tempus*. Porphyrium negat Synagoga ipsa, quæ Danielis Librum, non modò ut canonicum, verùm etiam ut Propheticum habet, postremis Capitulis duntaxat exceptis: Virique Sanctissimi spiritui prophetico testimonium perhibet Ezechiel *Cap. 28.*, ubi de Rege Tyri per ironiam dicitur: *Ecce sapientior es tu Daniele: omne secretum non est absconditum a te*. Locus verò Danielis in oppositum productus centum jugis Boum colligatis nunquam ad præsentem, quam expendimus, Prophetiam traheretur, ut ejus intelligentia ad extremum usque Mundi diem dicatur abscondita. Nec enim de septuaginta Hebdomadibus illic sermo est; sed de salvandis in fine Mundi Judæorum Reliquiis, aliisque in Vitam æternam, aliis in opprobrium surrecturis. Imò de septuaginta Hebdomadam revelatione expressè ab Angelo Gabriele dictum est *v. 22. Capitis 9. Danielis: Egressus sum, ut docerem te, & intelligeres Animadverte sermonem, & intellige visionem*. Quid itaque ad finem usque Mundi abscondita dicitur?

Restat recentium quorundam Judæorum Cavillatio paulò quidem tollerabilior, sed quæ tamen facilè diluatur. Opponunt scilicet illi, ventura tempora hoc Danielis Oraculo promitti, quibus futurum est, *ut consummetur prævaricatio, & finem accipiat peccatum, & deleatur iniquitas, & adducatur Justitia sempiterna*; cum tamen peccata perinde grassari videamus, homicidia, inimicitias,

tias, adulteria, rapinas; aliaque id genus vitiorum monstra. Non itaque nostra ista Messiae tempora eo Oraculo præsignata sunt. Verum non advertunt cæci Homines, non eo sensu peccati finem adventante Messia promitti, quasi, orto illo, nihil ultra Homines peccaturi sint; sed quoddam Hominum peccata, quæ Lex vetus Hircorum, & Taurorum sanguine abstergere minimè poterat, hæc Christi Sanguis elueret; si tamen eo elui, ac emundari Homines vellent. Nec enim boni Medici partes sunt, ut nemo pereat, etiam qui voluerit; sed ut eorum nullus intereat, qui salutaria illius Consilia amplecti, & observare voluerit. Non hoc sensu Justitia sempiterna per Messiam adducenda fingi debet, quasi Omnes sub Messiae Imperio Justitiam sectaturi sint; nullus sub ejus Imperio futurus injustus; sed quoddam uberiora, quam olim, Justitiæ amplectendæ consilia, retinendæ subsidia, reparandæ remedia Humanæ Infirmitati contulerit. Mosaicæ quippe Legis justitia, non plena, suisque numeris absoluta erat; quippe quæ multa carnali Populo ad cordis duritiem indulgebat, uti vicem talionis, libellum repudii, usuram cum exteris, aliaque non pauca, quæ Christi Lege sublata sunt. Non hoc sensu delenda iniquitas adventante Messia, quasi nullus ea ætate futurus esset iniquus; sed quoddam chyrographum Decreti, quo Mundum universum suis legibus, ac debitis obstrictum Diabolus detinebat, morte sua pro nobis oppetita deleverit: Juxta quod ait Apostolus: *Et vos, cum mortui essetis in delictis, & præputio carnis vestræ, conviviscavistis cum illo, donans vobis omnia delicta: delens, quod adversus nos erat, chyrographum Decreti, quod erat contrarium nobis, & ipsum tulit de medio affigens illud Cruci; ad Collossenses Cap. 2.*

Succedit nunc demum alterum, quod ipso statim initio spondimus, Danielis Oraculum de Christo, florente adhuc Romano Imperio Mortalibus orituro; unde invictum perinde pro Jesu nostro Argumentum eliciamus. Extat illud *Cap. 2.*, ubi celebre Nabuchodonosoris somnium interpretatur Propheta Sanctissimus. Præmittit statim futurum esse, ut Nabuchodonosoris Regno aliud Regnum argenteum subinde succederet; huic tertium æreum; isti demum quartum ferreum: *Post hæc, inquit, confurges Regnum aliud minus te argenteum: & Regnum tertium aliud æreum, quod imperabit universæ Terræ. Et Regnum quartum eris velut ferrum: quomodo ferrum comminuit, & domat omnia, sic comminuet, & conteret omnia hæc.* Quænam eo loci Regna notentur, nemo non videt; Primum aureum sine controversia Babyloniorum est, quibus tunc Nabuchodonosor imperabat; secundum proximè succedens (velut argenteum) Persarum, ac Medorum fuit, a quibus Babylonii sunt devicti sub Cyro: tertium æreum, quod late dominatu-

rum erat, Græcorum fuit, qui omnia pene Terrarum spatia, Persasque ipsos, ac Medos subegere sub Alexandro : quantum ferreum, robore longè præstans, Romanorum est ; qui Græcos ipsos sub Cæsaribus debellarunt . His ita præmissis subiungit sacer Vates, & somniorum Interpretes v.44. *In diebus autem Regnorum illorum suscitabit Deus Cæli Regnum, quod in æternum non dissipabitur : & Regnum ejus alteri Populo non tradetur : comminuet autem, & consumet universa Regna hæc, & ipsum stabit in æternum.* Quibus verbis Messię Regnum designari, veteres etiam Hebræi sponte professi sunt ; R. Aben Ezra, R. Salomoch, R. Saadia, R. Levi Ben-Herfon ; ac ipsi quoque Thalmudis Authores in *Libro Sanbedrin Cap. 11.* Quibus si fortè recentiores refragari velent, sacris Oraculis convincerentur, quæ Messię Regnum cætera consumpturum, perpetuèque duraturum declaratur, *Psal. 71. & 109. ; Isaiæ Cap. 9. & 11. ; Michææ Cap. 4. ; maxime verò Danielis Cap. 7. : Aspiciebam ego in visione noctis, & ecce cum nubibus Cæli quasi Filius hominis veniebat, & usque ad Antiquum dierum pervenit : & in conspectu ejus obtulerunt eum. Et dedit ei potestatem, & bonorem, & Regnum Potestas ejus potestas æterna, quæ non auferetur, & Regnum ejus, quod non corrumpetur.*

Id ergo certissimè concludendum, Messię Regnum juxta Danielis Oraculum florente adhuc quarto Regno, nempe Romanorum Imperio a Deo fuisse suscitandum ; ut illud ipsum tandem aliquando consumeret. Quæ certè in Jesu nostri tempora cadunt ; ipseque tandem probavit eventus, quo pacto secutis inde temporibus spirituale ejusdem Imperium temporale Romanorum Regnum comminuerit, atque contriverit . Ac interim dicant, amabo, qui suum adhuc venturum Messiam hianti ore præstolantur ; qua forte fieri tandem poterit, ut florente Romanorum Imperio sui illius nondum exorti Messię Regnum suscitetur ; cùm tot retro Sæculis exciderit ferreum illud Romanorum Imperium, a Daniele tam distè, tam dilucidè prænuntiatum ?

Scio non defuturos etiam ex Christianorum ordine, qui dicant, nomine quarti Regni ferrei a Daniele notati non Romanorum, sed Lagidarum, & Seleucidarum Regnum intelligi. Sed sit ita, ut lubet aliquibus Eruditis ; Quæstionem peregrinam ingredi nolim ; in qua, quocumque Judæi se vertant, Causa perinde cadunt . Non minus enim Lagidarum, & Seleucidarum, quàm Romanorum Imperium dudum excidit. Atque ita fieri omnino nequit, ut stante, ac florente Lagidarum, & Seleucidarum Imperio, illius, quem etiamnum expectant, Messię Regnum suscitetur . Dicam tamen obiter, minùs rectè fuisse illud a Nonnullis excogitatum, nomine scilicet quarti Regni ferrei Lagidarum, & Seleucidarum Regnum

gnum designari. Primò; quia Regnum illud ferreum, de quo Daniel, unicum fuit; duo verò Lagidæ, & Seleucidæ Regna tenuerunt. Secundò; quia Regna Lagidarum, & Seleucidarum Regnum ipsum Alexandri, seu Græcorum ex parte conflarunt; adeoque ad tertium æreum Regnum pertinent, non ad quartum ferreum. Tertiò maximè; quia quamvis duo illa Regna sese oppugnarint, & oppetierint bellis, minimè tamen sese mutuo comminuerunt; nec Regnum Macedoniæ (quod Alexandri, & Græcorum Imperii Caput erat) debellarunt: cùm tamen disertè significet Daniel, futurum esse, ut quartum illud ferreum Regnum priora illa comminueret, atque contereret. Sed id obiter; jam ad Institutum propius accedo.

Reum me, si intactum hîc prætermiserim Prophetæ Michææ de natali Messîæ Solo Vaticinium, quo tam bellè, tam egregiè evincitur, quod hîc maximè quæritur, præfinita Christi Adventustempora jamdudum elapsa esse. Est autem hujusmodi *Cap. 5. : Et tu Bethleem Ephrata parvulus es in millibus Juda : ex te mihi egredietur, qui sit dominator in Israel, & egressus ejus ab initio, a diebus æternitatis.* Quo loco Bethlehem Ephrata Tribus Judæ Viculum ab Urbe Hierosolyma sexto milliario distantem, uti natale Messîæ Solum, prænuntiari, vetus Hebræorum Opinio fuit. Unde & Herodi sciscitanti, ubi Christus nasciturus esset, continuò responderunt Scribæ, Legisque Doctores : *In Bethleem Juda; sicut enim scriptum est per Prophetam &c.* ut apud Matthæum legere est *Cap. 2.* Et alii apud Joannem *Cap. 7. : Nonne Scriptura dicit; quia ex semine David, & de Bethleem Castello, ubi erat David, venit Christus?* Quam etiam Majorum suorum doctrinam tenuerunt sequioris ævi Magistri Thalmudistæ in *Libro Sanbedrin Capite ultimo*, & in *Libro de Paschate Cap. 10.*, Paraphrastæ Chaldæi, R. Salomoch, & R. David Kimchi, alique non pauci ab erudito Præfule Daniele Huetio memorati. Quin & Prophetæ Contextus clamat ipse per sese. Quis enim nomine Dominatoris Israelis, *cujus egressus ab initio & a diebus æternitatis*, veniat intelligendus, nisi Christus, de quo David *Psal. 109., Ex utero, inquit, ante Luciferum genui te : & Psal. 71. : Permanebis cum Sole, & ante Lunam, in generatione, & generationem : & paulò infra : ante Solem permanet nomen ejus?* Hinc autem ita colligo adversus hujus ætatis Hebræos : Si in Bethlehem Judæ Viculo Messias nasciturus erat; stante itaque Bethlehem natus est : itaque stultè nunc, & futiliter expectatur, quo ex tempore nulum jam Bethlehem sub Sole reperire licet; sed ita Solo æquatum est, ut locus etiam, ubi fuerit, frustra quærat.

Sentiunt hujus Argumenti pondus Judæi aliqui recentiores; ut-

que vim ejus elidant, reponunt, non Messia, sed alterius cujuspiam Dominatoris natale Solum a Michæa designari. Sed & ii a professione Majorum suorum, qui Oraculum illud ad Christum promissum retulere, procul abscedunt, novisque se laqueis implicant. Quem etenim alterum ex Dominatoribus Israelis dare poterunt, cujus *egressus a diebus aternitatis* fuerit, de quo tamen hic Michæas sermonem instituit? Sed inter Dominatores Israelis tres tantum Bethlehemii natos observo Sacris in Literis; Abesani Judicem Israelis, *Judicum* 12. : Elimelechum Maritum Noemi, *Ruth. Cap. 1.* : Ac demum Davidem, *1. Regum* 17. At sunt illi omnes Michææ ætate longè superiores, ad quos idcirco Vaticinium illud referri non potest. Ingentis etiam ignorantia, ac supinitatis specimen produnt, qui Ezechiam Regem indigitari hoc loco volunt : quippe qui Hierosolymis, non Bethlehemii ortum habuit; jamque rerum potiebatur, quo tempore Oraculum istud Michæas effudit, ut ex primo Prophetiæ versiculo compertum est. Non minoris tarditatis plenum est, quod alii distitant, Zorobabelem hoc Oraculo prænuntiari : cum contra certo certius sit, eum non Bethlehemii, sed in Babylone natum esse; ex quo subinde Populum reduxit : idque ipso ejus nomine declaratur; Zorobabel enim idem plane sonat, ac *semen*, seu *filius Babylonis*. Quæcunque ergo se vertant nostrorum temporum Judæi, laqueum non effugiunt.



PRÆLECTIO XIV.

*Christum, sublato Judæ Sceptro, Judæis, ac Gentibus fore
oriturum, ex celeberrimo Jacobi morientis Vaticinio
evincitur.*



Plendidissimum Patriarchæ Jacobi morientis Vaticinium tandem attingimus, quo nullum mundi Christianorum Causæ luculentius, nullum revincendæ Judæorum perfidiæ efficacius Sacris in Literis expressum est. Vaticinium illud intelligo, quo vocatis ad se Filiis paternam Benedictionem largiturus, iisdemque ventura nuntiaturus, ita Judæ fausta ominatus est: *Non auferetur Sceptrum de Juda, & Dux de scemore ejus, donec veniat, qui mittendus est, & ipse erit expectatio Gentium; Genesis Cap. 49.*

Hinc quippe; quotquot meridiana in luce non omnino cæcitiunt, Messiam adventasse jampridem, Hominibusque feliciter illuxisse, cetissimè colligunt: atque id quidem Argumento isto non longius accersito, non Dialecticæ spinis, & tribulis obfito, sed sponte fluente, & omnibus obvio. Non erat auferendum Sceptrum de Juda, & Dux da scemore ejus, donec veniret, qui a Deo mittendus erat: at Sceptrum de Juda jampridem ablatum est; Duces, ac Principes de scemore ejus diu olim desiere: venit igitur ille, qui a Deo mittendus erat.

Verum est illa Judæorum pervicacia, atque obstinatio; ut quo nitidius, quo splendidius Oraculum est, eo petulantius, audaciusque cavillis, ac tricis nebulas illi offundant, ne ullum inde Catholicæ Fidei præsidium repetamus. Quare pervicaces, audacesque Cavillatores duas in Classes, ac veluti Ordines distribuimus, ut Singulos exagitare, atque refellere commodius liceat. Ut enim duo eo Vaticinio continentur; is scilicet, qui a Deo mittendus promittitur, *Donec veniat qui mittendus est*; & Nota temporis, quo is Mundo illucescere debuit, nempe dum Sceptrum de Juda ablatum fuerit, Ducesque de scemore ejus imperitare desierint; duas Cavillatorum Classes invenio. Alii Messiam eo Vaticinio promitti diffitentur, sed Virum quempiam alterum; puta Moysem, aut Saullem, aut Davidem, aut Jeroboamum, aut tandem Nabuchodonosorem: sic enim quique pro arbitrio hæriolantur, & fingunt. Alii e regione positi Messiam hoc loco prænuntiari cùm videant, alia diverticula meditantur, ut notatum salutaris Adventus tempus diu-

diutissimè protrahant : necdum scilicet de domo Juda Sceptrum ablatum audacissimè ponunt. De singulis dicemus ex ordine : ac illos in præsentì eventilabimus, qui alium a Messia prænuntiari, atque promitti fabulantur : Cæteros de ablato Judæ Sceptro contententes ferulæ nostræ manum subicere Prælectione altera compellemus.

Messiam indigitari hoc loco, compertum est, si vulgatam Scripturæ Sacræ Versionem consulamus : *Non auferetur Sceptrum de Juda, & Dux de sãmone ejus, donec veniat, qui mittendus est, & ipse erit expectatio Gentium*. Hunc quippe duæ illæ Notæ designant : *qui mittendus est : ipse erit expectatio Gentium*. Enimvero cùm univærsæ propemodum veteris Testamenti Promissiones eò tendant, ut Messiam a Deo mittendum, eundemque venturum Fidelibus spondeant ; quoties *mittendus* antonomasticè, aut *venturus* Excellentia quadam Divinis in Literis legitur, toties Messias sine controversia designatur. Hinc Moyses Deo supplicans, ut Messiam quantocitiùs mitteret, *Exodi Cap. 4. Obsecro, inquit, Domine, mitte, quem missurus es*, nulla adjuncta nomenclatura. Sic Habacuc *Cap. 2. Quia veniens venies, & non tardabit* ; nec tamen quis ille sit, peculiari nomine designatur. Non absimiliter delegati ad Christum nostrum Judæi nonnulli, ut eundem interrogarent, num fortè Messias esset, nec ne ? (*Matt. Cap. 11.*) *Tu es, inquierunt, qui venturus es, an alium expectamus ?* Scilicet id perfectum habebant, *venturi* nomine Excellentia quadam, & antonomasticè Messiam significari. Sic ergo cùm venturum, mittendumque promittat eo loci Sanctissimus Patriarcha illum ipsum, cui hoc Nomen Antonomasia quadam, & Excellentia inhæsit, compertum est, non alium, nisi Messiam sacro illo Oraculo designari.

Confirmat hoc ipsum Nota altera, qua eundem illum insignivit Patriarcha Sanctissimus : *Et ipse erit expectatio Gentium*. Eo quippe Titulo Messiam insigniri, passim Sacris in Literis explorata res est, *Psal. 21. Adorabunt in conspectu ejus univærsæ familiæ Gentium : Psal. 85. Omnes Gentes, quascumque fecisti, venient : Isaïæ Cap. 2. Fluent ad eum omnes Gentes : Idem Cap. 11. Ipsum Gentes deprecabuntur : Rursus Cap. 49. Ecce dedi te in lucem Gentium, ut sis salus mea usque ad extremum Terræ : Aggæi Cap. 2. Movebo omnes Gentes, & veniet Desideratus eumclis Gentibus : & alibi sæpius. Ut plane Judæos non modò cæcos, sed & vecordes esse oporteat, qui Messiam eo Titulo designari pertinaciter negant.*

Nil minùs Messiam hoc loco designari compertum erit, si Textum ipsum hebraicum, cui Judæi tenaciùs hærent, consulamus ;
ejul

ejusdemque prius e Judæis Interpretes, aliosque, quorum in Synagoga celebre nomen est, audiamus.

Textus hebraicus ita plane ad literam redditur : *Non recedes Sceptrum a Juda, & Legislator de interpedes ejus, usquequæ veniat Silob : & erit ei obedientia Populorum*. Quæ sanè, sin minus verba Vulgatæ nostræ referunt, attamen sensum. Nomen quippe *Legislatoris*, quod habet hebraicus Textus, *Ducis* vocabulo reddit vulgatus Interpres ; quia prima Ducis, ac Principis potestas in ferendis Legibus sita est, quibus Populum ducit, regit, moderatur. Quod ait hebraicus Textus *de interpedes ejus*, hoc ipsum est, quod habet vulgatus Interpres *de fœmore ejus*. Ea quippe hebraicæ linguæ sanctitas est, castimonia, puritas, ut partes generationi servientes non ex nomine, sed potius ex situ designet. Quare cùm dicendum illi esset, *de fœmoribus*, seu *de genitalibus ejus*, dicere maluit *de interpedes ejus*. Quod subdit *dò nec veniat Silob*, idem plane sonat, ac *qui mittendus est* ; *Silob* enim idem quod *missus*. Hinc Natatoria *Siloe interpretatur missus*, Joan. Cap. 9. Quod tandem ultimò ponitur, *& erit ei obedientia Populorum*, in id redit, quod habet Interpretatio Vulgata, *& erit expectatio Gentium* ; quia & illi ipsi Populi obedientiam venienti Christo præstabunt, qui ejus Adventum expectant.

Septuaginta Interpretes, quorum Suffragio Judæi stare, si qui illis pudor est, compelluntur, cùm & illi Judæi fuerint, seni ex qualibet Tribu selecti, ut Textum hebraicum græcè verterent sub Ptholomæo Philadelpho annis ante Christum nostrum ferme trecentis ; septuaginta, inquam, Interpretes eundem omnino sensum reddidere, qui uni Messias congruere possit : *Non deficiet Princeps ex Juda, & Dux de fœmoribus ejus, donec veniant, quæ reposita sunt ei : & ipse est expectatio Gentium*. Ecquid enim sibi vult istud *donec veniant, quæ reposita sunt ei* ; nisi donec impleantur Promissiones Abraham, Isaac, & Jacobo factæ, *Genesis* Cap. 12. 26. 28., ut Messias ex illorum semine oriretur ? Hæc enim, ut omnium maxima sunt, ita antonomastice reposita, seu promissa dicuntur, ad quæ cætera omnia ad finem referuntur.

Textus Samaritanus, & ipse pariter a Judæis elaboratus, nil minus evidenter Messiam hoc loco designatum confirmat : *Non auferetur Sceptrum de Juda, & Dux de vexillis ejus*, hoc est de Cohortibus ejus militaribus, *donec veniat Pacificus, & ad ipsum congregabuntur Populi*. Quis ille porro Pacificus, ad quem Gentium omnium Populi congregandi erant, nisi is, de quo ab Isaia dictum est Cap. 9. : *Vocabitur nomen ejus, Admirabilis, Consiliarius, Deus, Fortis, Pater futuri sæculi, Princeps pacis. Multiplicabitur ejus Imperium, & pacis non erit finis* ? De quo longè ante præ-

præcinit Regius Vates Psal. 71. : *Orietur in diebus ejus justitia , & abundantia pacis : donec auferatur Luna .* Et post Davidem Zacharias Cap. 9. : *Diffipabitur arcus belli ; & loquetur pacem Gentibus .*

Textus Chaldaicus, a Judæis etiam paraphrasticos adornatus, rem extra omnem dubitationis aleam ponit. Sic quippe habet : *Non auferetur habens Principatum a Domo Juda , neque Scriba a filiis filiorum ejus , donec veniat Messias , cujus est Regnum , & ei obedient Populi .* En utique Messiam ex ipso nomine designatum : cum tamen Paraphrastæ illi & Genere, & Religione Judæi fuerint, Jonathan nimirum, & Onkelos.

Textus Syriacus haud multò aliter Oraculum reddit : *Non deficiet Sceptrum de Juda , & Expositor de interpedibus ejus , donec veniat is , cujus illud est , & ipsum expectabunt Gentes .* Quis verò ille intelligendus, cujus propriè est Judæ Sceptrum, nisi ille, qui illud æternum obtinebit? De quo Danielis Cap. 7. : *Potestas ejus , potestas æterna & Regnum ejus , quod non corrumpetur .*

Quid plura? Ipsum quoque Thalmud Babylonicum Tractatu *Sanhedrin* Cap. 11. Messiam nomine *Siloh*, quod in hebraico Textu legitur, eo Jacobi Vaticinio designari disertissimè proficitur. Quæstionem quippe movens, quodnam sit Messie Nomen? Ita respondet : *Qui a domo Rabbi Schilæ sunt , dixerunt , Siloh Nomen ejus esse : quia dicitur donec venerit Siloh .* Ad locum scilicet, quem expendimus, alludit apertissimè. Ac re ipsa quidem Rabbinii veteres pene omnes, Abraham Aben Ezra, David Kimchi, Salomon Jarchi, R. Joseph in *Ikkarin*, Abraham Lachutus in *Libro Juchasin*, aliique bene plures a Galatino, & Raymundo Martini recensiti, Messie Adventu eo Vaticinio prænuntiari sponte consentiunt, aliaque diverticula meditantur, ut necdum impletam Prophetiam ostendant. Donec Alii audaciores, nescio quo flante Aquilone, cum ablatum Sceptrum de Juda cogente veritate fateantur, alterum a Messia Oraculo illo indigitari dictitarunt : quos distincta ineptiarum consultatione eventilare, nostrum hinc tandem partium esse arbitramur.

Moysem igitur indigitari, ac prænunciari Aliqui volunt, ea maxime ratione, quòd Jacob in Terra Ægypti extremum diem agens Oraculum istud fuderit, ubi Posteros suos, defuncto Josepho, male multandos præsentiebat : atque idcirco, ut illos spe bona solaretur, Moysem liberatorem a Deo mittendum prænunciavit.

Perbellè id quidem, & in speciem saltem appositè. Minus tamen feliciter conjectantur, qui id effutiunt; vertuntque ima summis : tum quòd Moyse non expectatio Gentium, sed eorum domitor potius fuerit : tum maxime, quia sic falsum prorsus esset, & absoum Vaticanium : *Non auferetur Sceptrum de Juda , donec veniat , qui miserendus*

rendus est. Tantum enim abest, ut Sceptrum in domo Juda, Duxque de scemore ejus extiterit antequam Moyses ad Israelitici Populi liberationem mitteretur a Deo, ut potius vice versa certo certius sit, nullum in domo Juda, aut etiam in tota Judaica Gente fuisse Sceptrum, aut Ducem ante Moysen: cum ante id temporis nonnisi dura, & atroci captivitate pressi, sine Capite, sine Duce, sine Legibus in Aegypto gemuerint. Rursus tantum abest, ut Moysae adoriente Sceptrum e domo Judae recesserit, Duxque de scemore ejus Judaicam Gentem moderari desierit, ut contra potius post tempora Moysis Judaeorum Respublica tempore Judicum, ac subinde Regum Principes potentissimos obtinuerit; exterarumque Gentium gloriam aut æquarit, aut vicerit, *Lib. 2. Reg. Cap. 7. Fecique tibi nomen grande, juxta nomen magnorum, qui sunt in Terra.* Adeo scilicet nugivendi illi Fabulatores mutant quadrata rotundis.

Feliciores ad divinandum ventis non ducuntur, qui Saulem indigitatum existimant eo Jacobi morientis Oraculo; & nomine *Silob* in hebraico Textu notatum ajunt, *donec veniat Silob*, quod nempe is in Urbe Silo a Samuele sit inunctus in Regem. Præterquam enim adductis paulò ante Momentis confutari & illi possint (cum nec Expectatio Gentium fuerit Saul; nec, adorto illo, Sceptrum de Juda recesserit; sed contra post ejus obitum, succedente Davide, ejusque Nepotibus, Sceptrum in domo Juda floruerit maximè) pugnant insuper ii cum Historiæ veritate. Non enim in Silo, sed in *Ramatba*, seu in *Ramatbain saphin* unctus est Saul; in *Maspha* verò renuntiatus est Rex, ut legere est *Lib. 1. Regum Cap. 10.*

Hinc & ii confutati manent, qui pari prorsus absurdo Davidem designari hoc loco volunt; eoque nomine *Silob* in hebraico Textu significari sibi fingunt, quòd eo tempore Rex sit inunctus, quo Arca de *Silob* sublata est. Quandoquidem & post David stetit in Juda Sceptrum; ac longè quàm antehac potentius, & illustrius: diu verò antequam regnaret ille, imò & ante Saulis tempora Arca de Siloh sublata erat, *1. Reg. Cap. 4.*

Perinde ridendi veniunt, qui Jacobi morientis Oraculum ad Jeroboamum miserè detorquent, quem idcirco in hebraico Textu *Silob* nuncupatum effutunt, quòd Rex in *Silob* creatus esset. Tam enim id falsum est, quàm quòd maximè. *Libro* siquidem *3. Regum Cap. 12.* in Sichem creatus dicitur. Aliunde verò, illo in Regem Israelis super decem Tribus electo, Judæ Regnum nequaquam extinctum est, quod penes Roboamum, aliosque Davidis Nepotes ad Sedeciam usque mansisse, certissimè liquet.

Turpius multò hallucinantur, qui Nabuchodonosorem a Jacobo moriente prænotatum, ac designatum existimant; non utique, ut

Virum Judæis propitium, ac salutarem; sed contra potius, ut Dei vindicis Administrum, qui illorum delicta plesteret. Eaque de causa dictum esse, *Non auferetur Sceptrum de Juda, & Dux de fœmore ejus, donec veniat, qui mittendus est*; quia Nabuchodonosor, Judæis in captivitatem abductis, Joakimum illorum Regem coniecit in carcerem; ac demum, effossis oculis, e Regia Sede dejecit.

Age enim, hanc Joakimo Judæorum Regi injuriam irrogavit Nabuchodonosor Rex; non idcirco tamen Judæorum Genti Sceptrum eripuit; nec tunc Judææ Regnum extinctum est. Quod triplici ex Capite evinco: Primò; quia, Joakimo in carcerem coniecto, Patrum ejus Sedeciam Regem instituit Nabuchodonosor, ut constat ex *Lib. 2. Paralipomenon Cap. 36. Atque* idcirco in Tribu Juda stabat Jus regium, ac in ipsa etiam Davidis Familia: Secundò; quia, extincto Nabuchodonosore, Joakimum vinculis solutum Solio restituit Evilmerodachus Nabuchodonosoris Filius, eique regia Insignia contulit, ut legitur *Lib. 4. Regum Cap. 25. Tertiò*; quia post solutam deinceps captivitatem Babylonicam suos Duces, ac inter alios Zorobabelem habuit Respublica Judæorum, suisque Legibus sub Aristocratico Imperio sub Assamonæis ad Herodem usque perduravit. Quo demum tempore, ad Alienigenam translato Sceptro, Judæi suprema potestate exuti sunt; quod loco suo distinctiùs explicabimus. Deinde quis credat, Nabuchodonosorem *Expectationem Gentium* dictum esse a Patriarcha Jacobo, qui potius juxta Isaïæ Oraculum *Cap. 14. Impiorum, & Sceleratorum numero* ab universis Gentibus habitus est? Quis credat, illum *mittendum* antonomastice dictum esse; cum eo Nomine, eoque Titulo is peculiariter designetur, quem studio tam ardenti, ac vehementi Judæi ad se mitti peroptabant, venturumque Liberatorem precabantur? Ut præteream, Sanctissimum Patriarcham fausta hic, lætaque Filio suo Judææ ominari; quæ certè a futura Nabuchodonosoris in Judæos tyrannide longè absunt.

Miror inter tam multos Synagogæ Fabulatores, qui tam varia Suffugia quæsiere, ut Jacobæum Oraculum ad alterum, quàm ad Messiam præsignandum inflecterent, inventos non esse aliquos, qui Pompejum indigitatum, ac prænuntiatum effutierint. Sub Pompejo enim non minùs, quàm sub Nabuchodonosore Sceptrum Judæis videtur ablatum, dum ii Romanis vèstigales effecti sunt. Sed nec id quidem prudenter obtendi potest. Quanquam enim Judæos subegerit Pompejus annis ante Christum nostrum sexaginta tribus, eosque Romanis fecerit vèstigales; Sceptrum tamen, seu Principatum nequaquam abstulit, sed detruso Aristobulo Hircanum illius Fratrem Solio restituit; ut est apud Josephum *Lib. 14. Antiquitatum Judaicarum Cap. 8.*

Cap. 8. & Lib. 1. de Bello Judaico Cap. 5. Quod aliàs etiam, ac diu ante Pompejum Judaicæ Genti contigerat, ut pariter vestigalis Gentibus fieret; quin tamen jure Sceptri excideret. Qua de re Lib. 1. Machabeorum Cap. 13. scriptum legimus: *Anno centesimo septuagesimo ablatum est jugum Gentium ab Israel: Et cæpit Populus Israel scribere in tabulis, & gestis publicis Anno primo sub Simone summo Sacerdote, magno Duce & Principe Judæorum: anno scilicet ante Christum centesimo quadregesimo quinto.*

Id ergo certum, indubitatumque, non alium, nisi Messiam, eo Jacobi morientis Oraculo designari. Nunc illi mihi ex adverso refellendi veniunt, qui, cum Messiam Oraculo illo prænuntiari fateantur, ed confugiunt, ut Sceptrum e Domo Judæ ablatum inficiantur. Hos proxima Prælectione pro suis meritis exagitabimus.



PRÆLECTIO XV.

Prioris Argumenti continuatio : Judææ Regnum circa Christi Domini ortum penitus eversum assiritur, propugnatur.



Christum celeberrimo Jacobi morientis Oraculo prænuntiatum, eundemque illum, ablato Judææ Sceptro, mittendum a Deo superiori Prælectione demonstravimus. Rabbīnorum cavillationes, & tricas, qui vel Moysen, vel Saulē, vel Davidem, vel Jeroboamum, vel demum Nabuchodonosorem eo Vaticinio prænuntiatos fabulantur, satis, opinor, confutavimus, ne ea parte Suffugia quærant. Restat, ut eos in præsentia refellamus, qui, cum Messiam explicatissimis hujusce Oraculi verbis promitti fateantur, ablatum tamen a Juda Sceptrum diffidentur, ne Messiam Mortalibus illuxisse, concedere compellantur.

Vereor tamen maximè, ne otiosi hominis personam induisse videar, operamque inutiliter ludere, dum in re compertissima demonstranda studium pono. At trahit me vel invitum quorundam Judæorum audacia, qui ne Causa cecidisse videantur, Solem lucere meridie negare malunt, quàm victrici veritati fasces submittere. Quare, ut fugientes Hostes e vestigio insequare, bonas horas perdere malim, quàm meas in vindicanda veritate partes quoquo pacto desiderari.

Non auferetur, inquit sacrum Oraculum, in cujus expositione versamur, *Sceptrum de Juda, & Dux de scemore ejus, donec veniat, qui mittendus est*; porro Sceptrum de Juda ablatum esse, Ducisque de scemore ejus desisse jampridem a Jesu Nazareni temporibus perspecta res est; ut hinc colligere certò liceat, promissi Messie tempora ejus ætate successisse. Sive enim de Sceptro peculiaris Tribus Judæ Vaticinium intelligatur, ut putant Aliqui, sive de Sceptro totius promiscuè Judaicæ Gentis, ut Alii censent; sive Sceptri, Ducisque nomine Regia Dignitas intelligatur, aut alia quævis Monarchica Potestas, ut visum Nonnullis est; sive demum Autoritas Aristocratica hebraici ex Viris septuaginta conflati, quem *Senbedrin* vocitabant; nullum prorsus apud Judæos Sceptrum extare, perspicuum est. Ex quo enim tempore Hierosolymorum Civitas eversa est, Templum igne absumptum sub Vespasiano, & Tito, annis post Jesum Nazarenum in Cælos assumptum triginta sex; suis pulsa Seditus misera Gens, extorris, & profuga aliarum Nationum imperio ubique paret, ac servit; omni supremæ Potestatis titulo exuta nec

Leges

Leges condit, nec gladii Jus exercet, nec monetam cudit, nec bellum denuntiat, nec sancit fœdera; nec quidquam attentat eorum, quibus stat summa Potestas; sed alieni ubique gentium Juris est, invisa, despecta, contemta, ludibriis omnium, & cachinnis objecta.

Si autem a Civilibus ad Sacra animum convertamus, in eos præjudicata res est. Exciso quippe Hierosolymorum Templo, destructoque Tabernaculo Sacrificia nec offerunt, nec offerre jam possunt; Sacerdotes nec habent, nec habere fas illis esset, ut Sacra peragerent, tamen si Hierosolymitanum Templum excitaretur. Cum enim nonnisi ex Levitica Tribu Sacerdotes assumere illis liceat, Tribusque usque adeo inter sese confusas habeant, atque permixtas, ut Leviticam a cæteris secernere nemo possit, nulla illis feligendorum Sacerdotum facultas inest. Nulla ergo civilis, nulla sacra apud Judæos suprema Potestas est, nulla Respublica, nulla Religio. Res in propatulo est, in Orbis luce: nec enim Facti privati, sed publici Quæstio vertitur; quod & usurpatur oculis, & manibus contrectatur. Prodant, si quod Regnum habent, si quod supremum Jus; quovis illud nomine insignire lubeat: si quod Templum, si quod Sacrificium, si quem Pontificem, ac Sacerdotem. Prodant, gradum ultro referemus: non ablatum Sceptrum de Juda, & Ducem de scemore ejus profitebimur; Jesumque Nazarenum Messiaæ Titulo spoliabimus. At non ita profectò cucurbitæ sumus, ut hæc nobis venditari patiamur, quotquot sumus in Orbe Homines.

Res est profectò cachinnis omnibus digna, quo pacto Scepra, Coronas, & Regna apud Suos etiamnum extare venditent Rabbini nonnulli, ut ignaro pecori, aurito gregi fidentiùs illudant; ac nondum impletum Jacobæum Vaticinium harioleantur. Sunt etenim, qui reliquias nobis obtrudunt decem Tribuum, quas Salmanazar Assyriorum Rex in captivitatem deportavit anno ante Christum nostrum Septingentesimo vigesimo primo, ut aliqua Dominationis vestigia iis etiamnum adjudicent. Quatuor Tribus, Dan, Gad, Nephtali, & Aser in Æthiopia etiamnum extare ajunt; sex reliquas in Asia suis Legibus utentes, ac Regna illic obtinentes. Verum ne quis illico reponat, fabulosa hujusmodi Regna esse, quæ a Mortalium nemine ad nostram usque ætatem resecta sunt, id ad mendacii cautionem addunt providi Circulatores, Tribus illas Regnum obtinentes mœnibus igneis protectas esse, & ab omni Hominum commercio sejunctas. Ita R. Simeon Jacul. Regnantes, nescio quos, Judæos versus orientem Solem locat R. Abraham Perizol, alter nugarum Venditor. At ne mendacii revinci possit, (siquidem nullus eos detexit hætenus) hos Montibus immensis con-

clusos obtendit. Decem Tribus in America Coronas, ac Sceptra tenentes fabulatur Thalmud Hierosolymitanum. Ne tamen Fabula retegatur, putidiorem alteram fabulam addit; eas nempe nubibus proteetas, & a reliquis Mortalibus hujusmodi sepimento separatas comminiscitur.

Ita Gregalium suorum, stolidique pecoris credulitati illudunt Rabbini circulatores, cæci, ducesque cæcorum. Regna fingunt, sed impervia, igneis Moenibus, ac Montibus circumlepta, oppansis Nubibus inaccessa. At, si sic est, qua arte, quave industria ex iis Regionibus inaccessis ad ipsos Nuntii commearunt, ut isthæc rescire possent, literisque mandare? Nec advertunt, quàm stupendo dissidio invicem committantur professi Fabulatores. Nanque Simeon Jalcut decem Tribus regnatrices, partim in Æthiopia, partim in Asia locat: Thalmud verò Hierosolymitanum in America constituit. Sed age, fingant, si tandem lubet, in Lunæ concavo Regna sua, ut mendacia in tuto ponant; nos de decem illis Tribubus a Rege Salmanazare in captivitatem deportatis id unum scimus, quod a Josepho Judæo Scriptore celeberrimo memoriæ proditum est: eas nempe trans Euphratem adductas in immensam multitudinem excrevisse. Verùm nulla illic illarum Regna commemorat; imò Barbarorum Imperiis eas secutis inde temporibus subiectas fuisse, Severus Sulpitius observavit *Lib. 2. Historiarum*. Unus omnium Postellus semi-Judæus inventus est, qui *parte 1. Historiæ Orientalis Cap. 5. & 6.* memoriæ prodidit, decem Tribus a Salmanazare deportatas versus orientem Solem diu latitasse, ac tandem prognatos ex iis Tartaros, atque Turcas eripuisse, vastasque illas Regiones occupasse: quod ille ex Haytoni Armeni Historia probare nititur. Verùm tamen pura, putaue Commenta illa sint, a viro projectæ fidei, lubricæque authoritatis somniata, Hebræis tamen nullo pacto, nulla ratione patrocinantur. Demus enim, & Turcas, & Tartaros, qui certè & Sceptra, & Regna tenent, a Judæis illis prognatos esse; non idcirco Regna, ac Sceptra tenere Judæi putandi essent; cùm nec Tartari, neque Turcæ Judaicis Moribus, Legibusve Imperium administrant; nec Moyse Religionem profiteantur: imò Judæos non secus, ac cæteri Principes, Mancipiorum loco habeant, durissime cæteris premant.

Jactant Alii longè multi, habere Suos in Syria Regnum florentissimum; nullum tamen inde ad nos Nuntium commeari, quia interjacet Sabbathicum Flumen, quod, ut sola die Sabbathi navigabile est, ita Judæis die illa iter agere non licet. Lepidè verò! Unde ergo extare illic, ac etiam florere Regnum didicere? Aut cur alterius etiam Gentis, ac Religionis Nuntios, & Tabellarios, qui-

quibus iter Sabbatho suscipere liceat, nec excipiunt, nec submit-
tunt? Sed nec, quod fingitur, Sabbathicum Flumen impedimen-
to Iudæis esse potest, quominus inde suos etiam Contribules Nun-
tios accipiant, & submittant. Nec enim Sabbathicum dictum fuit
quoddam sola die Sabbathi, quæ Iudæis interdictum est iter, trajici pos-
sit; sed quoddam sex dies continuos fluat, septimo quiescat, fluere de-
sinat, alveumque relinquat omnino siccum, si Plinio fides est *Libro*
31. Historiæ naturalis Cap. 2. Seu potius, ut ex Iosepho colligere
licet *Lib. 7. de Bello Judaico Cap. 24.*, Sabbathicus fluvius est di-
ctus, quoddam Sabbatho fluat, senis verò diebus paulatim decrescat,
ac tandem areseat omnino, donec recurrente Sabbatho assuetam
præstat vicem. Id enim subobscura Iosephi narratio videtur innue-
re, dum Titi Imperatoris in Syriam excursionem describit: *Prin-*
ceps Titus conspicit in itinere fluvium cognitione dignissimum.
Is fuit medius inter Arcas, & Raphanaas Agrippæ Regni Civita-
tes. Habet autem quoddam peculiare miraculum. Nam cum sit, quan-
do fluit, plurimus, neque mentis fœcis, tamen interpositis sex die-
bus a fontibus deficiens, siccum exhibet locum videre. Deinde, quasi
nulla mutatione facta, septimo die similis exoritur: atque hunc or-
dinem semper cum observare pro certo compertum est. Unde etiam
Sabbathicus appellatus est, a sacro Iudæorum septimo die sic deno-
minatus. Utcunque tamen se res habeat; seu sex diebus areseat
Flumen, seu defluat; commodum perinde Iudæis præbebit iter, ut
vel navigio si defluit, vel sicco pede, si arefcit, trajicere valeant.
Quamquam, ut planius dicam, quod res est, nullus huiusmodi Flu-
vius in Syria visitur modò; quidquid olim, dum Syriæ Civi-
tates obiret Titus Imperator, Historiamque Iosephus scriberet,
rei fuerit.

Succedant Alii de Synagoga nugivendi, qui, ut stramineum qua-
lecunque Sceptrum Suis etiamnum adjudicent, certum, nescio
quem, Æthmalotarcham nobis venditant e Tribu Iuda oriundum,
quem Iudæi plerique Patriarcham appellant, quenque in Asia im-
peritare fabulantur. Commentum hoc pigmentis multis ornavit
Rabbi Beniamin Tudelenfis in Itinerario historico. Suum illum Æ-
thmalotarcham Genealogiæ suæ seriem texere scribit; legitimisque
documentis probare, infinitas Iudæorum Copias versus Eorum ob-
tinere sui juris, rerumque omnium ubertate affluentes, beatissima-
que loca latè occupantes.

Vetus est illa Iudæorum cantilena, jam a secundo Christiani no-
minis Sæculo decantata, in quam Origines ipse calamum acuit
Lib. 4. de Principiis Cap. 1. Duo ergo tempora cautè hîc secernen-
da veniunt, ne ullum inde Iudæi præsidium petant; Origenis ni-
mirum ætatem, & sequentium Sæculorum seriem. Quod ad Ori-
ge-

genis ætatem attinget, utpote ab excidio Hierosolymitano non longè distitam, negare omnino nolim, extitisse etiam tum apud Iudæos aliquam præteritæ Potestatis fugitivam memoriam, nonnulla creptæ Authoritatis vestigia, languidumque extinctæ Reipublicæ cadaver; Iudæos in Suos jure gladii interdum usos esse; (Origene in Epistola ad Julium Africanum id attestante) tamen nonnisi dissimulantibus Romanis, ac permittentibus, jure gladii uterentur. Verum habuisse illos ea ætate aut Regem, aut Ducem, aut Principem, quovis tandem barbaro nomine lubeat appellare, omnino nego. Nec suum illum, quem venditant, Æthmalotarcham Origene ætate supremum Jus obtinuisse, ullo Testimonio comprobant. Dent, si quod habent, nec suis nos mendaciis paciscant. Cæterum, quod posteriora Origene tempora spectat, adeo attonsa, reflectaque est straminea illa prætensi Æthmalotarchæ Potestas, ut non modò ubi jam sit, sed ubi fuerit, frustra quærat. Id agnoscunt, vel inviti Rabbini ipsi, quibus aliquid pudoris est, fronteraque non omnino perficuerunt; R. David Kimchi in Prophetam Oseam, R. Isaac Abrabaviel in Commentariis in Isaiam, R. Manasse, R. David Ganz. Quin etiam, quod notandum magis, R. Isaac Axric Sodalium suorum fraudes in Asiatico illo Iudæorum Imperio confingendo, supremæque Æthmalotarchæ Potestate jactanda reteggit, & irridet; gerrasque illas, ac nœnias ad Misellorum solatium a Nebulonibus fictas ingenue contestatur.

Neque verò tot egemus Adstipulatoribus, ut Beniaminum Tudeensem Asiatici hujusce Imperii, atque Æthmalotarchæ buccinatorem imposturæ revincamus. Ipse Fabulatorem sese prodit, acnugivendum, dum de iis, quæ narrat, nihil præter auditum se habere profitetur, solamque, unde id hausert, famam jactat. Sed & nonnulla insuper addit, necitque Fabellæ Circulator ille, quæ omnem Iudæis facultatem adimunt, Figmentum istud in suæ Causæ præsidium obtrudendi. Addit quippe, Æthmalotarcham illum suum a Mahumetanorum Calipha ex solemnī formula, suscepto nempe sigillo, Potestatem accipere solitum fuisse. Ex quo uno facile colligas, tamen alia nulla suppetere, suprema illum Potestate minimè valuisse, qui alieno pendebat arbitrio, nec nisi precariam in suos Subditos Authoritatem exercebat.

At quid in iis Fabulis exsufflandis ludimus operam? Unius Osee Oraculo confecta res est, qui hodiernum Iudaicæ Gentis Statum vaticinatus *Cap. 3.* vel ipsam Imperii umbram, potestatemque omnem ademit: *Dies multos sedebunt filii Israel sine Rege, & sine Principe, & sine Sacrificio, & sine Altari, & sine Epod, & sine The-*
raphin

rabin. Quo uno Oraculo disertissimo Fabulas illas omnes de Principibus apud Iudæos etiamnum extantibus in antecessum occupavit. Neque enim illos usque adeo stipites fore puto, ut id ab Oseâ dictum respondeant de tempore Captivitatis Babylonicæ, non de præsentis Iudaicæ Gentis infortunio. Iudæos quippe in Captivitate Babylonica suos Reges, ac Principes habuisse, Sedeciam, Joakimum, Zorobabelem, ex *Lib. 4. Regum Cap. 25. & Lib. 2. Paralipomenon Cap. 30.* cerèd liquet. Suos etiam habuisse Pontifices, ac inter alios Jesum filium Josedech, Sacerdotem magnum, ex *Aggæo Cap. 1.* æquè constat. Suos habuisse Prophetas, Daniele scilicet, Jeremiam, Baruchum, Ezechielem, Aggæum, nota res est. Jus demum necis, & gladii in reos suos retinuisse, judicium in Susannam eo tempore pronuntiatum disertè probat. Imò & id insuper manifestum, tempore Captivitatis Babylonicæ Iudæos non paucos Hierosolymis substituisse, qui nomine Fratrum suorum in Babylonem deportatorum Hostias offerebant ad Aram Domini, quæ etiam everso Templo residua fuerat, ut ex *Baruchi Cap. 1.* colligere est. Non ergo de Captivitate Babylonica vaticinatus est Oseas dum dixit: *Dies multos sedebunt filii Israel sine Rege &c.* sed infaustum Iudaicæ Gentis Statum, in quo versatur impræsentiarum, certissimè denuntiavit.

Meliori fortasse fide videntur esse Iudæorum Aliqui, qui cùm ficticia prorsus esse noverint jactata Suorum Regna, atque Imperia, ed deveniunt, ut dicant, non actu quidem Iudæos Regnum obtinere, habere tamen jure summo; cùm illis, nonnisi per summam injuriam a Romanis ereptum sit: atque ita necdum esse impletum Jacobæum Vaticinium. Labuntur ii tamen errore duplici, ac spisso admodum. Si enim satis Judæis esset, Sceptrum, seu Regnum habere jure: Judaici Regni, Sceptri que jactura certum, fixumque Adventus Messias Signum esse non posset; cùm ad extremum usque Mundi diem pari libertate, parique titulo dicturi sint, habere se Regnum, ac Sceptrum, non actu quidem, sed jure summo. Quod enim illis a Romanis per summam, ut arbitrantur, injuriam ablatum est primum, omni deinceps ætate per summam injuriam ablatum reputabitur, habebuntque semper, ut illis videbitur, jure summo, quod actu, ac re ipsa nunquam habebunt. Sed & illud falsissimum est, quod tanta audacia ponunt, post cladem illis a Romanis illatam stare penes ipsos Sceptri, Regni que jura. Quomodo enim suis avulsa Sedibus, totoque Orbe dissipata infelix Natio jus Sceptri, Regni que retineat; suis maxime confusis Tribubus, everso Templo, amisso Sacerdotio, sine quibus Iudaicæ Reipublicæ forma stare non potest? Aut quomodo exutos se per summam injuriam Regno conqueruntur, qui, nonni-


si in perduellionis suæ poenam, moniti sæpius, rogatique, ut arma ponerent, exuti sunt a Romanis?

Verùm, inquiet fortassis Aliquis: Nunquid Deus, etiam interposito Sacramento, non sponderat, fore ut Regium Judææ Sceptrum in Davidica Stirpe tandem aliquando constitutum, nunquam excideret, sed in ævum potius perduraret? *Filii eorum usque in sæculum sedebunt super sedem suam Psal. 131.* Aut ergo perennat etiamnum Judææ Sceptrum, aut promissi fidem violavit Deus; quod vel exco- gitare sacrilegum est.

Ita sanè; perennat Judææ Sceptrum in Domo David: sed quo pacto perennat, & ubi? Non aliter certè, quàm quia de temporali in spirituale transmutatum possidetur a Christo Jesu Davidis Filio, Judæorumque æterno Rege. Qua de causa Angelus Gabriel Virginem Deiparam salutans Lucæ Cap. 1. Ecce, inquit, *conspicies in utero, & paries Filium, & vocabis nomen ejus Jesum. Hic erit magnus, & Filius Altissimi vocabitur, & dabit illi Dominus Deus sedem David Patris ejus; & regnabit in domo Jacob in æternum, & Regni ejus non erit finis.* En utique perennans Judææ Sceptrum juxta oppignoratam Davidi fidem; sed in spirituale commutatum: perennans, inquam, non apud perfidos Judæos omni dum Regno, ac Principatu exutos, sed in Christo Jesu, atque in ejus Ecclesia.

Quandoquidem autem non defuere, ut infra videbimus, qui Jesum nostrum non ex Tribu Juda, sed ex Tribu Levi progenitum perperam fabularentur, operæ pretium me facturum existimo, si insanum hocce Commentum refellendum aggrediar: ne videlicet Judæi, quibuscum res nobis est in præsentia, inde suppetias emendicare nitantur, ut Jesum a Nazareth Messiam fuisse, sacris in Literis adpromissum, inficiantur. Cum etenim Messiae Regnum in Davidica Familia perenniter duraturum Deus toties Prophetæ Sanctissimo pollicitus sit in Scripturis, consequens profectò erit, Promissum in Christo nostro minimè impletum iri, semel ac Ille ex alia, quàm ex Judaica Tribu, cujus erat Familia Davidis, duxisset originem. Id ergo nobis potissimùm evincere incumbit, Jesum ipsum, quem nos, uti Messiam, veneramus & colimus, ex Davidis Semine, adeoque ex Tribu Iuda, minimè verò ex Levitica, ut nonnulli Christiani Nominis Hostes falsò commenti sunt, ortum fuisse. Hoc porro Argumentum Judæis ad breve tempus inducias dare, ut cum cæteris Adversariis novum ineamus certamen, necessariò nos cogit; ut inde & his Hostibus profigatis prælium in pristinos audentiùs instauremus. In pro-

proxima itaque Prælectione de hoc nobis differendum erit, demonstrandumque, Christum nostrum ex Tribu Iuda, non ex Levitica, imò ex ipsamet Familia Davidica, quæ Iudicæ Tribus nobilissima fuit, originem suam derivasse: ut hinc manifestissime appareat, Promissionem sacris in Libris a Deo toties Davidi factam de Regno (non utique temporali, ut sibi perperam Iudæi blandiuntur, sed in spirituale commutato) in ejus Stirpe perenniter duraturo, sua integra veritate constare, impletamque ad amissim in Iesu nostro fuisse.



dica ortus est Iesus noster. Secundò; quòd Iesu Christi Genus multò certius petendum sit ex Maria Matre, quàm ex Patre Iosepho; cùm is a Matre Virgine, non a Patre originem duxerit. Maria autem, Iesu Mater, erat de Tribu Levi. Siquidem, ut habetur Lucæ Cap. 1., cognata illa fuit *Elisabeth de filiabus Aaron uxoris Zachariæ Sacerdotis*: *Ecce Elisabeth cognata tua*, inquit Angelus ad Mariam. Ex Levi itaque Tribu, ejus erat Aaronis Familia, descendit Iesus. Tertiò demum; quòd non desint Ecclesiæ Patres, qui Christum summum novæ Legis æternumque Sacerdotem ortum dicant de Genere Sacerdotali; quod uni Leviticæ Tribui assertum fuisse, nemo negaverit. Quapropter, nisi Messis Titulum Iesu nostro iniquè eripi patiamur, id summo studio probandum incumbit, Illum e Tribu Iuda, ac ex ipsa etiam Davidis Familia ortum duxisse. Verùm in eo evincendo, probandoque haud levis est labor; imò a pluribus frustra positus, ac prorsus incassum.

Id etenim ut evincant Theologi bene multi, Sacrarumque Scripturarum Interpretes, Evangeliorum Oracula colligunt numero plura, quibus liquet, Iosephum Christi Iesu Parentem de Domo, & Familia David extitisse: quasi inde consequens esse debeat, eundem ipsum Christum ex ea quoque Tribu, Familiâque Davidicâ traxisse originem. Equidem ubivis istiusmodi Testimonia obvia sunt. Lucæ Cap. 1.: *Missus est Angelus Gabriel ad Virginem desponsatam Viro, cui nomen erat Joseph, de Domo David, & nomen Virginis Maria*. Lucæ Cap. 2. rationem afferens idem Evangelista, cur Ioseph juxta Edictum Augusti Cæsaris in Bethlehemi describi debuerit, quæ Davidis Civitas erat in Tribu Iuda, ait: *Eo quòd esset de Domo, & Familia David*. Explicatius verò Matthæus Cap. 1. Iosephi Genealogiam adornans, eandem ab Abrahamo per Iudam Iacobi Filium, ac tum per Davidem, & Salomonem rectâ lineâ, rectoque filo deducit ad Iosephum usque Mariæ Virum. Ut plane nil certius, nihil apertius, quàm fuisse Iosephum de Tribu Iuda, ac de Familia Davidis. Verùm unde habent Theologi illi, consequens inde esse, ut ex eadem quoque Tribu, atque Familia Christus ipse originem duxerit? Id utique certa, ac necessaria consecutione colligeretur, si Ioseph Christi Pater secundùm Naturam extitisset. At cùm Ille non ex Iosepho, sed ex Maria duntaxat originem traxerit, nihil inde ad Christi Domini Genus demonstrandum extundi potest, nisi & hoc alterum perinde probetur, Deiparam Virginem, quæ sola Christi Parens jure Naturæ vera est, ex Tribu Iuda Familiâque Davidicâ originem suam derivasse.

Haud me fugit, contendere Theologos illos, hoc quoque satis

superque probatum esse, Virginem Mariam ex Tribu Juda Davidique Familia prognatam esse, ex quo Josephus Illius Sponsus ex ea Tribu, ac Familia ortus ostenditur. Quia nimirum, cum ambo justissimi essent, non fuerunt Matrimonio juncti, nisi juxta Mosaicæ Legis Præscriptum, quo Matrimonia fieri vetabantur, nisi inter Contribules, ac etiam ejusdem Cognationis, atque Familiæ, ne Tribuum, Familiarumque Bona abalienarentur. Sic Numer. Cap. ultimo : *Nubant (Filix) quibus volunt, tantum ut sue Tribus hominibus : ne commisceatur Possessio filiorum Israel de Tribu in Tribum. Omnes Viri ducent Uxores de Tribu, & Cognatione sua ; & cunctæ Fæminæ de eadem Tribu Maritos accipient ; ut Hæreditas permaneat in Familiis, nec sibi misceantur Tribus ; sed ita maneant, ut a Domino separatae sunt.*

Id prima quidem fronte efficacissimum videtur, ac plane decretorium. Verum, si res penitus attendatur, Lex illa exceptiones patitur bene multas, atque ex ipsa Legis ratione petitas, & Exemplis frequentissimis confirmatas ; ut monet Paulus Burgenfis, Cajetanus, Andreas Mafius, Mariana, Bonserferius, alique Sacrarum Scripturarum Interpretes. Cùm enim idcirco fuerit Lex illa constituta, ne Tribuum Possessiones per Dotes Filiabus erogatas permiscerentur, transirentque de Tribu in Tribum, consequens profectò est, ea Lege fuisse solutas Filias de Tribu Levi, si Levitica Tribus Possessiones nullas in partitione Terræ promissæ a Deo susceperat : Deuteron. Cap. 10. : *Quam obrem non habuit Levi partem, neque Possessionem cum Fratribus suis : quia ipse Dominus Possessio ejus est.* Accedit ad hoc, consequens esse, eam Lege fuisse solutas Filias pauperulas, quæ absque ulla sibi constituta Dote, absque ulla Parentum Hæreditate Matrimonio jungebantur. Præterea etiam, fuisse ea Lege solutas Puellas quoque prædivites, ac pingui Hæreditate donatas, modò, quæ illis obtigisset, Hæreditatem repudiarent, & avitis, seu paternis Juribus cederent. Cessante enim fine Legis, cessat & ipsa Lex.

Patefcit id longè clariùs ex Versionibus Arabica, Syriaca, ac etiam Septuaginta Interpretum, ubi quod in Versione Vulgata nostra expressum non est, disertissimè declaratur : *Quæcunque Filia possederit Hæreditatem ex Tribu Filiorum Israel, alicui ex Tribu Domus Patris sui nubat ; ut possideat quisque Filiorum Israel Hæreditatem Patris sui.* Confirmatur id ipsum etiam Exemplis : nam David, qui erat de Tribu Juda, uxorem duxit Michol filiam Saulis de Tribu Benjamin, ut legitur Lib. 1. Reg. Cap. 18. : & Jojadas, qui erat Pontifex, adeoque de Tribu Levi, uxorem duxit Josabeth filiam Joram de Tribu Juda, ut habetur Lib. 2. Paralip. Cap. 22. Quid etiam quòd Judicum Cap. ultimo undecim Tribus jurarunt, se Tri-

bui

bui Benjamin non daturus Filias propter scelus a Beneaminis perpetratum; quod utique in pœnam, & ex vindictæ sensu non erant juraturæ Tribus illæ, si aliàs hujusmodi Connubia ex cummuni Lege prohibita fuissent. Poterat ergo Joseph, quanquam de Tribu Juda, ac de Domo David originem duceret, Mariam sibi Conjugem sumere ex Tribu Juda minimè prognatam, salva & integra Mosaica Lege; modò illa vel ex Tribu Levitica prognata esset, quod utique volunt Adversarii; vel etiam quacunque ex Tribu originem duceret, modò pauperula esset, ac sine Hæreditate; quod creditu facile est, cum pauperi Fabro juncta fuerit; aut modò paternam Hæreditatem repudiaret, si fortè dives esset, ut Hæres ex asse relicta: adeoque non illico probatum manet, Virginem Deiparam ex Tribu Juda, atque ex Davidis Familia prognatam esse, ex quo Joseph Sponsus ejus ex ea Familia, ac Tribu ortus ostenditur. Addiderim ex D. Gregorio Nazianzeno in *Carminibus de Christi Genealogia*, Legem illam de Conjugiis intra easdem Tribus, atque Familias contrahendis a tempore Captivitatis Babilonicæ prorsus exolevisse, Tribusque invicem Matrimonii permixtas fuisse, atque confusas; uti & Bona illarum post solutam Captivitatem confusa erant, atque permixta. Quod vel ipsius Josephi Exemplo compertum est; qui cum esset de Tribu Juda, habitabat in Nazareth de Tribu Zabulon. Nihil itaque Lex illa *Numer. Cap. ultimo* obesse poterat, quominus Joseph Mariam, tametsi minimè Contribulem, uxorem duceret.

Eo ergo ablegato minùs, judicio quidem meo, stabili Fundamento, Catholica veritas aliunde petenda est, ut Christum e Tribu Juda, & ex Familia Davidica prognatum ineluctabiliter evincamus. Hujus rei decretorium Testimonium habemus apud Apostolum, non uno, alterove loco, sed tribus omnino. *Ad Hebræos Cap. 7.*: *Manifestum est enim, quòd ex Juda ortus sit Dominus noster: in qua Tribu nihil de Sacerdotibus Moyses locutus est.* Imò probat ibidem ex Instituto, Jesum novæ Legis Sacerdotem, & veteris Consummatorem ex alia Tribu fuisse oriundum, quàm ex Levitica: *Si ergo consummatio, inquit, per Sacerdotium Leviticum erat (Populus enim sub ipso Legem accepit) quid adhuc necessarium fuit, secundum ordinem Melchisedech alium surgere Sacerdotem, & non secundum ordinem Aaron dici?* Quo nihil disertius desiderari a quoquam potest. Tum *ad Rom. Cap. 1.* de Christo loquens inquit: *Qui factus est ei ex semine David secundum carnem.* Demum *2. ad Timoth. Cap. 2.*: *Memor esto, Dominum Jesum Christum resurrexisse a mortuis, ex semine David.*

Confirmat hoc vel maximè, quòd Christus sæpenumero in Evangelio Davidis Filius nuncupetur non modò a Judæis, Divinam ejus
ex

ex Virgine Generationem ignorantibus (qui cum Eum Josephi Filium crederent, Davidis quoque, ex quo Josephum progenerum noverant, Filium reputabant) verum etiam ab iis ipsis, qui illibatæ ipsius Generationis Mysterium agnoscebant, nempe a Matthæo ipso Evangelium suum inchoante his verbis : *Liber Generationis Jesu Christi, Filii David, Filii Abraham* : ab Angelo Gabriele Lucæ Cap. 1. ad Virginem parituram Legato : *Dabit illi Dominus Deus Sedem David Patris ejus ; & regnabit in Domo Jacob in æternum*. Nec obest, si dixeris, Josephum quoque Christi Patrem ab iis ipsis in Evangelio nuncupari, qui eum sola opinione Patrem agnoscerent ; nempe ab ipsa Virgine Matre, Lucæ Cap. 2. : *Ecce Pater tuus, & ego dolentes quærebamus te*. Sat bene enim (ex Guillelmi Estii sententia) probant Theologi bene multi, Josephum non sola opinione Patrem Christi Domini extitisse, sed verè, ac summo jure ; titulo scilicet Matrimonii veri cum Virgine Matre initi, quanquam non titulo copulæ conjugalis, quam cum Illa nunquam habuit.

Accedit ad cumulum probationis, quod Virginem Deiparam, ex qua Christus verè ac propriè carnalem originem traxit, de Domo & Familia David extitisse, satis superque constat ex Historia a Luca descripta Cap. 2. : *Exiit Edictum a Cæsare Augusto, ut describeretur universus Orbis Et ibant omnes ut profiterentur, Singuli in suam Civitatem. Ascendit autem & Joseph a Galilæa de Civitate Nazareth in Judæam, in Civitatem David, quæ vocatur Bethlehem : eo quod esset de Domo, & Familia David, ut profiteretur cum Maria desponsata sibi uxore prægnante*. Ex quo ita colligo ad statutæ veritatis probationem : Unusquisque ex Edicto Cæsaris Augusti tenebatur describi in Civitate sua, seu in Civitate, quæ Familiæ suæ Caput esset : *Ibant Omnes ut profiterentur, Singuli in suam Civitatem* : & Joseph ipse idcirco ascendit in Bethlehem Civitatem David, ibidem describendus, eo quod esset de Domo, & Familia David. Porro ascendit Ille, ut describeretur cum Maria desponsata sibi uxore prægnante : erat igitur & Ipsa de eadem Domo, atque Familia : alioquin in alia Civitate, alterius scilicet Tribus, describenda fuisset, si ex alia Tribu duxisset originem. Neque enim fingi potest, Eam aliàs fuisse descriptam in alia Civitate alterius Tribus ; venisse autem in Bethlehem, non ut ibi describeretur & ipsa, sed ut Viro suo ad Descriptionem pergenti faceret comitatum. Ea quippe verba cum Maria desponsata sibi uxore prægnante, non conjungit Evangelista cum verbo illo remotissimo *ascendit Joseph*, sed cum verbo conjunctissimo *ut profiteretur*. Deinde nisi & ipsa Virgo eâ in Civitate describenda fuisset, incredibile est, Josephum Uxorem prægnantem, ac etiam par-

partui proximam, longæ viæ Comitem, Sociamque e Galilæa in Judæam fuisse adducturum, non modò inutiliter, verum etiam incommodè. Id itaque certum, indubitatumque, fuisse Mariam unà cum Josepho Bethlehemensi descriptam, quòd & Ipsa, non secus ac Joseph, esset de Domo, & Familia Davidis.

Nunc Catholica veritate adversus Gentiles, Judæos, & Apostatas bono in lumine collocata, restat, ut ad eorum Momenta diluenda animum convertamus. Agite itaque, videamus. Nathan, inquiunt Illi, per quem Stemma genealogicum a Davide ad Christum deducit Lucas, verus non fuit, ac secundum Naturam Davidis filius, sed adoptivus, ex Uria Sacerdote de Tribu Levitica procreatus, quem sibi David adoptavit in Filium, dum Bersabeam uxorem Uriæ sibi copulavit: non itaque de Tribu Juda per lineam Davidis ortus est Christus, sed verius de Tribu Levi.

Itane verò, non fuit Nathan verus Davidis filius? Imò verus, verissimusque perinde, ac Salomon; 2. *Regum* Cap. 5. : *Et hæc nomina eorum, qui nati sunt ei (David) in Jerusalem: Samua, & Sobab, & Nathan, & Salomon, & Jebabar, & Elisud &c.* Et 1. *Paralip.* Cap. 3. Porro in *Jerusalem nati sunt ei Filii, Simmaa, & Sobab, & Nathan, & Salomon, quatuor de Bersabeæ filia Ammiel.* Nathan itaque natus est Davidi filius, non adoptatus a Davide; putidumque figmentum est, quod Nonnulli somniarunt, Christi Progenitores ab Heli usque ad Nathan a D. Luca recensitos summos fuisse Sacerdotes de Tribu Levi. Quandoquidem Josephus *Lib. 20. Antiq. Judaic. Cap. 8.* seriem Pontificum edens, neminem recenset eorum, qui ab Evangelista inter Christi Progenitores sunt adnotati. Quanquam etsi daremus, Nathan verum Uriæ filium esse, non Davidis, perperam inde colligerent navigendi, Christum e Tribu Levitica prognatum esse. Unde enim habent, quod tanta fiducia distitant, Uriam de Tribu Levi fuisse, ac etiam Sacerdotem? Imò erat Ille longè verius de Tribu Juda: is quippe sexcentis plus minùs vicibus in Libris Regum vocatur Hethæus a Patria; quæ Regio in partitione Terræ promissæ cesserat in Sortem Tribui Iuda.

Subjungunt tamen in Erroris præsidium, Mariam, Iesu Matrem, fuisse de Tribu Levi, propterea quòd Cognata ejus Elisabeth ea de Tribu prognata esset, utpote de Filiabus Aaron.

Verum quàm parum ea Consecutio ex eo Principio fluat, ex antedictis manifestum est. Potuit quippe Elisabeth, quantumvis de Tribu Levi oriunda, cognata esse Beatæ Virginis, ortæ licet de Tribu Iuda; vel quia Elisabethæ Progenitorum Aliquis uxorem duxit de Tribu Iuda; vel quia vice versa Progenitorum Aliquis Deiparæ Virginis uxorem duxit de Tribu Levi. Quod quidem salva & integra Mosaica Lege fieri potuisse, plus satis ostensum est.

Opponunt ultimò, Patres nonnullos ultro citroque fateri, Christum Dominum ex genere Sacerdotum ortum esse, atque ita de Tribu Levi. Nimirum S. Augustinus *Lib. 2. de Consens. Evangelist. Cap. 2.*; Hilarius in *Cap. 1. Matth.*; Gregorius Nazianzenus in *Carminibus de Christi Genealogia*.

Do manus, id asseruisse Nonnullos; at bona illorum venia Assertionem illam minimè amplecti possumus, cum disertò Apostoli Dicto contraria videatur omnino. Is etenim, ut superius retulimus, apertè pronuntiat *ad Hebræos Cap. 7.*: *Manifestum est enim, quòd ex Juda ortus sit Dominus noster; in qua Tribu nihil de Sacerdotibus Moyses locutus est.* Addo tamen, nihil Patres illos Iudæis, eorum Testimonio abutentibus, suffragari. Quandoquidem Christum, non solo Sacerdotali Genere ortum dicunt, sed utroque simul, Regum scilicet; & Sacerdotum. Regium autem Genus in Iudæ Tribu perennabat; adeoque tametsi Christum e Tribu Levi sensu quodam ortum observent, ob inita scilicet inter utramque Tribum Matrimonia; eundem tamen simul, ac multò veriùs, e Tribu Iuda ortum agnoscunt.

Quocirca notandum hic maximè velim, Nathanem Davidis filium, per quem Lucas Stemma Christi genealogicum deducit, alium longè esse a Nathane Propheta, qui Davidem de Adulterio reprehendit. Prior enim natus est in Ierusalem, alter in Gabbath Galilææ; junior ille, senior iste; Ille de Tribu Iuda, utpote filius Davidis, Iste incerta Tribu; quem tamen Levitam fecere Nonnulli; quo duplici errore decepti, Christum ex Nathane secundum Lucam procreatum e Levitica Tribu commentum sunt, Apostolo, ut sæpe monuimus, repugnante. Ita plane statuit Augustinus *Lib. 1. Retract. Cap. 26.*, contra quod antea docuerat *Lib. 83. Question. Quæst. 61.*

Cæterum ad uberiores Generis Christi Domini notitiam comparandam, gravissimæque ea de re obortas Difficultates eliquandas, de bina ejus Genealogia a Matthæo, & Luca descripta in sequentibus differemus.



P R Æ L E C T I O XVII.

Quo pacto geminæ Christi Genealogiæ a D. Matthæo, & D. Luca descriptæ, quæ dissonæ plane videntur, conciliari secum invicem possint, ostenditur.



Abirinthum ingredior hodie intricatissimum, unde emergere difficillimum sit. Geminam Christi Domini Genealogiam intelligo, a Matthæo, & Luca descriptam, infinitis Difficultatibus implicatam, in quibus dirimendis, enodandisque plerique Ecclesiæ Patres, ac Scripturarum Interpretes defudarunt. Eæ verò ad duo maximè Capita revocantur; de quibus nobis impræsentiarum est differendum, ad integram, plenamque Christi Prosapiam intelligentiam studiose Juventuti tradendam. Primum, quo pacto geminæ Genealogiæ secum invicem conciliari possint: Alterum, qua ratione cum veteris Testamenti Historia congruant. De primo dicendum nunc, de altero in sequenti.

Itaque, ut pressius propositam Quæstionem attingam, triplicem utriusque Genealogiæ a se invicem discrepantiam, ac dissonantiam ob oculos ponam; quo simplicius implexæ, ac salebrosæ Difficultates enodentur. Matthæus ergo Cap. 1. Evangelii sui, Christi Genealogiam a Davide ducit per Salomonem, inquires: *David autem Rex genuit Salomonem ex ea, quæ fuit Uriæ. Salomon autem genuit Roboam.* Lucas verò Cap. 3. eandem Genealogiam a Davide deducit per Nathanem, alterum ejusdem Davidis filium, scribens ordine retrogrado: *Qui fuit Menna, qui fuit Matthatia, qui fuit Nathan, qui fuit David.* Tum postea, Matthæus a Davide ad Joseph Jesu Christi Patrem descendens Progenitores recenset ab iis omnino distinctos, qui sunt a Luca recensiti, solis exceptis *Salathiele, & Zorobabele*; qui in utraque Genealogia perinde notantur; quorum tamen priori Patrem Jechoniam Matthæus assignat dicens: *Jechonias genuit Salathiel; Salathiel autem genuit Zorobabel*: Lucas verò Nerium illi Patrem attribuit, inquires: *Zorobabel, qui fuit Salathiel, qui fuit Neri*, videlicet filius. Matthæus deum Jacob Josepho Patrem assignat, scribens: *Jacob autem genuit Joseph virum Mariæ*: Lucas contra Heli Josepho Patrem tribuit: *Joseph, qui fuit Heli, qui fuit Matthat.*

Expediendi, extricandique hujus triplicis Nodi duæ potissimæ apparent viæ a magnis olim Ingeniis excogitatæ. Primam, eamque

S ij pla

planissimam Julius Africanus aperuit ineunte Sæculo III.; quam secutus inde temporibus plerique Patrum, veterumque Scriptorum tenuerunt, Eusebius *Lib. 1. Hist. Eccles. Cap. 6.*; S. Hieronymus in *Comment. ad Cap. 1. Matth.*; S. Gregorius Nazianzenus in *Carminibus Christi Genealogia*; S. Ambrosius *Lib. 3. in Lucam Cap. 1.*; S. Augustinus *Lib. 2. Retract. Capp. 7. & 12.* (quanquam de ea antea dubitasset) Theophylactus, & Euthymius in *Cap. 3. Luca*; Nicephorus *Lib. 1. Hist. Eccles. Cap. 11.*; S. Thomas 3. *part. quæst. 31. art. 3. ad 2.* Quam etiam conciliationis viam idem Julius Africanus a Christi ipsius Cognatis monstratam contestatur *Epist. ad Aristidem*: *Cognati*, inquit, *Salvatoris nostri, sive ad ostendendam Generis sui nobilitatem, sive ut simpliciter rem docerent, veraci utique sermone nobis hæc tradiderunt*: Matthæum scilicet Christi Progenitores secundum Naturam percensuisse; Lucam verò secundum Legem; quo vel uno objectæ omnes speciosæ Dissonantiæ in concordiam revocantur.

Quod ut facilius percipiat studiosa Iuventus, recolenda Lex est in Libro Deuteronomii lata *Cap. 25.*: *Quando habitaverint Fratres simul, & unus ex eis absque Liberis mortuus fuerit, Uxor Defuncti non nuber alteri: sed accipiet eam Frater ejus, & suscitabit semen Fratris sui: & primogenitum ex ea Filium nomine illius appellabit, ut non deleatur nomen ejus ex Israel.* Quo casu, Filius ex secundo illo Matrimonio procreatus, secundum Naturam quidem alterius Mariti Filius erat; secundum Legem tamen prioris Mariti Filius censebatur; quia non alio titulo genitus erat, quam ut Prioris, absque Liberis extincti, semen suscitaretur in Israel: unde & Primo nasci dicebatur Filius, non Secundo. Hanc porro Legem, non de solis Fratribus strictiori sensu acceptis (eodem scilicet Patre, ac Matre genitis) latam fuisse; sed & de Fratribus latiori sensu pro Scripturarum more intellectis (Cognatis nimirum & Propinquis) accipi oportere, ex Ruth Historia perspectum est, *Cap. 4.*; ubi Mahalone Ruthæ Marito sine Liberis defuncto, de jure ducendæ Viduæ relictæ, non stricti nominis Fratres agunt, sed Cognati duntaxat, atque Propinqui; eandemque Booz tandem obtinuit Mahalonis defuncti non Frater utique, sed Propinquus.

Secundum hanc itaque Legem (quæ Lex Leviratus dicta est, quia Levir Mariti Fratrem sonat) Heli sine Liberis defuncto, Viduam relictam in Uxorem accepit Jacob; seu quoddam essent illi Fratres uterini, eadem quidem Matre, quamvis non eodem Patre nati, ut putant Aliqui; seu quoddam Propinqui, atque Cognati duntaxat essent, ut Alii arbitrantur; susceptusque ex eo Matrimonio Josephus, filius perinde dictus est Jacobi a Matthæo, & filius Heli a Luca:

Luca : Prioris, inquam, filius secundum Naturam, a quo re ipsa genitus est; Alterius verò secundum Legem Leviratus, cui ob fuscitatum ipsius semen est attributus. Quare nil mirum, si ea semel facta Josephi Parentum distinctione (Jacob nimirum & Heli) utranque Christi Genealogiam prosequatur Matthæus & Lucas per Avos, Atavosque omnino distinctos; & alius quidem ad Davidem per Salomonem perveniat, alius per Nathanem. Cum enim nonnisi uterini Fratres essent Jacob & Heli; aut etiam nonnisi Cognati, atque Propinqui, alios profectò Avos, Atavosque habebant, per quos ascensus ad primum Stipitem factus est. Quòd autem Salathiel, qui in utraque Genealogia perinde notatur, Patrem Jechoniam Matthæus assignet, Nerium verò Lucas; pari (ut antea de binis Josephi Parentibus diximus) casu factum creditur: nempe quòd, Nerio sine Liberis extincto, Jechonias Cognatus ejus, vel Propinquus relictam ejus Viduam duxerit in uxorem, ex qua Salathielem suscepit, filium utique suum secundum Naturam, Nerii verò filium secundum Legem Leviratus: de quo plura in sequenti.

En planissimam geminæ Christi Genealogiæ secum invicem conciliandæ viam, expeditissimamque triplicis Nodi propositi solutionem, ex Leviratus Lege petitam. Non desinunt tamen Aliqui in contrarium eniti, novosque Nodos innectere, hispotissimum rationibus sulti. Primò, quòd laudata Deuteronomii Lex de *Fratribus simul habitantibus lata sit*: Jacob autem & Heli, si Fratres duntaxat uterini erant, aut etiam Cognati, ut dicitur, simul non habitarent, utpote ex diversis Patribus nati. Secundò, quòd ex Lege Leviratus Primogenitus ex secundo Matrimonio ortus prioris Mariti nomine vocandus esset: *Primogenitum ex ea Filium nomine illius appellabit, ut non deleatur nomen ejus ex Israel*: Jacob autem natum ex illo Filium non vocaverit Heli, sed Joseph. Tertiò, quòd Filius ex secundo illo matrimonio procreatus nuppiam Sacris in Literis filius defuncti Mariti dicatur; adeoque nec Joseph Filius Heli dicendus fuisset, quanquam ex Lege Leviratus ex secundo Matrimonio natus esset.

Verùm tria hæc nullo negotio refelluntur. Quod enim in laudata Lege dicitur: *quando habitaverint Fratres simul*; de communi utriusque habitatione seu Domo, quam incoherent, nequit intelligi: tum quia Prior, ex quo tempore uxorem Matrimonio duxerat, Hæreditatem cum aliis Fratribus jam dividerat, & in alia Domo ab iis separatus habitabat, aliàs ingens fuisset Familiarum confusio, ea præsertim ætate temporum, qua ferme Omnes nubebant, ut Gentem suam multiplicarent, potentiorisque in Hostes suos constituerent: tum etiam, quia Lex illa, non de solis Fra-

tri.

tribus stricto sensu acceptis, ex eodem scilicet Patre eademque Matre genitis, intelligitur; sed de Fratribus etiam latiori sensu pro Scripturarum consuetudine sumtis, Cognatis nimirum, atque Propinquis; quod certè Ruthæ Viduæ Historia demonstrat. Ineptum autem est fingere, Propinquos omnes, Cognatosque eandem semper Domum, aut etiam Civitatem inhabitasse. *Habitare* itaque *simul*, in laudata Deuteronomii Lege, nil sonat aliud, quàm simul seu eodem tempore vivere; adeo ut adverbium *simul* non sit loci, sed temporis: maximè cum verbum hebraicum *Fasab*, quod extat in Textu, non tantùm habitare, sed & *durare*, & *in virois esse* perinde significet. Quare is laudatorum verborum est sensus: Quandiu duo Fratres simul tempore vixerint, & postea illorum alter, ducta uxore, sine Liberis mortuus fuerit, alter, qui fuerit superstes, illius Viduam sibi copulabit uxorem.

Rursus, quod eadem Leviratus Lege fertur, primogenitum ex Vidua Filium nomine prioris Mariti appellabit, ut non deleatur nomen ejus ex Israel; de nuncupatione ipsa, nominisque impositione nequit intelligi, quasi natus secundo Matrimonio Filius prioris Mariti nomine debeat appellari. Neque enim E. G. natus secundo Ruthæ Matrimonio Filius vocatus est Mahalon, quod prioris Mariti Nomen erat, sed Obed. Verùm hunc habet sensum Lex illa: Primogenitum ex ea natum prioris Mariti Filium habebit, ac reputabit, illiusque Hæredem constituet, ut non deleatur memoria ejus ex Israel. Quæ non modò trita Interpretum explicatio est, sed ex ipso Legis Fine, & Instituto liquet apertè. Quorsum enim hæc Lex, nisi ut suscitetur semen Viri absque Liberis defuncti, perinde ac si ipsemet Liberos genuisset? Porro, si quem ille, antequam ex hac luce decederet, filium genuisset, non illi utique nomen suum necessariò imposuisset; sed illum, ut semen suum, furculum suum, Hæredem constituisset, eaque sola ratione sui memoriam, ac Nomen in Israele conservasset. Nil igitur aliud Leviratus Lege ferebatur.

Postremum denique, quod obtruditur, tam falsum est, quàm quod maximè. Nihil enim sacris in Literis, ac in ipsamet lata Lege disertius, quàm Filium ex secundo illo Matrimonio procreatum prioris Mariti Filium haberi, ac dici. Quid enim aliud sonat *Primogenitum ex ea Filium nomine illius appellabit*, nisi filium illius habebit, ac porro dicet? Quid etiam illud de Onan *Genes. Cap. 38.* (cùm Lex illa nondum a Moyse lata, usu tamen & consuetudine anticipatò servaretur) *Sciens (Onan) non sibi nasci Filios, introiens ad Uxorem Fratri sui semen fundebat in terram?* Quid, inquam, illud, nisi sciens Onan, Filium ex Fratri sui Vidua nasciturum, Fratri potius habendum, illiusque potiori jure futurum, quàm

quàm suum, semen fundebat in terram? Subdit enim Sacer Textus, id Onan fecisse, *ne Liberi nomine Fratris sui nascerentur*. Potuit itaque Joseph Heli filius haberi, ac dici, ex Lege scilicet Levitatus; cùm a Jacob ex-inito cum illius Vidua Matrimonio genitus esset. Nil igitur est, quod priori conciliationi a Julio Africano excogitatæ possit opponi.

Alteram conciliandæ secum geminæ Christi Genealogiæ viam aperuerunt Alii, minoris quidem authoritatis Viri, sed pari, ut arbitror, ratione, ac verisimilitudine fulti. Nempe Christi Genealogiam a Matthæo contextam dicunt per Progenitores Josephi; a Luca verò per Progenitores Deiparæ Virginis: unde orta illa est tam patens proximorum Christi Avorum ab utroque Evangelista recentiorum varietas. Josephi quippe, & Mariæ, ut erant distincti Parentes, ita & Avi, Atavique diversi, donec longius ductæ Linæ Genealogicæ in unam tandem, ut ferme fit, coaluerint. Secundum hanc Sententiam Heli a Luca initio positus ipsiusmet Deiparæ Pater est; adeoque verborum illorum, quibus Genealogiæ initium dedit, *Jesum ut putabatur Filius Joseph, qui fuit Heli*, duplex debet esse sensus: prior quidem, ut Joseph sit Heli filius civili modo, & jure Matrimonii, quia Gener ejus erat; Gener enim filius Socreri dicitur, sicut & Nurus filia Socrus: alter, ut *quod qui fuit Heli* non referatur ad Joseph, sed ad Jesum ipsum, ut sensus sit: Jesus, qui putabatur filius Joseph, erat vera filius Heli; filius, inquam, mediatus, quatenus filius erat Mariæ, quæ Heli filia erat.

Hæc mihi Conciliationis via nunquam displicuit; quia præter quamquod nativa est, plana, expeditaque, illud insuper habet commodi, quodd gravissimum occupet Argumentum adversus alteram Julii Africani Conciliationem, in hunc modum proponi solitum: Idcirco Evangelistæ Christi Domini Genealogiam texuerunt, ut Jesum ortum ostenderent de Tribu Juda, & de Domo David: at id non plene ostenditur, tenendo Genealogiam Josephi; qui, tametsi titulo Conjugii Pater ejus esset, ad Illius tamen Generationem nihil operæ habuit: contra verò id bene conficitur, si Mariæ Genealogia adornetur, ex qua verè proprièque Christus secundum carnem originem duxit: ea ergo Genealogia tenenda fuerat.

In hac tamen secunda Conciliationis via duo sunt scrupuli eximendi, qui Recentiores nonnullos malè torquent. Prior est, quodd Christus non modò ex Davidis Genere nasciturus esset, verum etiam per Lineam Salomonis. Sic enim sponponderat Deus Davidem alloquens *Lib. 2. Reg. Cap. 7. : Cùmque completi fuerint dies tui, & dormieris cum Patribus tuis, suscitabo semen suum post*

post te, quod egredietur de utero tuo, & firmabo Regnum ejus. Ipse edificabit Domum Nomini meo, & stabilium thronum Regni ejus usque in sempiternum: quod de Salomone dictum nemo non videt. Thronus autem Salomonis non est Illi stabilitus in sempiternum, nisi in Persona Christi ex Illo prodituri, qui Judaicum Sceptum in spirituale commutatum possidet in æternum, ut in superioribus dicebamus. Porro in hac secunda Conciliationis via a nobis exposita Christus ex Davide prognatus supponitur per Lineam Nathanis, non Salomonis. Non stat itaque cum Divino Promisso Davidi facto.

Miror, hœc Argumento deludi Aliquos ad propositum Systema rejiciendum; cum idem plane in Lucæ Genealogiam contorqueri possit, quovis illa sensu accipiat, ac sive illa sit Genealogia Josephi, sive Mariæ. Perinde enim a Luca quæri poterit, quorsum Christi Genus ad Davidem referat per Nathanem, cum Deus Davidi sponderit fore, ut ex Illo per Salomonem Messias esset oriurus, Illiusque Regnum in sempiternum occupaturus? Idcirco repono ego, in hoc ipso Systemate nostro Christum a Davide perinde descendere per Lineam Salomonis, ac per Lineam Nathanis: quia in serie Progenitorum, qui a Luca sunt adnotati in texenda, ut diximus, Mariæ Genealogia, occurrunt perinde Salathiel, & Zorobabel, qui ad Davidem etiam ascendunt per Lineam Salomonis, nempe per Jechoniam a Matthæo notatum; sicut ad Davidem per Lineam Nathanis ascendunt per Neri a Luca recensitum. Id solum superest divinandum, cur Lucas, ut perveniat ad Davidem per Nathanem, Salathieli Patrem assignet Neri; Matthæus verò, ut ad eundem Davidem per Salomonem perveniat, Patrem Salathieli attribuat Jechoniam. At id, ut monui, factum esse necesse est per Legem Leviratus, secundum quam Jechonias, ducta Neri Uxore vidua, secundum Naturam Pater dictus est Salathielis, quem genuit re ipsa; Neri secundum Legem Pater illius habitus est, quia Ipsi a Leviratus Lege est attributus. At de hoc plura in sequenti.

Verum, si ita sit, reponet Quispiam; si etiam in hac secunda Conciliationis via ad Leviratus Legem necessariò tandem sit recurrendum, ut Conciliatio ipsa fieri possit duplicem inter Christi Genealogiæ descriptionem ab utroque Evangelista factam, cur altera ineunda via erit, & non potius primæ illi Julii Africani in hærendum? Cur opus est, alteram comminisci Conciliationis rationem, quæ nonnisi in Julii Systemate explicari potest, atque fundari?

Responsio duplex statim occurrit. Primò; secundam conciliandi viam non ita nos retulisse, ut primæ eam præferendam existimemus.

memus. Placuit & illam exponere ad Argumenti abundantiam, non quasi certissimam, ac meliorem eam judicemus. Sit prior firmissima, atque tutissima; non abnuimus: sed & alteram fundamento suo nequaquam carere contendimus: utramque probamus, neutram respuimus. Cæterum liberum cuique facimus, ut eam amplectatur, quæ sibi magis arridere videbitur.

Verum (quod secundo loco reponimus) in hac secunda Conciliationis via, ut superius notavimus, Difficultati maximæ, quæ magnos etiam Viros torfit, felicius, meo quidem iudicio, occurrimus, dum descriptam a D. Luca Christi Domini Genealogiam non per Josephi, qui naturalis ejus Parens minimè fuit, sed per Mariæ, naturalis utique Christi Matris, Progenitores contextam asserimus: hoc enim pacto verum secundum carnem Jesu nostri Genus apertissimè agnoscimus; eundemque vera generatione a Davide, & Juda exortum ostendimus; nec in eos impingimus scopulos, quos in altera Expositione vitare difficillimum est. Neque enim plane perspicuum fit, quòd tam fidenter a quibusdam asseritur, satis mirum esse, ut Christus Dominus a Juda derivatus per Davidem ostendatur, si semel Josephum ex iisdem progenitum demonstremus, propterea quòd ejusdem Tribus, atque Familiæ & Josephi Sponsa Maria esse debuerit, juxta Legem Numer. Cap. ultimo latam, qua vetabatur, ut Filiz nuberent alienis a Tribu sua; Virisque jubebatur, ut Uxores ducerent de Tribu, & Cognatione sua. Satis enim ostendimus, Legem hanc universalem minimè fuisse; imò Josephi, & Mariæ temporibus penitus exoletam. Sed eò, unde divertimus, redeamus.

Alter, quo tenentur Nonnulli, Scrupulus est, quòd Mariæ Pater Joachimus esset, qui tamen in hac secunda Conciliationis via Heli fuisse supponitur. At Scrupulum istum de facili eximet quisquis cogitaverit, binomium Deiparæ Parentem esse potuisse, quemadmodum & Davidis Pater in Scripturis alicubi legitur Jesse, alicubi Isai; aliosque non paucos fuisse binomios, certissimum est. Nullibi enim vetitum legimus, duplici nomine vocari Homines posse. Quin nec desunt, qui Joachimi (sicut & Annæ) Nomen mysticæ significationis Nomen esse contendunt; quòd scilicet Anna gratiam sonet, Joachim verò *preparationem Domini*: qui utique Tituli Sanctissimis Deiparæ Progenitoribus apprimè congruunt. Illos inter fuit S. Fulbertus Carnotensis Episcopus in *Sermone super natalem Virginis diem*; quem ex manuscripto S. Victoris Franciscus Combesius vulgavit, Tom. 8. *Biblioth. Concionatorie* pag. 119. Imò Bollandi Continuatores Joachimi, & Annæ nomina in dubio reliquerunt in *Actis* (Tom. 7. pag. 77.) ad diem 20. Martii. Verum quid de hacce Opinione sentiendum sit, hic nos non expendimus.

dimus. Satis quippe est, si Joachimum etiam Heli vocari potuisse asseramus; quo quidem posito (nulla certè repugnante Lege) Difficultas tota evanescit.

Illud potiori jure quispiam quæret a nobis: quorsum Matthæus Christi Genus ex Abrahamo, & Davide velut ad oculum ostensurus, Josephi Genealogiam adornarit, qui nullas in ejus Generatione partes habuit? Quæ enim juxta Illos, quibus altera Conciliationis via magis arridet, ratio Lucam movit, ut verum Christi Genus per Mariæ Progenitores ostenderet, eadem quoque Matthæum, ut idem faceret, movere debuisset.

Responsio in promptu est: Matthæum videlicet Josephi Genealogiam texuisse, ut Argumento, velut ad hominem, Judæos urgeret, qui Christum verum, propriumque Josephi filium habebant, tanquam ab eo carnali generatione procreatum. Hac enim Illorum opinione posita, Christus verus Abrahami, & Davidis Filius probabatur, ex quo Joseph talis esse ostendebatur. Sic itaque utrumque Evangelii Scriptorem in texenda Christi Genealogia Divinus Spiritus afflare potuit, ut Christi Genus ex Davide ductum, quocumque posset modo fieri, Universis palam facerent, seu Patrem, ut moris est, spectare Alii vellent, seu Matrem, ut illibatæ Generationis ratio postulabat, attendere Alii mallent. Id etiam fecisse Matthæum, verosimilius est, quòd Joseph Mariam proxima fortè Cognatione contingeret, essetque Illius fortasse Consobrinus: quo casu una utriusque Familia erat, idem Genealogicum Stemma. Et quidem, tametsi *Lex Numer. cap. ultimo* non admodum urgeret, Judæi tamen religiosi, ubi peculiaris causa non oberat, intra eandem Cognationem, atque Familiam Matrimonio jungebantur. At mera hæc, ut dixi, probabilitas est; non certum indubitatumque documentum. Hoc idem fecisse Matthæum, Alii dicunt, quòd Hebræi soliti essent, Genealogias suas per Patris Avos, Atavosque, non itidem Matris describere: adeoque egisse Illum ex more, & consuetudine Judæorum, in quorum gratiam præcipuè Evangelium suum scripserat idiomate Hebraico. Assentior plane, proboque: fecit Is rectè ex Fine, Institutoque suo, Judæos Argumento, ut ajunt, ad hominem, convincendi. At non idcirco imprudenter, præter morem, & consuetudinem fecit Lucas, per Matris Progenitores Christi Genealogiam adornans; tum quia fortè in Gentilium gratiam Evangelium conscripsit, Græco idiomate usus, penes quos ille Judæorum usus fortassis non invaluerat; tum etiam, quia casus ille singularis omnino erat; Illiusque Genus describebat, qui solus ex omnibus a Matre duntaxat, non a Patre, Genus obtinuit.

Super-

Superest modò altera, quam proposuimus, de Christi Genealogia, ab utroque Evangelista descripta, Difficultas expendenda: quo videlicet pacto, Evangelistarum Narratio cum veteris Testamenti Historia conciliari valeat. Est enim hic Nodus intricatissimus; cujus solutio veterum æquè, ac recentiorum Theologorum, & Scripturarum Interpretum Ingenia male torfit. Hoc itaque Argumentum nos in sequenti pro captu nostro tractabimus, Dissonantiaque illas, atque Antilogias speciosas, quæ maximum facessere videntur negotium, ad examen vocabimus, atque in concordiam reducemus.



PRÆLECTIO XVIII.

*Qua ratione Christi Domini Genealogia a Matthæo, & Luca
exarata cum Veteris Testamenti Historia conciliari
valeant, expenditur.*



Ediam duntaxat suscepti operis partem expedi-
vimus, dum binas Matthæi, & Lucæ Genealo-
gias mutuo secum conciliavimus, ne pugnare in-
vicem videantur. Restat pars altera difficilior
expedienda; earum scilicet cum veteri Testa-
mento tentanda Conciliatio. In multis quippe
Capitibus a Sacra veteris Testamenti Historia
quàm longissimè dissidere videntur. Quare spe-
ciosas illas Dissonantias, & Antilogias in certas Classes distribu-
mus, quo facilius, atque commodius in concordiam revocentur.

Prima Dissonantia ita se habet: Apud Matthæum *Cap. 1.*, Jo-
ram genuit Oziam: at, ut colligitur ex *Lib. 4. Regum Capp. 8. 11.*
12. 14. 15. Joram genuit Ochoziam, Ochozias genuit Joas, Joas ge-
nuit Amasiam, Amasias genuit Azariam, seu, ut legitur *Lib. 2. Pa-
ralip. Cap. 27.*, Oziam; qui fortè binomius fuit. Tres itaque Gra-
dus Genealogici apud Matthæum omittuntur; nempe Ochozias, Joas,
& Amasias.

At nec est illa proprii nominis Dissonantia, nec Matthæi Propo-
sitio *Joram genuit Oziam* absolutè falsa est. Quia Joram, sin minùs
immediatè, ut ajunt, at saltem mediatè Oziam genuit. Sicut enim
ex Sacrarum Scripturarum formula Nepotes, ac Pronepotes filii di-
cuntur Avorum, & Proavorum (ut dum Christus dicitur Filius Da-
vid; Judæi Filii Abrahæ) ita Avi, Proavique dici possunt genuisse
Nepotes, ac Pronepotes: Isaïz *Cap. 51.*: *Attendite ad Abraham
Patrem vestrum, & ad Saram, quæ peperit vos*; quanquam ætate Isaïz
annos circiter mille trecentos ab Abrahamo & Sara Judæi numera-
rent. Cur autem tres Illi intermediæ Progenitores a Matthæo silen-
tio missi fuerint, Ochozias, Joas, & Amasias, moralis ratio est:
quia nimirum tres illi Reges ex progenie erant Achabi: Joram enim
genuit Ochoziam ex Athalia filia Achabi: Deus autem Achabi pro-
geniei maledixerat usque ad mingentem ad parietem *Lib. 3. Reg.
Cap. 21.*; ideoque non erant in Christi Genealogia recensendi: uti
plane Tribus Dan in recensione *Signatorum ex omni Tribu Filio-
rum Israel* prætermissa est, *Apocalypf. Cap. 7.*, quia hæc a Dei cultu
defecerat, ac sese Gentibus immiscuerat, Judicum *Cap. 18.* Ideo tam-
men

men secuti deinceps Achabi Posterī in Christi Genealogia sunt recensiti, quia Dei maledictio Filiis interminata ob peccata Patrum, non protenditur ultra tertiam & quartam Generationem : *Ego sum Dominus Deus tuus, fortis, zelotes, visitans iniquitates Patrum in Filios, in tertiam, & quartam Generationem eorum, qui oderunt me; Exod. Cap. 20.* Dicit etiam posset, tres illos, Ochoziam, Joas, & Amasiam omisos ab Evangelista fuisse in odium Athalizæ Ochoziæ matris, pessimæ feminae, quæ, cognita Filii nece, per summam impietatem stirpem omnem Regiam interfecerat, excepto Joas, quem Josaba filia Regis Joram, & Ochoziæ soror furata est de medio Filiorum Regis, qui necabantur, & abscondit eum a facie Athalizæ, ne interficeretur, ut habetur eodem *Lib. 4. Reg. Cap. 11.*

Altera Dissonantia hujusmodi est : Apud Matthæum *Josias genuit Jechoniam, & Fratres ejus in transmigratione Babylonis.* Ubi duplex videtur Erratum. Primum, quia Josias non genuit Jechoniam, sed Joakin; Joakin verò genuit Jechoniam, ut legitur eodem *Lib. 4. Reg. Capp. 23., & 24.*; ubi nomen Joachaz filii Josiæ mutatum legimus (*Cap. 23.*) in Joakin; cujus Filius, qui *Cap. 24.* vocatur Joachin, ipsemet est Jechonias, ut notat Antonius Vitre in Editione sua Sacrorum Bibliorum, & colligitur ex *Cap. 22. Jeremiæ* : unde Gradus unus genealogicus videtur omisus. Secundum; quia Josias occubuit in Jerusalem ante transmigrationem Babylonis, ut habetur *Lib. 2. Paralip. Cap. 35.*; adeoque Jechoniam, & Fratres ejus generare non potuit in *transmigratione Babylonis.*

Missis implexis, obscurisque variorum Interpretum solutionibus, idem ferme repono, quod antea; gradum unum fuisse omisum : at justa de causa, & illæsa Evangelica veritate. Justa, inquam, de causa; quia Joakin Josiæ Filius, & Jechoniæ seu Joachin Pater, Vir nequissimus fuit; & ob ingentia scelera sepulturâ Asini extra portam Civitatis sepultus est, ut legitur *Jeremiæ Cap. 22.* Idcirco in Christi Progenitorum serie silentio mittendus Matthæo visus est, perinde ac Ochozias, Joas, & Amasias, de quibus antea dicebamus. Illæsa quoque Evangelica veritate id factum est : quippe stat semper, Josiam genuisse Jechoniam, non immediatè quidem, ut ajunt, sed medio Joakimo filio suo. Quæ loquendi ratio ex Sacrarum Scripturarum usu maximè est. Neque refert, si dixeris, Jechoniam, seu Joachinum (binomius enim fuit) haud multò meliorem fuisse Joakimo Patre suo, adeoque pari ratione fuisse mittendum. Ne enim omitteretur & ipse, ratio peculiaris obfuit; quia nimirum Dignitas Regum Juda ex Stirpe David in eo finem habuit; adeoque peculiaris ipsius mentio fieri debuit. Huc adde, non deesse, qui parent, omissionem illam Joakimi Josiæ filii a Matthæo ipso consultò factam non esse, sed Scribarum, & Amanuensium mendum fuisse.

Te

Testatur enim Faber Stapulensis, a Joanne Maldonato laudatus, legisse se Codicem Græcum ita referentem : *Josias autem genuit Joakin, Joakin autem genuit Jechoniam*. At num hæc verius peculiaris illius Scribæ audacia fuit, qui Joakimum de suo adiecit?

Alterum autem, quod addebatur, Erratum; nempe a Matthæo scriptum esse, *Josiam genuisse Jechoniam, & Fratres ejus in transmigratione Babylonis*; cum tamen Josias Hierosolymis mortuus sit ante hujusmodi transmigrationem, de facili refutabimus, si dixerimus, *quod in transmigratione Babylonis non referri ad verbum genuit, quasi Josias genuerit Jechoniam, etiam medio Joakimo, in ipsa Babylonis transmigratione (obieratenim diu ante, quam transmigrationis illa fieret) sed referri debere ad Jechoniam, & Fratres ejus, ac si diceret : Josias genuit Jechoniam, & Fratres ejus, qui postea fuerunt in transmigratione Babylonis*.

Tertia Dissonantia videri ista posset. Legimus apud Matthæum : *Et post transmigracionem Babylonis Jechonias genuit Salathiel* : Jeremiæ verò *Cap. 22. vers. 30.* Jechoniam sterilem legimus : *Scribe, inquit, Virum istum sterilem* : quomodo ergo genuit Salathielem? Rursus apud Lucam *Cap. 3.* legimus : *Qui fuit Salathiel, qui fuit Neri*. Neri igitur, non Jechonias, Salathielis Pater fuit. Demum *Lib. 2. Paralip. Cap. 36.* legimus, Joachinum, seu Jechoniam octo annorum fuisse, cum regnare cœpisset; regnasse verò in Jerusalem tribus mensibus, ac decem diebus; quibus elapsis, ductus fuit a Nabuchodonosore in Babylonem; qua certè ætate filios procreare non potuit : in ipsa igitur Captivitate eos procreasse dicendus erit, si quos procreavit; non autem post Captivitatem, quæ annis duravit septuaginta. Neque enim existimandum est, tanto tempore absque Liberis extitisse.

Ad singula Capita Responsio in promptu est. Imprimis enim Jechonias absolute sterilis dictus non est, cum multos habuerit filios, ut habetur *Lib. 1. Paralip. Cap. 3.*, videlicet Asir, Melchiram, Phadaja, Senneser, Jecemia, Sama, Nadabin, ac ipsum, de quo hic agitur, Salathielem; sed moraliter, ut ita dicam, vel politice; quod nimirum nullos de Stirpe sua Regni Hæredes, & Successores habuerit : quod ex ipsis Jeremiæ verbis liquet aperte : *Scribe Virum istum sterilem : Virum, qui in diebus suis non prosperabitur; nec enim erit de semine ejus Vir, qui sedeat super Solum David, & potestatem habeat ultra in Juda*. Ad alterum respondent Nonnulli, Salathielem, de quo Lucas, alium ab eo esse, de quo Matthæus. Ille enim, inquit, filius fuit Neri a Davide descendens per Nathanem; Iste filius Jechoniæ a Davide ducens originem per Salomonem. At si sic est, inguio ego; nullo jam

cer

certo documento evincemus, Christi Progenitores a Luca notatos infra Salathielem a Davide etiam per Salomonem descendisse : quod tamen necesse omnino est ; cum Christus a Davide per Salomonem esset oriturus, ut non obscure innuitur *Lib. 2. Reg. Cap. 7.* ubi Davidi prædicit Nathan futurum esse, ut in semine suo firmetur Regnum in sempiternum : quod certo certius de Christo Domino dictum est. Porro pro huiusmodi semine non alium intelligit, quam Salomonem, qui Templum erat ædificaturus : *Ipse*, ait, *edificabis Domum nomini meo ; & stabiliam thronum Regni ejus usque in sempiternum.* Quare reponunt Alii, Salathielem, de quo Matthæus, eundem ac illum esse, de quo Lucas ; filium tamen Naturæ fuisse Jechoniæ, adoptione verò filium Neri, quodd mortuo Jechonia vero ejus Parente, a Nerio fuisset adoptatus, adeoque Lucas Adoptionem spectasse potius, quam Naturam. Quod quis credat ? Alii demum Salathielem Neri filium, seu potius Nepotem dicunt ex parte Matris ; quodd hæc Neri filia esset. At cur, quæso, Lucas, relicto paterno, ad maternum Genus genealogicam Lineam detorsisset ? Quapropter verius reposuerim ego, Salathielem secundum Naturam filium fuisse Jechoniæ, secundum Legem Leviratus filium Neri ; quodd nempe Nerio sine Liberis extincto Jechonias Cognatus ejus relictam illius Viduam uxorem duxerit, e qua Salathielem susceperit. Tertium antilogiæ Caput levius est, quam ut quenquam morari possit. Matthæus enim Salathielem genitum scribens *post transmigrationem Babylonis*, eo nomine actum ipsum intellexit transmigrandi e Iudæa in Babylonem, non integram septuaginta annorum Captivitatem ; quasi expleta Captivitate ipse genuisset. Unde *post transmigrationem Babylonis* idem sonat ac *post transmigrationem e Iudæa in Babylonem*, ita ut Babylon fuerit terminus, ad quem facta fuit transmigratio, non a quo, soluta Captivitate, transmigratio facta iterum fuit in Iudæam. Hoc autem posito, stat optimè, Jechoniam Salathielem procreasse post transmigrationem in Babylonem ; eovidelicet septuaginta annorum spatio, quo captivus in Babylone mansit. Non itaque invicem collidunt Matthæus, & Scriptor Paralipomenon.

Quarta Dissonantia talis est : Apud Matthæum *Salathiel genuit Zorobabel* : contra verò *Lib. 1. Paralip. Cap. 3.* Zorobabel fuit filius Pedaïæ, non Salathielis : *De Pedaïa*, ait sacer Textus, *ori sunt Zorobabel, & Semei.*

Ita sanè. Verum Zorobabel, de quo sermo est *Lib. 1. Paralip.*, alius longè est ab eo, de quo mentio fit in Genealogia Salvatoris. Quare nil mirum, si alius ei Pater assignetur. Zorobabel, de quo Matthæus, ille ipse est, de quo agitur apud Esdræ, & Aggæum, qui semper Salathielis filius nuncupatur, *Lib. 1. Esdræ Cap. 3.*

Cap. 3. & Aggzi Capp. 1. & 2. Certè duorum Zorobabelium distinctio hinc maximè patet, quòd Illis diversè assignentur Filii. Zorobabelis enim Evangelici filius dicitur Abiud; alterius Zorobabelis filii dicuntur Mosolla, & Hanania, Lib. 1. Paralip. Cap. 3.

Quinta Dissonantia ita profertur: apud Lucam proximos Christi Avos ita notatos legimus: *Qui fuit Heli, qui fuit Masbat, qui fuit Levi, qui fuit Melchi*. Nonnulli tamen Patres, Gregorius Nazianzenus, Eusebius, Hieronymus, Augustinus, interdum, duobus mediis prætermis, ita simpliciter legunt: *Qui fuit Heli, qui fuit Melchi*.

Sit ita verò: Ergo ne Lucas in vitio est, si qui fortè Patres aliquando aliter legerint? Aut etiam, si Superis placet, ex Patribus Evangelium emendabimus, ac non potius Patres ex Evangelio? Si qui ergo alicubi legerunt aliter, nonnullosque inter scribendum genealogicos Gradus prætermisere; id vel oscitantia factum est, vel quòd in mendosos fortasse Codices, si qui tamen sunt hoc in Capite, inciderint aliquando.

Sexta & ultima Dissonantia gravior cæteris visa est. Apud Lucam inter Patriarchas, qui transacto Diluvio vivere, Arphaxad ponitur Cainanis Pater, Cainan Pater Sale: *Sale, qui fuit Cainan, qui fuit Arphaxad*: cùm contra in Libris Mosais, aliisque veteris Testamenti non uno in loco, sed pluries, prætermisso Cainane, Arphaxad Pater Sale fuisse dicatur: *Genes. Cap. 10. vers. 24; Cap. 11. vers. 12. & 13; Lib. 1. Paralip. Cap. 1. vers. 18*. Neque enim reponi huc potest, quod nuper Recentiore quendam respondisse video, quodque nos quoque alibi respondimus in antecessum ad alias hujusmodi omissiones; nimirum Arphaxad medietate, ut ita loquar, genuisse Sale, nempe intermedio Cainane; ut dum Ioram Oziam genuisse dicitur. Quandoquidem *Genes. Cap. 11. vers. 12.* expressè legitur: *Porro Arphaxad vixit triginta quinque annis, & genuit Sale*: quæ loquendi formula nullum medietate alicui Generationi locum relinquit. Si enim Arphaxadam inter, & Sale medius fuisset Cainan ipsius Sale Genitor, non jam Arphaxadus triginta quinque duntaxat annorum fuisset, dum Sale genitus est, sed longe plurium; nisi velimus asserere, utrumque, Arphaxadam & Cainam, ætate sexdecim duntaxat annorum Matrimonio fuisse copulatos, quod verisimilitudinem nullam habet; ea præsertim ætate temporum, qua, cùm vita Hominum ad plura Sæcula protenderetur, Matrimonia inire nonnisi Viri jam perfecti consueverant. Sed etsi daremus, unum illorum, vel alterum a communi illo usu recessisse, incredibile tamen prorsus est, ambos, immediatè unum post alterum, id præstitisse. Verosimilius igitur est, Arphaxadam filium suum primogenitum genuisse, dum annos tri-

gin-

ginta quinque circiter numeraret; adeoque fuisse Sale immediatum Arphaxadi filium, non medio Cainane progenitum.

Quapropter alterutrum fateri cogimur, vel mendum irrepisse in veteri Testamento, ex quo intermedia Cainanis Generatio detracta fuerit; vel id contigisse in Luca Evangelio, ubi perperam adiecta fuerit. Quia tamen facilius est, Scribarum oscitantiam, vel audaciam mendum semel tantum irrepisse *Lucæ Cap. 3.* per levem additionem præposterè factam, quam irrepisse omnino quater in veteri Testamento per studiosam Generationis unius detractionem; (tot enim vicibus ibi legimus, Arphaxad genuisse Sale, Cainane omisso) probabilius multò est, Cainanis Generationem Arphaxadum inter & Sale in Luca Evangelio a Scribis, & Amanuensibus fuisse insertam. Id ut asseram, alia multa me movent, quanquam vel hoc unum, etsi alia deessent, abunde sufficeret. Primò, quia nulla Cainanis illius inter Arphaxadum, & Sale mentio occurrit in Textu Hebraico Geneseos, & Paralipomenon; nulla in Versionibus Arabica, Chaldaica, Samaritana, ac etiam Vulgata nostra. Secundò, quia Berosus Chaldaeus, Eupolemon, Alexander Polyhistor, quorum Fragmenta extant apud Iosephum *Lib. 1. Antiquit. Cap. 8.*, & apud Eusebium *Lib. 9. Præparationis Evangelicæ*, Cainanem illum apertè rejiciunt: quippe qui Abrahamum decima post Diluvium Generatione vixisse, concorditer scribunt; qui tamen, numerato Cainane, undecimus esset. Tertiò, quia Scriptores Hebraei vetustiores atque insigniores, Iosephus, & Philo eundem in texenda Patriarcharum serie secundæ Etatis prætermittunt: uti etiam Eusebius Cæsariensis in Chronico; ubi annos veterum Patriarcharum enumerat ex triplici Textu Hebraico, Græco, & Samaritano. Quartò, quia, tametsi in hodierna septuaginta Interpretum Versione Cainanis Generatio legatur; liquet tamen, aliena & interpolatrice manu fuisse illic insertam, & a primigeniis illius Exemplaribus abfuisse; cum Philo Iudæus, Iosephus, Iulius Africanus, Irenæus, Theophilus Antiochenus, Origenes, Epiphanius, qui septuaginta Interpretum calculos sequi solent, Cainanem illum in Stemmata genealogico Patriarcharum omittant; notetque Procopius Gazæus ad *Cap. 11. Genesis*, Cainanis Generationem in Versione septuaginta Interpretum obelo fuisse confixam, in Haxap. Origenes: *Hebraica*, inquit, *veritas habet, Salem genitum esse ab Arphaxad: quæ deinde in medio ponuntur, obelo signata visuntur.* Quintò demum, quia abest idem ille Cainan a nonnullis pervetustis Codicibus Græcis, ipsius etiam Evangelii Lucae, ac maximè a Codice Græco-latino quarti, ut Plerique putant, Ecclesiæ Sæculi omnium probatissimo, in Galliis olim assertato; quique nunc extat in Bibliotheca Cantabrigiensi. Unde maximè liquet,

nequidem apud Lucam extitisse primitus Cainanem illum; sed deinceps temerè, vel per summam oscitantiam ab Amanuensibus fuisse insertum.

Sed extat, inquires, Cainan ille in Vulgata S. Lucæ Versione, quæ a Concilio Tridentino, ut authentica, probata fuit. Ita sanè: sed abest, inquit ego, in Vulgata veteris Testamenti Versione, quæ perinde authentica est, ejusdem Concilii Tridentini iudicio. Alterutro itaque loco mendum irrepsisse, necesse est, quantacumque sit illa Vulgatæ Versionis Authentia. Multiplex tamen in veteri Testamento, simplex in novo mendum erit: nam quater illic deest Cainan, istic semel abundat. Imò longè gravius illic mendum erit, patentiorque lacuna. Cùm enim Moyles *Genesis Cap. 11.* non modò narret Generationes omnes Patriarcharum a Noe usque ad Abraham; verùm etiam distinctè notet, quoto quisque vitæ suæ anno filium genuerit, quotque subinde annis post genitum filium supervixerit; si qua illic, Cainanis occasione, mutilatio facta est, consequens erit, non modò Cainanis Generationem fuisse detractam, sed etiam detractos perinde annos, quos Cainan numeraret, dum genuit Sale; annosque perinde, quos, post Sale genitum, ad mortem usque numeravit. Si quid ergo Vulgatæ Versionis Authentia nos movet, ne eam sub aliquo mendo curbare, de facili concedamus; quis non videat, concedendum potius leve, simplexque mendum in Evangelio Lucæ, quàm multiplex, graviusque in Moylis Pentatheuco?

Ut fatear nihilominus, quod res est, nihil istius generis menda, ubicumque contigerint, Vulgatæ Versionis Authentice officiunt: primò, quia constat ex Criticis universis, ac ex ipsa Præfatione Clementinæ Bibliorum Correctionis præfixa, leviora hujusmodi menda nonnulla etiam ad præsens in ea Versione reperiri, quorum Scriptores aliqui Elenchum, seu Indicem texuerunt: ibidem enim sic legimus: *In hac tamen pervulgata Lectione, sicut nonnulla consultiò mutata, ita etiam alia, quæ mutanda videbantur, consultiò immutata relicta sunt; tum quòd ita faciendum esse ad offensionem Populorum vitandam S. Hieronymus non semel admonuit; tum quòd facile fieri posse credendum est, ut Majores nostri, qui ex Hebræis, & Græcis Latina fecerunt, copiam meliorem, & emendatiorum Librorum habuerint, quam ii, qui post illorum aetatem ad nos pervenerunt, qui fortasse tam longo tempore identidem describendo minus puri, atque integri evaserunt: tum denique quia Sacræ Congregationi amplissimorum Cardinalium, aliisque eruditissimis Viris ad hoc opus a Sede Apostolica delectis propositum non fuit, novam aliquam Editionem eudere, vel antiquum Interpretem ulla ex parte corrigere, vel emendare; sed ipsam veterem, ac vulgatam Editionem*

nem Latinam a mendis veterum Librariorum, nec non praværum emendationum erroribus repurgatam, suæ præstinæ integritati, ac puritati, quoad ejus fieri potuit, restituere; eaque restituta, ut quàm emendatissimè imprimeretur juxta Concilii Œcumenici Decretum pro viribus operam dare. Secundò, quia etiam postquam probata fuit ut authentica a Concilio Tridentino, a variis mendis levioribus repurgata fuit a Sixto V., & Clemente VIII. Tertiò, quia ad illius Authenticiam satis est, si nihil contineat contra Fidem, aut bonos mores; nihil in gravioribus aberret a vero. Quartò, quia & Concilio Tridentino authentica dicta est comparatè ad reliquas Versiones; non quòd Fontibus Hebraicis, ac Græcis præferenda sit; ad quorum potius fidem publicâ Ecclesiæ autoritate emendari posset. Quæ omnia ne quis fortè audaciùs dicta putet, legat, si per otium vacat, Andreæ Vega *Lib. 15. de Justif. Cap. 9.*; Alphonsum Salmeronium *Proleg. 3. in Evang.* Robertum Bellarminum *Lib. 2. de Verbo Dei Capp. 10., & 11.*; Sixtum Senensem *Lib. 8. Biblioth.*; Card. Pallavicinum *Lib. 6. Hist. Concil. Tridentini Cap. 17.*; Serrarium *in Proleg. Cap. 19. quæst. 18.*, præter ea, quæ attulimus ex Præfatione recentioribus Bibliis affixa, ab Ecclesia admisa, atque probata.

Quia verò hanc hodiernis Theologis labem inuri video, ut, neglecta fide Majorum, in contraria nunc Sententia versari credantur, placet dictis adjicere, quæ paucis ante diebus Orator summus, idemque Theologus non vulgaris coram Eminentissimo Principe, ac delibato totius literatissimæ Civitatis Flore, e Suggestu pronuntiabat, dum de veterum Linguarum Studio Sacrarum Scripturarum Studiis adjungendo publicè diceret: „ Græcos, inquit, & „ Hebraicos Codices, tum ipsa verustate exesos, tum etiam multorum audaciâ corruptos esse: huc ipsos Tridentini Concilii Patres spectavisse, cùm Vulgatam unanimi consensu probaverunt; „ & unam ex omnibus Sacrorum Bibliorum Editionem Christianis hominibus commendarunt. Non tantum mihi a Vobis conceditur otii, ut veteri calumniæ, sæpiusque retusæ hodierna luce respondeam: id unum dicam, quod, ubi opus fuerit, gravissimorum Scriptorum Suffragiis confirmare possum: Vulgatam Editionem, non Græcæ, aut Hebrææ, sed reliquis Latinis, quarum magna copia & varietas in dies exibat, necessario illo Tridentinorum Patrum Decreto præpositam fuisse. Multa quidem commoda, ac prope innumera in Christianam Ecclesiam ad Fidei, Morumque Leges componendas per Synodum Tridentinam redundarunt; sed nihil tam grave accepimus, quàm quòd ex omnibus Latinis Sacrarum Scripturarum Interpretationibus una illa probata est, quæ cæterarum optima ac fidelissima nutantia

„ Multorum Ingenia, tanquam clavo, firmaret, certisque regionibus
 „ circumscriberet. Neque tamen ideo Hebraicis, aut Græcis Codi-
 „ cibus, unde Latini omnes, cæterique manarunt, quippiam au-
 „ thoritatis detractum est. Stat adhuc eorum fides firmissimis præ-
 „ fidiis sulta; licetque in rebus dubiis ad prima illa verbi Divini
 „ Exempla, non modò sine crimine, verùm etiam cum laude pro-
 „ vocare. Haud equidem nego, mutila quædam in illis esse; non-
 „ nulla etiam mendosa; sed & menda ipsa verendæ antiquitatis
 „ indicia sunt, & partibus insunt minimè necessariis; & in Vul-
 „ gatam quoque, Librariorum incuriâ, si minuta quælibet animad-
 „ vertimus, irrepserunt. Nihil novi assero, quod Summi Vulgatæ
 „ Patroni, si seriò & ex animo agant, negare possint. Sed ve-
 „ reor, Auditores, ne quemadmodum qui Dignitates in Republi-
 „ ca obtinere non possunt, privatum otium laudare solent, om-
 „ nemque rei gerendæ rationem conquestis difficultatibus improba-
 „ re; ita qui Græca & Hebraica Studia, sive animi infirmitate,
 „ sive inertia defugiunt, eorum laudem maligniùs imminuant;
 „ tantumque Latinis concedant, ut modum fidemque superet.

Hac celeberrimi Viri Sententia hodiernæ Prælectioni finem im-
 ponemus, ac de bina Christi Domini Genealogia ab utroque E-
 vangeliistâ, Matthæo & Luca, descripta, Argumentum claudimus.
 In sequenti ad Judæos, quos modicum quiescere sinimus cum alie-
 nis Hostibus pugnaturi, reditum faciemus; ut eos tandem, si quæ
 adhuc in nos, seu veriùs in Veritatem ipsam, arma tractanda te-
 nent, undequaque debellatos, ac penitus profligatos dimittamus.



PRÆLECTIO XIX.

Judeorum Effugia de Virga Tribulationis, ac de Promissis conditionatis præcluduntur.



AM satis induciarum Judæis concessimus, Viri Theologi, quo ex tempore de Jesu Stirpe, & Genealogia sermonem institimus. Tempus est, ut ad pristinos Hostes undique jam laceffitos, ac pene confectos audenti, alacrique animo redeamus. Postremum, si bene meministis, in eos impetum fecimus, dum Jacobæum Vaticanum de auferendo, Messia adoriente, Judaico Sceptro exponebamus; quod quidem circa Christi tempora impletum, ac penitus consummatum luculenter ostendimus, probavimus, propugnâvimus. Alia nunc præcludenda supersunt Effugia, quæ cæci Synagogæ Doctores, seu verius Adulatores & Deceptores, cùm Veteres, tum recentiores, undequaque perquirunt, ut ebibita Præjudicia in recutito Grege foveant, Errores tueantur, inanesque, quibus adhuc tenentur, spes alant, promissum sibi Liberatorem, alium a Jesu nostro, stultissimè præstolantes. Necdum enim Rabbinicarum Cavillationum finis est; necdum exhausta Sophismatum pharetra, quibus splendidissimo Jacobi morientis Oraculo nebulas offundere moliantur: *Non auferetur Sceptrum de Juda, & Dux de sæmore ejus, donec veniat, qui mittendus est.* Iis ergo jam satis pro sua audacia exagitatis, qui vel Messiam eo Vaticanio nequaquam prænuntiatum obtendunt, vel Sceptrum de domo Juda nequaquam ablatum fabulantur, in aciem Alii veniunt pro aris, & focis pugnaturi; qui novis quæsitis diverticulis totum sacri Oraculi sensum invertunt.

Accedunt primi in ordine nonnulli Judaicarum partium Magistrelli, qui dicunt, vocem hebraicam *Sceverb*, quam latinus noster Interpretes *Sceptrum* vertit, Virgam simpliciter significare; seu sit illa Regiminis virga, atque Imperii justî, quam *Sceptrum* Latini dicunt, de qua *Psal. 44.*; *Virga directionis, virga Regni tui*; seu sit illa tribulationis Virga, de qua *Psal. 2.*: *Reges eos in virga ferrea*. Quo posito, subjungunt, hebraicam illam vocem *Sceverb* nequaquam in Jacobæo Vaticanio denotare summum, ac justum Imperium, quod in Tribu Juda, vel in tota Judaica Gente ad Messiam usque mansurum esset, sed tribulationem, atque tyrannidem, qua misera Gens usque ad Messia Adventum premenda sit, atque jactanda: sic ut iste sit

Ora

Oraculi sensus : *Non auferetur Virga tribulationis de Juda , donec veniat , qui mittendus est.* Hincque audacissimè colligunt , Messiam ea maximè ratione non venisse , quòd Judaica Gens ea etiamnum tyrannide , atque tribulatione jactetur , quæ , nonnisi adventante Messia , finem est habitura : nec modò telum eludunt , quo illos paulò antea petebamus , sed & regerunt in nos ipsos.

Id quidem prima fronte subtiliter excogitatum : at improbè prorsus , & contra Oraculi Contextum , si paulò penitus observetur . Demus enim , vocem *Scevetb* seorsim sumptam Virgam perinde significare posse , ac Sceptrum : demus Virgæ nomine aequè Tribulationis Virgam exprimi posse , ac Virgam Directionis , atque Regiminis , seu Imperium justum , & mite : vetant nihilominus hujusce Oraculi Adjuncta , ne hanc illi interpretationem a Judæis excogitatam accommodemus . Duo enim conjungit Jacobum Oraculum : non auferendum Sceptrum , seu , ut ipsi volunt , Virgam ; & Ducem de scemore Judæ non defuturum , donec veniat , qui mittendus est . At Dux ille de scemore Judæ nunquam defuturus , donec Messias advenierit , non tyrannus profectò est , nec Judaicæ Gentis inimicus , sed legitimus , consanguineus , contribulis , ac beneficus Princeps . Quod ergo de Virga (siquidem ita illis vertere libet) ad Adventum usque Messia non defutura hoc loco dicitur , non de Virga Tribulationis , sed de Virga Directionis , Regiminis , Imperii justī , uno verbo , de Sceptro intelligere necesse est . Quod cum ab annis mille , ac septingentis , & eò amplius , ablatum sit , Ducesque de scemore Judæ desierint , Messiam dudum adventasse , certissimè liquet .

Hoc idem inficetorum Rabbīnorum interpretamentum explodunt septuaginta Interpretes , quos hebraici vocabuli *Scevetb* potestatem ignorasse Judæi non dicent . Ii quippe Vulgatæ Versionis nostræ sensum non modò reddunt , verum etiam nitidiùs explicant , dum vocabulum *Scevetb* non Sceptrum , quod figuratæ locutionis nomen est , sed *Principem* simpliciter vertunt : *Non deficiet Princeps ex Juda , & Dux de scemoribus ejus , donec veniant , quæ promissa sunt ei.* Quibus per omnia consentiunt Paraphrastæ Chaldæi , Judæi & ipsi , ita vertentes : *Non auferetur habens Principatum ex Domo Juda donec veniat Messias :* Thalmudistæ quoque , R. Maimonides , R. Bechai , R. Raichi , R. Chaskuni , alique , quos recensere longum esset . Adeo scilicet prisci illi Judæi , & hebraicæ linguæ periti ab eo *Virgæ Tribulationis* interpretamento nuperrimè excogitato procul aberant .

Sed nec advertunt imprudentes Magistelli , qui hoc nobis interpretamentum obtrudunt , falsum omnino fore Jacobum Vaticinium , si de Virga Tribulationis nunquam Judæis defutura , deque Domi-
natu

natu tyrannico deberet intelligi. Equis enim dixerit, Judæos post istud Jacobi morientis Vaticinium sub injusto Dominatu, ac Tribulationis Virga perpetuò gemuisse? Certè a Davide usque ad Sedeciam annorum ferme quingentorum spatio regiam Potestatem obtinuit Tribus Juda : mitissimis tunc, & æquissimis Regibus paruit Judaica Gens ; nullumque toto illo temporis tractu exterorum Principum dominatum passa est. Rursus post Sedeciam, solutamque Captivitatem Babylonicam sub Reipublicæ forma Magnatibus suis paruit Judaica Gens, suisque Legibus stetit ad Herodem usque annis supra sexcentis. Errore itaque laboraret Jacobæum Oraculum, si de Virga Tribulationis veniret intelligendum ; quasi Judaica Gens a tempore Jacobi perpetua ad Messiam usque Tribulatione jactanda fuisset.

Accedit & istud observatione dignissimum : Jacob proximè mortuum benedictionemque Filiis largientem fausta Filio suo Judæ ominatum esse. Id ejus ad Filium Oratio integra disertè probat. Non faustum porro, lætumque, sed malum admodum esset omen, si perpetua tribulatione jactatum iri Judaicam Gentem prænuntiasset, donec Messias Mundo illucesceret.

Ea itaque statione dimissa, utpote iniquiori, ac male tuta, Alii aliò se recipiunt. Ii scilicet, cùm promissi Messiae tempora successisse certè videant, Prophetarumque Vaticinia commodè satis interpretari non possint, ut suum etiamnum Errorem in tuto ponant, eòdemque confugiunt, ut dicant, Messiae Adventum ob ingentia Judaicæ Gentis scelera fuisse procrastinatum ultra præfinitum, statutumque tempus. Promissiones itaque salutaris Adventus hypoteticas fuisse volunt, si nempe pietatem, justitiamque Judæi colerent : quod cùm illi non egerint, in aliam tempestatem dilata illorum liberatio est.

Vah pessimam desperatæ Causæ advocationem ! Nullum etenim Prophetarum Vaticinium est, quod simili exceptione eludi non posset. Et quidem, si quæ sunt hypotheticæ Prophetiæ, certisque conditionibus alligatæ, has ipsas condiciones fronte præferunt ; sin minus, aliis saltem Scripturæ Locis condiciones hujusmodi adnotantur. Jacobæum autem, quod expendimus, Vaticinium conditionem nullam præferit ; nullusque Scripturæ Sacræ Locus proferri potest, unde illam colligere liceat. Imò cætera omnia, quæ venturi Messiae tempus definiunt, Scripturarum Oracula, plana prorsus, absolutaque sunt ; nulla pendula, aut certis conditionibus alligata. Sic venturum illum portendunt Aggeus, & Malachias stante adhuc Salomonis Templo a Zorobabele instaurato. Post hebdomadas sexaginta duas occidendum Christum vaticinatus est Daniel ; nullis plane conditionibus adjunctis, quibus præfiniti temporis ratio pendula sit. Ut plane perspicuum fiat, Iudæos desperatæ Causæ necessitate absconum istud Effugium quæsisse.

Et

Et verò, si in aliud tempus, quàm quod erat in Vaticiniis, Messia Adventus protractus est, indigent ergo Judæi, quodnam illud tandem sit? Incertum illud esse respondent, nullumque re ipsa definiunt, quo demum elapso, Messias cerò sit oriturus. In incerto igitur fluctuare necesse est: cùmque Deus tot Signis, tot Characteribus, tot Notis salutis Adventus tempora in Scripturis definiarit, ne in Messia recipiendo, auscultandoque falleremur, neve in rei summa Error obreperet; nullum jam certum calculum haberemus, ad quem veri Messia agnitionem exigere liceat; Divinis scilicet Consiliis immutatis, rebulque ob scelera Judæorum in incertum tempus procrastinatis, atque dilatis. Quod quàm absonum sit, nemo non intelligit, nisi qui cerebrum in calcaneo gestat.

Quid etiam tam absonum, quàm Messia Adventum ob Judaici Populi peccata dilatum effutire? Id plane perinde est, ac si quis dilatum Medici Adventum obtenderet ob ingravescentem decumbentis Hominis ægritudinem: cùm contra potius hac ipsa decausa maturare Adventum oportuerit crescente Hominis vitio, atque peccato, in cuius remedium Messiam venturum Prophetæ veteres cecinerunt.

Accedit, quod in superioribus demonstravimus, Messiam non in Judæorum duntaxat, verùm etiam in Gentilium Salutem venturum fuisse. Quæ ergo æquitas patitur, ut Gentilium Servatorem ob Judæorum delicta procrastinatum existimemus? Quasi Gentiles peccatorum a Judæis admissorum pœnas essent luituri.

Sed & qui ista tam fidenter, tam liberaliter fabulantur, ut Vaticiniorum vim elidant, recedunt a Gregalium suorum professione. Vulgata quippe est Rabbinorum Opinio, quam etiam R. Juda multis confirmat in Libro *Sanhedrin*, corruptissimos fore Judæorum mores, quo tempore Mundo Messias illucescet, Doctorumque suorum Conventus impudiciâ infames fore. Ut quid ergo propter scelera Judæorum Messia Adventus dilatus esset, quem corruptissimis temporibus venturum Rabbinii ipsimet profitentur? Certè fœderatos mendaces non sui tantùm, sed & Sociorum oportet esse memores.

Unus omnium forsan erit Scripturæ Locus, quo abuti Iudæi possint, ut suum illud de conditionata Messia Promissione figmentum obducant: *Psalms* scilicet 131. Testimonium; ubi Deus Davidi spondidisse fertur, futurum, ut ejus Posterii Regnum perpetuò obtinerent, si tamen divinis Mandatis obsequerentur: *Si custodierint Filii tui testamentum meum, & testimonia mea hæc, quæ docebo eos: & Filii eorum usque in sæculum sedebunt super Sedem tuam.* At nec id quidem Iudæorum Causam juvare potest. Aliud quippe est temporale Iudææ Regnum, aliud Regnum spirituale, ac perenne Chri-

Christi promissi. Prioris Regni temporalis perennitatem sub conditione promissam ultrò concedimus : secundi Regni spiritualis Christi venturi negamus. Imo verò usque adeo certò, absoluteque perenne Messiae Imperium spirituale promissit, ut etiam disertissimè denuntiavit, se Domum Jacob, ac Regnum spirituale in Messia servaturum, tametsi temporale Judææ Regnum ob illius Gentis scelera everurus esset : *Ecce oculi Domini Dei*, inquit Amos Cap. 9: *super Regnum peccans, & conteram illud a facie terræ : veruntamen conterens non conteram domum Jacob.* Quid hoc porro non conteram domum Jacob, nisi Messiae Regnum sartum testumque servabo, tametsi temporale Judææ Regnum sim everurus? In eundem omnino sensum *Psal. 88. v. 30. & seq.* Davidis Posterorum delicta, si quæ fortè contingant, castigaturum denuntiavit Deus; non ideo tamen oppigneratam illi fidem negaturum, Regnumque ipsius (in spirituale utique commutatum) in ejus semine Christo Domino perenniter servaturum : *Ponam in seculum seculi semen ejus, & thronum ejus sicut dies Cæli. Si autem dereliquerint filii ejus legem meam; & in judiciis meis non ambulaverint; si justitias meas prophanaverint; & mandata mea non custodierint: visitabo in virga iniquitates eorum, & in verberibus peccata eorum. Misericordiam autem meam non dispergam ab eo; neque nocebo in veritate mea: neque prophanabo testamentum meum; & quæ procedunt de labiis meis non faciam irrita. Semel juravi in sancto meo, si David mentiar; semen ejus in æternum manebit.* Quid plura? Ejusdem spiritualis Regni perennitatem adeo firmiter, absoluteque, omnique semota conditione, Davidi sponndit Deus, ut sacramentum, ac jusjurandum addiderit Jeremiæ Cap. 33.: *Hæc dicit Dominus: si irritum potest fieri pactum meum cum die, & pactum meum cum nocte, ut non sit dies, & nox in tempore suo; & pactum meum irritum esse poteris cum David servo meo, ut non sit ex eo filius, qui regnet in Throno ejus.* Quæ verba non de Salomone, aliove carnali Davidis Filio temporaliter regnaturo intelligenda esse, sed de Christo Davidis Filio, inde maxime liquet, quòd hæc a Jeremia proferantur, qui quadringentis circiter annis post Salomonem prophetavit, imò & omnibus Judææ Regibus jam Mundo sublatis. Quare nonnisi in Jesu nostro Nazareno exitum habuere; de quo Angelus Mariam Virginem alloquens, *Erit, inquit, Magnus, & Filius Altissimi vocabitur: & dabit illi Dominus Deus sedem David Patris ejus & Regni ejus non erit finis*, Lucæ Cap. 1. Perperam ergo Messiae Regnum, ac Dominatum sub conditione promissum dicunt Judæorum aliqui.

At quid ultra in abscono figmento confutando ludimus operam? Judæis jugulum petit ille ipse *Psalms 131.* *Locus, quem appellant.*

Duo quippe cautè secernit; Messiam ex Davidis semine mittendum, & Regnum temporale ad Posterum transitorium. Primum non modò absolute, verùm etiam sub sacramento promittit: *Juravi Dominus David veritatem, & non frustrabitur eam; de fructu ventris tui ponam super sedem tuam.* En primum: tum e vestigio subdit alterum sub conditione pietatis, ac religionis Posterorum: *Si custodierint filii tui testamentum meum, & testimonia mea hæc, quæ docebo eos; & filii eorum usque in sæculum sedebunt super sedem tuam.* Toto igitur aberrant ostio, qui, quod de temporali Judæ Regno sub conditione Davidi promissum est, ad Messie Adventum iniquè detorquent, quasi Is nonnisi sub conditione promissus esset.

Quandoquidem autem Judæi peccatorum suorum, quibus iram Dei concitarunt, mentionem ingerunt, adeo ut hac ipsa de causa dilatum Messie Adventum existiment; dispendium Causæ fecerim, si quod inde in illos Argumentum erui potest, tacitus prætermiserim. Quæram igitur ab eis, quodnam illud tam grande, tam immane scelus sit, quo in præsentia tenentur. Certè ii nec Idola nunc colunt, nec prophetant in nomine Baal, nec Filios Dæmonii immolant, nec Deos sibi propriis manibus fabricantur, uti Patres eorum quondam aliàs attentarunt. Et tamen diuturniori servitute premuntur hodie, quàm unquam retroactis Sæculis pressi sint, dum Idololatriæ crimine polluerentur. Quodnam ergo peccatum illud est, quo tantam Numinis iram suis cervicibus concitarunt? Illud certè, quod Idololatriam multis nominibus superat: illud, inquam, quo Messiam Cælo demissum tradiderunt, venderunt, ac Cruci tandem suffixerunt. Nullum enim aliud indigitare ipsi possunt, quo annorum mille, ac septingentorum servitutem (ne quid de futuro dicamus) promereri potuerint. Vadem hic, testemque habemus Amosum Cap. 2. : *Hæc dicit Dominus: super tribus sceleribus Israel, & super quatuor non convertam eum: pro eo, quod vendideris pro argento Justum, & Pauperem pro calceamentis.* Quodnam enim quartum illud Israelis scelus est, cujus causa effectum ait Amosus, ut illum Deus minimè convertat? Non aliud sanè, nisi Christiadi mortem traditio, atque venditio. Josephi quippe venditio, de qua locutum Amosum Judæi respondent, ne victi eo Testimonio videantur, nec quartum Israelis scelus fuit, nec interminabili servitute punitum est, sed paucorum duntaxat annorum, a Josephi ipsius morte ad exitum ex Ægypto computandorum. Ita quippe quatuor Israelis scelera, totidemque iisdem inflicte servitutes, ac poenæ distinguantur: Primum scelus Josephi Venditio, cujus causa secuta est Captivitas Ægyptiaca: Secundum Adoratio Vituli aurei, unde secuta Captivitas sub manu Assyrio-

rum

rum, tempore Judicum : Tertium Occisio Prophetarum, unde nata Captivitas Babylonica : Quartum demum Traditio Christi ad mortem, unde praesens Judaicae Gentis dissipatio, dispersio, misera servitus in ævum duratura.

Obfirmant nihilominus animum, miseramque, qua premuntur ubique gentium, servitutem aliunde ortam contendunt, quam ex illata Christo Domino morte turpissima. Tum quodd nonnisi post annos totos ab illata Jesu morte triginta sex Judæorum dissipatio, atque dispersio coepta sit; haud ita procrastinanda, ac differenda, si in illatae mortis hujus poenam inflicta esset. Tum quodd mitior pro sceleris gravitate poena foret, si verum Christum Dominum occidissent; qui potius ob id ipsum deleri ex integro meruissent.

Quid id, quæso, per fidem vestram? Numquid non *Altissimus patiens est redditor? Eccles. Cap. 5.* Certè Diluvium nonnisi post annos centum viginti immissum est, quo ex tempore *omnis caro corrumperet viam suam*: Captivitas Ægyptiaca post annos amplius octoginta a Josephi venditione coepta est: Assyriaca post annos circiter centum a confiato, & adorato Vitulo aureo. Quid ergo mirum; si ad annum post Christi mortem trigessimum sextum Judæorum dispersio, ac dissipatio dilata sit, quamquàm in tanti sceleris poenam inflicta censetur? Nihil quoque refert, si levior Deicidio judicetur poena hæc; perperamque inde colligitur, non fuisse illam ad puniendum Deicidium Judæis inflictam; cum vix unquam pares delictis poenas temporales infligat Deus, qui temperatum Misericordia judicium in fontes exercet. Tametsi haud satis scio; durius ne in perfidam Gentem animadversum esset, si momento deleta fuisset ex integro, quam quodd suis pulsa Sedibus, dispersa quaquaversum, ac dissipata in Nepotibus etiam, ac Pronepotibus puniatur. Quibus & illud addere præstat, quodd ex Augustino docuimus alibi; Judæos, ita volente Deo, a Romanis victoribus non esse deletos ex integro, sed cum lucis hujus usura relictos; non utique ad poenæ mitigationem, sed ad Ecclesiae Catholicae bonum, profectumque credentium, *Enarrat. 1. in Psal. 58. : Sunt ergo Judæi, non sunt occisi, necessarii sunt credentibus Gentibus. Quare hoc? ut demonstret nobis in inimicis nostris misericordiam suam. In vasis superbia præcisus inserto misericordiam suam demonstrat oleastro.* Eo sanè modo, quo Deus, cujus inscrutabilia judicia sunt, *Sustinuit in multa patientia vasa iræ apta in interitum, ut ostenderet divitias gloriæ suæ in vasa misericordiæ, quæ præparavit in gloriam, ad Rom. Cap. 9.*

Iis considerationibus commotus illorum unus, dum has illi in familiari collatione proponerem, quid putatis, reposuit mihi? Rem plane foedam dictu, foedam auditu. Respondit scilicet ille gemen-

bundus, suspiriaque ex imo trahens, Gentem suam dira quidem, ac diuturna servitute premi ob Jesum Nazarenum; non quod illum morte damnaissent, sed quod is Homo cum esset, Divinitatis sibi Titulos arrogarit, seque uti Messiam nefarie vendidit: quam audaciam Deus zelotes ita malo animo habuit, ut ob idipsum totam Judaicam Gentem, unde ille ortus erat, servitute, dispersione, ac vilipendio damnarit. Sic ille profecto Argumentum, quod in ejus Caput contorseram, non eludere modò, sed & in Christianos regerere sibi videbatur: Proh delirum Argutorem! Ecce ergo, si sacros Divinitatis Titulos, Messiaeque dignitatem sibi arrogavit immeritò Jesus noster, Judæi tanti sceleris poenam luerent; cum illi ob id ipsum in eum animadverterint, illum damnarent, Cruci sufflexerint? Illi enim ipsi sunt, qui Pilato nullam in ipso mortis Causam inveniendi succlamarunt: *Nos Legem habemus, & secundum Legem debes mori, quia filium Dei se fecit* Joan. Cap. 19. Non plectendi ergo, sed magno præmio afficiendi Judæi essent, qui suas in illum partes tam religiose implevisent, & affectata Divinitatis poenas ab Impostore exegissent. In Christianos longè verius Dei furor exarsisset, qui nefarii Impostoris partes secuti Divinitatis Titulos in eo venerantur. Ii, ii servitute, dispersione, vilipendio. damnandi essent, qui in sceleris partem veniant, Jesumque Nazarenum talem habent, colunt, adorant, qualis ipse haberi voluit.

Haud ita blasphemum videri poterit præfci cujuspiam Judæi Responsum, qui suæ licet Synagogæ honori consultum iret, nullo tamen Jesum nostrum onerabat probro, dum diceret: nihil cum Jesu Nazareno habere commune suam illam, qua premuntur ubique gentium, miseram servitutem; nec in sceleris alicujus poenam illis a Deo esse inflatam; sed in majus Divini erga ipsos Amoris argumentum: *Quos enim amat Deus, arguit, & castigat*, Apocal. Cap. 3. Ac quemadmodum *via impiorum prosperatur* interdum, Jerem. Cap. 12. ita nil mirum, si rebus adversis premantur & Justî sæpe numero. Eo vel maxime, quod si poenæ loco inflata esset Judaicæ Genti servitus adeo diuturna, consuetas Justitiæ leges Deus prætergressus esset, secundum quas *visitat peccata Patrum in Filios in tertiano duntaxat, & quorundam generationem*, Numerorum Cap. 14. Iudæi enim ad centesimam usque generationem adversis urgentur rebus, exilioque damnantur.

Verum quantum alter Servatori Christo, tantum iste justo Iudici Deo injurius est. Etsi enim Justos, quos diligit Deus, poenis quandoque corporalibus afficiat, atque ad certum tempus, ut eisdem emendet, ac probet magis; spiritualibus tamen, iisque perennibus nunquam affligit. Iudæi autem non corporalibus duntaxat poenis

pœnis, sed & spiritualibus; nec temporalibus modò, sed & perennibus afficiuntur: qualis profectò est Templi, Sacrificii, ac Sacerdotii jactura ad finem usque sæculi duratura; quæ ipsorum servitutis, atque exilii pars maxima reputatur. Alia quoque pœnarum, quæ toti Iudaicæ Genti; alia earum, quæ Privatis infliguntur, ratio est. Cum enim bonorum temporalium copiam, & ubertatem Iudaicæ Genti spondidisset Deus, si traditam sibi Legem religiosè servaret; Divinæ plane Fidelitati repugnat, ærumnis, atque miseriis temporalibus obrui Gentem integram, (quidquid Privatis casu contingat) nisi in generalis cujuspiam sceleris pœnam. Neque verò statutas Iustitiæ leges prætergreditur Deus, dum Christi Crucifixorum scelus ad centesimam usque generationem castigat, castigabitque ad millesimam usque. Quia quandiu peccatum Patrum affectu perseverat in Filiis, tamdiu iuste castigatur in eis, nullo præfinito veniæ tempore. Sic autem hac etiam ætate Iudæi affecti sunt animo, ut Christum iteratò Cruci suffigerent, si fortè in illorum manus incideret, & esset ipse passibilis. Quid mirum ergo, si illos paterni etiamnum sceleris pœna maneat?

Postulat pertractatum hætenus tribus Prælectionibus Argumentum adversus Iudæos validissimum de Iudæ Sceptro nunquam, donec Christus advenerit, auferendo, ut quid *Judæ* nomine intelligi debeat, inquiramus. Sunt etenim Christianos inter, ac summè Catholicos Viros, qui *Judæ* vocabulo specialem Tribum Iudæ notatam existiment; quasi sola hæc ad Christum usque supremam auctoritatem obtinuerit: Alii *Judæ* nomine totam promiscuè Iudaicam Gentem intelligi volunt; penes quam suprema Potestas ad Christum usque constitit. Quidquid ea in re definire libuerit, perinde Causa Iudæi cadent; cum Iesu nostro adventante non modò specialis Iudæ Tribus, sed & tota promiscuè Iudaica Gens suprema Auctoritate exuta sit. Unde, ea intacta Controversia, ad alia progredi animus erat. Verùm quoniam non incuriosa Quæstio hæc est; quæque non parum lucis afferet Vaticinio Iacobæo, unde invictum adeo contra Iudæos Momentum delibavimus; idcirco in ea quoque pertractanda industriam nostram, ac diligentiam exercendam judicavimus. Erit itaque sequentis Prælectionis Argumentum.

PRÆLECTIO XX.

Sceptrum, seu Imperium, quod ante Messiae tempora de Juda non auferendum vaticinatus est Jacob, privata ne Tribus fuerit, an potius totius Judaicae Gentis, expenditur.



POST Judæos celeberrimo Jacobi morientis Oraculo repressos diu, ac debellatos, cum nonnullis Christiani nominis Professoribus congregandum nobis est: qui tametsi & impletum Oraculum, & ablatum dudum Judæ Sceptrum probè noverint; quid tamen Judæ nomine significatum voluerit Patriarcha Sanctissimus, non omnino inter sese consentiunt. Sunt etenim, qui totam promiscuè Judaicam Gentem designari volunt suprema Authoritate potituram, donec demissus Cælo Messias Mundo illucesceret; Alii peculiarem Judæ Tribum notatam existimant, tanquam unicam supremæ inter Judæos Potestatis hæredem ad tempus usque Christi Domini regnaturam. Quin & hoc ipso secundo in ordine non desunt, qui peculiarem Judæ Tribum, non Homines ipsos a Juda prognatos intelligant, quos ad Christum usque regnatos dixerit Patriarcha Sanctissimus, sed Judæ Sortem, seu Possessionem, ac Regionem, quæ in Terræ promissæ partitione Judæ Tribui obventura erat: ut nimirum pronuntiati Vaticinii sensus sit: non ablatum iri Sceptrum de Juda, hoc est, Regni Sedem futuram in Tribu Juda, seu in Sorte Tribus Judæ, Hierosolymis scilicet, nec inde auferendam (quicumque tandem ibi Principatum obtineant) donec Christus advenerit.

Quàm procul a vero aberraverint, qui postremam illam explicandi Vaticinii viam aperuere, multis evincere non est opus. Patet res ipsa per sese. Duo quippe conjungit Vaticinium Jacobæum: non auferendum Sceptrum de Juda, & Ducem de scemore Judæ non defuturum, donec Christus advenerit. Si ergo Judæ nomine peculiarem Judæ Tribum Iacob voluit intelligi, ut illi quidem autumant, non Sceptrum itaque in ejus duntaxat Sorte duraturum portendit a quibuslibet obtinendum, sed Sceptrum potius a solis Judæ Posteris, ex ejus scilicet scemore orituris ad Christi usque tempora possidendum. Huc illud adde: acceptam eo sensu primam illam Iacobæi Vaticinii partem falsissimam fore. Nec enim toto Iudicum Principatu, qui annos obtinuit trecentos sexaginta quinque; nec Saulis ætate, qui per annos quadraginta regnavit super Israe-

Israelem, Regni Sedes in Sorte Tribus Iuda semper fuit, multò minùs Hierosolymis substitit. Sed neque quo ex tempore in Sorte Iuda, ac Hierosolymis constituta est Regni Sedes, ibidem ad Christum usque perennavit, quæ per annos septuaginta fuit in Babylo-
ne, regnantibus illic Ioachimo, & Sedecia. Nec omittendum, impletum non iri ea in Hypothesi Sacrum Oraculum, dum ad Herodem translatum est Sceptrum: cùm & tunc quoque in Sorte Tribus Iuda, ac Hierosolymis perennaret Regni Sedes; ubi fixam Herodes habebat Regiam, non secus ac David, illiusque Nepotes.

Illud verò, quod ad eam interpretationem cohonestandam obtruditur, indignum est, ut refellatur a nobis: in id scilicet intendisse Davidem, dum ait *Psal. 77. Repulsi Tabernaculum Joseph: & Tribum Ephraim non elegit: sed elegit Tribum Iuda, montem Sion, quem dilexisti*. Quasi verò de Regni Sede loquatur illic Regius Vates, quam in sola Tribu Iuda, ac Hierosolymis fixam voluerit Deus; ac non potius de Arca fœderis, quam de Silo Ephraimiticæ Iosephi Tribus Civitate transferri voluit, ut in Templum Hierosolymitanum tandem aliquando inferretur, ibidemque custodiretur: juxta quod ibidem *v. 60.* dicitur: *Repulsi Tabernaculum Silo, Tabernaculum suum, ubi habitavit in hominibus*. Quanquam etiam, si de Regni Sede, quam Hierosolymis fixam manere jussisset Deus, locutus esset Regius Vates, quid inde, quæso, colligeretur, id unum Iudæ Filio promississe Iacobum, non defuturam in ejus Sorte Regni Sedem a quibuslibet Tribulibus occupandam?

Ea igitur eliminatâ Sententiâ, quam primus omnium, si benè conjicio, Perrerus invexit, multisque subinde pigmentis obduxit Bonfrerius, eò Difficultatem redactam video, num Iudæ nomine tota Iudaica Gens, quæ ab ipso nomen accepit, an verò peculiaris Iudæ Tribus intelligenda veniat in Vaticinio Iacobæo?

Qua in re, ne diutius in limine hæream, iis me libenter assentiri profiteor, qui Iacobi morientis Oraculum non de sola Iudæ Tribu, Principibusque eo Genere ortis intelligendum opinantur; quasi penes illos solos Iudæ Sceptrum ad ortum usque Messis perpetuo steterit; sed de tota Iudaica Gente, quæ ad Christum usque supremum in suos Imperium ita tenuit, ut ex quibuslibet Tribubus Principes suos indiscriminatim habuerit. Ita sane Ecclesiæ Patres communi pene calculo definiunt: ita Iudaicæ Gentis Historia præorsus evincit.

Verumenimvero antiqui pene omnes Ecclesiæ Patres, qui Iudæos Argumento ex celebri Iacobi morientis Prophetia deducto exagitarunt, nempe S. Iustinus Martyr in *Dialogo cum Triphone* Ju-

Judæo; S. Athanasius *Lib. de Incarnatione Verbi Dei*; S. Ioannes Chrysostomus *Homil. 67. in Genesim*; Eusebius *Lib. 8. Demonstrationis Evangelicæ*; S. Ambrosius *Lib. de Benedictionibus Patriarcharum Cap. 4.*; S. Augustinus *Lib. 18. de Civitate Dei Cap. 45.*; Theodoretus *Questione pariter in Genesim 109. li.* inquam, omnes Ecclesiæ Patres Sceptrum de Iuda ad Christi Domini ortum propterea non defecisse asserunt, quod Iudæi usque ad Christi Natale Principes ex Gente sua, ex Genere suo semper habuerint; non quod ad id usque temporis penes unam Iudæ Tribum steterit suprema Potestas. Oraculum igitur Iacobæum ad totam Iudaicam Gentem, non ad unam Iudæ Tribum referendum existimaverunt.

Id Iudaicæ Gentis Historia ex Sacris Literis petita multò luculentius evincit; quæ a pronuntiato celebri illo Oraculo ad Christum usque multos Iudaicæ Genti Principes, ac supremos Dominos præfuisse tradit ex aliis a Iuda Tribubus oriundos. Plane sua huic Oraculo veritas nullo pacto constaret, si de sola Tribu Iuda veniret intelligendum. Oraculum enim fudit Patriarcha Sanctissimus in Ægypto degens, atque extremis vitæ metis admotus; porro ab ejus obitu ad Davidem usque non paucos Iudaicæ Genti præfuisse liquet, qui Iudæ Tribules nequaquam essent. Ut enim totum Ægyptiacæ Servitutis tempus omittamus (quandoquidem sui tunc Iuris Hebræi non erant, sed Ægypti parebant Regibus) ubi primùm soluta Captivitate Ægyptiaca sui Iuris effecti sunt, cœperuntque a propriis Gentis suæ Ducibus regi, Moysen primò, tum deinde Iosue Principes habuere, non illos profectò de Tribu Iuda; cùm Is de Tribu Levi, Iste de Tribu Ephraim originem duceret. Iis fato sublati, Terraque promissionis ab Israelitis occupata, secuta est Iudicum Dominatio. Fuerunt illi numero trèdecim, qui trecentis, & amplius annis Iudaicum Populum cum summa Potestate rexerunt. Ex iis autem duo duntaxat ex Tribu Iuda prognati fuere, Othoniel, & Abesân; cæteri ex quibuslibet aliis Tribubus oriundi. Iudicum Principatui successit Regum Imperium in Iudaicæ Gentis regimine. Regum verò primus Saul fuit de Tribu Benjamin; huicque demum successit David, qui Regium Sceptrum in domum Iuda, e qua ille ortus erat, primùm intulit. Non itaque penes unam Iudæ Tribum Iudaicæ Gentis stetit Imperium.

Haud me fugit responsuros Aliquos, Iacobæi Oraculi sensum esse, nunquam Sceptrum de Domo Iuda defuturum, ex quo primùm in illam inductum esset, non ex quo tempore Oraculum fustum est; atque idcirco non inquirendum, quinam ante Davidem Iudæis præfuerint; numne ii omnes ex Tribu Iuda originem duxerint; sed quinam David successerint; num illi deinceps perpetua

suc-

successione ad Christum usque Sceptrum in Judæ Tribu servarint. Verum præterquam ea exponendi Vaticinii ratio & violenta videtur, & Patribus ex diametro adversatur, necdum tamen eorum Opinione in tuto ponit, qui Judæ Tribui perenne Sceptrum post Davidis tempora conceditum arbitrantur. Quanquam enim a Davide ad Joachimum, seu Jechoniam, & Sedeciam usque, imperturbata nepotum serie, Judaicum Sceptrum quingentorum circiter annorum spatio in Judæ Tribu perennarit; extincto nihilominus Jechonia in Babylonica Captivitate, Sceptrum ab ea domo recessisse, certissimum est. Id evincit imprimis tremendum Jeremiæ Oraculum in Jechoniam pronuntiatum in ejus scelerum execrationem *Cap. 22.* : *Nunquid vas fictile, atque contritum vir iste Jechonias? Nunquid vas absque omni voluptate? Quare abiecti sunt ipse, & semen ejus, & projecti in terram, quam ignoraverunt. Terra, terra, terra, audi sermonem Domini. Hæc dicit Dominus : Scribe virum istum scrilem, virum, qui in diebus suis non prosperabitur : nec enim erit de semine ejus vir, qui sedeat super solium David, & potestatem habeat ultra in Juda.* Atque ita quidem probavit eventus : quanquam enim octo Filios habuerit Jechonias, qui *Lib. 1. Paralip. Cap. 3.* recensentur, *Asir, Salathiel, Melchiram, Phadaja, Sennefer, & Jecemia, Sama, & Nadabiah*; nullum tamen illorum Regni successorem obtinuit. Quin & ipse Zorobabel Nepos ejus per Salathielem prognatus Populi quidem e Captivitate reducis Ductor fuit, nullum tamen habuit Principatum; sed in Iesum Iosedech Levitam Tribulem translatus est. Sedecias verò Jechoniæ, seu Joachimi Patruus, quem Nabuchodonosor loco ejus ad Solium evexit, nullos perinde habuit Regni Hæredes, ac Successores, Regumque Davidicæ Familiæ postremus est habitus, *Lib. 4. Reg. Cap. 25.*

Confirmat id totum multò magis, quæsitumque Suffugium intercludit omnino Iudaicæ Gentis Historia; ex qua Principatum e Iudæ Tribu ad Leviticam translatum esse, perspicue liquet. Nota quippe, explorataque res est, Iudæorum Rempublicam, soluta Captivitate Babylonica, quandam Aristocratiam formam induisse, rerumque summam penes Summos Sacerdotes, (quandoque Ducis, ac Principis, quandoque etiam Regis Titulum præferentes) extitisse per quingentos, & amplius annos ad Herodem usque, quo regnante natus est Christus. Assamoneos enim, quos & subinde Machabæos vocitarunt ex quatuor initialibus literis *mem, capb, bet, jod*, quas suis Vexillis inscripserant, *Quis similis tui in fortibus Domine?* penes quos suprema Autoritas erat, de Tribu Levi fuisse, certissimè constat ex *Lib. 1. Machabæorum Cap. 2.* ubi Matathias Machabæorum Pater dicitur *Filius Joannis filii Simeonis, Sacerdos ex filiis Joarib* : & *v. 54.*, ubi idem ille Matathias Machabæorum Pater se ex Phinee oriundum præ-

dicat : Phinees, inquit, Pater noster, zelando zelum Dei accepit Testamentum Sacerdotii aeterni. Phineem autem, ac tum Ioaribum Aaronis Nepotes extitisse sacris Altaribus destinatos, atque adeo ex Tribu Levi, nota res est ex Libro Numerorum Cap. 25., ubi legimus : Dixitque Dominus ad Moysen : Phinees filius Eleazari filii Aaron Sacerdotis avertis iram meam a filiis Israel : quia zelo meo commotus est contra eos, ut non ipse delerem filios Israel in zelo meo. Idcirco loquere ad eum : Ecce do ei pacem foederis mei, & eris tam ipsi, quam semini ejus Pactum Sacerdotii sempiternum. Et ex Lib. 2. Esdræ Cap. 11., ubi recensentur Incolæ Hierosolymæ, & Civitatum Iuda post factam instaurationem, in Jerusalem habitasse dicuntur de Sacerdotibus, Idaja filius Joarib, Jacbin, Saraja filius Helcia, filius Mosollam, filius Sadoch, filius Merajosh, filius Achibor Princeps domus Dei.

Apertius etiam Sacerdotale Machabæorum Genus contestatur idem ille Liber 1. Machabæorum Cap. 13. de Simone Machabæo rerum tunc summam tenente apud Iudæos sermonem habens : Anno centesimo septuagesimo ablatum est jugum Gentium ab Israel & cæpit Populus Israel scribere in tabulis, & gestis publicis : anno primo sub Simone Summo Sacerdote, magno Duce, & Principe Judæorum. Ubi summum Sacerdotium cum summo Principatu in Simone Machabæo conjunctum videmus. Pariter sequenti Cap. 14., Judæi, & Sacerdotes eorum consenserunt cum esse Ducem suum, & Summum Sacerdotem in æternum, donec surgat Propheeta fidelis. Quin etiam secutis inde temporibus Pontificalis Dignitas cum Regis Titulo juncta fuit. Aristobulus enim Ioannis Hircani filius, Pontificis & Principis appellatione minimè contentus, Regis Nomen & insignia sumsit, quæ ejus subinde Posterii tenuerunt; ut est apud Flavium Iosephum Lib. 13. Antiquitatum Judaicarum Cap. 19.; & D. Augustinum Lib. 18. de Civitate Dei Cap. 45. Quis porro neget, Sacerdotes nonnisi de Tribu Levi, nequaquam verò de Tribu Iuda extitisse? Deo ita jubente Numerorum Cap. 16. : Ne quis accedat Alienigena, & qui non est de semine Aaron ad offerendum incensum Domino. Unde & signanter notat Apostolus ad Hebræos Cap. 7. neminem ex Tribu Iuda Altaribus præsto fuisse, nisi Christum Sacerdotem simul, & Regem : Manifestum est enim, quod ex Iuda orsus sit Dominus noster : in qua Tribu nihil de Sacerdotibus Moyses locutus est.

Quare me stupor ingens inesset, dum apud Baronium (Virum alias nunquam sine laudis præfatione nominandum) legerem in Apparatu ad Annales Ecclesiasticos, Machabæos Paternum Genus ad Judam filium Jacob retulisse. Quod quàm falsum sit, satis me arbitror

bitror demonstrasse : Genus quippe suum ad Levi certissimè referre-
bant . Purpuratum Historicum delusit *versus 63. Capitis 5. Li-*
bri 1. Machabæorum ; ubi de Machabæis ita legitur : *Et Viri Ju-*
da magnificati sunt valde in conspectu omnis Israël , & Gentium
omnium , ubi audiebatur nomen eorum : Hincque Machabæos de
Tribu Juda extitisse sibi suavit ; quod nempe *Viri Juda* vociten-
tur . Perperam sanè : nam *ῥὸ Viri Juda* non significat *Viros de*
Tribu Juda, sed *Viros Judæ Machabæi Fratres , ac Socios*, qui
eo Duce gerebant prælia : de quibus sequenti versiculo subditur :
Et exiit Judas , & Fratres ejus , & expugnabant filios Esau in
Terra , quæ ad Austrum est , & percussit Cbebron & filios ejus ;
& muros ejus , & turre succendit igni in circuitu . Eam celsita-
tionem emendasset Baronius , si ad Textum græcum vel leviter
attendisset , ubi latinæ Versionis æquivocatio tollitur ; sic enim ha-
bet : *Καὶ ὁ ἀνὴρ Ἰωδᾶς καὶ οἱ ἀδελφοὶ αὐτοῦ ἐδοξάζοντο* . Hoc est ,
& Vir Judas , & Fratres ejus glorificati sunt valde &c. Quod
ipsa quoque Versio Syriaca luculenter expressit . Unde nihil ad Ge-
nus Machabæorum e Juda derivandum extundi potest ; quos & Le-
vitas , & de Genere Sacerdotali fuisse compertum est .

Nonnulli nodum istum extricaturi , ut Sceptrum etiam in Tri-
bu Juda Machabæorum tempore constituisse evincant , hanc putidam
Fabulam comminiscuntur ; Machabæos scilicet Sacerdotes Principa-
tum obtinentes , sin minus Paterno , at saltem Materno Genere ex
Tribu Juda extitisse ; eo ducti fundamento , quod utraque Tribus
& Levi & Juda mutuis Matrimoniis quandoque junctæ fuerint ;
uti plane Aaron , & Jojadas Summi Pontifices Filias Aminadabi ,
& Jorami uxores duxisse leguntur *Exodi Cap. 6. & 2. Paralip.*
Cap 22. : quod plane frivolum est . Quanquam enim duæ illæ Tri-
bus Matrimoniis jungi possent , incredibile prorsus est , eas quin-
gentorum annorum spatium perpetuæ junctæ esse ; Summosque Sa-
cerdotes Principatum tunc temporis obtinentes , nonnisi ex Tribu
Juda , nunquam ex sua , aliisque Tribubus uxores sibi copulasse .
Sed , etsi id contigisse fingeremus , non illico profectò consequens
esset , Sceptrum in Tribu Juda Machabæorum tempore constituisse ;
quia nulla apud Judæos Maternæ Stirpis habetur ratio , juxta Thal-
mudicum Dictum *Familia Matris non vocatur Familia* . Acquem-
admodum Sacerdotium in Tribu Juda fuisse non dicimus , dum
aliqui de Tribu Levi Sacerdotes uxoribus de Tribu Juda junge-
bantur ; ita nec Sceptrum in Tribu Juda fuisse dicendum esset æ-
tate Machabæorum ; quanquam ipsi de Tribu Levi prognati ux-
ores de Tribu Juda duxisse ponerentur . Quid etiam , quod eo con-
stituto Principio consequens foret , Sceptrum in Tribu Juda , re-
gnante Herode , substituisse ? Cum & ipse Mariannam haberet uxo-

rem, regio Affamonæorum Genere ortam; atque adeo secundum illos ex Tribu Juda pari ratione prognatam.

Idecirco reponunt Alii, ut eo se laqueo liberent, ea etiam ætate temporum, qua Levitici Principes Machabæi rerum summâ potiebantur, Sceptrum penes Tribum Juda quodam sensu constituisse; quia hæc ipsa Tribus Juda Sacerdotes Machabæos in Principes eligebat; servataque Sceptri proprietate, usumfructum Leviticæ Tribui concedebat. Eo plane modo, quo Poloniæ Sceptrum penes Polonos esse dicitur, quanquam ex aliis Gentibus sæpius Reges habeant; modò Gallum, modò Germanum: quia eos sibi Reges Poloni seligunt, Sceptrique proprietate servata, usumfructum exteris in Regem electis largiuntur.

Bene id quidem, atque subtiliter excogitatum, nodoque solvendo percommodum; modò tamen duo hæc veritate niterentur: primum, Tribum Juda Sceptri Judaici proprietatem ea ætate retinuisse: secundum, solam Tribum Juda Leviticos Viros in Principes elegisse. Ea quippe duo ad hujusce Responsi firmitatem desiderantur. Verùm duo hæc a veritate procul abeunt. Primum quidem, quia Sceptri proprietatem Judæ Tribus amisit in Jechonia, ut ex laudatæ Jeremiæ Oraculo compertum est: *Scribe virum istum sterilem, virum, qui in diebus suis non prosperabitur: nec enim erit de semine ejus vir, qui sedeat super Solium David, & Potestatem habeat ultra in Juda*, Cap. 22. Secundum æquè falsum est, solam Judæ Tribum Levitas Viros in Principes elegisse. Quandoquidem Tribus omnes ad Principis, seu Ducis electionem suffragabantur, si qua tunc fortè fieret: tum ex veteri Judæorum consuetudine *Exodi* 18. insinuata, qua Electiones, ad totius Reipublicæ regimen attinentes, ab universis Tribubus fieri solitum erat: tum maximè, quia ad Jonathæ, ac subinde ad Simonis Electionem Populum omnem tunc temporis conspirasse, Scriptura disertè notat. De Jonatha quidem *Lib. 1. Machabæorum* Cap. 9.: *Congregati sunt omnes amici Judæ, & dixerunt Jonathæ: ex quo frater tuus Judas defunctus est, vir similis ei non est, qui exeat contra inimicos nostros, Baccbidem, & eos, qui inimici sunt Gentis nostræ. Nunc itaque te hodie elegimus esse pro eo nobis in Principem, & Ducem ad bellandum bellum nostrum. Et suscepit Jonathas tempore illo Principatum, & surrexit loco Judæ fratris sui.* De Simone autem *Cap. 14.*: *Vidit populus actum Simonis, & gloriam, quam cogitabat facere Genti suæ, & posuerunt eum Ducem suum, & Principem Sacerdotum: Et rursus v. 46. Complacuit omni Populo statuere Simonem, & facere secundum verba ista. Et suscepit Simon & placuit ei, ut Summo Sacerdotio fungeretur, & esset Dux, & Princeps Gentis Judæorum, & Sacerdos,*

tum

tum, & præffet omnibus. Perperam ergo ab una Tribu Juda Principatum obtinuisse Machabæi dicuntur. Quid quodd nec semper ex Electione securis temporibus Principes fierent; sed plerumque hæreditario veluti jure Levitæ Assamoni Principatum, quemadmodum & Summum Sacerdotium, obtinerent; ut Patri Filius, Fratri Frater succederet, nulla Populi accedente suffragatione, sed exterorum Principum patrocinio? Quod præsertim in Aristobulo, Alexandro Hircano, alteroque Aristobulo videre fuit: De quibus legendus Flavius Josephus *Lib. 13., & 14. Antiq. Jud.* Itane verd iis in casibus Judæ Tribus Sacerdotes in Principes eligebat, servataque Sceptri proprietate, usumfructum Tribui Leviticæ concedebat? Commentum igitur est inter omnia maximum, quod ab iis tam fidenter obtruditur.

Age tamen, demus id totum, ut libet, ut lubet: necdum sua Oraculo Jacobæo flaret veritas, si de sola Tribu Juda veniret intelligendum. Nedom enim Sceptri perennitatem Judæ promisit Jacob proximè moriturus, sed & Duces de scemore ejus perpetuè nascituros; cum tamen Machabæi de Judæ peculiaris Personæ scemore prognati dici non possent; quantumcumque precariam ab ea Tribu Authoritatem obtinuisse ponerentur. Uti plane Poloni (quorum Exemplum illis arridet) tenere quidem Sceptrum dici possunt, dum usumfructum Exteris, quos in Reges eligunt, largiuntur; at Reges de scemore suo, hoc est, Polono sanguine ortos habere dici non possunt.

Unicum est, quod excitare scrupulum possit adversus Sententiam a nobis hæctenus vindicatam. Quod nimirum Jacob proximè moriturus singulis Filiis benedixisse dicatur *Benedictionibus propriis, Genesis Cap. 49.* Cum itaque Oraculum illud de Sceptro nunquam a Juda auferendo is pronuntiaverit, Judæ ipsi Benedictionem impartiens, ad solam Judæ Tribum Oraculum illud spectare videri potest; aliàs propria Judæ Benedictio non esset.

Verum nec id quidem incommodat. Varias quippe partes in Judæ Benedictione discernere opus est; alias, quæ illi uti peculiari Tribui propriæ sunt, ut istæ *v. 8. Juda, te laudabunt Fratres tui adorabunt te Filii Patris tui. Catulus leonis Juda: ad prædæ Fili mi ascendisti*; alias, quæ illi propriæ non sunt, sed ei tamen, uti totam Judaicam Gentem repræsentanti, sint accommodatæ; ut ista, quæ Sceptri perennitatem Judaico Populo spondet, donec Christus advenerit. Non ergo propria Benedictione caruit Tribus Juda, sed ultra propriam, alteram etiam toti Judaicæ Genti communem accepit. Cur autem destinata toti Judaicæ Genti Benedictio Judæ Tribui potius, quàm alteri cuicumque tributa sit, ratio non una, sed multiplex in promptu est: Primò; quia

quia Messias, ad quem Judaicum Sceptrum in spirituale transmutatum transferendum erat, atque in æternum duraturum, ex ea Tribu oriturus erat: adeoque jus aliquod peculiare ad Sceptrum habebat Tribus illa: Secundò; quia diutius in ea Tribu, ac florentius, quàm in reliquis servandum erat Sceptrum, ac Principatus: Tertiò; quia præcipua Regni Judaici pars, ac ipsa Regni Sedes Hierosolyma in Sorte Tribus Juda futura erat. Quanquam enim ad utramque Tribum, & Benjamin, & Juda initio spectare visa sit Hierosolyma; solius tamen Judæ Tribus secutis inde temporibus habitæ fuit; maximè verò pars illa Urbis Australior, quæ & *Sion*, & *David Civitas* vocabatur; ut *Lib. 2. Regum Cap. 5.* legere est. Quartò; quia ex Tribu Juda, utpote nobiliori, universus Israeliticus Populus Judæorum nomen accepturus erat. Quid verò ex Gentis dignitate magis congruebat, quàm ut in ea, aqua nomen obtinuit, Benedictionem quoque reciperet, quæ ad omnes communiter pertineret? Quinto; quia Primogenituræ partes Rubeno sublatae, ob incestum cum Bela commissum, in Judam quantum ad jura Principatus translatae fuerant. Congruum autem erat, ut totius Judaicæ Gentis Benedictio Primogenituræ jure potius, quàm cæteris nuntiaretur. Quandoquidem totam unus ille Gentem repræsentabat.

At ecce, inquit Aliquis, si sic est; si, inquam, Primogenituræ partes in Judam quantum ad Principatus jura translatae sunt, ut innuitur *Lib. 1. Paralip. Cap. 5.* Porro Judas qui erat fortissimus inter fratres suos, de Stirpe ejus Principes germinati sunt: Si major in Imperio, qualis futurus erat Rubenus, factus est Judas; igitur Judaicum Sceptrum singulare illius Tribus Privilegium reputandum est, cæteris Tribubus nulla unquam occasione concessum a Populo.

Consecutionem ex posito Principio male fluentem inficior. Alia quippe tunc erat, estque etiam hodie Primogenitorum dominatio in Fratres, alia Principum, Regumve in Subditos. Priorem obtinuerit Judas in fratres Rubeni loco, bene est, non ambigimus; at posteriorem sibi, suisque Filiis, ac Nepotibus obtinuisse in totam Judaicam Gentem, figmentum est, idque negamus.

Quidni quoque dicamus, Judaicum Sceptrum in spirituale commutandum peculiarem Judæ Tribus Benedictionem extitisse; quòd illud Christus solus ex ea Tribu oriturus æternum possessurus esset? Quem tamen Prophetiæ sensum si lubet admittere, quod sequitur ita erit accipiendum; ut particula *donec* non Sceptri cessationem significet veniente Christo, sed continuationem. Quasi dixisset Patriarcha Sanctissimus: *Non auferetur Sceptrum de Juda, & Dux de semine ejus, dum veniet, qui missendus est*: quia-

nem-

nempe veniens illud idem aeternum possidebit. Quae ingeniosa E-ruditorum Explicatio est a Nonnullis temere suggillata; quasi Ja-cobæi Oraculi vim omnem enervet, ne quid inde ad figendam Christi Adventus Epocham colligamus: qui quovis demum tem-pore fingatur venturus, Judææ Sceptrum in spirituale commutatum perinde tenebit. Quinimo Jacobæi Oraculi vim integram servat ingeniosa Interpretatio, ac Judæos perinde convincit. Si enim Ju-dææ Sceptrum, nonnisi in spirituale commutatum, a Christo pro-misso aeternum est possidendum; ex tunc venisse Christum necesse est, ex quo ea Sceptri commutatio facta est. Quandonam autem facta est commutatio, nisi dum defuit esse temporale? Quandonam autem temporale defuit esse, nisi dum temporaliter periit in He-rode? Stat igitur data hinc obiter Explicatio; quanquam ea non est opus ad propositam Difficultatem resolvendam, nec eam propu-gnare mihi sit animus.

Supereft altera longè gravior ejusdem Jacobæi Oraculi occasio-ne eliquanda: quo scilicet distinctè tempore, quo casu sublatum fuerit a tota Gente Judaica Sceptrum illud. Quanquam enim Chri-sti Domini ætate sublatum esse universi Christiani consentiant; non ita tamen liquidò constat, quo distinctè anno, quave occasio-ne defuerit. De hoc igitur in sequenti dicendum.



PRÆLECTIO XXI.

Quo distinctè tempore Judæ Sceptrum exciderit, impletumque fuerit Patriarchæ Jacobi Vaticinium declaratur.



Udæ Sceptrum Iesu nostri Sæculo defuisse, multis contra Iudæos Argumentis evicimus, dum impletam Iacobi morientis Prophetiam demonstravimus. Cæterùm, quo distinctè anno, quave occasione ea Iudaici Sceptri jactura contigerit, necdum expendimus; quod id vindicandæ contra Iudæos Christianorum Causæ minus necessarium videretur; satis officio nostro consultum arbitrati, si, semotis Quæstionibus inter ipsos Christianos controversis, Fidei Caput adversus Hebræos staret in tuto. Iam ergo ad eam, quæ curiosi animi est, Quæstionem eventilandam accedimus; ne quid desiderari a nobis possit ad cumulatam suscepti Argumenti elucidationem.

Tota ad Genus Herodis Magni, quo regnante natus est Christus, devolvitur Difficultas: Iudæus ne fuerit, non modò Religione, quod nemo ambigit, verùm etiam Genere, atque Profapia, quod Aliqui non ita pridem affirmarunt, iique non Heterodoxi duntaxat, ut Iulius Scaliger in *Noris ad Eusebium Lib. 2.* & Isaacus Casaubonus in *Exercitationibus contra Baronium*, sed & Viri summè Catholici, Daniel Huetius Episcopus Svesvionensis in *Demonstratione Evangelica Propositione 9.* & Claudius Frassenius in *Scoro Academico in 3. Sententiarum*. Si enim Iudæus Genere non fuit Herodes Magnus, Herodianæ Familæ Parens, consequens profectò est, Iudæ Sceptrum tunc primam fuisse ablatum, Principesque de Iudæ scemore defuisse, dum is Romanorum gratiâ Iudaicæ Genti Rex datus est anno ante Christum Dominum trigesimo sexto. Si autem e contrario ut Religione, ita & Genere Iudæus extitit, illud quoque ex adverso consequens erit, Iudæ Sceptrum ad excidium ulque Hierosolymitanum ad annos post Christum in Cælos assumptum triginta septem penes Iudaici sanguinis Principes substitisse. Extincto siquidem Herode Magno Filii ejus, atque Nepotes Iudaicum Sceptrum pari Romanorum gratiâ ad id usque temporis tenuerunt, in varias quidem Tetrarchias divisum, servato tamen primæ, ac nobiliori Tetrarchiæ Regis Titulo, retentæque vitæ, ac necis in suos Subditos Potestate. Quod ex Evangelio, & Actibus Apostolicis notum est. De Archelao enim Herodis Magni filio legimus *Matth. Cap. 2.* eum extincti Parentis loco

in

in Judæa regnasse: *Audiens autem* (Joseph) *quoddam Archelaus regnaret in Judæa pro Herode Patre suo, simul illud ire.* Non ablimiliter Herodem Antipam alterum Herodis Magni Filium, qui Archelao Fratri in exilium amandato, atque e Solio deturbato successit post annos decem Regis Titulo cohonestatum legimus Marci *Cap. 6.* dimidiam etiam Regni partem Puellæ saltatrici spondentem, & in Joannem Baptistam pro Jure, & Potestate gladii animadvertentem. Tum Herodem Agrippam majorem Herodis Magni Nepotem, qui Herodi Antipæ in exilium pariter actio succedaneus a Tiberio Cæsare datus est, Regio etiam Titulo auctum legimus Actorum *Cap. 12.*, & in Jacobum Apostolum Jure gladii usum: *Eodem autem tempore misit Herodes Rex manus, ut affligeret quosdam de Ecclesia. Occidit autem Jacobum Fratrem Joannis gladio.* Demum Herodem Agrippam minorem prioris ab Angelo percussu, ac male perempti Filium Regio perinde nomine insignitum sæpius observamus *Cap. 25.*, & *26.* Actuum Apostolicorum; ubi & Paulum Apostolum Caussam orantem ex Tribunali audiisse fertur anno ante excidium Hierosolymitanum circiter decimo. Ex quibus omnibus perspicuum fit, Judæ Sceptrum (si Judæus Genere fuit Herodes Magnus) penes Principes Judæ Sanguine ortos ad excidium usque Hierosolymitanum perennasse.

Nec repugnat, quoddam passionis Dominicæ tempore Pilato Iudæis objicienti *Regem vestrum crucifigam?* Nefarii Deicidæ reposuerint: *Non habemus Regem, nisi Cæsarem,* Joannis *Cap. 19.*: Eidemque dicenti: *Accipite eum vos, & secundum Legem vestram judicate eum;* subjunxerint illi: *Nobis non licet interficere quenkum;* Joannis *Cap. 18.*, quasi nec Regem tunc, nec gladii Ius haberent. Quomodo enim utroque tunc caruissent Iudæi, dum Christi Causa in capitali Foro verteretur, cum illis præesset Herodes Antipas; ille, inquam, ipse, quem Regem Marcus appellat *Cap. 6.* & in Joannem Baptistam Jure gladii animadvertisse scribit? Quoddam itaque nefarii Deicidæ succlamarint: *Non habemus Regem, nisi Cæsarem,* assentatione, & adulatione factum est, ut Pilatum Cæsaris Administram demererentur, ut ab illo optatam mortis Sententiam facilius extorquerent, si se bonos Cæsaris palpones exhiberent. Maxime cum & ipsi Cæsares eo Regis nomine verius digni essent, a quibus Iudæorum Reges pro nutu pendeabant, creabantur, absoluebantur. Quod etiam *non licere* sibi, subjunxerint Deicidæ *interficere quenkum;* occasione Solemnitatis Paschalis est dictum; quo tempore per speciem Religionis illicitum sibi aiebant Hypocritæ, Causarum capitalium Iudicia exercere; quod aliàs Jure gladii sibi licitum contendissent; uti observant D. Augustinus *Tract. 114. in Joannem*, S. Cyrillus Alexandrinus *Lib. 12. in Joannem Cap. 6.*, Prælect. P. Serry Tom. II.

S. Ioannes Chrysostomus *Homil. 82. in eundem*, & Venerabilis Beda in *Caput ejusdem* 18. Nec verisimile est, Pilatum Iudæis di-
 Qurum fuisse : *Accipite eum vos, & secundum Legem vestram ju-*
dicare eum, nisi Cæsares Ius vitæ, ac necis in recutitos Iudæorum
 Principibus reliquissent.

Hoc ergo, quod ante posuimus, tanquam certissimo, atque in-
 dubitato constituto, Principio, nempe, Iudæ Sceptrum ad excidium
 usque Hierosolymitanum penes Iudæ Principes fuisse, si Iudæus Genere
 fuit Herodes Magnus; sin autem fuit Allophylus, annis ante Chri-
 stum triginta sex excidisse; illud ad propositæ Controversiæ solu-
 tionem expendendum est : Iudæus ne Natalibus, & Origine fue-
 rit Herodes Magnus, an autem Alienigena, & Allophylus; Idumæus
 nimirum, aut etiam Ascalonita. Eo quippe Capite tota jam
 volvitur Difficultas. Quocirca Herodem minime Iudæum, sed Iudæorum
 comparatione Alienigenam, & Allophylum dico; seu A-
 scalonita ille fuerit, ut Aliquibus visum est; seu etiam Idumæus,
 ut Aliis probatur magis; quæ tamen postrema solius nominis Quæ-
 stio est.

Priorem Asserti partem Patrum omnium firmat assensus, quos in-
 ter ne quidem inventus unus, qui Herodem non dixerit Alienige-
 nam, eundemque Iudæum Natalibus, & Origine non negaverit; et-
 si in ejus assignanda Patria non omnino consentiant. Iulius Africa-
 nus referente Eusebio *Lib. 1. Hist. Eccles. Cap. 6. Herodem, qui Sal-*
vatoris temporibus vixit, filium dicit Antipatri; Nepotem verò He-
rodis alterius Ascalonitæ, qui Apollinis Templo, quod Ascalone est,
inserviebat. Iustinus Martyr in Dialogo cum Tryphone Iudæo He-
 rodem, sub quo natus est Christus, *Ascalonitem* perinde vocat. Et si
 per errorem in Versione legamus passus est. Origenes *Homil. 17. in*
Genesim scribit, *Herodem Regem, qui secundum Historiæ fidem,*
quam Josephus scribit, Alienigena fuisse, & per ambitionem in Re-
gnum Iudæorum dicitur irrepisse. Eusebius *Lib. 1. Hist. Eccles. Cap. 4.*
ita habet: Herodes primus ex Alienigenarum Genere ortus, Regnum
Judaicæ Gentis obtinuit. Et paulò infra : *Quo in tempore primus*
(ut supra dixi) Herodes externi Generis vir, à Romanis Iudæorum
suscepit Principatum. Qui Herodes, secundum ea, quæ Josephus tra-
 dit, ex Idumæorum Gente paternum Genus, ex Arabum verò mater-
 nis sanguinis originem deducebat. S. Epiphanius *Hæresi 20. : Herodes*
Antipatri filius fuit, Ascalonitæ cujusdam Ædirii, ac Ministri
simulacri Apollinis, cujus Antipatri Pater, Herodes quidem erat
nomine : filius autem hic erat Antipæ. Severus Sulpitius *Lib. 2. sac-*
cræ Historiæ : Herodes Alienigena, Antipatri Ascalonitæ Filius,
Regnum Judææ a Senatu, & Populo Romano petiit, accepitque.
Hunc primum Iudæi externum Regem cæperunt habere. Etenim jam
 ad-

adventante Christo, necesse erat, secundum vaticinia Prophetarum, suis eos, Ducibus privari, ne quid ultra Christum expectarent. S. Hieronymus in Cap. 3. Osee : Postquam defecit Princeps ex Juda, & Dux de sæmoribus ejus, & Herodes alienigena, & profelytus suscepit Imperium, intelligimus venisse, cui Regnum repositum est : & ipse erat expectatio Gentium. S. Augustinus Lib. 12. contra Faustum Cap. 42. Sunt enim litera certissima historia ipsorum quoque Judæorum, quibus ostenditur, primum alienigenam Herodem Regem fuisse in Gente Judæorum, quo tempore Christus natus est. S. Ambrosius Lib. de Benedictionibus Patriarcharum Cap. 4. : Donec ille veniat, non deficiet Dux ex Iuda : ut usque ad ejus (Christi) ortum Regalis Successionis fides incorrupta servetur. Postea enim per Herodem adulterata Successio prærogativam Dignitatis amisit. Etenim quia verum Regem negaverunt, falsos habere cæperunt. Et Lib. 3. in Lucam : Ex Græcorum Historiis putavimus transferendum, ut clarescat Herodem nulli affinem Geni Judæorum, Regnum adulterina fraude quæsisse. Theodoretus in Daniele ad Cap. 9. : Herode alienigena regnante, qui paterno genere Ascalonites, materno Idumæus erat, & iis qui Principes Sacerdotum vocabantur, non secundum Legem unctis, sed ab alienigenis Principibus (Herode, Archelao, & Romanis Ducibus) electis; deinde commemorat excidium, quo & Civitas opprimenda erat, & hoc ipsum Alienigenarum Regnum evertendum, & Pontificatus maximus non legitimus auferendus. Et Dialogo I. : Undenam derivantur modo Judæorum Patriarchæ? Ex Herode alienigena, qui ex Patre quidem erat Ascalonites, ex Matre autem Idumæus. Rupertus Lib. 5. Comment. in Oseam : Transire, & cessare debuit Rex Israel eo maxime tempore, quando talis erat Rex Herodes, qui neque de Juda, neque de ulla esset Tribu Israel quo tempore verus Rex Christus natus est quem (Christum) quærebat ad perdendum Herodes ille alienigena Rex. Præter hos proferre & alios possem numero multos & Patres, & Ecclesiasticos Tractatores, qui idipsum senserunt; quos lubens prætereo, ne Authorum potius catalogum texere, quam Theologum agere videar.

Quis, quæso, tot Ecclesiæ Patres in putidam de Genere Herodis Fabulam consensisse, facile credat? Iis prævit Flavius Josephus, quo nemo melius Herodis Genus nosse potuit, ac debuit. Is Antipatrum Herodis Patrem Idumæum, atque ita Judæorum comparatione Allophylum, seu Alienigenam scribit Lib. 14. Antiquit. Jud. Cap. 2. ; & Nicolaum Damascenum, uti projectum adulatorem traducit, quod eundem Antipatrum Judæum Genere posuisset : Amicus quidam Hyrcani Idumæus nomine Antipater, vir pecuniosus, natura factiosus, & industrius, insensu erat Aristobulo, eo quod ipse studeret partibus Hyrcani : Quamvis Nicolaus Da-

masceus hujus Genus deducat a Primoribus Judæorum, qui in *Judæam* venerunt e *Babylonia*. Sed hoc dicit in gratiam Herodis ejus Filii, quem fortuna ad Judæorum Regnum evexit. Et Cap. 27. Antigonum inducit Idem Iosephus Romanos culpantem, quod Judæorum Regnum Herodi dedissent; cū id more Gentis debeatur successioni Generis. Id ergo pro certo ponit, eū Judæum Genere minimè fuisse; sed utut maximè Semi-Judæum, propterea quod Idumæi, ex quibus Herodis Genus erat, ab Abrahamo quidem, non tamen per Jacob, sed per Esau descendissent: quod ad præsens Institutum nostrum satis est. Jacob enim Judææ Sceptrum non penes quosvis Abrahamæ Posteris ad Messiam usque perennaturum portenderat; sed penes solos Nepotes suos, ex Judæ scilicet femore orituros, seu Judæ nomine peculiarem hujus nominis Tribum intelligas, seu totam promiscuè Judaicam Gentem ex duodecim Jacobi Filiis prodituram accipere malis: cujus certè comparatione Idumæi ex Esau Jacobi Fratre procreati Allophyli erant, & Alienigenæ; nullumque ad Sceptrum Judaicum jus habebant.

Idem de Antipatro Herodis Parente notat etiam Iosephus Lib. 1. de Bello Judaico Cap. 5.: *Erat autem Genere Idumæus, & nobilitate, ac opibus Gentis suæ Princeps*. Princeps, inquam, non Imperio tamen, atque Dominatione, sed opibus. Quam ob causam Herodem Filium ejus *plebejo Genere natum* dicit Cap. 28. Libri 14., hoc est, privatum Hominem, *subjectumque Regibus*, tametsi potentem opibus apud Suos. Id itaque certum, indubitatumque, Herodem Magnum, quo regnante natus est Christus, Judæum Genere non fuisse, sed Alienigenam, & Allophyllum.

Pars verò Assertionis nostræ altera, quam solius Quæstionem nominis esse diximus, Ascalonita ne fuerit, an Idumæus, unica Annotatione patefcit, qua omnis Iosephum inter, & Patres dissonantia tollitur. Idumæum equidem dicunt Iosephus, & Eusebius; Ascalonitam autem Iulius Africanus, Iustinus Martyr, Sulpitius. At hæc de facili conciliantur, si quid rei fuerit, observetur. Herodem scilicet Antipatri filium, quo regnante natus est Christus, a prima Origine Ascalonitam fuisse, utpote alterius Herodis Ascalonitæ Nepotem, qui Apollinis Templi, quod Ascalone erat, Æditus fuerat, atque ita Gentilis. Utrumque tamen & Antipatrum, & Herodem filium Idumæum fuisse dictum, quod ille a prima pueritia ab Idumæis Latronibus captus in Idumæa fuisset educatus, ibidemque ad virilem ætatem degens Herodem filium procreavit. Indeque factum, ut Herodes, de quo nobis hic Quæstio est, Idumæus a nativitate sit dictus, Ascalonita verò a prima Avorum gentiliū Origine. Observationem hanc, qua omnes Scriptorum de Herodis Patria Dissonantiæ conciliantur, debemus Iu-

-tio Africano apud Eusebium *Lib. 1. Historiæ Eccles. Cap. 6.*; S. Ambrosio *Lib. 3. Commentariorum in Lucam*; S. Epiphanio *Hæresi 20.* Postremi hæc verba sunt, cæterorum sensum referentia : *Herodes Antipatri filius fuit, Ascalonitæ cujusdam Ædirni, ac Ministri Simulacabri Apollinis; cujus Antipatri Pater, Herodes quidem erat nomine : Filius autem hic erat Antipæ. Captus est autem ab Idumæis idem Antipater : atque illic in Idumæa degenis genuit Herodem. Quum autem Pater pauper esset, & pretio redemptionis filium, Antipatrum inquam, redimere non posset, per multum tempus in servitute permansit. Postea verò liberatus est ex collatione Civium undè cum filio Herode, & ad propria devenit. Quapropter Aliqui ipsum vocant Idumæum, Alii verò Ascalonitam norunt.* Hæc Epiphanius : qui tamen hoc uno a. Iulio Africano, & Ambrosio diffidet, quòd is Antipatrum Apollinis Ædituum dicat, illi Herodem Antipatri Patrem. Nisi fortè Uterque eo munere functus sit; Herodes quidem Pater, dum illi ab Idumæis Latronibus surreptus est Antipater adhuc puer; tum postea Antipater ipse, dum grandior factus Ascalonem postliminio reversus est. Quo in munere, aliisque artibus eas subinde divitias comparavit, quibus eum valuisse Iosephus memorat.

Nunc re tota bono in lumine posita, Herodisque Magni Genere (quo regnante natus est Christus) certis documentis asserto, illi modò audiendi veniunt, qui eum, non Religione modò (quod nemo unquam vertit in dubium) sed & Genere, atque prosapia Iudæum existimant. Quadruplici Momento Iudaicum Herodis Genus evincere sibi putant : Primò; quòd orta Cæsareæ Iudæos inter, & Syros rixâ gravissimâ de Civitatis jure, Herodem Cæsareæ Conditorem Iudæum Genere Iudæi contenderint, nec inficiati sint Syri, uti refert Iosephus *Lib. 20. Antiquitatum Cap. 6.* : *Apud Cæsaream quoque inter Judæos Habitatores, & Syros de pari jure Civitatis rixa exorta est. Nam Judæi postore conditione volebant esse, quòd Urbis bujus Conditor Herodes Rex fuerit Judæus Genere : Id Syri non inficiabantur quidem, sed agebant, Urbem sursum Stratonis dictam a principio, quo tempore nullum Judæum habitasse inibi.* Secundò; Iudæorum non pauci Herodem tanquam Messiam coluerint, Herodiani propterea nuncupati; quorum sæpius Sacrum meminit Evangelium. *Herodiani Christum Herodem esse dixerunt*, inquit Tertullianus *Lib. de Præscriptionibus Cap. 45.* Incredibile autem est, illos Herodem pro Messia habituros fuisse, nisi Iudæum Genere pro certo novissent. Cùm nihil Sacris in Literis expressius sit, quàm Iudæum Genere, ac etiam de Tribu Iuda, imò & de Stirpe Davidica Messiam exiturum. Tertid; quòd Herodem *Judæum Genere* dixerint Nicolaus Damascenus,

nus, (referente Josepho *Lib. 14. Antiquit. Cap. 2.*) Quartò ; quod Judæos *Contribules suos* vocare solitus esset Herodes, dum ad illos pro concione diceret, ut apud Josephum legere est *Lib. 15. Cap. 14.* Qui etiam priorem illius uxorem Hierosolymitanam nomine *Dorem*, Herodis popularem, quasi illius concivem appellat *Lib. 14. : Cap. 21. : Duxerat autem etiam ante uxorem e suis popularibus, Dorem nomine ; ex qua suscepit Antipatrum Filiorum natu maximum.*

Nihil tamen ista nos movent, ut a statuta sententia refiliamus. Quid enim si in contentiosa disputatione, ubi de jure Civitatis agebatur, Herodem Judæum Genere obiter dixerint Judæi Cæsarienses; nec repugnaverint Syri, cum de Herodis Genere Quæstio ipsa non esset; ac tantumdem ad tuenda Judæorum iura valuisset, si Herodem Cæsareæ conditorem Religione Judæum, ut revera erat, simpliciter nuncupassent? Maxime quia Josephus ipse, qui Judæos Cæsarienses ita locutos memorat, iisdem ora verberat aliis Historiæ suæ locis, ubi Herodem Judæum Genere disertissime negat.

Quid etiam illud alterum miremur, Herodianos (vilissimam, odiosissimamque Judæorum Sectam) Herodem pro Messia coluisse; tametsi Judæus Genere non esset, sed Religione dumtaxat? Quandoquidem Iosephus ipse, Vir aliunde bonus, & simplicis veritatis amicus, Vespasianum Imperatorem habuit pro Messia, eidemque Prophetarum Oracula, quæ de Christo erant, seu assentatione, seu ex animi sententia accommodavit *Lib. 4. de Bello Judaico Cap. 12.* (quamquam Vespasianus nec Genere, nec Religione Judæus esset) ob id solum, quod is *apud Judæam creatus fuisset Imperator*. Tantum improba cæcitas Judæorum animos occupaverat, ac dementaverat! Imò facile crediderim ego, Herodianos idcirco Herodem tanquam Messiam coluisse, quod in eo impletum Jacobi morientis Oraculum cernerent, atque ita Allophylum, & Alienigenam probè nossent Judææ Sceptrum obtinentem: Sed in eo illos errasse, quod Principem Alienigenam Judææ Sceptrum Christo nascente occupaturum, de quo prophetaverat Jacob, Christum ipsum fore, stultissime crederent. Quare tantum adest, ut ex illorum Errore aliquid ad Judaicum Herodis Genus probandum extendi possit, ut potius illum Alienigenam fuisse luculentius evincat.

Herodis Genus a Primatibus quidem Judæorum, qui ex Babylonia in Judæam venerant, deducit Nicolaus Damascenus: at id assentatione factum monet hoc ipso in loco Flavius Iosephus, nequam projecto Adulatori fidem demus. Non ita tamen Strabo loco obijci solito; ubi Herodem *Judæorum indigenam* dumtaxat vocat;

vocat; hoc est, eo loco natus, quem Judæi, fin minus Genere, at certe Religione facti, tunc temporis incolebant. Idumæi enim, quos inter natus erat Herodes, annis in antecessum circiter sexaginta ab Hircano Judæorum Rege, atque Pontifice subjugati, Judæi Religione effecti erant, teste Josepho *Lib. 13. Antiquit. Cap. 17.* relictoque proprio Gentis suæ Deo, & antiquatis prioris Idolatriæ Ritibus, Circumcisionem, universumque Moysis Ritum admirerant. Hinc *Judæorum indigena* Herodes est dictus; hoc est, loco illo natus, quem Judæi, qualescumque tandem essent, multos jam annos incolebant,

Hac ipsa de causa Judæos *contribules suos* appellare solebat Herodes jure summo; quod Profelytus esset, illorumque Sacris initiatus; atque ita Molaiæ Religionis professione in Judaicum Nomen, & Populum inlitus esset. Non ideo tamen Judæus Genere, Profapia, Sanguine censebatur; atque adeo nullum ad Judaicum Sceptrum, quod hic maximè quæritur, jus habebat, quod non Religioni soli, sed Sanguini debebatur; ab iis scilicet Principibus possidendum, qui de Judææ fœmore orti essent.

Neque refert, quod Idumæi *Judæorum fratres* interdum vocentur Sacris in Literis, ut *Deuteronomii Cap. 23.* : *Non abominaberis Idumæum, quia frater tuus est.* Laxioris quippe significationis appellatio illa est: quod nempe ex Abrahamo, & Isaac per lineam Esau descenderent Idumæi. Quia tamen per lineam Jacob prognati non erant, ex quo uno per duodecim Patriarchas Tribules, seu Tribuum Capita prodiit Judaicum Genus, veri, strictique nominis Fratres Judæorum minimè censebantur; sed Alienigenæ potius, & extranei, juxta Davidis Oraculum, quo futura Idumæorum ad Christum conversio prænuntiabatur: *In Idumæam extendam calcamentum meum: mihi alienigenæ amici facti sunt, Psalm. 107.*

De Dore Hierosolymitana priori Herodis conjuge expedita Responsio est: mero nominis æquivoco ludere eos, qui eam Herodis popularem, hoc est, concivem, & conterraneam a Josepho dictam effutunt; quæ alio longè sensu popularis est dicta, plebeja nimirum, atque ignobilis. Sic enim juxta græcum Josephi Contextum: *Duxerat quidem priorem etiam uxorem popularem nomine Dorin ex Gente*, subintellige, *nostra*: Γενναῖκα ὀνόματι, Δορίν ὄνομα ἐκ τοῦ Ἰσραὴλ. Quod cum Josephus hebræus scribat, eam ignobilem fuisse, significat ex Gente Judaica, non Herodis Idumæi concivem, & popularem.

Nodus superest exsolvendus, qui ex hac tota de Genere Herodis Disputatione relinquitur: quonam scilicet pacto, quave ratione in eo impletum fuerit Jacobæum Vaticinium? Ea siquidem verba.

ba Non auferetur Sceptum de Juda, & Dux de scemore ejus, donec venias, qui mittendus est postulare videntur, ut prius ille venerit, qui mittendus erat, quàm Sceptum re ipsa auferetur a Juda: ut si dicam, non tradetur Civitas, donec obsidione cingatur, prius eam obsidione cingi necesse est, quàm tradatur; non tradenda prius est, ac subinde cingenda. Porro si Herodes Alienigena est, Regnumque Judæ tunc primum excidit, dum ei a Romanis collatum fuit, prius certè Judæ Sceptum ablatum est, quàm Christus advenerit; cùm annis ante Christum natum triginta sex Judæorum Rex fuerit salutatus.

De facili tamen solvitur nodus; quòd in magnis eventis quæ procul admodum, & quàm longissimè prævidentur, ac prænuntiantur, hujusmodi particulæ ad notationem temporis positæ præcisum, distinctumque tempus non designent, sed indistinctum, ac diutinum. Ut si de Antichristo loquar, non incongruè dicam: *Non suscitabitur Antichristus, donec Mundi finis advenerit.* Quo tamen non significabo, Mundi finem prius obventurum, quàm suscitetur Antichristus; sed eo circiter tempore Antichristum suscitandum, quo Mundi finis adveniet. Hujusmodi igitur est Iacobæi Vaticanii sensus: *Non auferetur Sceptum de Juda, donec venias, qui mittendus est;* hoc est, ad ea circiter tempora Sceptum auferetur a Juda, quibus Christus adveniet; quocunque tandem id modo contigerit, pro varia Eruditorum Opinatione, ut peræquè particula *donec* ad tantillum tempus antèrius, aut etiam ad posterius extendatur. Eum sacri Oraculi sensum esse, eamque particulæ *donec* significationem, & potestatem fateantur necesse est ii quoque, qui aliter, quàm nos de Herodis Genere sentiunt. Nemo enim ablatum de Juda Sceptum ponit eo ipso distincto tempore, quo natus est Christus. Ac sicuti nos ablatum dicimus annis ante Christum triginta sex, dum Herodes Alienigena Regnum iniit; ita illi annis a Christo nato circiter septuaginta ablatum ajunt, cùm demum eversa Hierosolyma Herodianorum Dominatio finem habuit.

Atque hic finis esto institutæ contra Judæos de Christo promisso, atque jampridem oborto Polemicæ Disputationis. Nunc in Hæreticos, qui admissa nobiscum jamdudum peracta quoad substantiam Incarnatione, de ea tamen quoad ejus Partes, Adjuncta, Prærogativas, & Circumstantias minus Catholicè sentiunt, ut ab initio spondimus, arma convertere festinabimus. In sequenti itaque Disputationem alteram auspicabimur; qua præcipuas circa Christum Obortas Hæreses felici, uti spero, exitu, Divino opitulante Numine refutabimus.

DISPUTATIO SECUNDA.

Adversus Hæreticos.

PRÆLECTIO PRIMA.

Varia Hæreticorum de Christo Systemata referuntur, ac confutantur.

Adversus Infideles, præsertim Judæos, qui Christo nostro nedum Divinitatem, verum etiam Messie adpromissi Sacris in Literis dignitatem, & Gloriam impiè eripere contendunt, omni, quo potuimus studio, hætenus decertavimus. Alteram modò, Superis adfaventibus, Disputationem auspicamur; ut quàm peractam contra eos Incarnationem in Superiori Argumentis invictissimis demonstravimus, integram Illam, suisque partibus absolutam adversus insulas Hæreticorum Cavillationes in præsentia stabiliamus, ac vindicemus. Quamobrem in Eos iam tandem arma convertimus, qui Incarnationem Divini Verbi verè quidem peractam nobiscum sponte fatentur; sed eam nihilominus iniquè mutilant, deformant, impiisque blasphemis cumulant, dum Christum, quem Messiam Sacris Oraculis prænunciatum cum Catholicis agnoscunt ac venerantur, suis tamen Titulis & Prærogativis defraudare impudentissimè moliuntur. Ut hanc porro spartam feliciter exequar, Illos paucis recensebo, suisque coloribus pingam, quibuscum arma conferenda nobis erunt, satis subinde in sequenti Disputatione facturi Angelicæ Scholæ Adversarii.

Hæreticos itaque Dominicæ Incarnationis integritatem impetentes duplici statim agmine sitos video, alios Christi Humanitatem, alios ejusdem Divinitatem, adversis licet Consiliis, paritamen impietate oppugnantes. Christum verum esse Hominem primus, quem sciam, inficiatus est Cerdon; cujus mentionem ingerit D. Augustinus *Libro de Hæresib. Hæres. 21.* Quo semel negato Fidei Capite, illud etiam colligebat, Christum simulatè tantum atque in Speciem, non autem verè passum, ac mortuum esse. Eidem Errori, sequutis inde temporibus, sese alligarunt Proclianitzæ, de quibus idem Augustinus *Hæres. 60.* Tum dein Apelles quidam, de quo Eusebius *Lib. 5. Hist. Eccl. Cap. 13.*, Valentinus, Priscillianistæ, alique obscuro satis nominis Tenebriones, qui Christi

Prælect. P. Serry Tom. II.

A a

Cor-

Corpus non humanum, vereque de Virgine efformatum prædicarunt, sed cœlesti quadam subtili materia compactum, quod ad nos per Virginem, veluti per rimam ac fistulam venerit. Ab iis omnibus non procul abiisse putaverim Manichæos; qui Christo Corpus phantasticum tribuebant; quosque Augustinus variis Libris exagavit, multoque sale desiccuit.

In Christi Divinitatem non uno eodemque consilio pugnatum est; sed variis, prout maligno suo quisque Genio ducebatur, Erroribus ventum in aciem. Christum verum quidem Hominem fassi sunt; sed itidem verum Deum, ejusdemque cum Æterno Patre substantiæ pernegarunt Arjani, eo nomine dicti ab Ario quodam Lybico Alexandrino, qui Sectam illam secundo Ecclesiæ sæculo a variis Tenebrionibus præformatam longè, latèque diffudit sæculo quarto. Triplex progressu temporis Arjanorum factio conflata est. Prima, eaque omnium princeps illa fuit, quæ Arii primigenium dogma, putamque illius blasphemiam propugnabat: Christum Dominum scilicet alterius a Patre esse Substantiæ eidemque plane dissimilem; atque ita in communem creaturarum ordinem ablegandum. Factio altera Semiarianorum fuit; qui videlicet priorum blasphemiam temperantes Filium quidem Patri consubstantialem negabant; eidem tamen per omnia similem fatebantur. Tertia Arjanæ impietatis Factio Acacianorum dicta est, quod ejus princeps esset Acacius Episcopus Cæsariensis. Ii scilicet Christum Dominum, quem Patri consubstantialem cum Arianis omnibus pernegabant, Patri tamen per omnia similem cum Semiarianis fateri detrectabant; sed ut ut maximè externæ speciei similitudinem admittebant.

Nos igitur Arjanos, eorumque vel Præformatores, vel Pedisse-quos non hic in censum vocabimus; qui ut æterno Dei Filio, Verbo a Patre genito, Divinitatem eripuerunt, ita & Christum suo illo titulo defraudarunt. De iis quippe lato admodum sermone suo loco diximus, dum de Trinitatis Mysterio ex instituto disputavimus, uti quoque in 1x præcedentis Disputationis Prælectione, ubi Arjanorum æque ac Judæorum momenta contra Messiz Divinitatem refutavimus; Sed illos duntaxat in judicium vocabimus, qui cùm Æterno Dei Filio Divinitatem attribuerint, eandem tamen novo absurditatis genere Incarnato Dei Filio denegarunt. Ii quippe ad præsentem Disputationem intimius attinent, nostrique jam juris sunt.

In hunc censum computandi veniunt Eutychiani Sæculo quinto tot inter sese dissidiis commissi, ut vix unum alteri consentientem invenias. In hoc quidem conspirant universi, quòd duæ in Christo ante unionem Naturæ fuerint, post unionem autem unica. Ita quip-

quippe de iis scribunt S. Flavianus in *Epist. ad S. Leonem* (apud Labbæum Tom. 4. pag. 774.) & ipse S. Leo *Epist. 10. cap. 6.* At verò quæ sorte, quove pacto unica ex duabus Natura coaluerit, non uno, eodemque modo definiunt. Nonnulli, ut legimus apud Theodoretum *lib. 4. Hæret. Fabul. cap. ult.*, unam Naturam ex utraque coaluisse fabulantur, per conversionem Humanitatis in Divinitatem. Alii vice versa, de quibus scribit Gelasius *lib. de duabus Naturis* contra Eutychetem, factum id arbitrantur per conversionem Divinitatis in Humanitatem. Alii demum, quali quid melius suis sodalibus scirent, tertium nescio quid ex utraque Natura conflatum commenti sunt, mutua veluti mixtione, ac confusione, ut nec Divinitas, nec Humanitas secundum proprias sui formas Christo inessent; eo plane modo, quo ex quatuor elementis corpora compinguntur, ut quid aliud inde succrescat, cedantque nativæ elementorum formæ, solaque illorum virtus mareat.

Tam infani, tamque impliciti erroris Architectum produunt communiter Ecclesiæ Patres Eutychetem, Ecclesiæ Constantinopolitanæ presbyterum, ac Monasterii, nescio cuius, Abbatem. At Præformatores eum habuisse certum est, qui hoc idem ante illum delirarent; maxime verò Polemium integro sæculo superiorem, cuius mentionem fecerunt S. Epiphanius in *Compendio Hæret. Fab. lib. 4. pag. 504.* Theodoretus *lib. 4. Hæret. Fab. pag. 439.* Hinc & multos Ecclesiæ Patres Eutychetis ætate Superiores legere est, qui errorem illum ex instituto confutaverunt: ut Athanasius in *Epistola ad Epictetum*, Cyrillus Alexandrinus *lib. de recta fide* ad Theodosium, & S. Ambrosius *lib. de Incarnationis Dominicæ Sacramento cap. 6.* Quin & erunt fortasse, qui putent, primo ipso Christiani nominis Sæculo eum errorem ex Inferis erupisse; quod illum data opera confutatum legant ab Dionysio Areopagita *Epist. 4. ad Cajum Monachum*. Verum cum Epistolas illas (extant in Bibliotheca Patrum Tom. 1. pag. 159.) uti & alios sub Dionysii Areopagitæ nomine vulgatos libros spurios judicent Criticæ Scientiæ Periti pene omnes, eosque Scriptori longè recentiori communiter tribuant, nullum inde Argumentum efficax peti potest ad primos Eutychianismi natales detegendos.

Cæterum, uti Præformatores, ita & Pedissequos habuit Eutyches etiam postquam a Concilio Chalcedonenſi damnatus est; Acephalos scilicet, qui uti Naturam Humanam in Divinam transformatam, conversamque commenti sunt, ita Naturam Divinam fuisse crucifixam somniarunt. Cui postremo errori Lutherus manus dedisse visus est *Lib. de Conciliis par. 2.*; palamque suffragati sunt ejusdem Lutherani Sæctæ combibones, Musculus, & Schvvnefeldius, uti multis ostendit Staphilus *Lib. de Concordia Discipulorum Lutheri*.

Ex imprudenti, & inconsulta Hæreseos Eutychianæ confutatione nata est Hæresis Nestoriana. Nempe, ut distinctas in Christo Naturas tuerentur aliqui minus oculati, in extremas partes abiere; duasque in Christo Personas propugnarunt; cum ii minus intelligentiâ assequi possent, quo pacto cum Distinctione Naturarum staret Personæ unitas. Nestorium Patriarcham Constantinopolitanum hujusce Sæctæ primipilum varios statuendi, exponendique erroris modos, varios anfractus quæsiisse, nec sibi inaperienda mente perpetuò consensisse scribunt quinti Sæculi Tractatores: quæ omnia minutatim dispungere haud faciliè tentaremus; cum Nestorii Libri ad suum illum cudendum errorem elaborati flammis absumpti sint jubentibus Theodosio, & Valentiniano Imperatoribus Ephesinæ Synodi precibus inclinatis. Id tamen ex Actis Concilii Ephesini, & S. Cyrilli Lacubrationibus colligere licet, Nestorium verba sua ita dexterè composuisse; loquendi rationes, ac modos ita temperasse; ut eum non pauci Catholicum arbitrarentur, dum hæreseos luto hæreret quàm maximè. Unam enim Christi Personam frequentius vocitabat; at sub herba latebat anguis; & id nominis sensu prorsus hæretico usurpabat, unam in Christo Personam intelligens, unitate concordiæ, & affectus; non veritate Suppositi; Unam, inquam, Christi Personam dictitabat: primò; propter inhabitationem Personæ Unius in altera; secundò; propter communionem Operationum; quatenus scilicet Persona creata Personæ Divinæ instrumentum esset: tertio; propter conjunctionem affectus; quòd una alteri per omnia consentiret: quarto; propter communicationem Dignitatis, & honoris Divini, qui Personæ creatæ, tanquam Personæ Divinæ Templo tribueretur.

Jam quo fato ex imprudenti Eutychianæ Hæreseos impugnatione Nestoriana germinavit; ita ex incauta Hæreseos Nestorianæ debellatione Monothelitarum Sæcta suborta est. In nempe, ut unam in Christo Personam adstruerent, Voluntatem unicam somniarunt; & verè utique somniarunt; cum si tantisper vigilassent, quàm facillimè comperissent, Voluntatem rationalis Naturæ Facultatem esse; atque ita (seposita unius in Christo Personæ consideratione) tot in Christo Voluntates admitti oportere, quot in eo Naturæ conceduntur. Hujus Erroris primarii Duces extitisse referuntur sæculo septimo Macharius Episcopus Antiochenus, Cyrus Alexandrinus, Sergius Constantinopolitanus; Monothelitæ ex Erroris nomenclatura nuncupati; sonat enim græcè, monon thelima, una voluntas. Quas clades in Ecclesiam intulerit Monothelismus, vel ex hoc uno nosse licet, quod etiam veneranda Cælo Capita, Romanos Pontifices, si non in apertam protectionem Erroris, saltem in dissimulationem pertraxerit. Unde & in Actis sextæ, ac septimæ

Sy-

Synodi Œcumenicæ Honorio Romanæ Sedis Episcopo non secus, ac Sergio, & Cyro, anathema pronunciatum legimus : quod tamen non ita accipiendum venit, ut re ipsa Hæreticus Honorius fuerit, sed Hæreticorum duntaxat (uti particularis Persona) ex imprudentia patronus, ac fautor. Hic itaque exhibitio errorum circa Christum specimine, ad eisdem errores confutandos accedo ; & quæ veri Theologi partes sunt, statim suscipio. Primi igitur in ordine confutandi veniunt, qui Christo veram inesse Humanitatem inficiantur; quod quidem brevi in præsentī velitatione perficiam; majorem in cæterorum confutatione operam sequentibus Prælectionibus positurus.

Christo itaque veram inesse Humanitatem, corpus verè humanum, nec cœlesti materia compactum, quadruplici Divinorum Oraculorum genere Ecclesiæ Patres demonstrarunt; quæ hic non tantum referre, quam indigitare satis erit. Primus eorum Oraculorum Elenchus est, quibus Christus ex Abraham, Jacobi, ac Davidis semine prognatus, nec non de Virgine natus, ejusque in utero conceptus dicitur *Genesis cap. 22. ; Isaiæ 7. ; Psal. 131. ; Matth. 1. ; Luca 1. ; ad Rom. 1. ; & 9. ; ad Gal. 3. ; & 4. ;* aliisque sexcentis plus minus locis. Quo pacto enim cœlesti corpore in speciem humanam efformato, non vera humanitate constaret ille, qui ab hominibus genus trahit, quique natus, conceptusque est?

Alter eorum Locorum Elenchus est, quibus Christum humanas affectiones perensisse liquet, ut tristitiam, *Matth. 26. : cœpit contristari, & mæstus esse* : pavorem & tædium, *Marci 14. : cœpit pavere, & sedere* : famem, *Matth. 4. : cum jejunaasset postea esuriit* : lassitudinem, *Joann. 4. : fatigatus ex itinere sedebat sic supra fontem* : quæ omnia neutiquam Christus Dominus perensisset, si fidereo corpore compactus esset.

Tertius eorundem Locorum Elenchus est, quibus Christus humores habuisse perhibetur; ut sanguinem *Luca 22. : Hic est Calix novum Testamentum in sanguine meo* : Lacrymas, *Luca 19. : videns Civitatem flevis super illam* : salivam, *Joannis cap. 9. : expuit in terram, & fecit lutum*. Ex quibus omnibus liquet, corpus verè humanum, nec cœlesti materia compactum, Christum habuisse.

Quartus eorum demum Locorum est, quibus Christus a mortuis redivivus verum corpus veramque carnem habere se demonstravit; *Luca 24. : Palpate, & videte : quia spiritus carnem, & ossa non habet, sicut me videtis habere*. Certè corpora fiderea carnem, aut ossa non habent. Quare ultimò concludendum, Cerdonianos, Prodiannitas, Valentinianos, ac Priscillianistas a Sacris Litteris toto ostio aberrasse; imo & a dilecto Discipulo Anathemate percussos esse, dicente illo, *Epist. 1. Cap. 4. : Omnis spiritus qui confitetur*
Jc-

Iesum Christum in carne venisse, ex Deo est : & omnis spiritus, qui solvit Iesum, ex Deo non est ; & hic est Antichristus.

Hinc noīe licet, quid sibi velint duo illa Scripturæ Loca, quibus ad suū obtrudendum errorem illi abutebantur : Nimirum 1. ad Cor. 15. ; Ubi Apostolus Adami, & Christi antitheses ponens, *primus homo*, inquit, *de terra, terrenus* ; *secundus homo de Cælo, Cælestis* ; Unde Christi corpus materia cœlesti compactum ef-futiit Valentinus. Et ad Philip. 2. Ubi Christus non tam homo, quàm hominibus similis appellatur : *In similitudinem*, inquit, *hominum factus, & habitu inventus ut homo* : quasi externam tantum Humanitatis speciem habuisset. Quid hæc, inquam, Loca sibi velint, planum est. Christus siquidem cœlestis Homo dicitur ab Apostolo aut propter Divinam Naturam Cœlo delapsam, aut etiam propter Humanam Naturam cœlesti Spiritus S. Virtute in Virginis Utero formatam : non quòd ex cœlesti materia concretum Corpus haberet. Pariter in similitudinem hominum factus dicitur, absque veræ, & propriæ Humanitatis injuria. Usitata quippe est Scripturæ phrasis, ut id etiam simile alicui nuncupetur, quod naturam, ac substantiam ejusdem cum illo rationis obtinet. Sic *Genesis* 2. de Heva dicitur : *faciamus ei adjutorium simile sibi* : cum tamen Heva ejusdem cum Adam Naturæ fuisse nemo ambigat. Sic *Genes.* cap. 5. : *vixit autem Adam centum triginta annis ; & genuit ad imaginem, & similitudinem suam, vocavitque nomen ejus Serb* : qui tamen verus, non secus ac Adam, homo erat. Quidni ergo verus Homo Christus Dominus fuerit, tametsi in similitudinem hominum factus ab Apostolo dicatur ? Quod porro subjungit ibidem : *& habitu inventus ut homo* ; ad Scripturæ phrasim alludit ; qua Christi Humanitas *Indumentum*, ac Veluti *Vestis* Divinitatis quadam Analogia nuncupatur ; quia sicuti vestis sine substantiæ hominis mutatione eum induit ; ita Humanitas sine Divinitatis mutatione assumpta est. Hinc *Isaia* 63. *quare ergo rubrum est indumentum tuum ?* Et initio ejusdem Capituli : *quis est iste, qui venit de Edom rinctis vestibus de Bosra ?* Quæ sunt interrogationes de Humanitate Christi sauciata, proprioque Sanguine in Passione rubricata.

In sequentibus graviorem in Eutychianos concertationem Deo volente, vobisquæ faventibus auspicabimur.

191

PRÆLECTIO II.

Contra Eutybianos duæ in Christo naturæ propugnantur.



Utychianam Hæresim, cujus hesternæ luce in antehabita Exercitatione Systema perabsurdum exponebamus, hodierna Prælectione confutatur id statim occurrit animo, quod a Viris eruditissimis observatum pridem, scriptoque traditum est; nullos tota retro Antiquitate Hæreticos inveniri, qui insana Paradoxa majoribus absurdis implicarint: ut plane in reprobum sensum traditi præ cæteris videantur Eutychiani; non modò sacris Litteris, Patribusque contrarij; verùm etiam primis humanæ Philosophiæ Principiis, ac sibi ipsis palam, aperteque repugnantes. In hoc ergo tota hæc nostra collimabit Exercitatio, ut hoc ipsum de illis meritò adnotatum fuisse demonstremus.

Quod ubi semel in aperto fuerit, nemini dubium erit, Hæresim Eutychianam ab Ecclesia Catholica meritò proscriptam esse, atque damnatam; quòd unam in Christo Naturam effutirent: Seu id factum vellent Divinitatis, & Humanitatis promiscua confusione; seu alterius Naturæ in alteram conversione.

Ac primò quidem in comperto est apud omnes, Eutychianos Arjanis, ac Valentinianis ex æquo insensos esse: hoc est Eutychianos Æterni Verbi Divinitatem agnovisse contra primos, Christumque vera carne præditum affirmasse contra secundos. Unde & nos ab iis proferendis superfedemus, quæ cumulatè satis attulimus; ut Christum & verum Deum, & verum Hominem probaremus. Tam id in Eutychianos regerere facile est, ut illos sibi metipsis, ac Scripturis repugnantes demonstremus. Si etenim Naturarum in Christo confusio facta est, ut in Humanam Divina conversa sit, jam non Deus, sed Homo purus Christus erit. Et contra: si in Divinam Humanam Natura conversa est, jam non Homo, sed Deus duntaxat erit: ac tandem, si commixtio utriusque Naturæ facta dicitur, ut mutata Humanitatis, ac Divinitatis formâ tertium quidpiam coaluerit, uti nonnullis Eutychianis visum est, Christus nec Deus, nec Homo dicendus erit; uti plane corpus humanum, quod quatuor Elementorum commixtione concretum est, nec terram, nec aquam, nec ignem, nec aerem vocitamus; sed quod eorum omnium admixtione coaluit. Adeoque Christi Divinitas, & Humanitas tot Scripturarum Oraculis adversus Arjanos, ac Valenti-

lentinianos assertæ, ab Eutychianis re ipsa exploduntur; quamquam se illas admittere videri velint.

Scio responsuros illos, quod aliàs crambis instar recoctæ reponabant; nimirum in Christo, sin minus post unionem, at saltem ante unionem, duas illas Naturas extitisse. At & hoc scio, nihil infusum magis obrudi posse. Quomodo enim in Christo ante unionem duæ illæ Naturæ fuisse dicuntur, cùm ante Naturarum unionem nullus re ipsa Christus esset? Rectissime itaque S. Leo in sua Epist. Synodica ad Flavianum (apud Labbæum Tom. 4. pag. 1226.) in Concilio Chalcedonensi recepta, cùm ea Eutychetis verba retulisset num. 6. : *Confiteor ex duabus Naturis fuisse Dominum nostrum ante adunationem; post adunationem verò unam Naturam confiteor*; eas voces tanquam absurdas, impias, & blasphemias infectatur; miraturque illam loquendi formulam ita fuisse in Eutychetis examine obstabitam, quasi nihil quod offenderet, esset auditum; *cum tam impie* (subdit SS. Pontifex) *duarum Naturarum ante Incarnationem Unigenitus Dei Filius fuisse dicatur, quàm nefariè, postquam Verbum caro factum est, Natura in eo singularis asseritur.*

Eutychianos non minus erroris revincit, quod sacris in Litteris non semel expressum est; imò quod solo Philosophiæ lumine nobis innotescit; nimirum Divinam Naturam nulli prorsus esse obnoxiam mutationi : *Malach. 3. : Ego enim Dominus, & non mutator : & Jacobi 1. apud quem non est transmutatio, nec vicissitudinis obumbratio.* Porro Deum sua immutabilitate excidere necessè est, si quod Eutychiani obrudebant, veritate nititur; Divinitatem scilicet in Humanitatem, aut e contrario Humanitatem in Divinitatem fuisse conversam; aut geminam Naturam in tertium quidpiam coaluisse : fieri quippe non potest, ut pullo pacto mutetur illud, quod in aliud convertitur, aut in quod convertitur aliud.

Nunc verò, si SS. Patres Eutychete antiquiores consulamus, perspectum erit, cum novum in Ecclesiam Portentum intulisse; & a sacra Traditione, quæ alterum Fidei nostræ firmamentum est, toto ostio aberrasse. Non eos hic Ecclesiæ Patres longo ordine numerabo, qui Christum & verum Deum, & verum Hominem extitisse tradiderunt; quamquam eorum Suffragio Eutychianus error commodè confutetur; cùm ex hoc uno colligere liceat, duas in Christo Naturas secundum distinctas sui formas extitisse : sed illorum tantum Suffragium advocabo, qui eam duarum Naturarum commixtionem, confusionemque singulariter oppugnarunt; coque pacto Eutychianam Hæresim distinctius, & apertius, antequam Eutyches caput extolleret, confutarunt.

Præ-

Præluxit eo in Cælo S. Athanasius in *Serm. de Annunciat. Dei-*
para post medium inquitens : *Sanctificata igitur superventu Spi-*
ritus Sancti Virgo, & corroborata, & virtute Altissimi gravida eum
gestabat, qui ex sua propria Essentia Dei erat Filius pro unica ejus
Divinitatis Natura, & gignit eundem incarnatum, & Hominem fa-
ctum, secundum duarum Naturarum proprietatem : eundemque du-
plicem, & unum, ex duobus constantem, inconfusè, immutabiliter,
atque indivisim credi oportere statuimus. Tum deinde, nonnullis in-
terjectis : Deus interim perfectus, & Homo perfectus : unusratiōe
unius Personæ, duplex tamen Naturâ. Quæ usque adeo clara sunt,
ut nulla nostra commentatione egeant.

S. Basiliius contra Eunomium lib. 1. pag. 28. nil minùs eliquatè rem
conficit : Nam sicut, inquit, formam servi suscepisse, hominis sub-
stantiam Dominum suscepisse significat : sic cum in forma Dei esse di-
cat (Apostolus) Divinæ Substantiæ ipsi profectò attestatur proprie-
tatem. En tibi Naturas secundum proprias sui formas, atque pro-
prietates.

Addipulatur Gregorius Nazianz. *Orat. in Christi Nativ. Missus qui-*
dem est, inquit, verum ut Homo (duplici enim Natura erat).

Sed luculentiùs, & apertiùs S. Cyrillus Alexandrinus in *Scholiis*
de Incarn. Unigeniti cap. 24. pag. 74. : At verò, inquit, in Verbi
Natura, & Humanitatis, solam nobis differentiam designat diver-
sitas Naturarum. Unus enim ex utroque intelligitur Christus. Ergo in-
confusione, ut ante dixi, servata inhabitasse Verbum aīr (dilectus
Apostolus) in nobis. Sunt hæc profectò ita nitida contra Eutychia-
num Errorem, ut mihi mirari subeat, potuisse Errorem illum tam
dilucidè, antequam oriretur, exagitari.

Alexandrino dat manus Cyrillus alter Hierosolymitanus *Catheceti-*
4. cap. de Christo inquitens : *neque ab aliis a Patre Filium : ne-*
que comixtionem faciens *ὁ πατὴρ ὁ υἱὸς* Filii Patrisque confusionem quam-
dam credas.

Succedit S. Hilarius lib. 9. de *Trinit. sub initium : Ipse (Chri-*
stus) inquit, ex unitis in idipsam Naturis, Naturæ utriusque res ea-
dem est ; ita tamen, ut neutro careret in utroque, ne forte Deus
esse Homo nascendo desineret, & Homo rursus Deus manendo non
esset.

Claudet agmen S. Ambrosius libro de *Incarnat. Domin. Sacram.*
cap. 6. : ubi postquam Arjanos exagitavit, in Eutychianos jam ca-
put extollentes sermonem convertit : Dum hos, inquit, redargui-
mus, emergunt alii, qui Carnem Domini, & Divinitatem dicunt
unius esse Naturæ. Quæ tantum sacrilegium Inferna vomuerunt?
Cæteros ætate suppare, aut inferiores mitto lubens ; S. Hieronymum
in Cap. 55. : Ista : S. Augustinum lib. 1. de Trinit. cap. 7. : S. Gre-
gorium

gorium Magnum *Lib. 15. Moralium in Cap. 28. Job, cap. 52.* : S. Leonem Magnum *Epist. 97. ad Leonem Augustum* ; S. Vigilium *lib. 5. contra Eutychetem* : Theodoretum in *Dialogo Inconfusus* ; Gelasium *lib. de duabus Naturis* ; quos omnes, si vacat, consulere licet.

Merito ergo uti Novatores, sacrarumque Literarum, ac Divinæ Traditionis desertores Eutychiani proscripti sunt primum in Concilio Chalcedonenſi, quod ad eam Hærefim extirpandam ex instituto coactum est; tum deinceps in Concilio Constantinopolitano II. *Canonibus 2. 7. 8. 11.* : subinde in Sexta Synodo Generali, quæ fuit Constantinopolitana III. *Actione 4.* ; ac demum in Concilio Romano sub Martino I. *Actione 5. Canonibus 6. 7. & 9. & 10.* Ut de Conciliis Nationalibus fileam, inter quæ potissimum recensetur Hispanense II. ex Hispaniæ Præsulibus congregatum *Capite 13.*

Restat, ut in præsentia perpendamus, quid tandem viros acutos moverit, ut tam absonum errorem obtruderent. Qui Divinitatem in Humanitatem conversam in Christo fabulabantur, eo maximè nitebantur argumento, quod *Verbum Caro factum* dicitur, *Joan. 1.* Hinc Verbum in Carnem mutatum colligebant; uti plane dum dicitur *Joan. 2.* : *aquam vinum factam* esse in Cana Galileæ, sensus est, aquam mutata esse in vinum, non vino unitam.

Minus isto movebantur argumento Ecclesiæ Patres. Quamvis enim dum aqua vinum facta dicitur *Joan. 2.* eadem mutata in vinum intelligatur; consequens non est, ut eadem ubique sit huiusce vocis potestas; idque semper in aliud immutatum intelligatur, quod aliud factum esse dicitur. Quare id certissimè statuendum, vocabulum *factum*, non semper transmutationem denotare unius in alterum; sed quandoque etiam accessionem unius ad alterum sine substantiæ mutatione; ut ferrum candens ignem factum dicimus, formæ substantialis ignis accessione, non ferri in ignem substantiali conversione. Quamquam nolim exemplum illud per omnia ad amassim institutum huic nostro accommodari, quod nullum in Natura exemplum habet.

Cur autem aquam re ipsa in vinum transmutatam colligimus, dum eam vinum factam dixit Evangelista; Verbum tamen nequaquam transmutatum in Carnem existimamus, quamquam illud Carnem factum perinde dixerit? Prima philosophica ratio est; quia aqua est capax conversionis in vinum, præsertim Virtute Divina; Verbum autem, utpote incorruptibile, est incapax conversionis in Carnem. Secunda ex sacris Literis delibata; quia ea subinde addit Evangelista, quæ veram aquæ in vinum transmutationem juvent; nempe degustasse convivas, & vinum probasse: Contra verò, quæ subiungit Evangelista de Verbo, illud ipsum in sua Natura persistisse convincent, solumque Carni unitum ostendunt: siquidem addit, Verbum

in

in nobis habitasse plenum gratiæ, & veritatis; quod utique minùs veritate niteretur, si converium esset in Carnem.

Addendum insuper, non unico Scripturæ contextui standum esse, dum phrasis subambigua est, variisque sensibus obnoxia; sed alios pariter consulendos ut mutua contextuum collatione, genuinus sensus expromatur. Jam quod his verbis ambiguis exprimit dilectus Discipulus: *Verbum caro factum est*; nitidis, omnemque difficultatem amoventibus verbis expressit Apostolus ad Philip. 2. : *formam servi accipiens, nempe Humanitatem*; & ad Hebræos 2. : *semen Abraham apprehendit*. Cum certè non transmutari, sed manere omnino necesse sit eum, qui aliud quidpiam apprehendit, & accipit. Perperam ergo in eo Joan. Evangelistæ testimonio erroris prædium collocabant Eutychiani.

Ex Patribus nonnulla ardebant Eutychiani in sui præsidium erroris; atque ex iis maximè, qui ea etate temporum Nestorianam hæresim debellarunt. Cum enim eodem illo Christiani nominis sæculo duæ Hæreses in extremas partes abeuntes grassarentur; Eutychiani scilicet, qui ut unam in Christo Personam astruerent, Unicam pariter Naturam obtrudebant; Nestoriani vice versa, qui ut Naturarum distinctionem tuerentur, Personarum quoque distinctionem asferebant; utraque errantium pars propitios sibi Patres jactitabat, qui partem alteram oppugnabant. Negotium aliquod facessivit in Concilio Chalcedonensi S. Cyrilli Nestorianorum debellatoris Autoritas, qui in Eutychianos omnino declinasse visus erat. Eustachius enim Episcopus Berytensis *Actione* 1. contestatus est, a Cyrillo Assertum esse, *non oportere in Christo intelligi duas Naturas, sed Unam Naturam Dei Verbi incarnatam*. Nihil tamen ejusmodi quidquam in Cyrilli scriptis inventum est; quanquam si forte reperiretur, id ita intelligendum esse declaravit quinta Synodus Œcumenica, ut duas Naturas Supposito distinctas, ac separatas duntaxat negaverit; quo sensu a Nestorianis, quos Cyrillus exagitabat, asferebantur.

Non paucos etiam Patres in suas partes trahebant Eutychiani, qui Divinitatem cum Humanitate mixtam dictitassent; maximè verò S. Cyprianum *lib. de Varietate Idolorum* dicentem: *Carne Spiritus S. cooperante induitur*; Deus cum Homine miscetur: S. Gregorium Nyssenum in *Oratione de Sancta Christi Nativitate* dicentem, *Deum humanam se immixtum Naturæ; contemperari humanæ Naturæ*. Non absimilia habet S. Irenæus *lib. 3. contra Hæreses cap. 19.*; ubi legitur: *Qui Filius Dei est, Filius Hominis factus est, commixtus Verbo Dei*.

Verùm & illud mixtionis vocabulum anceps est: nec ita a Patribus illis accipitur, ut ab Eutychianis jactabatur. Ecquis enim nesciat, ea etiam mixta vocitari plerumque, quæ consociantur duntaxat, tam-

metui minimè confundantur. Hinc risum dolori misceri dicimus, dum risus luctui interponitur : hinc Regem populo misceri prædicamus, dum seposita maiestate, depositoque supercilio familiariter conversatur. Atque id unum intellexisse Patres certò constat, dum Deum cum Homine mixtum scripserunt ; unam scilicet Divinitatis cum Humanitate substantialem unionem, societatemque intellexerunt. Id usque adeo verum est, ut eam etiam *mixtionis* vocem usurparit Leo I. *Serm. 3. de Nativit. Christi* (ut legitur in Notis ad eundem Irenæi locum) ita scribens : *nec sic Natura in societatem sui Creatoris est assumpta, ut ille habitator, illa habitaculum esset ; sed ita ut Natura alteri altera misceretur*. Porro S. Leonem Eutychetis erroribus summè fuisse insensum, latet neminem. Imo Vigilius ipse *lib. 1. contra Eutychetem*, dum eum exagitat, eo utitur *permixtionis* vocabulo inquires : *quis in tam abruptum erroris baratrum semetipsum injiciat, ut Filium Dei sine sua propria carne, quam in Sacra Virginis Utero ineffabili Societatis permixtione ita sibiimet adunavit, ut Verbum Homo, & Homo Deus, idemque unus, non mutatis Naturarum generibus fieret, neget hodie sedere ad dexteram Patris?*

Opponi illud fortasse posset, quod in Symbolo, Athanasii nomine volitante, legimus : *sicut Anima rationalis, & Caro unus est Homo ; ita Deus, & Homo unus est Christus*. Hinc quippe consequens esse videtur, ut una ex Divinitate, & Humanitate Natura coalesceret ; uti ex Carne, & Anima, una in Homine Natura coalescit. Sed festivum profectò fuerit, Eutychianismum hujusce Symboli suffragio juvare velle, a quo tam disertè, tam aperte explosus est. Quid enim in Eutychianos luculentius, quàm quod ibidem observamus ? *Unus est Christus ; unus, inquam, non conversione Divinitatis in Carnem, sed Assumptione Humanitatis in Deum : unus omnino, non confusione substantiæ, sed unitate Personæ*. Quæ ergo ibi Animæ rationalis, & Carnis comparatio fertur, ut quo pacto ex iis unus Homo coalescit, ita & ex Divinitate, & Humanitate unus Christus coalescat, ad unius duntaxat in Christo Personæ veritatem adstruendam aptata est, non ad Naturæ singularitatem confirmandam ; nisi velimus, Authorem Symboli, quisquis tandem ille sit, sibiimet ipsi intra duas lineas tam oscitanter repugnasse.

Monstro vobis simillimum erit, quodd ad Hæreseos Eutychianæ defensionem nostris demum temporibus proferatur autoritas Clementis XI. sedentis nunc in Romana Sede Pontificis, quasi hanc ipsam Hæresim apertè tradiderit in *Homilia*, seu *Sermone 3. de Christo resurgente*, habito anno 1702. inter media Sacra die sancto Palchæ ; ubi loquitur in hæc verba : *Hodie forma Servi reversa est in formam Dei ; ac inanitis humilitatis, ad pristinæ altitudinis rediit maiestatem*. Qua de causâ a nonnullis Theologis Lovanienfibus Hæreseos

Eu-

Eutychianæ insinuatæ est. Cum enim perspectum sit, Clementem XI. iis in verbis : *hodie forma servi reversa est in formam Dei*; alludere ad Oraculum illud Apostoli *ad Philip. 2. : qui cum in forma Dei esset, semetipsum exinanivit formam servi accipiens*; quod de utraque forma substantiali, seu de Natura ipsa tam Divina, quàm Humana dubio procul intelligitur; existimatum est, Clementem quoque de substantiali forma, seu de Natura servi, nempe Hominis dixisse, eam in substantialem formam, seu Naturam Dei fuisse reversam; quod sine Eutychiana Hæresi dici non potest.

At quis eam Summi Pontificis mentem fuisse sibi persuadeat, ut Christo Domino resurgente, Humana illius Natura in Divinam reversa seu secundò conversâ sit? Esto enim de utraque substantiali forma, seu Natura locutus sit Apostolus *ad Philip. 2.*; Esto pariter ad locum illum Apostoli Clemens alluserit; Nullæ tamen Tropologiz leges postulant, ut quoties simplex, ac nuda ad aliquod Scripturæ dictum allusio fit, in sermone potissimum oratorio, eodem semper sensu verba, quibus alluditur, accipiantur. Sic itaque potuit Clemens XI. ad Apostoli dictum de substantiali tum Dei, tum Hominis forma alludens, de externa duntaxat, ac velut accidentaria tum Dei, tum Hominis forma perorare; formamque servi in formam Dei reversam dicere; idest, humilem, abjectumque statum Humanitatis Christi Domini in sublimem, & gloriosum Divinitati debitum resurgendo transiisse. Quod quidem eo fidentiùs a Summo Pontifice dici potuit, quod id ipsum iisdem omnino verbis scripserit Author celebris ac perventus *lib. de Cardinalibus Operibus, Serm. de Resurrectione Christi*, inter opera S. Cypriani; ex quo illa Clementis verba excerpta sunt.

Satis hodie contra Eutychianos decertatum : In sequentibus adversus Nestorianos de Christi Personæ unitate disputabimus.



P R Æ L E C T I O III.

Contra Nestorianos unica in Christo Persona defenditur.



Nestorianus error, qui nobis in præsentia refellendus venit, in eo, si bene meministis, situs erat, quod duplicem in Christo Personam Nestoriani ponerent, Divinam Unam, Humanam alteram; priorem in posteriori velut in templo habitantem; nulloque idcirco Substantiali nexu Unitam. Unde & illud consequens erat, alium prorsus in Christo Dei Filium nuncupari, alium Virginis Matris; hancque ipsam Virginem perperam Deiparam vocitari, quasi quæ Deum minime peperisset, sed hominem tantum, in quo Deus Singulariter habitaret. Quapropter Nestorianos Matri non secus, ac Filio injurias Ecclesiæ Patres passim appellant: Christum enim iniquè dividentes, Virginem quoque Matrem nobilissimo Deiparæ titulo defraudabant.

Errorrem hunc tanto ardentius confutandum aggredimur, quanto certius nobis est, superesse etiamnum in Germania non paucos, qui illum secundò ex Inferis Suscitarint, Lutheri, atque Calvini vestigia sequuti. Et quidem Lutherus in *concione de Nasali Domini*, & Calvinus *Lib. 1. Institut. cap. 13.* inter Personam Filii Dei, & Personam Mediatoris non obscure distinguunt. Brentius quoque Lutheranus Ubiquista *Libro de Majestate Hominis Christi* Filium Dei in Filio Hominis habitare diserte docet, quasi interesse distinguerentur. Sed & Michael Servetus, dignus tantorum Magistrorum Discipulus, qui illos ipsos erroribus, atque impietate superavit, *lib. 2. de Trinitate* apertè negat, Christum Filium Hominis eundem esse qui Dei Filius in Sacris Literis appellatur. In hoc igitur erroris Monstrum arma convertimus, ex Scripturis præsertim petita; quibus se stare cùm veteres, tum recentiores Nestoriani gloriantur.

Quinque argumentorum genera huic Errori confutando suppeditat Scriptura Sacra: quæis tanquam quinque lapidibus de torrente a Davide selectis Goljathi frontem seriemus. Primum istud est: Christus juxta Scripturæ phrasim ita Deus, & Homo fuit, ut & Homo ille, qui Christus est, verè ac propriè fuerit Deus; & vicissim Deus ille verè, ac propriè fuerit Homo, nullo inter utrumque discrimine posito. Christus enim de se loquens uti de Homine cum hominibus conversante Deum se, Deique Filium vocat, *Joan. cap. 3. 5. 8. 9.* At nisi secundum unam, eandemque Personam

Deus

Deus esset, & Homo; falsæ omnino forent phrasæ illæ: Ut enim hæc propositio: *Homo est Deus*: sua stet veritate, necesse est, substantialem quamdam identitatem subiectum inter, & prædicatum reperiri, Hominem scilicet, & Deum; cum nomina Dei, & Hominis substantiam expriment. Cum ergo in Christo nulla Deum inter, & Hominem identitas in Natura sit, restat ut substantialis identitas in Persona reperiat, aut putidæ falsitatis assertiones illæ revincantur. Ecquo jure quæso, Deum se vocitasset Homo ille, si re ipsa substantialiter Deus non erat; sed Deum tantum in semetipso velut in templo habitantem habebat? Ita ne Templum Deus dicitur, aut Deus Templum?

Alterum ex Scripturis desumptum argumentum istud est: Nihil tam sæpe in novi fæderis Instrumento expressum est, quam Verbum Divinum incarnatum esse, factumque hominem: Non ergo secundum aliam Personam creatam, sed secundum illam ipsam Divinam quæ Verbum & Filius Dei est, Christus est Homo. Ut enim albus non dicitur quis per eam albedinem, quæ in altera persona est, sed per eam, quam in sua ipsius persona habet; ita neque Filius Dei Homo dici, & esse potest per Humanitatem in altera Persona existentem; neque Verbum incarnatum per carnem alterius Personæ. Una ergo in Christo Domino Dei, & Hominis Persona est.

Tertium sic efferrî potest: Scriptura ubique de Christo tamquam de una eademque Persona loquitur, singularitatis pronomina de illo ubique usurpat *Ego, hic, ille*: tam itaque fatum est, duas in Christo Personas discernere, quam in quovis altero homine. Imo in eum dilectus Apostolus anathema pronunciat, atque uti Antichristum traducit, qui Christum solvere auderet, *Epist. 1. Cath. cap. 4. omnis Spiritus, qui solvit Jesum, ex Deo non est, & hic est Antichristus*. Quid ni ergo Nestorium Antichristum vocitemus? Id enim maxime est Christum solvere duarum Naturarum in ipso vinculum tollere, quod est Personæ Unitas. Neque reponere juvat, in Exemplaribus Græcis, quæ modo extant, nequaquam legi: *qui solvit Jesum*; sed *qui non confitetur Jesum*: fuerunt enim Exemplaria hæc olim ab Hæreticis violata, ut in *Historia tripartita Lib. 12. cap. 4.* notatur. Nec verò dubium est, quin olim ita legeretur: *qui solvit Jesum*; cum ita locum illum in Nestorianos contorserit Leo Magnus *Epist. 10. ad Flavianum cap. 5.* quæ in Concilio Chalcedonenſi *Actione 5.* probata est.

Quartum momentum sic habet: Scriptura Christum hominem non per adoptionem, ut alios Sanctos, sed longè excellentiori modo Deum, ac Dei Filium vocat: porro si Homo Christus non ob alias rationes Deus Deique Filius diceretur, quam quas Nestorius

rius assignabat ; nempe quod Deus in illo velut in templo habitaret , omni substantiali unione seposita ; nihil ille præ cæteris Sanctis haberet , eoque Dei titulo nullo potiori jure frueretur ; cum & alii Sancti Dei quoque templa nuncupentur 1. *Corinth. cap. 3. Nescitis, quia templum Dei estis?*

Quantum demum sic effertur : Christum Hominem adorandum Scriptura sacra non semel declarat ; ad *Hebræos 1.* : Cum *isicum introducit primogenitum in Orbem terræ, dicit: & adorent cum Omnes Angeli Dei* : Et *Psal. 98.* : *Adorate Scabellum pedum ejus* ; quo Scabelli nomine Humanitatem Patres pene omnes intelligunt. Cæterum nisi eadem omnino Persona, quæ Deus est, esset etiam Christus Homo, impie prorsus eandem illi, quam Deo tribuimus, adorationem exhiberemus, quantumcumque Dei templum diceretur esse : non enim idem honor templo, qui Deo, debetur. Hocque eo luculentius est Argumentum, quod Divinum honorem Christo Homini tribuendum Nestorius ipse fateretur.

Nunc tandem, si Patrum Suffragia, quibus in Antecessum error ille confutatus est, proferre ex integro velim, eaque etiam advocare, quæ hac ipsa, qua prodiit, ætate dejectus est, vereor, ne Patrum catalogum conficere necesse sit. Omnes enim ad unum in hujus Hæreseos confutationem conspirasse video. Legi autem præ cæteris possunt *S. Irenæus lib. 3. adversus Hæreses capp. 16. 17. 18. & 19.* *S. Cyrillus Hierosolym. Catechesi 11.* : *S. Athanasius De Incarnatione Verbi contra Samosatenum, & Epist. ad Epictetum circa finem* : *S. Basilii lib. 4. contra Eunomium super illa verba Dominus creavit me, Prov. 8.* : *S. Gregorius Nazianzenus Epist. 1. ad Cledonium, quæ est oratio 51.* : *Cyprianus lib. 2. contra Judeos capp. 8., & 10.* *S. Hilarius lib. 9. de Trinit. n. 3.* : *Sanctus Ambrosius lib. de Incarn. Dom. Sacram. cap. 5.* : *S. Augustinus lib. 13. de Trinit. cap. 17.* : *S. Hieronymus Epist. ad Heliobium quæst. 9.* *S. Gregorius Magnus Hom. 16. & 38.* Quibus omnibus Scripturarum, & Patrum momentis Ecclesia Catholica innixa Nestorianam Hæresim anathemate proscripsit in Concilio Ephesino *Can. 2. & 4.* (apud Harduinum pag. 1194. & 1195.) : in Concilio Chalcedonenſi *Act. 5. in Definitione* post recitatum Constantinopolitanum Symbolum : In Constantinopolitano *II. Can. 4.* : in Lateranenſi *IV. Capitulo 1. de Fide Catholica* : in Constantinopolitano *III. Act. 4.* : ac tandem in Concilio Hispalenſi *II. Capitulo 13.*

Restat in præsentia perpendendum, quid Nestorianos ad suum illum cudendum errorem adduxerit ; ut hinc erroris vanitatem probemus magis ; adeo scilicet futili fundamento nitebantur. Palmare, ut putabant, illud erat, quod ex secundo Joannis Capite desumptum est ;

est; ubi Christus de se ait: *Solvite templum hoc*: hinc scilicet colligebat Nestorius, Deum in Christo tamquam in templo habitasse. Cui Oraculo illud adjcti potest ex Epistola 2. ad Corinth. cap. 5. petitem: *Deus erat in Christo Mundum reconcilians sibi*; quasi non tam Deus Christus esset, quam Deus in eo. At id quam ludicrum esset, nemo non videt. Christus enim non Personam Humanam suam, quæ nulla erat, Divinitatis templum appellabat, sed Humanitatem suam, ubi Divinitas inhabitabat, juxta illud Apostoli ad Collos. 2.: *in ipso inhabitat omnis plenitudo Divinitatis corporaliter*. Unde & continuò, quasi Nestorianum sensum occupans, Evangelista subjungit: *ille autem dicebat de templo Corporis sui*. Corpus ergo, non Persona templum erat. Pari sensu, dum Deum in Christo fuisse scribit Paulus, de Christi Humanitate, aut Corpore venit intelligendus: vel si forte Christi nomine, in quo Deus fuerit, Personam ejus intelligi velit aliquis, quid vetat, Deum Patrem eo Oraculo designari, qui in Christi Persona erat; ea videlicet mirabili unionem, quam in tribus Personis Fides agnoscit, de qua Christus agebat, Joann. cap. 14.: *Non creditis, quia ego in Patre, & Pater in me est*? Ut nihil hinc Nestorianis extundere liceat ad suum errorem obtegendum.

Futillius est, quod secundo loco Nestoriani opponebant; multa scilicet de Christo in Evangelio dici, quæ ita Deo conveniunt, ut Homini convenire nequeant; ut quod ante Abraham, imò & ante Orbem conditus esset: alia vice versa quæ ita conveniant Homini, ut Deo convenire non possint; ut quod a Deo desertus esset, dum in Cruce pendulus exclamavit: *Deus Deus meus, quare me dereliquisti*? Unde duas Christo Personas inesse colligebant, ratione quarum, isthæ de eo prædicari possent. Sed & id perperam; cum abunde Naturarum distinctio sufficiat; per quarum alteram, scilicet Humanam, quæ humana sunt, Christo conveniant; per alteram nempe Divinam, quæ Dei sunt, eidem adjudicentur.

Majoris momenti videtur esse, quod ex Patrum autoritate repeti posset Argumentum, apud quos frequens phrasim occurrit, Deum assumpsisse Hominem, aut Deum cum Homine unitum esse. Ita certè legere est apud S. Cyprianum libro de Vanitate Idolorum; S. Hilarium libro 9. de Trin. cap. 7.; S. Augustinum lib. de Agone Christiano cap. 11., lib. de Præd. SS. cap. 15., lib. 9. de Civit. Dei capp. 17. & 21.; S. Leonem Magnum epist. 11. ad Julianum; S. Joannem Damascenum lib. 3. de Fide Cap. 4. Quin etiam in Conciliis Toletanis 1. 6. & 11. Et certè, si rem penitiùs observemus, Homo concretum, ut loquuntur Dialectici, nomen est, subiectum unà cum forma significans, atque adeo personam: si ergo Deus assumpsit Hominem, Personam Humanam assumpsisse ne-

cessum est; atque ita duas in Christo Personas extitisse fatendum erit.

Equidem, si ad exactam Dialecticæ limam phrasēs suas composuissent laudati Patres, min⁹ eam loquendi rationem usurpassent; vocabulo quippe *Homo* stricto sensu accepto personam significari, comperta res est. Quocirca Fœlix I. Papa in *Epistola ad Maximum Episcopum, & Clericos Alexandriæ*, quæ in Synodo Chalcedonenſi *Actione* 1. laudata est, ita scribit: *Nec enim Hominem assumpsit. Dei Filius, ut esset alter prater ipsum: Sed Deus existens perfectus, factus est simul & Homo perfectus incarnatus ex Virgine.* Quibus verbis phrasim illam *Deus assumpsit Hominem* reprobalſe videtur. Quare dicendum, Patres illos in Objectione laudatos, misſo Dialecticæ rigore, Hominis nomine Naturam realem, ac singularem, non Personam intellexisse. Ne quis verò putet hoc nostrum interpretamentum pro arbitrio confectum esse, ne tot verenda Cœlo Capita Nestorianis concedamus; id unum notare juvat; illos scilicet ipsos, qui phrasim illam frequentius usurparunt: *Deus assumpsit Hominem*, in Nestorianos præcipue depugnasse; Personarumque distinctionem luculentius impetiisse. Unus instar omnium sit Augustinus, qui, licet Deum Hominem assumpsisse dixerit locis paulo ante laudatis; nihilominus *lib. 13. de Trinit. cap. 17.*: *Sic Deo, inquit, conjungi potuit Humana Natura, ut ex duabus substantiis fieret una Persona.* Et *Tract. 27. in Joann. Commendaris, inquit, cbaritati vestra, unam Personam esse Christum, Deum & Hominem, non duas; ne Fides vestra non sit Trinitas, sed Quaternitas.* Ut hinc videatis, non esse cur de ea phrasia nonnullis Patribus usurpata Nestoriani glorientur.

His ita statutis, & ab Hæreticorum cavillatione vindicatis, sequens est illud alterum, quod perfractè Nestoriani diffitebantur; Virginem scilicet Mariam, Dei Matrem, seu Deiparam nuncupari oportere. Ex quo enim unam Christo Personam asserimus, nempe Divinam, sequitur, Virginem hujusce Personæ Matrem verè dici, & esse; quia concipi, & nasci Personæ tribuitur secundum naturam, in qua concipitur, atque nascitur: Persona autem Divina concepta, nataque est in Humana Natura ex Virgine; cùm ab ipſo Conceptionis diluculo Divinum Verbum Naturam illam assumpserit: atque ita in Concilio Ephesino *canone* 1. sancitum est: *Si quis non confitetur, Emmanuelem verum Deum esse, & ob id sanctam Virginem Deiparam anathema sit.* Quam definitionem ex Divinis Literis hausit sacra Synodus, *ad Galatas 4.*: *Misit Deus Filium suum, factum ex muliere:* si enim Filius Dei ex muliere factus est, mulier igitur Dei Filii Mater est. Et *Luce 1.*: *Quod nascetur ex te sanctum, vocabitur Filius Dei.*

Ne-

Neque officit, si quis cavilletur, Virginem non genuisse Divinitatem, Christumque non concepit, ut in Divina Natura subsistit, sed in Humana. Et id quidem certissimum est: at ut Dei Mater vocetur & sit, satis est, ut in Humana Natura Personam genuerit, quæ Deus est. Persona quippe, juxta Philosophiæ decreta, Humanæ generationis est terminus. Id generationis Vulgaris exemplo compertum sit; in qua certè rationalis anima a Matre minimè gignitur; quamquam hæc simpliciter Mater hominis geniti nuncupetur: nemoque adeo ineptus cavillator inventus est, qui mulierem carnis, non item animæ Matrem diceret; hujusque speciosæ distinctiunculæ obtentu mulierem hominis ex anima constantis Matrem esse diffiteretur: quia nimirum terminus generationis est homo ex anima, & corpore simul constans. Ita insulse prorsus, Virginem solius Humanitatis Christi Matrem diceret aliquis; cum sacræ ejus generationis terminus Persona fuerit ex Humanitate, & Divinitate æquè constans.

Nec itidem officit, si quis dixerit, Divinam Verbi Personam terminum esse generationis æterni Patris ante sæcula peractæ; adeoque alterius generationis in tempore factæ terminum esse nequaquam posse. Reponimus enim, Verbi Divini Personam terminum esse Divinæ generationis prout est in Divina Natura subsistens; at Humanæ generationis terminum esse, ut in creata Natura subsistit. Neque verò repugnat, divinitus fieri posse, ut idem duplicis actionis generativæ sit terminus, ubi subiectum termini nempe Natura, duplex est, & ordo diversus: sicut minimè repugnat, eundem effectum esse à duplici causa efficiente, ubi causarum ordo diversus est.

Die proxima Monothelitas, Deo volente, vobisque benignè audientibus, exagitabimus.



P. R Æ L E C T I O IV.

*Adversus Monothelitas duplex in Christo Voluntas asseritur,
altaque de duplici Christi appetitu, humanaque
Corporis forma expenduntur.*



Philosophos Hæreticorum Patriarchas esse, omnesque a Philosophia natas Hæreses, non semel queritur Tertullianus; quod eas ætate sua grassari Hæreses cerneret, quæ suum omne ex Philosophia præsidium repetebant. Eam ille, ut opinor, sententiam exuisset, si ea florisset ætate temporum, qua in Ecclesiam Monothelitæ grassabantur; quorum error non modò a Phi-

losophia prognatus non est; verum etiam contra Universa Philosophiæ principia, irato velut Aristotele, caput extulit. Cum enim Eutichianos Monothelitæ velut Hæreticos execrarentur, duasque in Christo Naturas ab iis explosas palam, aperteque prædicarent; Consequens plane erat, ut duas etiam in Christo Voluntates admitterent, si primis Philosophiæ Principiis imbuti fuissent. Quid enim tam tritum, tamque apud Philosophos pervulgatum, quam Naturam Humanam sine Humana voluntate stare non posse? Quid ipso Philosophiæ lumine tam exploratum, quam Naturæ Facultates Naturam proximè sequi, eidemque indivulso coherere? Et tamen, si Superis placet, unicam illi Voluntatem in Christo Domino propugnabant, cum duas Naturas admitterent. Is ergo primus adversus Monothelitas infamiæ titulus esto, illos naturalis Philosophiæ lumen penitus extinxisse.

Jam verò quantum illi a Sacris Literis, Ecclesiæque Traditione procul abierint, quod Theologici instituti maximum est, aggredimur demonstrandum; ut hoc novo telo impiam Hæresim configamus. Facit ad hoc, quod legimus *Joan. 6.* ubi Christus de se loquens: *Descendi de Cælo, inquit, non ut faciam Voluntatem meam, sed voluntatem ejus, qui misit me. Hac est autem voluntas ejus, qui misit me, Patris. Et Lucæ 22.: Non mea Voluntas, sed tua fiat.* Quibus liquet, fuisse aliquam in Christo Voluntatem a Patris voluntate distinctam. Cæterum si Unicam in Christo Divinam voluntatem admitteremus, nullam in eo invenire fas esset a Paterna Voluntate distinctam; cum certò certius sit, Divinam Christi Voluntatem eandem cum Paterna Voluntate prorsus esse; uti una utriusque Natura est.

A.:

Accedit alterum nil minus in sacris Literis expressum, Christum scilicet Humano Intellectu fuisse præditum: *Matth. 8. audiens autem Jesus miratus est.*: Est porro admiratio, ut scitis, intellectus, & quidem Humani affectio; Divino enim nihil creare admirationem potest. *Matth. 26. Capis contristari, & mæstus esse.* Tristitiam porro Humani Intellectus passionem esse, nemo nescit. Ut quid ergo Voluntatem Humanam Christo negabimus, cui Intellectum Humanum adjudicamus? Sunt enim illæ cognatæ, & indivulsæ potentia; quarum neutra sine altera stare potest.

Idem de Anima rationali statuere facile est; ea scilicet Christum Dominum fuisse præditum: *Matth. 26. tristis est Anima mea usque ad mortem; Joan. 10. Animam meam pono pro ovibus meis quia ego pono Animam meam, ut iterum sumam eam. Nemo tollit eam a me, sed ego pono eam a me ipso; & potestatem habeo ponendi eam; & potestatem habeo iterum sumendi eam.*

Quin & hoc ipsum Monothelitæ profitebantur, qui Apollinariæ pro Hæreticis babebant, quod Christum verâ Animâ præditum negarent, Verbumque Animæ vices obiisse fabularentur. Quis porro sano capite diffiteatur, voluntatem rationalis Animæ facultatem esse; ut tam necesse sit aliquem Animâ, quàm Voluntate exuere?

De Christi Libertate quid moror? non Divinâ modò, sed & Humanâ libertate donatum illum esse, fatebitur quisquis eum meruisse & nobis, & sibi non negaverit: siquidem Divina libertas nullius meriti capax est. Neque hoc ipsum Monothelitæ diffitebantur, qui Christum salutem nobis passione sua meruisse dicebant. Jam, inquit, qua sorte, ad merendum liber fuisset, si nulla Humana Voluntate præditus erat; cum libertas radicem in Intellectu, sedem in Voluntate positam habeat? Hinc compertum omnibus arbitror, quot secum absurda tulerit Hæresis illa, secundum quam & meritum, & libertatem, & intellectum, adhuc etiam & Animam Christo negare necessum est.

Non hîc Patres longo ordine percensebo, qui eandem Hæresim antequam erumperet confutarunt, ne actum reagere videar. Quotquot enim sunt a me appellati, dum Naturarum in Christo distinctionem contra Eutichianos probarem, in hujus quoque erroris confutationem conspirarunt. Quippe qui nedum Naturas, sed & Naturarum affectiones, proprietates, ac potentias geminatas propugnarent. Quibus Ducibus Agatho Romanæ Ecclesiæ Pontifex *Epistola 2. Synodica* Monothelitæ Anathema pronunciavit; duasque in Christo Voluntates asseruit. Sexta verò Synodus Œcumenica *Actione 4.* his verbis sententiam tulit: *Unde consequenter, sicut duas Naturas, sive substantias, idest Deitatem, & Humanitatem inconfuse, indivise, incom-*

commutabiliter, eum habere veraciter confitemur : ita quoque & duas naturales voluntates, & duas naturales operationes habere, utpote perfectum Deum, & perfectum Hominem, unum eundemque ipsum Dominum Jesum Christum Pietatis nos regula instruit. (Apud Labb. Tom. 7. pag. 710.) Idcirco verò particulas illas indivisè, incommutabiliter Decreto suo inseruit Sacra Synodus, ut varias illas operationes ab una eademque Persona Verbi proficisci significaret.

Videndum amodo, quid suis illis Mercurius aspirarit, ut tam absonum errorem obtruderent. Hoc eis Achillis instar argumentum erat. Si stricto sensu ea accipi oporteret, quæ de duplici Voluntate Christi *Lucæ 22. & Matth. 26.* scripta sunt, nedum duas in eo Voluntates admitteremus, sed unam alteri repugnantem : dum enim inquit Christus : *non mea Voluntas, sed tua fiat : non sicut ego volo, sed sicut tu* : non modò duas, sed contrarias, secumque pugnantes Voluntates satis innuit. Quare ne in illud absurdum impingerent, contrariasque Voluntates Christo affingerent, ea scripturarum Oracula in figuratum sensum miserè detorserunt.

Hoc opus igitur nobis, hic labor est in præsentia, ut ea demonstremus Scripturarum Oracula, tametsi stricto sensu accepta, contrarias in Christo Voluntates nequaquam innuere : quo omnem Monothelitis obtrudendi erroris occasionem eripiamus. Id porro ita conficimus.

Ut Voluntates contrariæ, ac repugnantes intelligantur, necesse est, eas discrepare circa idem eadem ratione consideratum : nam si discrepent circa idem diversa ratione spectatum, certè contrariæ non erunt, ac repugnantes ; cum etiam una, eademque Voluntas affectibus secundo illo modo discrepantibus agitari possit. Numquid enim unica in Mercatore voluntas est ? Et tamen irato Neptuno jactatus merces projicere statuit, ut vitam tueatur ; servare vult, ne lucrum amittat. Porro secundo illo modo, non primo discrepavit Voluntas Humana a Divina in Christo Domino. Alià quippe ratione passionem Voluntas Humana refugiebat, alià Divina passionem optabat. Illa refugiebat, ut naturæ inclinationi adversabatur ; ista optabat, quatenus Humanæ salutis, ac Divinæ Justitiæ resarciendæ conferebat.

Idem ergo nolebat, volebatque ; sed idem alia, & alia ratione spectatum : idem, inquam, ut schola loquitur, materialiter, non formaliter. Non ergo contrariæ, sed diversæ in Christo Voluntates erant : una, quæ Verbi simul, ac Patris esset, nempe Divina ; alia Hominis. Omnibus ergo cachinnis excipiendi veniunt Monothelitæ ; qui tam ludicro, tam elumbi fundamento stolidam Hæresim fabricati sunt ; & eliquatissima Scripturarum Oracula, quibus

bus Catholica veritas nititur, vitiarunt. Consultius centum quinquaginta Patres in eadem sexta Synodo congregati in Symbolo, quod extat apud (Labb. Tom. 7. pag. 1058.) Act. 18. ita definiunt : *Credimus in unum Deum Patrem Et duas naturales Voluntates non contrarias, absit, juxta quod impii asseruerunt Hæretici, sed sequentem ejus humanam voluntatem, & non resistentem vel reluctantem, sed potius & subjectam Divinæ ejus, atque omnipotenti Voluntati.*

Hinc facili interpretamento excipimus, quod habet Augustinus lib. 2. contra Maxim. cap. 20. : *Quamquam & in hoc, quod ait, non quod ego volo; aliud se ostendisse voluit, quàm Pater.* Aliud scilicet voluit alia ratione spectatum; quatenus mortem a Patre redimendi Hominis causâ desideratam, tamquam naturali inclinationi contrariam detestabatur; quamquam & illam eodem redimendi Hominis studio æquè velleret, ac Pater : Unde & addebat : *fiat voluntas tua* : disertè verò Itaias cap. 53. *oblatus est, inquit, quia ipse voluit.*

Erit fortasse, qui in Monothelitarum gratiam ea ipsa recoquat, quæ in sui patrociniū erroris Apollinaristæ regerebant; Deum scilicet non integram Naturam Humanam suis omnibus facultatibus præditam induisse, sed solam Humanitatis carnem sine Anima, atque ita sine Voluntate, rationali animæ indivulsa. Quod ut obtruderent, illud Joannis Oraculum detorquebant *Evangelii cap. 1. : Verbum Caro factum est* : quasi nudam Carnem a Verbo assumptam dilectus Discipulus innuisset; Verbum verò Animæ vices obiiisset. Sed illos in Scripturis peregrinos esse oporteat, qui vim aliquam ea in vocula facere velint; cū nihil frequentius in Scripturis occurrat, quàm Homo integer Carnis nomine designatus : *Genesis 6. : Omnis Caro corruerat viam suam* : *Lucæ cap. 3. Videbit omnis Caro salutare Dei* : *Roman. cap. 3. Non justificabitur omnis Caro coram illo* : aliisque sexcentis plus minus locis; ubi Carnis nomine totus, & integer Homo significatur.

His ita constitutis, consequens est, ut omnes in Christo Humanæ Naturæ partes, & appetitus ad Naturæ integritatem attinentes summo consensu statuamus. De appetitu irascibili, atque concupiscibili a nonnullis difficultatem moveri video; quasi quid in eis pravitatis esset, quod Christo adscribere icelus est. Sed illos horum appetituum naturam minùs novisse certum est. Appetitus siquidem irascibilis nomine non eum intelligimus, qui judicio, ac rationi prævalet, sed eum, qui ad ardua feratur, prælucente rationis dictamine : si etenim secus agat, non appetitus naturæ, sed vitium est : hinc Regius Vates *irascimini, inquit, & nolite peccare* : satis his verbis innuens, justam ali-

aliquam iram esse posse; illam scilicet, quæ contra malum, contra peccatum inardescat. Ac re ipsa quidem sacro zelo, justaque iræ accensus Christus flagellum è funiculis fecit, & negotiatores templo exegit. Non absimiliter nomine appetitus concupiscibilis non ille statim venit in mentem, qui excusso rationis jugo, laxis habenis in delectabilia propendit, ac fertur: is etenim ex originali peccato fructificavit; sed is intelligendus est, qui sensibilia ratione dirigente consecratur. Hinc Doctor Angelicus 1. 2. *quæst.* 85. *art.* 3. *ad* 3. *Concupiscentia*, inquit, *in tantum est naturalis homini, in quantum subditur Rationi: quod autem excedat limites Rationis, hoc est Homini contra Naturam.* Nihil ergo vetat hunc appetitum Christo tribuere; iis tamen defectibus amoris, quos ex originali peccato derivatos esse certissimum est; non ex ipsa Hominis Natura proficisci: Nam & Adamum originali Innocentiæ præditum eo quoque appetitu valuisse, nemo hæcenus inficiari ausus est.

De Humani Corporis partibus nihil vacat hic dicere: nullus etenim fuit, qui Christum aliqua parte minutum commentus sit. De vultus venustate moveri quæstio posset, si veterum Patrum autoritatem cum speciosa recentium quorundam pietate committere velim. Etenim veterum Patrum sententia fuit, Christum ex facie decorum, ac sormosum minimè fuisse: S. Irenæi *Lib.* 4. *adversus Hæreses cap.* 33.: Tertulliani *Lib.* 3. *contra Marcionem cap.* 14.: Clementis Alexandrini *Lib.* 3. *Pedagogi cap.* 1.: Basilii *Hom. in Psalm.* 34. *ad vers.* *speciosus forma præ Filiis Hominum:* Theodoretis in *Psalm.* 44.: S. Isidori Pelusiota lib. 3. *Epist.* 130.: Cassiodoris in *Psalmum* 44.: Augustini in *Psalm.* 43. 103. & tract. 9. in *epist.* 1. Joannis; D. Thomæ in *psal.* 44., & in caput 53. *Isaïæ.* Unde & illud *Psal.* 44. *Oraculum: Speciosus forma præ filiis hominum, diffusa est gratia in labiis tuis: illudque: Specie tua, & pulchritudine tua intende, prospere, procede, & regna,* de spiritali dumtaxat Animæ pulchritudine intelligendum summo consensu SS. Patres definiunt: nec immerito; de ea quippe pulchritudine loquitur Regius Vates, cujus merito æternam benedictionem Christus obtinuit: *Speciosus forma*, inquit, *præ filiis hominum; diffusa est gratia in labiis tuis; propterea benedixit te Deus in æternum.* Ita Veteres, ita Patres. Non desunt tamen hac ætate temporum, qui Sententiæ tot Sanctorum Patrum ad stipulationem munitæ genuinum sensum frangant; grandeque facinus, ac morte piandum putent, si quis Christum facie venustum, formosumque negaverit: quasi id inficiari, impium esset. Pietatem laudo; sed velim maximè secundum scientiam esse. Interea id affirmare non dubitarim, ingentis levitatis esse, ne quid

quid pejus dicam, Sententias a Patribus summo consensu propugnatas uti pietati adversas fugillare : cum ii non minus Pietatis ac Religionis, quàm Doctrinæ Magistri fuerint. Quin etiam opto, ut qui speciosæ pietatis obtentu melius aliquid sentire sibi putant, quod Christi Dignitatem, ac Majestatem magis deceat, tantâ in Christum pietate, ac religione ferveant, quanta exarserunt Ecclesiæ Patres; tamque gratum Christo obsequium exhibeant, ac illi exhibuisse perhibentur. Hastenus contra Fidei, ac Religionis hostes pugnavimus. Tempus est, ut & in illos arma vertamus, quos Angelico Præceptori, ejusque Scholæ adversarios in hac, de qua agimus, Divinæ Incarnationis materia experiri dolemus. Erit hoc subsequens Dissertationum amplissimum argumentum, uti ab initio promissimus.



DISPUTATIO TERTIA.

Adversus Angelicæ Scholæ Adversarios.

PRÆLECTIO PRIMA.

Scopisæ redimendi hominis, justæque satisfactionis exigendæ voluntate, nulla fuit Incarnationis necessitas.

Uod in Republica optime constituta servari solitum monet Julius Cæsar in Commentariis; ut scilicet primùm hostiles exterarum Gentium impetus dissipet; tum verò civium contentiones, mothus, ac rixas amicè componat; id ego in Theologicis Tractationibus facilius soleo; atque in ista; qua versor in præsentium, de Deo Homine commentatione exequi pro viribus aditor. In Judæos Incarnationis Mysterium tollentes ex integro, nec non in Hæreticos ejusdem integritatem minuentes, aut deturpantes majestatem, hætenus arma convertimus; illosque, uti professos Christianæ Reipublicæ hostes exagitavimus. Jam tandem in eos studium omne, curamque conferimus, qui in ipso Catholicæ Ecclesiæ sinu positi mutuis secum rixis, & contentionibus committuntur. Quamquam enim ii Christianæ Fidei summam non lædant; sed contra fartam illam, testamque in omnibus velint; minùs tamen probari a nobis potest, si in agendis Fidei proximis controversiis, minùs rectâ, tritâque viâ incesserint aliqui; & ab Angelico Præceptore, cui nos studia consecravimus, procul abierint.

In Scholæ itaque controversias de Deo Homine inter Theologos agitas ingredimur hodie: ut postquam Ecclesiæ Fidem in tuto posuimus, Angelicæ Scholæ asserta ab illius osoribus vindicemus. Neque tamen, dum id aggredimur ullus nobis est animus, singula minutatim dispungere, quæ a quibusdam supinis Theologastris, suo, Lectorumque otio plus nimio abutentibus disputantur, sed ea ex omnibus seligemus; quæ veri nominis Theologos deceant; quæque ad exactam Theologiæ limam juxta Divinas Scripturas, & Traditiones exigì facillè possint. Ecquis enim mihi non

non æquè succenseat, si Theologos de trivio imitatus inanum argutiarum supellestem, quæ Sacram Doctrinam scædè, ac turpiter inquinaverunt, in hoc limen intulerim? Si quæstiones fuitiles, ac inanes, vix dignas lucubrationibus anicularum agitarim? Si buccis typho crepantibus, quasi alta de tripode Mysteria revelaturus disputaverim, num Deus Materiæ primæ uniri possit? Num accidenti? Num naturam rationis experrem assumere quiverit? An medio nexu, glutineque aliquo ambæ in Christo Naturæ coaluerint? Num Deus prius totum, quàm partes assumpserit? An humores, etiam scædi, corporisque purgamenta ad Hypostaticæ Unionis dignitatem evecta sint? Aliasque id genus nugæ, quas tanto illi supercilio conspectantur. Hoccine nos Theologiam appellabimus? An non veriùs nugacem, audacemque Dialecticam, de rebus sacris stultè, atque inaniter delirantem?

Iis ergo procul alegatis sordentium Scholarum purgamentis, dignas sacro confessu, dignas Theologo, dignas Deo controversias æmulabimur; missaque argutiarum farragine, qua sacram Doctrinam in profanam Dialecticam transformarunt Recentiores bene multi, veri nominis Theologiam commentabimur Scripturis, Conciliis, ac Patribus nixam. Si quid verò ratione delibabimus, ita sobriè, ac temperanter res agetur, ut nec Philosophiam plus æquo luxuriari patiamur, nec famulam dominari nobis, aut jura ponere permittamus.

Prima itaque de Incarnationis Necessitate controversia ad examen veniat; num videlicet Deum Hominem fieri necesse fuerit? qua in re ita sine mora pronuncio: si rem per se se spectemus, ac seposita redimendi hominis, justæque satisfactionis exigendæ Voluntate, Deus nulla necessitate factus est Homo.

Ita sane Scripturæ docent, secundum quas uni Dei Voluntati, Misericordiæ, Charitati tribuitur, quod carnem induerit: adeoque omnis ab eo necessitas procul fuit: *Joan. 3. : Sic enim Deus dilexit Mundum, ut Filium suum Unigenitum daret: ut omnis, qui credit in illum, non pereat, sed habeat, Vitam æternam: ad Rom. 5. : Commendat autem Charitatem suam Deus in nobis: quoniam cum adhuc peccatores essemus, secundum tempus Christus pro nobis mortuus est: ad Epbes. 2. : Deus autem, qui dives est in misericordia, propter nimiam Charitatem suam, qua dilexit nos, & cum essemus mortui peccatis, convulsificavit nos in Christo.* Charitatis igitur, non necessitatis opus Incarnatio fuit.

Suffragantur Ecclesiæ Patres, qui hoc ipsum dogma ex divinis Literis eruerant, validisque rationibus confirmarunt. Horum Cho-

Dd ij rum

rum ducit S. Gregorius Nazianzenus *Oratione 2. in Pascha*; Ubi cum docuisset, Deum Patrem Redemptionis nostræ pretium a Christo Domino suscepisse, addit e vestigio: *Non tamen quod petierit, aus eo opus habuerit, verum propter consilium, & administrationem, & quia per humanitatem a Deo assumptam Homini sanctitatem afferri oportebat.*

Sequitur Augustinus lib. de Agone Christiano cap. 11. *sunt, inquit, Stulti, qui dicunt, non poterat aliter Sapiencia Dei homines liberare, nisi susciperet Hominem, & nasceretur de femina, & a peccatoribus omnia illa pateretur? Quibus dicimus, poterat omnino, sed si aliter faceret, similiter vestra stultitia displiceret. Hominem igitur alio pacto liberare Deus poterat, Augustino iudice.*

Eidem hac parte concinit Leo Magnus *Sermone 2. de Nativit. Christi: Verax, inquit, Misericordia Dei, cum ad reparandum Humanum Genus, ineffabiliter ei multa suppeterent, hanc potissimum consulendi viam elegit, qua ad destruendum opus Diaboli, non virtute uteretur Potentia, sed ratione Justitia.* Si porro multæ aliæ reparandi hominis rationes suppetebant, nulla itaque fuit carnis assumendæ necessitas.

Claudit Agmen Gregorius cognomento Magnus lib. 20. mor. cap. 36. *cum posset, inquit, nobis etiam non moriendo concurrere, subvenire tamen moriendo hominibus voluit.* Et infra paucis interjectis: *An non in Divinitatis suæ divitiis, nobis invisibilis permanens, miris nos potuit virtutibus disare? Sed ut ad internas divitias rediret homo, foras apparere dignatus est pauper Deus.*

Ex iis Patrum Oraculis ratio eliquatissima petitur, quæ controversiam istam totam faciliè dirimat. Si etenim Deus aliis miris modis liberare hominem potuit, quæ illum amabò necessitas adiebat, ut & Homo ipsemet fieret?

Quinam porro miri illi modi fuerint, quibus liberare hominem potuerit, si quis roget, indicabo. Primò offensam gratis dimittere Deus poterat, nullo sibi pretio exsoluto. Ecce enim Deus summè bonus id ex intimo Misericordiæ sensu præstare non posset, quod homo nequam interdum facit, debita liberaliter relaxando? Secundò, si omnino gratis laxare debitum Deus nollat, eam saltem satisfactionem accipere ab homine potuisset, quæ non totam, sed aliquantulam debiti partem exhauriret. Nulla etenim creditorem necessitas, nulla lex adigit, ut integram debiti solutionem exposcat: Sed cedere de jure suo potest; maximè ubi debitorem solvendo imparem novit. Quæ omnia brevi complexus est D. Athanasius *Orat. 3. contra Arianos: Poterat etiam, inquit, si-*

ne ullo adventu Christi, solummodo loqui Deus, & solvere maledictionem.

Sed & quid illa moramur? Fac si lubet, si libet, hominem non alio pacto liberari a peccato posse, quàm obita Dei Hominis Redemptione: Necdum illico consequens esset, Deum fieri Hominem debuisse: cum captivum hominem, & peccatis onustum, & debitis gravatum deferere, nullaque libertate donare potuisset. Annon enim ita se in peccatorem hominem gerere Deus potuit, uti se in Angelos gessit, quos suo sordere delicto perenniter voluit? An fortè redimi Homo meruit? Annon potius deferi, uti desertus est Angelus? Nulla itaque ad eum redimendum necessitate Deus factus est Homo. Hanc rationem tetigisse videtur Sapiens cap. 12; dum in Deum converso Sermone ita fatur: *Quis tibi imputabit, si perierint Nationes, quas tu fecisti? Non enim est alius Deus, quàm Tu.* Satis videlicet inuens, Deo succensere neminem posse, si universum hominum Genus suo sordere peccato permisisset: Cum id vel solo supremi Dominii jure, ac titulo posset.

Hinc facile colligas, quid sibi velint Ecclesiæ Patres, Cyrillus Alexand. lib. 5. *Thef. cap. 7.*; S. Athanasius *Oratione de Incarnat. Verbi* pag. 59. & 60.; ac demum D. Anselmus *Lib. 1. Cur Deus Homo cap. 4.*: qui necessariam hominis a peccato liberationem ostendunt, ne Dei opus sua perfectione minutum, & Originali culpa detritum remaneret. Necessitatem scilicet intelligunt non stricti juris, sed congrui; quæ Deum non adigat, sed invitet, majoris decoris, dignitatisque gratiâ. Ecce enim, si rem summo jure pensare velimus, cur, inquam, qui Angelum æternæ Sapientiæ opus absolutissimum sua perfectione minutum, peccatoque inquinatum occulto, justoque judicio dimisit, hominem pari pede pulsare non poterat; eodemque damnationis vinculo irretitum relinquere? Quæ ergo de Homine aliter quàm de Angelo statuendi necessitas dicitur, decentis, ac congrui juris est; non stricti, & absoluti. Cujus quidem rationem Patres indignant; quòd Homo præ Angelo venia dignior esset, tum ob Tentatoris astutiam, qua turpiter lusus est; tum ob minora Innocentiæ custodiendæ prælidia ab Deo Conditore suscepta; quibus sanè multis eum titulis Angelus præcelebat.

Sed erit, qui contra statutam veritatem arguetur hoc pacto: Iniquum prorsus est offensam sine justa compensatione dimittere: sic enim inultum impunitumque crimen esset. Hominis ergo peccatum gratis a Deo dimitti non potuit; atque ita necesse fuit, Deum ipsum Hominem fieri, qui dignam solutionem exsolveret.

Id

Id nos perfractū negamus, si de supremo Iudice sermo fiat, ad quem præsertim offensa pertinuit, quique ab delinquente singulariter læsus est. Is etenim debitam pœnam condonare supremā, qua valet, autoritate potest; nullique injuriam irrogat. Quid enim tam liberum, quàm de jure suo cedere, remque sibi debitam non exigere; præsertim si rationes magni momenti præstō sint, quibus ad debitum relaxandum invitetur Iudex: qualis forte esset Clementiæ, ac Misericordiæ exercendæ gloria; qua nihil Deo dignius excogitari a quoquam potest? Quamquam ergo ex ea justæ compensationis exigendæ ratione inferre liceat, decere quàm maxime, atque congruere Incarnationis Mysterium, quo uno justæ pœna solvi Deo potuit; nemo tamen inde colliget, Deum absolūtā necessitate adactum esse, ut vel justam ab homine pœnam sumeret, vel humanam peccati eluendi causā Naturam assumeret.

Nec alio certè sensu intelligendi veniunt nonnulli Ecclesiastici superiorum temporum Tractatores; qui Christi Redemptoris satisfactionem necessariam profitentur, ne Deus justī Iudicis officio deesset. Vel enim de necessitate non absoluta, sed hypothetica sermonem habent; ut nempe Christi Salvatoris satisfactio necessaria supponatur, si dignam delicto pœnam exigere Deus velit, uti re ipsa voluisse certum est; vel necessitatis nomine prudentem, magisque Divinæ Sapientiæ congruentem legem appellant; quam *necessitatem secundum quid* Theologi de Schola vocitare solent. Neque enim suboriri dubitatio potest, quin & Deo, & Humanæ Naturæ congruerit magis: Deo, inquam; quia justæ delictorum pœna a Christo Domino persoluta Justitiæ vindicis partes factas, rectasque servavit; novæque in hominem Charitatis, ac Misericordiæ genus explicuit: Homini; quia debitum tributum exsolvisse jam dicitur, ex quo illud Deus Homo factus obita morte persolvit.

Reponet forte nonnemo, Deum necessariò factum Hominem, sin minus salvandi, ac redimendi hominis necessitate; saltem novæ gloriæ obtinendæ titulo: nam & Filius factus Homo novam a Deo Patre sortitus est gloriam; ipseque etiam Deus Pater novum gloriæ cumulum ex Filii Humanitate suscepit. Cæterum cum parta utrique gloria adventitia duntaxat, externa, atque, ut Schola loquitur, accidentaria solū fuerit; nulla sanè ad eam sibi eo titulo comparandam necessitate ducebatur, satis superque congenita, sibi gloriā felix, nulliusque novi nominis, aut tituli cupidus.

Hodie velitum more levius depugnāvimus; quòd illud nobis obtigerit disputationis argumentum, quod a nemine Theo-

logorum clari nominis vertatur in dubium. Ampliorem nobis dicendi materiem ministrabit controversia die crastina resolvenda: Num saltem ad exhibendam Deo dignam pro peccatis hominum solutionem ita necesse fuerit, Deum Hominem fieri, ut hominum nemo quibuslibet gratiæ donis ornatus satisfacere Deo, injuriamque importatam refarcire potuerit? Quod Deo favente in sequenti prælectione præstabimus.



PRÆLECTIO II.

Divinae Justitiæ condignam satisfactionem pro importata per peccatum injuria a puro homine exhiberi minime potuisse; sed hoc ab homine Deo duntaxat præstandum esse, assertitur, propugnatur.



NULLA Deum necessitate ductum, ut Homo fieret, hesternæ luce dicebamus; quodd tunc rem totam per sese, & ex propriis meritis pensaremus. At nova jam rerum facies inducitur, ubi sacra æternæ Justitiæ Consilia introspicimus, quibus dignum sibi admissi delicti pensum exsolvi voluit; dignam importatæ injuriæ poenam dari. Hinc etenim sumendæ carnis orta Deo necessitas, ut quam exsolvere poenam purus homo non posset, solveret Homo Deus. Est hoc Angelicæ Scholæ dogma, verè Angelicum contra Subtile. Pugnant utrinque docta capita, utriusque palæstræ disceptatores. Utri dignius de Deo sentiant, sensaque sua ad exactos veræ Theologiæ canones veriùs exigant, expendere nostrarum hic partium arbitramur.

Et certè, tametsi is ego non essem, qui dato Angelicæ Scholæ nomine, meam placitis ejus fidem Sacramento obligarim; in hanc tamen sententiam velis, ac remis accederem ob id unum, quodd scripturis, ac Patribus ita consentiat, ut nulla magis. Ecquid enim inculcatum sæpius, frequentius confirmatum, quàm purum hominem, quibuslibet gratiæ donis cumulatum, dignum Divinæ Majestati pensum ad sua, alienaque delicta exhaurienda, rependere nequivisse; & in unius Dei Hominis potestate fuisse, ut justam vice nostra poenam exsolveret?

Totus in hoc statuendum dogma incumbit Gentium Apostolus, *cap. 3. ad Rom.* Ubi postquam universos homines ad salutem consequendam minus sufficientes ex Sacrarum Scripturarum Oraculis demonstravit, ad Christum subinde sermonem convertit, tamquam solus ille condignum Patri munus obtulerit, justumque nostrarum nozarum pensum fuso cruore persolverit: *Quem proposuit*, inquit, *Deus propitiationem per fidem in Sanguine ipsius, ad ostensionem justitiæ suæ propter remissionem præcedentium delictorum, in Sustainatione Dei, ad ostensionem justitiæ ejus in hoc tempore.*

Apertiùs verò, semotisque ambagibus Ecclesiæ Patres in hoc idem dogma conspirant. Una enim illorum vox est, non aliter po-

potuisse homines liberari, & peccatorum reatu abstergeri, quàm per eum, qui Deus simul, & Homo esset. Quod non nisi de liberatione ex condigna delicti Solutione profecta intelligi posse, planum est: cum aliàs gratuita condonatione, nudaque relaxatione liberari absolutè homo potuerit; uti hesternà luce commentabamur.

Ita plane D. Athanasius *lib. de Incarn. Verbi*: Cujus Opera, inquit, ad recuperandam istam (gratiam) requirebatur, nisi solius Verbi, quod ab initio omnia ex nihilo condiderat? Ejus enim fuit, id quod corruptibile erat, iterum ad incorruptibilitatem reducere: & pro omnibus id, quod æquum, rationique consentaneum erat, Patri præstare. Et Oratione 2. contra Arjanos: si enim Dominus, inquit, Homo factus non fuisset, numquam nos a peccatis vindicatis ex mortuis resurrexissimus. Quibus Verbis uni Homini Deo liberandi hominis potestatem asserit; justique pro delictis nostris pretii persolvendi.

Subscribit S. Basilii cognomento Magnus, sacrum illud *Psal. 48.* Dictum expendens: non dabis (homo) Deo placationem suam, & pretium redemptionis animæ suæ: Unde ita colligit S. Doctor: Neque enim fratrem in redemptionem quærit, sed unum aliquem, qui nostram exsuperet naturam. Non item hominem nudum, sed hominem Deum Jesum Christum, qui solus pro nobis omnibus Deo propitiationem dare potest. Quæ usque adeo aperta sunt, ut nulla nostra commentatione sit opus.

Suffragatur & S. Ambrosius in *Psal. 48.* super illa verba *Fra-ter non redimit, redimet homo*: Quia sicut unus Deus, inquit, ita & unus Mediator Dei, & Hominum Homo Christus Jesus. Ipse est solus, qui redimet Hominem, vincens pietate germanos; quia pro alienis sanguinem suum fudit, quem nemo potest offerre pro fratre:

Quibus gemina sunt, quæ Augustinus in *Enchiridio ad Laurentium cap. 108.* habet, ut probet, neminem posse in homine gloriarì: Id enim usque adeo verum esse contendit, ut ne in Christo quidem gloriarì aliquis posset, nisi & ipse Deus esset: cujus rei hanc e vestigio rationem subjungit: Nam neque per ipsum liberaremur unum Mediatorem Dei & hominum hominem Jesum Christum, nisi esset & Deus. Quo spectat etiam pervulgata illa Leonis Magni Sententia, quam Sacris supplicationibus insertam Ecclesia voluit, ex I. Sermone in Christi Natale: Nisi enim esset verus Deus, non adferret remedium: nisi verus esset Homo, non præberet exemplum. Ut hinc plane liqueat, satisfactionem integram, debitoque condignam non nisi ab Deo Homine persolvi potuisse.

Neque verò abstrusiora Scripturarum Myſteria rimari Patri-
bus opus erat, ut in hanc Sententiam communi calculo conſpi-
rant : cui ſtatuendæ vel ipſa ſola humana Ratio communi-
bus Fidei principiis imbuta ſufficeret. Quid enim condignæ ſa-
tisfactionis nomine venit in mentem, niſi ea, quæ illatæ injuriæ
plenè reſpondeat, tantumque dignitatis læſæ Perſonæ reſtituat,
quantum abſtulit injuria irrogata? At quantalibet gratia done-
tur homo, nunquam exhibita ſatisfactio irrogatæ Deo injuriæ
reſpondebit, ejulque læſam Majeſtatem reſarcire ex integro po-
terit. Seu etenim illata Deo per peccatum injuria infinitæ ſim-
pliciter gravitatis eſſe exiſtimetur, uti Theologis ſanioribus vi-
ſum eſt : ſeu ad eam infinitatem prope tantum accedat, uti
aliis probatur magis; nudi hominis ſatisfactionem ſemper excedet;
utpote modis omnibus finitam, & exilibus humanæ conditionis limi-
tibus circumſeptam.

Illud enim verò injuriam inter, & ſatisfactionem discriminis in-
tereſt; quod prior gravitatem ex læſæ perſonæ Majeſtate fortia-
tur; altera ex ſatisfacientis excellentiâ creſcat, aut ex ejuſdem vilitate
minuatur. Rem in exemplo ponamus : da virum de plebe, qui Prin-
cipem verbo lædat; tantò gravior injuria reputabitur, quantò Prin-
ceps tabernarium, & caprimungum antecellit : cùm tamen vice ver-
ſa, ſi vilis ille homuncio importatam injuriam voluerit reſarcire, eò
vilior ſatisfactio cenſebitur, quanto is comparatione Principis vileſcit,
atque ſordeſcit. Sic ergo cum Deus hominem infinitis titulis
antecellat, tantum injuria Deo ab homine importata, ex læſa Maje-
ſtate gravitatis habebit, quantum ſatisfactio Deo ab homine repen-
denda ex ſatisfacientis abjectione & humilitate vileſcit. Quo fit ut
nudus homo parem importatæ injuriæ ſatisfactionem Deo rependere
nunquam poſſit.

Rationem hanc ſubminiſtrat Doct̃or Angelicus 3. par. quæſt. 1.
art. 2. ad 2. inquit : *Peccatum contra Deum commiſſum quam-
dam infinitatem habet ex infinitate Divinæ majeſtatis : tan-
tò enim offeſa eſt gravior, quantò major eſt ille, in quem de-
linquitur. Unde oportuit ad condignam ſatisfactionem, ut actus
ſatisfacientis haberet efficaciam infinitam, utpote Dei, & Homi-
nis exiſtens.*

Hinc elium manet adverſæ partis fundamentum : ita quippe viden-
tur ſibi pro more ſubtiliter diſputare : Qui tantum læſæ Perſonæ re-
ſtituit, quantum abſtulit, is ex æquo ſatisfacit : porro, ſubjun-
gunt, homo per actum Charitatis tantum Deo reſtituit, quantum
peccando abſtulerat; cum Supremi Domini, ac Finis ultimi titu-
lum, quem peccando abſtulerat, amando relarciat : is ergo Deo
Maximo ſatisfacere ex æquo poteſt.

Hoc,

Hoc, inquam, in antecessum elisum est Argumentum. Necdum enim in referenda satisfactione sat est, ut quis rem ablatam ex integro restituat; sed ut injuriam insuper furto importatam plenè refarciat: aliàs restitutio nuda erit, non satisfactio. Fac exempli causa, virum de scœce Regi mille aureos sustulari: Is non illico injuriæ satisfecisse reputabitur, si totidem restituerit, nisi latam injuriam insuper refecerit. Sic ergo peccator Deo ex æquo satisfecisse non reputatur, quamquam reditivâ Charitate illam ipsam Supremi Domini dignitatem, quam ei peccando sustulerat, restituerit: quia necdum, refarto, ut ita dixerim, furto, injuria refarcitur. Idque multiplici de causa.

Primò: quia licet amando se Deo subdat, cujus Imperium peccando excusserat; atrocior tamen Deo fuit ea Divini Imperii detrectatio, quàm honorifica illi esse possit ejusdem Imperii recognitio. Secundò: quia dum Divino Imperio paret homo, non depmitur, non de jure aliquo cedit, sed officium suum implet: nec minùs illum Deo subesse oporteret, tamenli nihil in eum peccasset unquam; ejusque majestatem nec leviter offendisset. Cùm tamen contra, Deus hominis injuriâ læsus multum sui juris, ac dignitatis amisit, si non physicè, quoad moralem saltem æstimationem.

Non absimiliter elisa corrui altera eorundem de schola subtili Theologorum Machina, qua hominem solvendæ satisfactioni parem eo præsertim momento nituntur ostendere, quòd peccatum infinitæ, ut ajunt, simpliciter gravitatis non sit. In quam rem varia Patrum, ac potissimùm D. Thomæ momenta congerunt; rationes perinde Theologicas, ac Philosophicas addensant. Sed demus id, ut libet ut lubet, tamenli oppidò falsum existimem; demus, inquam, peccatum offensam Deo non importare simpliciter infinitam; nequaquam tamen hominem eidem refarciendæ parem esse concederemus: cùm & id aliunde certò constaret, injuriæ gravitatem satisfactionis valorem longè admodum superare; utpote quæ eadem mensurâ crescat, qua minuitur ista; tantòque gravior ex Divinæ Majestatis excellentia censeatur injuria, quantò ex creatæ conditionis vilitate minor satisfactio reputatur. Quocumque ergo se vertant, Angelicæ rationis vim non elidunt.

At iniquiunt: Quamquam homo ingenitis corruptæ Naturæ viribus, ac nativæ sorti commissus vilior sit, quàm ut Deo satisfaciat; ex quo tamen Gratix sanctificantis munere donatus in Divinæ Naturæ consortium assurgit, exutaque Vilitate, Dei contors effectus est, quidni tunc æquum Divinæ Officiæ pensum exhibeat? Sed & id jejunum nimis, & elumbe est. Fac enim hominem uberrimâ,

Ec ij quan-

quantum libuerit, Gratiâ perfundi, in Dei Benevolentiam, Regnumque transferri; nunquam tamen indivulsam Creaturæ conditionem exuet: fac illum Gratiâ Deum esse, Naturâ certè nunquam erit. Atque hinc duo ista, quæ paulò antea memorabam, necessariò consequentur: primum; obsequium ab eo Deo præstitum satisfactionis titulo, tantum Deo honoris non allaturum; quantum injuriæ attulit Divini Imperii detrectatio peccato mortali penitus indivulsa: secundum; hominem nihil obsequii præstare Deo Optimo posse, quod ei infinitis aliunde titulis rependi non debeat. Quæ duo satisfactionis condignitatem plus satis enervant.


Numquid ergo, repones, Deo nos bonis Operibus non satisfacimus, iustumque nostrarum pensum exsolvimus? Id si negemus, in Calvini errorem dilabimur. Ita plane. At non ex ipsis bonis Operibus merita, ut e penu nostro profisciscuntur; sed a Christi satisfactione cumulantur. *Sanguis Jesu Christi, Filii ejus*, ut habetur 1. *Joan. cap. 1. emundat nos ab omni peccato*. In eo, ac per eum satisfacimus, a quo fructus digni pœnitentiæ vim obtinent. Is vitis est, nos sumus palmites. Quare si is factus non esset Homo, nostrorumque delictorum pœnas nequaquam suo sanguine persolvisset, satis in sese virium non haberent hominum merita, ut Deo integre satisfacerent.

His ita constitutis, facilè quisquis intelliget, quid de altera admodum affini controversia pronunciandum: num homo nudus Deo dignè pro alterius noxa satisfacere queat? Cum enim minus homini pro altero supplicanti concedatur, quàm si pro semetipso preces offerat; nemo non videt, multò minus pro altero satisfactorum illum, quem dignè pro semetipso satisfactioni offerendæ imparem demonstravimus.

Scio dicturos aliquos, posse quempiam a Deo cæterorum hominum caput, principemque constitui, uti planè Protoparentem constituerat ea lege, ut Gratiâ membris promereri possit. Bene id sanè: Verùm quid inde ad dignam pro aliis satisfactionem exhibendam? Minus enim ad meritum, quàm ad satisfactionem desiderari notum est; quia satisfactio in gravibus offensis æqualitatem læsum inter, & satisfaciendum expostulat; meritum contra subjectionem merentis exigit; satisque illi est, si moralem quamdam æqualitatem inter opus meritorium, & præmium præferat: quæ sanè inter opera hominis, Capitis dignitate ornati, gratiamque membris demerendam intercederet. Uti plane Dux strenuus heroico facinore gratiam alteri læsæ Majestatis reo promereri ab Rege potest; minime tamen satisfacere, Regique importatæ injuriæ gravitatem condigna satisfactione diluere. Quamquam non desint primi subsellii Theologi, qui fieri posse negant,

ut quis ita cæterorum hominum Caput constitui a Deo possit, ut gratiam illis post lapsum valeat promereri : Quia ad Gratiam post lapsum alteri demerendam, tanti esse meriti debet homo, quantæ gravitatis esse supponitur injuria irrogata; quod puræ Creaturæ accidere neutiquam posse, satis hætenus demonstravimus.

Jam qualis, quantaque fuerit Dei facti Hominis satisfactio, quærendum incumbit. Erit id proximæ Exercitationis Argumentum amplissimum.



PRÆLECTIO III.

Christi Domini pro hominum noxis Deo exhibitam satisfactionem non solum æquam, sed superabundantem, moralique æstimatione simpliciter infinitam fuisse demonstratur.



Quantum humanæ facultatis tenuitatem hesternæ luce depressimus, ut eam digno nozarum, penso Divinæ Justitiæ persolvendo imparem probaremus; tantum hodie Christi Virtutem; ac Meritum commendabimus; qui quod tenuitas nostra non poterat, cumulatissimè resarsit. Non morabor hic scrupulosius varias de Christi satisfactione Theologorum opiniones. Præmonere hic satis erit, cum Schola subtili rem nobis esse; quæ minus, iudicio quidem nostro, Christi Servatoris Merito, Virtutisque videatur tribuere. Hæc etenim, ut paucis exponam, Scoto, ejusque discipulis inhæsit opinio, Christi satisfactionem æterno Patri pro delictis hominum exsolutam, minus suapte virtute, congenitoque valore sufficisse; sed una Patris acceptatione, qui eâ se contentum exhibuit, illamque pro nutu suo ratam habuit. Adversis contra vestigiis incedit Angelica Schola; digniusque Christi dignitati consultum vult. Quocirca satisfactionem ab eo pro noxis hominum exsolutam, non modò externo Dei acceptantis favore, grataque ratihabitione sufficientem existimat; sed & ipsâ quoque internâ, congenitâque dignitate, atque valore; quin imò, non æquum duntaxat a Christo solum pensum proficitur; verum & superabundans, ac morali æstimatione simpliciter, ut Schola loquitur, infinitum. Utri melius sentiant, perpendamus.

Scripturam si consulamus (uti profectò consulere necesse est, si volumus esse Theologi, ut debemus) ad stipulantem Scholæ Thomisticæ reperiemus. Tantum enim abest, ut solutionis a Christo datæ valorem, & *inspysiar*, ex libera Dei eandem ratam habentis acceptatione repetat, ut contra potius id totum ex ejusdem congenitis meritis, iisque aliis, ac sublimius exaggeratis perpetuo deriver. Hinc copiosam Redemptionem Regius Vates appellat *Psal. 129. Apud Dominum Misericordia: & copiosa apud eum Redemptio*. Superabundantem vocat Apostolus *ad Rom. 5. : Ubi autem abundavit delictum, superabundavit Gratia*. Et eodem capite paulò ante dixerat: *sed non sicut delictum, ita & Donum. Si enim unius delicto multi mortui sunt: multò magis Gratia Dei,*

¶ *Donum, in Gratia unius hominis Jesu Christi in plures abundavit.* Excedentem nuncupat Lucas Evangelii sui cap. 9. : & dicebant excessum ejus, quem completurus erat in Jerusalem. Cum contra, nisi verbis abuti lubeat, diminutam Redemptionem, tenuatam Gratiam, decurtatam Passionem verius appellaveris, si interna illi satisfaciendi ex æquo energia non inerat, & ab externa Dei dignatione, valoris defectus Suppleri debuit. Quid etiam, quod Christi Satisfactionem emptionis titulo frequentius indignant Sacri Codices? 1. Cor. 6. : *Empti estis pretio magno* : 2. Petri 2. : *Eum, qui emit eos, Dominum negant* : Apoc. 14. : *Et cantabant quasi canticum novum.... qui empti sunt de terra* : cum tamen ea emptionis ratio sit, ut æqua, parique solutione fiat; aliis non emptio, sed largitio verius appellabitur.

Luculentius difficultatem omnem absolvit Apostolus ad Hebræos cap. 10., ubi Sacrificia veteris Legis cum Crucis Christi Sacrificio conferens, veterum Victimarum inefficaciam, Novæque in ara Crucis oblatae vim, atque energiam ostendit : *Impossibile enim est Sanguine taurorum, & hircorum auferri peccata. Ideo ingrediens mundum dicit : hostiam & oblationem noluit : corpus autem aptasti mihi.* Porro si externa duntaxat acceptatione Dei, Christi Sacrificium exhauriendi peccati virtutem habuit, non ingenito valore, et energia, nihil hac sua antithesi confecisset Apostolus, cum ipsa quoque veteris Legis Sacrificia externa Dei acceptatione delendi peccati efficaciam obtinere potuissent. Facit hinc maximè Jobi patientis exemplum, quem Patres universi, uti Christi in Cruce morientis typum exhibent. Quid etenim est, quod cruciatus suos in statera unâ cum delictis appensos graviores reputandos affirmabat? Nisi quia Christi cruciatus, cujus ille nomine loquebatur, delictorum nostrorum gravitatem excederent. Nostra quippe delicta Christus sua dicit, quia hæc in se sumpsit, factus pro nobis maledictum, ut ait Job cap. 6., Ut nos inveniremur Justitia Dei in ipso : *Utinam appenderentur peccata mea, quibus iram merui : & calamitas, quam patior, in statera. Quasi arena maris hac gravior appareret.* Et erit post hac, qui effutiat pensum a Christo Domino persolutum minus suoque merito, ingenitoque valore delictis hominum extitisse? Absit.

Quid vero, si Patrum Chorum appellem? Una illorum vox est, una sententia, plus Christum passum esse, quàm delicta hominum postularent; pensum ultra, quàm jus exigeret, persolvisse; charius humanum genus redemisse, quàm decernerent juris apices : ut plane ima summis miscere videantur, qui ingenitum, internumque Dominicæ Passionis Meritum infra nostrorum scelorum gravitatem demittunt. Augustinus vel quisquis sit author Serm. 153.

de

de Passione Domini 4. in Appendice pag. 268. Tom. 5. *Indubitanter enim credimus, quod totum mundum redemit, qui plus dedit, quàm totus mundus valeret. Meritum enim redemptæ mercedis dignitas insignis pretii supergressa est. Inter Redemptum, & Redimentem dispensatio fuit, compensatio non fuit. Leo Magnus Sermone 12. de Passione: Effuso Christi Sanguine validius factum est donum libertatis, quàm debitum servitutis. Et Serm. 1. de Ascensione Domini: ampliora adepti per ineffabilem Christi Gratiā, quā per Diaboli amiseramus invidiam.*

Quamquam non est, cur Patrum oracula diligentius congeramus; a quibus in antecessum præjudicata res est, dum de agitata nudius tertius controversia pronunciarunt. Cū enim nudum hominem solvendæ condignæ satisfactioni imparem judicarint, necessariamque Dei Hominis Solutionem idcirco dixerint, consequens profectò est, Dei Hominis Solutionem ex intimis meritis parem delictis eluendis extitisse; nec externa duntaxat Dei Patris acceptatione sufficisse: Nam & hoc pacto, externā nimirum ratihabitione, nudi hominis pensum potuisse sufficere, nemo negat; nec ipsi quidem Scotistæ dissidentur; qui idem de Christo, ac de nudo homine (quantum ad satisfactionis sufficientiam attinet) pronuntiant, atque definiunt. Quod an ferendum, probandumque sit, æqui bonique viderint.

Mihi quidem controversiam hanc totam diremisisse videtur Clemens VI. in *Extravaganti Unigenitus de pœnitenitiis, & remissionibus*; Ubi exerte decernit, modicā guttam Christi Sanguinis, propter Unionem ad Verbum sufficisse pro redemptione totius humani Generis.

Certe si redimendi humani generis sufficientia, quæ vel uni Christi Sanguinis guttulæ inerat, ex ipsa ejus cum Divino Verbo Unionē proficiscitur, ex ingenita igitur dignitate, atque valore vim totā obtinet Christi Domini satisfactio; non ab externa Dei satisfactionem ratam habentis acceptatione, atque favore.

Atque hinc quidem efficacissima ratio petitur, qua statuta veritas ineluctabiliter demonstratur. Illam enim Satisfactionem ex ingenitis, propriisque meritis condignam, imo superabundantem vocitamus, cujus valor morali exsultatione gravitatem offensæ non æquat modò, verum etiam exsuperat: Porro Christi Domini Satisfactio Offensæ Deo illatæ gravitatem morali æsultatione non æquat modò, verum etiam exsuperat: enim verò illatæ offensæ gravitas inde oritur, quòd Deo illata sit; Satisfactio verò Christi ipsius Dei Satisfactio censetur. At Dignitas Personæ satisfaciens plus valoris, ac pretii in actum Satisfactionis transfundit, quàm ex Dignitate lætæ Personæ offensæ ipsa gravitatis induat, & malitiæ: prior

prior enim intimiùs Satisfactionis actum ingreditur; quia ab ipsa Persona, ut ab interno, proprioque principio necessariò progerminat.

Quocirca eos perperam cavillari videas, qui ut Christi Satisfactionis æqualitatem inficiuntur, peccati infinitatem exaggerant. Sit etenim, uti volunt. Infinitam peccati gravitatem ponamus, utlibet: Christi Satisfactionem nihilofecius abundantem, atque exuberantem nullo negotio conficiemus hac vel una demonstratione Theologica. Gravitatis offensæ mortalis oritur ex ejus unionem moralem cum Divina Majestate læsa; valor autem Satisfactionis Christi petitur ex unionem physica Verbi Divini cum ipsa Humanitate actum Satisfactionis elicentis; sic enim in Satisfactionis meritum influit. Porro valor ex unionem physica, ac r ali progerminans excedit prudenti æstimatione offensæ gravitatem ex unionem duntaxat morali sobolescentem: Christi igitur Satisfactio mortalis peccati gravitatem excedit, tametsi hæc infinita simpliciter asseratur: cum aliàs nemo non videat, intimiorem conjunctioremque habitudinem versari inter Operationem, & Operantem; quàm inter peccatum, & eum, in quem peccatum admissum est; quandoquidem intimiùs actus principio suo conjungitur, quàm objecto.

His nixa fundamentis, altiùs erigitur Angelica Schola: nec modò Christi Satisfactionem abundantem, atque exuberantem agnoscit; verùm etiam simpliciter, ut Schola loquitur, infinitam. Quo etenim major est Personæ satisfaciens Dignitas, ac Majestas, eo major est Satisfactio: Satisfactio quippe honoris, ac reverentiæ exhibitione perficitur; quæ sanè eo major, digniorque reputatur, quo altior est Persona ipsa reverentiam, atque obsequium exhibens. Quis porro neget, Christi Personæ Dignitatem, ac Majestatem esse simpliciter infinitam?

Audìo quid subtilis Scholæ proceres reponere soleant: nimirum, Christi Personam, utpote Divinam, infinitam Dignitatem ejusdem Satisfactioni allaturam, si ipsa per sese nullo finito accedente medio satisfaceret: Verùm cum hæc nonnisi Humanà Naturà medià satisfaciatur, præpeditur, ac veluti coeretur, ne Dignitatem infinitam Satisfactioni communicet.

Cæterùm non advertunt Viri alioquin subtilissimi, principium, quo medio suos actus exerit Divina Christi Persona, entitatem duntaxat actuum elicere; totam nihilominus Dignitatem ab una Persona integrè derivari; atque idcirco inde fieri, ut perfectionem quidem physicam infinitam, obstante videlicet Humanitate, habere actus illi non possint; tametsi merito moraliter infinito perfruantur. Porro nos non aliam, nisi moralem infinitatem Christi Satisfactioni adjudicamus.

Facit in hanc rem Clementis VI. Definitio paulò ante laudata

Prælect. P. Serry Tom. II.

F f

in

in Extravaganti Unigenitus. Postquam enim is modicam Christi Sanguinis guttam ob ejus cum Divina Persona unionem universo hominum Generi redimendo parem asseruit; tum subinde ad sacrum Ecclesiæ Thesaurum, qui potissimè ex Christi Meritis coalescit, gressum faciens subjungit: *non esse de illius consumptione, aut minutione aliquatenus formidandum, propter infinita merita Christi.* At si hæc simpliciter, ut Schola loquitur, infinita non esset, timeri profecto posset, ne peccatorum nostrorum multitudine tandem aliquando exhauriretur Sacer ille Ecclesiæ Thesaurus.

Frustra verò reponas, satis esse, si Christi Merita secundum quid infinita supponantur, ut infinita peccatorum multitudine Ecclesiæ Thesaurus exhauriri non possit; utpote quia, nonnisi potentia, ac successione, infinita peccatorum multitudo esse potest. Id, inquam, frustra reponas. Cum etenim Theologi Divinam Omnipotentiam inde simpliciter infinitam ostendant, quòd ad creaturas in infinitum producendas extendi possit, tametsi illæ non nisi potentia, ac successione infinitæ supponantur; Christi quoque Meritum infinitum simpliciter rectè dicimus vel ob id unum, quòd infinita peccatorum multitudine exhauriri non possit, ex Clementis VI. sententia.

Interea tamen, dum Christi actiones, quibus pro noxis hominum satisfecit, infiniti esse meritè propugnamus, non eo protendimus, ut putemus, Christi actiones universas infinito gaudere merito. Uti enim in Rege actus aliquos esse novimus, quos ex Regis conditione non edit, sed communi cæterorum hominum sorte; exempli causâ comedere, dormire, deambulare; qui nil magis in eo dignitatis obtinent, quàm in Rustico; ita in Christo duo actionum genera cautè fecernimus; alias, quas instar cæterorum hominum, atque etiam animalium fortè, exerebat; alias ex Dei Hominis, Hominumque Redemptoris conditione profectas; ut Obedientiæ, Humilitatis, Religionis, Gratitude actus, aliosque id genus, quibus Servatoris Officium adimplevit. Priores infinito merito gaudere nequaquam contendimus; nisi forte ratione motivi, ac finis: Posterioribus infiniti meriti Dignitatem arrogamus ex Verbi Divini, unde prodibant, Excellentia soboloscentibus; hæcque solas esse contendimus, quas Theandricas, hoc est, Dei vel viriles Vulgus appellat.

Reliquum est, ut adversæ partis momentis satisfiat. Erit hoc proximæ Prælectionis argumentum.

PRÆLECTIO IV.

Satis fit adversæ partis fundamentis.



Christi Domini satisfactionem altius in Scripturis, ac Patribus pro meritis exaggeratam hesternæ luce demonstravimus, ut eam exhaustendis Hominum noxis suoapte valore, ingenitaque virtute parem abundantemque probaremus; nec sola Patris acceptione, & externa ratihabitione sufficientem ostenderemus. Eos nunc ad audientiam admittimus, qui pius æquo Christi meritis a nobis tributum existimant; pensumque ab illo pro noxis Hominum persolutum minus ex se se, ingenitaque dignitate sufficiens distitare non erubescunt. Quid contra nos, statutamque a nobis doctrinam congerant, perpendamus.

Ac primò quidem, (quod observari, ne dicam luseri, ab omnibus velim) nihil illi ex Scripturis, ac Patribus in medium proferunt, quo nobis ora subliniant; sed suum omne ex Dialecticæ, prophæticæque Philosophiæ tendiculis præsidium accersunt; ut inanibus captiunculis nos alligent; & cornua, si id quidem permittimus, nobis affigant. Ecquid ergo? Numquam ne Theologiam profitentibus Theologos esse licebit? desertisque sacræ Doctrinæ Canonibus, Scripturis scilicet, Patribusque, ad argutias, futesque quisquillas continuò provocabimur? quasi de Christo, nonnisi ex Aristotele liceat disputare? Sunt hæc nostrorum temporum fata. Theologiam in Dialecticam transformatam lugemus, querimurque quotquot sanas literas, & bonam mentem amamus. Si quis enim dogma Catholicum ex Scripturis, Patribus, atque Conciliis destituerit; si ex Venerandæ Antiquitatis ærario asserta sua petierit, confirmarit, communierit; is otiosus commentator ab Auditoribus reputatur; ac veluti Magistellus tantùm non in culinam detruditur. Si quis contra, missis Scripturis, ac Patribus rancidam argutiolam ex Dialecticæ spineto in medium tulerit; deque altissimis Fidei Christianæ Mysteriis, de quibus nec per somnium Philosophi cogitarunt, de Philosophorum latrina protervè garrierit; is tanquam Cælum digito moverit, aut Herculis cothurnum induerit, acclamatur ab omnibus. Oh! Sic itur ad astra, papæ, & delictum musarum, & magnum Jovis incrementum? Et hic tamen, si rectè calculum ponimus, uti prophæticus, procul a Theologiæ sacris submovendus; alter velut Antistes summo folio collocandus.

F f ij

Hic

Hic nugacissimus arguator ; ille solidissimus Ecclesię Fideique defensor .

Verum ne videamur inania tela formidare ; quas illi de Schola Dialectica cantilenas occulant , auscultemus ; & quidquid eis adversus Christi Merita suos Aristoteles aspiravit , expendamus .

Hoc primo nos ariete pulsat : Si Christus æquam , imò etiam exuberantem pro noxis Hominum solutionem obtulit , frustra nova a nobis satisfactio petitur ; utpote pro quibus integrum pensum a Fidejussore persolutum est . Porro a nobis nova satisfactio petitur : non ergo Christus integrè satisfecit .

Dignam profectò viris Catholicis argutationem . Eo ipso principio ulos Calvinistas , ac Lutheranos in aperto est ; nisi quod si alia via suum iter aggressi , aliud ex jacto principio colligerent . Ita quippe argutabantur : Si Christus æquam , imò etiam exuberantem pro noxis Hominum solutionem obtulit , frustra nova ab nobis satisfactio petitur : at Christus cumulatissimè solvit ; frustra igitur nova a nobis satisfactio postulatur . En novam ejusdem capitis caudam ; idem tamen caput . Hoc itaque falsum , hoc ineptum , hoc ridiculum , frustra a nobis satisfactionem novam postulatam iri , si Christus satisfecit ex integro . Quia non ideo adjungenda venit hominum satisfactio , ut satisfactionis a Christo exhibitę defectum suppleat ; id enim ne pię quidem aures ferre possunt ; sed ut generalem Christi Domini satisfactionem sibi ipsis specialiter applicent . Sicut ergo nulla fit injuria dolori , quo Christus pro peccatis nostris afflictus est , & lacrymis , quas pro illorum remissione fudit , tametsi contritio , & lacrymę pœnitentium ad expianda delicta necessarię asserantur ; nec ulla fit injuria orationibus Christi , licet orationibus nostris sit opus ad remissionem peccatorum , Divinaque Beneficia impetranda ; ita nulla fit injuria satisfactioni Christi , quantumvis cumulatissima censeatur , etsi satisfactio nostra ad Deum placandum , jure Divino Necessaria prædicetur .

Eo contuso telo , aliud regerunt , ut Christi satisfactionis valorem ingenitum , peccatorum gravitati imparem probent . Offensa , inquiunt viri subtiles , irrogatur Deo , ut Deus est ; at Christus non ut Deus satisfecit , sed ut Homo ; non igitur satisfecit ex æquo . Verum quod subsumitur , falsum est , Christum satisfecisse , ut Hominem ; satisfecit enim ut Deus Homo . Cum ergo Christus , ut Deus Homo tantę sit Dignitatis , ac Deus solę proprię Naturę subsistens ; utpote qui assumptę Humanitatis accessu nihil Majestatis amisit ; infinitę Dignitatis satisfactionem obtulit Deo Patri .

Reponunt illi , Christi satisfactionem non ita Deo placere , ac illi offensa displiceat ; quod ita sibi videntur subtiliter demonstra-

stra-

strare. Christi satisfactio non tantum Deo placet, quantum illi sua ipsius Bonitas placeat: at offensa tantum Deo displicet, quantum ei sua Bonitas placet; cum enim offensa, quantum potest, Dei Bonitatem destruere conetur, tantum ei displicere necesse est, quantum placet ista. Verum in fumum tota illa subtilitas abit, si vel id unum attenderis; offensam scilicet non physicè, ac realiter Divinam Bonitatem destruere, sed affectu tantum, moraliter, ac secundum prudentum æstimationem: e. contra Divina Bonitas non moraliter tantum, sed realiter, physicèque infinita est. Quare tamen si Deus offensam impensè habeat odio, execreturque quàm maximè; minus tamen hæc illi displicet, quàm sua illi Bonitas placeat.

Pergunt acuti homines: Si Deus per impossibile Deum offenderet, Christi Domini satisfactio, ut ut maximè hujus offensæ gravitatem æquaret; utraque enim & Dei, & ad Deum esset: at gravitas offensæ Deo per Creaturam irrogatæ major est gravitate offensæ quæ Deo ab altero Deo irrogaretur: ejus quippe gravitas crescit ex vilitate Personæ offendentis: Christi itaque satisfactio gravitatem offensæ Deo ab Homine irrogatæ non æquat. Subtiliter quidem excogitatum istud est: at assumpta propositio laborat æquivoco: Gravitas enim offensæ Deo per creaturam irrogatæ extensivè quidem, ut Schola loquitur major est gravitate offensæ quæ Deo ab altero Deo irrogaretur; non intensivè. Cum enim offensa irrogata Deo ab altero Deo, ratione Personæ offensæ, in ratione injuriæ infinita esset, eminenter, seu æquivalenter omnem gravitatem possibilem contineret: atque adeo offensa Deo per creaturam irrogata ob vilitatem offendentis majorem gravitatem non intensivè, sed extensivè fortiretur. Quemadmodum perfectiones creaturarum Deo additæ quid perfectius intensivè non faciunt; quia Dei perfectio infinita supponitur; etsi fortè extensivè quid perfectius facere supponerentur. Quamquam tamen, ut fatear quod res est, nihil illis argumentis tribuendum, quæ nedum falsa, sed & impossibili, atque insulsa hypothesei adnuntur. Quid verò magis insulsum, quàm Deum comminisci, qui alterum Deum offendat?

Ea statione, utpote iniquiori, pulsi nonnulli, aliò confugiunt, ut Christi Satisfactionem, sin minus æquam, saltem abundantem, atque infinitam inficiantur. Enim verò, inquirunt isti, si Christi Satisfactio excedit gravitatem offensæ, injustè eam Deus postulavit in solutionem delictorum: Persona enim offensa satisfactionem irrogatæ injuriæ parem duntaxat exigere potest, non excedentem. Quibus reponimus è vestigio, Deum æquam tantum Satisfactionem a Christo Domino exegisse; nihil amplius per sese, ac summo ju-

re postulasse; sed ex accidenti tantum evenisse, ut Satisfactio Christi abundaret, ratione Dignitatis Personæ satisfaciētis, quæ æqualis satisfactionis duntaxat capax esse non potest. Eo plane modo, quod dicimus, veniale peccatum æterna pœna dignum non esse; per accidens tamen æterna in Inferis pœna plecti, quia in Persona æternis cruciatibus propter mortale peccatum addicta reperitur.

Sed hæc levia sunt, si cum iis conferantur, quæ ad Christi Satisfactionis infinitatem oppugnandam suis passim commentationibus procuderunt. Alii hoc paralogismo pugnant: Christi Merita satisfactoria quadam iusta compensatione, præmioque exhauriri possunt: Non sunt igitur infinita. Id verò hoc pacto probant. Si Pater Æternus intuitu Meriti Christi Carnem lumeret, iusta profectò compensatione, præmioque exhauriretur: Præmium enim æqualis valoris obtineret. At non advertunt subtiles Disputatores, non eam esse infiniti Meriti conditionem, ut nullo præmio etiam infinito compenari possit; sed ut nullo finito præmio exhauriatur. Incarnatio porro Patris, si fieret Christi Meritorum intuitu, præmium infinitum conferetur; nihilque idcirco mirum, si Christi Meritum exhauriret. Res exemplo liquecit: Potentia Generativa Patris Æterni infinita profectò est; & hæc tamen Generatione Verbi ita plenè exhauritur, ut repugnet profus, alterum ab eo Filium generari. Quid ergo mirum, si Christi Domini Merita infinito accepto præmio exhaurirentur? Aut quid inde ad ejus infinitatem enervandam consequens esset?

Alii rem sibi videntur expeditius conficere, Christique Meritorum infinitatem solidius oppugnare, dum ajunt: Rem non censi simpliciter infinitam, si ex duobus coalescat, quorum unum duntaxat infinitum sit, alterum verò finitum: quo jure corpus illud infinitum non esse censeretur, cujus longitudo foret infinita, si ejus fortasse profunditas finita duntaxat esset: At Satisfactio Christi, inquiunt, constat etiam ex valore a Gratia habituali petito, quæ simpliciter infinita non est: Non est itaque Satisfactio simpliciter infinita, licet valor a Persona Verbi petitus conferetur infinitus. Et id rursus nullo negotio diluitur. Quamquam enim res non censeatur simpliciter infinita, si ex duobus coalescat, quorum unum duntaxat infinitum est, alterum verò finitum, dum ea finita pars in infinita non continetur; secus tamen se res habet, si finita pars in infinita contineatur. Jam certò certius est, in Merito Christi valorem ex habituali Gratia, aliisque Capitibus orientem in eo eminenter contineri, qui ex Verbi Unionem proficiscitur. Ecquis verò dicat, infinitum ex finitacessione sua infinitate defraudari?

Sed inquiunt: Persona Verbi non tribuebat Valorem Christi
Ope-

Operibus, nisi ut Unitæ Humanitati : At ut unita Humanitati nonnisi Valorem finitum tribuere poterat ; quia non infinito, sed finito modo Humanitati conjuncta erat : Non itaque valor infinitus ex infinita Christi Persona derivatur. Id verò exemplo ex Visione beatifica petito adstruere sibi putant. Licet enim, inquirunt, Essentia Divina in ratione speciei intelligibilis infinita sit ; quia tamen finito modo, & juxta mensuram Luminis Gloriæ intellectui beato conjungitur, illum non determinat, nec potentem reddit ad Visionem infinitam eliciendam.

Sed & id minùs feliciter excogitatum. Quamquam enim Persona Divina valorem in Christi Domini Opera non transfundat, nisi quatenus Humanæ Naturæ conjungitur unionem quidem finitam, ac limitatam ; nihil tamen id obest, quominus valorem infinitum transfundat. Quia unio hæc instar conditionis duntaxat est ; Conditiò verò finita infinitatem formæ moralis impedire non potest. Quocirca minus appositum est exemplum ex Visione beatifica deſumptum : Quia Lumen Gloriæ, juxta cujus mensuram Essentia Divina intellectui creato unitur in Patria, non nuda conditiò reputatur, ad Deum videndum desiderata ; sed ratio propria videndi. Addi etiam ad Sôlutionis cumulum potest, unionem Humanæ Naturæ ad Verbum, sin minus physicè, saltem moraliter esse infinitam ; cum Humanitas infinitè ex ea Unionem sanctificetur.

Jam verò, si ad ea incommoda, quæ ex Christi Satisfactionis infinitate derivari Scotistæ putant, animum intendamus ; vereor ne turpiùs hoc ipso ex Capite causâ decidant. Quod enim illud est, quod nobis obtrudunt : si Christi Satisfactiò infinita esset, consequens foret, ut unico primo actu totius Humani Generis debitum persolvisset : Id scilicet incommodum ii putant, quod nos uti certissimum propugnamus ; quodque Ecclesiæ Patres sexcentis plus minus locis affirmant. Neque enim obest, quod illi reponunt, Humani Generis Redemptionem non unico primo actui a Patribus tribui, sed obitæ Morti, & toleratæ Passionis. Duo enim in Christi Satisfactione secernenda veniunt ; quantitas pretii persoluti, & deputatio, seu ordinatio solventis. Quantitatem pretii vel unico primo actu solutam dicimus, Patribus ita firmiter statuentibus : Verùm quia Christus gloriæ Patris promovendæ cupidus, majorisque erga homines Amoris exhibendæ zelo permotus non singularem aliquem actum ad cumulatam Humani Generis Redemptionem voluit deputare ; sed omnes in universum ad Mortem usque ad Redemptionem nostram ordinavit ; inde factum, ut completa Humani Generis Liberatio, perfectæque, ac rigorosa Satisfactiò, obita somodo

lummodo Morte, ac Passione tolerata, facta dicatnr. At de his jam satis a nobis dictum.

Novam die proxima Controversiam auspicabimur, in Scholis admodum ventilatam: num Christus, quem sufficienter, imo & abundanter Satisfecisse monstravimus, ex rigore Justitiæ, ac secundum stricti juris Apices Satisfecerit? Quæ nobis in hac controversia sententia sit, sequenti exercitatione aperiemus.



233

P R Æ L E C T I O V.

*Christus Dominus secundum strictos juris apices pro noxis
hominum offenso Deo satisfecit.*



UM Christus secundum strictos juris apices Satisfecerit; quæstio est Theologos inter, non sine stomacho, agitata; sed ab ea, de qua diximus hactenus, dum Christum æquè, & abundanter Satisfecisse probaremus, longè diversa. Plus etenim ad Satisfactionem stricti, quàm ad æquam Satisfactionem Theologi postulant. Ad eam, de qua paulò ante dicebamus, satis est, si justum, æquumque pretium persolvatur; ad istam, de qua dicturi hodie sumus, exigitur insuper, ut creditor eam acceptare, ratamque habere modis omnibus teneatur. Contingit enim plerumque justum offerri pretium, nec tamen creditorem ad illud ipsum acceptandum teneri; quia ab exercitio commutationis abstinere potest: Ut si viginti aureos ad pallium emendum exhibeam, æquum certè pretium offeram; nec tamen idcirco Mercatorem adigam, ut aureos acceptet, tradatque pallium, si vendere re ipsa nolit. Dum ergo in præsentia controvertimus, num Christus secundum juris apices Satisfecerit, id inquirimus unum, num Christus tale, tantumque pretium solverit, ut illud ipsum Deus acceptare debuerit.

Quatuor dotibus stat ea Satisfactio stricti juris; de quibus non parum Theologi digladiantur, quo pacto in Christo Domino inveniantur. Prima est: ut Satisfactio alteri fiat: cùm enim actus justitiæ sit, in alterum exerceri necesse est. Secunda: ut ex bonis propriis fiat, non creditoris; aliàs non Satisfactio erit, sed debiti relaxatio: ut si Petro centum debeam nummos aureos; is verò totidem mihi largiatur, ut debitum solvam, non tam ego solvisse debitum, quàm is relaxasse dicendus erit. Tertia: ut gratiæ creditoris non innitatur; quantum enim gratiæ accedit, tantum justitiæ detrahatur; hic verò de Satisfactione disputatur, quæ summo jure fieri dicitur. Quarta demum: ut ex bonis aliàs indebitis fiat: si cui enim jure mutui centum aureos debeam, a quo subinde agrum centum aureorum emam; certè summo jure pro agro mihi divendito non Satisfaciam, si centum duntaxat aureos ei numerem. Hos enim ille pro mutui antecedentis, non pro agri solutione, si libuerit, acceptabit.

In ea ergo, quæ de Christi Satisfactione secundum juris apices,
Prælecti. P. Serry Tom. II. G g agi-

agitatur controversia, tota eò recidit difficultas; num iis quatuor dotibus steterit. Quod ubi semel in aperto fuerit, Christus secundum strictos juris apices Satisfecisse dicendus erit.

Quod primam dotem attinet, ea statim obviam venit non modica difficultas, quo pacto Christus alteri Satisfecisse dici possit. Erat enim Deo, totique Trinitati per peccatum hominum injuria irrogata: Deo itaque totique Trinitati Christum Satisfecisse, compertum est. At is Deus erat, alteraque Trinitatis Persona: sibi igitur Satisfecisse dicendus erit. Neque enim Veteres illi Theologi audiendi, qui Christum soli Deo Patri, atque adeo alteri tantum Satisfecisse distabant. Ea etenim ab Scholis exolevit opinio, quæ in alterutrum absurdum necessariò recidit: nimirum vel soli Deo Patri, non itidem Filio fuisse per peccatum hominis injuriam irrogatam, quod nemo falsum esse non sentit; aut nullam secundæ Personæ Satisfactionem fuisse exhibitam; cum ei nihilominus irrogata injuria fuerit. Nec iis e contra dandæ aures; qui, ut Christi Satisfactionem alteri factam ostendant, Christi Humanitatem ejusdem Divinitati Satisfecisse reponunt. Non enim nuda Humanitas Satisfecit; sed Christus ipse totus & integer, Deus & Homo, cui cum unica Divina Persona insit, unde actiones Satisfacientes proficisci possunt, perperam ad nudam Humanitatem, quæ Divinitati Satisfecerit, recentiores ii Theologi confugerunt. Iis igitur præclusis effugiis inaniter excogitatis, nodum felicius extricant, qui ajunt, Satisfactionem alteri factam abundè censeri, modò Naturæ, tametsi non Personæ distinctio intercedat; Christumque idcirco alteri Satisfecisse, quia, licet inter eum, ut Satisfacientem, & Deum, cui fit Satisfactio, distinctio Personæ non occurrat; stat tamen diversitas Naturarum. Id porro abundè sufficere multis ostendo, nequis etiam nec putet peregrina Suffugia quæsisse. Primò: quia sola distinctio Naturarum, eadem licet remanente Persona, distinctionem jurium præ se fert; cum & diversas Voluntates præ se ferat: Ubi porro distinctio jurium intercedit, justitia exerceri potest. Secundò: quia non minus Religio, & Obedientia alteri sunt exhibendæ, quàm stricta justitia in alterum exercenda: porro sola distinctio Naturarum, unà licet stante Personâ, abundè, in Christo sufficit, ut is obedisse Deo, eidemque Religionis cultum exhibuisse dici possit; quid ni ergo sola distinctio Naturarum satisfecerit, ut alteri Satisfecisse intelligatur? Tertiò: quia nulla major inter Satisfacientem ex jure, & illum, cui Satisfit, distinctio postulatur, quàm inter servum, & Dominum: porro sola in uno supposito distinctio Naturarum satis in Christo fuit, ut Christus secundum Naturam assumptam Dei servus vocitetur servitute naturali, juxta Da-

vidi-

vidicum illud : *Ego Servus tuus, & filius Ancillæ tuæ* : Ea itaque pari ratione sufficiet ad stricti juris Satisfactionem exhibendam.

In secundam conditionem a Theologis constitutam, ut nimirum Satisfactio non fiat ex bonis Creditoris non levis pariter militat difficultas. Christus siquidem per actiones creatas Satisfecit ; at illæ sub Dominio Dei sunt, qui in eas creationis, & conservationis titulo jus obtinebat : quin etiam actiones illæ Satisfaciendi Virtutem ex Divini Verbi Persona repetebant : at Personæ quoque Verbi Satisfactio facta dicitur : alienis itaque bonis, ac ipsius maxime Creditoris Christus Dominus Satisfecit. Non igitur summo jure Satisfactio facta est. Mirum quantum sese hoc loco Theologi torquant, ut ab eo se laqueo liberent. Hunc ego brevi responso extricabo hoc pacto. Tametsi repugnet, Satisfactionem stricti juris ex iis bonis fieri, quæ sub Dominio peculiari creditoris sita sunt ; nihil attamen vetat, ex iis bonis fieri, quæ sub dominio generali creditoris inveniuntur. Hinc subditus Domino suo summo jure Satisfacit ex ipsis bonis, quæ sub ejus directo dominio possidentur. Quia qua ratione causa universalis peculiaris causæ Virtuti non officit, ita nec generale dominium peculiari dominio repugnat. Cum itaque Christus etiam ut Homo libero polleteret arbitrio, propriumque in suos actus dominium exerceret, tametsi actus illi generali Dei dominio subderentur, nihil plane obfuit, quominus iis Deo ipsi Satisfecerit. Et certè, si generale Dei dominium Christi Domini actibus obesset, quominus ille Deo summo jure Satisfaceret ; idem illud profectò obesset, quominus & nos cuiquam alteri homini Satisfaceremus. Uti enim ex bonis creditoris Satisfactio fieri non potest, ita nec ex bonis alienis fieri valet ; sed ex iis duntaxat, quæ personæ Satisfacientis re ipsa sunt. Numquam ergo alteri Satisfacere possemus ex stricta justitia, cum nihil cuiquam possumus impendere, quod generali Dei dominio non subsit.

Tertia conditio ad strictam Juris Satisfactionem desiderata hoc etiam pulsatur ariete : Postulat stricti juris Satisfactio, ut non innitatur gratiæ creditoris : At Christi Domini Satisfactio innititur Dei creditoris Gratia. Gratia scilicet Unionis Hypostatice, unde Christi actus Valorem obtinent infinitum, cujus ope Satisfecit : Non itaque stricti juris Satisfactio illa fuit. At & id facile diluitur. Duplicem scilicet distinguimus gratiam creditoris, antecedentem unam, quæ jam transit in proprietatem recipientis, & alteram consequentem. Isthæc quidem, non item illa, Satisfactioni stricti juris officit : Si etenim ego cuiquam centum aureos gratuito conferam nudè, ac sine onere ; tum verò deinceps idem ille quidpiam emere a me ipso velit ; numquid, amabo, ex cen-

Gg ij tum

tum aureis jam ante a me susceptis pretium erogare mihi non poterit? Ita sanè: quia & illos gratuito susceperat, & illius proprii facti fuerant. Secus porro se res haberet, si quo ipso tempore emptæ rei pretium soluturus erat, pecuniam eidem numerasset, ut ex hac ipsa mihi solveret: sic enim simulata venditio esset, & vera largitio. Christus ergo stricto jure Satisfecisse censeripotest; quia Gratia Unionis, qua ejus Satisfactio nititur, omnibus modis antecedit Satisfactionem, eidemque in antecessum propria facta est.

Quarta demum conditio superest, cujus non absimiliter occasione hoc argumentum regeri potest. Stricti juris Satisfactio ex iis bonis præstanda est, quæ aliis titulis creditoribus minimè debeantur: At Christi actiones omnes, ac passionibus Deo multis aliis titulis debebantur; Gratiitudinis scilicet, Religionis, & Obedientiæ. Quamquam enim is Sponsor noster, ac fideiussor non fuisset, nec nostram in sese Causam suscepisset, Deo nihilofcius cultum, honoremque debuisset, tum pro suprema Dei in omnes Excellentia, tum etiam ob ingentia beneficia Humanitati collata. Non itaque stricto jure Satisfecisse dici potest.

Cui reponimus, Satisfactionem stricti etiam juris esse posse, tamen si fiat ex bonis aliunde debitis, si alii illi tituli, quibus ea bona debentur, ad alias Virtutes spectent, atque in eandem materiam recidant. Tunc etenim unica solutione titulis omnibus fieri satis potest; tamen si res aliter se haberet, si alii forte tituli ad eandem justitiæ speciem attinerent; & debiti materiam augerent. Res exemplo comperta fiet. Si centum aureos Petro debeam; primo ratione contractus venditionis, quia domum mihi vendidit: secundò titulo obedientiæ, quia mihi a Principe jussum est, ut debita solvam; tertio ratione misericordiæ, quia is centum illorum aureorum penuria ad summam egestatem adactus est; prosectò unica centum aureorum solutione titulis illis omnibus Satisfaciam; quia tituli illi tamen si numero plures, in eandem materiam recidunt; nec faciunt a me plura deberi, sed idem pluribus titulis. Pari forte licet Christi Domini ætus titulo Religionis, Gratiitudinis, & Obedientiæ Deo Optimo Maximo deberentur; quia tamen tot illi tituli in eandem materiam recidunt, potuit planè Christus iisdem illis actibus Deo pro titulis omnibus stricto jure Satisfacere.

Quid ergo? (repones) si sic est, si Christi Satisfactio juxta strictos juris apices fuit, Deus ergo ad eam acceptandam obligatione justitiæ tenebatur: at id omnino falsum; cum nullam in Deo justitiæ commutativam reperire liceat; solaque fidelitate, ac veracitate sua ligari possit: non ergo summo jure Christus Dominus Satisfecit.

Consecutionem diffidentur Theologi benè multi; qui licèt in humanis contractibus acceptandi necessitatem oriri putent, ubi stricti juris solutio exhibetur, nequaquam tamen in Deo, quem ratione supremi Domini acceptandi necessitate liberum arbitrantur; solàque idcirco fidelitate sua factum existimant, quod Christi Satisfactionem acceptarit.

Longè ego aliter sentio, qui licèt Deum erga nos solz fidelitate adstringi putem, secus tamen erga Christum hominum Redemptorem: eo maxime titulo, quod is Deus esset, pretiumque modis omnibus æquum, atque excedens rependerit, jurisque apices per omnia ferverit. Unde & Sacris in Literis Christi Domini Satisfactio Emptionis, Redemptionis, ac Pretii titulis insignitur. Imo D. Augustinus *Enarratione in Psal. 88. Serm. 2.* eam commutationis nomine nuncupat, ad ea Verba: *Exprobraverunt commutationem Christi sui.* Commutatio porro strictæ justitiæ pars est: Deus ergo ad Christi Satisfactionem acceptandam tenebatur.

Neque verendum, ne id Supremo Dei Dominio repugnet. Supremo quippe Dominio fit, ut Creaturæ puræ obligari non possit; quamquam Homini Deo nullâ sui injuriâ obligetur. Quid etiam, si dicamus, supremo Dei dominio obesse obligationem absolutam, minime verò hypotheticam; a conditione scilicet ab ipso met Deo posita dependentem. Sic etenim fit, ut obligatio in Dei Voluntatem, ut in primam radicem, ultimò refundatur. Sic itaque Deus nulla externa solutione absolute ligandus erat: at ubi semel exhiberi sibi solutionem voluit ab Homine Deo, secuta inde est acceptandi necessitas, ac summi juris obligatio. Quemadmodum enim liberum Deo est, ut hominem Gratiâ suâ donet; eum verò Gratiâ donare tenetur, si eum salvum efficaciter velit; nec tamen idcirco Supremi Domini iuribus excidit, quia nonnisi liberè vult salutem homini impertiri; ita nec Supremi Domini iuribus excidit, dum Deo Homini Satisfacienti obligatur; quia & hoc ipsum liberè voluit, ut Deus Homo Satisfaceret; ac nisi voluisset ipse, numquam Deus Homo Satisfecisset. Et hæc de Christi Satisfactione dicta sufficiant.

De motivo Incarnationis crastina luce disputabitur.

PRÆLECTIO VI.

Sola redimendi hominis causa Humanitatem a Divino Verbo fuisse assumptam, statuitur.



Uenam Divino Verbo carnis suscipiendæ causa fuerit; num una redimendi hominis ratio; disputat Theologi solent. Sunt enim verò non pauci, qui unico redimendi hominis studio, Deum factum hominem putant, adeo ut nullo hominis stante peccato, carnem nullatenus induisset. Alii qui subtilitatis titulo gloriantur, diversam prorsus viam ineunt. Christum quidem, nullo hominis stante peccato, carnem passibilem supplicii, ac morti tandem addicendam nequaquam assumpturum fuisse ultro consentiunt; carnem nihilominus gloriosam assumpturum existimant, in qua non homines quidem redempturus esset, nullius hac in hypothese redemptionis indigos, sed initurus amicos. Ea de re, uti de novo invento, sibi plaudunt; at prorsus immerito; cum hanc ipsam opinionem in antecessum, uti probabilem, exposuerit Doctor Angelicus in 3. sent. dist. 1. quæst. 1. art. 3. eamque subindè 3. p. sum. Tb. quæst. 1. art. 3. repudiarit. Quare, si quæ laus Scholæ Subtili in ea tutanda sententia, hæc una certè esse potest, quod scetum spurium Angelici Doctoris a parente jam dimissum adoptarit, aluerit, informarit.

Porro dum hæc summo studio Theologi disputant, Dei decreta atque consilia, qualia re ipsa fuerint, nobisque sacris ex Literis innotescunt, dimetiuntur; non qualiacumque efformari a Deo potuerint, si secus ipse voluisset. Nec enim ullus hominum fuit, qui scire certè potuerit, quid Deus esset factururus, si nunquam homo peccasset; quid æterno consilio, atque decreto statuisset, si primævam innocentiam servasset hominum Protoparens Adam. Quid ergo re ipsa decreto sanxerit disputamus; non quid alias sancire potuerit. Quocirca id liberè pronunciamus: Deum usque adeo peccati delendi, ac redimendi hominis gratia, Verbum suum futurum hominem statuisset, ut nullo prorsus modo, ac nec impassibili quidem in carne venisset, si nunquam homo peccasset, & primævam innocentiam exuisset.

Ac re ipsa quidem, nisi velimus ariolari ac fingere pro arbitrio, æterna Dei consilia non nisi Scripturarum ac Traditionis ope nosse possumus: iis quippe unis suam hominibus voluntatem testari

VO-

voluit. Hæc porro duo si consulamus, unam susceptæ a Deo carnis rationem invenimus, peccatum hominis diluendum. Scripturarum Elenchum & Indicem faciam, si loca singula proferre velim: *Matth. 18.*, & *Lucæ 19.*: *Venit enim Filius hominis querere, & Salvum facere, quod perierat*: *Joan. 3.*: *Sic enim Deus dilexit mundum, ut filium suum Unigenitum daret: ut omnis, qui credit in eum, non pereat, sed habeat vitam æternam*: *Luc. 5.*: *non veni vocare justos, sed peccatores*: *Rom. 3.*: *Hunc proposuit Deus propitiationem per fidem propter remissionem præcedentium delictorum*: *1. ad Timor. 1.* *Fidelis sermo, & omni acceptione dignus, quodâ Christus Jesus venit in hunc mundum peccatores salvos facere*: Et alia id genus pene sexcenta: cum tamen nec vel unum Scripturæ contextum invenire liceat, ubi alio consilio Christum venisse vel leviter innuatur. Quare si aliam quis rationem causari velit, fateatur necesse est, se æterna Dei consilia non ex Divinis Literis, sed ex proprio cerebello rimari, & comminisci.

Sed & Patres distinctiunculam omnem amovent: quippe qui nedum Christum redimendi peccati causâ venisse ajunt; verum etiam nullam aliam veniendi rationem fuisse significant; ut eâ plane semotâ nequaquam venisset. Luculentiora testimonia, cæteris omisiss, indigitabo.

Irenæus lib. 3. adversus Hæreses cap. 14.: *Si enim non haberet, inquit, caro salvari, nequaquam Verbum Dei caro factum esset. Et si non haberet Sanguis justorum inquiri, nequaquam Sanguinem habuisset Dominus*: *Origenes homil. 24. in Numeros*: *Pone, inquit, non fuisse peccatum, si non fuisset peccatum, non necesse fuerat Filium Dei agnum fieri*: *Athanasius orat. 3. contra Arianos super illa verba In principio erat Verbum*: *Nam etiamsi, inquit, opera condita non fuissent, æque tamen erat Verbum Dei, & Deus erat Verbum. Caterum ut fieret Homo, numquam destinatum fuisset, nisi Hominum necessitas ejus rei causam præbuisset.* Quibus ex eadem Ecclesia Græca concinunt *Gregorius Nyssenus orat. in Christi Nativ.*, *S. Gregorius Nazianzenus orat. 36.*, *S. Cyrillus Alexandrinus Dialogorum Lib. 5. de Trinitate*; *S. Joan. Damascenus Lib. 3. de Fide Orthod. cap. 6.*

Nil minus luculenter Latine Ecclesiæ Patres suffragantur: *S. Ambrosius lib. de Dominicæ Incarnationis Sacramento cap. 6.*: *Quæ erat causa Incarnationis, nisi ut caro, quæ peccaverat, per se redimeretur*. *S. Augustinus Serm. 174. de verbis Apostoli, cap. 2.* expendens illud *Lucæ 19.*: *venit Filius Hominis querere, & Salvum facere, quod perierat*; subjungit: *Si homo non periisset, Filius Hominis non venisset*: Et *Serm. 175. cap. 1.* nulla causa fuit veniendi Christo Domino, nisi peccatores salvos facere: Et

enar-

Enarratione in Psalm. 36. Serm. 2. : Si tu o Homo non dimitteres Deum, non fieret pro te Deus Homo. Quibus calculum adjiciunt S. Gregorius Magnus Lib. 4. in primum Reg. cap. 1. n. 7. : Et quidem nisi Adam peccaret, Redemptorem nostrum carnem suscipere nostram non oporteret. Non enim venit vocare justos, sed peccatores ad poenitentiam. Si ergo pro peccatoribus venit, si peccata deessent, cum venire non oporteret. S. Leo Serm. 3. de Pentecoste : Si enim Homo ad imaginem & similitudinem Dei factus, in sua bonore Naturæ mansisset, nec Diaboli fraude deceptus, a Lege sibi posita per Concupiscentiam deviasset, Creator Mundi Creatura non fieret. Et alii Patres bene multi, quos longo ordine recensere, otiosi prorsus hominis videretur.

Non me fugit responsuros Theologos de Schola subtili, ita locutos Ecclesiæ Patres; nullamque, nisi peccatum eluendum, Dominici Adventus rationem indigitasse, quod de Christo passuro loquerentur.

Sed, inquit, si Patribus perspectus fuisset novus ille, quem Scotistæ comminiscuntur, veniendi modus in carne scilicet impassibili, & invisorum amicorum gratiā; cur nemo omnium inventus est unus, qui id vel obiter indigitarit? Cur nemo omnium Scotica distinctione usus perhibetur? Itane illi minis Scoto vidisse putandi erunt? Sed & quotquot istas argutias pro arbitrio fingunt, nedum eliquatissimis Patrum oraculis illudunt; sed mendaces illos nobis produnt. Quod enim duobus modis fieri potest, si uno fortasse modo non fiat, altero tamen re ipsa futurum est, futurum universum, & absolute negari non potest; cum absoluta negatio modum omnem eliminat. Si ergo homine non peccante Christus in carne saltem impassibili venturus erat, tamen si non in carne passibili, falsa profectò esset universalis illa, indiscreta, & absoluta Patrum assertio, qua Christum ea in hypothesis minime venturum affirmant.

Addiderim ego, Nicœnum Symbolum distinctiunculam illam exussasse. Duo quippe distinxit, Christi scilicet Incarnationem, & ejusdem in Cruce passionem: Utramque verò redimendi hominis causā factā significat: *Qui propter nos homines, inquit, & propter nostram Salutem descendit de Cælis, & incarnatus est de Spiritu S. ex Maria Virgine, & Homo factus est: En primum: Crucifixus etiam pro nobis: en alterum. Ut plane intelligamus, utrumque nostri causā factum esse.*

Jam si ea paulò penitius dispungamus, quæ in oppositum proferuntur, tantò firmitus statutz Veritati Suffragium dabimus, quare levioribus ad eam impetendam fundamentis adnuntur. Instar Achillis illis est, quod ex Ordine Divinorum Decretorum repetunt

tunt Argumentum; istud videlicet toties decantatum : Christus ante omne prævisum Adæ, Hominumque peccatum prædestinatus est futurus Homo : igitur futurus erat homo, etiamsi nullum fuisset Adæ peccatum. Antecedens congestis Scripturarum Oraculis adstruere sibi putant, quibus Christus ante omnia præfinitus, & initium viarum Domini vocitatur : tum ea maximè ratione, quod Christus, utpote finis omnium hominum, ante ipsos homines, atque idcirco ante omne peccatum hominum decerni debuerit.

Hæc omnia nos larga manu concedimus, damusque, ut libet, ut lubet, Christum ante omne prævisum Adæ peccatum prædestinatum esse futurum hominem : at Consecutionem inficiamur. Igitur futurus erat homo, etiamsi nullum fuisset Adæ peccatum. Id, inquam, inficiamur non secus, ac Thomistæ nostrates huius Argumenti, in causa Prædestinationis factitari soliti Petrus ante omne prævisum meritum prædestinatus est futurus Sanctus : igitur futurus esset Sanctus, si nullum haberet meritum : concessio antecedenti, consecutionem omnino negant ; quia tamen prævisa merita non fuerint causa Prædestinationis, media nihilominus reputantur, sine quibus Deus executioni demandari non vult Decretum Prædestinationis. Idem in præsentia de Christi Prædestinatione statuendum existimamus. Demus enim, Christi Prædestinationem nequaquam ex futuri peccati prævisione dependisse ; sed contra potius, Christi Prædestinationem cujusvis peccati præscientiam antevernisse ; satis id nobis esset, peccatum medium extitisse, sine quo noluit Deus Incarnationis Decretum executioni demandari ; ut inde meritò colligamus, Christum nequaquam futurum hominem, si nullum fuisset Adæ peccatum.

Neque officit, si reponant, prius sine posteriori esse posse ; adeoque Incarnationis Mysterium etiam sine peccato futurum fuisse, si æterno Dei Decreto prædefinitum est ante peccatum. Falsum quippe est, prius sine posteriori esse posse, dum quovis in ordine non est prius : porro Mysterium Incarnationis, intentionis duntaxat ordine, non tamen executionis prius est ; quin & a posteriori, nempe peccato, saltem velut a conditione, dependet, sine qua non esset executioni demandandum, uti mox de Prædestinatione meritis comparata dicebamus.

Alterum ex Christi Dotibus, ejusdemque Incarnationis fructibus repetunt Argumentum : Christus siquidem sacris in Literis nedum Redemptor hominum peccatique victor vocitatur ; verum etiam Pastor, Magister, Rex, Legislator ; qui tituli ab officio Redemptoris minimè pendent : Ea igitur officia impleturus venisset, tamen si nullum extitisset Adæ peccatum, cujus causâ Redemptoris munus obiret. Non absimiliter, inquirunt illi, uberrimis Incarna-

Prælect. P. Serry Tom. II.

H h

tio-

tionis fructibus adnumeratur Divinorum Attributorum Manifestatio, Universi perfectio, exaltatio Humanæ Naturæ, Gratiæ denique consummatio. Quid ni ergo Christum tot illos divina maiestate dignos fructus suo ad homines adventu laturum fuisse dicamus; tametsi nullo flante peccato nullam esset homini redemptionem allaturus?

Minus ista nos movent, nec a statuta propositione divellunt: Eos quippe titulos, Pastoris, Magistri, Regis, Legislatoris ab uno Redemptoris titulo pendere contendimus, & ad peccati remedium pertinere iudicamus. Ut quid enim is hominum Pastor effectus est, nisi quia a Deo Segreges peccando effecti sunt? Ut quid Magister, nisi quia Veritatem peccando deseruere? Ut quid Rex, nisi quia Dei Imperium delinquendo detrectaverant? Ut quid demum Legislator, nisi quia primigeniam Legem peccando violarant? Quare nullo flante peccato, Deus in propriâ Naturâ subsistens, & Pastor, & Magister, & Rex, & Legislator futurus erat; nullaque ratio postulabat, ut iis officii in assumpta Naturaungeretur.

Idem de Incarnationis fructibus iudicandum: Illos nimirum ad humani generis redemptionem revocari, qua Deus Bonitatis & Misericordiæ suæ thesauros explicuit. Aut certè, si tot illos fructus uberrimos ad primarium illum referri omnino neges; fructus esse dicemus, ut Schola vocitat, secundarios, minus præcipuos, minusque necessarios; quorum causâ Deum Hominem fieri, nulla necessitas postulabat.

Negotium facessere videtur aliquod D. Augustini, cæterorumque Patrum opinio, qui Mysterium Incarnationis primo Parenti in ipsa sui creatione revelatum fuisse docent, cum tamen is futuri peccati sui præscius non esset: Unde consequens esse videtur, ut Christi Domini Incarnatio ab Adami peccato nulla ratione dependeat.

Consecutionem negat Doctor Angelicus 3. part. quest. 1. art. 3. ad 5. inquit: *Dicendum quodd nihil prohibet, alicui revelari effectum, cui non revelatur causa. Potuit igitur primo Homini revelari Incarnationis Mysterium, sine hoc, quod esset præscius sui casus.*

Ergo, inquit: anxius, atque adeo tristis hærebat Adam, utpote qui Incarnationis sibi notæ causam penitus ignoraret: Noto quippe effectū, nascitur desiderium causæ dignoscendæ. Anxium autem, tristemque hæsisse Adamum, non patitur status innocentiae felicitas.

Sed & id consequens esse diffitemur: tristitiam ex ea ignorance natam negamus omnino: neque movet, quod opponunt;

nunt ; noto nimirum effectu , dignoscendæ causæ desiderium enasci : Id enim de iis duntaxat causis verum esse Theologi monent , e quibus effectus ex sese , atque intrinsecè pendeat ; secus de illis , a quibus sola Dei libera Voluntate effectus pendere supponitur . Cæterum dum Incarnationem ex Adami peccato pendere diximus , non ea mens nostra fuit , quasi ab eo intrinsecè pendeat , & ex sese ; sed quòd ita libera Dei Voluntate Sacris in literis nobis expressa sancitum est , ut hæc illius occasione perficeretur . Hætenus de divinæ peractæ Incarnationis motivo.

Die proxima Controversiam agitabimus , num Christus Incarnationem ipsam promereri potuerit.



PRÆLECTIO VII.

*Christum actibus suis promereri Incarnationem, & Virginis
Maternitatem minime potuisse, demonstratur.*



Controversiam aggredimur non in recentium Scholarum umbraculis natam, sed olim a Patribus summo studio adversus Nestorianos, ac Pelagianos agitatam: num Christus piis Operibus Incarnationem suam promeruerit. Cum enim duas in Christo Personas Nestoriani fabularentur, Christumque quadam temporis successione hominem prius extitisse dicerent, quàm a Verbo in Divinæ Naturæ communionem assumeretur; id quoque primario errori addidere, eum pristinis operibus bonis suam illam a Verbo Dei assumptionem meruisse. Cum etiam Pelagiani gratiam piis nostris operibus promereri ex nobis blasphemarent, & ab Augustino non semel Christi exemplo premerentur, qui Unionis gratiam bonis Operibus nulla ratione promeruerat; in Nestorianorum partes, ut Augustini Argumentum effugerent, declinarunt. Hinc nota illa Historicis omnibus Nestorianorum, & Pelagianorum arcta societas; ut quamvis jam grassantibus Pelagianis Nestoriani proruperint; Pelagianam nihilominus Hæresim ab Nestoriana enatam faterentur universi; quod nimirum ab ea Vires, quibus sese tueri posset, accepisset. Hinc carmen illud longe celebratissimum D. Prosperi:

*Nestoriana lues successi Pelagiana,
Quæ tamen est Utero progenrata meo:
Infelix misera genitrix, & filia nata,
Prodivi ex ipso germine, quod peperit.*

Veterem hinc nocentiam canerem, si errorem illum, ut est a Nestorianis, ac Pelagianis præformatus, confutandum aggredider: actum enim non sine fastidio reagerem, utpote qui Nestorianum errorem de duplici in Christo Persona, quarum una alteram promeruerit, non ita pridem confutaverim; Pelagianumque commentum de Gratia meritis nostris promerenda superiori anno, dum de Divinis Auxiliis ageremus, cumulatius exagitavi. Quare ad quorundam Theologorum Opinationem confutandam animum, vocemque convertimus, qui cum Dominicam Incarnationem præviis Christi Do-

mini

mini Operibus obtineri non potuisse fateantur; siquidem hujusmodi nulla fuerunt; eò demum se conferunt, ut actibus Incarnationem consequentibus Christum Incarnationem ipsam promeritum dicant. Qua de re, ut dicam ipse quod sentio, ita decerno: nempe commentum illud ab Hæresi quidem procul esse; minus tamen cum sanæ Theologiæ principiis coherere; & a Doctore Angelico, cujus se discipulos profitentur, qui ita autumant, immensum abire;

Ab hæresi procul esse, paucis conficio. Idcirco Sancti Patres Nestorianos Incarnationem præviis Christi meritis tribuentes hæreseos inculpabant, quòd Christum hominem extitisse, meritisque abundasse dicerent antequam assumeretur a Verbo. Hinc Gregorius Magnus *Lib. 11. Registri Epist. Indictione 4. Epist. 67. ad Quiricum Fidei* professionem Hibernis Episcopis præscribens, quam lapsis ab Hæresi Nestoriana redeuntibus edendam iniungerent, hoc præsertim profitendum edicit, Christum primo momento conditionis suæ fuisse Deum. Porro; quos hic eventilamus Theologi recentiores, Christum antea Hominem extitisse, quàm Deum nequaquam hariolantur; nec meritis abundasse fabulantur antequam Humanitas assumeretur a Verbo; cùm omnia ejus merita a Verbo ipso Humanitatem jam terminante repetenda velint. Ab Nestoriana igitur hæresi procul absunt.

De Pelagiana idem plane statuerim. Pelagianos etenim, præsertim isto in capite flagellavit Augustinus, quòd ultra Nestoriana deliramenta, in quæ oblique, ac pene nolentes inciderant, Unicornis Gratiam Naturæ meritis adscribere non erubescerent. At tantum abest, ut huic luto Recentiores, cum quibus hic agimus, hæreant; ut potius omnia Christi merita ex unionis gratia derivent. Longè ergo etiam ab errore Pelagiano discedunt.

Verùm, bona pace dixerim, tantundem illos ab sanioris Theologiæ principiis peregrinari. Quid enim, amabò, istud est: Christus per actus unionem Hypostaticam consequentes, & a Verbo Humanitati jam unito derivatos hanc ipsam unionem Hypostaticam promeruit? An non id, quæso, secum omnino pugnat? Effatum hoc siquidem in confesso est apud Theologos: Principium meriti sub merito cadere nullatenus posse; sic etenim mereremur, quod nobis est ratio promerendi; ac ipsa etiam causâ ab suo effectu progerminaret: Unio enim Hypostatica in Christo cujusvis meriti radix, ac principium est; nisi fortasse velint, quod nec Religio, nec ipsa Philolopia satis capit, Humanitatem agendi, ac merendi principium esse: Repugnat ergo, Christum suis actibus unionem Hypostaticam consequentibus Unionem ipsam Hypostaticam meruisse.

Et quidem, ut explicatiùs dicam: meritum alterius profectò
rei

rei meritum est ; nec aliquid semetipsum mereri potest ; sic etenim sui ipsius causa esset : essetque idem simul , & non esset ; quod omnium absurdorum maximum est . Igitur non potest aliquid mereri Principium , a quo vim habet merendi : Si quid enim sui ipsius causa esse non potest , multò minus causæ suæ causa esse poterit .

Rationem alteram nil minùs efficacem suppeditat Doctor Angelicus *Quæst. 29. de veris. art. 6. : Meritum inquit est causa præmii , non quidem per modum finalis causæ . Sic enim magis præmium est causa meriti ; sed magis secundùm reductionem ad causam efficientem , in quantum meritum facit dignum præmio , & per hoc ad præmium disponit . Id autem , quod est causa per modum efficientis , nullo modo potest esse posterius tempore eo , cujus est causa : unde non potest esse , quòd aliquis mereatur , quod jam habet . Et sanè secundùm ipsa moralis Philosophiæ Principia , meritum se habet ad præmium , uti medium ad finem , via ad terminum , dispositio ad formam , causa demum efficiens ad effectum : at repugnat plane medium subsequi finem , viam esse termino posteriorem , causamque effectivam a suo effectu præcedi : repugnat igitur , meritum posterius esse termino ipso , quem promereri satagimus ; adeoque repugnat omnino , Christum operibus suis Incarnationem subsequentibus , eam ullo pacto meruisse .*

Si verò assertionem suam ita temperent Theologi illi recentiores , ut velint duntaxat , merita Christi futura , a Deo prævisa , Deum ab æterno movisse , ut Incarnationem decerneret ; nec sic quidem laqueum effugient ; imò commentum illud suum novis difficultatibus implicabunt . Enim verò , merita Christi , ut futura , nequaquam prævideri a Deo potuerunt ante decretum Incarnationis perficiendæ ; cùm Christi merita intelligi , ut futura , non possint , nisi eo ipso , imò & in antecessum , Christus in tempore futurus intelligatur ; nec Christus vicissim in tempore futurus intelligi queat , nisi decretum Incarnationis perficiendæ supponatur . Nugas itaque , ac pugnantia loquuntur quotquot eam hujus Figmenti adstruendi viam ineunt .

Mirum quantum se inutiliter torqueant Theologi isti , ut ab iis Argumentis se expediant . Primum nodum extricare nititur Franciscus Suarez ; principiumque meriti sub merito cadere posse contendit , non absolutè quidem , sed eo saltem in casu , quo principium meriti confertur a Deo sub conditione meriti futuri , ac dependenter ab eo : Uti plane contingit sæpius , Regem militi equum , & arma tribuere , in præmium , ac stipendium futuræ militiæ equo , & armis exercendæ .

At & id plane absurdum est , principium meriti conferri a Deo
pouit

posse sub conditione futuri meriti, ac dependenter ab eo. Esto enim id, unde meriti valor non oritur, intuitu futuri meriti dari possit; minimè verò id, unde totus nascitur meriti valor. Ratio in promptu est; quia meritum subsequens rationem pretii habere potest respectu illius, a quo valorem minimè fortitur; secus tamen respectu ejus, a quo totum valorem habet. Rursum dum id, unde meritum minimè nascitur, intuitu futuri meriti datur, nullo pacto ea sequuntur incommoda, quæ paulò ante notabamus, causam scilicet ab suo effectu prodire; aliaque id genus supra memorata: ea tamen dubio procul consequuntur, si id, unde meritum verè nascitur, propter meritum conferretur. Quare quod obtrudit exemplum, equi scilicet, & armorum, quæ a Principe militibus conferuntur uti præmium exercendæ militiæ, a præsentis insignito procul abest; quia virtutis militaris meritum nec ab equo, nec ab armis enascitur; sunt enim hæc adiumenta duntaxat, & instrumenta militiæ; sed a virtute Prudentiæ, ac generositate proficiuntur: cum contra valor meritorius operum Christi ab unione Hypostatica derivetur; in aliis autem hominibus a prima gratia. Quare si quid militum exemplo conficere voluisset Suarezius, quod præfens institutum attingeret, id illi ostendendum incumbabat; posse Prudentiam, ac generositatem militi a Principe concedi, ut militiæ bene gerendæ mercedem: quod sanè tam absurdum est, quàm quod maximè.

Erit fortasse quod opponat, Veterum nimirum Patrum exemplum, qui sub veteri Testamento floruerunt. Patrum enim, Theologorumque sententia est, illos Christi Domini Incarnationem meruisse; cum tamen omnis illorum meriti origo Incarnatio ipsa fuerit: ut hinc consequens videatur, principium meriti posse sub merito cadere. Et id tamen non minùs, quàm alterum frivolum est, duplici de causa: primum quòd Patres V. T. Incarnationem ipsam, quæ omnis humani meriti principium est, non promeruerint, sed ejus duntaxat adjuncta, & circumstantias: neque enim promeriti sunt, ut Deus Homo fieret, sed ut Deus Homo futurus adventum suum acceleraret: quo vel uno tota objecti argumenti vis elisa est. Secundò, quòd aliter Incarnatio meritorum hominum, aliter meritorum Christi principium sit; meritorum siquidem humanorum principium est Incarnatio moraliter duntaxat, ac meritorie; quia Deus factus Homo hominibus bona omnia, ac ipsa illorum merita promeritus est; Christi verò meritorum principium effectivum, ac formale fuit Unio illa Hypostatica; cum ejus operationes Theandricæ a Verbi Divini Persona ut a forma, valorem in esse moris infinitum acceperint. Quare tametsi daremus, principium morale meriti sub merito cadere potuisse; eaque
de

de causa potuisset veteres Patres Christi Incarnationem promereri; minimè tamen consequens esset, Christum ipsum eandem illam promereri quivisse.

Eo immoto, & inconcusso statuto principio, eliquatam cernitis alteram Controverfiam ab iisdem Theologis agitaram: qua vide licet Christum Dominum, Virginis Maternitatem meruisse opinantur: hoc est, meruisse, ut ex Matre Virgine nasceretur. Nedom enim Augustino adversa sententia est *Lib. de Præd. SS. Cap. 15.* dicenti: *Neque enim retributa est Christo illa generatio, sed tributa, ut alienus ab omni obligatione peccati de Spiritu Sancto, & Virgine nasceretur*; sed & statutis Principiis plane concurritur. Quis etenim fieri potest, ut is de Virgine nasci meruerit, qui ne nasci quidem mereri potuit? Istud quippe pendet ex altero.

Difficilius fortasse fuerit definire, num Maternitatem illam suam meruerit Virgo Deipara. Et quidem, si Patres audiamus, meruisse certum est. Sic Ambrosius *Lib. 2. de Virginibus n. 10.*: *Que (Maria) inquit, digna fuit, ex qua Dei Filius nasceretur*. Hieronymus *epist. 18. ad Eustochium de custodia Virginitatis*: *Propone tibi Beatam Mariam, que tantæ extitit puritatis, ut Mater Domini esse mereretur*. Sic Gregorius Magnus in *Lib. 1. Regum cap. 1.*: *An non mons sublimis Maria, que ut ad conceptionem Æterni Verbi pertingeret, meritum Verticem supra omnes Angelorum Choros usque ad Solum Deitatis erexit?* Hinc Vulgata illa Ecclesiæ supplicatio: *Regina Cæli lætare, quia quem meruisti portare, resurrexit, sicut dixit*. Si verò rationis ductum sequamur, minus facillè capi potest, quo pacto gratiæ meritis supra gratiæ ordinem evehi aliquis possit. Nam Maternitas Virginis, uti scitis, ad ordinem Hypostaticum attinet, omnisque Gratia sanctificantis dignitatem excedit. Rursum: omnia Deiparæ Virginis merita a Christo, ut primo fonte, progesserunt; in ipso enim, ac per ipsum Virgo meruit. Cum ergo meriti principium, ut paulò antea dicebamus, sub merito cadere nequeat; quid fieri potest, ut hæc Divinam illam Maternitatem promeruerit?

Nodum solvit Doctor Angelicus Duplicis meriti distinctione apud Theologos pervulgata: condigni, ut vocant, merito Maternitatem mereri non potuit; idque objecta ratio satis probat: Quia cum huiusmodi meritum in valoris æqualitate sit situm, nihilque in ordine gratiæ ad valorem Ordinis hypostatici pertinere possit, consequens, est Virginem Operibus gratiæ elicitis Maternitatem Ordinis Hypostatici promereri nequivisse. Cæterum merito congrui potuit plane; quia istud non stricti juris meritum est, nec in valoris æqualitate, sed in honesta duntaxat decentia situm est.

Nec obest, quod hic obiter innuebatur, principium meriti sub me-

merito cadere non posse. Verum id quidem; at nec Virginem quidem sui ipsius meriti principium meruisse supponimus, dum eam Maternitatem meruisse propugnamus. Non enim Maternitas, sed Christus, cujus est Mater, omnium ejus meritorum principium est; nec consequens est, eam Christum ipsum meruisse, dum ejus Maternitatem promeruit. At de his plus satis disputatum.

*Prælect. P. Serry Tom. II.*

II

DI.

NOTA.

Plura hîc desunt, quæ ad plenam, integramque Incarnationis Tractationem pertinent. Nobis illa dumtaxat reperire datum fuit. Quæ desiderantur cetera Authoris Scripta; quæ extitisse indubium est, fortassis ad alienas manus pervenerint. Nos quæ habuimus, exhibemus.

DIVUS AUGUSTINUS

S U M M U S

PRÆDESTINATIONIS, ET GRATIÆ

D O C T O R

A CALUMNIA VINDICATUS.

Adversus Joannis Launoj Traditionem, sætu posthumò
recens editam, & peculiari CLEMENTIS XI
Pontificis Maximi Decreto nuper inustam.

*Authore FR. JACOBO HYACINTHO SERRY Ordinis
Prædicatorum, Doctore Sorbonico, & in Serenissimæ
Reipublicæ Venetæ Academiæ Patavinæ
Theologo primario.*

DIVISION OF

RECORDS

AND COMMUNICATIONS

U. S. DEPARTMENT OF JUSTICE

WASHINGTON, D. C.

OFFICE OF THE ATTORNEY GENERAL

WASHINGTON, D. C.

RECEIVED

NOV 10 1964

Illustrissimo Excellentissimoque D.

SEBASTIANO FOSCARENO

D. MARCI PROCURATORI, ET EQUITI
ACADEMIÆ PATAVINÆ MODERATORI.

F. Hyacinthus Serry Theologus felicitatem.



*TSI TE, SENATOR AMPLISSI-
ME, non semel venerabundus adierim, ut
studiorum meorum, quibus auctoritate ac
patrocinio præes, rationem inirem; nun-
quam tamen ita votis meis indulgi, aut
literaria meditamenta tanti feci, ut ea
digna judicarem, quæ tuis oculis sstere-
tur. Verùm cum primùm de adornandis AUGUSTINI
Vindictis cogitavi, spes mihi largior affulsit, non indignum,
in quem oculos flecteres, visum iri conatum hunc qualemcum-
que meum, cui saltem æstimationem pretiumque faceret di-
gnitas argumenti. Si minùs gratum accidet Operis artifi-
cium, quod scio quàm sit exiguum, indignumque putabis, cui
favorem, ac patrocinium impendas; at Doctorum, quos pri-
sca tulit ætas, omnium maximum a calumnia vindicatum
ea veneratione excipies, qua sacras divinasque literas fo-
ves: strenuum Ecclesiæ Catholicæ Defensorem ea pietate ad-
mitter, qua Ecclesiæ jura dignitatemque tueris: summum
Divinæ Gratiæ Vindicem eo animo studioque recipies, quo
rei sacræ tuendæ, ubicumque occasio tulerit, sedulus excu-
bas; & quidquid ex divini Numinis Majestate est, id fidei
tuæ, ac patrocinio creditum putas. Hæc una MECOENAS
OPTIME, ad præsens voti summa est, ac etiam voti fidu-
cia. In tuas præterea laudes excurrere religio mihi fuerit,
qui*

qui Theologus, non laudator accessi; ne sacrum opus ab as-
sentatione videar. auspicari; a qua tantum fortune tue ma-
gnitudo, quantum genii mei simplicitas abest. Itaque non
obitas ad Reges maximos Legationes percensebo, procerum co-
mitatu, aule pompa, familie stipatu, cultuque propè regio,
omnium quas sol viderit splendidissimas: quæ Venetæ Maje-
statis nomen ad exteras quoque gentes, ac mundi ultima ex-
tendisti. Non mentem res humanas moderaturam prædicabo,
imperitantium artes, jura Principum, arcana Dominationum
edoctum; intimis æternæ Reipublicæ consiliis exercitam; per-
petuoque rerum usu insigniter perpolitam. Non supremarum di-
gnitatum obitorumque Magistratum fastos excutiam, quorum
vel soli tituli defatigare Lectorem possent, in quibus te sola
virtute, ac benefaciendi potestate Principem demonstrasti.
Non demùm, quæ tanto bonorum culinine cæteros præstat,
cunctis obviam facilitatem commendabo, effusam in omnes
atque obviam comitatem, singulorum vota ac studia provocan-
tem. Hæc præclara ingenia quondam expedient, ac postero-
rum memoriæ commendabunt: ego fati melioris auspex, ut
perennent, vota facio. Vale mearum grande decus columen-
que rerum; pro quo nisi vita decidere Superi dederynt, de-
bitor moriar.



P R Æ F A T I O.



Liter annus est, ex quo infaustus Launoji Liber in Augustinum miserè confarcinatus, invisam per annos fermè triginta lucem aspexit. Abortivum foetum natalitiis tenebris damnaverat Scriptor infelix, ne publicam subiret invidiam, neve famæ suæ in orbe literario jacturam faceret. Verùm (quæ sæculi nostri ingeniorum licentia est) inventus est tandem, qui scriptum tot annos claustris ac serâ cohibitum typis committendum existimavit : seu Launojo humanis jamdudum rebus exempto, nihil ab hominum invidiâ timendum crediderit ; seu forte publicatum Libellum sustinendæ Scriptoris famæ non imparem judicavit.

Hujus hæc summa est : Primo, Augustinum de Gratiâ, & Prædestinatione disputantem in extremos errores abiisse, novam in veteri spatio viam calcasse, ignotos priscis Ecclesiæ Patribus calles aperuisse, fidelium animos turbasse, motus totâ passim Africâ, Galliâ, Italiâ dedisse ; Vvitkleffo, Zuinglio, Luthero, Calvino horridis dogmatibus prælusisse. Secundo, Prosperum, Hilarium, Cæsarium, Prudentium, Remigium, cæterosque Augustini discipulos, sanctitatis & eruditionis laude præcipuos, pessime apud æquos æstimatores audisse, Romanis Pontificibus illusisse, Decreta malis artibus extorsisse, æmulos suos falsis criminationibus onerasse, justam demum damnationis sententiam subiisse. Tertio, Semipelagianos e contrario meliori jure usos, antiquæ Majorum Traditioni hæsisse firmiter, Augustino ejusque discipulis firmis rationibus obstitisse.

Id ut exequatur, tenuem opellam in duas veluti partes distribuit. Priori, superiorum Augustino sæculorum Traditionem de Gratiâ, & Prædestinatione texendam instituit, Augustinianæ doctrinæ, ut autumat, repugnantem. Quocirca nudas, ac sparsas Veterum sententias colligit, tanquam arenam, ut Suetonius loquitur, sine calce ; nullius scilicet distincta verba oculis subjiciens, sed dicti summam, eamque restrictam admodum gallice reddens ; nullius Librum aliamve lucubrationem indigitans : seu forte, ut facilius quæ lubet, illis affingat, seu etiam ut Lectorum in conferendis testimoniis diligentiam exerceat. Alterâ Operis parte, posteriorum Augustino sæculorum Traditionem exequitur, seu veridicam Historiam Narrationem, de adversâ, ut loquitur, Augustinianæ doctrinæ fortunâ ; quam ex quo primùm vulgari cœpta est, ad nostra usque tempora, in Ecclesia Catholicâ passa sit.

Nos

Nos inverso ordine, ac continuatâ serie partem utramque dispungimus. Quâ veneratione, quo cultu, Sancti Augustini, de gratiâ se ipsa victrice, deque gratuitâ prædestinatione, doctrina, dum viveret, ac secutis inde sæculis excepta sit, primum ostendimus: tum quam bene cum priorum Ecclesiæ sæculorum Traditione consentiat, demonstramus. Quæ duo dum agimus, spuriz Traditionis errores, fabulas, lapsus, anachronismos, calumnias, mendacia, pro re natâ atque ex ordine temporum, confutamus.

In hanc porro aleam descendimus eo lubentius, quòd ad eam Apostolicæ Sedis judicio invitemur, quo insauus Launoii Liber diris devotus est, gravissimisque infamiz notis inustus. Hoc nos sanctius oraculum, uti Prologum galeatum Scriptioni nostræ præmittimus, quo vel uno universa Adversarii tela feliciter eludemus.

Addit animos Illustrissimi Remensium Archiepiscopi Decretum gallice editum, in modum pastoralis Institutionis, ut suos adversus male-nati Libelli venena communiret. Nobis Lutetiâ procul distitis, serius quam optabamus, redditum est; tamen jam inde a Mense Oâobri vulgatum esset. Nonnulla, quæ ultro nobis occurrerant, ab erudito Præfule occupata deprehendimus; quæ tamen, ut pote viro cuilibet erudito idem argumentum pertractanti satis obvia, circumcidere religio fuit. Quamquam vel spicilegium facere, vel a doctissimo Galliarum nostrarum Archiepiscopo doceri, nulla nobis invidia foret. Excultæ eruditionis documentam, a Viro Augustinianæ doctrinæ studio latine redditum damus in Appendice; ne eo sorte defraudentur, queis gallicum idioma peregrinum est.



SS. D. N. CLEMENTIS

257

Divina Providentia Papæ XI.

Damnatio, & prohibitio Libelli typis editi sub titulo : *Veritable Tradition de l'Eglise, sur la predestination, & la grace &c.*
Par Mr. de Launoy Docteur en Theologie, de la Maison
& Societè de Navarre. A Liege MDCCII.

CLEMENS PAPA XI.

Ad perpetuam rei memoriam.



UM, sicut Nobis innotuit, in lucem prodierit Libellus quidam, cui titulus : *Veritable Tradition de l'Eglise, sur la predestination, & la grace &c.* Par Mr. de Launoy Docteur en Theologie, de la Maison, & Societè de Navarre. A Liege chez Nicolas le François, proche les Carmes en Isle, à la prudence MDCCII. Nuperrimè verò venerabiles Fratres nostri S. R. E.

Cardinales in tota Republica Christiana contra hæreticam pravitatem Generales Inquisitores, a Sede Apostolicâ specialiter deputati, audita Libelli hujusmodi censurâ, illum ad minùs tanquàm impium, blasphemum, necnon fulgidissimo Ecclesiæ Lumini, maximoque Doctori Sancto Augustino; quinimò ipsimet Ecclesiæ, atque Apostolicæ Sedi injuriosum, damnandum, & prohibendum esse censerint : Hinc est, quod Nos pro commissa Nobis divinitus gregis Dominici cura, animarum periculis, atque detrimentis, quæ ex præfati Libelli lectione, & usu provenire possent; pastorali sollicitudine, quantum cum Domino possumus, occurrere cupientes, necnon Romanorum Pontificum Prædecessorum nostrorum, qui ejusdem Sancti Doctoris præeelsam doctrinam magno semper in pretio habuerunt, totoque mentis affectu amplexi fuerunt, laudabilibus vestigiis firmiter inhærere volentes, de memoratorum Cardinalium consilio, Libellum prædictum autoritate Apostolica, tenore præsentium damnamus, & reprobamus, ac legi, seu retineri prohibemus, ipsiusque Libelli impressionem, descriptionem, lectionem, retentionem, & usum, omnibus & singulis Christi fidelibus, etiam specifica, & individua mentione, & expressione dignis, sub pœna excommunicationis per contrafacientes ipso facto, absque alia declaratione, incurrenda, a qua nemo a quoquam, præter-

Præf. P. Serry Tom. II.

K k

quàm

quàm a Nobis, sed Romano Pontifice pro tempore existente, nisi in mortis articulo constitutus, absolutionis beneficium obtinere valeat, omnino interdiciamus. Volentes, & autoritate præfata mandantes, ut quicumque Libellum hujusmodi genè se habuerint, illum, statim atque præsentès Literæ eis innotuerint, locorum Ordinariis, vel hæreticæ pravitatis Inquisitoribus tradere, atque consignare teneantur; hi verò exemplaria sibi sic tradita illico flammis aboleri curent: In contrarium facientibus non obstantibus quibuscumque. Ut autem eisdem præsentès literæ ad omnium notitiam faciliùs perducantur, nec quisquam illarum ignorantiam allegare possit, volumus, & autoritate prædicta decernimus, illas ad valvas Basilicæ Principis Apostolorum, ac Cancellariæ Apostolicæ, necnon Curie Generalis in Monte Citatorio, & in acie Campi Floræ de Urbe per aliquem ex Cursoribus nostris, ut moris est, publicari, illarumque exempla ibidem affixa relinqui; sic verò publicatas, omnes & singulos, quos concernunt, perinde afficere, ac si unicuique illorum personaliter notificatæ, & intimatæ fuissent: Ipsarum autem præsentium litterarum transumptis, seu exemplis, etiam impressis, manu alicujus Notarii publici subscriptis, & sigillo personæ in Ecclesiastica dignitate constitutæ munitis, eandem prorsus fidem tam in judicio, quàm extrà illud, ubique locorum haberi, quæ haberetur eisdem præsentibus, si exhibitæ forent, vel ostensæ. Datum Romæ, apud Sanctum Petrum sub annulo Piscatoris, die xxviij. Januarii MDCCIV. Pontificatus nostri anno quarto.

F. Oliverius.

DIVUS

DIVUS AUGUSTINUS

A CALUMNIA VINDICATUS

ADVERSUS JOANNIS LAUNOJII

TRADITIONEM.

CAPUT PRIMUM.

Launojus jam inde a Libelli prologo, suam in Augustino erroris infimulando audaciam nequicquam excusat, sed pinguioribus erroribus auget.



ST illud Augustini in Ecclesia Catholica nomen, ea triumphati erroris, & assertæ Fidei fama, ut opus invidiæ & periculosa alæ plenum moliri se satis intelligant, quotquot ad eum erroris infimulandum, animum inducunt. Idcirco Launojus, cui petulans audaxque consilium insedit animo, jam inde ab initio excusationes obtendit, occupatque pro viribus quæ putat opponi, ut omnem a se suscepti operis invidiam amoveat. Cum enim Augustinum, adoratum terris ac cælo caput, gentium omnium linguis ferri videat, quod illo nemo melius Divinæ Gratiæ vires expertus sit, nemo feliciter explicarit: ejusque doctrinam a viris omni retro ætate sanctissimis, doctissimisque propugnata certò sciat; quæ duo infausi illi ominis præjudicia videbantur: incommodis istis statim occurrit audacissimus criminator, lectoremque primo ingressu præclaris hisce monitis occupat; ut omni in Augustinum affectu vacuus ad legendum accedat.

(Pag. 1.) I. Doctores, quanti quanti sint, non aliam sibi doctorum fidem conciliare, quam quæ illis, ex rationum quæsi nituntur, momenti accedit: atque adeo magnam illam, quæ totâ Ecclesiâ Catholica valet Augustinus, existimationem nihil obesse, quominus, si causa subest, erroris a viro Theologo postulari queat, nullâ debita venerationis injuriâ.

(Pag. 4.) II. Nemini mirum videri posse, errorem de gratuita Prædestinatione, Gratiaque se ipsâ victrici, tandiù in Ecclesia

Kk ij pere-

perenasse. Cum alterutram hoc de argumento opinionem, seu Augustini illa sit, seu partis adversæ, erroris nomine censeri necesse sit, qui tamen ab annis mille ducentis, & quod excurrit, in Ecclesiâ perstat. Maxime verò, cum Papiæ, de novo post extremi iudicii diem, Christi Domini Regno, spissus error, per annos ferme trecentos perduravit, donec damnaretur.

(Pag. 5.) III. Neque id exemplo vacare, ut permulti magnominis viri in errore conjunctis animis conspirarint. Quandoquidem memorata Papiæ sententia, tametsi reapse hæretica, a Sanctissimis doctissimisque priorum sæculorum Patribus propugnata probataque sit, quoto tempore perstitit: nec absimili forse Origenis error infinitam eruditum hominum, Sanctorumque Martyrum multitudinem assentientem habuerit: ut interim, inquit, Arjanam hæresim missam faciam, quæ universum pervasit Orbem, si quæ D. Hieronymo, & Vincentio Lirinensi fides est.

(Præf.) IV. Augustinianæ Doctrinæ Professores, eidem ad banc usque diem adhæsisse, nulli animadversioni obnoxios, ac violatæ fidei minime reos: quod nondum ex formâ juris damnati sint.

Ita novus occultorum hæc errorum Inquisitor, quem, ut sibi ipse blanditur, ad hæc usque tempora, liberanda veritas expectavit. Ecquis porro non videat, occultos Augustini errores retegere meditantem, apertis erroribus viam sternere? Nihil quippè tam lubricum, tamque errori patens, quam summos quosque Ecclesiæ Doctores omni demum nominis autoritate exuere: nec aliam illis fidem adjungere velle, quam quæ momentis illorum ac rationibus datur. Id si liceat, tota pessum ibit Theologica res: nec jam petium a Patrum autoritate argumentum, cui Theologi maxime fidunt, ab altero quod a ratione est, secernetur. Immo nihil Patrum maximus, præ vili & extremæ concionis homunculo obtinebit, ex famâ nominis: cum eam nemini fidem negemus, quam rationum momenta conciliant. Procul ab inconsulto illo Launoji monito Ecclesia Catholica, quæ uti Patres non metos simplicesque disputatores agnoscit, sed Traditionis suorum temporum testes adhibet; ita (nisi illis, quodam fortasse doctrinæ capite, autoritatem ademerit) rationum etiam quibus, nituntur consideratione seposita, fidem illis adjungit: majorem utique minoremve, pro varia qua florere ætate temporum: iisque omnium maximam, qui in eo, quod agitur, argumento, summam operam posuere, ut Catholicas partes adversus Hæreticos tuerentur. Hæc certa Ecclesiæ de Patrum autoritate sententia, Conciliorum cum recentium, tum antiquorum usu consecrata. Neque tamen ut mox, quasi Augustino meo, a momentis, queis inniti solet, aliquid timeam: sed ut intelligat audacissimus criminatores, toto se ostio jam

indè

inde a proudio aberrare : eaque commentitiæ Traditionis fundamenta ponere, quæ Theologiam ab imo suffodiant, & in errorem inducant.

Alterum de errore tot annos in Ecclesia grassante Launoji monitum, utl & tertium, de tam multis magdi nominis viris, in ejusdem defensionem conspirantibus, minus profectò ferendum est. Aliud quippe, in Augustini de gratia & prædestinatione sententia fidei est, aliud opinionis. Fidei caput nunquam non Ecclesia tenuit, utl probabitur loco suo : tametsi errorem oppositum, rebus nondum ad liquidum perductis, in nonnullis aliquandiu passa sit. Alterum opinione liberum, in quamlibet partem etiam hodie pro arbitrio disputatur, citra erroris periculum : licet ii potiori jure censeantur esse, qui Augustino vel in liberis tenaciùs hærent. Nec Launojum juvant Papiæ, Origenis, Arij errorum exempla. Quamquam enim ultrò daremus ut liber, nonnullos olim errores, longo temporis tractu, in Ecclesia perdurasse, virosque etiam maximos ac numero plures iisdem aliquandiu adfuisse ; nihil inde ad institutum. Aliud namque est, errorem in nonnullis ab Ecclesia tolerari, donec eliquata ultimò veritate proscibatur ; aliud expressè probari & commendari. Det Launojus, si potis est, Romanorum Pontificum seriem, qui Papiæ, Origenis, Arij errores suo calculo comprobant, qui editas ab iis lucubrationes laudibus extulerint, qui fideles ad illorum libros, Ecclesiæ Romanæ doctrinam percepturos, miserint ; quod Augustinianæ Doctrinæ occasione factum nemo nescit : & gradum ultrò referemus.

Sed & illud a vero longiùs abit, quod tantà fiducià pronunciat, Ecclesiasticæ, quam laudat historię, Hieronymi, ac Vincentii Lirinensis fide turpiter abusus. Sane Papiæ errorem nec universim receptum, tribus prioribus Ecclesiæ sæculis, quamquam quæstioni diu fuerit ; nec a quibusque Sanctissimis doctissimisque illius ætatis Patribus propugnatum, evincunt Patrum illius ævi gravissimorum testimonia : Justinus in primis, qui *multos, etiam, qui purè piæque erant Christianorum sententiæ*, novum illud Christi Domini Regnum, a Papiæ excogitatum (cui ipsemet favit) non agnovisse, profitetur, in *Dialogo cum Tryphone Judæo* : Irenæus *lib. 3. adversus hæreses cap. 33.* ubi non paucos hanc Præceptoris sui opinionem, quâ & ipse imbutus est, oppugnasse testatur : Caji in fragmento apud Eusebium *lib. 3. Historiæ Ecclesiasticæ c. 28.* hanc fabulam ceu errorem pestilentissimum confutantium, tertio vertente Ecclesiæ sæculo. Quibus subinde dexteram contulere Eusebius *lib. 3. Historiæ cap. 39.* D. Hieronymus *Præfatione Libri 18. Commentariorum in Itaiam* : Sanctus Epiphanius *hæresi 77.* Sanctus Augustinus *libro 20. de Civitate Dei cap. 7.* Sanctus Basilius Magnus

Edi.

Epistolâ 74. ad Occidentales Episcopos : aliique secutis sæculis pene omnes. Quatuor ut ut maximè huic errori adstipulati perhibentur, tribus prioribus Ecclesiæ sæculis : Papias fabulæ parens, Justinus, Irenæus, Tertullianus : quos omnes sanctissimos doctissimosque perperam Launojus appellat. Nec enim doctissimi viri nomine celebrandus Papias, quem Eusebius *libro 3. Historiæ Ecclesiasticæ Capite* ultimo, mediocri admodum ingenio præditum notat, colligitque ex ejus, quas tunc ad manum habebat, Commentationibus. Nec sanctissimi titulo exornandus Tertullianus, publicâ hæreseos professione, ab Ecclesiæ Catholicæ communione sejunctus.

Nihilo felicius Origenis errores infinitæ eruditorum hominum, Sanctorumque Martyrum multitudini probatos effudit. Equidem habuit ille eruditionis minimè vulgaris laudatores, sanctissimos ac doctissimos viros, Gregorium utrumque, Neocæsariensem, & Nazianzenum, Athanasium, Hieronymum, Basilium Magnum. Eundem doctrinæ integrum, errorisque purum opinati sunt alii, sanctitatis & eruditionis fama celebres; seu errore facti, seu benigniori scriptorum interpretatione; seu demum quoddam libros ejus spurii assumentis ab Arjanis infartos existimarent; externaque quorundam Origenistarum pietatis specie delusi, in suam illos fidem atque tutelam receperunt: quod ultimum Sancto Joanni Chrysostomo per obreptionem accidisse notum est. Cæterum errores ipsos nonnisi notati ab Ecclesia viri propugnarunt; Eusebius Cæsariensis, Arjanæ factionis Signifer: Rufinus Aquilejensis, ab Anastasio Romano Pontifice hac ipsa de causa damnatus: Dydimus Alexandrinus, ab Ecclesia, ut loquitur Hieronymus *lib. 2. Apologia adversus Rufinum*, reprobatus: Evagrius in V. Œcumenica Synodo inustus: obscuri, imo nullius nominis Author, apud Photium *Codice* 117. Joannes Hierosolymitanus, ob defensos Origenis errores, a Patribus bene multis exagitatus: qui demum, ut illam a se labem depelleret, adornato Libello, se *Origenis ingenium, non fidem secusum* ostendit, ut testatur Gennadius in *Catalogo Scriptorum Ecclesiasticorum capite* 31. Quis non paucos alios adjeceris solo capite cencos, Palladium, Iudorum, Avitum, Nonnium, Leontium &c. At Sanctissimos Martyres, quales Launojus comminiscitur, plane nullos. Nisi forte veterem nentiam revocare lubeat, qua Pamphilus Martyr, quo tempore carcere teneretur, libros apologeticos pro Origene concinnasse ferebatur. Verùm fuit hæc Rufini impia fraus, qui ut hæresim Martyris nomine celebrem faceret, libros in Origenis defensionem ab Eusebio confarcinatos, Pamphilo supposuerat. Audiendus ea de re Sanctus Hieronymus, qui ut nondum detecta fraude, libros illos Pamphilo

Mar-

Martyri, cujus nomen fronte præferebant, adjudicaverat, dum Scriptorum Ecclesiasticorum Catalogum ederet; ita detectis subinde dolis, ex Mss. Codicum fide, impostorem multo sale defricuit *lib. 2. Apologia adversus Rufinum: Perspicuum est, inquit, te idcirco librum hunc disseminare voluisse, ut sub persona Martyris hæresim introduceres. Et lib. 3. Ergo, frater, fræ a te falsatus est liber, ut multi putant: fræ ab altero, ut forsitan persuadere conaberis, & semerè credidisti hæresici hominis syntagma, esse Martyris: muta titulum, & Romanam simplicitatem tanto periculo libera. Non tibi expedit; ut per te clarissimus Martyr hæresicus judicetur: ut qui effusus pro Christo sanguinem, contrarius fidei Christi approbatur. Dic potius, inveni librum, putavi illum Martyris; ne timeas pœnitentiam. Jam te non urgebo, non queram a quo acceperis: vel mortuorum aliquem nominato; vel in platea ab ignoto homine te emissæ dicito. Non enim damnationem tuam querimus, sed conversionem: Melius est, ut tu erraveris, quam ut Martyr hæreticus fueris.*

Jam illud cujus frontis est, quod adiecit Criminator, Arjanam hæresim universum orbem pervasisse? Quasi vero id accidere tandem possit, ut Ecclesia toto orbe diffusa in hæresim prolabatur, contra Christi Domini pollicitationem: (*Mar. 16.*) aut id significatum voluerit Hieronymus, dum inquit in dialogo contra Luciferianos: *Ingenuit totus Orbis, & Arjanum se esse miratus est?* Id Ariminensis Concilii occasione dictum nemo nescit: dum Valentis & Ursatii artibus circumventi religiosissimi Patres, fidei formulæ subscribere, nihil quidem hæreticum ex verborum superficie præferenti; sed qua interim, ob prætermissum *Consubstantialis* vocabulum, Arjani petulantius abusi sunt, peregrinos sensus, ac mente abditos obtrudentes. Impropria igitur & hyperbolica Hieronymi locutio est, Orbis nomine maximam Orbis partem, ex qua erat conflata Synodus, intelligentis. Arjanus autem Orbis ab eo dictus, non erroris professione, sed incauta cum errantibus communione: quatenus probata per obreptionem dolosa fidei formula, sibi ab Arjanis exhibita, eorumdem communionem maculati censebantur Ariminensis Synodi Patres.

Hanc Hieronymi mentem esse, ex hoc ipso Dialogo contra Luciferianos, unde laudata verba excerpta sunt, aperte liquet. Quandoquidem narrata fraude Patribus Ariminensibus facta, eorumdem innocentiam, & alienum ab hæresi animum probat. *Concurrerant, inquit, Episcopi, qui Ariminensibus dolis irretiti, sine conscientia Hæretici ferebantur, contestantes Corpus Domini, & quidquid in Ecclesia sanctum est, se nihil mali, in sua fide suspicatos. Putavimus, agebant, sensus congruere verbis; nec in* Ec-

*Ecclesia Dei ubi simplicitas, ubi pura confessio est, aliud in corde clausum esse, aliud in labiis proferri sinimus. Decepit nos bona de malis existimatio. Non sumus arbitrati Sacerdotes Christi adversus Christum pugnare. Multaque alia, quæ brevitate studio prætereo stentes asserabant, parati & subscriptionem pristinam, & omnes Arjanorum blasphemias condemnare. Nec alius Vincentii Lirinensis sensus est, Arjanorum venenum non jam portuinculam quandam, sed pene orbem totum contaminasse scribentis, capite 4. Commonitorii. Contaminatum scilicet orbem intelligit, non erroris utique professione, sed oscitantia, qua fraudem sibi ab Hæreticis fieri, passi fuerant Occidentis Episcopi. Unde subjungit e vestigio: adeo ut prope cunctis latini sermonis Episcopis, partim vi, partim fraude deceptis, caligo quadam mentibus offunderetur. Certè nec universum Orbem, nec partem illius maximam, in Arjanam hæresim consensisse, sed longe admodum plures toto orbe Catholicos exitisse, hac ipsa ætate temporum, quam Arjanos, testis est locupletissimus Athanasius, Epistola Synodica de Fide, ad Jovinianum Imperatorem data, apud Eusebium lib. vii. *Historiæ Ecclesiasticæ tripartitæ cap. 3.* cujus sunt hæc ipsa verba. Cognosce, Deo amabilis Imperator, quoniam hæc quidem prædicatur a seculo, & hanc professi sunt Patres in Nicæa convenientes, in hac quoque fide concordant omnes Ecclesia in Hispania, & Britania, nec non in Gallis, Italiis, & in Dalmatis constitutæ: in Cappadocia, Mysia, & Macedonia, & universa simul Hellade, sed etiam universa Africa, Sardinia, Cipro, Creta, Pampbylia, Lycia, Isauria, & in omni Ægypto, & Libya, Ponso, & Cappadocia, partibusque vicinis, & Orientales Ecclesia præter paucos Arii sectatores. Omnium namque prædictorum sententiam experimento cognovimus, & literas habemus, eosque novimus, Deo amabilis Imperator: quia cum pauci quidam huic fidei contradicant, præjudicium facere non possunt in toto orbe terrarum.*

Quàm gravem Ecclesiasticæ Traditioni, quæ altera fidei nostræ regula est, labem inurant audaces illæ Launoji assertiones; quibus pingues errores, trium priorum sæculorum spatio, in Ecclesia late grallantes, & a Sanctissimis doctissimisque viris, communi calculo probatos effudit, demonstrare facile fuerit; nisi sui statim immemor hæc ipsa paradoxa, jam tunc a primo Opellæ capitulo, subvertisset: Ecclesiam, inquit, ex Traditione nusquam intermissâ, falsas comperisse tot illas opiniones: Papie quidem, de terreno Christi Domini Regno, post generalem mortalium omnium ad vitam veditum: Cypriani, de iterando hæreticorum Baptismo: Arii de abnegata Christi Divinitate: sequè tunc maxime Divino Spiritu afflatam probasse. Ecquo vero pacto nusquam intermissæ Tra-

di-

ditionis purissima lux Ecclesiæ affulsisset, si per annos ferme trecentos, Sanctissimos quoque doctissimosque Magistros, ac Martyres contrarius error invaserat; totusque demum orbis in Arjanam hæresim conspiraverat? Germanæ liquidem veræque Traditionis terna dos est, Antiquitas, Universitas, & Consensio: idque unum a Christo, & Apostolis traditum censei jure potest; ut loquitur Vincentius Lirinensis, quod Ecclesiæ Doctores atque Magistri, uno eodemque consensu, aperte, frequenter, perseveranter teneant, scripserunt, docuerunt. Commonitorii capite 3.

Esset profectò, unde Launojo revocata tam citò immania proflusionis lux paradoxa gratularer, nisi extremam tunc viam adiens, palinodiam illam suam graviori errore depravasset: dum inquit, Ecclesiam difficulter admodum memoratos errores damnaturam fuisse, nisi ad Traditionis regulas confugisset: *quodd ii ita sacris literis inniti videantur, ut vero non secus ac veritas ipsa simillimi sint.* O verbum minimè ferendum! Non ergo, si penes Launojum fides est, in Scripturæ subsidium Traditio venit, sed altera in alteram pugnat: ut quod ex unius sententia, vero non secus ac veritas ipsa simillimum est, alterius judicio hæreticum censeatur. Jamque si sacras literas unice consulamus, de Ecclesia Catholica Millenarii, Origenistæ, Rebaptizantes, Arjani, Launojo judice triumpharunt. Cum tamen qui in iis erroribus debellandis principem operam posuerunt Ecclesiæ Patres, potissimum Catholicæ causæ præsidium sacris in literis collocarint.

Verùm quid supinam in Traditionis Investigatore aberrationem miramur? Mensuram cumulat, multasque unà complectitur ultimum Præfationis monitum, quo Augustinianæ Doctrinæ Professores, eidem ad hanc usque diem inculpate adhæsisse distitat, *quodd necdum ex forma juris damnati sint.* Quisquis id legit, & librum nondum evolvit, Launojum retracti duntaxat in Augustinum animi reum putat; quodd verisillius discipulis satis consultum existimet, si modò indemnati censeantur. At qui evolutò Libello, Prædestinatos, Vvirkleistas, Lutheranos, Calvinistas, Bayanos, Janfenistas quinque famosarum Propositionum defensores, Augustini discipulos poni ab eo videt; imò vix alios eo titulo tota passim Scriptiõne percenteri: violatæ Catholicæ Fidei reum habet; quodd tam multos illorum errores uno verbo instauret, aut certè excuset, dum eos nondum ex juris forma damnatos effutit: tametsi sacrorum Conciliorum ac Romanorum Pontificum Decretis inusti sint.

De celebri Cœlestini I. Rescripto ad Gallos Episcopos, quo probatam Augustini Doctrinam inficiatur Traditionis Investigator, nono capite sermo erit.

CAPUT SECUNDUM.

Launojus in proferendo Augustinianæ, quam oppugnet, Doctrinæ specimine, ignorantie, calumnie, fallacie revincitur.



Amet si gratuitæ Prædestinationis, Gratitæque se ipsa victricis gemina dogmata duntaxat appetere Launojus prima fronte videatur : universam tamen Augustini doctrinam, de altissimo Prædestinationis Mysterio, de fractis lapsæ naturæ viribus, de medicinalis gratiæ necessitate, censuris, ac maledictis aggreditur : quoddam eam, quanta quanta est, ab geminis illis dogmatibus fluere persuasissimum habeat. Imò pro audaci obtestandi libidine, nihil verius est affirmare, (Pag. 24.) Augustinum bina illa doctrinæ suæ fundamenta jacentem, Orbem Catholicum graviter quidem offendisse, at multo gravius cunctorum animos perturbasse, dum fluentia inde dogmata publicavit. Utque Sanctissimo Doctore invidiam conflet, hæc ipsa statim in summam colligit, ac singulis ferme capitibus inculcat, auget, amplificat pro arbitrio, nullis Sanctissimi Doctoris verbis distinctè prolatis, nullo certo librorum loco adnotato.

In hanc fluentium inde dogmatum summam, qua totius Augustinianæ Doctrinæ specimen, ut ipse quidem autumat, continetur, cum primum oculos fleximus, inepti Cenforis inscitiam, calumniam, fallaciam deprehendimus. Inscitiam inquam, quoddam in hac promiscua, & indiscreta congerie, bene multa doctrinæ capita, ex sacris literis ab Augustino delibata, ac Romanorum subinde Pontificum, Conciliorumque decretis definita, perinde fugillet, carpât, censuris inurat : Calumniam, quoddam horrida interdum paradoxa Sanctissimo Doctore affingat, a quibus remotissimus fuit : Fallaciam demum, quoddam assertiones non paucas, quæ multiplex notio subiecta est, sed ab Augustino in rectam semper sententiam accipiuntur, indiscretè criminatur; omnia ex æquo miscens, ac infima summis paria faciens. Ea nos Augustinianæ Doctrinæ capita, ab inficeto Cenfore promiscuè congesta, ac tota passim scriptiōne fugillata, triplici ordine disponimus, brevemque unicuique dogmati in invidiam traducto notam appingimus (nec enim cuilibet Launoji figmento refellendo, prolixam commentationem dicare vacat,) ut omnes unâ nobiscum indignam Viro Theologo censuram, nullo negotio deprehendant.

Pro-

Propositiones ex Augustino ab Launojo summatim excerptæ, errorisque per summam ignorantiam insinuatæ.

(Pag. 24.) I. Propositio. *Electi Divinae voluntatis decreto vocantur.*

Fidei caput est, sacris in literis syllabatim expressum. Ad Ephesios capite 1. v. 5. *Qui prædestinavit nos in adoptionem filiorum, per Jesum Christum in ipsum, secundum propositum voluntatis suæ, in laudem gloriæ gratiæ suæ.* Et versu 11. *Sorte vocati sumus, prædestinati secundum propositum ejus, qui operatur omnia secundum consilium voluntatis suæ.* Secundæ ad Timotheum cap. 1. v. 9. *Vocavit nos vocatione sua sancta, non secundum opera nostra, sed secundum propositum suum, & gratiam.* Ad Roman. 8. v. 28. *Diligentibus Deum omnia cooperantur in bonum, iis qui secundum propositum vocati sunt sancti.* Quisquis ergo primam illam propositionem, Sancto Augustino familiarem, invidiosis notis inurit, Ecclesiasticis censuris inurendus est, tanquam Dei verbo palam aperteque injurius.

(Pag. 24) II. Propositio. *Deus nulla futurorum operum ratione habita, Jacob elegit, Esau reprobavit.*

Apostolica sententia est, ad Romanos 9. v. 11. & sequentibus. Cum enim nondum nati fuissent, aut aliquid boni egissent, aut mali, (ut secundum electionem propositum Dei maneret), non ex operibus, sed ex vocante dictum est ei: quia major serviet minori; sicut scriptum est: Jacob dilexi, Esau autem odio habui. Quid ergo dicemus? nunquid iniquitas apud Deum? Absit. Moysi enim dicit: miserebor, cujus misereor: & misericordiam præstabo, cujus miserebor. Igitur non volentis, neque currentis, sed misereantis est Dei. Qua de re, plura dabimus ad Propositionem xv.

(Pag. 24.) III. Propositio. Cum Deus vitam eternam largitur, nil nisi munera sua coronat: gratiamque pro gratia largitur.

Sacrarum Scripturarum, Romanorum Pontificum, ac Synodi Tridentinæ conceptissima verba sunt. *Psalmo 102. v. 4 Qui coronat se in misericordia, & miserationibus. Joannis capite 1. v. 16. De plenitudine ejus nos omnes accepimus, & gratiam pro gratia. Ad Romanos cap. 6. v. 23. Gratia Dei vita æterna. Cœlestinus Romanus Pontifex, seu quisquis alius celeberrimorum Capitulorum Author, quæ ejus datis ad Gallos Episcopos literis adnexa sunt, summo totius Ecclesiæ assensu cultuque recepta: (Cap. g.) Tanta enim est erga omnes homines Bonitas Dei, ut nostra velis esse merita, quæ sunt ipsius dona, & pro his quæ largioris est, æterna præmia sis donaturus. (apud Labb. Tom. 3. pag. 476.) Concilium Tridenti-*

Li ii num

num *Sessione 6. de Justificatione cap. 16.* Bene operantibus usque in finem, & in Deo sperantibus proponenda est vita æterna, & tanquam gratia filiis Dei, per Christum Jesum misericorditer promissa, & tanquam merces, ex ipsius Dei promissione bonis ipsorum operibus, & meritis fideliter reddenda. Cur porro gratia simul & merces, æterna vita vocitetur, rationem disertissimam reddit Synodus Arausicana II. Canone 18. *Quia debetur merces bonis operibus si fiant : sed gratia, quæ non debetur, præcedit ut fiant :* (apud Labb. Tom. 5. pag. 811.) Quod Augustini dogma est, *Epistola 194. ad Sixtum, & Libro de gratia & libero arbitrio cap. 6.* Hæc verò ignorasse Theologum Parisiensem, an non monstro similimum est?

(Pag. 25.) IV. Deus nunc & velle & agere nos facit.

Nihil æquè sacris Literis & Canonibus familiare. *Itaia cap. 26. v. 12. Omnia opera nostra operatus est in nobis.* Ad *Philippenses cap. 2. v. 13. Operatur in vobis & velle & perficere, pro bona voluntate.* II. ad *Corinthios cap. 3. v. 5. Non quod sufficientes simus cogitare aliquid a nobis, quasi ex nobis : sed sufficientia nostra ex Deo est.* *Cœlestinus Capitulo 9. Agit quippe in nobis, ut quod vult & velimus & agamus.* Concilium Arausicanum II. Canone 9. *Quoties enim bona agimus, Deus in nobis atque nobiscum, ut operemur, operatur.* Et Canone 20. *Multa Deus facit in homine bona, quæ non facit homo : nulla verò facit homo bona, quæ non Deus præstat, ut faciat homo.* Concilium Tridentinum *Sessione 6. de Justificatione cap. 13. Deus enim nisi ipsi illius gratiæ defuerint, sicut cepit opus bonum, ita perficiet, operans velle, & perficere.* Qui secus statuatur, uti profectò Launojus tota passim scriptione facit, an non Ecclesiæ judicio prædamnatus est?

(Pag. 30.) V. *Universis hominibus in massam perditionis Adæ peccato prolapsis, alios quidem eripere, alios deserere, Deo libuit.*

Apostoli phrasis est omnium disertissima, in *Epistola ad Romanos capite 9. v. 21. & sequentibus : An non habet potestatem figulus luti, ex eadem massa facere aliud quidem vas in bonorem, aliud verò in consumeliam? Quid si Deus volens ostendere iram, & notam facere potentiam suam, sustinuit in multa patientia vasa iræ, apta in interitum, ut ostenderet divitiis gloriæ suæ, in vasa misericordiæ, quæ præparavit in gloriam.* Et paulò supra: *Ergo cujus vult miseretur, & quem vult indurat.* Dicis itaque mihi, quid adhuc queritur? voluntati enim ejus quis resistit? O homo, tu quis es, qui respondeas Deo? Apostoli phrasim, cæteris quibusque Patribus familiarem, ab Augustino usurpari patiatur Launojus; nec suam in ea fugillanda prodat incertiam & audaciam.

Pag. 30.

(Pag. 30. & 90.) VI. *Deus electos vocat vocatione peculiari, quæ nusquam effectu suo vacua est.*

Utraque assertionis pars æquè constat. Priorem tradit Apostolus, locis superius appellatis, ubi de vocatione secundum propositum sermo fieret: hanc enim peculiarem esse nemo negaverit. Alteram Christus ipse declarat, Joannis capite 10. v. 27. *Oves meæ vocem meam audiunt; & ego cognosco eas, & sequuntur me: & ego vitam æternam do eis; & non peribunt in æternum, & non rapiet eas quisquam de manu mea.* Et capite 6. v. 39. *Omne, quod dedit mihi Pater, non perdam ex eo.* Cui geminum est illud Apostoli ad Romanos 9. v. 11. *Ut secundum electionem propositum Dei maneret.* Uti & illud dilecti Discipuli Epistola 1. cap. 2. v. 19. *Ex nobis prodierunt, sed non erant ex nobis. Nam si fuissent ex nobis, permansissent utique nobiscum.* Qua loquendi ratione significat, nusquam contingere, ut electus ab æterna sorte excidat. Et quidem cùm peculiaris electio, efficacia Dei voluntatis actus sit; quæ fieri tandem posset, ut in irritum caderet? De efficaci siquidem voluntate legitur Esther capite 13. v. 9. *Non est, qui possit tuæ resistere voluntati, si decreveris salvare Israel.* Psalmo 134. *Omnia quæcumque voluit Dominus, fecit.* Ecclesiastis cap. 8. *Omnia, quæ voluerit faciet, & sermo illius potestate plenus est.* Quibus sacrarum Scripturarum oraculis erudita Synodus Valentina, III. ex tribus Galliarum Provinciis, Lugdunensi, Viennensi, Arelatensi coacta, sæculo nono, hanc D. Augustini sententiam Can. 3. consecravit. (Apud Deum) *de omnibus omninò rebus, tam fixa sententia, quàm certa præscientia est.* (apud Labb. Tom. 9. pag. 1152.) Ac tanquam fidei caput decernit *immobilitatem præscientiæ, & prædestinationis Dei, per quam apud eum futura jam facta sunt: quam sanè qui negat, ne quidem ex limine Theologicam scholam videtur salutasse.*

(Pag. 30.) VII. *Deus non modò perseverandi potestatem, sed perseverantiam ipsam largitur Electis.*

Citra fidei periculum negari propositio illa non potest. Ad Philipenses capite 1. v. 6. *Quis cœpit in vobis opus bonum, perficiet usque in diem Christi Jesu.* Ad Philipenses 2. v. 13. *Operatur in vobis & velle & perficere.* Cælestinus I. Romanus Pontifex capitulo 3. *Neminem etiam Baptismatis gratia renovatum, idoneum esse ad superandas diaboli insidias, & ad vincendas carnis concupiscentias, nisi per quotidianum adjutorium Dei perseverantiam bonæ conversationis acceperit.* Et capitulo 8. *Beatissimæ & Apostolicæ Sedis inviolabiles Sanctiones Et bonæ Voluntatis exordia, & incrementa probabiliū studiorum, & in eis usque in finem perseverantiam, ad Christi gratiam referre docuerunt* (apud Labb. Tom. 3. pag. 474.) Synodus Arausicana II. can. 10. *Adjutorium Dei*

Dei etiam renatis, ac sanctis semper est implorandum, ut ad finem bonum pervenire, vel in bono possint opere perdurare. (apud Labb. Tom. 5. pag. 811.) Synodus demum Tridentina Canone 22. *Si quis dixerit, iustificatum, vel sine speciali auxilio Dei in accepta iustitia perseverare posse; anathema sit.* Quæ quidem geminæ Synodi verba, non de nuda perseverandi potestate ab actu lesuncta, sed de ipsa præsertim actui conjuncta perseverantia, intelligenda esse, inde maximè liquet, quod prior iustis quibusque communis sit, nec speciale Dei donum censeatur.

(Pag. 30.) VIII. Electi nondum regenerati sacro Baptismate, imò necdum nati, ad id destinantur, ut filii Dei sint.

Ita planè Gentium Apostolus, ad Epheios capite 1. v. 4. *Elegit nos in ipso ante mundi constitutionem, ut essemus sancti, & immaculati in conspectu ejus, in charitate. Qui prædestinavit nos in adoptionem filiorum, per Jesum Christum, in ipsum.* Ad Romanos capite 9. v. 11. *Cum enim nondum nati fuissent, aut aliquid boni egissent aut mali non ex operibus, sed ex vocante dictum est ei, quia major serviet minori, sicut scriptum est: Jacob dilexi, Esau autem odio habui.* Hinc D. Gregorius Magnus lib. 1. Dialogorum cap. 8. *Ipsa quoque perennis regni prædestinatio, ita est ab omnipotenti Deo disposita, ut ad hoc electi ex labore perveniant: quatenus postulando mereantur accipere, quod eis omnipotens Deus ante sæcula disposuit donare.* Certè quid sibi Launojus velit, dum eam in Augustino propositionem cavillatur, haud satis capio. Num fortè prædestinationem ex tempore factam existimat, ac non potiùs æterno Dei consilio? Id si velit, dignum Theologicæ eruditionis specimen edit.

(Pag. 31.) IX. Deus reprobos cordis ipsorum desideriis tradit.

Spiritu sancto autore nititur Propositio. Ad Romanos 1. v. 24. *Tradidit illos Deus in desideria cordis eorum, in immunditiam; ut contumeliis afficiant corpora sua in semetipsis Versu 26. Propterea tradidit illos Deus in passiones ignominie. Versu 28. Tradidit illos Deus in reprobum sensum, ut faciant ea, quæ non conveniunt.* Tam ergo censura vacat Propositio in Augustino, quàm in Apostolo.

(Pag. 32.) X. Homo lapsus indeclinabili, & insuperabili gratia eget, ut bonum agat, ob eam naturæ infirmitatem, in quam primi Parentis peccato incurrit.

Indeclinabilem, & insuperabilem gratiam, qualem astruit Augustinus capite 12. libri de Correptione, & Gratia, evincunt Scripturæ loca, quæ absolutam Dei voluntatem, efficacissimam & insuperabilem innuunt: hæc enim istius instrumentum est. *Esaiæ capite 13. v. 9. Non est, qui possit suæ resistere Voluntati, si decreveris salvare Israel. Isaiæ 14. v. 27. Dominus enim exercituum decrevit, & quis poterit infirmare? Et manus ejus extenta: & quis*

quis avertet eam? Ad Romanos 9. v. 19. *Voluntati ejus quis resistit? Quam utique gratiam a Deo precatur Ecclesia, dum ait: Nostras etiam rebelles compelle propitius voluntates.* Hujus porro insuperabilis, ut loquitur Augustinus, auxilii necessitatem, ex naturæ præsertim originali peccato fauciata infirmitate, originem ducere, (quæ altera propositionis in invidiam traductæ pars est) decernit Arausiana Synodus II. Canone 25. *Secundum superscriptas sanctarum scripturarum Sententias, vel antiquorum Patrum definitiones, hos Deo propitiante, & predicare debemus, & credere; quod per peccatum primi Homini inclinatum & attenuatum fuerit liberum arbitrium, ut nullus postea aut diligere Deum, sicut oportet, aut credere in Deum, aut operari propter Deum, quod bonum est, possit, nisi gratia cum, & misericordia Divina prævenierit.* (apud Labb. Tom. 5. pag. 812.) Quibus paria habent Leo magnus *Epistola* 86. ad Nicetam Aquilejensem Episcopum, Concilium Valentinum trium Provinciarum *cap. 6.* Concilium Tridentinum Decreto de peccato originali, & *Sessione 6.* de Justificatione *cap. 1.*

(Pag. 25) XI. *Qui ex electorum numero non sunt, vasa iræ reputantur in interitum destinata.*

Loquendi formula est ab eodem Apostolo consecrata, loco ad quintam Propositionem adnotato, ducta comparatione, ac petita figura, ex veteris Instrumenti codicibus. Isaïæ *cap. 64.* v. 8. *Et nunc Domine, pater noster es tu, nos vero lutum: & fictor noster tu.* Jeremiæ *cap. 18.* v. 6. *Nunquid sicut figulus iste, non potero vobis facere, domus Israel, ait Dominus? Ecce sicut lutum in manu figuli; sic vos in manu mea, domus Israel.* Threnorum *cap. 4.* v. 2. *Filii Sion inclyti, & amicti auro primo: quomodo reputati sunt in vasa testea, opus manuum figuli?* Cui illa non placent, universam Theologiam refingat, necesse est: nihil enim habet illa sanctius, nihil antiquius, quam sacras illas loquendi formulas usurpare.

(Pag. 32) XII. *Omne electorum meritum a gratia Christi est.* Evangelica veritas est in sacros Ecclesiæ Canones transfusa. Joannis *capite 15.* v. 4. *Sicut palmes non potest ferre fructum a semetipso, nisi manserit in vite; sic nec vos nisi in me manseritis.* Ego sum vitis, vos palmites: qui manet in me & ego in eo, hic fert fructum multum; quia sine me nihil potestis facere. Cælestinus I. *Capitulo 5.* *Omnia studia, & omnia opera, ac merita Sanctorum ad Dei gloriam laudemque referenda sunt, quia nemo aliunde ei placet, nisi ex eo quod ipse donaverit.* Et *capitulo 9.* *His ergo Ecclesiasticis regulis, & ex Divina sumptis auctoritate documentis, ita adjuvante Domino conformati sumus, ut omnium stu-*

studiorum, omniumque virtutum, quibus ab initio fidei ad Deum tenditur, Deum faciamur Authorem, & non dubitemus ab ipsius gratia hominis merita præveniri, per quem fit, ut aliquid boni, & velle incipiamus & facere (apud Labb. Tom. 3. pag. 474.) Leo magnus *Epist.* 86. ad Nicetam Aquilejensem Episcopum : Gratia unicuique principium iustitiæ, & bonorum fons, atque origo meritorum est. Concilium Trid. sess. 6. de iustif. cap. 16. Cum enim ille ipse Christus Jesus, tamquam caput in membra, & tamquam vitis in palmises, in ipsos iustificatos jugiter virtutem infuset : quæ virtus bona eorum opera semper antecedit, & comitatur, & subsequitur, & sine qua nullo pacto Deo grata, & meritoria esse possent : &c. ... Dei tanta est erga omnes homines bonitas, ut eorum velis esse merita, quæ sunt ipsius dona. An non quæso Theologi nomine indignus, qui isthæc vertat in dubium?

(Pag. 32.) XIII. *Voluntas humana tanto liberior censenda est, quanto Divinæ gratiæ subjectior.*

Et hoc Christi oraculum est, Pontificum & Conciliorum definitionibus explicatum. *Joannis* 8. v. 36. Si vos filius liberaverit, verè liberi eritis. Cœlestinus laudato supra *Capitulo* 9. Quo utique auxilio & munere Dei, non aufertur liberum arbitrium, sed liberatur ; ut de tenebroso lucidum, de pravo rectum, de languido sanum, de imprudente sit providum. (apud Labb. Tom. 3. pag. 476.) Synodus verò Arausicana II. *can.* 13. Arbitrium voluntatis in primo homine infirmatum, nisi per gratiam Baptismi non potest reparari : quod amissum, nisi a quo posuit dari, non potest reddi. (apud Labb. Tom. 5. pag. 1.)

(Pag. 47.) XIV. *Hominum merita in Adam periire.*

Catholici dogmatis, quo omnes in Adam periisse, vasaque iræ, & contumeliæ factos esse profitemur, consectarium istud est. *Ad Romanos* cap. 5. v. 12. cap. 9. v. 21. & 22. Quomodo enim in eo non periire hominum merita, in quo omnes homines periire? Non sic tamen merita periisse putanda sunt, quasi nulla, etiam ex Christi gratia fovelescant ; quæ Calvinii stultitia est : sed quod nulla, ex primæ institutionis & creationis honore relicta sint. (Pag. 47.) XV. *Non ideo electi sumus, quod nos sanctos futuros prævideret Deus : sed ideo sancti erimus, quia ex æternitate electi sumus.*

Id profecto significatum voluit Apostolus, ad *Epheios* capite 1. v. 4. dum inquit : Elegit nos in ipso ante mundi constitutionem, ut essemus sancti, & immaculati. Non igitur, quia tales futuri eramus, electi sumus, sed ut tales tandem essemus. Idcirco æterna electorum vocatio sortis nomine designatur sacris in literis : ut quemadmodum, quæ sorte nobis obveniunt, nulla meritorum

ratione habita, nobis dicuntur obtingere; ita æterna felicitas, nondum exploratis meritis, destinatur a Deo, sed ut merita consequamur. Ad *Epheſos* 1. v. 11. *Sorte vocati ſumus*. Ad *Coloſenſes* 1. v. 12. *Dignos nos fecit in partem ſortis ſanctorum in lumine*. Quibus robur addit Chriſti Domini ſententia, de extrema perſecutione, *Matthæi* cap. 24. v. 22. *Niſi breuiati fuiſſent dies illi, non fieret ſalua omnis caro; ſed propter electos breuiabuntur dies illi*: Imò quia illos elegit, ut innuit *Marcus* cap. 13. v. 20. *Propter electos, quos elegit, breuiavit dies*. Ideo ergo remouentur a Deo impedimenta ſalutis, quia electi ſunt: quid ni quoque hac ipſa de cauſa, ſalutis media conferantur, ut ideo quoque ſancti ſint, quia electi? Una quippe eademque ratio ſubeſt, & remouendis impedimentis, & mediis conferendis. Quocirca Synodus Valentiniana canon. 3. *Fidenter fateamur prædeſtinationem Electorum ad vitam, & prædeſtinationem impiorum ad mortem: in electione tamen ſaluandorum, miſericordiam Dei præcedere meritum bonum; in damnatione autem periturorum, meritum malum præcedere juſtum Dei iudicium*. (apud Labb. Tom. 9. pag. 1159.) Quo nempe reprobi æternis tandem ſuppliciis addicuntur. At de his ſupra, ad Propositionem ſecundam, & tota paſſim Scriptioe hac noſtra.

(Pag. 47.) XVI. *Deus corda hominum, ut libet inſteclit, ut quæ æterno conſilio ſtatuit, executioni demandet*.

Quis id neget, niſi in ſacris Literis peregrinus & hoſpes? *Proverbiorum* cap. 21. v. 1. *Cor Regis in manu Domini, quocumque voluerit, inclinabit illud*. *Eſther* cap. 14. v. 13. ſic Deum interpellat religioſa mulier: *Transfer cor illius (nimirum Regis Aſſueri) in odium hoſtis noſtri, ut & ipſe pereat, & ceteri, qui ei conſentiunt*. *Ezechielis* 36. v. 26. *Dabo vobis cor novum, & ſpiritum novum ponam in medio veſtri; & auferam cor lapideum de carne veſtra, & dabo vobis cor carneum*. Et ſpiritum meum ponam in medio veſtri, & faciam, ut in præceptis meis ambuletis, & iudicia mea cuſtodiat, & operemini. *Lib. 2. Machabæorum* cap. 1. v. 3. : *Et det Deus vobis cor omnibus, ut colatis eum, & faciatis ejus voluntatem corde magno, & animo volenti*. *Adaperiat cor veſtrum in lege ſua & in præceptis ſuis, & faciat pacem*. *Actorum* 16. v. 14. de Lydia purpuraria legitur: *Cujus domini aperui cor, intendere bis, quæ dicebantur a Paulo*. Aliaque id genus numero multa: ſecundum quæ in Capitulis adnexis *Epistolæ Cœleſtini ad Gallos Episcopos*, brevi compendio ſcriptum eſt: *Agit quippe in nobis, ut quod vult, & velimus & agamus: ea videlicet poteſtate, qua hominum corda quocumque libet, inſteclit*.

(Pag. 47. & 91.) XVII. *Dei gratia & prædeſtinatione fit, ut æterna ſalute digni ſimus, non merito voluntatis noſtræ*.

Præſt. P. Serry Tom. II.

M m

Et

Et id ex Apostolo sumtum. Ad Titum cap. 3. v. 5. *Non ex operibus iustitiæ, quæ fecimus nos, sed secundum suam misericordiam salvos nos fecit.* II. Ad Timotheum cap. 1. v. 9. *Vocavit (nos) vocatione sua sancta, non secundum opera nostra, sed secundum propositum suum, & gratiam.* Ad Romanos 9. v. 16. *Non volentis, neque currentis, sed miserentis est Dei.* Ad Colossenses cap. 1. v. 12. & 13. *Dignos fecit in partem sortis Sanctorum in lumine: qui eripuit nos de potestate tenebrarum, & transfudit in Regnum filii dilectionis sue.* Hæc nunquam legisse Launorum credere malim, quam si legerat, fugillasse.

(Pag. 48.) XVIII. Totum Deotribuendum.

Sacrum oraculum est, a nemine, cui aliquis religionis sensus fuerit, vertendum in dubium. *Prima ad Corinthios cap. 4. v. 7. Quid habes quod non accepisti? Si autem accepisti, quid gloriaris quasi non acceperis? Jacobi cap. 1. v. 17. Omne datum optimum, & omne donum perfectum desursum est, descendens a Patre luminum.* I. Ad Corinthios cap. 12. v. 6. *Operatur omnia in omnibus.* Isaia 26. v. 12. *Omnia opera nostra operatus est nobis.* Zosimus Romanus Pontifex, Epistola ad totius Orbis Episcopos data, cujus fragmentum Cœlestini Capitulis insertum est: *Omnia bona inquit, ad suum auctorem referenda sunt, unde nascuntur.* Episcopi Africani, Epistola eidem Pontifici Maximo inscripta: *In bonis quibusque voluntatis humane singulis moribus, magis illius valere non dubitemus auxilium.* Cœlestinus I. Capitulo 8. *Adeo totum Divini operis esse sentitur, ut hæc efficienti Deo gratiarum semper actio, laudisque confessio, pro illuminatione saluum, vel correctione referatur.* In clausula verdè iisdem Capitulis subiecta: *Cujus operi ac dignationi nihil penitus subtrahendum est.* (apud Labb. Tom. 3. pag. 476.) Synodus Araulicana II. contra Semipelagianos errores celebrata, Canone 16. *Nemo ex eo quod videtur habere, gloriatur, tanquam non acceperit Inde habet quicumque habet. Quisquis autem se inde habere negat, aut verè non habet, aut id, quod videtur habere, auferetur ab eo.* (apud Labb. Tom. 5. pag. 811.) Sanctus Cyprianus Martyr (ut reliquos Patres missos faciam) libro 3. Testimoniorum ad Quirinum cap. 4. : *In nullo gloriandum, quando nostrum nihil sit.* Quo Sanctissimi Martyris testimonio utitur identidem Augustinus, ut Pelagianis ac Massiliensibus ad veterum sententiam provocantibus ora præcludat.

(Pag. 90.) XIX. Bonus usus gratiæ a gratiæ est.

Ex superioribus Propositionibus, maximè vero 4. 7. 10. 12. 16. & 18. constat fuit. Quandoquidem enim bonus gratiæ usus voluntatis actus est, meritum præ se ferens, non est virtuti gratiæ subtrahendus. Ad hæc: Gratiæ efficacia, indeclinabilis & insuperabili

rabilis minimè censeretur, si ejusdem usus ab ipsa non esset, sed ex voluntatis nutu suspenderetur: nec totum Deo adscriberetur, si quod optimum est, imò sine quo totum irritum est, hoc sibi liberum arbitrium arrogaret.

Propositiones D. Augustino ab Launojo perperam afflicte.

(Pag. 25. & 61.) I. Propositio. *Non ob aliud reprobi creantur a Deo, quàm ut ejus justitiæ pœnas subeant, atque aeterno igne cum dæmonibus ardeant.*

Atrocissima calumnia est, jam olim gratiæ Vindici, ab Authore Vincentianarum objectionum impacta, & a Divo Prospero de-dita opera confutata, in celebri Responso ad Capitula objectionum Vincentianarum: quas uti ineptissimarum blasphemiarum prodigiosa mendacia propulsavit. Ita quippè ferebat tertia Semipelagiani calumniatoris objectio: *Quodd Deus (ex Augustini sententia) majorem partem generis humani ad hoc creet, ut illam perdat in æternum.* Cui gemina erat quæ proximè sequebatur, numero 4. *Quodd major pars generis humani ad hoc creetur a Deo, ut non Dei, sed diaboli faciat voluntatem.* Quo etiam collimabat septima, his verbis expressa: *Quodd hæc sit voluntas Dei, ut magna pars Christianorum salva esse nec velit, nec possit.* A quibus opinionum monstis abhorre D. Augustinum, multis ostendit doctissimus Aquitanus, ab hac præclara aureaque sententia ducto exordio: *Omnium quidem hominum Creator est Deus: sed nemo ab eo idè creatus est, ut periret. Quia alia est causa nascendi, & alia est causa percundi. Ut enim nascantur homines, Conditoris est beneficium: Ut autem pereant, prævaricatoris est meritum Nimis ergo impius, & indoctus est, qui vitium naturæ non discernit ab Authore naturæ: a quo prorsus alienum est, quicquid in unoquoque damnandum est. Creat enim homines, ut sint homines: nec multiplicandis generationum successionibus Opificium suum subtrahit, secundum consilium bonæ voluntatis suæ, reparaturus in multis, quod ipse fecit, puniturus in multis, quod ipse non fecit.*

(Pag. 25. & 31.) II. Propositio. *Ad Mundi duntaxat ornatum, aliorumque utilitatem nascuntur reprobi.*

Et hæc decima tertia Gallorum objectio fuit. *Quidam homines non ad hoc a Deo creati sunt, ut vitam adipiscerentur æternam, sed ut habitum tantummodò sæculi præsentis ornarent, & ad utilitatem nascerentur aliorum.* Quam quidem ex eo capite falsi, & calumniæ postulat D. Prosper, quòd ad id tantummodo, ex Augustini sententia, reprobi nati dicantur: cum illos ad id etiam natos, simpliciter dixerit Sanctissimus Doctor. Porro, quod unum

Mm ij in

in propositione dolo malo confecta, Augustini revera est, nulli subesse calumniae, hac erudita observatione demonstrat, qua Launoji simul ac Semipelagianorum maledicentia elisa est, *Capite 13. Responsionis ad Capitula Gallorum. Ornari autem etiam talium conditione mundi hujus varietatem quis non intelligat, qui videat studijs, & operibus quorundam impiorum, tot commoda vitae praesentis instructa, in inventione artium, in extruptione urbium, in constitutione legum, in consederatione populorum? Quod si quaeritur, an de istis, quas a vera Religione impius error averit, aliquid boni profectibus Sanctorum, & incrementis Ecclesiae providentia Divina consulit: inspiciatur primum ipsa Crux Christi, in qua magno scelere Judaeorum misericors Voluntas Dei, ut pro redemptione nostra, unicus filius ejus occideretur, impleta est. Inspiciatur Apostolorum gloriosa tolerantia, inter persequentium fremitus, unanimi voce ad Deum clamantium: Act. 4. v. 27. Convenerunt verè in Civitate ista, adversus Sanctum puerum tuum Jesum, quem unxisti, Herodes & Pilatus, cum gentibus & populis Israel, ut facerent, quae manus tua, & consilium praedestinavit fieri. Inspiciantur denique innumerabilium Martyrum palmae, quibus de crudelissima infidelium saevitia, felix est collata Victoria. Audiatur etiam Apostolus, Ecclesiam Dei ad perseverantiam pietatis insinuens dum ad Phil. 1. in nullo, inquit, terreamini ab adversariis, quae est illis causa perditionis, vobis autem salutis, & hoc a Deo. Vobis enim donatum est pro Christo, non solum, ut in eum credatis, sed etiam ut pro illo patiamini. De illis quoque erroribus consulens nobis Dei bonitas sentiat, quos Deus in Ecclesia contra Ecclesiam permisit exurgere: non utique eos creans, aut fovens, sed per ipsos diligentiam filiorum suorum, ad inquisitionem, & custodiam veritatis exercens &c. Haec tenus D. Prosper. Tametsi nil juvat exempla congerere, ut perfectum cuique fiat, in electorum quoque utilitatem & gloriam, cedere reproborum ortum, & vitam. Brevi verbo rem totam conficit Apostolus, & Augustinum ab æmulis tractatum absolvit: Ad Romanos capite 9. v. 22. Sustinuit in multa patientia vasa irae apta in interitum, ut ostenderet divitias gloriae suae in vasa misericordiae, quae praeparavit in gloriam.*

(Pag. 31.) III. Propositio. Tales Deus in banc lucem reprobos edit, ut aliud omnino esse non possint.

In decimam quartam, & decimam quintam objectionem Vincentianam recidit ea Launoji calumnia. Prior quippe sic habet: Quia magna pars illa Christianorum Catholicorum fidelium atque Sanctorum, quae ad ruinam & perditionem praedestinata est, etiamsi petat a Deo sanctitatis perseverantiam, non impetrabit, id quod mutari non potest Divina praedestinatio, quae illos praedestinavit, pra-

præparavit, præaptavit, ut caderent. Altera verò sic : Quòd omnes illi fideles & sancti, qui ad æternam mortem prædestinati sunt, posteaquàm crediderint, sic a Deo dispensentur, ne possint vel velint per pœnitentiam liberari. Calumniam ex ambiguis Augustini verbis constatam ita diluit D. Prosper : (Nemini autem Deus correctionis adimit viam, nec quemquam boni possibilitate dispoliat. Quia qui se a Deo avertit, ipse & velle, quod bonum est, & posse sibi sustulit. Non est ergo consequens, sicut putant, qui talia obijciunt, ut Deus, quibus pœnitentiam non dederit, respiciensiam abstulerit ; & quos non levaverit, alliserit : cùm aliud sit insonem in crimen egisse, quod alienum est a Deo ; aliud criminoso veniam non dedisse, quod de peccatoris est merito).

Neminem igitur Deus in lucem edit, juxta Augustini principia, ut reprobis sit, tàmetsi quos reprobavit, in lucem edat. Tales quidem certissime erunt ii, non quia aliud esse non poterunt, sed quia aliud esse nollent, quàm quod illos futuros ipse præcivit. [Neque enim idèd peccat homo, (libri 5. de Civitate Dei cap. 10. verba sunt) quia Deus illum peccaturum esse præcivit : imò ideo non dubitatur ipsum peccare, cùm peccat, quia ille, cujus præscientia falli non potest, non fatum, non fortunam, non aliquid aliud, sed ipsum peccaturum esse præcivit. Quis si nolit, utique non peccat : sed si peccare noluisset, hoc etiam ille præcivit].

Quàm præposterè verò, ex inefficiencia divinæ præscientiæ, sublatum hominis arbitrium colligerent aliqui, invicta planè ratione ; superiori capite demonstraverat, quàm omnibus alta mente defixam opto. [Non est autem consequens, ut si Deo certus est ordo omnium causarum, ideo nihil sit in nostræ voluntatis arbitrio. Et ipse quippe nostræ voluntates in causarum ordine sunt, qui certus est Deo, ejusque præscientia continetur ; quoniam & humana voluntates humanorum operum causæ sunt. Atque ita, qui omnes rerum causas præcivit, profectò in eis causis etiam nostras voluntates ignorare non potuit, quas nostrorum operum causas esse præcivit]. lib. 5. de Civitate Dei cap. 9.

(Pag. 47.) IV. Propositio. Deus iustis non prædestinatis gratias subtrahit, ut obedire desistant.

Hanc sibi a Massiliensibus structam sycphantiam depellit Augustinus ipse, Libro de dono perseverantiæ capite 22. Jam verò quod illis verbis connectitur, miror si ullo modo potest in populo Christiano quisquam infirmus patienter audire, cum dicitur eis : Et si qui obeditis, si prædestinati estis rejiciendi, subtrahentur obediendi vires, ut obedire cessetis. Hoc enim dicere quid videtur aliud esse, quàm maledicere, aut mala quodammodo prophetare ? Et qui quæso, ex Augustini sententia, iustis aliquibus gratiam subtraheret

heret Deus, ut obedire desistant: cum contra nemini iusto gratiam a Deo subtrahi doceat, nisi prius obedire deslitterit? *Deus*, inquit ille *Libro de Natura & Gratia capite 26.* sua gratia semel iustificatos non deserit, nisi prius ab eis deferatur. Et *Libro de dono Perseverantiæ capite 6.* Voluntate sua quisque deserit Deum, ut merito deferatur a Deo.

Eandem, vocato ad superos Augustino, novis tibiis decantarunt æmuli obrectatores, quorum hæc erat obiectio, numero duodecima, inter Capitula Gallorum: *Quod quibusdam vocatis, & pie iusteque vivensibus obedientia subtrahatur, ut obedire desistant:* Et hæc rursus, inter objectiones Vincentianas, ordine decima tertia: *Quia omnes illi fideles & sancti, qui ad æternam mortem prædestinati sunt, quando ad vomitum suum relabuntur, vitio quidem suo hoc facere videntur; sed ipsius vitii causa est divina prædestinatio, quæ illis latenter subtrahit bonas voluntates.* Quo probro Magistrum liberat doctissimus Aquitanus: illosque sycophantiæ, ac mendacii postulat, qui tam infana paradoxa ex ejusdem principiis derivarent.

Propositiones ancipites, recto sensu ab Augustino propugnata, sed in prævum a Launojo per invidiam detorta.

(Pag. 24. 29. 48.) I. Propositio. *Deus non omnes homines unversim salvos fieri vult.*

In varios sensus distrahi propositio illa potest, juxta quorum intelligentiam, eadem recipienda, vel reprobanda judicatur. Namque si de voluntate efficaci, & absoluta, quam Theologi de Schola consequentem appellant, intelligatur, catholica est, & Christi Domini sententiæ consona, qua se non pro Mundo, sed pro electis duntaxat orare professus est, *Joannis 17. v. 9.* *Non pro Mundo rogo, sed pro his, quos dedisti mihi, quia tui sunt.* Atque de ea duntaxat locutus est Augustinus, quoties celebre Apostoli dictum *I. ad Timotheum cap. 2. v. 4.* *Deus vult omnes homines salvos fieri,* non de singulis generum, sed de generibus singulorum exposuit. Verum si de generali, & inefficaci voluntate, quam antecedentem Schola vocitat, accipitur propositio, hæresis est, ab ipsomet Augustino damnata, *Libro de Spiritu & Litera cap. 33.* Ubi Deum ipsos etiam infideles, extremo judicio damnandos, salvos fieri velle disertissime docet. *Vult autem Deus* inquit, *omnes homines salvos fieri, & in agnitionem veritatis venire; non sic tamen, ut in eis adimat liberum Arbitrium, quo vel bene, vel male utentes, iustissime judicentur.* Quod cum sit, infideles contra voluntatem Dei faciunt, cum ejus Evangelio non credunt: nec ideo

ta-

tamen eam vincunt, verum se ipsos fraudant magno & summo bono, malisque pœnalibus implicant, experturi in suppliciis potestatem ejus, cujus in donis misericordiam contemserunt.

Quare cùm alias Augustini phrasen in invidiam traherent Massilienses, ut negatam prorsus ab eo generalem illam salutis omnium voluntatem objicerent, Magistri mentem aperuit doctissimus Aquitanus, hac præclara sententia in responsione ad objectionem XV. octavo Gallorum capitulo opposita. [*Qui dicit, quod non omnes homines velit Deus salvos fieri, sed certum numerum prædestinatorum, durius loquitur, quàm loquendum est, de altitudine inscrutabilis gratiæ Dei, qui & omnes vult salvos fieri, atque in agnitionem veritatis venire; & voluntatis suæ propositum in eis implet, quos præscitos prædestinavit, prædestinatos vocavit, vocatos justificavit, justificatos glorificavit.*] Hæc ille, queis generalem voluntatem ad omnes prorsus homines, etiam extra numerum prædestinatorum extendit; eam verò, quæ secundum propositum est, erga solos prædestinatos agnoscit.

(Pag. 24. 29. 48.) II. Propositio. *Non omnes a Christo redempti sunt.*

Priori Propositioni affinis est ista, ac perinde versatilis. Eo accepta sensu, quod non omnes mortis Christi fructum percipiant, & a captivitate non omnes eruti sint, quo pacto ab Augustino frequentius accipitur, Concilii Tridentini doctrina est, *Sessione 6. de Justificatione cap. 3. Non tamen omnes mortis ejus beneficium recipiunt.* In eum vero sensum translata, ut sanguis ejus non fuerit pro singulis sufficienter effusus, non modo sufficientia pretii, verùm etiam sufficientia voluntatis, hæretica est, ab Augustino proscripta, locis bene multis *capite 7.* proferendis.

III. Propositio. *Deus homines prædestinat sine meritis.*

Duplex huic propositioni notio subjicitur. Vel enim de æterna electione sermo venit, vel de supernæ gloriæ largitione, quæ transacto mortalis vitæ spatio, fit a Deo. Si de æterna electione, Apostolica sententia est, locis paulo ante laudatis ad 1. 2. & 13. Propositionem prioris Indiculi. Si de gloriæ largitione sermo fiat, quasi homines æterna gloria donari dicantur, sine meritis, error est, a Sancto Doctore data opera confutatus, *Libro de Natura & gratia cap. 8. Epistola 194. ad Sixtum, Libro de Gratia & libero arbitrio cap. 6.*

Quamquam autem iis ipsis in libris obiter innuat, Dei dona coronari, dum nostra merita coronantur; non idcirco coronam meritis rependi diffiteretur: sed ipsa, quibus rependitur, merita, Dei dona esse contendit. *Cui redderet coronam justus judex, si non donasset gratiam misericors Pater? Et quomodo esset ista corona justitiæ, nisi*

nisi præcessisset Gratia, quæ justificat impium? Quomodo ista debita redderetur, nisi prius illa gratuita donaretur? Lib. de Gratia, & libero arbitrio cap. 6.

(Pag. 24. & 25.) IV. Propositio. Gratia sola Electos secernit a reprobis.

Bisariam efferri potest: Primò, quasi gratia discretionis origo sit, ac totius meriti prima radix; quo sensu & Augustini decretum, & Apostoli oraculum est, Prime ad Corinthios capite 4. v. 7. Quis enim te discernit? Quid autem habes, quod non accepisti? Si autem accepisti, quid gloriaris, quasi non acceperis? Secundò, quasi nihil in Electis reperire sit, præter Gratiam, non studium, non industriam, non laborem, non operæ collationem; quo pacto horrendum paradoxum est, in quod stylum acuit Augustinus Libro de dono perseverantiæ capite 15. & Sermone 156. de verbis Apostoli.

(Pag. 25.) V. Adam libero malè usus arbitrio libertatem amisit.

Duplicem habet intelligentiam; Augustinianam unam & orthodoxam, ab Innocentio I. Cælestino I. Leone I. & a Synodis Auresianæ, & Tridentinæ, de quibus capite 7. sermo incidet, propugnatam: hominem scilicet, felici ac pacata illa, qua fruebatur in Paradiso, libertate devolutum esse: hæreticam alteram, ab Augustino ante, & post exortos Pelagianos, constanter, ac peculiari studio confutatam: ita nempe hominem, admissio peccato, libertate exutum esse, ut nec eligendi in præsentia facultate polleat, nec ad utrumlibet flecti queat. In quem errorem totis lacertis depugnat Sanctissimus Doctor libro 3. de lib. arbitrio capp. 18. & 19. Libro de duabus animabus capp. 11. & 12. Libro 2. de Actis cum Felice Manichæo capp. 3. & 4. Libro de vera Religione cap. 14. lib. 2. de nuptiis & concupiscentiis cap. 3. Libro de Natura & gratia capp. 32. 43. 64. 65. 67. Libro de Spiritu, & Litera cap. 3. 33. & 34. Libro de Gratia, & libero arbitrio capp. 2. & 15.

(Pag. 25.) VI. Post peccatum primi Parentis liberum arbitrium ad bonum, nullum est: nec nisi ad peccandum valet.

In duas sententias accipi potest. Si enim de libero arbitrio, sibi ipsi & contractæ infirmitati relicto, & de bono naturam superante accipiat, Auresianæ Synodi definitio est, Canone 22. Nemo habet de suo nisi mendacium, & peccatum (apud Labb. Tom. 5. pag. 812.) Si de libero arbitrio divina Gratia adjuto explicetur, ut nec in bonum opus nulla ex parte vitiatum possit unquam assurgere; Lutheri commentum est, ab Augustino in antecessum occupatum Sermone 33. de Diversis. Sub Gratia sanante, juvante, delectante implet legem: quæ non est ei pondus, sed decus: nec timens tormentum est, sed amans ornamentum.

(Pag. 25.) VII. Ita Deus velle, & perficere operatur in nobis, ut ei liberum arbitrium obistere nequeat.

Patitur & ista duplicem sensum. Aut enim de obfistendi potestate actui conjuncta, sermo sit; ut nimirum contingere reapse non possit, ut Deo efficaci gratia moventi resistat homo: estque Augustiniana, eademque probatissima doctrina, laudatis paulò supra Scripturarum, (*Prop. 6. & 9.*) Conciliorum, atque Pontificum testimoniis confirmata. Aut de potestate ab actu sejuncta, quam Scholæ Magistri antecedentem appellant, sermo venit; quasi ne dissentienti quidem potentiam seruet homo, sub imperio divinæ gratiæ: estque Lutheri detestandus error, ab Augustino apertissimè prædamnatus, cùm ali-bi sæpè, tùm maximè *Libro de Spiritu & Litera cap. 34. Quando Deus agit cum anima rationali, ut ei credat; neque enim credere potest quodlibet libero arbitrio, si nulla sit suasio; vel vocatio, cui credat; profectò & ipsum velle credere Deus operatur in homine, & in omnibus misericordia ejus prævenit nos: consentire autem vocationi Dei, vel ab ea dissentire, sicut dixi, propriæ voluntatis est.*

(Pag. 30. & 31.) VIII. Prædestinati perire omnino non possunt, quidquid demum accidat, quia Deus nequidem a libero hominis arbitrio vinci potest.

Anceps Propositio est, eodem planè modo, atque superior exponenda. Si velis prædestinatum damnari non posse, quòd potestate consequenti id accidere nequeat, ob divini consilii indeficientiam; cum Augustino & Ecclesiâ Catholica loqueris: *Deus cujus providentia in suis dispositione non fallitur*: idque planè evincunt laudata ad 1. & 6. Propositionem prioris Indiculi testimonia. At si prædestinatum damnari non posse contendas, quòd æterna dispositio dissentienti facultatem abstulerit, absolutamque necessitatem indiderit; impiam vocem emittis, & Augustinum adversarium experiris, loco ante appellato.

Hoc triplici Propositionum Indiculo, adjectaque cuique notatione, satis opinor intelligis, quàm deformatum Augustinianæ Doctrinæ specimen exhibuerit audacissimus criminator: non paucis per invidiam affectis, pluribus iniquè detortis, reliquis nulla ratione, imò contra disertissima Scripturarum, Pontificum, Conciliorum oracula, vellicatis. Retusa jam dudum Semipelagianorum tela recudi ab eo vides, veteres nœnias novam in scenam induci: quodque dolendum magis, per Augustini latus, Ecclesiam Catholicam peti, fideique capita longè multa, ex Sanctissimi Præfatis scriptis, in sacros transfusa canones, erroris petulanter ipsimulari. Ec hæc tamen prima Bel-latoris nostri velitatio est, prima impressio, imò nuda belli in Augustinum denunciatio. Quid futurum, ubi totum triariorum robur emittet?

CAPUT TERTIUM.

Prima Launojana narrationis calumnia depellitur. Quo cultu Augustini de gratia & prædestinatione doctrina, ab Innocentio, Zozimo, & Episcopis Africanis, ut primum vulgari cœpit, excepta sit.



Historicam narrationem, de adversa Augustinianæ Doctrinæ fortuna, quam, ut primum lucem aspexit, in Ecclesia Catholica passa sit, daturus Launojus, ut hanc omnibus invisam, despectam, rixarumque, ac turbinum fontem ostenderet, haud modicum temporis interval- lum silentio mittit. Tacito enim Innocentii I., ac Zozimi Pontificatu, quo ex tempore sua jam dogmata vulgaverat Sanctissimus Doctor, a Bonifacii I. temporibus exordium ducit: unum duntaxat inauens, Augustini doctrinam, statim atque vulgari cœpta est, omnium in se odia concitasse, quodd antiquæ Majorum Doctrinæ defensionis desit, tacita Lau- nojo tempora retractamus; & quantum illi ab Innocentio, Zozimo, & Præsulibus Africanis, autoritatis, ac dignitatis accesserit, hoc integro capite palam facimus: in reliquis Criminatoris vesti- gia insecuturi; ac suam illam, quam comminiscitur, superiorum Augustino sæculorum contrariam Traditionem, omnium ultimo confutaturi.

Et quidem Innocentium I., Zozimum, & Præsules Africanos, quorum judiciis hæresis Pelagiana prostrata est, in Augustini de Gratia, & Prædestinatione sententiam descendisse, eidemque calcu- lum adiecisse, neminem arbitror negaturum, qui rerum ea ætate gestarum seriem diligentius observarit. Hanc Lectorum oculis sub- jicere fatis fuerit, ut si quis ea parte scrupulus supersit, eximatur.

Librum in primis de *Natura & gratia*, quod male natum Pelagii libellum, a religiosis adolescentibus Timasio, & Jacobo anno 415. transmissum confutaverat Augustinus, fecere suum sanctissimi Præ- sules, Autelius, Alipius, Evodius, & Possidius: ac veluti com- mune responsum, totiusque venerandi Ordinis, adversus nascentem hæresim, instrumentum, ad Innocentium I. transmissere: dum una cum Augustino, Literas illi religionem, ac zelum spirantes dede- re; quo summum Ecclesiæ Pastorem in subeuntes lupos communi- bus studiis excitarent. (*Misimus, inquebant, Reverentia sua li-*
brum)

brum, quem dederunt quidam religiosi, & honesti adolescentes servus Dei, quorum etiam nomina non tacemus; nam Timasius, & Jacobus vocantur: qui, sicut audivimus, & etiam nosse dignaris, ipsius Pelagii exhortatione, spem, quam habebant in saeculo, reliquerunt, & nunc continentibus Deo servant. Qui cum eodem errore tandem aliquando, per qualemcumque operam nostram, Domino inspirante, caruissent, protulerunt eundem Librum, Pelagii esse dicentes, & ut ei responderetur impendit rogaverunt. Factum est: Ad eosdem rescripta est ipsa Responso: agentes gratias rescripserunt. Utrumque misimus, & cui responsum est, & quod responsum est. Et ne nimium essemus onerosi, signa fecimus his locis, ubi pesimus inspicere non graveris &c.) Extat Epistola hæc inter Augustinianas numero 177.

Quin & hunc de Natura & gratia transmissum librum ab Sanctitate sua mutuo Rescripto probari postularunt Præsules Africani, sub Epistolæ finem. Dabit sane nobis veniam suavisatissima Cordis tui, quod prolixiorē epistolam, fortassis quāvis velles, tua misimus Sanctitati. Non enim rivulum nostrum suo largo fonti augendo refundimus; sed in hac non tamen parva tentatione temporis, unde non liberet, cui dicimus: ne nos inferas in tentationem: Utrum etiam nosser licet exiguus, ex eodem, quo etiam tuus abundans emanet capite fluentorum, hoc a te probari volumus; tuisque Rescriptis de communi participatione unius gratia consolari.

Quid ad hæc Innocentius? Descendit in supplicum vota: suscepta a Sanctissimis Præsulibus divinæ gratiæ vindicias laudibus extulit, directas epistolas absolutissimas dixit, seque eadem cum ipsis sentire, dato Rescripto significavit. Fraternalitatis vestrae literas plenas fidei, totoque religionis Catholicae vigore firmatas, a duobus missas Conciliis, per fratrem & Coepiscopum nostrum Julium pergrato suscepimus animo; quod earum tenor, omnisque contextio in consideratione quotidiana gratiæ Dei, & in eorum correctione, qui contra sentiunt, integra ratione consistit: ut, & illis omnem tollere possit errorem, & idoneum dato quovis nostra legis exemplo, quem sequi debeant, dignum possit præbere Doctorem. Et multis interjectis, queis Divinam gratiam commendat: Nam hoc loco, inquit, latius de lege disputare, velut coram posito repugnantemque Pelagio, necessarium esse non duximus, cum vobiscum totam scientibus, PARIQUE NOBISCUM ASSENSIONE GAUDENTIBUS colloquamur.

Nihil itaque dubitandum, Præsules illos Africanos, & Innocentium I. Ecclesiæ Romanæ Pontificem, contenta Libro illo de Natura & gratia doctrinæ capita, non modò ab omni erroris suspi-

cione libera censuisse; verum etiam uti sua concordi suffragio stauit, defendisse, publicasse. Porro gratiam se ipsa victricem, gratuitamque prædestinationem eo volumine defendi; eademque loquendi formulas, gratiæ, ac prædestinationis explicandæ modos, Apostolicorum oraculorum interpretationes, phrasas, principia, consectoria, primo ac tertio Indiculo representata, quibus duo illa dogmata stare contendit audacissimus criminator, eodem illo de *Natura & gratia Libro* contineri, ne ipse quidem, si sensum habet, ibit inficias.

Ingens enim illud innocentis hominis ac lapsi discrimen, unde diversæ gratiæ necessitas orta est, ab Augustino *Libro de Correctione & gratia*, fusè latèque constitutum, ut lapsus hominem, gratia indeclinabiliter & insuperabiliter agi demonstraret, (quo uno universam Sanctissimi Doctoris de gratia doctrinam uti cardine volvi, a plerisque creditum est) toto ferme hoc *Libro de Natura & gratia* inculcatur; & Pelagio solam possibilitatis gratiam ingerenti, in faciem illiditur. *Capite 43. Verum est autem quid ait* (Pelagius): quod Deus tam bonus quàm iustus talem hominem fecerit, qui peccati malo carere sufficeret, sed si voluisset. *Quis enim eum nescit sanum & inculpabilem factum, & libero arbitrio, atque ad iustè vivendum potestate libera constitutum? Sed nunc de illo agitur, quem semivivum latrones in via reliquerunt: qui gravibus saucius confossusque vulneribus, non ita potest ad iustitiam culmen ascendere, sicut potuit inde descendere. Capite 48. Si de integrâ & sana hominis natura loqueretur, quam modò non habemus ... nec sic rectè diceret, quod non peccare nostrum tantummodò sit, quamvis peccare nostrum esset: nam & tunc esset adiutorium Dei, & tanquam lumen sanis oculis, quo adjuti videant, se præberet volentibus. Quia verò de hac vita disputat, ubi corpus, quod corrumpitur, aggravat animam, & deprimat terrena inhabitatio sensum multa cogitantem; miror quo corde, etiam sine adiutorio medicinae Salvatoris nostri, nostrum putat esse non peccare; posse verò non peccare naturæ esse contendat; quam sic apparet esse visitatam, ut hoc majoris visui sit non videre. Hæc ibi, quibus similia habet capite 49. & 51.*

Pari animi sententia amissam per peccatum originale bene agendi potestatem, libris ab Launojo in invidiam traductis, toties inculcatam, quam ut impium gratiæ se ipsa efficacis consuetudinem fugillat audacissimus criminator, isto etiam *Libro* data opera demonstrat Sanctissimus Doctor: & Pelagio eandem naturæ insitam dictitanti ore verberat inclementius. *Capite 49. Sed de homine, inquit, sanis pedibus tolerabiliter dici potest, velis nolis, habet ambulandi possibilitatem: contractis verò, & si velis, non habet.*

Vitiata est natura de qua loquitur. Quid superbis terra, & cinis? Vitiata est, medicum implorat. Capite 51. Cæcus puto, quod velis videre, sed non potest: Si autem vult, & non potest, inest voluntas, sed amissa est possibilitas. Capite 53. Quid tantum de naturæ possibilitate præsumitur? Vulnerata, sauciata, vexata, perditæ est.

Non absimiliter excisam Proto-parentis vitio humani arbitrii libertatem, quam libris ab Launojo vellicatis tradidit Augustinus, uti gratiæ se ipsa efficacia necessarium corollarium, cujus præsertim occasione, erroris illi dicam superciliosus Censor affricuit, totis viribus adstruit capite 55. *Quæro autem, ubi natura istam perdidit libertatem, quam sibi dari exoptat enim dicit; quis me liberabit? Porro si ab istis vel hoc impetramus, ut nondum baptizati implorent auxilium gratiæ Salvatoris, non est hoc quidem parum adversus illam falsam defensionem, tanquam sibi sufficientis naturæ, & potestatis liberi arbitrii. Neque enim sibi sufficit qui dicit: Infelix bono, quis me liberabit? Aut plenam libertatem habere dicendus est, qui se adhuc postulat liberari. Cujus quidem loquendi formulæ rectam intelligentiam dedimus capite superiori.*

Gratiam facientem, ut faciamus, ipsiusque cooperationis humanæ prævenienti efficacia operatricem, quam se ipsa efficacem Launojus appellat, & a Sancto Doctore traditam criminatur, hoc ipso, quem expendimus Libro, defendit capite 31. *Operamur quidem & nos; sed illo operante cooperamur, quia misericordia ejus prævenit nos. Prævenit autem, ut sanemur, quia & subsequetur, ut etiam sanati vegetemur. Prævenit, ut vocemur, subsequetur ut glorificemur: prævenit, ut pie vivamus, subsequetur, ut cum illo semper vivamus, quia sine illo nihil possumus facere. Utrumque enim scriptum est: & Deus meus misericordia ejus præveniet me: & misericordia tua subsequetur me per omnes dies vitæ meæ.*

Quid tandem? Altum illud, & inscrutabile divinæ prædestinationis, nullorum meritorum exploratricis arcanum, ab Launojo fati gentilitii, & erroris audacter infirmulatum; (quo videlicet pueros nulla propriæ voluntatis, aut parentum incuria, Sacramenti regenerationis exortes, æternæ tamen damnationi obnoxios, postremis elucubratis operibus asseruit Augustinus, tamen si a perditionis massa minime discreti, Christiani esse non possint,) luculenter adstruit capite 8. *Ego autem dico, parvulum natum in eo loco, ubi ei non potuit per Christi Baptismum subveniri, morte præventum, idcirco talem fuisse, id est, sine lavacro regenerationis existere, quia aliud esse non potuit. Absolvat ergo eum Pelagius, & aperiat ei contra sententiam Domini Regnum Cælorum, sed eum non*

non absolutis Apostolus, qui ait : per unum hominem peccatum intravit in mundum, & per peccatum mors; & ita in omnes homines pertransiit, in quo omnes peccaverunt. Rectè ergo ea damnatione, quæ per universam massam currit, non admittitur in Regnum Cælorum, quamvis Christianus non solum non fuerit, sed nec esse potuerit.

Præfulis igitur Africanis, quæ *Librum de Natura & gratia* fecere suum, eandem, ac Augustino, erroris notam inurat audacissimus Criminator. Inurat & Innocentio, *pari cum ipsi assensione gaudenti*, qui in Sanctissimi Divinæ gratiæ vindicis sententiam Rescripto concessit.

Neque vero indiscreta duntaxat, ac vaga suffragatione, Augustino assensisse putandus est Innocentius : sed quæ duo in gratiæ se ipsa victricis systemate potissimum damnat Launoius, atque ab Augustino sæpius inculcata queritur arrogantius, datæ ad Concilium Carthaginense Pontificio Rescripto, confirmat ac probat : lapsum scilicet hominem pristina libertate devolutum, secutamque originis vitio peccandi necessitatem, nisi tot inter præsentis vitæ tentationes, divino auxilio muniatur. Quæ quo sensu, latis non ita pridem ab Innocentio X. & Alexandro VII. Definitionibus congruente, sumenda veniant, nihil hic attinet explicare ; satisque ex antea dictis intelligitur. (*Liberum enim arbitrium* (Innocentii I. verba sunt) olim ille perpeffus, dum suis inconsultius usum bonis, cadens in prævaricationis profunda emerfus est : & nihil quemadmodum ex inde surgere posset, invenit : suæque in æternum libertate deceptus, huic ruinae suæ jacuisset oppressus, nisi cum postea Christi, per suam gratiam, relevasset adveniens, qui per novæ regenerationis purificationem, præteritum omne vitium sui baptismatis lavacro purgavit, & ejus confirmans statum, quo rectius, stabiliusque procederet, tamen suam gratiam in posterum non denegavit. Nam quamvis hominem redemisset a præteritis ille peccatis, tamen sciens iterum posse peccare, ad reparationem sibi, quemadmodum posset illum, & post ista corrigere, multa servavit, quosdiana præstans illi remedia ; quibus, nisi freti confisque nistamur, nullatenus vincere humanos poterimus errores. Necesse est enim, ut quo auxiliante vincimus, eo iterum non adjuvante vincamur.) (apud Labb. Tom. 3. pag. 45.)

Certe si quo jure Augustino insultare Launoius potuit, quod eas loquendi rationes, gratiæ se ipsa victricis assertoribus familiares frequentius usurparit, tamen catholicum earumdem sensum identidem exposuerit, poterit Innocentio : poterit & ipsis Carthaginensis Concilii Patribus, quorum is consultationibus respondebat : quippe qui voluntatis arbitrium, nonnisi Divinæ gratiæ subsidio vera

libertate donari (quod Augustini erroribus Launojus accenset) profecti sunt. (Pag. 32.) *Gratia Dei, qua Christiani sumus, ipsum nostrae voluntatis arbitrium vere sit liberum; dum a carnalium concupiscentiarum dominatione liberatur: dicente Domino: Si vos filius liberaveritis, tunc vere liberi eritis.* Insultare & Zozimo poterit, qui licet cum Pelagio, & Cœlestio; nondum detectis initio fraudibus, mitibus egerit, Innocentii tamen, & Africanorum Præfulum iudicia ultimo confirmavit, Epistola ad totius Orbis Episcopos data; atque illas ipsas loquendi formulas æmulatus est, quæ supercilioso Cenfori stomachum movent.

Quamquam quid ego his immoror? Augustinum eam oppugnandæ hæreseos Pelagianæ viam iniisse; geminaque gratiæ se ipsa victorici, & gratuita Prædestinationis dogmata, cæteraque inde fluentia confectaria, adornatis jam tunc operibus statuisse, haud dubiè noverant Carthaginensis, ac Milevitanae Synodi Patres. Neque enim latebat eos, illas ipsas exponendæ electionis, & efficaciæ modos, quæ horum dogmatum summam, ultimis Augustini libris delineatam Launojus agnoscit, prioribus ejusdem operibus usurpari. Notum scilicet illud ex Libro 1. de peccatorum meritis & remissione, quem primum in Pelagianos concinnaverat, jam tum ab anno 412. capite 21. Valde ergo parvum sensum habemus ad discutiendam justitiam iudiciorum Dei; ad discutiendam gratiam gratuitam, nullis meritis præcedentibus non iniquam; quæ non tam movet cum præstatur indignis, quam cum æque indignis aliis denegatur. Nam & hi, quibus videtur injustum, ut parvuli sine gratia Christi de corpore exeuntes, non solum Regno Dei, quod & ipsi fateantur, nisi per Baptismum renatos intrare non posse; verum etiam vita æterna, & salute priventur, quærentes quomodo justum sit, ut alius ab originali impietate solvatur, alius non solvatur, cum eadem sit utriusque conditio: ipsi respondeant secundum suam sententiam, quomodo identidem justum sit, ut huic præstetur Baptismus, quo intret in Regnum Dei, illi non præstetur, cum sit utriusque par causa. Si enim movet, cur ex his duobus, cum ex æquo ambo sint originaliter peccatores, alius ab hoc vinculo solvitur, cui conceditur Baptismus; alius non solvitur, cui talis gratia non conceditur: cur non pariter movet, quid ex duobus originaliter innocentibus, alius accipit Baptismum, quo in Regnum Dei possit intrare, alius non accipit ne ad Regnum Dei possit accedere? Nempe in utraque causa, ad illam exclamationem reditur: O altitudo divinarum! &c.

Notum & istud capitulis 18. libri 2. Quare illos velit convertere, illos pro aversione punire, quamquam & in beneficio tribuendo nemo juste reprehendat misericordem, & in vindicta exercenda nemo

mo iussu reprehendat veracem; sicut in illis Evangelicis operariis; aliis placitam mercedem reddentem, aliis etiam non placitam largientem, nullus iussu culpaveris: Consilium tamen occultioris iustitia penes ipsum est.

Notum hoc alterum ex *Libro de Spiritu, & Litera*, sub idem tempus elaborato, capite 34. Jam si ad illam profunditatem scrutandam quisquam nos coarctet, cur illi ita suadeatur, ut persuadeatur, illi autem non; duo sola inter se occurrunt mihi, quæ respondere mihi placeat: O altitudo divitiarum! & nunquid iniquitas apud Deum? Cui hæc responsio displicet, quærat doctiores, sed caveat, ne inveniat præsumptores.

Nec ignotum pervulgatum illud Augustini in *Enchir. cap. 32.* ubi dicit. *Ac per hoc si recte dictum est*: non volentis hominis, sed miserentis est Dei, quia id voluntas hominis sola non implet: cur non e contrario recte dicitur, non miserentis est Dei, sed volentis est hominis, quia id misericordia Dei sola non implet? Porro si nullus Christianus dicere audebit, non miserentis est Dei, sed volentis est hominis, ne Apostolo apertissime contradicat: restat, ut propter recte dictum intelligatur, non volentis, neque currentis, sed miserentis est Dei, ut totum Deo detur, qui hominis voluntatem bonam & præparat adjuvandam, & adjuvat præparatam.

Hæc inquam, aliaque multa ex *Libro de Natura & gratia paulo ante memorata*, haud ignota venerandis geminæ Synodi Patribus. At tantum abest, ut Augustinum idcirco erroris aut novitatis insinularint, quasi qui minus cautè Pelagianæ hæreseos confutatione in extremos errores abiret, novamque in veteri spatio calcaret viam; discretionem bonorum a reprobis, uni misericordię adscribens, totumque Deotribuendum definiens; (quod Launojus audacissime criminatur) ut contra potius, in magnam editorum operum admirationem traducti, Sanctissimo Præsuli novis scriptis Divinæ gratiæ hostes exagitandi provinciam concordii suffragio demandarint. Rei fidem locupletissimam facit *Epistola 110. ad Populum Hipponensem*, quæ sibi Eraclium successorem designat, in quem Episcopalis oneris partem devolvat, ut a publicis negotiis feriat, in iunctæ provincię facilius infudaret. *Placuit mihi, & vobis* (scribit Augustinus) *propter curam Scripturarum, quam mihi fratres & Patres, mei Coepiscopi, in duobus Conciliis Numidicæ & Carthagini imponere dignati sunt, ut per quinque dies nemo mihi molestus esset. Gesta confecta sunt, placuit, acclamastis. Recitatur placitum vestrum, & acclamationes vestræ. Parvo tempore servatum est circa me; & postea violenter interruptum est, & non permittor ad quod volo vacare. Ante meridiem, & post meridiem occupationibus hominum implicor. Obsecro vos, & obstringo per Chri-*

Christum, ut huic juveni, hoc est Eraclio Presbytero, quem bodie in nomine Christi designo Episcopum, Successorem mihi, patiamini me refundere onera occupationum mearum.

Sed neque novarum duntaxat Scriptionum curam Augustino impositam voluere Carthaginensis & Milevitanæ Synodi Patres : eundem cœtum suorum os, ingeniumque venerati sunt, primumque instructi adversus Pelagianos exercitus Imperatorem suspexere : quod ejus, inter tot enatæ nuper hæreseos oppugnatores, major enituisset industria, majus opus. Næ illi, si penes Launorum quidem judicium est, imprudentes, qui quem prima velitatione modum excessisse noverant, & humanæ libertatis arbitrium, per speciem vindicandæ gratiæ, plus nimio depresso; virum sententiis amplio rem, pensî nihil ac moderati habentem, erroremque errore confutantem; Conciliorum nihiloscîus doctrina, & Magisterio præsidem agnoverunt; fidei defensorem absolutissimum, cujus ore omnium oracula funderentur? Quam feliciter autem res ipsa cesserit, brevi Epinicio cecinit D. Prosper, in *Carmine contra ingratos*.

*An alium in finem posset procedere sanctum
Concilium, cui Dux Aurelius, ingeniumque
Augustinus erat? quem Christi gratia cornu
Ubertiore rigans, nostro lumen dedit ævo,
Accensum vero de lumine? nam cibus illi,
Et vita, & requies Deus est: omnisque voluptas
Unus amor Christi est, unus Christi est honor illi:
Et dum nulla sibi tribuit bona, fit Deus illi
Omnia: & in sancto regnat sapientia templo.
Istius ergo inter cunctos, qui de grege sancto
Insanas pepulere feras, industria major:
Majus opus, totum præstantius imbuit Orbem.
Nam quocumque gradum convertit callidus hostis,
Quæque per ambages anceps iter egit operas,
Hujus ab occurso est præventus, mille viarum
Insidiis, aditum non reperientibus ullum.
Cumque foris rabies avidorum exclusa luporum
Frenderet, inque omnes mendacia verteret artes,
Ne mentes ullarum ovium corrumpere posset,
Neu dubia obliquis turbaret corda querelus,
Istius ore Viri fecit Deus: istius ore
Flumina Librorum Mundum fluxere per omnem,
Quæ mites humilesq; bibunt, campisque animorum
Certant vitalis doctrinæ immittere rivos.*

CAPUT QUARTUM.

*Bonifacii I. Romani Pontificis magna de Augustino, ejusque
Doctrina opinio concepta, adversus Launoj
hallucinationem defenditur.*



Bonifacio Ecclesie Romanæ Pontifice, in fabulam suam Launojus ingreditur : quæque ille insignia dedit suæ in Augustinum venerationis argumenta, audaci calumnia vitiat; ut is Sanctissimum Doctorem lubricæ, ac suspectæ fidei virum habuisse videri possit. Scilicet cum gratuitæ prædestinationis, & gratiæ se ipsa victricis theoremata, ab Augustino tradita præmisset, indeque fluentium dogmatum summam collegisset; multa illi (ut vidimus capite 2.) per invidiam affingens, aut præpostero sensu accipiens; istud de Bonifacio somnium narrat, quod lugentibus etiam risum eliciat. (Pag. 26.) *Pelagiani Augustinum talia sentientem, uti novatorem traduxere Nonnullos e suis Romam delegarunt, qui ejusdem damnationem urgerent. Res eo perducta, ut Bonifacius Doctrinæ rationem ab Augustino reposceret; eundemque, ad eluenda accusationum capita, pro imperio compelleret.*

Næ te, Launoj, concepta in Augustinum occæcat invidia, dum Pelagianos tui dignos auctores, Apostolicæ Sedi propius adstituis, qui Augustinianæ Doctrinæ novitatem objiciant, eidemque unâ tecum litem intendant? Quid ergo? Consule Atheos, negabis Deum: implacabiles Divinæ gratiæ hostes, consultores adhibes, quid mirum si piissimum divinæ Gratiae vindicem novitatis, & erroris arcesas? At vide quàm turpiter hallucineris, mutesque quadrata rotundis. Falsum in primis, Pelagianos nonnullos e suis Romam ad Bonifacium delegasse: quippe qui criminationes qualescumque suas, non missa legatione, sed datis Romam, ac Thessalonicam literis publicarunt. Falsum pariter, vulgatis suis illis criminationibus, Augustini alteriusve cujusquam damnationem postulasse: illos enim tantum ausos nuspium legere contigit: sed tenebrionum, ac susurronum more, incautos quoscumque possent; suis partibus addicere, vulgatis literis nitebantur. Falsum etiam, contenta iis epistolis criminationum capita, gratuitæ prædestinationis, gratiæque se ipsa victricis theoremata duo, aut fluentia inde dogmata singulariter attigisse: sed alia quoque petebant Ecclesie Catholicæ dogmata, ab iis toto cælo diversa. Falsum demum ac tetra sycophan-

phantiæ loco habendum, quod ultimo tandem obtruditur, Bonifacium lectis Pelagianorum literis, doctrinæ rationem ab Augustino repetiisse, eumque ad eluenda accusationum capita pro imperio compulisse; quasi sinistra illi de tanto viro infedisset opinio; Cùm contra potius, singularis ejus eruditionis, qua cunctorum in se ora circumegerat, fama permotus Bonifacius, has ipsas ad eum literas consutandas transmiserit; ut Apostolicæ Sedis nomine, Ecclesiæ Catholicæ defensionem adornaret. Quo nullum conceptæ de illo magnæ opinionis argumentum illustrius esse potest.

Singula Launojanæ aberrationis capita persequi, haud erit hic operosum. Primum alterumque patefacit Augustinus *capite 1. Libri 1. contra duas Epistolas Pelagianorum*, ad Bonifacium Romanæ Urbis Episcopum. *Duabus*, inquit, *Epistolis eorum respondeo; uni scilicet, quam dicitur Romam misisse Julianus, credo, ut per illam, quos posset, suos, aut inveniret, aut faceret; alteri autem, quam decem & octo velut Episcopi, participes ejus erroris, non ad quoslibet, sed ad loci ipsius Episcopum, sua calliditate tentandum, & ad suas partes, si posset fieri, traducendum, ausi sunt Thessalonicam scribere.* Viden non delegatos Romam e Pelagianis aliquos, ut litem cuiquam intenderent, sed vulgatas clanculum illic, ac Thessalonicæ Literas, ut gregales miserè corradere? Tantumque abest, ut expostulationum instar, ad Sedem Apostolicam deferrentur, ut diligenti potius inquisitione fuerit opus, ut Bonifacio innotescerent. *Quæ in tuas manus* (Augustini verba sunt) *nisi vigilantissima diligentia fratrum nostrorum, filiorum tuorum venire non possint.*

Tertium in aperto ponunt contentæ binis epistolis calumniæ; non in Augustinum nominatim, sed in universam Ecclesiam structæ: & quidem aliorum etiam dogmatum occasione, quàm quæ Launojo nauseanti stomachum movent. Septem prior Epistola continebat: prima erat de sublato, ex Catholicorum sententia, per peccatum Adæ, libero in nobis arbitrio: altera de nuptiis a Deo optimo minimè institutis: tertia de damnato conjugali congressu: quarta de sanctis veteris Testamenti reprehensis: quinta de D. Paulo, immoderatæ libidinis accusato: sexta de Christo, a peccatis minimè libero: septima de Baptismo peccata radente duntaxat, non auferente. Novem altera complectebatur Epistola, ad superiores facile revocandas: prima erat de libero arbitrio, per peccatum Adæ, de hominum natura sublato: altera de nuptiis a diabolo, non a Domino institutis: tertia de fato, gratiæ nomine a Catholicis asserto: quarta de veteri lege, homines peccatores faciente: quinta de Baptismo, integram peccatorum remissionem

O o ij non

non conferente : sexta de veteri Testamento in servitutem generante : septima de diminuta Prophetarum, & Apostolorum iustitia : octava de Christi Domini peccato, carnis necessitate admisso : ultima de divinis mandatis in altera vita implendis.

Postremum Launojanæ cæspitationis caput revincunt, Bonifacii consutandas Pelagianorum Epistolas ad Augustinum transmittentis, venerationis atque amoris testificatio singularis; ipsiusque Augustini easdem refellentis, institutum atque consilium. Alipium enim Augustini discipulum, cui literas Magistro reddendas tradiderat Sanctissimus Pontifex, honorificentissime exceperat Romæ; ac inter familiaria colloquia, frequentem de Augustini ingenio, atque doctrina mentionem iniecerat, ingentibus amoris significationibus intermixtam. Qua de re sanctum Doctorem audire juvat, *capite 1. libri 1. contra duas Epistolas Pelagianorum. Noveram te quidem, fama celeberrima prædicante, & frequentissimis, atque veracissimis nunciis, quanta esses Dei gratia plenus acceperam, Beatissime, atque venerande Papa Bonifaci. Sed posteaquam te etiam præsentia corporali frater meus vidit Alipius, acceptusque a te benignissimè, ac sincerissimè, mutua miscuit distantia dilectione colloquia, tecumque convivens, & parvulo licet tempore, magno tibi junctus affectu, se simul, & me resudit animo tuo, teque mihi reportavit in suo; tanto major in me tue sanctitatis est facta notitia, quanto certior amicitia. Neque enim dedignaris, qui non alta sapis, quamvis altius præsideas, esse amicus humilium, & amorem rependere impensum.* Augustinus verò, non ut privatam a se culpam depelleret aliquam, seque de tradita gratuita prædestinatione, gratiaque se ipsa victrici purgaret, calamum acuit; sed ut Ecclesiæ causam in commune ageret, quæ recensitis Pelagianorum calumniis petebatur. Maximè cum in eo tot calumniarum plaustrum, semel tantum Augustini nomen interpositum legeretur: & quidem altèrius dogmatis occasione, cui nihil cum traductis ab Launojo sententiis commune erat. *Dicunt etiam (Apud Aug. lib. 1. c. 5.) (Juliani verba sunt, secundam in Catholicos calumniam struentis) istas, quæ modo aguntur, nuptias, a Deo institutas non fuisse. Quod in Libro Augustini legitur, contra quem ego modo quatuor Libellis respondi. Cujus Augustini dicta inimici nostri in veritatis odium susceperunt.*

Quare adornatum a Sancto Doctore, adversus binas illas Pelagianorum Epistolas, eximium opus, consultationis loco habuit Divus Prosper, quam Summus Ecclesiæ Pontifex, ad coercendam hæreticorum audaciam poposcisset; ob eximiam scilicet eruditionis famam, quam editis operibus comparaverat. *Sanctæ memoriæ Papa Bonifacius, . . . inquit ille capite 21. contra Collatorem, cum*

esset doctissimus, adversus libros tamen Pelagianorum, Beati Augustini Episcopi responsa poscebat.

Quis ergo Launoji audaciam non miretur, qui quod honori, & gloriæ Augustino fuit, in invidiam trahere nititur: impositamque ab Apostolica Sede erroris confutandi provinciam, qua nihil Catholicæ Ecclesiæ Magistro honorificum magis, perperam accipit: ut intentatam ei de violata fide litem effutiat, imperatamque ab Summo Pontifice admissi erroris expurgationem?

Longe aliter Prudentius Tricassinus Episcopus. Non modo summum Augustini decus, ex demandata illi ab Bonifacio hæreseos refellendæ provincia, colligit Sanctissimus Præsul, *Epistola* ad Hincmarum & Pardulum; verum etiam Launojum velut in oculis habens, nulli patere posse calumniæ Augustini doctrinam observat, ex quo tam illustri Apostolicæ Sedis commendatione munita est. *Si eam doctrinam, inquit ille, adversam Fidei Catholicæ in quaquam conspiceres, nequaquam eam Romana Ecclesiæ Antistes venerabilis Innocentius, cum totius Orbis Episcopis suscepisset: neque Bonifacius ejusdem Apostolicæ Sedis Præsul Epistolas Pelagianorum sibi delatas, ei ad respondendum misisset; aut responsonem ejus quatuor Libris edidit probabiliter, & honorabiliter suscepisset.*

Sancti Prudentii observationi robur addit libera Censoris nostri confessio, qua Augustinam gratuitæ prædestinationis, gratiæque se ipsa victricis theorematum duo, indeque fluentia dogmata, primis adversus Pelagianos operibus defendisse profitetur: idque antea Bonifacio innotuisse, quam binas illi Juliani, cæterorumque Sæctorum Epistolas transmississet. Eo quippe semel posito, dicat, amabo, Launojus, qua ratione rerum omnium conscius Pontifex, viro portentosarum, ut ipse quidem autumat, opinionum manifesto, & periculosum in confutando Pelagiano errore iter ingresso, novos eorumdem Pelagianorum conatus reprimendi provinciam, honoris, & gloriæ plenissimam, demandasset? Forte, ut Ecclesiam patenti discrimini committeret, erroremque extremi erroris oppositu confutaret?

Certe quam hæcenus in oppugnandis Pelagianis viam ingressus fuerat Augustinus, eandem in confutandis binis eorumdem Epistolis tenuisse; statutaque jam pridem gemina prædestinationis & gratiæ dogmata, aliaque inde secuta, pari constantia defendisse, quatuor Libris Bonifacio nuncupatis, non ibit Launojus inficias. Una quippe eademque doctrinæ ratio conspicitur, iidem divinæ electionis, & gratiæ exponendæ modi, imò longe quam antea luculentiores. Sic libro 1. capite 19. *Dic mihi, obsecro, quid boni Paulus, adhuc Saulus volebat, ac non potius magna mala, quando spirans eadem, pergebat ad vastandos, bor-*
ren

renda mentis cœcitate ac furore, Christianos? Quibus meritis bona voluntatis, Deus illum ab his malis ad bona, mirabili, & repentina vocatione convertit? Quid ego dicam, quibus meritis, cum ipse clamet: non ex operibus iustitiæ, quæ nos fecimus, sed secundum suam misericordiam salvos nos fecit? Quam multi inimici Christi quotidie subito Dei occulta gratia trahuntur ad Christum. Quod verbum si non ex Evangelio posuissem, quanta de me propter hoc ille dixisset; cum etiam nunc obluetur, non mihi, sed illi, qui clamat: nemo potest venire ad me, nisi Pater, qui misit me, traxerit eum? Non enim ait: duxerit, ut illic aliquomodo intelligamus præcedere voluntatem. Quis trahitur si jam volebat? Et tamen nemo venit, nisi velit. Trahitur ergo miris modis, ut velit, ab illo qui novit intus in ipsis hominum cordibus operari, non ut homines, quod fieri non potest, nolentes credant, sed ut volentes ex nolentibus fiant.

Sic capite 20. Estheris ad Deum prece ex sacris literis recensita, ita colligit: *Ut quid ista in oratione dicit Deo, si non operatur Deus in cordibus hominum voluntatem? qui cor Regis, antequam mulieris poscentis sermonem audisset, occultissima, & efficacissima potestate convertit, & transtulit ab indignatione ad lenitatem, hoc est, a voluntate lædendi, ad voluntatem favendi, secundum illud Apostoli: Deus operatur in vobis & velle. Et post pauca. Jam quomodo ista dispenset, faciens alios secundum meritum vasa ira, alios secundum gratiam vasa misericordiæ: Quis cognovit sensum Domini, aut quis consiliarius ejus fuit? Si ergo ad honorem gratiæ pertinemus, non sumus ingrati,tribuendo nobis, quod accepimus. Quid enim habemus quod non accepimus?*

Sic Libro 2. cap. 5. Nec sub nomine gratiæ fatum asserimus, quia nullis hominum meritis Dei gratiam dicimus antecedi. Si autem quibusdam, omnipotentis Dei voluntatem placet, sati nomine nuncupare, prophanas quidem verborum novitates evitamus, sed de verbis contendere non amamus. Quod quidem integris duobus capitulis eruditè, & eleganter prosequitur.

Sic capite 7. ejusdem Libri, tritam Pelagianorum calumniam de personarum acceptione, in gratuitæ vocationis hypothesi, ab Launojo tam avidè instauratam refellit. Quocirca id observatione dignissimum habet: *Propter quod profecto desipitis, qui dicente veritate, non ex operibus, sed ex vocante dictum est, vos dicitis, ex futuris operibus, quæ Deus illum facturum esse præseiebat, Jacob fuisse dilectum: atque ita contradicitis Apostolo dicenti, non ex operibus: quasi non posset dicere, non ex presentibus, sed futuris operibus. Sed ait, non ex operibus, ut gratiam commendaret: si autem gratia, jam non ex operibus; alicuius*

gratia jam non est gratia. *Præcedit namque, non debita sed gratuita gratia, ut per illam fiant bona opera: ne si præcesserint bona opera, tanquam operibus reddatur gratia, ac sic gratia jam non sit gratia. Et capite 9. Multa Deus facit in homine bona, quæ non facit homo: nulla verò facit homo, quæ non facit Deus, ut faciat homo.*

Sic demum Libro 4. capite 6. Bonum, inquit, propositum, quod consequens adjuvat gratia, in homine non esse potuisse, si non præcederet gratia. Quomodo enim est hominis bonum propositum, sine miserante prius Domino: cum ipsa sit bona voluntas, quæ præparatur a Domino? . . . Reluctanti enim prius auditus divina vocationis ipsa Dei gratia procuratur, ac deinde in illo jam non reluctantæ studium virtutis accenditur. Veruntamen in omnibus, quæ quisque agit secundum Deum, misericordia ejus prævenit eum. Et capite 9. varia congerens Divi Cypriani testimonia, istud inter alia celeberrimum ponit, ex Libro 3. ad Quirinum cap. 4. In nulla gloriandum, quando nostrum nihil sit. Quam loquendi formulam ab Augustino alibi sæpius usurpatam, blasphemix loco habet audacissimus Aristarchus. Tum laudato Sanctissimi Martyris, de orandi necessitate, discretissimo testimonio, ita colligit: *Oramus ergo, non solum pro nolentibus, verum etiam pro repugnantibus, & oppugnantibus. Quid ergo petimus, nisi ut fiant ex nolentibus volentes, ex repugnantibus consentientes, ex oppugnantibus amantes? A quo, nisi ab illo, de quo scriptum est: præparatur voluntas a Domino?*

Augustinum igitur statutis pridem doctrinæ principiis, quæ Launojum nostrum adedò malè habent, non hæsisse modò, verùm etiam vires adjecisse; eademque luculentius multo confirmasse, quatuor illis Libris Bonifacio inscriptis, comperta res est. Insuper Sanctissimum Doctorem, suum illud opus eidem Pontifici maximo, si quid in eo fortè peccasset, emendandum corrigendumque tradidisse, æque certum. Hæc, inquit ille capite 1. prioris Libri quæ ipsis, ut dixi, duabus Epistolis illorum ista disputatione respondeo, ad tuam potissimum dirigere Sanctitatem, non tam discenda, quàm examinanda, & ubi forsitan aliquid displicuerit, emendanda constitui. Aucto ergo contentam nova illa lucubratione doctrinam, puram illibatamque Bonifacius agnovit, aut æqui æstimatoris, ac judicis partibus defuit; qui ab Augustini æmulis, si Launojo fides est, laceffitius, ut in novatorem sententiam diceret, imò & ab ipsomet reo, de ferendo, si quid fortè peccasset, judicio appellatus, nedum a ferenda sententia temperavit, sed & ipsos præcipientes accu-

accusatores actione submovit, calumniatoribus, hæreticisque accensuit, Apostolicis Regiisque Edictis coercuit ac fregit : Augustinum verò insulsis calumniis appetitum coluit, suspexit, suam totiusque Ecclesiæ linguam esse voluit, qua in gratiæ hostes oracula funderet. *Santiæ memoriæ Papa Bonifacius piissimorum Imperatorum catholica devorione gaudebat, & contra inimicos gratiæ Dei, non solum Apostolicis, sed etiam Regiis utebatur Edictis ; & quando idem, cum esset doctissimus, adversus libros tamen Pelagianorum, Beati Augustini Episcopi responsa poscebat. Divi Prosperi verba sunt, capite 21. contra Collatorem.*



CAPUT QUINTUM.

Launoji, de commoto statim in Augustinum Orbe Catholico, somnium dissipatur.



AM quam audacter Orbem universum, (Pag. 25.) Augustinianæ Doctrinæ asperitate, commotum dictitet commentitiæ Traditionis fabricator, quam temere non hæreticos modo, sed & ipsos quoque Catholicos, ne latius serperet, pari studio adnitentes obtrudat, ex Hieronymo præ cæteris discimus: illo inquam, ut loquitur Prosper, (*Carm. de Ingr.*) *Morum exemplo, mundi que Magistro.* Is enim cum primus in aciem adversus Pelagium, ac Cœlestium descendisset, jamque elegantem ad Ctesiphontem Epistolam, tresque Dialogorum Libros elaborasset; simulatque primos Augustini pro gratia tuenda labores inspexit, ternos scilicet ad Marcellinum Libros de Peccatorum meritis & remissione, alterumque ad Hilarium, in modum Epistolæ, (*Epist. 89.*) de Quæstionibus apud Syracusas agitatis; doctrinæ uberratem, momenta rationum, pondera sententiarum, ac prope divinum ingenium demiratus, prolixiori hujus argumenti tractatione superfedidit, seque ad mortem usque silentio damnavit; modesta quidem, at intetum vera excusatione usus, sub finem *Libri 3. Dialogorum: Superfedendum huic labori censeo, ne dicatur mihi illud Horatii: in Sylvam ne signa feras. Aut enim eadem diceremus ex superfluo; aut si nova volumus dicere, a clarissimo ingenio occupata sunt meliora.* Et quidem tanta deinceps religione silentium coluit Hieronymus, ut a Theodoro Mopsuesteno quinque Libris laceffit, tum aliis quatuor ab ipso Pelagio, postremo ab Annanio pseudo-Diacono Cæcidenfi provocatus, non modo stylo pepercerit, sed Augustinum etiam per literas rogarit, ut contra eisdem victoriciæ arma, in sui defensionem indueret. (*Epist. 24.*) Porro Libris illis de Peccatorum meritis, & remissione, quibus inspectis pedem ex acie retulit Hieronymus, totumque belli onus devolvit in Augustinum, hæc ipsa, quæ Launojo nostro erroris plenæ videntur, dogmata contineri, dedimus manifestum: ut hinc noveriti, (*Cap. 3.*) quo plausu ab Ecclesiæ Patribus exciperentur, quæ nonnisi Pelagianorum dictis, & calumniis petebantur.

Tam apertam comprobatur Augustini doctrinæ testificationem
Præf. P. Serry Tom. II. Pp con-

confirmat in Epistolis Bethleemiticus Pater : *Mibi decretum est, te amare, te suspicere, colere, mirari, tuaque dicta quasi mea defendere.* Epistolæ 79. eidem ipsi inscriptæ verba sunt. Epistola vero 80. : non solum tantum, sed & totius Catholici Orbis, de defensata adversus Pelagianos doctrina, judicium prodit. *Omni quidem tempore, Beatitudinem tuam eo, quo decet honore, veneratus sum, & habitantem in te dilexi Dominum Salvatorem : & nunc, si fieri potest, aliquid cumulo addimus, & plene complemus, ut absque tui nominis mentione, ne unam quidem bonam præterire patiamur, qui contra flantes ventos ardore fidei persististi. Maluisti, quantum in te fuit, solus liberari de Sodomis ; quam cum pereuntibus commorari. Scit quid dicam prudentia tua. Macule virtute, in Orbe celebraris ; Catholici te conditorem antiquæ rursus fidei venerantur, atque suspiciunt ; & quod signum majoris gloriæ est, omnes hæretici detestantur.*

(Pag. 25.) Itane, Launoj, in Pelagianos arma conferens Augustinus, extremos de divina gratia, ac prædestinatione procudit errores ; Orbem universum doctrinæ asperitate, ac novitate commovit ; omnesque non hæreticos tantum, verum etiam Catholicos pilius est adversarios ? Cujus dicta mundi Magister defendebat ut sua, quem Orbis Catholicus celebrabat, antiquæ fidei conditorem suspiciebat ; quique nominis claritate, ac defensatæ fidei gloria, unius in se hæreticæ factionis odia incendebat.

Sed præstat Sanctissimum senem, & emeritæ militiæ ducem, reportatos de Pelagianis triumphos, Augustino toto Orbe celebri gratulantem audire, Epistola 81. *Mibi enim omnis occasio gratissima est, per quam scribo vestræ Reverentiæ ; testem invocans Deum, quod si posset fieri, assumtis alis columbæ, vestris amplexibus implicaver ; semper quidem pro merito virtutum vestrarum ; sed nunc maxime, quia cooperatoribus, & auctoribus vobis, hæresis Cælestiana jugulata est, quæ ita infecit corda multorum, ut cum superatos damnatosque se esse sentiant, tamen vena mentium non omittant ; & quod solum possunt, nos odervint, per quos putant se libertatem docenda hæreseos perdidisse.* Ita scilicet inconsulti, si penes pseudo-Traditionis Authorem judicium est, hæreseos oppugnatoris victorias celebrat Hieronymus ; viroque ob procusos, si superis placet, imprudenter errores, adversa Catholici Orbis studia passio, triumphum integrum gratulatur,

Hieronymo succinit Theodosius Imperator, omnium gentium de triumphato Pelagianismo, deque Libris, quæ Orbem universum

sum admiratione suspenderat, continuatis, acclamationes ingemians, hac ipsa in Epistola, qua Sanctissimum Præfulem ad Concilium Ephesinum invitabat: tametsi antea excessisset e vita, quam Imperatoris sacram divalem acciperet. *Pulchritudo librorum suorum, potestas tibi data ad prædicandum Dei verbum, & fructus universam per Ecclesiam a te facti, causa fuerunt, ut nomineris ubique gentium. Deo gratias (qui temporibus adeo calamitosi, nostros labores videns ex alto, tantum concessit Ecclesie Doflorem) ago, cum omni humilitate, quantum in me est, ob obligationem que incumbit tibi defendenda ipsius Ecclesie.....* Hæretici etiam Pelagiani, per Sancta Concilia condemnati, ex doctissimis tuis libris contra ipsos conscriptis, adhuc cervicem conantur erigere, & ipsi Deo resistere..... Te igitur, qui omnibus in rebus lux es totius mundi, & præterea admiratio terrorque hæreticorum, qui ante te non audent apparere, maxime rogamus, ut Urbi Ephefo, ad quam Concilium convocatum est, interesse velis: & possis dicere, reliquum vitæ consumtum esse, sicut & præteritum, in gloria & honore Domini Dei nostri..... Ebagnius Magistrum ad te profectus est: ipse alia dicit, quibus petitioni nostræ magis annuus, ob totius Ecclesie bonum. Hæc sacratissimus Imperator.

Haud inscius sum, viris nonnullis eruditis minus integrum videri harum Epistolarum exemplum, quo nonnulla conditioni temporum minus consentanea continentur. Nemo tamen ibit inficias, Augustinum ad Synodum Ephesinam ab Theodosio factis divalibus invitatum, honoris gratia: quas Capreolus Charchaginenfium Antistes, illo ad superos vocato, legit, ut ipsemet in Epistola ad eandem Synodum proficitur. Domini & filii nostri religiosissimi Theodosii Imperatoris literæ..... huiusmodi erant, quæ beata memoria Fratri & Coepiscopi nostri Augustini præsentiam peculiari ratione efflagitabant. Verum cum ea litera illum jam tum e vivis excessisse comperissent; ego Regiam illam significationem, licet ad prædictum Augustinum præcipue destinata videretur, excipiens, (apud Labb. Tom. 3. pag 1074.) &c. Quod idem apud Liberatum legere est, cap. 5. Breviarium.

Alios longe multos ejusdem ævi (de sequentibus quippe nil dicam hic) Augustinianæ doctrinæ admiratores, laudatores, approbatores producere facile fuerit: Hilarium Syracusanum, Jacobum, Timasium, Valerium, Laurentium, Privinum, Paulinum, Eutropium, Orosium, Nebridium, Alipium, Possidium, Evodium, Consentium, Volusianum, Audacem; totos in ejus præconia et-fusos, & Catholici Orbis sensum, de incorrupta dogmatum intè-

Pp ij grita-

gritate, referentes. (Pag. 35.) Verum quia eos Augustini, ad diffundendam tota Africa, gratiæ se ipsa victricis, & gratiæ prædestinationis doctrinam, adspulatores Launoyus ultro concedit, ab eorum suffragiis referendis abstineo. Hoc dico tantum, Launoyum ex iis, quæ hæcenus dicta sunt, ingentis audaciæ, ac petulantix revinci; dum tot illos Africanæ Ecclesiæ Sanctissimos, ac doctissimos viros, uti (Pag. 34. & 35.) *factiosos*. traducit; qui facta veluti secta, in Magistri sui sententiam, *horridam licet ac novam*, concessissent, quod *nulla Ecclesiæ Censura iniusta esset*. Vah procacem argutorem! Quasi verò quotquot Catholico nomine censebantur, ab Augustino, Conciliorum ore ingenioque, non flarent; aut doctrinam ejus, Ecclesiæ Romanæ Pontifices, Innocentius, Zozimus, Bonifacius, habitæque Milevi, & Carthagine Synodi tantum non inussissent, ac non potiùs singulari commendatione consecrassent?

Sane eam sibi illibatæ doctrinæ famam, universo Orbe, ac tota præsertim Africa fecerat Augustinus, ut summa licet æstimatione valeret Aurelius, Carthaginensium Antistes, Africæ Primas, *Ecclesiæque Catholicae*, ut loquitur Orosius in *Apologetico*, *columna*, ac *firmamentum*; præsentem nihilominus Carthagine Augustino, sacrum suggestum nollet de more conscendere, sed unus Hipponensis Antistes ad populum declamaret. Quem sibi non Carthagine modò, ac semel iterumque, sed ubique, ac frequentissimè delatum honorem, testatur vir alioquin modestissimus in Prologo prioris Libri Retractionum: *Tantum mihi tributum est, ut ubicumque me præsentem, loqui opus esset ad populum, rarissimè sacere, atque alios audire permitteret*. Quin & constitutus in Africa, Orientis conventibus aderat magisterio, unusque ferè in gratiæ hostes, absens licet sententiam dabat. Accersitus enim Pelagius, in Confessum Hierosolymitanum, a quo procul aberat Augustinus, ut fidei suæ rationem redderet, id unum legitur interrogatus, doceretne ea, quæ Augustinus in Epistola ad Hilarium confutaverat? Adeo nempe ad Sancti Doctoris amussim, rectæ de divina gratia sententiæ, ab ipsis etiam Orientalibus exigebantur. Cumque ille, ut erat impudentissimus, & tum subintenso in Augustinum animo, respondisset: *Ecquis est mihi Augustinus?* uno ore conclamarunt universi, blasphemasse in Episcopum, cujus industria hæresum monstros suffocatis, toti Africæ expetiti diù pacis dies affluserat; ac tanquam hæreticum pellendum ab Ecclesiâ Catholica censuerunt. De quibus lege Orosium, qui præfens confessui aderat, in Apologetico. Nec ita post, alterum vadimonium obeunti Pelagio, & coram Diospolitana Synodi Patribus sistere jussit, ut acculationum capita dilueret, unus illi, ex Synodi Decreto, Augustini procul disti-

diffiti liber obiectus est, quo tumultuantes in Sicilia Pelagianos represserat : (*Lib. de Pecc. Orig. c. 11.*) *Synodus dixit : quoniam Sanctus Augustinus Episcopus, adversus discipulos ejus in Sicilia respondit Hilario, ad subjecta Capisula scribens librum &c.* Certè Patrum alteri, tantam, dum viveret, tributam auctoritatem, nulla, quod sciam, prodit historia; nemo uberiores gloriæ fructus, in ipso mortalitatis contubernio cepit; unus præ omnibus Augustinus, vivus, ut ita dicam, ac videns consecratus est.



CAPUT SEXTUM.

Mota inter Monachos Adrumetinos de Augustini Doctrinae controversie, non modò ejusdem auctoritatem non imminuunt, uti Launojo visum est, verùm etiam conciliant multò majorem. De Vitali Carthaginiensi fabula refellitur.



Elagianis Augustinianæ doctrinæ acerbitate commotis, turbatos Adrumetinos Monachos Launojus adjungit, quo fidem ejus, & auctoritatem imminuat. (Pag. 26.) *Monachi Adrumetini*, inquit, (quos nemo hac in parte suspectos habuerit, cum horum consciam recti mentem agnovit Augustinus) usque aded doctrinæ illius novitate, & inauditis consecrariis turbati fuere, ut duos è suis delegarint, qui turbatos fratrum animos, & infau-
stas dogmatum illius consecutiones, coram significarent.

Quis id legat, ac non statim sibi persuadeat, Monachos omnes Adrumetinos, quos inter non pauci erant eruditionis laude conspiciui, lecta Augustini ad Sixtum Epistola, 194. (hujus enim occasione exciti motus) scandalum passos, infau-
sta consecraria derivasse? Verùm longè aliter se res habet. Quamquam enim, ut opinari pium est, conscia recti mens omnibus esset; nemoque idcirco sinistræ voluntatis suspicione laboraret; ita tamen in factiones Monachi scindebantur, ut quotquot doctrinæ fama celebres erant, profundissimæ Epistolæ intelligentiam assecuti, ab Augustini partibus starent: ceteri prorsus ignari, ac rustici, lique vix numero feni, in contrarios, & ab Authoris mente alienos sensus dilapsi, portentosas consecutiones derivarent. Quid ni ergo motas Adrumeti contentiones, Augustino gloriæ celsissæ colligamus; cujus in partes, quotquot eruditionis laude censebantur, sua sponte descenderant, soli abscesserant imperiti?

Valentinum Cœnobiarcham audire juvat, rem totam simpliciter enarrantem, & suum contendentibus Monachis colorem, & ingenium reddentem, Epistola 216. Augustino inscripta. (*Epistolam ad Sixtum, propter prolixitatem librum appellat*). *Charissimus frater noster Florus, servus Paternitatis tuæ, cum ad Uzalensem patriam fuisset, suadente charitate, profectus, Eulogias Monasterii inter suæ Crocatis moras, de Opusculis nobis tuæ attulit Sanctitatis, uno fratre Felice, qui ad tuam Sanctitatem tarde, post comes suos venisse dignoscitur, eundem librum devotè dilans;* Ven-
tum

tum est ad Monasterium cum eodem Libello, fratre Floro ad Carthaginem, de Uzalensi Civitate profecto. Mibi non monstrato Libro, IMPERITIS FRATRIBUS recitare cæperunt, qui QUORUNDAM NON INTELLIGENTIUM corda commovit. Quia cum diceret Dominus, qui non manducaverit carnem filii hominis, neque biberit sanguinem ejus, non habebit vitam in semetipso: discesserunt, qui impie intellexerunt, non culpa Domini dicentis, sed duritia impiissimi cordis Proposui ad auferendas impias quæstiones, ut ad Dominum Sanctum Patrem Evodius mitteremus, ut ipse nobis de hoc Sacrosancto Libro, PROPTER IGNAROS aliquid certius rescripseret Quinque enim vel amplius fratrum animositate ista est innata contentio. Sed quia interdum, Domine Papa, provenit gaudium ex tristitia; non adeo maestificamur, quia PER IGNAROS, ET CURIOSOS suavissimis monitionibus tuæ Sanctitatis illuminari meruimus Deposcimus ut, & ignaros tuis orationibus Domino commendens mansuetissime componendos. Ita Cœnobiarcha Valentinus. Sub initium autem Epistolæ: PER RUSTICITATEM FRATRUM nostrorum, nostro judicio erubnimus &c.

En tibi viros Augustinianæ doctrinæ asperitate turbatos, quorum acre judicium in ferenda sententia, Launos ostentat: Quinque, aut senos, ut ut maximè Monachos, imperitos, ignaros, rusticos, curiosos, ac ne lecti quidem Libelli intelligentiam. assecutos.

Verum quod Monachos attinet, in Augustini sententiam venientes, ii & autoritate præcipui, & ingenio summi, & eruditione præstantes erant. Hos inter primo loco censendus Valentinus, Cœnobii Præpositus, piissimus, atque doctissimus, qui fratres ex Libelli lectione scandalum passos tam atris coloribus depingit; iisque persimiles dicit, qui audito Christo, discesserant, non dicentis culpa, sed vitio audientium: Libellum autem ipsum, cujus occasione nata offensio fuerat, venerabilem, dulcissimum, sacrosanctum appellat: quin etiam ejusdem præcipua capita, ab imperitis perperam intellecta, in summam colligens, ac sano sensu accipiens, hoc credimus, inquit, docente te, venerabilis Pater. Censendus & eo numero Sabinus, Monasterii Presbyter, literis apprime eruditus, qui ad Cœnobiarchæ imperium, libelli sensum aperuit, tametsi nec profecerit hilum. Sanctum Presbyterum Sabinum (laudatæ Epistolæ verba sunt) ad majorem auctoritatem rogavimus, & ipsius sanctitas librum cum liquidis interpretationibus legit, nec sic anima sauciata curata est, Adjungendus & Florus, qui Uzalam paulò ante profectus, libellum, distante Felice Monacho, excripserat, & Adrumetum, antequam rediret ad suos, transmitten-

tendum curaverat. Is enim altissima divinæ Prædestinationis, & gratiæ Myſteria edoſtus, procul abimperitis Monachis abibat. *Servi tui Flori hæc fides eſt, Pater, non ſicut fratres iſti ſunt locuſi.* Quod ſubindè factò rei periculo, per ſe ſe intellexit Auguſtinus ipſe, dum eundem ad ſe vocatum, exactam libelli, ſeu datæ ad Sixtum Epiſtolæ intelligentiam tenere, frequentibus collationibus didigit uñ capite 1. de *Correptione & gratia* teſtatum reliquit: *Hanc fidem, quæ ſine dubio vera, & Prophetica, & Apoſtolica, & Catholica fides eſt, etiam in fratre noſtro Floro invenisse me gaudeo: unde hi potius corrigendi ſunt, quos quidem, propitio Deo, correctos eſſe jam exiſtimo, qui cum non intelligebant.* Adjungendi, uno verbo dixerim, penè omnes, ſenis illis ad ſummum exceptis, intra quos tota, ut obſervavimus, ſteterat controverſia.

Profectò, ſi quæ fides Auguſtino, longè plures optimarum partium erant Adrumeti; cæteri offenſionem ex ignorantia paſſi, pauculi admodum, iique magna ex parte juniores, maxime verò Creſconius, & Felix, qui præ reliquis efferveſcentes, Sanctiſſimum Præſulem diſſidia nunciaturi, rectamque libelli intelligentiam accepturi convenerant. *Venerunt ad nos*, inquit ille dato ad Valentinum Reſponſo Epiſtola 214. *DUO JUVENES Creſconius, & Felix, de veſtra Congregatione ſe eſſe dicentes, qui nobis retulerunt Monasterium veſtrum nonnulla diſſenſione turbatum, eo quod QUIDAM in vobis ſic gratiam prædicent, ut negent hominis eſſe liberum arbitrium: & quod eſt gravius, dicant, quod in die judicii non ſit redditurus Deus unicuique ſecundum opera ejus.* (Hæc ſcilicet erant impia conſectaria, ex gratia ſe ipſa efficaci, & gratuita prædeſtinatione derivata.) *Etiam hoc tamen indicaverunt, quod PLURES VESTRUM non ita ſentiant, ſed liberum arbitrium adjuvari ſciantur per Dei gratiam, ut recta ſapiamus atque faciamus, ut cum venerit Dominus reddere unicuique ſecundum opera ejus, inveniatur opera noſtra bona, quæ præparavit Deus, ut in illis ambulemus.*

Quare non poſſum non indignari Launojo, qui ut omnes promiſcùe Adrumeti Monachos, in tranſverſum aſtos, & Auguſtinianæ doctrinæ duritiæ offenſos lectoribus innuat, decretam ad Auguſtinum, communi velut ſuffragio, legationem oblique ſignificat: cum contra, Valentinus Monasteriarcha Creſconii & Felicis profeſſionem *inordinatam* vocitet; eamque, ſe quidem minùs probante atque ſerente, a juvenibus furore arreptiſateatur: *Nec hoc quidem paſſim accipere voluerunt, ſed arripuerunt profeſſionem, nobis paſſim non optatam, fratre Floro furore illorum propemodum contrabato &c.*

Ha-

Haftenus excitata Adrumeti dissidia, quæ ad Augustinianæ doctrinæ invidiam malo animo verterat pseudo-Traditionis confarcinator, eidem gloriæ cessisse demonstravi, spectata dissidentium conditione. Addam nunc, quæ authoritatem illi concilient, ex selecti a Monachis arbitri dignitate, lataque sententia. Erat ea ætate temporum in ore famæ magnus Evodius, Sacrorum Uzalæ Moderator, atque ob legationem ad Honorium anno ab hinc vicesimo summa cum laude obitam, tota Africa percelebris. Controversiæ judicium, & libelli interpretationem ab eo rogandam censuit Cœnobii Præpositus Valentinus : quamquàm morarum impatientes Cresconius, & Felix talaria induerint, & Hipponem Augustinum ipsum, sui interpretem audituri, contenderint. Quæsitis latifescit Evodius, cujus Rescriptum hætenus ineditum, ac situ putre, in Sancti Maximini Trevirensis Tabulario Sirmondus invenit. Secundum Augustinum sententiam tulit; ejus sensu, atque exemplo, quid de libero arbitrio sentiendum insinuavit; præcipientes censors asperioribus verbis habuit; ac ne quod minus intelligentia assequerentur, facillè reprehenderent, paucis admonuit. Quo judicio Launojus noster attonsus est. Do Evodianæ Epistolæ fragmentum, Historiæ Prædestinatianæ insertum capite i. *Honorabiles Fratres retulerunt nobis, quia nescio quæ ibi quæstiones inter vos natae sunt, de libero arbitrio, & de justitia Dei. Laudamus quidem studium vestrum, sed nolumus esse contentiosum. Contentio enim perturbationem excitat, sed studium pietatem requirit. Liberi arbitrii plenissimum affectum habuit homo primò procreatus, Adam dico Inde dictum est : Infirmatus est in egestate vigor meus, & lumen oculorum meorum non est mecum. Ad hoc recuperandum missus est medicus Salvator Christus, ut salvaret quod perierat, & curaret quod vitiatum fuerat Legant ergo Sancti Dei Majorum dicta, sicut jam dixi, qui habent divini muneris pium affectum : & quando non intelligunt, non cisè reprehendant, sed orent ut intelligant.* Reliquum Epistolæ nobis Sirmondus invidit, seu, quoddam parum emendatum esset, ut ait, seu fortè, quoddam quidpiam domesticæ Scholæ minùs propitium contineret. Atque hæc de Monachis Adrumetinis.

Nihilo felicìus Vitalem Charthaginensem in scenam Launojus inducit, alterum Augustinianæ doctrinæ reprehensorem. (Pag. 27.) *Vitalis Carthaginis Presbyter, inquit ille, Augustino intimus, ac familiaris, talem, ac tantam ex ejus doctrina passus est offensionem, ut suam illi per literas perturbationem significaret; illud etiam scripto denunciaret, plura quàm par esset, ab ipso divinæ gratiæ viribus adscribi. Dignum Palæmone figmentum ! Vitalem Augustino familiarem, nulpian legere contigit : datas ab eo ad Hipponem.*

Præf. P. Serry Tom. II.

Q q

ponen-

ponensem Episcopum literas, quæis suos illi sensus retegeret, longè minùs : imò ex ipso Augustinianæ ad eundem transmissæ Epistolæ prologo compertum est, Vitalis de divina gratia sententiam, seu veriùs hæresim putidissimam, Præfûli Hipponensi nonnisi ex aliorum relatione innotuisse (*Epist. 217. Cum de te mihi essent nunciata non bona, & rogavi Dominum, & donec mihi bona nunciarentur, adhuc rogo, ut literas meas, nec aspernanter sumas, & salubriter legas.* Et paucis interjectis : *Quomodo dicis, quod audio te dicere?* &c. Haud ita sanè intimum, ac familiarem, qui suos nobis amicè aliqua de re sensus aperuit, compellamus. At hæc Launoji calliditas fuit : Vitalem Augustino familiarem, & intimum commentus est, ut nonnihil ei in dicenda sententia auctoritatis accederet : scriptam autem ab eo Epistolam dixit, ut tanquam actor Augustini dogmatibus obstitisse, videri posset ; quem contra, uti violatæ fidei reum, traduxit Sanctissimus Doctor.

Sed audi Vitalis Carthaginensis professionem, ut quos nobis adversùs Augustinum, Ecclesiasticæ Traditionis testes conducit Launojus, detesteris : *Quomodo dicis* (Gratiæ vindex verba sunt, eundem *Epistola 217.* compellantis) *quod te audio dicere ut recte credamus in Deum, & Evangelio consentiamus, non esse donum Dei, sed hoc nobis esse a nobis, idest ex propria voluntate, quam nobis in nostro corde non operatus est ipse? Et ad hoc, cum audieris, quid est ergo, quod ait Apostolus : Deus in vobis operatur, & velle, & perficere? respondes, per legem suam, per Scripturas suas, Deum operari, ut velimus, quas vel legimus, vel audimus : sed eis consentire, vel non consentire ita nostrum est, ut si velimus, fiat ; si autem nolimus, nihil in nobis operationem Dei valere faciamus. Operatur quippe ille, dicis, quantum in ipso est, ut velimus, cum nobis nota sunt ejus eloquia : sed si eis acquiescere nolumus, nos, ut operatio ejus nihil in nobis prosit, efficimus. Cui idcirco duodecim sententias, ad fidem veram, & catholicam attinentes proponit, quæis nî subscribat, censuras Ecclesiasticas minitatur.*

Atque hinc videas, quàm constanti, ac fidenti animo, sua de gratia vidrici, & gratuita prædestinatione dogmata proderet Augustinus, illibatæ doctrinæ conscientia erectus, ac pro imperio cum Vitali Carthaginensi agens ; tanquam qui a Catholica fide deflecteret ipse, non qui vice versâ Augustinum violatæ fidei postularet.

CAPUT SEPTIMUM.

*Gallorum, ac potissimè Massiliensium in Augustinum Censuræ,
ab Launojo denuò recuse, bonori, & gloriæ cedunt
Sanctissimo Gratiæ vindicti.*



Africanos Augustinianæ doctrinæ admiratores, ut despiciat Launojus deprimitque, (quam ob rem jam a nobis exagitatus est) ita Gallos, ac potissimum Massilienses, ejusdem reprehensores in cælum evehit, ac tantum non pronus adorat. In hoc campo spatiat, ac propè delicias facit, dignus Ecclesiasticæ de divina gratia Traditionis investigator, quam ad nos usque per Pelagianos, ac Semipelagianos, tanquam sacri depositi custodes integerrimos ducit. Horum in Augustinum diſteria, querelas, obſectationes, censuras avidè colligit: Prosperi, & Hilarii ad Sanctum Doctorem Epistolæ, quæ excitæ Massiliæ motus enarrantur, a capite ad calcem exſcribit; non ut sanctissimis Diſcipulis obſecundet, ac recensitos ab iis errores detestetur, ac lugeat; sed, ut Massiliensium querimonias instauret, easque nec supervacuas, nec cum levitate conjunctas ostendat. Quod quàm sit Catholico Scriptore dignum, Ecclesiæ Principibus judicandum relinquo.

Non hic ego morabor supinas aberrationes, viro in veteri memoria, ut fuit, aut certè videri voluit, versatissimo minimè condonandas. (Pag. 35.) Prosperum, perindè, atque Hilarium in Gallias accersit ex Africa, ubi tamen nunquam subsisterat Aquitanus. Eundem isthuc ab Augustino de industria submissum innuit, ut Magistri doctrinam latè diffunderet; cui tamen (Pag. 42.) *ignotum se facie* profitetur; primis ipsis datæ ad eum Epistolæ verbis. Hilarium tandem de subortis Massiliæ turbis, Augustinum per Epistolæ commonentem, Arelatensem Episcopum vocat; cum ille laicus esset, iste jam tùm Ecclesiæ regimini admotus; ille discipulus, iste e Censoribus unus. Istud, inquam, non moror, ut nec miror: Ecce enim discipulos noscet, qui Magistrum tam turpiter ignoravit? Sed suscepti consilii finibus me contineo, quæque constatam in Augustinum erroris accusationem propiùs attinent, unice refello.

Quocirca Launojo haud ægrè dabo, Augustini doctrinam plures in Gallia turbasse, atque illos quidem non ima de plebe, aut solo capite cencos; sed pietate, doctrina, ac dignitate præcipuos;

Qq ij Mo-

Monachos scilicet, Cœnobiarchas, Presbyteros, & Episcopos. Haud etiam ibo inficias, doctrinæ duritiem cautos alios, alios novitatem, nonnullos plus nimiam sublimitatem, plerosque omnes minorem cum antiquis Ecclesiæ Patribus consensionem. Verùm primo duntaxat conspectu tot illæ contentiones emergere, rebus ad severiores calculos nondum vocatis, quodque caput est, nondum audito Ecclesiæ judicio. Cæterum silentibus paululum turbis, animisque ex pristina illa perturbatione revocatis, Ecclesia Gallicana intestino bello discissa in Augustini sententiam universa concessit; dum sua per vices fundentibus oracula Romanis Pontificibus Cœlestino I. Hormisdæ, Felice IV. Bonifacio II. Pelagiani tandem erroris reliquias præfocavit ipsa; sacrosque secuta duces, Augustini doctrinam, cuius occasione tot antea excitæ turbæ, in Synodis Arausicana, & Valentina transfudit in Canones. Quis autem de mota lite, ex initiis potius, primisque turbinibus statuatur, quàm ex decreta sententia? Non igitur, si quæ datæ in Galliis turbæ, reus tradendus est Augustinus; qui, & ea docuit, quæ, judicantibus demum Gallis, in Synodorum Canones transferunt; & omnem, quo turbæ fiescerent, operam posuit; Libris de Prædestinatione Sanctorum, deque Perseverantiæ dono, intra breve spatium concinnatis: sed reprehendendi veniunt Massilienses, qui eisdem acrius repugnantes, tumultus multo majores in Gallia conciverunt.

Tam prosperum, tamque Sanctissimo Gratia vindici gloriosum rerum exitum dissimulavit ex instituto Launojus, ut illum excitorum dissidiorum invidia oneraret. At id perperam, & incassum. Nos ne sua callido dissimulatore fraus lucro cedat, universa ex ordine temporum sequentibus capitibus percredebimus Summorum Pontificum, Conciliorumque judicia; quæ certò constabit, integram penes Augustinum stetisse victoriam; ejusque doctrinam Gallorum censuris præcipitanter inustam, in Pontificum tandem oracula, in Synodorum Canones, in fidei regulam transiisse.

Interim dum hanc spartam exequimur, vel ex ipsa Augustini, inter tot eruditorum adversantium coitiones, in sentiendo constantia, planè colligimus, quàm optimo jure niteretur. Quamquàm enim esset is mortalium modestissimus, nec nisi ex multorum consilio, ubi dubium suberat, calculum poneret; ea tamen animi fiducia, traditam semel de divina gratia, & prædestinatione sententiam, novis scriptionibus confirmavit; ut Semipelagianorum nec numero, nec Sapientia, nec auctoritate moveretur. Quo ex capite, quantum Augustinianæ doctrinæ pondus accedat, intellexit, una cum Remigio Sanctissimo, doctissimoque Galliarum Antistite, Ecclesia Lugdunensis *Libro de tribus Epistolis* capite 55. Augustinus *nec tanta perturbacione, & per motione fidelium, ab intentione veracissimæ, & fidelissi-*

mæ Doctrinæ suæ frangi potuit, aut revocari. Sed magis eos, & Scriptis suis in quantum potuit admonuit, & instruxit, & orationibus apud Deum profusis fideliter adjurvit, ut intelligerent, & agnoscerent, quàm necessariò, & quàm salubriter, propter commendationem divinæ gratiæ, ejusdem prædestinationis veritas omninò & credenda, & prædicanda esset.

Unde verò tanta illa Gallicanorum Episcoporum Hipponensi initio repugnantium, & Semipelagianam factionem constantium turba, paucis edisseram: ne Augustinianæ Doctrinæ asperitati, ac novitati, (quamquàm hasilli prætexerent) culpam Launojus adscribat.

Theodosio juniore imperante, & Valentiniano III. Collega Imperii designato, extremum ævi cardinem premente jam Augustino, Pelagiani non pauci sacras Galliarum, ac præsertim Provinciæ sedes occupabant. Hos ad bonam frugem perducere tentarunt pientissimi Principes, Patroclo Metropolitæ Arelatensi dato mandato, ut illos, nisi resipiscerent, Provinciis Gallicanis expelleret; Armatio verò Præfecto Prætorio manus eidem dare jussu. Legitur etiamnum Editum Tom. 3. Conciliorum Labbæi pag. 543. in hæc verba: *Imperator Theodosius Augustus, & Valentinianus Cæsar, Armatio viro illustri Præfecto Prætorio Galliarum. Diversos verò Episcopos nefarium Pelagiani, & Cælestiani dogmatis errorem sequentes, per Patroclum sacrosanctæ Legis Anrîstitem præcipimus convenire. Quos quia confidimus emendari, nisi intra viginti dies ex conventionis tempore, intra quos deliberandi tribuimus facultatem, errata correxerint, ... Gallicanis Regionibus expelli, atque in eorum loco Sacerdotes fideles subrogari: quatenus præsentis erroris macula de populorum animis tergatur, & futuræ bonum disciplinæ justioris instituatur Data vij. Idus Julias, Aquilejæ, D. N. Theodosio Augusto XI. & Valentiniano Cæsare Consulibus.* Quod in annum æræ Christianæ 425. incidit, ante Massiliensium coitiones circiter quartum.

Qui pulsi Episcopi fuerint, quive ad meliorem frugem redierint, nulla prodit historia. Verùm, ut erat refractarium istud hominum genus, & summorum Pontificum Innocentii I., Zozimi, Bonifacii I. Synodorumque Africanarum judiciis stare hæctenus detrectaverant; Imperialium tandem legum timore perculsi, ne suis sedibus pellerentur, ita Pelagianam hæresim mitigarunt, ut in Semipelagianorum castra defluerent; satis sibi consultum arbitrati, & Imperatorum legibus obsecutum, si extremo repudiato errore, medium quid saperent, suisque discipulis instillarent. Hanc Christiano Lupo, viro de Republica literaria optimè merito debemus observationem: (*Opusc. postb. pag. 475.*) *Per Patroclum Arelatensem Episcopum, ac laudatam Valentiniæ legem, correcti in Gallia*

Epi-

Episcopi, reliquere discipulos eruditione, & pietate illustres : verum qui Pelagianis erroribus isa valedicerent, ut tamen in Sancti Augustini adversus illos scriptis quædam improbarent.

Quot tamen numerosæ factioni Hilarius, & Prosper momento temporis eripuerint, ex binis Aquitani Epistolis discimus, si mutuo conferantur. Priori quippè Augustino inscripta anno 429. qui penultimus mortalis ejus contubernii fuit, paucos admodum divinæ gratiæ defensores in Galliis extitisse denunciabat : *Nec facile quisquam, inquit, præter paucos perfectæ gratiæ intrepidus amator, tanto superiorum disputationibus ausus est contraire.* Altera verò Rufino viro amicissimo, aliquantò post destinata, (Augustino tamen etiamtum in vivis agente, quem *magnorum meritum senem* appellat) plurimos ejusdem S. Doctoris sectatores fuisse, atque in dies accessionem facere, commonebat : *In his ipsis locis, Properi verba sunt, in quibus adversus eum querimonia concitatur, esse propitio Deo plurimos, qui ad perceptionem Evangelicæ Apostolicæque Doctrinæ, saluberrimis ejus disputationibus imbuuntur : & quotidie in membris Corporis Christi, in quantum ea ipse multiplicat, dilatantur.* Tametsi, ut sum optima fide, inficari omnino nolim, plurimos illos divinæ gratiæ integerrimos defensores, oppugnantium comparatione, paucos censeri oportere ; aded Massiliensium factio primis illis initiis numero, & autoritate vincebat.

Quid acceptis discipulorum Epistolis, ad Massiliensium querelas repoluerit Augustinus, geminis de Prædestinatione Sanctorum, deque Perseverantiæ dono vulgaris libellis, Launojus in pauca retulit, ac brevi pagina sugillavit ; commentitiones carpens, errores veros obrudens, haud melior theologus, quàm historicus. (Pag. 51. 52. 53.) In quatuor Augustinianæ doctrinæ capita stylum exercet, non magno Argumentorum apparatu velitando, sed pro summa, quam sibi tribuit in Republica Literaria dictatura, censoria virga notando. Primum, quodd reprobos a Deo tandem deferi doceat Augustinus. Alterum, quodd lapsum hominem pristina libertate devolutum ostendat. Tertium, quodd Christum pro solis electis mortuum opinetur. Ultimum, quodd initium fidei, ipsamque in bono perseverantiam Dei donum esse, ex fufis omni retro ætate Ecclesiæ precibus, demonstrarit. Quis hanc Theologi Parisiensis censuram dixerit, ac non verius insipientis Theologastri, qui ne summis quidem labris sacræ doctrinæ principia degustarit? Ego quidem sic contra statuo : tertio demto capite, variis per sese sensibus obnoxio, sed apud Augustinum prorsus innocuo, cætera non modò nulli patere calumniæ, sed ne tuta quidem fide reprehendi a quoquam posse.

Quod etenim primum attinet : quamquàm Theologos inter, haud levis controversia vertatur, num Deus in præcedentium scelus pœnam,

nam, nonnullos tandem homines deferat, summa, ut ajunt, desertione, qua non actionis tantum, sed & *possibilitatis* auxilia subtrahat; aliquo tamen desertionis genere, a Deo deferi reprobos, Scriptura disertè testatur, ac sæpe numero. *Jeremias* 51. v. 9. *Curavimus Babylonem, & non est sanata, derelinquamus eam.* *Psalmo* 80. v. 13. *Et dimisi eos secundum desideria cordis eorum.* *Osae* 1. v. 6. *Non addam ultra misereri domui Israel, sed oblivione obliviscar eorum.* Ibidem capite 4. v. 6. *Oblita es legis Dei tui, obliviscar filiorum tuorum, & ego.* *Isaia* 5. v. 5. *Et nunc ostendam vobis, quid ego faciam vineæ meæ. Auferam sepem ejus, & erit in direptionem: diruam maceriam ejus, & erit in concucationem; & ponam eam desertam; non putabitur, & non sœdiatur; & ascendent vepres, & spinæ: & nubibus mandabo, ne pluant super eam imbrem.* *Ecclesiasticus* 7. v. 14. *Considera opera Dei, quod nemo possit corrigere, quem ille despexerit.* *Matthæi* 23. v. 38. *Ecce relinquitur domus vestra deserta, dico enim vobis, non me videbitis amodo.* *Joannis* 8. *Ego vado, quæretis me, & in peccato vestro moriemini.* Cum itaque reprobos a Deo deferi, simpliciter dixerit Augustinus, desertionis verò genus nequaquam expresserit; nihil aliud docuisse censendus est, quàm quod sacris Literis continetur. Et verò dum statuit Tridentina Synodus *Sessione* 6. de *Justificatione* capite 11. *Deum sua gratia semel justificatos non deferere, nisi prius ab eis deferatur*, an non istud alterum necessaria consecutione statuisset perhibetur, illos nimirum a Deo deferi, qui eundem priores deferuerint? Quovis tandem pacto desertionem illam exponere liceat.

Omnibus ergo cachinnis excipiendus Launojus, qui, ut istud fidei caput, ab Augustino positum impetat, eas Scripturæ phrasas ostendat, quibus Deus nullam personarum rationem habere dicitur, omnium ex æquo curam gerere, nominemque perire velle. Quis enim nesciat personarum delectum, cui vitium subest, Deoque idcirco indignum, non in gratuitis beneficiis contingere, qualis est gratiarum distributio, aut negatio, sed in debitis? Quis nesciat, æquam illam de omnibus curam, a Deo juxta Scripturæ fidem, haberi solitam, ad generalis duntaxat providentiæ beneficia pertinere, non ad gratuita specialis providentiæ, hoc est, prædestinationis bona, charismata, gratias, ac præsertim inestimabile finalis perseverantiæ donum, quod omnibus promiscuè commune, citra hæresis labem nemo dixerit? Quis nesciat generalem; quæ Deo insidet, salutis omnium voluntatem, nequaquam obesse, quominus speciali quodam titulo, fidelium, ac potissimum electorum Servator Christus Dominus asseratur? I. *ad Timotheum* 4. v. 10. *Qui est Salvator omnium hominum, maxime fidelium: ad quos nimirum uberi-*
riores

riores effusi sanguinis fructus pertingunt. (*Sess. 6. de Justificat. cap. 3.*) Qua de causa a Concilio Tridentino pronunciatum est, ita Christum pro omnibus esse mortuum, ut tamen non omnes beneficium mortis ejus recipiant.

Verum, quod addit hoc ipso in loco Launojus, Judam, tamen si in electorum numero esset, eorumque ordine censeretur, quos Pater filio dederat, æternum nihilominus periisse, non cachiinnis modò excipiendum venit, sed gravi erroris censura percellendum. Ut quid ergo, si perditionis filius, electorum tamen numero censebatur, Christus in Evangelio dixit, *Joannis 6. v. 39. Omne, quod dedit mihi (Pater) non perdam ex eo?* Et rursus *cap. 10. v. 28. Et non rapies eas (oves) quisquam de manu mea?* Nescivit scilicet Augustini ineptissimus osor, Judam ad Apostolatus quidem gratiam vocatum a Christo, at non electum ad gloriam: mortalis contubernii socium, ac verbi ministrum assumtum a Domino, non inter oves perpetuò regnaturas, æterna vocatione destinatum; qua sorte neminem excidere, fides docet. Hinc dilectus Apostolus *Epistola 1. cap. 2. v. 19. Ex nobis prodierunt, sed non erant ex nobis. Nam si fuissent ex nobis, permanissent usque nobiscum.* Paulus etiam, secundum electionem propositum Dei manere decernit, ad *Romanos 9. v. 11.* Imò Christus postremæ persecutionis acerbiter probaturus, hanc auxilium adhibuit *Matthæi 24. v. 24. Ita, ut in errorem inducantur, (si fieri potest) etiam electi.* Qua loquendi formula significavit, fieri omnino non posse, ut extremo errore electorum aliquis seducatur. Quod hac invicta ratione demonstravit postmodum Augustinus, *Lib. de Correptione, & gratia capite 7.* Horum si quisquam perit, fallitur Deus: sed nemo eorum perit, quia non fallitur Deus. Horum si quisquam perit, vitio humano vincitur Deus: sed nemo eorum perit, quia nulla re vincitur Deus.

Alterum Launojanæ in Augustinum censuræ caput, haud mitiori virga notandum est. Lapsus enim hominem pristina libertate devolutum esse, fidei dogma est, a Conciliis, ac Pontificibus definitum. Sic Innocentius I. *Epistola inter Augustinianas 181. ad Concilium Carthaginense: Liberum enim arbitrium olim ille perpeffus, dum suis inconsultis usitur bonis, cadens in prævaricationis profunda demersus est, & nihil quemadmodum exinde surgere posset, invenis, suaque in æternum libertate deceptus, hujus ruine jacuisset oppressus, nisi eum post Christi pro sua gratia relevasset adventus: qui per novæ regenerationis purificationem, omne præteritum vitium sui Baptismatis lavacro purgavit, & ejus firmans statum, quo rectius, stabiliusque procederet, tamen suam gratiam in posterum non negavit.* Cœlestinus I. seu quicquid alius,

in

in celeberrimis Capitulis, datæ ad Præsules Gallicanos Epistolæ adnexis, totius orbis veneratione consecratis : *In prævaricatione. Adæ omnes homines naturalem possibilitatem, & innocentiam perdidisse; & neminem de profundo illius ruina per liberum arbitrium posse conjungere, nisi cum gratia Dei miserantis erexerit* : (apud Labb. Tom. 3. pag. 473.) Concilium Arausicanum II. Cap. 1. *Si quis per offensam prævaricationis Adæ, non totum, idest, secundum corpus, & animam in deterius dicit hominem commutatum, sed animæ libertate illæsa durante, corpus tantummodò corruptioni credit obnoxium, Pelagii errore deceptus adversatur Scripturæ &c.* Et cap. 3. *Arbitrium voluntatis in primo homine infirmatum, nisi per gratiam Baptismi reparari non potest.* Et cap. 25. *Secundum supra scriptas sanctarum Scripturarum sententias, vel antiquiorum Patrum definitiones, hoc, Deo propitiante, & prædicare debemus, & credere; quod per peccatum primi hominis inclinatum, & attenuatum fuerit liberum arbitrium, ut &c.* (apud Labb. Tom. 5. pag. 809.) Ac demùm Concilium Tridentinum Sessione 6. de Justificatione capite 1. disertè pronunciat, liberum arbitrium in prævaricatione Adæ extinctum quidem non esse, viribus licet attenuatum, & inclinatum.

(Pag. 52.) Clamat Launojus, pristinam libertatem, ex Pontificum laudatorum, Conciliorumque sententia, Baptismi saltem regeneratione refarciri. At non advertit imprudens, duo primæva libertate contineri, immunitatem scilicet a peccato, & immunitatem a poenis. Priorem Baptismi regeneratione restitui, uti statuunt laudati Pontifices, & Sacra Concilia, ita propugnat ubique passim, ac data opera Augustinus, qui originale peccatum sacro lavacro prorsus abstergi decernit, ac docet. Alteram autem in ablutis ad agonem residuam, catholica cum Augustino profitetur Ecclesia; quæ secuta ex originali peccato altissima vulnera, proclivitatem nimium ad malum, ignorantiam veri, difficultatem recti, concupiscentiam perduellem in renatis agnoscit, ac luget; eaque de causâ jure medicinalis gratiæ præsidium renatis ipsis, ac justis necessarium profitetur, ut hæreditaria juvetur infirmitas (quæ Augustini doctrina est) utque cum omnibus suis erroribus, terroribus, & amoribus vincatur hic mundus. Ita Innocentius loco antè appellato : *Nam quamvis redemisset hominem a præteritis ille peccatis, tamen sciens iterum posse peccare, ad reparationem sibi, quemadmodum posset illum, & post ista corrigere, multa servavit : quotidiana præstat ille remedia, quibus nisi freti, consisque nitamur, nullatenus vincere humanos poterimus errores. Necesse est enim, ut quo auxiliante vincimus, eo iterum non adjuvante vincamur.* Cœlestinus Capitulis paulò ante laudatis : *Neminem etiam Baptismatis*
Prælect. P. Serry Tom. II. R r *gratia*

gratia renovatum, idoneum esse ad superandas diaboli insidias, & ad vincendas carnis concupiscentias, nisi per quosidianum adjutorium Dei perseverantiam bonæ conversationis acceperit. Concilium Arausicanum II. Cap. 10. Adjutorium Dei etiam renatis, ac sanctis semper est implorandum, ut ad finem bonum pervenire, vel in bono possint opere perdurare. Leo magnus Sermone 8. de Epiphania: Hæc sanctis causa est tremendi, atque metuendi; ne ipsis operibus pietatis elati, deserantur ope gratiæ, & remaneant in infirmitate naturæ. Synodus tandem Tridentina Sessione 5. de peccato originali Canone 5. Manere autem in baptizatis concupiscentiam, vel fomitem, hæc sancta Synodus fatetur, & sentit: quæ cum ad agonem relicta sit, nocere non consentientibus, & viriliter per Christi Jesu gratiam repugnantibus non valet Sed quia ex peccato est, & peccatum inclinatur. Si quis autem contrarium senserit: anathema sit.

(Pag. 52.) Viderit modò Launojus, num Ecclesiæ, ac speciatim Innocentii, & Cœlestini judicio damnatus ipse sit, qui hanc Augustini sententiam, ab illis ipsis Romanis Pontificibus damnatam effudit. Nihil quippe hic amissæ primæ libertatis nomine intellexit, quàm amicum primæ conditionis robur, residuamque in ipsis quoque renatis infirmitatem, potentioribus divinæ gratiæ præsidiiis adjuvandam. Hinc *Libro de Correptione, & gratia cap. 12. Nunc posteaquàm est illa magna peccati merito amissa libertas, etiam majoribus donis adjuvanda remansit infirmitas. Et Libro 1. ad Bonifacium capite 2. Quis autem nostrum dicat, quòd primi hominis peccato perierit liberum arbitrium de humano genere? Libertas quidem periit per peccatum, sed illa, quæ in paradiso fuit, habendi plenam cum immortalitate justitiam: propter quod natura humana divinâ indiget gratiâ.*

Tertium Launojanæ censuræ caput virum prodit, nedum in Augustiniana doctrina, verùm etiam divinis in Literis peregrinum prorsus & hospitem. An non enim electorum duntaxat salutem, certo quodam sensu, velle se innuit Christus Dominus, dum inquit, *Joannis 17. v. 9. Non pro mundo rogo, sed pro his, quos dedisti mihi?* Est enim oratio voluntatis interpret. Si ergo, quæ passim hoc de argumento literis prodidit Sanctissimus Doctor, mutuo contulisset, reconditiorem propositionis in invidiam traductæ sensum, nulli censuræ obnoxium agnovisset. Licet enim, ubi celebre Apostoli dictum, *Deus vult omnes homines salvos fieri, (1. ad Tim. 2. v. 4.)* de efficaci voluntate interpretatus est, de solis prædestinatis intelligendum definierit sæpè numero; ut nimirum Semipelagianos, universalis, & indiscrète gratiæ defensores, eo insigniter abusus oraculo, feliciter confutaret; illosque, quò se ultimo

modò

mò recipiebant vallo deiceret : ubi tamen de inefficaci (quam antecedentem , Damasceno duce , Scholæ nuncupant) sermo fuit , Christum pro universis hominibus , ac pro ipsis etiam reprobis , divina destinatione mortuum apertissime docuit . *Enarratione in Psalmum 95.* ea Prophetæ Regis verba expendens , *Judicabit orbem terræ in æquitate* , hanc exercendi in omnes judicii rationem subjungit : *Non partem judicabit , quia partem non emit . Totum judicare habet , quia pro toto pretium dedit . Enarratione 2. in Psalmum 68.* pro Juda traditore fufum Christi Sanguinem scribit : *Projecit pretium argenti , quo ab illo Dominus venditus erat , nec agnovit pretium , quo ipse a Domino redemptus erat .* Eundem pro Judæis incredulis fufum agnoscit , *Sermone 2. de Symboio ad Catechumenos capite 8.* ubi Servatorem in extremo judicio , perfidam gentem his verbis compellantem inducit : *Ecce hominem , quem crucifixistis , ecce Deum , & hominem , in quem credere nolulistis ... Agnoscitis latius , quod pupugistis : quoniam , & per vos , & propter vos apertum est , nec tamen intrare volulistis .* Libro 6. contra Julianum capite 4. pro iis omnibus mortem a Christo appetitam insinuat , qui in Adam mortui fuerant . Expendens namque illud Apostolicum , *Si unus pro omnibus mortuus est , ergo omnes mortui sunt* , ita virum Pelagianum exagitat : *Ex hoc probaverit Apostolus , omnes mortuos esse , quia pro omnibus mortuus est unus . Impingo , inculco , infercio recusanti : accipe , salubre est , nolo moriari .* Unus pro omnibus mortuus est , ergo omnes mortui sunt . *Vide quia consequens esse voluit , ut intelligantur omnes mortui , si pro omnibus mortuus est .* Alia id genus fermè sexcenta Sanctissimi Præfulis testimonia congerere , haud esset operosum , si in has divina gratia controversias vellemus ingredi . Pauca hæc comprimendæ Launoji dicacitati abundè sufficiunt .

Ultimum tandem , quod attinet censuræ caput , si eo referatur , ut erroris , ac novitatis inculsetur Augustinus , quòd initium fidei , ac ipsam in finem usque perseverantiam singulari gratiæ tribuerit , hæresim præ se fert patentissimam , ab Cælestino I. & Bonifacio II. a Conciliis Arausicano , Valentino , Tridentino in Semipelagianis distinctè damnatam : si verò ed collimet unicè , ut Augustini argumentum , ex publicis Ecclesiæ precibus petitum , quo istud fidei caput contra Massilienses adstruebat , cavilletur ; audacem tricandi libidinem prodit . Quorsum enim , amabò , Ecclesiæ fidem ex ejusdem precibus minimè colligamus ? An non legem credendi statuit lex supplicandi ? An non stultum orare , ut facias , quod in tua positum est potestate ? Censuram ergo distringat audacissimus Aristarchus , in Carthaginensis Synodi Patres , hoc idem ex Ecclesiæ precibus delibatum argumentum usurpantes , in sua ad Inno-

Rr ij cen-

centium I. Epistola 175. Si enim hæc possibilitate natura, & arbitrio voluntatis, in potestate sunt constituta; quis non ea videat a Domino inaniter peti, & fallaciter orari, cum orando poscuntur, quæ natura nostræ jam ita conditæ sufficientibus viribus obinentur? Distringat in Innocentium I. eodem momento ulum, dato Rescripto ad Carthaginensis Synodi Patres, inter Augustinianas Epistolas 181. Adjutorio quotidiano nos egere negare non possumus. Hoc enim, seu bene vivimus, provocamus, ut melius sanctiusque vivamus. Distringat in Cœlestinum, cui adnexa Epistolæ Decretali Capitula sæpius adjudicat. Hæc enim octavo Capitulo continentur: Cùm sanctarum plebium Præsules mandata sibi met legatione fungantur, apud divinam clementiam humani generis agunt causam, & tota secum Ecclesia congemiscente, postulant, & precantur, ut infidelibus donetur fides, ut idololatræ ab impietatis suæ liberentur erroribus, ut Judæis ablato cordis velamine lux veritatis appareat, ut hæretici Catholicæ fidei perceptione resipiscant, ut Schismatici spiritum redivivæ charitatis accipiant, ut lapsis pœnitentiæ remedium conferatur, ut denique Cathæcumenis ad regenerationis Sacramenta perductis, cœlestis misericordiæ aula referetur. Hæc autem non perfunctoriè, neque inaniter a Domino peti, rerum ipsarum monstrat effectus: quandoquidem ex omni errorum genere plurimos Deus dignatur attrahere, quos erutos de potestate tenebrarum, transferat in regnum filii charitatis suæ, & ex vasis iræ faciat vasa misericordiæ. Quod adeo totum Divini operis esse sentitur, ut hæc efficiendi Deo, gratiarum semper actio, laudisque confessio, pro illuminatione salium, vel correctione referatur (apud Labb. Tom. 3. pag. 475.) Nempe Gratia vindicem imitatus Cœlestinus, totum divini muneris esse colligit, quia totum Ecclesia Catholica publicis supplicationibus precatur a Deo.

Sed censuræ ineptissimæ extremam manum imponit Epilogus, dignum patella operculum. Audite viri Theologi, atque hinc de Augustini sententiâ judicium ferre discite (Pag. 52. & in Prolus. P. 2.) Satis superque significat Augustinus, minus sibi de hujusce sententiæ veritate certum esse: quippe, qui ab ea se recessurum spondet, si ad examen vocata falsi convincatur. Quem Augustini locum in oculis censor habuerit, dum hæc scriberet, haud satis perspectum habeo: nullum enim pro more suo notat in margine; nullaque distincta sanctissimi Præsulis verba ponit. Ad caput 21. Libri de Dono perseverantiæ fortasse censuram refert, ubi hæc obiter habet humillimus Pater: Neminem velim sic amplecti verba mea, ut me sequatur, nisi in iis, in quibus me non errasse perspexerit. Verùm id, non de eo, quod expendimus in præsentia dogmate, singulariter dictum est, tanquam certa ipsi ea de re senten-

tia non esset : sed generatim de quibuscumque dogmatibus , quorum recognitionem tunc temporis adornabat. Unde subiungit evangelio : *Nam propterea nunc facio Libros, in quibus Opuscula mea retrahenda suscepi, ut nec me ipsum in omnibus me secutum fuisse demonstrem; sed proficienter me existimo Deo miserante scripsisse, non tamen a perfectione cœpisse.* Cæterum Augustinum gratuitæ prædestinationis dogma , cuius occasione tot illi turbas Massilienses exciverant , inter indubitata , certissimaque fidei dogmata reposuisse , nemo negabit , qui extremas ejusdem lucubrationes lectionarit . Libro de *Correptione, & gratia capite 1.* Hanc fidem , quæ sine dubio vera , & Prophetica , & Apostolica , & Catholica fides est , quam in fratre nostro Floro invenisse me gaudeo &c. Libro de *Dono perseverantiæ capite 19.* Hoc scio , neminem contra istam prædestinationem , quam secundum Scripturas sanctas defendimus , nisi errando disputare potuisse . Capite 20. Hæc est prædestinatio manifesta , & certa Sanctorum ; quam postea diligentius , & operosius , cum jam contra Pelagianos disputarem , defendere necessitas compulsi . Et capite 23. Prædestinationis hujus fidem , quæ contra novos hæreticos nova sollicitudine nunc defenditur , numquam Ecclesia Christi non habuit . Libro verd de *Prædestinatione Sanctorum cap.4.* Ecce quare dixi superius , hoc Apostolico præcipue testimonio etiam me ipsum fuisse convictum : cum de hac re aliter saperem . Viden quàm certò , firmiterque ea Augustino sententia infideret ? (*Pag. 53.*) Num autem hujus inventor extiterit , quod illi Launojus exprobrat , non est hujus instituti , & otii disputare . Ea de re postremis capitibus sermo erit .

Notare hic satis fuerit , Audacissimum Aristarchum , iniquiorem multò in Augustinum simul , & Prosperum virgam exercuisse , dum hujus ad Rufinum Epistolam ad crism exegit . Hunc etenim in Magistri sui defensionem perperam ingressum , susceptoque munere pessimè functum obtendit , quòd ille a gemino errore purgari non possit : (*Pag. 59. & seq.*) priori quidem , de sublato , ut ait , voluntatis arbitrio , dum necessitatem in lapsò homine posuit , & bene agendi cum gratia , & male agendi sine gratia ; *factamque de libertate necessitatem* apertissimis verbis asseruit : altero , de immoto æternæ prædestinationis decreto , dum alios ita electos ad vitam , alios in perditionis massa ita relictos propugnavit , ut definitam sortem nemo unquam eludat . Verùm quod primum attinet , si eæ loquendi formulæ Sanctissimo Doctori familiares , de quibus jam aliqua diximus capite 2. ad quintam , & sextam Propositionem tertii indiculi , ab errore vindicari non possunt , nec in rectam sententiam accipi ; eodem laborabunt vitio Pontifices , Synodique ; queis Sanctissimi Doctoris sensum , iisdem ipsis , ac etiam durio-

durioribus in speciem verbis, reddere libuit. Innocentius I. in Rescripto ad Carthaginensis Synodi Patres: *Necesse est, ut quo auxiliante vincimus, eo iterum non adjuvante vincamur*: & reliqua, quæ paulò supra laudata sunt. Gelasius in *Epistola ad Episcopos per Picenum constitutos*: *Homo liberum arbitrium corripit, fœdavit, ac perdidit*. Concilium Arausicanum contra Pelagianorum reliquias celebratum Canone 13. *Arbitrium voluntatis in primo homine infirmatum, nisi per gratiam Baptismi, non potest reparari: quod amissum, nisi a quo potuit dari, non potest reddi*. Et Canone 22. *Nemo habet de suo, nisi mendacium, & peccatum* (apud Labb. Tom. 5. pag. 809.) Quod alteram criminationis partem attinet, Semipelagianum Centorem verius olet, quam Theologum Parisiensem, Catholicæ quippe fidei dogma a dilecto Discipulo, a Gentium Apostolo, a Christo ipso, locis, & paulò ante, & capite 2. (*Prop. 6. Indic. 1.*) laudatis, disertissimè traditum, erroris nota innuit, in verum, ac spissum errorem prolapsus ipse. Adeo triciandi libido hominem audacissimum in transversum egit.

Cætera inconditæ reprehensionis capita missa facio: seu quòd aliis hujus nostræ lucubrationis partibus confutata sint, seu quòd cachinnis potiùs, quàm seria animadversione digna videantur. Unum furdæ aure præterire non possum, quo Prosperum Sanctitatis gloria non minùs, quàm eruditionis laude clarissimum ridet, ac ceu falsum Prophetam ludibrio vertit, quòd hanc Rufino suo, ad calcem Epistolæ, spem bonam fecerit: *Confido ego in virtute misericordiæ Dei, quoniam hæc contradictio* (quam scilicet Augustini Doctrina in Galliis patiebatur) *sicut in aliis mundi partibus, ita & in his regionibus conquiescet: ut prædicatio summi hoc tempore in Ecclesia viri, etiam ab his, a quibus ad præsens repellitur, adjuvetur*. Non Prosperus Propheta malus, qui quod re ipsa tandem evenit, certò pervidit, sed Launojus derisor pessimus; qui rerum exitum, aut lupina nimis ignorantia nescivit, aut dolosa nimis calliditate dissimulavit. Gravi enim, ac diuturnæ contentioni, quæ Gallos Episcopos centum, & ampliùs annos exercuit, finem tandem attulit Ecclesia ipsa Gallicana, in Conciliis Arausicano, & Valentino congregata: totam de gratia, & libero arbitrio controversiam, ex Sancti Augustini sententia composuit; ejusque doctrinam, cui hætenus contradictum erat, editis Canonibus consecravit, uti plenius Capite 13. demonstrabimus.

CAPUT OCTAVUM.

*Launojana fabella, de turbis in Africa, & Italia excitatis,
Augustinianæ doctrinæ occasione, statim a Sancti
Doctōris obitu, depellitur, confutatur.*



Ergit coepto Launojus : utque Augustinum recens ad superos vocatum constanti invidia oneret, novos ab ejus Discipulis motus in Africa concitatos comminiscitur. Fabulatorem audire præstat, (Pag. 64.) commenta sua temere venditantem, capite 6. commentitiae Traditionis : Sublato e vivis Augustino, antequam doctrinam suam Afrorum animis alitè inseruisset, supremam operi manum admoveere tentarunt additi discipuli. Magistri ergo doctrinam in Africam inducere conati sunt ; quod illam, ut credere par est, veram, certamque opinarentur. Verùm Pelagiani, quibus perspectum erat, eam nibilo sua meliorem esse sanioeremque, intercessere pro viribus : palamque denunciantur, illos a vera Ecclesiæ Doctrina procul abire &c. (Pag. 65. 66.) Tot illas criminationes, infamanda Augustiniana Doctrinæ paves ut eluderent sublatis paulo ante Magistri Discipuli, ejusdem elucidationem adornarunt, Libro Hypognoſticon evulgato ; quo nedum Magistri doctrinam, quantum in illis fuit, purgare tentarunt, sed partis etiam adversa dogmata, ut par pari redderent, oppugnarunt, &c.

Gratias Launojo maximas. Augustini salva res est : quandoquidem si quos doctrina ejus in Africa motus excitavit, non alios nisi Pelagianos passa est adversarios. Bonum omen. At in hoc turpissime falsus est Traditionis investigator, quod statim ab Augustini obitu excitos in Africa motus dicitur, gratuita prædestinationis, & gratiæ se ipsa efficacis occasione, quæ Gallos, ac potissimum Massilienses adeo male torserant : eoque rerum concursu ad ea tutanda dogmata, Libros Hypognoſticon elaboratos effutiat. Si quæ enim tunc temporis in Africa datæ turbæ, ex non istarum, de quibus hic agitur, Quæſtionum, sed puri, putique Pelagianismi occasione emerere : dum Julianus, Florus, Orontius, alique Episcopi Pelagiani, ex recenti Augustini obitu audaciores, Nestorio novum, atque affine dogma de Christo docenti, suppetias tulere ; nec modo Africam, sed totum pene Orientem commoverunt : quibus sedandis turbinibus Ephesina Synodus indicta est. Neque verò

verò unctum hinc caput extalere Pelagiani, (quos Augustini discipulis Launojus opponit, & Ecclesiasticæ, quod magis detestere, Traditionis testes obtrudit) sed communi cum Nestorianis sententia inusti sunt. Etenim statim atque Legati Apostolicæ Sedis, venerandis Synodi Patribus retulere, quæ Romæ contra Pelagianos decreta essent, uno ore in illos lata sententia est, ut ex ipsa Synodi ad Cælestinum *Epistola* perspicuum est : Porro autem *perleſtis in sancta synodo commentariis actorum in depositione impiorum Pelagianorum, & Cælestianorum, Cælestii, Pelagii, Juliani, Persidii, Flori, Marcellini, Orensii, & eadem cum illis sententiarum, quæ a pietate sua de ipsis decreta, & constituta sunt, iudicavimus, & nos ea solida, firmaque permanere debere, & idem omnes tecum statuimus, eos pro depositis habentes.* (apud Labb. Tom. 3. pag. 1195.)

Libri autem Hypognosticon, nec Augustino paulò ante sublato, nec gratuitæ prædestinationis, gratiæque victricis vindicandæ causâ, nec a fido Augustini discipulo sunt adornati. Enim vero, quo tempore lucem aspexerint, non una eruditorum circumfertur opinio, nemo tamen accedit Launojo. Hos anno circiter 419. ante Augustini obitum undecimo, a Sixto Ecclesiæ Romanæ Presbytero editos conjicit Garnerius, eruditus Marii Mercatoris Interpres; quo necdum tempore datæ erant in Galliis turbæ. Imo ante annum 418. a Mario ipso Mercatore adornatos opinatur Dupinius, in notis ad Tomum 10. Operum Sancti Augustini, sexto, ut minimùm, vertente sæculo, elaboratos alii volunt, sopitis jam sedatisque Galliæ turbis; quod ex Gennadii, aliorumque Sæculi 5. Scriptorum silentio colligunt. Quocumque porro res cadat, Launojus fœdi anachronismi revincitur, qui eos Galliæ barbarum occasione, & sublato paucis ante diebus Augustino, editos comminiscitur. Eisdem adversus purum, purumque Pelagianismum elaboratos, res ipsa clamat. In quinque enim Quæstionibus eventilandis, quæ integræ stabat hæresis Pelagiana, totus est Auctor. 1. *Adam sive peccasset, sive non peccasset, moriturum fuisse.* 2. *Peccatum Adæ neminem nocuisse, nisi solum ipsum.* 3. *Posse hominem per liberum arbitrium, tanquam per se sibi sufficientem, implere, quod velit; vel etiam meritis operum a Deo Gratiam unicuique dari.* 4. *Libidinem naturale in homine esse bonum, nec in ea esse, quod pudeat.* 5. *Parvulos non trahere originale peccatum, neque perituros a vita æterna, si sine Sacramento Baptismi, ex hac vita migraverint.* Tantùmque abest, ut vindicandæ gratuitæ prædestinationis studio, stylum acuerit, (quod Launoij somnium est) ut eam potius impugnarit Libro 6. capite 2. ubi illam ex operum prævisione suspendit. *Prædestinatio, inquit ille, a prævidendo, &* præ-

præveniendū, vel præordinandū futurum aliquid, dicitur : & idē Deus, cui præscientia non accidens est, sed essentia, fuit semper & est; quidquid antequam sit, præscit, & prædestinat : & propterea prædestinat, quia quale futurum sit, præscit. Ideo, & Apostolus : nam, quos præscivit, inquit, & prædestinavit. Sed non omne, quod præscit, prædestinat; mala enim tantum præscit, bona verò, & præscit, & prædestinat. Quod ergo bonum est, præscientia prædestinat, id est, priusquam sit in re, præordinat Quia verò iustus, & misericors Deus, præsciensque est futurorum, ex hac damnabili massa non personarum acceptione, sed iudicio æquitatis sue irreprehensibili, imo incomprehensibili, quos misericordia gratuita præscit, præparat, id est, prædestinat ad æternam vitam : ceteros autem pœna, ut prædixi, debita punit; quos ideo punit, quia quid essent futuri, præscivit, non tamen ipse fecit puniendos, vel prædestinavit, sed tantum, ut dixi, in damnabili massa præscivit. Quare sanctissimi Præfules, iidemque Augustinianæ doctrinæ studiosissimi, Remigius Lugdunensis *Libro de tenenda Scripturæ veritate cap. 9.* & Prudentius Tricassinus *Libro de Prædestinatione capite 14.* Libros Hypognosticon, *Augustini sensibus*, imò *Catholicæ sinceritati* manifestissimè adversos pronunciarunt; Hincmarumque Remensium Archiepiscopum, quod ejus, ad dirimendas gratiæ controversias, authoritatem niteretur, durius exceperunt.

Sed tædet, pigetque in tam supinis aberrationibus castigandis operam ludere. Quare relicta Africa, Launoji vestigia prementes, & calcem calce terentes Italiam remeamus: ut, quas illic Augustinianæ doctrinæ occasione excitas turbas observat, instructa in molitores quæstione, diligentius expendamus. (*Pag. 71. 72.*) Excitorum itaque in Italia turbinum testes producit fervidus Actor, nonnullos Presbyteros Genuenses, ex *Libro de Prædestinatione Sanctorum* scandalum passos: qui doctrinæ, ut ait, novitate commoti, Prosperum transmissis excerptis convenere, ut, quas patiebantur difficultates, eximeret. Harum potissimam in eo positam notat Launojus, quod prædestinationem bonorum operum præscientiæ innixam docuisset quondam aliàs Augustinus: cui, ut satisfaceret Prosper, id reposuerit unum, Doctorem Sanctissimum nova revelatione perfusum, pristinum errorem deposuisse. Quod ille, pro sua in utrumque pietate, ac religione, cachinnis excipit, & augendis rixis, ac motibus aptissimum dicit.

Fidem tuam, Launoi. Ergo quia unus, & alter (vix enim numerum faciunt tui illi Presbyteri Genuenses, Theodorus, & Camillus) quas in intelligenda Augustini sententia difficultates patiebantur, simpliciter narrant; seque ab eruditissimo tanti Doctoris Interprete doceri, humillimè postulant, exciti tota Italia, turbines dici possunt? Nihil quippè illi, de excitis

Genus motibus significant, datis excerptis; nihil obijciunt in oppositum; nullam inductæ novitatis (quæ Launoji calumnia est) dicam affricant: (*Prosp. in Prol. Resp.*) sed nuda doctrinæ capita, quæ minùs intelligentia assequerantur, explicanda transmittunt; quodd plus Prospero, quàm sibi, *ad hæc introspectienda esse ingenii*, certò sciant.

Aquitani autem Responsum, de pristino Augustini errore, sub Episcopatus initium tandem deposito, quisquis ridet, ridendus; & ipse est. Ecquid enim tam rationi consentaneum, quàm extremam doctoris sententiam, diuturno, ac pertinaci studio quæsitam, quotidiana cum hæreticis conflictatione probatam, animoque tandem imbibitam, pristinis, subitisque præjudiciis antepondere? Quid ea doctissimi Aquitani ratiocinatione sapientius, quidve firmitus? *Nec justa, nec rationabilis intelligitur eorum fuisse persuasio, quia hujus viri scientiam tot incrementorum profectibus ædificatam, tot annorum studiis expolitam, ad adolescentiæ rudimenta revocabant, ut magis suffragaretur hæreticis, quod inter initia conversionis sue imperitè senserat, quàm prodesset Catholicis, quod Pontificali diligentia veritas revelarat: merito illos hoc præjudicio utentes, & in his, quæ dudum abdicata fuerant immorantes, pii Doctoris gravitas notat; quod, qui curaverunt omnes sensus ipsius indagare, noluerint cum ejus eruditione proficere.* Certè si quos primùm errores profectus fuerat Augustinus, posterioribus sententiis, maturo licet studio imbibitis, anteponendos Launojus existimat; Manichæam hæresim Sancti Doctoris suffragio confirmabit: huic etenim luto hæserat primùm.

Neque verò, dum revelatum Magistro suo, cum primùm sacras infulas induit, gratuitæ ad fidem vocationis dogma significat Divus Prosper, privatam revelationem, per visiones, & insomnia factam intelligit, quales oscitantibus, ac etiam dormitantibus fiunt, erroribus plus nimis obnoxia: sed factæ divinis in literis revelationis notitiam, novo studio, & accuratiori meditatione comparatam, Deo patre luminum abundantius aspirante: quo sensu ab Apostolo scriptum legimus, *ad Philipenses 3. v. 15. Si quid aliter sapitis, & hoc vobis Deus revelabit.* Hoc autem revelationis genus ridere, cachinnis excipere, & in statuendis fidei dogmatibus periculosum vocitare, insolentissimæ dementiæ est. *Pontificali diligentia*, inquit Prosper, non oscitantæ, *veritas revelarat.* Augustinus autem *Libro de Prædestinatione Sanctorum capite 4.* Hoc Apostolico præcipuè testimonio (quid habes quod non accepisti?) *etiam me ipsum fuisse convictum, cum de hac re aliter saperem, quàm mihi Deus, in hac Quæstione solvenda, cum ad Episcopum Simplicianum, sicut dixi, scriberem, revelavit.* Et *Libro de Dono perse-*

severantia capite 20. Hæc est prædestinatio manifesta, & certa Sanctorum; quam postea diligentius, & operiosius, cum jam contra Pelagianos disputarem, defendere necessitas compulit. Didicimus enim singulas quasque hæreses, inulisse Ecclesie proprias questiones, contra quas diligentius defenderetur Scriptura Divina, quàm si nulla talis necessitas cogeret. Quid autem coegit loca Scripturarum, quibus prædestinatio commendata est, copiosius, & enucleatius isto nostro labore defendi, nisi quod Pelagiani dicunt, gratiam Dei secundum merita nostra dari: quod quid est aliud, quàm gratia omnino negatio? En factam Augustino revelationem, seu verius datum à Deo revelationis sacris in Literis factæ notitiam; non inerti, non dormitanti, ut inulso derisorio visum est, sed sacros codices diligentius meditati: eo potissimum aspirante numine, à quo est omne datum optimum, & omne donum perfectum. Jacobi i. v. 17.

Pertinaci divinarum Literarum studio, consultationem addidit Sanctissimus Præsul, cujus nobis fidem locupletissimam facit Aquitanus Discipulus ad Excerpta Genuensium, Magistrum tritzæ, ac futili criminationi respondentem inducens: Se antequam cognosceret gratiæ veritatem, & antequam regendæ præponeretur Ecclesiæ, in hac opinione ignoranter errasse: sed in ipso Episcopatus sui exordio, à sanctæ memoriæ Simpliciano Mediolanensi Antistite, de Jacob electione, & de Esau rejectione consultum, totam questionem ad hos geminos pertinentem, sagaciorè diligentia ventilasse; & omnibus ratiocinandi viribus hoc indubitanter agnovisse, quod electionem gratiæ nulla merita humana præcedant; & quod fides, unde incipiunt omnia merita, donum Dei sit: ne gratia non sit gratia, si aliquid eam, propter quod retribuatur, anteverit. Qua quidem agendi ratione compertum est, nihil ab Augustino prætermisum, quò ignoratam hæcenus veritatem assequeretur.

Cæterum Launorum nedum inficetum derisorem habemus, sed violatæ Catholicæ fidei reum deprehendimus, Summorum Pontificum, Sacrorumque Conciliorum definitionibus prædamanatum. Res patet ipsa per se se. Augustinus enim sub ipsum conversionis initium, gratuitam prædestinationem, non ad gloriam modò, verum etiam ad initium fidei pernegabat: ipsamque Evangelicæ prædicationi consensionem, (qui Semipelagianus error est) naturæ viribus, & conatibus adscribebat: Neque enim fidem, ait ille Libro de Prædestinatione Sanctorum cap. 3. putabam Dei gratiâ præveniri, ut per illam nobis daretur, quod posceremus utiliter; nisi quia credere non possemus, si non præcederet præconium veritatis. Ut autem prædicato nobis Evangelio consensiremus, nostrum esse proprium, & nobis ex nobis esse arbitrabar. Quem meum errorem nonnulla opuscula mea satis indicant, ante Episcopatum meum scripta.

Sf ij modum

modum Ecclesiæ regimini admotus, novaque luce perfusus, totum divinæ gratiæ tribuendum agnovit, fidemque Dei donum esse constantissimè propugnavit. Semipelagianorum igitur errorem probare convincitur, qui summo gratiæ vindici mutatam tandem sententiam exprobrat, & neglectæ tunc demùm Ecclesiasticæ Traditionis inculcat. Quis porro Theologum Parisiensem, Romanorum Pontificum, Conciliorumque Decreta aut ignorasse, aut contempsisse, non miretur; queis hæc ipsa Augustini sententia extremis operibus vindicata, fidei regulis inscripta est; prior verò ante Episcopatum asserta, censuris inusta? Quis commentitiæ Traditionem ad arbitrium, ac præposterè consarcinatam, explicatissimis Felicis IV. & Bonifaci II. Rescriptis, Conciliorumque Arausicani, Valentini, ac Tridentini Canonibus anteponi non ægre ferat? Equidem Massilienses vènia digni censebantur, quod ea ætate temporum, initia vocationis, & fidei, conatibus voluntatis adscriberent, qua necdàm Augustini sententia in rem definitam abjerat. At exculationem Launoji audacia non habet, qui lato ab annis ferme mille ducentis extremo Ecclesiæ judicio, prædamnatum errorem, fictitiæ Traditionis obtentu, in scenam inducit, veteresque in Augustinum criminationes nobis occentat.



CAPUT NONUM.

Cælestini I. Rescriptum ad Gallos Episcopos, a Prospero, & Hilario, ad Augustinianæ doctrinæ commendationem, impetratum anno 432. a Launoji technis defenditur.



Eleberrimum ad Gallos Episcopos Cælestini I. Rescriptum, quo nullum ad Augustinianæ doctrinæ commendationem illustrius, suis, ut artibus, & officiis Launojus elidat, Prosperum, & Hilarium, qui ejus scribendi transmittendique auctores accefferant, putidis calumniis onerat; fabulasque fabulis nectit, teste nullo, auctore nullo, sed omnia fabricatus ingenio.

(Pag. 74. & seq. & in Probus. P. 3.) Sanctissimos, doctissimosque Augustini Discipulos, eluendis de violata fide Massiliensium criminationibus impares, ac de impendente doctrinæ suæ damnatione sibi metuentes, arrepto Romam itinere, Pontificis animum occupasse, non solum inaudita audacia comminiscitur; verum etiam distincta illis in ore verba ponit, quæ Pontifici maximo fecerint, dum suam, ac Magistri paulò antè è vivis erepti causam orarunt: *Nempe, si penes illum fides est, Sanctitati suæ significarunt, perperam Augustinum a nonnullis, tanquam veritatis, ac fidei limites prætergressum traduci, cum is nusquam hæreticus audisset, aut erroris suspicionem aspersus esset; sed in Catholicorum Magistrorum numero semper habitus. Subjunxere, illum profundiores, difficilioreque Questiones, quarum occasione erroris accusabatur, eo duntaxat consilio latius pertractasse, ut hæreticis felicius obsisteret. Laudes, quibus Romani Pontifices Augustinum ornaverant, in memoriam revocarunt. Sicque vindicato Magistro, Cælestinum supplicibus verbis orarunt, ut amulis obsecratoribus, erroris illi notam inurentibus, silentium indiceres. Qua orandi calliditate effectum ait, ut omnia pro voto inpertravit.*

Quis Launojum sacro folio, dum suam Hilarius, & Prosper causam agerent, propius adstitutum non crederet, ut distincta supplicum verba exciperet, scriberetque tabellis? At infalsa, ineptaque fallacia illa fuit, ut quæ, dato ad Gallos Episcopos Cælestini Rescripto, continetur Augustinianæ doctrinæ commendatio, non tam summo Ecclesiæ Hierarchæ, quàm instigantibus discipulis tribuatur. Ecquis, quæso, ita se se cucurbitam dabit, ut putet Pontificem juris, & æqui tenacissimum, non suos, sed supplicum sensus

lato decreto inseruisse, sententiamque partis dissidentis ore pronunciasse? Quæ enim Prospero, & Hilario, Magistri causam orantibus verba Launoyus affingit, totum penè Cœlestini I. iudicium conflant. *Augustinum* (inquit ille dato rescripto) *sancta recordationis virum, pro vita sua, atque meritis, in nostra communione semper habuimus, nec unquam hunc sinistrae suspicionis saltem rumor aspersit, quem tanta scientia olim fuisse meminimus, ut inter Magistros optimos etiam ante a meis decessoribus haberetur.* Bene ergo de eo omnes in commune senserunt; utpote qui ubique cunctis, & amori fuerit, & honori. Unde resistatur talibus, quos malè crescere videmus. Nefas est hæc pati religiosas animas, quarum afflictione, quia membra nostra sunt, nos quoque convenit macerari: quantumvis maneat hos beatitudo promissa, quicumque probantur persecutionem propter iustitiam sustinere. Quibus quid promittat Dominus futurum, sequens sermo declarat. Non est agendum causa solorum (nimirum Prosperi, & Hilarii) quando universalis Ecclesia quacumque novitate pulsatur. Intelligamus hæc ipsa vobis, quæ nobis non placent, displicere. Quod ita demum probare poterimus, si imposito improbis silentio, de tali re in posterum querela cessaveris. Tum in subiectis capitulis, quæ Cœlestini pariter esse Launoyus existimat. Nonnulli, qui Catholico nomine gloriantur, in damnatis hæreticorum sensibus, seu pravitatē, seu imperitia demorantes, piissimis Disputatoribus obviare præsumunt; & cum Pelagium, atque Cœlestium anathematizare non dubitent, Magistris tamen nostris, (Augustino nimirum, & suis) tanquam necessarium modum exceßerint, obloquuntur Profundiores verd, difficilioreſque partes incurrentium questionum, quas latius pertraherunt, qui hæreticis resisterunt, sicut non audemus contemnere, ita non necesse habemus adstruere.

Alio ex capite Launoyum duo miscntem in mendacio tenemus. Cœlestinus enim, quæ ex Prosperi, & Hilarii narratione noverat, Massiliensium scilicet errores, querelas, ac motus, ab iis apertè distinguit, quæ ex propria sententia, certoque iudicio, de Augustini doctrina pronunciat. Illa ex Oratorum duntaxat expostulatione se didicisse, disertè significat: *Filii nostri, inquit, præſentes Prosper, & Hilarius, quorum circa Deum nostrum sollicitudo laudanda est, tantum nescio quibus Presbyteris illic licere, qui dissensionis Ecclesiarum studeant, sunt apud nos profecuri, ut indisciplinatas quæſiones vocantes in medium, pertinaciter eos DICANT prædicare adversantia veritati &c. Desinat, SI ITA RES SUNT, incessere novitas vetustatem, desinat Ecclesiarum quietem inquietudo turbare.* Ista verd, ex certa, propriaque notitia; ut laudata paulò suprà verba demonstrant: *Semper habuimus &c.*

Tanta

Tanta scientia olim fuisse meminimus &c. Ac re ipsa quidem Augustinum viventem noverat Cœlestinus, atque in paucis charum habuerat : fueratque inter eos literarum commercium, etiam quo ex tempore in sacrarum rerum fastigio locatus est ; ut ex 18. 192. & 209. Augustini *Epistolis* notum est. Non ergo Prosperi, & Hilarii denunciationibus opus erat illi, ut de amicissimi quondam Antistitis doctrina iudicium ferret, æmulosque obtrectatores æterno silentio damnet.

Videndum amodo, an (quod toties Launojus ingerit) Cœlestinus nihil de geminis illis Augustinianæ doctrinæ capitibus, illorumque confectariis pronunciarit, quæ novitatis, & erroris ab Semipelagianis notabantur : numvè ea doctrinæ capita, *profundiorum, difficiliorumque Questionum* nomine censeantur, quas uti contemnere non est ausus Romanæ Ecclesiæ Pontifex, ita necesse non habuit adstruere. Quamquam si quod lubet, libetque daremus ex abundanti, ingentis audaciæ reus haberetur proacacissimus scriptor ; qui, quæ Romæ Pontifex contemnere non est ausus, erroris petulantè infimulat. Quandoquidem autem istud Argumenti genus in nostra Divinorum Auxiliorum Historia, fusiùs pertractavimus, aliorum scriptorum occasione, qui ea Cœlestini Epistolæ clausula pariter abutuntur ; pauca inde delibabimus, ac præsentì accommodabimus instituto.

Imprudenter in primis aleam jacit Traditionis investigator, qui & re prorsus incerta, certum, invictumque in Augustinum argumentum exerere sibi putat. Eam quippè Capitulum clausulam, *de profundioribus, difficilioribusque questionibus*, uti, & ipsa Capitula, Cœlestini re ipsa non esse, contendit Criticæ scientiæ peritorum bona pars, eaque citrà ullius injuriam, nobilissima : Baronius ad Annum 431. in *Annalibus*, eruditissimus bonæ memoriæ Cardinalis Henricus de Noris in *Vindiciis cap. 7.* Laurentius Surius in *Historia Sacra*, Gorardus Vossius *Libro 1. Historiæ Pelagianæ cap. 30.* geminæ Conciliorum Editionis Colonienfis, atque Sixtinæ Curatores, Pascasius Quesnellus in *Notis criticis ad Opera Leonis magni*, Franciscus Suarez *Prolegomeno 6. de gratia cap. 1. num. 11.* Jacobus Sirmondus *Tomo. 4. de Historiæ Prædestinatiana* Philip-pus Labbæus in *Notis*, Dupinius in *Bibliotheca*. Quibus omnibus visum est, Cœlestini Rescriptum in hæc verba desinere : *Dominus incolumes vos custodiat, fratres Charissimi* : cætera, quæ sequuntur fidei Capitula, simul, & clausulam, aut Leonis esse, qui tunc Cœlestino ab Epistolis erat, aut Prosperi, aut alterius cuiuspiam antiquæ memoriæ studiosi ; qui superiorum Pontificum, Conciliorumque Decreta in summam contulit, adversus Pelagianos, & Semipelagianos errores.

Sed

Sed age, omnia Cœlestini ponamus esse; longè faciliùs causa cadet audacissimus criminator: atque ex ipsis adjectis fidei regulis planum fiet, ea doctrinæ capita, quorum præsertim occasione, Augustinum a Semipelagianis erroris insinulatum Launojus pro certo habet, dato Rescripto sancita esse; nec profundiorum, difficiliorumque quæstionum numero haberi posse, quæ opinantium arbitrio relictæ sunt.

Liquet id præsertim ex fine, consilioque, quo laudata Capitula Cœlestini Rescripto adjecta sunt: nempe, ut omnibus compertum fieret, quàm temerè Massilienses Augustino obloquerentur, quòd in eo adversùs Pelagianos commissq̃ prælio, modum, certosque fines excessisset. *Quia nonnulli, qui Catholico nomine gloriantur, in damnatis hæreticorum sensibus, seu pravitate, seu imperitiâ demerantes; piissimis Disputatoribus obvius præsumunt: & cum Pelagium, atque Cœlestium anathematizare non dubitans, Magistris tamen nostris, tanquàm necessarium modum exceßerint, obloquuntur.*

apud Labb. Tom. 3. pag. 470.) Nisi enim, quæ in Augustino ab æmulis damnabantur doctrinæ capita, subiectis illis fidei regulis sancirentur; Semipelagianorum oblocutiones ea Capitulorum recensione minimè compressisset Cœlestinus: quia illorum querelas multo luculentius confirmasset, si ea profundioribus illis difficillioribusque quæstionibus adnumerasset, quas minimè statuendas dixit, extrema Epistolæ clausula. Is siquidem necessarium modum excessisse meritò dicitur, qui dogmata opinione libera, tanquàm fidei dogmata propugnabit.

Ad hæc, Augustinum nullo unquàm sinistra suspitionis rumore aspersum declarat Cœlestinus, data Epistola. An non porro sinistra admodum suspitione laborasset, si quid veluti Ecclesiæ dogma posuisset (uti profectò gratuitam prædestinationem posuisse demonstravimus capite 7.) quod Ecclesiæ dogma re ipsa non esset, & à quo procul abire liberum foret?

Sed quid tandem, si hæc ipsa Capitula, Epistolæ adnexa ad crissim vocemus? Non modò gemina illa Augustinianæ doctrinæ theoremata, a Massiliensibus in erroris suspitionem adducta, fidei regulis inscribi; verùm etiam eorundem necessaria consecratoria, quæ Launojus tota passim scriptiuncula erroris dicam affricuit, ex sacris Pontificum, & Conciliorum oraculis delibari, compertum erit. Quod quia secundo jam capite a nobis utcumque confectum est, breviter, strictimque in præsentia peragemus.

Ac primo quidem in limine, hanc fidei regulam statuit Cœlestinus, ex Innocentii I. Romani Pontificis ad Synodum Carthaginensem Epistola delibata: *In prævaricatione Adæ, omnes homines naturalem possibilitatem, & innocentiam perdidisse; & nemi-*

nem

nem de profundo illius ruina per liberum arbitrium posse consurgere, nisi cum gratia Dei miserantis erexerit. Quod primum in Augustino erroris infimulat Traditionis investigator, pagina 25. & 51.

Tertio Capitulo, celebre ejusdem Innocentii dictum in fidei regulam transfert: *Neceſſe eſt, ut quo auxiliante vincimus, eo iſerium non adjuvante vincamur.* Quibus verbis Augustino familiaribus cubare hæresim, statuit criminator, pag. 25.

Quarto, neminem nisi per Christum libero bene uti arbitrio deſinit, ex illo memorati Pontificis pronunciato: *Adverte tandem, o praviffimarum mentium perversa doctrina, quod primum hominem ita libertas ipsa decepit, ut dum indulgentius franſis ejus utitur, in prævaricationis præſumptionem concideris.* Nec ex hac potuit erui, nisi providentia ei regenerationis statum priſtinæ libertatis, Christi Domini reformasset adventus. Cui non abſimile Augustini dictum, uti Majorum Traditioni repugnans, ſugillat Launojus pag. 60.

Quinto decretum legimus, Deum ita bonorum omnium Auctorem in nobis eſſe, ut licet in piis operibus exerendis, ſuas liberum arbitrium partes habeat, potiores tamen gratiæ cenſeantur; dicente Zoſimo Pontifice Maximo, in *Epistola ad totius Orbis Episcopos: Omnia bona ad Deum Auctorem ſuum referenda ſunt, unde naſcuntur: Afriſ autem Episcopis ita dato Reſcripto accinentibus: Quosquot enim Spiritu Dei aguntur, hi ſunt filii Dei; ut nec noſtrum deeſſe ſentiamus arbitrium, & in bonis quibusque voluntatis humana ſingulis moribus, magis illius valere non dubitemus auxilium.* Cum tamen conſtantiffimum antiquæ Traditionis dogma Launojus effutiat pagina 23. nos prædeſtinationis noſtræ Auctores eſſe, gratiamque humanis voluntatibus ſubdi.

Tribus ſequentibus Capitulis, Deum ita in cordibus hominum, atque in ipſo libero arbitrio operari decernitur, juxta Zoſimi Romani Pontificis, & Carthagenſis Synodi ſanctiões, *ut ſancta cogitatio, pium conſilium, omniſque motus bonæ voluntatis ex Deo ſit ipſaque bonæ voluntatis exordia, & incrementa probabilium ſtudiorum ad Chriſti gratiam referantur.* Quo judicio Semipelagianismus proſcriptus eſt, gratuitaque ad gratiæ, fideique initium prædeſtinatio (quam ab Augustino prior ſententia repudiata, ſub ipſum Episcopatus initium doceri cœptam, moleſtè habet Launojus pag. 73. & 81.) ſancita eſt.

Nono tandem, & ultimo Capitulo, hanc ex ſtatutis regulis ſummam colligit Cœleſtinus: *His ergo Eccleſiaſticis regulis, & ex divina ſummiſ auctoritate documentis, ita adjuvante Domino conformati ſumus, ut omniū ſtudiorum, omniūque virtutum,*
Præſſi. P. Serry Tom. II. T t qui-

quibus ab initio fidei ad Deum tenditur, Deum fateamur ductorem: & non dubitemus ab ipsius gratia hominis merita proveniri, per quem sit, ut aliquid boni, & velle incipiamus, & facere. Quo utique auxiliior, & munere Dei non aufertur liberum arbitrium, sed liberatur; ut de tenebroso lucidum, de pravo rectum, de languido sanum, de imprudente sit providum. Tanta enim erga omnes homines est bonitas Dei, ut nostra velis esse merita, que sunt ipsius dona, & pro his, que largitus est, aterna premia sit donaturus. Agis quippe in nobis, ut, quod vult, & velimus, & agamus. Nec otiosa in nobis esse patitur, que exercenda non negligenda donavis; ut, & nos operatores simus gratiæ Dei; ac si quid in nobis ex nostra viderimus remissione languescere, ad illum sollicitè recurramus, qui sanat omnes languores nostros, & redimit de interitu vitam nostram, & cui quotidie dicimus: Ne nos inducas in tentationem, sed libera nos a malo. Quo vel uno Capitulo, si vacuo præjudiciis, & partium affectibus animo perpendatur, universam Augustini doctrinam, de gratuita prædestinatione, gratiæque victrici, accurato compendio contentam, simulque fractum spuriz Traditionis confarcinatorem, nemo non dicit. En etenim tibi gratiam affectuum omnium, studiorum, & operum effectricem; omnia merita, conatus, & studia antevertentem: En gratiam in animabus nostris agentem, ut velimus, non quia volumus, aut consensuri prævidemur: En demùm gratiam voluntatis humanæ ducem, non pedissequam; gratiam, inquam, quam pro nutu non flestimus, sed quæ nos pro Dei nutu flestit; ut id omne velimus, & agamus, quod ipse voluerit. Quibus loquendi rationibus, errorum monstra subesse, quæ gratiæ se ipsa victricis systemate fluentia, millies oblateralit audacissimus criminat.

Sed quid hæc religiosus moror? Illa ipsa toties decantata Capitulum clausula, unde Augustinum redactum in ordinem, ejusdemque de gratuita prædestinatione, gratiæque victrici, gemina dogmata, a positis Regulis omnino dissita esse, colligit æmulus obrectator; utrumque non leviter adstruit. Profundiores verò, difficilioreque partes incurrentium questionum, quas latius pertractant, qui hæreticis resistunt, sicut non audemus contemnere, ita non necesse habemus adstruere. Quia ad confisendum gratiam Dei, cujus operi, ac dignitati nihil penitus subtrahendum est, satis sufficere credimus quiddam secundum prædictas Regulas Apostolica Sedis nos scripta docuerunt, ut prorsus non opinemur Catholicum, quod apparetis præfixis Sententiis esse contrarium. (Apud Labb. Tom. 3. pagg. 473. 474. 476.) Profe-

Et

Ad si divinæ gratiæ operi, ac dignationi nihil penitus subtrahendum est; nihil itaque virtutem ejus, ac liberalitatem fugit; non meritum, non dispolitio, non conditio, non conatus, non iple tandem liberi arbitrii consensus, & usus.

Quænam ergo sunt, inquires, profundiores illæ, difficilioresque partes incurrentium quæstionum, quas uti Cœlestinus contemnere non est ausus, ita necesse non habuit adstruere? Sunt illæ dubio procul quæstiones profundiores, difficilioresque, obscuritate rerum, & incertitudine veritatis, atque sententiæ, quæ de illis ferri certo non possit. Quæstiones, inquam, non per se, ac directè ad gratiæ defensionem, controversiasque Pelagianorum, ac Massiliensium, attinentes; sed occasione tantum ab Augustino tractatæ; quæ idcirco *incurrentes* ab Cœlestino, aut alio quovis Capitulorum Collectore vocantur. Quæstiones tandem, quas *latius*, ut loquitur idem Pontifex, pertractat, & multis, variisque rationibus agitatur Augustinus, de illis vix tandem quidquam definiens: quales sunt hæc: Quomodò traducatur peccatum originale? Quæ sit concupiscentiæ natura? Quænam animæ origo? Aliæque id genus, de quibus Augustinus ipse, *Libro de dono perseverantiæ capite 11. Operosissimas quæstiones incidentes, enucleatè solvere nolui, ne nimium longum opus esset.* Has sicut non est ausus contemnere summus Pontifex, ita nec necesse habuit adstruere; uti nec illas adstruxerat Sanctissimus Doctor. Cui prudenti consilio morem gessisse videntur, secuto proximè sæculo, Episcopi Africani, ab Trasamundo Vandalorum Rege Arjano in exilium acti, (de quibus plura dicemus capite 13.) dum ita Epistolâ Synodicâ pronuntiarent, post gratiæ prædestinationis, gratiæque victricis doctrinam strenuè propugnatam: *Quæstionem verò animarum, aut tacitam debemus relinquere, aut sine contentione tractare, quia sive ex propagine veniant, sive novæ singulis corporibus fiant, quod Sanctarum Scripturarum auctoritas non manifeste pronunciat, cum cautela debet inquiri: maxime quod sine fidei detrimento potest a fidelibus ignorari.* (apud Labb. Tom. 5. pag. 739.)

Nec me multum Baronii movet authoritas, ad annum 431. pag. 516. scribentis, Prosperum ea Epistolæ clausula (hunc quippè Capitulorum Auctorem facit) professum esse, *profundiores quæstiones illas, de prædestinatione Sanctorum, nequaquam ab Apostolica Sede fuisse definitas.* Certo enim certius est, Baronium incidentes duntaxat de divina prædestinatione quæstiones intellexisse; non illas ipsas, quæ motæ Massilienses inter, & Prosperum controversiæ summa pendebat, Launojo ipso judice. Aliàs intra unam, eandemque paginam, secum ipse pugnaret purpuratus Historicus; qui

Tt ij Pref.

Presbyteros Massilienses durius ibidem exagitat, quòd Augustini doctrinam in suspicionem hæresis temere adducerent, omnesque sanctissimi Doctoris Libros, Cœlestini elogio commendatos perfractè negarent : quod utrumque pari audacia præstat tetricus Censor. Quamquàm tamen, si quid illi aliter visum esset; imprudentis consilii fuerit, Scriptoris unius, & quidem potestrem ætatis testimonium, tot invictis momentis, ex ipsamet Cœlestini Epistola delibatis, anteponere velle.



CAPUT DECIMUM.

Prosperi, & Hilarii religiosa sollicitudo, in promovenda Augustini doctrina, recenti Apostolica Sedis oraculo consecrata, a Lauroji calumniis vindicatur.



UOS, ut vafros, callidosque Cœlestini I. palpatores paulò antè traduxerat audacissimus Criminator, eisdem in præsentia uti lymphatos triumphatores insequitur : quasi Pontificio Rescripto malis artibus impetrato, pejoribus abuterentur ; ut sacra illa umbella testî, Augustinianos errores, multo, quàm antea confidentius, tota Gallia diffunderent. Novæ calumniz pingui præludit anachronismo. Prosperum, & Hilarium impetrato Cœlestini Rescripto præsidentes, vulgato Carmine *de Ingratis* epinicion cecinisse ait, cui Massilienses, edito Libello *de protectione Dei*, è vestigio reposuerint. (Pag. 77. & 78.) Quotquot tamen in re critica non omnino cœcutiunt, exploratum habent, heroicum carmen adversus Ingratos, nonnisi post vulgatum Massiliensium libellum *de protectione Dei* editum esse : imò post eximium D. Prosperi opus contra Collatorem, quo eam Semipelagianæ factionis Coryphæi scriptionem confutavit, anno circiter 433. sublato jam Cœlestino, & Sixto III. in Petri Sedem evecto. Qua itaque sorte suum illum Libellum Prosperi epinicion objecissent, Massilienses obtrectatores?

Addo, malè natum Cassiani Libellum *de protectione Dei*, non modò ante datum Cœlestini Rescriptum, verùm etiam ante vocatum ad superos Augustinum, prodiiisse. Liquet id in primis ex *Præfatione Librorum de Incarnatione Domini*, quos idem ille Cassianus, contra Nestorianos, ante Synodum Ephesinam, anno videlicet 429. aut certè 430. publicavit. Ibi siquidem *absolutus jamdudum a se Collationum spiritualium Libros*, disertissimè proficitur : quos inter decimum tertium locum obtinet, qui *de protectione Dei* dictus est. Hoc idem ex Epistola nuncupatoria memorati Libelli, multo luculentius evincitur. Is enim, aliquè post Honorato dicantur, quem anno 429. ante Augustinum, extinctum esse, nemo nescit. Ac si rem penitius perpendamus, nondum Arelatensem Ecclesiam moderabatur Honoratus, dum hanc illi cum reliquis Collationem dicavit Cassianus, a quo *frater, & ingenti fratrurn cœnobis præsidens*, præmissa Præfatione vocatur. Cum igitur

igitur Honoratus anno 426. Arelate Episcopus federit, Libellum de Protectione Dei, seu 13. Cassiani Collationem, ante id temporis confarcinatam, oportet. Qul itaque fieri potuit, ut ad commendandam Augustini discipulorum, impetrato Cœlestini Rescripto abutentium audaciam, a Massiliensibus vulgaretur?

At demus Launojo veniam, nec ferulæ manum, pro tam putido Arachronismo, subjicere compellamus. Quis ferat petulantem audaciam, qua decimam, tertiam Cassiani Collationem, errorum ab Ecclesia Catholica proscriptorum sentinam, cum erudita Divi Prosperi lucubratione, Catholici Orbis suffragio comprobata, non modo æquis ponderibus appendit, verum etiam anteponeit, ac pluris facit; tanquam dogmatum Orthodoxia, rationum pondere, Cassianus Prosperum superaret? Non ita profecto Gelasius Summus Pontifex, qui in Romano septuaginta Episcoporum Concilio, Prosperi Libros, inter Orthodoxorum Patrum Tractatus, summo cultu, ac veneratione recipiendos edixit; Cassiani verò lucubrationes, unâ cum Cœlesti, Pelagii, Juliani scriptionibus, infamiz nota inussit. *Opuscula Beati Augustini Hipponensis Episcopi. Item Opuscula Beati Hieronymi Presbyteri. Item Opuscula Prosperi viri religiosissimi Item Opuscula, atque Tractatus omnium Orthodoxorum Patrum, qui in nullo a sancta Ecclesia Romana consorcio deviarunt, nec ab ejus fide, vel prædicatione sejuncti sunt; sed ipsius communionis, per gratiam Dei, usque in ultimum diem vitæ suæ fuere participes, legendos decernimus Opuscula Cassiani apocrypha Hæc, & omnia his similia, quæ Cœlestius, Pelagius, Julianus Eclanensis, necnon, & omnes hæresiarchæ, eorumque discipuli, sive schismatici docuerunt, vel conscripserunt, quorum nomina minimè retinentur, non solum repudiata, verum etiam ab omni Romana, Catholica, & Apostolica Ecclesia eliminata, atque cum suis Authoribus, Authorumque sequacibus, sub Anathematis indissolubili vinculo, in æternum confitemur esse damnata. (apud Labb. Tom. 5. pagg. 387. & 390.)*

Ita Gelasius uno, eodemque judicio, & Prosperum celebrat, & Cassianum inurit: tametsi haud inscius esset, potissimum eos inter, de gratuita prædestinatione, gratiaque victrici, controversiam emisisse. Quid Arausicanam Synodum memorem, totius Orbis veneratione, cultuque receptam; quæ spissos errores, ex hoc ipso de protectione Dei libello, in quo Launojus delicias facit, penè syllabatim expressos, sacro anathemate feriit: Augustini verò, Prosperi que sententias, quæ supercilioso Censori stomachum movent, in fidei Canones transtulit: Felice IV. Pontifice Maximo judicii formam perscribente? Quid Cassiodorum Libro 1. *Divinarum Institutionum capite 29.* allentem, Cassianum de libero arbitrio, a

San-

Sancto Prospero jure culpatum, & in rebus talibus excedentem sub cautela legendum? Quid Victorem Africanum Episcopum, qui Cassiani dicta, ab Aquitano nostro sugillata obelo notavit, emendavitque? Quid Bernonem Augiensem Abbatem, qui in Libello ad Fridericum Capell: ejusdem Collatoris errores ex Sancto Prospero recitavit, debitisque censuris inussit? Quid Trithemium distinctè notantem, idcirco Cassiani Opera (*In Cat. vir. ILL.*) inter apocrypha numerari, quia per Beatum Prosperum, de arbitrii libertate in certis reprehenditur? Quid Clementem VIII., qui traducta ad sacrum Tribunal Ludovici Molinæ doctrina, indictis Congressibus expendi jussit, num hæc cum damnatis Cassiani sententiis conveniret? Hæc si Launojus, vel leviter observasset, nunquam Cassianum in divinæ gratiæ controversiis cum Prospero contulisset; multo minus Aquitano relicto, in Collatoris sententiam, errorem verius dixerim, transiisset.

Eja tamen, & missis Pontificum, Conciliorum, ac Patrum momentis, quibus Censoris audacissimi petulantia revincitur, conflata in Augustini discipulum, de amplificato præter jus, & æquum, Cælestini Rescripto, criminationem perpendamus: *Prosper*, inquit ille, in sua ad Cassianum Responsione, extremos (Pag. 80. & 81.) Augustini Libros, quorum occasione litem illi moverant Massilienses, Cælestini Rescripto probatos esse prædicabat; seu quod universa absque discrimine laudarentur; seu quod una, eademque extremis illis Libellis doctrina contineretur, quæ prioribus, quos Pontificio judicio probatos adversarii fatebantur. Ea ille calliditate, Magistri doctrinam tueri adnitebatur. Bona tamen venia dixerim, pessima illum fide usum. Namque usque aded certum est, primis Augustini operibus doctrinam posterioribus repugnantem contineri, ut hoc ipsum ultro fassus esset, data ad Magistrum Epistola, ac tum postea respondens ad Excerpta Genuensium.

Verius ego Launojum pessima fide dixerim usum: nec verior ne mihi quisquam veniam neget. Prosperum invicto prorsus argumento, adversarium petere, nec tamen a dictis, dum ad Genuenses scriberet, (nihil quippè de his ad Magistrum, sed unus Hilarius condiscipulus) resilire, hac brevi observatione demonstro. Massilienses viso tam nobili Cælestini I. Rescripto, ut se Pelagianorum adversarios jactabant, illico reposuerunt, priores Augustini libros, quæ illorum errores oppugnaverant, eo elogio commendari; non itidem illos, quos extrema manu, de Gratia, & libero arbitrio, de Correptione, & Gratia, de Prædestinatione Sanctorum, deque Perseverantia dono; ad sopiendos Adrumeti, & Massiliæ tumultus, elucubrarat. Prosper, ut hoc illis effugium occluderet, recensitis Augustini libris, ad divinæ gratiæ defensionem, post adeptum

Epi-

Episcopatum elaboratis, seu ante; seu post adortos Pelagianos, eandem illis de gratuita vocatione, doctrinam contineri dixit, quæ postremis Opusculis tradebatur: nihilque idcirco causæ esse, cur ea futili exceptione, Pontificio Decreto illuderetur. Do Prosperi verba: *lib. cont. Collatorem cap. 21. Ut itaque omittamus ea volumina, in quibus ab exordio Episcopatus sui, multo prius quàm oppugnatores gratia exurgerent, pro gratia disputavis; legantur tres ad Marcellinum ipsius Libri. Ad S. Nolanum Episcopum Epistola retractetur; Ad Beatissimum quoque Apostolicæ Sedis tunc Presbyterum Sixtum, nunc verò Pontificem emisse pagina recurrantur. Ad Sanctum Pinianum, ad Valerium Comitem, ad servos Christi Timasium, & Jacobum distinctim edita volumina revolvantur, sex Libri priores contra Julianum; unus ad sanctum Aurelium Carthaginis Episcopum, de Gestis Palæstinis; alius ad Paulum, & Eutropium Sacerdotes, contra Pelagii; & Cælestii Questiones; & ad beatæ memoriæ Papam Bonifacium quatuor volumina recensentur. Et si in iis omnibus operibus, multisque aliis, quæ annumerare longum est, idem doctrinæ spiritus, eadem prædicationis forma præcessit. Ac re ipsa sic est: gratuita secundum Dei propositum vocatio, iis ipsis Libris, quos Pontificio Decreto probatos adversarii fatebantur, statuitur, defenditur, propugnatur. Quid verò efficacissimo Prosperi argumento officiebat, si (quod in Responso ad excerpta Genuensium falsus est) contrarium errorem asseruerat Augustinus, antequam regendæ præponeretur Ecclesiæ; cùm hos ipsos, quibus eundem creatus Episcopus revocaverat, oppugnaverat, confutaverat, libros, ab Apostolica Sede probatos agnoscerent Massilienses?*

Eandem illam, quam Launojo recudere libuit, Massiliensium exceptionem, ipsa rerum gestarum series multo luculentius futilem probat. Traducebatur siquidem ab æmulis Augustinus, quoddam Libellus extrema manu elaboratis, debitum modum excessisset: harum præsertim lucubrationum occasione, sanctissimum gratiæ vindicem, tanquam erroris suspicione laborantem insectabantur: hac ipsa doctrinæ parte, quam iis opusculis propugnabat, Magistrum optimum venerari, atque suscipere detestabant, eidemque non sine stomacho obfistebant. Quid interim Cælestinus, audita Prosperi, & Hilarii denunciatione? Æmulis obtrectatoribus silentium indixit: *Corripiantur huiusmodi, inquit datis ad Gallos Epistolis, non sit his liberum habere pro voluntate sermonem. Illos præfidentes, & oblocutores esse censuit, qui piissimum disputatorem debitos fines excessisse dicerent, ejusque placitis repugnarent. Piissimis Disputatoribus obviare præsumunt Magistris nostris tanquam necessarium modum excesserint, obloquuntur.* Augustinum autem; & Magistrum
opti-

optimum, & constanti apud omnes honore habitum, & nulla unquam sinistra suspicione aspersum pronunciavit : *Augustinum sanctæ recordationis virum, pro vita sua, atque meritis in nostra communione semper habuimus; nec unquam hunc sinistra suspicionis saltē rumor aspersit: quem tanta scientia olim fuisse meminimus, ut inter Magistros optimos etiam ante a meis decessoribus haberetur.* Benè ergo de eo omnes in commune senserunt, *aspote qui utique cunctis, & honorificus, & amori.* (apud Labb. Tom. 3. pag. 470.) Extrema igitur sancti Doctoris opuscula, de quibus quæstio vertebatur, potissimè comprobasse censendus est Cœlestinus: Aliàs non modò nihil ad institutum, nihil ad rem, nihil ad sopiendos Massiliæ turbines respondisset; sed nullus planè rescripto sensus esset, nulla concinnitas, nulla ratio.

Ea de re dubium movisse Launojum, imò dogma catholicum de gratuita ad primam gratiam, fideique initium vocatione, postremis illis opusculis de industria vindicatum sugillasse; erroremque oppositum, ab Augustino Ecclesiæ regimini nondum admoto imprudenter assertum ebuisse, haud satis capio: cum subiecta Epistolæ Cœlestini Capitula, ipsius esse putet, datique Rescripti partem constare. (Pag. 76.) Ecquo ergo pacto ab generali Augustinianorum operum commendatione, postrema illa opuscula excepta voluisset Cœlestinus, quorum tamen summam subiectis Capitulis expressit? Cur gratuitam ad initium fidei vocationem, iis opusculis vindicatum, approbatione sua indignam existimasset, quam sacris illis fidei regulis inseruit, uti superiori capite demonstravimus? Quamquàm si quod dubium, de approbatis ab Apostolica Sede postremis Augustini Libris, initio esse poterat, dum ea dissidia Massiliæ ferverent; illud ab Hormisdæ Romano Pontifice sublatum nosse debuerat. Theologus Parisiensis, *Epistola 70. ad Possessorem* scribente: *De libero tamen arbitrio, & gratia Dei, quod Romana (hoc est, Catholica) sequatur, & asseveret Ecclesia licet in variis libris Beati Augustini, & maxime ad Hilarium, & Prosperum (qui omnium postremi sunt) cognosci potest.* (apud Labb. Tom. 5. pag. 664.)

Iniquè igitur, de amplificato præter jus, & æquum Cœlestini I. Rescripto, Prosperum accusat ineptissimus Censor; insulasque Massiliensium calumnias, quæ Augustini doctrinam infamare nitebantur, tanquàm *optimo jure nixas, nec nisi catholica dogmata complexas*, inflaurat: (Pag. 81. 83.) Luculentissimæque Aquitani discipuli Responsiones, ad Capitula Gallorum, Vincentianæque objectiones, quæ nefaria doctrinæ capita, Magistro per summam injuriam affingi demonstravit, ludit, subannat; quasi rei evidenter permotus, & portentosa, quæ illi in faciem illidebantur doctrinæ

Præfati. P. Serry Tom. II.

Vu

con-

confectaria tueri veritus, sublesta excusatione, *Magistrum deserueris potius, quam defenderis, damnaris verius, quam absolueris.* (Pag. 85.) Quæ tibi Launoj tam iniquæ censuræ ratio? Prosper enim se ne latum quidem unguem a Magistri doctrina recessurum spondet, sua illa ad Gallorum capitula Responsione: *Ne ergo, inquit ille, hanc persuasionem temere quis recipias, & talem putes sensum scriptis catholici inesse Doctoris, qualem cum, qui frustra calumiantur, ostendant; singulis capitulis, quæ Damnationis titulo prænotarunt, brevi, & absoluta professione respondeo; in nullo recedens a tramite earum definitionum, quæ in sancti viri disputationibus continentur.* Audite festivi Centoris decretorium argumentum, quo Prosperum retibus involuere sibi putat: (Pag. 86.) *Aded certum est, Augustinum doctrinæ capisa, Gallorum criminationibus contenta, quo sensu erroris notabantur, docuisse, ac propugnasse: ut id Prosper ipse data ad eundem Epistola, atque alibi fassus esset, uti jam dictum est. Imò illa eadem ad hanc usque diem, adversus Massilia Presbyteros, eodem sensu ipsemet propugnauerat, quemadmodum ex paulò ante narratis perspectum est. Erras Launoj, erras: nec modò quid, aut quo sensu docuerint Augustinus, & Prosper ignoras, sed quid ipse scripseris, ac narraveris nescis. Nuppiam enim a te dictum antea narratumque est, multo minùs probatum, geminos illos divinæ gratiæ vindices, doctrinæ capita Gallorum criminationibus contenta, quo sensu in invidiam trahebantur, docuisse, ac propugnasse. Equidem ancipites, variisque sensibus obnoxias Augustini phrasas, de Christi Sanguine pro solis electis effuso, de consecuta ex Adami peccato necessitate, de amissa pristina libertate, de quorundam hominum desertione, aliisque id genus, identidem recitasti: at quæ ambiguis ac versatilibus verbis notio subiecta esset (quòd ad fugillandas Prosperi responsiones, operæ pretium fuerat) ne quidem obiter attigisti. Tametsi quid antea dixeris, neminem puto sollicitum habet; qui cum multa ubique dicas, nihil uspiam probas. Nos Augustini sensum in aperto posuimus capp. 2., & 7. nihilque ab eo scriptum ostendimus, quàm quod Concilia, atque Pontifices, adversus divinæ gratiæ oppugnatores statuerunt.*

CAPUT UNDECIMUM.

Launoji, de Autore Librorum de Vocatione gentium, aberrationes, calumnias, dissidia refelluntur. Vincentii Lirinensis Commonitorium exsuflatur.



Ugillatis Divi Prosperi adversus Gallorum capitula responfionibus, Hilarium, alterum Augustini difcipulum, cui Libros de vocatione gentium affingit, in scenam vocat tetricus Cenfor; eumque uti fictum, teftum, & fimulationis artificio eruditum immodico fale defricat. Elifis, inquit, (Pag. 86.) *Augustiniana factionis confiliis, iufta mque ubivis repulfam paffis, quandiu Magiftri doctrinam detracta larva propugnatur; id demum venit in mentem, ut novum de Vocatione gentium librum emitterent: cujus Auctor Hilarius vulgò creditus, fimulata perfona, neutrius diffidentium partis ftudium affectat; interim tamen, de mora, inter gratia fe ipfa efficacis vindices, & liberi arbitrii defenfores, controverfia mentem aperiens, Auguftini fententiam novis pigmentis obduftam, caud, callideque Lectorum animis infillare nititur, uti jam nunc demonftrabimus. Quo dato prologo, librorum summam colligit haud fatis integra fide.*

Miranda cenforis ars! qui cum libros de vocatione gentium a viris criticæ scientiæ peritis, tam variis authoribus tribui non ignoret, illos tamen Augustini difcipulis, ac nominatim Hilario, ex vulgi, ut inquit, iudicio, certò tribuit: ut fi quæ in iis Augustinianæ doctrinæ mitigatio, ac mollitudo deprehenditur, id cauffæ, quam tuebantur, damno vertatur; quafi jam diffidentes pedem referrent, & Magiftri fententiam, non nifi priftina duritie exutam tuerentur. Pefsimè tamen omnium calculum figit, ac vix ullum alicujus nominis auctorem habet, qui publicam fidem appellat. Hilario quidem Libros illos fubdubitanter adjudicant Latius, & Voffius in Hiftoriis Pelagianis: at non Augustini difcipulo, a cujus ftilo prorsus abhorrent, fed Arelatenfi Epifcopo; cui tamen, ob doctrinæ repugnantiam, adfcribi non poliunt; cum effet is e Semipelagianæ feftæ principibus unus. Eucherium Lugdunenfem, illorum Authorem aliqui faciunt: alii Proferum Aurelianenfem Epifcopum, Sancti Aniani fuccefforem: Proferum Aquitanicum longè plures. Eofdem Divo Ambrofio veteres editiones non paucæ tribuunt: noviffimè tandem Leoni magno haud levibus

Vu ij mo.

momentis Quæsnellius adjudicavit . Ut quid ergo Augustini discipulorum calliditati, simulationi, industriz deputetur, si quid forte mollius, de divinz gratiz controversiis horum Librorum Author pronunciasset, & ab severiori Augustini sententia deflexisset ?

Verùm ne eo quidem capite peccavit eruditissimus Scriptor, quisquis tandem ille sit ; sed ita Augustini vestigiis instat, ut quæ ex illo proferuntur ab tetrico Censore loquendi formulæ, sanctissimo Doctore in speciem repugnantes, nullo negotio conciliantur.

Prior gratiam attinet generalem, quam universis hominibus, ac ipsis etiam parvulis sine baptismo sublati, communem facit Author ille *lib. 2. cap. 15. Addibita enim semper est*, inquit, *universis hominibus quædam supernæ mensura doctrinæ, quæ etsi paucioris occultiorisque gratiæ fuit, sufficit tamen, sicut Dominus judicavit, quibusdam ad remedium, omnibus ad testimonium* . Et *capite 23. Non irreligiose arbitror credi, neque inconvenienter intelligi, quod isti paucorum dierum homines ad illam pertineant gratiæ partem, quæ semper universis est impensa nationibus : quæ utique si bene eorum parentes uterentur, etiam ipsi per eosdem jurentur* . At communis gratiæ nomine externa, ac naturalia Dei dona intellexisse, quæ universis hominibus præstod sunt ; aut certè auribus informantem Mosaicæ, aut Evangelicæ legis vocem, inde profectò perspectum est, quòd veram Christi gratiam, communem omnibus neget *Libro 1. cap. 13. Quod si aliquos (sicut videmus accidere) salvantis gratia præterieris*, inquit, *& pro eis oratio Ecclesiæ recepta non fuerit, ad occulta divinæ justitiæ judicia referendum, & agnoscendum est secreta hujus profunditatem nobis in hac vita patere non posse* . Et *Libro 2. cap. 19. Qui exsortes gratiæ fuerint, de sua nequitia redarguantur : & qui ejus lumine enituerint, non in suo merito, sed in Domino gloriantur* . Quæ verò parvulis ad futura gratia dicitur, si ea parentes illorum bene uterentur, non Baptismatis utique est ; quasi pueri parentum merito, sacro lavacro tingantur ; sed alia longè diversa, generalia Creatoris beneficia continens : quæ licet per se se recipere non potuerint, acceperunt nihilominus in parentibus, quorum pars quædam censetur esse, donec ab illis nondum rationalis infantiz exordiis emerferint . Baptismatis quippè gratiam, nullo spectato merito genitorum, parvulis tribui, vel negari docet eruditus Author ; uti planè suam ipsi gratiam nullis præviis meritis obtinent genitores . Sicut autem, inquit ille *Lib. 2. cap. 23. circa majores, præter illam generalem gratiam paucius, atque occultius omnium hominum corda pulsantem, excellentiore opere, largiore munere, potentiore virtute, vocatio specialis exeritur ; ita etiam circa innumeros par-*

volos eadem manifestatur electio. Quæ quidem nec illis, qui renati non sunt, in parentibus defuit, sed illis, qui renati sunt, præ parentibus adfuit: ita ut multis sæpe quos suorum impietas deseruit, alienorum cura servieris; & ad regenerationem venerint per extraneos, quæ eis providenda non erat per proximos.

Alteræ loquendi formula Augustini principiis prima fronte repugnans, legitur Libro 2. cap. 34. ubi propositum præscientiæ ianixum videtur admittere. Contra banc, inquit, invicta veritatis splendidissimam lucem, solent quidam non sobrie dicere, superfluum ad acquirenda bonorum operum merita laborari, frustra etiam orationibus, quibus Deus exorandus speratur, insisti, si ex incommutabili proposito ejus, Christiana gratia subsistit electio, nec aliter quicquam procedere potest, quam Omnipotentis voluntate dispositum est. Sed qui se ingeniose hoc arbitrantur opponere, non intelligunt scientiam Dei, quæ, & præterita, & præsentia, & futura complectitur, tempore non teneri, & tam in conspectu ejus adstare ea, quæ gerenda sunt, quam illa, quæ aut geruntur, aut gesta sunt. Verum quidni præscientiæ nomine prædestinationem intelligamus, hoc est, præscientiam, non decreto præviam, sed eidem innixam, qua nimirum ea prænovit Deus, quæ gratiæ suæ virtute facturus erat? juxta celebre illud Augustini pronuntiatum Libro de Dono perseverantiæ capite 18. & 19. Prædestinasse, est hoc præscisse, quod fuerat ipse facturus. Quid ergo nos prohibet, quando apud aliquos verbi Dei tractatores legimus Dei præscientiam, & agitur de vocatione electorum, eandem prædestinationem intelligere?

Tertia demum loquendi formula habetur eodem Lib. 2. cap. 35., ubi electionem ad gloriam a meritis pendulam facit: Deus, inquit, bis, quos eligit sine meritis, dat unde oriantur, & meritis. Ibidem pag. 184. Et frustra dicitur, quod ratio operandi non sit in electis, cum etiam ad hoc operentur, ut electi sint. Sed et si de electionis executione, ultima illa verba intelligi queant, quaquisque, confecto mortalis ævi spatio, bonorum operum fructum percipit; ea tamen, ex fide codicis Mss. Bibliothecæ Thuanæ, cui alia duo Vaticana planè consonant, hoc modo restituit eruditus Quæsnellius dissertatione 2. de Authore Librorum de vocatione gentium: Deus ergo bis, quos eligit sine meritis, dat unde oriuntur, & meritis: & frustra dicitur, quod ratio operandi non sit electis, cum etiam ad hoc ut operentur, electi sint. Quæ lectio sic restituta, non modò difficultas omnis evanescit, verum etiam Augustinianæ doctrinæ caput, de gratuita prædestinatione, locupletissimo testimonio confirmatur.

Præcipitem Launoji censuram, in eximium Librorum de vocatione

tione gentium Authorem, ingenti temeritate districtam castigat. Gelasius summus Pontifex, Librorum severissimus Cenfor, idemque æstimator æquissimus, in Opusculo contra Pelagianos, ubi ejus magna cum laudis, & honoris præfatione, suffragium advocat: *Sicut quidam, inquit, Magister Ecclesiæ sapienter edocuit, dicens: ad magnam enim utilitatem fidelium, materia est servata certaminum, ut non superbiat sanctitas, dum pulsatur infirmitas.* Quæ verba legere est apud Labbeum tom. 5. pag. 374. Nempe sapientem Ecclesiæ Magistrum vocat Romæ Pontifex, quem fictum, testum, simulationis artificio eruditum, errorumque mangonem appellat Traditionis Confarcinator.

Jam illud, ejus cacoethes est, & insulsæ, tricandi libidinis, quod subjicit e vestigio: Vincentium scilicet Lirinensem, cum Augustini discipulos iis libris editis gradum specie tenens deseruisse deprehenderet, Commonitorium adornasse, ut illorum doctrinam aperito Marte confutaret? Quid si Commonitorium diu antea editum constet, quàm Libri de vocatione gentium vulgarentur? Siquidem cap. 42. laudat Vincentius Concilium ante triennium ferme in Asia apud Ephesum, a ducentis fere numero Sacerdotibus, adversus Nestorium celebratum. Cum itaque anno 431. celebrata sit Synodus Ephesina, Commonitorium anno 434., qui quintus duntaxat ab excitis Massiliæ turbis, motisque de divina gratia controversiis agebatur, adornatum fuisse necesse est. Cæterum Libros de vocatione gentium, nonnisi longo post tempore, publicam lucem aspexisse, verba initio posita planum faciunt: *Inter defensores liberi arbitrii, & predicatorum gratiæ Dei, magna, & difficilis dudum vertitur questio De hac igitur compugnans opinio, qua mensura, & temperantia sentiendum sit, quantum Dominus adjuverit, annitar inquirere; exercens, atque discutiens modulum facultatis meæ, in his, quæ cordi meo sobriè (quantum arbitror) inbaserunt.* Non itaque Vincentium ad edendum Commonitorium incitavit vulgatum de vocatione gentium eximium opus; sed una Augustini tectè, & per cuniculos sugillandi libido: quod illi quàm infelicitè cesserit, nemo non facile deprehendit.

Primam enim gratiam petentibus, querentibus, pulsantibus dari contendit cap. 37. non ut petamus, queramus, atque pulsemus: quem errorem anathemate feriit Synodus Arausicana II. *Canone 6.* Gratiam specialem, ac personalem, necnon singulare perseverantiæ donum electis abjudicat, pingui nimis errore, in memorata Synodo subintè confosso *Canone 10.*, ac demùm in Concilio Tridentino *sessione 6. Canone 22.* Quodque stupendum magis, nobile Cœlestini I. Rescriptum, quo Augustinum miris laudibus extulit, ejusque obrectatoribus silentium indixit, nugaci prorsus argutia detor-

tor-

torquet in Augustinum; quasi is Pontificio iudicio redactus esset in ordinem, ejusque discipuli tanquam novatores silentio damnati, iis datæ ad Gallos Epistolæ verbis: *Desinat, si ita est, incesse novitas vetustatem*. Non advertit enim imprudens, hanc inductæ novitatis labem, non Augustini discipulis, quos unâ cum Magistro laudibus celebrat Cœlestinus, aspergi dato Rescripto, sed Massiliensibus obtrektoribus, de quibus religiosi delatores expostulaverant: quod verbis capite 9. laudatis usque aded perspectum est, ut Vincentium Lirinensem non solum mente, sed, & sensu captum fuisse necesse sit, qui aliam Pontificis verbis notionem subijci somniavit.

Ludam operam, si veteris memoriz scriptores in censum vocavero, qui rectam Cœlestini Epistolæ intelligentiam tradiderunt. Unus omnium vice fuerit Photius, omni in Augustinum affectu liber, & in Ecclesia Græca, sancto Doctore, ut quidam autumant, minus propitia, educatus, in Bibliotheca codice 54. ut in 2. part. appendicis operum S. August. Tom. X. pag. 66. & 67. Post Sancti Augustini mortem cæperunt quidam in clero impium illud dogma asserere, malè etiam loqui de Augustino, atque aded conviciis incesse, tanquam arbitrii libertatem ablatam docuisset. Verùm Cœlestinus Pontifex Romanus, de sancto viro, & contra eos, qui hanc hæresim exsuscitarent, ejus Regionis Episcopis scribens, errorem nuper revocatum cohibuit. Et tamen qua festivitate, qua pompa insulsum Vincentii Lirinensis interpretamentum nobis Launojus obtrudit, ut illustræ Cœlestini elogium Augustino eripiat? (Pag. 94.) Qua fiducia Semipelagianæ factionis virum, Ecclesiasticæ de divina gratia Traditionis testem advocat, ut sanctissimi Doctoris discipulos naso suspendat? Hoc sanè est Censoris nostri acre iudicium, hoc prudentis, & acuti criterii specimen.

Haud me fugit Vincentii Lirinensis Commonitorium, adversus prophanas omnium hæresum novitates, densatis insignium Scriptorum elogiis celebrari. At nec Launojum fugere debuit, duo longè diversa eo in libro secernenda esse: unum quidem de industria, ac principe studio tractatum, ac demonstratum; alterum oblique, testè, ac per cuniculos insinuat. Primum est, antiquitatem doctrinæ esse retinendam, fugiendamque dogmatum in rebus fidei novitatem; cui uni de industria stabiliendo Commonitorium ferme totum quod extat, nempe liber ejusdem primus impenditur. Alterum est Augustini doctrinam, de initio fidei ex gratia, de singulari perseverantiæ dono, deque gratuita prædestinatione, novam esse, superiorum sæculorum Patribus incognitam, atque ita Cœlestini Rescripto damnatam. In priori statuendo, probandoque dogmate, uti Ecclesiæ Catholicæ causam egit, ita Augustinum magistrum,

strum, ac ducem habuit, cujus etiam verba æmulari visus est, *Libro 2. contra Julianum Pelagianum* exarata, *capite ultimo* : ubi cum ex Patrum doctrina, Pelagianæ hæreseos novitatem ostendisset, ita demum colligit sanctissimus Doctor : *Talibus post Apostolos sancta Ecclesia plantatoribus, rigatoribus, edificatoribus, pastoribus, nutritoribus crevit. Ideo prophanas voces vestre novitatis expavit* &c. Atque ob id unum ex instituto disputatum, eruditorum omnium linguas in sui præconium solvit Vincentius Lirinensis ; quod Traditionis investigandæ, catholicique dogmatis ab hæresi discernendi regulas figat, summo omnium assensu probatas, atque receptas. Cæterum alterum obliquè, obiterque tentatum in Augustinum, ut illum affectatæ novitatis invidia cheraret, Catholicorum nemo laudavit. Imò tot illas olim ab eruditissimis gentium, ac patrum laudes obtinuit celebre Vincentii Commonitorium, quod vix ullus ante Gerardum Vossium, & Cardinalem Norisium, audacem illam in Augustinum molitionem detexisset ; (mirè enim testis est, & ambiguis phrasibus involuta, Augustino, ejusque discipulis ne quidem ex nomine appellatis,) aliusque vulgò crederetur, quàm qui objectionum Vincentianarum Auctor est. Verùm ex quo tempore viris emundæ naris innotuit, Semipelagianæ scholæ doctorem tanto magis in Hipponensis Præfatis placita latenter invehiri, quanto in omnes alias hæreses studiosius insurgere prima fronte conspicitur, laudibus temperarunt ; editumque pro Catholicæ fidei antiquitate Commonitorium, instar Canonum Antiochenorum, *malæ radices non malum per omnia fructum* appellarunt. *Lupus in Nosis ad Dista Greg.*



CAPUT DUODECIMUM.

Afflita Augustino, ejusque discipulis hæreseos Prædestinatiane nota depellitur.



UAM diversa, de hæresi Prædestinatiana, eruditorum judicia fuerint, lippis, ac tonforibus notum arbitror. Horum bona pars, ac meo quidem judicio melior, Semipelagianorum commentum existimat, qui cum ab Augustini discipulis, modò *ingrati*, modò *Pelagianorum reliquia*, ignominiz causa vocarentur, Prosperum, ejusque sectatores, ut parem vicem rependerent, *Prædestinianos* nuncuparunt; hisque horrida de prædestinatione dogmata, per summam invidiam affricuerunt, de quibus, ne quidem per somnium cogitarant. Addunt quibus ita sentire libet, *Fautum profundæ calliditatis virum*, (*S. Isid. d. de viris ill. c. 14.*) totiusque jam Semipelagianæ factionis, extincto Casiano, primipilum, telam illam in Lucidum obscuro aliundè nominis Presbyterum, texuisse malo animo: Synodos Arelatensem, ac Lugdunensem ab eo laudatas, ubi ad palinodiam adactus dicitur horridorum dogmatum assertor, aut commentitias prorsus esse, aut mera Semipelagianorum conventicula; quorum nulla sæculo illo, nisi apud ejusdem sectæ Scriptores, memoria extet.

Ea Sancto Prudentio Trecensi Episcopo de hæresi Prædestinatiana adhæsit opinio, sæculo nono. Cum enim Hincmari factio, eam Gottescalchi defensoribus hæresim in faciem illideret, ita sanctissimus Præsul reponebat, *Libro contra Joannem Erigenam cap. 4. Tertiam verò (hæresim) quam Pelagianis contrariam asseris, quæ ita donum gratiæ prædicetur, ut libertas arbitrii funditus auferatur, nec legimus, nec audivimus Nescio quem elogio tuæ tertiæ hæreseos denotare volueris, nisi Beati Augustini dictorum, quæ præmissimus, imò Catholicorum omnium fideliter, veraciterque sequaces.* Adhæsit, & Sancto Remigio, eandem criminationem repellenti, unà cum celebri, cui præerat, Ecclesia Lugdunensi, *Libro adversus eundem Scotum Erigenam exarato, cap. 4. Secundæ Hæresis, inquit, quam dicit esse gratiæ solius: Quæ sit, vel fuerit in Ecclesia, quæ ita prædicaverit, sola Dei gratia hominem salvari, ut liberum hominis negaret, vel destrueret arbitrium, nobis minimè cumpertum est.* Et paucis interjectis: *Quæ est ista secunda hæresis, tam incognita, tam nova, & inaudita, quæ libero*
Præf. P. Servy Tom. II. X x arbi-

arbitrio denegato, solius gratiæ sit prædicatrix? Nisi quia (ut nobis videtur,) disputator iste, vel Beatum Augustinum latenter quasi hæreticum accusat: &c. Quæ verba nusquam Ecclesiæ Lugdunensi, ejusque eruditissimo Præsuli excidissent, si non modo hæc ipsa hæresis extitisset, verum etiam in ejusdem Ecclesiæ Synodo proscripta esset. Cæteros recentioris ævi scriptores, quæ hoc idem visum est, silentio mitto, Usserium, Mauguinum, Cabassutium, Macedum, Contensonium, aliosque numero plures.

Eruditorum pars altera, cui Prædestinarianorum hæresim fictitiam dicere religio est, ne Faustum tantæ fraudis invidia oneret; Lucidumque re ipsa iis erroribus adhæsisse putat, quos illi Rejensis Antistes adscribit; eundem tamen sinistra Augustinianæ doctrinæ intelligentia delusum asserit, totoque cœlo ab ejus sententia exorbitasse, certissimè ponit. Ita Tyro Prosper in *Chronico ad annum Honorii 23.* juxta geminæ Bibliothecæ, Colonienfis ac Lugdunensis lectionem: *Prædestinatorum hæresis, quæ ab Augustini Libris malè intellectis, accepisse dicitur initium, his temporibus serpere exorsa. Nonnulli codices non habent, malè intellectis.* Ita Auctor Prædestinati a Sirmondo editus Tomo 28. postremæ Bibliothecæ Patrum, *Libro 1. hæresi 90. Nonagesima hæresis, inquit, quam in præfatione nostra diximus, de nomine Augustini Episcopi esse mentitam, Prædestinatorum nomen accepit. Et Libro 3. Nonagesimam hæresim Prædestinati fecerunt, ostendentes Libros falsos, quos Augustini confingunt; cujus dicta in multis locis leguntur istis Libris valde contraria.* Ita Sigebertus Monachus Gemblacensis *ad annum Christi 415. Prædestinatorum hæresis hoc tempore cœpit serpere; qui ideo Prædestinati vocantur, quia de prædestinatione, & divina gratia disputantes asseriebant, quod nec pie viventibus profuit bonorum operum labor, si a Deo ad mortem prædestinati fuerint: nec impiis obstat, quod improbe vivant, si a Deo prædestinati fuerint ad vitam. Quæ assertio & bonos a bonis avocabat, & malos ad mala provocabat. Hæc hæresis ex Libris Augustini malè intellectis initium sumpsisse dicitur.*

Quocumque ergo res cadat, Augustinus in vado est, & Launujanæ calumniæ flatum eludit. Si enim Prædestinarianam hæresim purum, putumque figmentum cum prioribus dicimus, doctrinam Augustinianam, Ecclesiæ judicio nequaquam inustam, facillime colligamus. Si autem extitisse re ipsa cum cæteris opinamur, Lucidumque eos errores præpugnasse contendimus, quos illi Faustus attribuit; sed falsa sancti Doctoris intelligentia deceptum, toto ab ejus mente ostio aberrasse: tam non in Lucido damnatus censebitur Augustinus, quàm nec in Arjo, aut Nestorio sacri Codices, quorum sinistra interpretatione delusi novatores, impia dogmata deli-

delirarunt. Nec ulla idcirco labes sanctissimo Doctori inuritur : *Neque enim*, ut scitè monet Facundus Hermianensis Lib. contra Motianum, ut apud Sirmondum pag. 587. Tom. 2. *melius loqui potuit Augustinus, quàm Propheta, quàm Apostoli, & Evangelistæ, quorum mentibus similiter male intellectis, & incongruè adhibitis, tam multi suos defendere consantur errores.*

Sed quid ad hæc Traditionis investigator? Novam in veteri spatio viam aperit, ut Augustinus sub Prædestinarianorum corio vapulet. Prædestinarianam hæresim, non ex sinistra librorum ejus interpretatione initium duxisse, sed sinceram, atque germanam ejusdem doctrinam complecti, fidenter pronunciat : Lucidumque in Synodo Arelatensi damnatum, non falsum tanti Doctoris interpretem, sed fidum planè discipulum, imò discipulorum, totiusque jam sectæ principem dicit. (Pag. 100.) At dicit tantùm : momenta queis inauditum paradoxum adstrueret calamo hæserunt. Unde tibi, Launoi, tantum audaciæ, ut præcentore nullo, ductore nullo, auctore nullo, cuncta, ut libet, ut lubet, effutias? Quis tibi Lucidum Augustini discipulum fecit, ac totius factionis coryphæum? Quis tibi horrida dogmata, ab eodem ex Arelatensis Synodi præscripto ejurata, tanti Magistri, totiusque scholæ desreta commentus est? Nemo omnium.

Quàm procul ab Augustino, ejusque discipulis abjerit Lucidus ille, id, vel unum ad Launoi dedecus luculenter ostendit, quòd fenas ejus assertiones in palinodix Libello contentas, & a Gennadio, non paucis immutatis, recensitas, ut *injusta opprobria, & ineptissimarum blasphemiarum prodigiosa mendacia*, sibi, atque Magistro per summam calumniam afficta consutaverit D. Prosper, in suis ad Capitula Gallorum, & ad objectiones Vincentianas responsionibus; priori duntaxat excepta, de qua apud Aquitanicum nihil, sed ab ipsomet Augustino rejecta est. Rem totam brevi collatione conficio.

Prior Libelli assertio erat : *Labor humanæ obedienciæ, divinæ gratiæ non est adjungendus.* Augustinus è contra Libro de Dono Persev. Cap. 22. *Vos itaque, inquit, etiam ipsam obediendi perseverantiam a Patre luminum, a quo descendit omne datum optimum, & omne donum perfectum, sperare deberis, & quotidianis orationibus poscere, atque hoc faciendo confidere, non vos esse a prædestinatione populi ejus alienos; quia etiam hoc ut faciatis, ipse largiatur.* Et cap. 15. *Non deterremur a confitenda præscientia Dei, si quis de illa populo sic loquatur, ut dicat : Sive nunc rectè vivatis, sive non rectè, tales eritis postea, quales vos Deus futuros esse præcivit, vel boni, si bonos, vel mali, si malos. Numquid enim, si hoc audio nonnulli in torpore, segnitieque versantur,*

X x ij & a

Et a labore proclives ad libidinem post concupiscentias suas eant, propterea de præscientia Dei falsum putandum est esse, quod dictum est?

Altera Libelli assertio sic habebat: *Post primi hominis lapsum, ex toto arbitrium voluntatis extinctum est. Sexta Gallorum calumnia erat, a Prospero confutata: liberum arbitrium in homine nihil est.*

Tertia Libelli propositio his verbis expressa erat: *Christus Dominus Salvator noster mortem non pro omnium salute suscepit. Nona Gallorum calumnia ab Aquitano depulsa in idem planè recidebat: Non pro totius mundi redemptione Salvator est crucifixus; Cui etiam gemina proflus est prima objectio Vincentiana: Dominus noster Jesus Christus non pro omnium hominum salute, Et redemptione passus est. Quæcirca recole, quæ diximus capite 2. ad primam, alteramque propositionem tertii indiculi.*

Quarta Libelli propositio succedit: *Præscientia Dei hominem violenter impellit ad salutem: vel, Dei percunt voluntate, qui pereunt. Hæc ipsa est prima Gallorum criminatio, quam sibi, suisque perperam affictam ostendit D. Prosper: Ex prædestinatione Dei velut fatali necessitate, homines ad peccata compulsi coguntur ad mortem.*

Quinta Libelli propositio sequitur: *Post acceptum legitime baptismum, in Adam moritur quicumque deliquerit. Cui secunda Gallorum accusatio, ab Augustini discipulo falsi postulata planè responderet: Ab eis, qui non sunt prædestinati ad vitam, non auferit percepta Christi gratia originale peccatum.*

Ultima tandem Libelli propositio sic habebat: *Alii deputati sunt ad mortem, alii ad vitam prædestinati: Quam assertionem pravo sensu acceptam confutat D. Prosper, decimæ quintæ Gallorum calumniæ satisfaciens, in hunc modum: Qui præscientiam Dei in nullo ab ipsius prædestinatione discernit, quod tribuendum est Deo de bonis, hoc ei etiam de malis conatur adscribere. Sed cum bona ad largitorem, cooperatoremque eorum Deum; mala autem ad voluntariam rationalis creaturæ nequitiam referenda sint: dubium non est, sine ulla temporali differentia, Deum Et præsciisse simul, Et prædestinasse, quæ ipso erant aurore facienda, vel quæ malis meritis justo erant iudicio retribuenda; præsciisse autem tantummodo, non etiam prædestinasse, quæ non ex ipso erant causam operationis habitura.*

Primus in Gennadii catalogo Prædestinationum error hac thesi continebatur: *Deus non omnes homines ad hoc creavit, ut omnes salventur, sed ut multitudinem hominum orneret mundus. Incidit in decimum tertium capitulum Gallorum, de quo jam capite*

pitæ 2. diximus ad propositionem 2. secundi indiculi, quo assertiones Augustino ab Launojo perperam affixæ continentur.

Secundus error, juxta eundem Gennadium, is erat: *Æsi generali prædicatione dicat Christus: venite ad me omnes; qui laboratis, & onerati estis, & ego reficiam vos, non tamen omnes ea voluntate vocat, ut omnes sequantur vocantem.* A quinta Gallorum calumnia nihilo differt: *Qui vocati sunt, non equaliter sunt vocati, sed alii, ut crederent, alii, ut non crederent.* Cujus pravam intelligentiam, suo, ac suorum nomine repudiat doctissimus Aquitanus.

Tertius error his verbis expressus erat: *Non omnes, qui ipso (Deo) inspirante obediunt vocationi, dicuntur accipere exequendi in bono opere perseverantiam, sed post multos labores, & justitia fructus, si non sint de salvandorum numero, subtrahendas eis vires agendi, ne perdurent in bono.* Quam blasphemiam, ab Augustino, ejusque Discipulo distinctè rejectam probavimus capite 2. ad quartam propositionem secundi ordinis.

Quartus error hac positione continebatur: *Illi, qui prædestinati sunt ad vitam æternam, etiamsi in perfidia, vel in omni genere peccati longo tempore voluntur, accipient occasionem, qua, & credant in Deum, & secundum Dei præceptum vivant, ut possideant societatem justorum.* Quam sibi doctrinam objectam, qua parte censuræ patere potest, rejicit Augustinus Libro de dono perseverantiæ capp. 15., & 16., quatenus nempe segnitiem, atque torporem videtur inducere; cujus verba paulò antè recitavimus.

Quintus sequitur error: *Deus personas hominum accipit: quem sibi quarto isto Gallorum capitulo, injurià tributum, queritur Profer: Non omnes homines vocantur ad gratiam.*

Sextus demùm in Gennadii indiculo Prædestinatianorum error hoc ferali dogmate stabat: *Alios etiam invitos post multa mala opera attrahit ad salutem, alios post bona opera rejicit, & compellit in malum, quò pereant in æternum.* Cui gemina est decima quarta objectio Vincentiana, ab Aquitano rejecta: *Magna pars illa Christianorum Catholicorum, Fidelium, atque Sanctorum, quæ ad ruinam, & perditionem prædestinata est, etiamsi petat a Deo sanctitatis perseverantiam, non impetrabit: eo quòd mutari non potest divina prædestinatio, quæ illos præordinavit, præparavit, præaptavit, ut caderent.*

(Pag. 101.) Non igitur per Lucidi latus, Augustini doctrina, in Synodis Arelatensi, & Lugdunensi, petita est, quod inflatis tibiis clamat Launojus; sed nefaria consecraria, a Semipelagianis iniquè deducta, ab Augustino, ejusque discipulis apertè rejecta, sed a Lucido per summam inicitiam devorata, a Galliæ Præsulibus inusta sunt. Cum enim Semipelagianæ sectæ doctores, ingenio, & disputandi solertia præstantes, sub-

subtilia in Augustinianæ doctrinæ professores argumenta exerent, variaeque ex ejus principiis absurda dogmata deducunt : Lucidus, ut erat obruto ingenio, malo fato succubuit, & ad insana paradoxa concedenda coactus est; quæ cæteri valentiores, ex Augustini, & Prosperi responsionibus, nullo negotio refellebant.

Faustum, Gennadium, Arnobium juniorem, cæterosque in Augustinum malè animatos, ea geminæ Synodi sententia, in imperitum, & pinguioris minervæ sacrificulum pronunciata, palam ab-usos, ut pristinas sectæ suæ calumnias instaurarent, ut gratiam efficacem, gratuitamque prædestinationem exploderent, ut initia fidei humanæ voluntatis conatibus darent, ut Augustinianos Prædestinatianorum nomine infamarent, haud dubium est. Faustus enim demandatam sibi ab Synodo Arelatensi confutandæ hæreseos Prædestinatianæ provinciam prætergressus, geminos de Gratia, & libero arbitrio Libellos, Massiliensium erroribus infarsit. Gennadius edito Virorum illustrium Indiculo, Augustini de prædestinatione sententiam, *errorem sermone multo contractum, & lucra hostium exaggeratum* effutiit *cap. 38.*, ac tantum non ut apertam hæresim damnavit : Prosperum Aquitanum, uti homuncionem & infamem alienæ gloriæ decurtatorem traduxit : Cassianique doctrinam ab Ecclesia probatam mentitus est. Arnobius junior, per speciem prædestinatianæ hæresis oppugnandæ prædestinationis mysterium amolitus est : originale peccatum de medio penè fustulit; fidemque naturæ viribus tribuit, in suis *ad Psalmos Commentariis*. (*Psalm. 50. 90. 91. 103. 108. 120. 126. 146.*) Sic illi lata in Lucidum censura abusi turpiter. Quo itaque jure, ne dicam qua fronte, quave audacia, apertos illos Semipelagianæ sectæ professores, uti catholicæ de gratia, & prædestinatione doctrinæ Magistros Launojus ostentat, (*Pag. 98. & 99.*) qui sacrum depositum integra fide servarint, & ad nos usque transmiserint? Qualege vulgatas ab iis adversus Augustini discipulos scriptiones, tanquam Traditionis Ecclesiasticæ promptuaria, unde certa hoc de argumento doctrina repeti debeat, laudibus effert, Ecclesiæ judicio palam, aperteque repugnans? Nota siquidem Gelasii Summi Pontificis, & Romanæ septuaginta Episcoporum Synodi, in Fausti, & Arnobii libros districta Censura : *Opuscula Fausti Resensis Gallicanarum Apocrypha Opuscula Arnobii Apocrypha*. Quo judicio non solum suprema autoritate, ut olim Simondo reponere libuit, libri illi exuti sunt; sed eadem cum Joviniani, Galli, Montani, Priscillæ, Maximillæ, Fausti alterius Manichæi opusculis, Infamiæ nota inusti, & inter hæreticorum, & schismaticorum quinquillas, quas nullatenus Catholica, & Apostolica Romana Ecclesia recipit, amandati; (apud Labbæum Tom. 5. pag. 388. & 390.) No-

ta Hormisdæ Pontificis, a Possessore de Fausti libris sententiam rogati, per litteras data responsio: *Hi verò, quos vos de Fausti cujusdam Galli Antisistis, dictis consuluisse, literis indicastis, id sibi responsum habeant. Neque illum recipi, neque quemquam, quos in auctoritate Patrum non recipit examen Catholica fidei, aut Ecclesiasticæ disciplinæ, ambiguitatem posse gignere, aut religiosi præjudiciū comparare:* (apud Labb. Tom. 5. pag. 663.) Nota Africanorum Episcoporum in Sardinia pro catholica fide exulum Epistola Synodica, qua memorati Fausti commenta veritati contraria, catholica fidei penitus inimica pronunciantur. Nota, ut paucis multa complectar, Cardinalis Baronii prudens animadversio Tomo 6. *Annalium ad annum 490. Non est quidem, ut pro Fausto aliqua possit in ejus defensionem vel excusationem Apologia elaborari, quem constat in universo Orbe Catholico impugnatum. Etenim in Occidente Cæsarius, & Avitus doctissimi, atque sanctissimi in Galliis Episcopi adversariis eum scriptis exagitarunt, eundemque in Africa Sanctus Fulgentius Ruspensis Episcopus septem Libris vehementissimè oppugnavit sed qui præstant bis omnibus, Felix, atque Gelasius Romani Pontifices eadem Fausti scripta rejecerunt: ut planè universum Occidentalem Orbem in eisdem Fausti libros insurrexisse, eosque oppugnasse atque hæresis condemnasse manifestum sit. In Oriente verò non unus duntaxat (quem refert Ado) Joannes Presbyter Antiochenus eos Fausti libros refellit, sed Ortbodoxi fere omnes. Et hos tamen libros, ut egregia de divina gratia fidei monumenta a Theologo Parisiensilaudari? Hos, hos? Proh superi, mites animos!*

Illud postremò non omiserim, Theologum nostrum in figenda editorum librorum epocha, pingui nimis anachronismo labi, quo tota perturbatur Prædestinatianorum Historia; ut inde satis compertum sit, quam oscitanter calamum moverit. Faustum, Gennadium, Arnobium, Prosperum Tyronem, Libros concinnasse ait, (Pag. 99. & 100.) quibus Augustinum, alii quidem latenter, alii aperta fronte erroris insimulabant, omniaque periculosa doctrinæ paradoxa cumulatissimè refellebant Quibus cum nihil apud ejusdem discipulos profecissent, eorum unum nomine Lucidum, ac totius sectæ coryphæum in jus vocarunt, apud Arelatenis Synodi Patres &c. At Faustum nonnisi post celebratas Synodos Arelatenlem, & Lugdunensem, in Augustinum, ejusque discipulos calamum acuisse; ac etiam implendæ, quæ sibi a Patribus demandata fuerat, Prædestinianos exagitandi provinciæ occasione, virus in gratiæ Vindicem effudisse, notissimum est. Hinc illa ejus ad Leontium verba, in totius operis Præfatione: *Quod pro sollicitudine pastoralis Beate Papa Leonti, in condemnando prædestinationis errore,*

vore, Concilium summorum Antistitum congregastis, universis Gallicanarum Ecclesiis præstitistis. Quod verò ad ordinanda ea, quæ collatione publica doctissimè protulistis parum, ut reor, tanto negotio, parum sanctæ existimationi vestræ consulivistis In quo quidem Opusculo, post Arelatenfis Concilii subscriptionem, novis erroribus deprehensis, adjici aliqua Synodus Lugdunenfis exegit: (apud Labb. Tom. 5. pag. 127.) Gennadius etiam librum de Viris illustribus, quo se Augustini, ejusque discipulorum adversarium prodit, circa annum 494., qui decimus nonus ab Arelatenfi Synodo (Synodus Arelatenfis anno 475. habita est); numeratur, elaboravit. Namque de Theodulo Presbytero sic habet: *Moritur hic Scriptor ante triennium, regnante Zenone*: mortuus autem Zeno est anno 491. Ejusdem liber de Ecclesiasticis dogmatibus, in quo nonnihil Semipelagiani fermenti deprehenditur, edi non potuit ante annum 491., quo primùm Gelasius Pontifex, ad quem statim ab Authore transmissus est, Romæ sedit. Arnobius junior post damnatam duntaxat Arelate Prædestinatianam hæresim, suos in *Psalms Commentarios*, eodem fermento resperfos elucubravit; quippè, qui eam ex nomine appellat, in *Psalum* 146., ejusdemque distincta capita insectatur. Quis ergo fieri potuit, ut Augustini discipulos ad Arelatensem Synodum provocarent, quòd iis libris exagitati, a pristinis dogmatibus abduci nollent; sed Magistri doctrinæ semel ebibitæ tenaciùs hærent? Prosperum Tyronem, quod attinet, is nec Semipelagianus, nec Augustini adversarius haberi potest, si pura, & integra est laudata illius Chronici lectio, quæ tam distinctè habet; *Prædestinatianam hæresim, ex libris Augustini male intellectis, initium accepisse*. Nec in eas de divina gratia controversias videtur ingressus, qui breve duntaxat Chronicon concinnavit, quo nihil huic argumento affine continetur.

Interea tamen Lectorem hoc loco monere juvat, me in consultando Launojo, eam de Arnobio juniore sententiam tenuisse, quæ ipsi arrisit maximè; illum nempe in Augustinum malè affectum, in Semipelagianorum castris meruisse. Quod sanè fateatur necesse est, quisquis illi *Commentarios in Psalmos* adjudicat, qui ejus nomine in nonnullis Editionibus prostant: ut multis contra Vossium probat eruditissimus Cardinalis de Noris *lib. 2. Historiæ Pelagianæ cap. 15*. Cæterùm *Commentarios* illos, Arnobio perperam inscribi, duplicique titulo a Gelasio dictos Apocryphos; eum verò inter Augustini cultores jure censi, ac ne latum quidem ungucem ab ejus sententia discessisse, persuasum habeo ex ejus *Dialogis cum Serapione*, jam olim ab Alcuino sub ejus nomine laudatis, *Epistola ad Flavium Menium*, & libro 6. contra Felicem Urgellitanum. Ita enim inter se se de Augustino colloquuntur Arnobius

& Se-

& Serapion libro 2. haud longè sine : *Serapion dixit : non ita docentem Augustinum audiui . Arnobius dixit : In qua parte non ita audisti eum docentem ? Serapion dixit : Non imperium legis impleri , omnia volumina tractatum , & librorum ejus testantur scripta . Arnobius dixit : Tangit me , ita sicut sunt mira ejus verba in medium proferre , & probare quantum legis imperio , quantum libero concedatur arbitrio . Serapion dixit : Testor Deum , quia sollicitudini meæ universam ambiguitatem eliminat , si de his ejus mihi definita proferas , & de omnibus , quæ transacta sunt , evidentiâ ejus afferas documenta . Fateor enim me ejus assertiones ita probatas habere , UT SE IPSUM ORE SUO HÆRETICUM DETEGAT , QUI AUGUSTINUM PUTAVERIT IN ALIQUO REPREHENDENDUM ELOQUIO . Arnobius dixit : meo sensu locutus es : nam ea , quæ ejus nunc profero , ac si sacratissima Apostolorum scripta , sic credo , & teneo , & defendo . Itane Augustinum Semipelagianus homo celebrasset , cum ii , ex se-
cæ decreto , tam multa ejus dicta reprehenderent ?*



Augustinianæ doctrinæ de Semipelagianismo triumphus, sæculis sexto, septimo, & octavo reportatus, & a Launojo pessima fide dissimulatus, distinctè narratur.



Rontem Launojo periisse necesse est, dum ad decimum quartum narrationis suæ caput conscribendum, mentem applicuit. (Pag. 102. & 103.) Augustini discipulos non jam tecto sermone, sed palàm, & apertè, distinctisque verbis *audaces*, & *peruicaces* appellat; quòd geminæ Synodi judicio in Lucidum pronuntiato nihil territi steterint in incepto; obscuròque nonnullos Africæ Præules, in Sardiniam actos suis partibus illigariunt: tametsi, ut adjicit, nihil tot illæ artes obsuerint, quominus vulgata ab iis paradoxa omnium in se fidelium odia concitarent. Uque hoc ultimum duplici fabella, & quidem omnium stultissima, confirmasse sibi visus est, ad nonum subindè sæculum gressum faciens, Gortescalchi historiam nectit; *quod duorum, & amplius sæculorum spatio* (Fabulatoris verba sunt) *Augustini discipuli ubivis pessime habiti conticuisser, seque ipsos silentio damnaissent, donec gyrovagus Monachus caput tolleret.* (Pag. 106.)

Siste, Launoj, siste; & qui hætenus illatum a Massiliensibus Augustino, ejusque discipulis bellum fusiùs enarrasti; Semipelagianorum in eos dicteria, querelas, oblocutiones exaggerasti; objectorum errorum indiculum millièstexuisti; libellos, scriptiones, omniacque intentatæ litis instrumenta excussisti; sine videamus quem tandè sæculo sexfo, ac septimo exitum habuerit gravissima concertatio, quæ centum, & amplius annos Ecclesiam universam, ac potissimùm Gallicanam exercuit. Hinc enim definire facile erit, num Augustini de gratia, & prædestinatione sententia, erroribus (quod hic maximè queritur) debeat accenseri; an potiùs inter fidei, & Traditionis Ecclesiasticæ capita computari? Num post latam in Synòdis Arelatenfi, & Lugdunensi in Lucidum damnationem, bonorum in se odium Augustiniani concitarent, an veriùs Romanorum Pontificum, Conciliorum, ac Patrum cultu excepti sint? Num demùm malè sanæ doctrinæ conscientia, ora compresserint Sanctissimi Doctoris discipuli, & affectu; an potiùs fuerint illi tui, quos laudibus cumulas, Cassiani, Vincentii, Fausti, Genadii, ex totius Ecclesiæ sententia, æterno silentio damnati?

Fau-

Faufto Rejenſi Epifcopo, in quem Semipelagianæ Reipublicæ principatus, extincto Caſſiano, devolutus fuerat, humanis tandem rebus exempto, languere paulatim cœpit factio divinæ gratiæ inimica: Auguſtini verò ſententia, quæ potentiſſimos hæcenus paſſa fuerat adverſarios, depulſis ſenſim ſuperborum hominum præjudiciis, liberè triumphavit. Maſſilienſes in Hipponenſem Epifcopum initio muſſitantes, incerto velut iſtu petierat Cœleſtinus; cujus ad Gallos Epifcopos nobile reſcriptum, per ſe ſe licet decretorium, ſubdolis interpretamentis, & exceptionibus eludebant. Verum hæc illis ſubindè plagas intulere per vices Gelafius I. Hormiſdas, Felix IV., Bonifacius II., Joannes II., unà cum Synodis Gallicanis, aliisque ſanctiſſimis Patribus, ut amica manu leniri nequiverint; nemoque deinceps, citra hæreſis notam, ſuam illis adverſus Auguſtinum advocacionem præſtare potuerit.

Gelaſius anno 493., qui alter a Fauſti obitu fuit, Semipelagianæ ſectæ dogmata damnavit, de humanis conatibus gratiam antecedentibus, deque fide naturæ viribus prodeunte, datis ad Picenî Epifcopos elegantiffimis Epiftolis: *Quid autem, inquit, haberi poſſit ſine gratia, cum ſit fides ipſa per gratiam; eodem Apoſtolo nos doſente; (Epift. 7.) Miſericordiam conſecutus ſum, ut fidelis eſſem. Nec aliud eſt miſericordia divina, quàm gratia; ut oſtenderet, quia donum gratiæ non ipſe præceſſerit, ſed fuerit ſubſecutus; atque monſtraret, cooperatorem ſe eſſe gratiæ, ſubſequendo. Cumque Seneca quidam delirus ſenex, ac nullius eruditionis homunculus, Auguſtini, & Hieronymi ſcripta laceſſeret, ſummoſque Doctores mille conviciis oneraret, de utriuſque honore ſollicitus pius Pontifex, inauditam homuncionis audaciam hiſce compeſcuit: *Adbuc majus ſcelus accreſcit, ut ſub conſpectu, & præſentia ſacerdotum, beatæ memoriæ Hieronymum, atque Auguſtinum, Eccleſiaſticorum lumina Maſtrorum, muſca moritura, ſicut ſcriptum eſt, exterminans oleum ſuavitatis lacerare contenderet. Eccleſ. 10. (apud Labb. Tom. 5. pag. 306.)* Quid dicturum Gelaſium arbitramur, ſi muſcam, non utique morituram, ſed mortuam dudum, ac tumulo datam, Auguſtino Eccleſiaſticorum Maſtrorum lumini inſultantem, eidemque Prædeſtinatiænæ, Vvirkleſianæ, Lutheranæ, Calvinianæ, Janſenianæ hæreſeos notam audaciùs inurentem deprehendere contigiſſet? Id verò ſummum ſcelus, nulla verbi invidia, vocitaſſet.*

Novo iſtu Semipelagianos conſecit Gelaſius idem, anno proximè ſequenti, novumque Auguſtinianæ ſcholæ decus addidit. Coacta ſcilicet Romæ ſeptuaginta Epifcoporum Synodo, factaque de libris vel legendis, vel rejiciendis conſultatione, Caſſiani, & Fauſti Opuscula, eadem cum Joviniani, Montani, Priſcillæ, Maxi-

milæ, aliorumque hæreticorum, & schismaticorum libris, censura notavit; eaque inter quiesquilias amandavit, quas Ecclesia Catholica minime recipit: Augustinum verò, & Prosperum Aquitanum, Orthodoxorum Patrum numero censuit, qui in nullo a sanctæ Romanæ Ecclesiæ consortio deviarunt. Cujus quidem decreti verba dedimus paulò supra Cap. 10.

Ineunte sæculo sexto, delati in Orientem Fauſti Rejenſis Episcopi Libri duo, quos Arelatenſis Synodi juſſa prætergreſſus in Auguſtinum ediderat, Scytharum Monachorum cenſuram experti ſunt. Novi ex ultimo Ponto excitati gratiæ vindices, Libello de Incarnatione, & gratia concinnato, Auguſtini de gratuita prædeſtinatione ſententiam toto conatu vindicarunt, & Rejenſis Episcopi Libros in eandem editos anathemate cõſoderunt: *Sanctorum Patrum*, inquiebant, *imbuti doctrinis, anathematizamus Pelagium, & Cæleſtium, ſimulque etiam Julianum Eclanenſem, & qui illis ſimilia ſapiunt; præcipuè Libros Fauſti Galliarum Episcopi, qui de Monasterio Lirinẽſi proveltus eſt In quibus non ſolum contra horum omnium ſanctorum Patrum, verum etiam contra ipſius Apoſtoli traditionem veniens, humano labori ſubjungit gratiæ adiutorium; atque totam omninò Chriſti evacuans gratiam, antiquos ſanctos, non ea gratia, qua, & nos, ſecundum quod docet beatiſſimus Petrus Apoſtolus, ſed naturæ poſſibilitate ſalvos imple proficitur.*

Scytharum Libello calculum adjecere Præſules Africani, in Sardinia inſulam, pro Catholica fide, a Traſamundo Rege Arjano relegati, vitæ ſanctimonia, & eruditionis laude ſpectatiſſimi, numero quindecim, Bizacenæ Provinciæ, Dacianus videlicet, Fortunatus, Boethus, Viſtor, Scholaſticus, Orontius, Vindicianus, Viſtor, Januarius, Viſtorianus, Photinus, Quodvultdeus, Fulgentius, Felix, Januarius. Ii coacta Synodo, delatam per Joannem Diaconum, Monachorum ſcriptionem non probarunt modo, verum etiam alteram pari titulo, de Incarnatione, & gratia ſubmiſerunt, qua Fauſti errores, de initio vocationis, & fidei, de prædeſtinatione ex meritis pendula, de gratia promiſcua collata, capite 18., & ſequentibus, egregiè confutarunt, ſancto Fulgentio Ruſpenſi Episcopo omnium decreta, atque ſententias in literas mittente. Fauſti nihilominus nomini pepercere, & a ferenda in ejus libros ſententia temperarunt, quòd illos necdum legiſſent. Egregium volumen hoc brevi Epilogo clauditur, quo ſtat Auguſtinianæ doctrinæ ſumma: *Habetis, dilectiſſimi Fratres, tam de Incarnatione Domini Jeſu Chriſti, quàm de gratia paucis expreſſam fidei noſtræ, confeſſionisque ſententiam Cujus gratia nobis, & iniſſum bonæ voluntatis donatur ad fidem, & ipſi voluntati adjuro-*

rium

rium tribuitur, ut quod bene vult, bene operetur. Deus enim, qui hominem condidit, ipse prædestinatione sua, & donum illuminationis ad credendum, & donum perseverantiæ ad proficiendum, atque permanendum, & donum glorificationis ad regnandum, quibus dare voluit, præparavit, quique non aliter perficit in opere, quàm in sua sempiterna, atque incommutabili habet voluntate dispositum. Cujus prædestinationis veritatem, qua nos ante mundi constitutionem prædestinatos in Christo Ephel. 1. testatur Apostolus, si quis detrectat cordis credulitate recipere, vel oris confessione proferre, si ante ultimum diem vitæ præsentis, impietatis suæ contumaciam, qua Deo vivo, & vero rebellis obstitit, non abjecerit, manifestum est, eum non pertinere ad eorum numerum, quos Deus in Christo ante mundi constitutionem gratis elegit, & prædestinavit ad regnum &c. Launoji manibus bene precor, ac ne Bisacenorum Præsulum sententiam expertus sit, Divinam misericordiam suppliciter peto. Nec unius Bisacenæ Provinciæ Patres, numero quindecim, quorum nomina laudatæ scriptiioni præfixa sunt, sententiam dedisse; sed cæteros planè omnes supra sexaginta Africæ Præsules, in exilium actos, Scytharum consultationi respondisse, Fulgentio calamum omnibus commodante, haud obscure innuit Ferrandus Diaconus Carthagenensis, in ejus Vita cap. 20. Huic etiam, inquit, quandocumque transmarinis Literis, de fide, vel de diversis quæstionibus interrogabantur Episcopi, respondere pro omnibus, ab omnibus imponebatur. Ita sicut sanctæ memoriæ Aurelius Carthagenensis Ecclesiæ Antistes, inter sua privilegia meruit, ut Literas ex Africano Concilio dandas ipse solus scriberet: sic iste meruerat, ut literas ex illo Concilio dirigendas solus ipse diceret. Sexaginta quippè, & eo amplius Episcopos tunc catena ligabat exilii, quorum lingua, & ingenium B. Fulgentius Episcopus fuit. Propterea quandocumque rescribebant consulentibus, Episcoporum nomina cunctorum dicebantur in titulo; sed solius Beati Fulgentii sermo tenebatur in stylo.

Hæc omnia notare libuit, ut inaudita Launoji petulantia comprimat, qua tam multos sanctissimos, ac doctissimos Præsules, pro tuenda fide catholica durum exilium passos, tanquam obscuros, ac pauculos fortis infimæ magistrillos despiciatur, ac ludit; quasi Gallorum Augustiniensium artibus circumventi, ac turpiter lusi, dictatam ab iisdem sententiam scripto mandarint. (Pag. 103.) Vah insulsi argutatoris infrunitam audaciam! Afros in Sardiniam ejectos suis partibus illigarint Galliarum Augustini discipuli, quibuscum nihil unquam commune fuerat? Aut ii fortasse fuerint religiosissimi Confessores, qui in alienam sententiam cæco impetu, atque obtorto naso ducerentur?

Inte-

Interim Afrorum responso animati Scythiæ Monachi, Fausti Libros, Joanne Maxentio duce, longè quàm antea vehementiùs sugillabant, ac palam facto agmine, ut hæreticos, traducebant. At cum illos alii. adversis studiis occupati catholicos dicerent, neutraque pars alteri cederet, ac turbæ interim moverentur; Possessorem notæ eruditionis Episcopum, qui Constantinopoli exul degebat, sententiam rogarunt Vitalianus, & Justinianus militum Magistri. Hic quoddam privatam Constantinopoli vitam ageret, nihil autoritate dixit, aut explicatè respondit: sed neutri dissidentium parti favere studens, Fausti libros, nec hæreticos, nec catholicos pronuntiavit; quasi privatas duntaxat sententias complecterentur, quas nec probaret apertè, nec improbaret Ecclesia. Interea tamen urgentibus Vitaliano, & Justiniano, ad Hormisdam Romanum Pontificem literas destinavit, supremum ea de re judicium quæsiturus. Erant *Epistolæ verba*: Cum quorundam fratrum animus, de codice Fausti cujusdam, natione Galli, Reginæ Civitatis Episcopi, qui de diversis rebus, & frequentius de gratia Dei disertè visus est disputare, in scandalum moveretur; aliis (ut se habent humana studia) in contrarium renitentibus, me crediderunt de hoc ambiguo consulendum. Dixi quidem ea, quæ a tractatoribus, pro capiti proprii ingenii disputantur, non ut canonica recipi, aut ad Synodaliū vicem pro lege servari; sed habere nos certa scilicet, quæ veteri lege, vel novâ conscripta, & generalibus Patrum sunt decreta judiciis, ad fundamentum fidei, ac religionis integram firmitatem: hæc autem quæ Antistites diversi conscripserunt, pro qualitate sui sine præjudicio fidei solere censeri Quæso, ut consulentes, quid de præfati Auctoris dictis videatur, auctoritate Apostolica responsionis agnoscant: maxime, quoddam filiis quoque Magistris militum, Vitalianus, & Justinianus, præcipuè super hac re, Rescripto Beatitudinis vestræ similiter informari desiderant; (apud Labb. Tom. 5. pag. 662.)

Hormisdas acceptis Possessoris Epistolis, Fausti Libros, nullius in Ecclesia auctoritatis esse respondit: sed Augustini Libros, potissimè verò ad Prosperum, & Hilarium datos, legendos inanuavit, tanquàm qui Catholicæ, ac Romanæ Ecclesiæ doctrinam, de gratia, & libero arbitrio, complectantur: (*Epist. 70.*) Hi verò, inquit, quos vos de Fausti cujusdam Galli Antistitis dictis consuluisse, literis indicastis, id sibi responsum habeant. Neque illum recipi, neque quemquam, quos in auctoritate Patrum non recipis examen Catholicæ fidei, aut Ecclesiasticæ disciplinæ, ambiguitatem posse gignere, aut religiosi præjudicium comparare De arbitrio tamen libero, & gratiâ Dei, quod Romana (hoc est, Catholica) sequatur, & asseveret Ecclesia, licet in variis libris Beati

Au-

Augustini, & maxime ad Hilarium, & Prosperum, possit cognosci, tamen in scriniis Ecclesiasticis expressa Capitula continentur, quæ si vobis defunt, & necessaria creditis, destinabimus: quamquam, qui diligenter Apostoli dicta considerat, quid sequi debeat, evidenter agnoscat; (apud Labb. Tom. 5. pag. 663.) Quo iudicio, omnem Launojo, ac Semipelagianis, quo effugiant, aditum interclusit. Cœlestino enim Præfulem Hipponensem, uti Magistrum optimum, nulliusque suspitione erroris aspersum commendanti, reponere soliti erant; (*Apud D. Prof. contra Coll. c. 21.*) *istam in sanctum Augustinum laudationem pro anteriorum scriptorum meritis fuisse collatam quia in Epistola Papæ, librorum pro quibus actum est, non expressus est titulus.* Verum Librorum titulum expressit Hormisdas, illosque potissimè commendavit, qui Launojo, ac Semipelagianis præ cæteris stomachum movent. Cum itaque uno, eodemque iudicio, Augustini Libros ad Hilarium, & Prosperum datos, uti Ecclesiæ Romanæ doctrinam de gratiâ, & libero arbitrio continentes, approbet Pontifex; Fausti verò libros, eodem de argumento, in sanctum Præfulem exaratos, apertè rejiciat: consequens profectò est, theses omnes, ex profecto a Sancto Doctore inibi defensas, quibus adversarias Faustulus opposuit, ab Ecclesiâ Romanâ propugnari, atque defendi.

Anno 523. Sanctus Fulgentius Ruspensis Episcopus, Afrorum Episcoporum in Sardinia exulum unus, idemque pietate, & eruditione præcipuus, novis collegarum precibus inclinatus, Fausti libros a Scythiz Monachis transmissos, septem aliis impugnavit. Horum magna cum laude meminit Sanctus Isidorus Libro de Viris illustribus cap. 14., tametsi hucusque inediti delitescant: *Fulgentius, inquit ille; Afer, Ruspensis Ecclesiæ Episcopus, in confessione fidei clarus, in Scripturis divinis copiosè eruditus, in loquendo dulcis, in docendo, ac disserendo subtilis, scripsit multa, ex quibus legimus, de gratiâ Dei, & libero arbitrio, Libros responsionum septem: in quibus Fausto Galliæ Rejensis Urbis Episcopo, Pelagianæ pravitati consensienti respondens, obnitiitur ejus profundam destruere calliditatem.* Spes fuerat, ingentem thesaurum, per annos fere mille ducentos inaccessis latebris aditum, nostræ demùm ætate in publicam lucem proditum. Volumen situ putre, membranis exaratum, blattarum, & tinearum epulas brevi futurum, e tenebris nescio quibus eruerat Hieronymus Vignerius Oratorii Presbyter, dataque non semel intimis, ac familiaribus curandæ editionis fide, Augustinianæ doctrinæ studiosius salivam moverat. Verùm fatali cunctatione, cui humanæ rationes nonnullæ suberant, effectum est, ut necdum tentatâ editione, & vivis excesserit. Quo demum eventu, invidâ manus, ac diris etiam devo-

venta, sacrum thesaurum Reipublicæ literariæ secundò furrupuit.

Suam in sedem hoc ipso anno restitutus Fulgentius, tres alios *de veritate prædestinationis*, & *gratiæ* Libros addidit, Scythis Monachis nuncupatos, ad Faustii sectatores cumulatius refellendos. Horum altero Augustini doctrinam, a Rejenfi Episcopo temerè sugillatam, constantem Ecclesiæ, cùm Latinæ, tùm Græcæ Traditionem appellat, ab Apostolis derivatam. (*Cap. 18. lib. 2.*) Audi Lau-
noij, & comprime rostrum : *Hæc itaque Catholicorum Patrum Apostolicis institutionibus tradita permanet in Ecclesiis sine aliquâ dubitatione doctrina, quam Græci, Latiniq; Pontifices, sancti Spiritus infusione firmati, uno, atque indissolubili semper tenuere, consensu. In qua Beatus Augustinus, indutus virtute ex alto, abundantiùs illis omnibus laboravit; non ipse autem, sed gratia Dei cum illo. Ipsius ministerio, Dominus uberiorem hujus rei fidelibus suis instructionem præbuit &c.*

Geminam Ruspensis Episcopi lucubrationem, (ut de aliis subindè concinnatis, *de Prædestinatione ad Monimum*, necnon *de fide ad Petrum*, nil dicam hlc) communibus suffragiis approbarunt Episcopi Africani, e Sardinia jam reduces, & ab exilio, Hilderici Regis, qui Trasamundo successerat, benignitate revocati. Faustii Libros distinctâ censurâ inusserunt, Augustini verò ad Prosperum, & Hilarium datos, singulari elogio commendarunt, Epistolâ Synodica ad Scythas Monachos datâ; ex quâ pauca ista delibare sat erit ad Launoji somnia dissipanda : *Præ omnibus studium gerite, Libros Sancti Augustini, quos ad Prosperum, & Hilarium scripsit, memoratis fratribus legendos ingerere. Quorum mentionem Beata memoriæ Hormisdas Sedis Apostolicæ gloriosus Antistes, in Epistolâ, quam consulenti se sancto Fratri Confacerdori-que nostro Possessori rescripsit, cum magno præconio catholicæ laudis inseruit. Tum recitatis Hormisdæ verbis, de Faustii Libris, eorumque a Sancto Fulgentio adornatâ binâ confutatione, ita pronunciant: Caterùm unus ex nobis, in quantum Dominus servis suis recti gratiam dignatur donare sermonis, illis omnibus, quæ memoratos fratres adversus gratiam, & prædestinationem, intima-
fis, vel sentire, vel dicere, tribus Libris vestro nomine dedicatis sufficienti disputatione respondit, quique adversus duos Libros Faustii Galli septem Libros edidit: quos eùm recensueritis, agnosceris protinùs, quemadmodum memorati Faustii commensa veritati contraria, Catholicæ fidei penitus inimica, discussio prodidit, ratio manifesta convincit, auctoritas divina compressit, & præcedentium Patrum consona prorsus attestatio confutavit: (apud Labb. Tom. 5. pag. 739.*

Pari per idem tempus, in Faustum ejusque gregales, exitu bel-
lum

lum movit Sanctus Cæsarius Arelatenſis, Gallis Præſulibus non plaudentibus modò, verùm etiam dexteris dantibus; ut quæ per annos ampliùs centum, Semipelagianiſmum aluerat, & foverat Gallia, eundem ipſa præfocaret. Itaque Librum de Gratia & libero arbitrio Cæsarius edidit, quo binos ejuſdem tituli Libros, a Fauſto elaboratos, egregiè confutavit, & Auguſtini doctrinam defendit, illuſtravitque. Triumphum illi per Epistoſas gratulatus eſt magnus Ennodius, gemina ad Anaſtaſium Imperatorem obita legatione clariffimus, & a Synodo V. Romana honorificentiffimo elogio ornatus: (*Lib. 9. Epist. 33.*) *Tibi debet, inquit, quicumque ille Scriptorum maximus, quod cum dote elocutionis amplificas; Auguſtinum nimirum intelligens, quem is adverſus Rejenſis Episcopi criminationes, pari ſermonis elegantia, & eruditione defendit.*

Sancto Cæsario dexteris contulit Sanctus Avitus Viennensis Archiepiſcopus, cujus eruditione, ac fide, ab Arjanæ hæreſeos infeſtatione Gallia noſtræ deſenſæ ſunt. Hunc in Fauſtum ſtylum exercuiſſe, teſtatur Ado Viennensis & ipſe, in Chronico ætate 6. *Fauſtus ex Abbate Lirinensis Monasterii apud Regnum Gallia Episcopus factus, Pelagianum dogma deſtruere conatus, in errorem labitur: unde, qui ejus ſenſus in hac parte catholicos prædicant, ſicut Gennadius de illuſtribus Viris ſcribens, omnino errant. Ita enim liberum arbitrium, tam Auguſtinus, quàm ceteri Catholici in Eccleſia Dei docent, ut illuminatio ejus, virtus, & ſalus illi a Chriſto, & per Chriſtum, & cum Chriſto ſit. Fauſtus verd iſte ita liberum chriſtianum arbitrium dicere conatur, ut illuminatio ejus, virtus & ſalus non a Chriſto, ſed a natura ſit. Contra hunc ſcribit lucidiſſima fide Beatiffimus Avitus Viennensis Episcopus, ejus redarguens errorem. Similiter, & Joannes vir eruditus Antiochenus Presbyter: Maxentius nempe Monachorum Scytharum Archimandrita, de quo antea dicebamus. Quibus verbis Adonem quoque Cæsario ſua demum ætate ſuffragatum intelligimus; quippe qui, & Fauſtum ut hæreticum infeſtatur, & Auguſtinum catholicæ de divina gratia doctrinæ Magiſtrum agnoſcit.*

Sed qui his omnibus præſtat Felix IV. Romanæ Eccleſiæ Pontifex, Cæsarii triumphis accinuit, editumque Volumen Apoſtolica authoritate communivit, ſi quæ Gennadii Continuatori fides eſt: *Cæsarius, inquit ille, Arelatenſis Urbis Episcopus, vir ſanctitate, & virutibus celebris, ſcripſit egregia, & grata, & valdè Monachis neceſſaria Opuscula. De gratia quoque, & libero arbitrio edidit teſtimonia divinarum Scripturarum, & Sanctorum Patrum judiciis munita, ubi docet, hominem nihil de proprio agere boni poſſe, niſi cum divina gratia prævenieris. Quod opus etiam Papa Felix, per ſuam Epistolam roboravit, & in latius promulgavit.*

Præſect. P. Serry Tom. II.

Z z

Quam-

Quamquam quid ego his immoror, ut Semipelagianos Gallorum Prælium eruditione repressos, Romani tandem Pontificis auctoritate, extremo velut itelo, confectos ostendam? Prostant in omnium oculis secundæ Arausicanæ Synodi Canones, quos, vel ignorasse Launojum, vel, si noverat, contempsisse, perinde mirum. Hos a Felice IV., qui tum Romæ sedebat Pontifex, ad Pelagianismi reliquias, quæ suam Launojus advocacy accomodat, extirpandas, submissos esse, & ab Episcopis Gallicanis, proferente Cæsario, subscriptos, ex ipsa eorundem præfatione compertum est: *Id nobis secundum admonitionem & auctoritatem Sedis Apostolicæ, justum, & rationale visum, ut pauca capitula, ab Apostolica nobis Sede transmissa ab omnibus observanda proferre, & manibus nostris subscribere deberemus.* Eosdem ex Augustini sententiis conflatos, æque certum; idque facta collatione ostendit Binius, in suis ad Synodum Arausicanam adnotationibus. Cassiani demum, ac Fausti assertiones, sacris illis fidei regulis penè syllabatim inustus oculis subjicit Cardinalis Norisius *lib. 2. Historiæ Pelagianæ cap. 23.*; necnon in *Appendice ad eandem cap. 2.* Quæ tria dum reputo, satis intelligentia assequi nequeo, eo insultatis devenisse Launojum, ut silentium sæculo 6. (*Pag. 105.*) Augustiniani indictum blateraret: quo maxime tempore, Augustini ore, & Romæ Pontifices, & Galliarum Synodi loquebantur, ejusdemque sententiis, decretum in æmulos obtrectatores judicium pronuciabant.

Nec Arausicana duntaxat, verum etiam Valentina Synodus, multò numerosior, Semipelagianos errores proscripsit, & Augustinianæ doctrinæ caput de gratuita vocatione confirmavit. Cum enim observasset Cæsarius, Arausicanæ Synodi Canones, minori apud nonnullos, ebibitis jampridem erroribus tenaciores, haberi pretio, seu quòd pauciores ad eam Episcopi convenissent; seu quòd de rebus fidei, ex occasione duntaxat dicandæ Basilicæ, tanquam aliud agentes pronuntiassent; idemque ipse malè apud nonnullos audiret, quasi plus æquo sancitis Arausicæ Canonibus, gratiæ tribuisset: is ut coeptum opus ad umbilicum duceret, omnemque a se sinistræ opinionis suspensionem amoveret; Augustini doctrinam, seu verius Catholicam Fidem, frequentioribus Patrum suffragiis sanciri voluit. (*Ruricius lib. 2. Epi. 32.*) Quare Synodum pro jure primatus, Valentiam indixit, cui cum adversa valetudine prohibente, interesse non posset, suas Cypriano Tolonensi Episcopo vices delegavit: quo duce, ac præfide, Catholica veritas, non ita pridem Arausicæ sancita, cum magno Augustiniani nominis incremento, de potentissimis hostibus triumphavit. Rem totam memoriæ mandavit Cyprianus alter, Cæsarii discipulus, in ejus Vita;

Vita; etenim *Valentinæ Synodi Acta* invidia temporum periere: *Mulsi quidem amuli surrexerunt*, inquit ille lib. i. cap. 30., *qui ejus resisterent doctrina de gratia prædicanti: sed o felicitas amulanda!* Etenim *sufurris*, & mala interpretatione quorundam, oboritur in *Galliarum partibus*, contra prædicationem Dei hominis, frustra sinistra suspicio. Ob hoc *Antistes Christi*, ultra *Isalam* consistentes, charitatis amore collecti, in *Valentina Civitate* conveniunt: quod etiam *Beatus Casarius* infirmitatis causa sollicitatus, sicut disposuerat, properare non posuit. Misit tamen præstantissimos viros de *Episcopis*, cum *Presbyteris*, & *Diaconis*. Inter quos etiam *Cyprianus Tolonensis Episcopus*, *Antistes magnus*, & clarus enituit: omnia, quæ dicebat, de *divinis utique Scripturis* firmans, & de *antiquissimis Patrum institutionibus* probans, nihil per se in *Divinis profectibus* quemquam accipere posse, nisi fueris primus Dei gratia præveniente vocatus.... Quorum intentionibus vir Dei *Casarius* dedit veram, & evidentem ex *Traditione Apostolica* rationem. Nam *beate memoria Bonifacius, Romana Ecclesiæ Papa*, eadem collatione comperta, calcata intensione jurgantium, prosecutionem sancti *Casarii Apostolica auctoritate* firmavit. Idem donante Christo paulatim *Ecclesiarum Antistes* præceperunt, quod optaverat *diabolus repentina animofratre* cassare.

Hæc omnia cum fide retuli, tametsi eruditis omnibus nota: partim, ut *Tolonensis Ecclesiæ*, quæ me Christo peperit, summum decus publicarem, cujus *Antistes Cyprianus* id demum honoris, & gloriæ retulit, ut *asserta Augustini doctrina*, diutius concertationi, quæ *Galliam universam* centum, & amplius annos in contraria studia distraxerat, finem imponeret: partim, ut *Launoji* pessimam fidem ob oculos ponerem; qui ut *Cæsarium Augustinianæ Doctrinæ professorem*, suis, pro more, calumniis oneret, *Synodum Valentinam* adversus illum ipsum habitam comminiscitur, quod *Augustini dogmata* tueretur: quin etiam eundem illum damnationis sententia certò petendum hariolatur, nisi *Cyprianus*, (*Pag. 105.*) alique *Præsules amicissimi*, causam illius egissent, ejusque doctrinam benigna interpretatione emollivissent. Certè si fabulam de industria texuisset *Launojus*, ut suo, lectorumque otio abuteretur, haud illum putidiores nugas narraturum existimo. Quid enim, si sic est, ut obtendit, *Valentinæ Synodi gesta*, ab *Apostolica Sede* confirmari *Casarius* postulavit? Quid *Synodum Valentinam*, *Collationem* cum quibusdam *Sacerdotibus* a *Cæsario* habitam vocat *Pontifex*, in ipso confirmationis instrumento? Quid *sanctos inibi canones*, *Cæsarii*, & *Confacerdotum confessionem* appellat? Quid *Augustini doctrinam*, pro cujus defensione *zmulorum* quorundam invidiam subierat *Cæsarius*, præ cæteris tenendam inculcat? Quid *Præ-*

byteros aliquos Semipelagianismo luto adhuc hærentes, ad bonam frugem Cæsarii industria revocandos ominatur? Do Bonifacii Romani Pontificis ad Cæsarium epistolam, non integram quidem, utpote prolixiorē, sed per centones, ac partes, quantum confirmandis singulis hinc capitibus, & Launoji fabulæ refellendæ sufficiat. Quamquā et si daremus, Synodum Valentinā, contra Cæsarium ipsum, ejusque ingratiis habitam esse; quod is ob defensatam, atque sanctam Arausicæ Augustini doctrinā, malè apud aliquos audiisset: in eo tamen culpandus Launojus veniret, quoddam privatorum obmurmurationes, turbas, coitiones, Arausicanæ Synodi decretis, necnon Feliciis IV., & Bonifacii II. rescriptis caussam Cæsario adjudicantibus, anteponat.

*Indicas enim (Bonifacii verba sunt ad Cæsarium rescribentis) quod aliqui Episcopi Galliarum, cū cætera jam bona ex Dei ac-
quieverint gratia provenire, fidem tantum, quā in Christo credimus, naturæ esse velint, non gratiæ; & hominibus ex Adam, quod dici nefas est, in libero arbitrio remansisse, non etiam nunc in singulis misericordiæ divini largitate conferri: postulans, ut pro ambiguitate tollenda, confessionem vestram, qua vos e diverso fidem rectam in Christo, totiusque bonæ voluntatis initium, juxta Catholicam veritatem, per prævenientem Dei gratiam, singulorum definitis sensibus inspirari, auctoritate Sedis Apostolicæ firmaremus. Atque ideo cū de hac re multi Patres, & præ cæteris beate recordationis Augustinus Episcopus, sed & Majores nostri Apostolicæ Sedis Antistites, ita ratione probentur differuisse latissimā, ut nulli ulterius deberet esse ambiguum, fidem quoque nobis ipsam venire de gratiā, supersedendum duximus responsione multiplici &c. Quod etiam Fraternitatem tuam, habita collatione cum quibusdam Sacerdotibus Galliarum, juxta fidem gaudemus sensisse catholicam: in his scilicet, in quibus uno, sicut indicasti, consensu definierunt, fidem, quā in Christo credimus, gratiā divinitatis præveniente conferri; adjicientes etiam, nihil esse prorsus secundum Deum boni, quod sine Dei quis gratia, aut velle, aut incipere, aut operari, aut perficere possit Quapropter affectu congruo salutantes, supra scriptam confessionem vestram consensaneam catholicis Patrum regulis approbamus His itaque breviter assignatis, contra reliquas Pelagiani erroris ineptias, quas illa videtur epistola continere, quam a quodam tibi mandasti Sacerdote transmissam, respondendum non duximus, quia speramus de misericordia divina, quoddam ita per ministerium tuæ Fraternitatis, atque doctrinam, in omnium, quos dissentire mandasti, dignabitur cordibus operari, ut ex hoc omnem bonam voluntatem non ex se, sed ex divina credant gratiā proficisci, cum se censerint id jam*
v.l.

velle defendere, quod nitebantur pertinaciter impugnare &c. (apud Labb. Tom. 5. pag. 831.)

Epistolam hanc, non ad Arausicanam duntaxat Synodum, ut aliqui putant, sed ad Valentinam maximè referri liquet, tum ex testimonio Cypriani paulò ante laudato, tum ex nota temporis; jam enim celebrata erat Synodus Valentina, dum Pontificatum adeptus est Bonifacius; tum demùm ex petita ab Cæsario ejusdem confirmatione. Ecce enim Arausicanæ Synodi decreta, ab Apostolica Sede confirmari postulasset; cùm ab ipsa Apostolica Sede edita essent, eademque mandante, a Gallis Præsulibus in Arausicano Conventu subscripta?

Hunc exitum habuit Massiliensium in Augustini doctrinam celebris concertatio, quæ Galliam nostram centum, & amplius annos sollicitam habuit. Sancto Doctore non modò adjudicata lis est, verùm etiam ejusdemmet verbis in partem adversam decreta sententia, extremoque Apostolicæ autoritatis sigillo firmata. Qua de causa subindè factum, ut proximè secutis sæculis, quibus *Augustini discipulos ubivis pessimè habitos semetipsos silentio damnaſſe*, (Pag. 106.) mentitur Launojus, (de aliis quippè subindè secutis non est hic sermo) nemo eruditionis laude claruerit, qui Augustinum, summum prædestinationis, & gratiæ doctorem non suspexerit, coluerit, ac tantùm non adorarit: nemo Semipelagianis erroribus anathema non dixerit; ipsis Romanis Pontificibus, atque Conciliis exemplo prælucentibus.

Sic Joannes II. Romanus Pontifex Epistola ad Avienum, & Senatores, respondens tribus quæstionibus de Christo Deo, & homine, post laudata Scripturarum, & Concilii Nicæni testimonia, Augustini suffragium additurus, hoc illum elogio celebrat: *Item Sanctus Augustinus, cujus doctrinam, secundum Prædecessorum meorum statuta, Romana sequitur, & servat Ecclesia*. (apud Labb. Tom. 5. pagina 897.) Quo oraculo non solum Augustini doctrinam confirmat, sed quæ antea retulimus Romanorum Pontificum de illius autoritate decreta, certissima esse declarat. Quid porò ad Doctorem cujuspiam commendationem luculentius dici potest, quàm quod doctrinam ejus Romana sequatur, & servet Ecclesia, cæterarum nimirum Ecclesiarum mater, atque magistra?

Sic Gregorius Pontifex cognomento Magnus, lib. Regist. 10. Indict. 3. Epist. 37. Innocentio Episcopo, ejusdem in Jobum Commentarios laudanti, ita respondet: *Si delizioso cupiris pabulo saginari, Beati Augustini patriarce vestri Opuscula legite, & ad comparationem siliginis illius, nostrum fursurem non quæritis*. Cui persimile est, quod habet in Præfatione Homiliarum in Ezechielem, quas Marianus Episcopus sibi transmitti supplicaverat: *Tua*
itaque

itaque dilectio has sibi ad legendum mitti poposcerat : sed valde incongruum credidi , ut aquam despicabilem haurires , quem constat de Beatorum Patrum Ambrosii , atque Augustini torrentibus profunda , atque perspicua fluentia assidue bibere . Quam autem firmiter Augustini de gratia , & prædestinatione principiis staret Gregorius ; atque illis ipsis , quæ sub errore cubare contendit pseudo-traditionis Confascinator , liquet planè ex libro 11. *Moralium cap. 9.* ubi Jobi locum ita interpretatur : *Dicatur ergo , si incluserit hominem , nullus est qui eripiat ; quia sicut nemo obfissit largitari vocantis , ita nullus obviat justitiæ relinquentis & Includere itaque Dei , est clausis non aperire obdurare quippe per justitiam dicitur Deus , quando cor reprobum per gratiam non emollit .* Sic Martinus I. Epistola 4. ad Ecclesiam Carthaginensem , Augustinianæ doctrinæ studium Carthaginensibus insitum laudat : *Vos meritis de sincero corde amplectimur , cum maxime tanquam pennes lucernas , confessionis vestræ characteres , nobis expresseritis , sive huic Apostolicæ Sedi , per Synodales Litteras vestras , quos in nobis Spiritus sanctus informavit , per Ecclesiæ Catholicae Oratorem , gloriosum nempe Augustinum .* Quibusque cum vos patristice compererimus , & universum in vobis Doctoris decus in vestris piissimis dogmatibus efferre , atque exprimere , necessario his Beati Jeremiae verbis vos omnes callaudamus &c. (apud Labb. Tom. 7. pag. 14.) Ut quid porro Augustinum Ecclesiæ Catholicae Oratorem dicit ; nisi quod Ecclesiæ Catholicae vox est , ejusdemque reddit oracula ; in hunc ferè modum , quo solent Principum Oratores , eorum , quorum personam proxime referunt , effata loqui , mentemque publicè denunciare ?

Sic Agatho Epistola ad Augustos , quæ extat Actione 4. sextæ Synodi œcumenicæ , Augustinum Doctorem præstantissimum veritatis prudentissimum prædicatorem appellat. (apud Labb. Tom. 7. pag. 667. , & 671.)

Sic demum Hadrianus hujus nominis primus , Epistola in actis septimæ Synodi recensita , eundem præcipuum Ecclesiæ Patrem , & optimum Doctorem , honoris gratia nuncupat . (apud Labb. Tom. 8. pag. 755.) Quodque notandum magis , Augustini de prædestinatione doctrinam disertissime tradit , tenendamque decernit Epistola 95. ad Egilam , & 97. ad Episcopos Hispaniæ : *Opera misericordiae , inquit , ac justitiæ suæ præparavit Deus in æternitate incommutabilitatis suæ : & sicut operum suorum nunquam fuit ignarus , sic in eorundem operum præparatione , nunquam improvidus .* Præparavit ergo justificandis hominibus merita , præparavit eisdem glorificandis , & præmia : malis verò non præparavit voluntates malas , aut opera mala , sed præparavit eis justia , & æter-

na sup.

na supplicia. Hæc est æterna prædestinatio futurorum operum Dei, quam sicut nobis Apostolica doctrina semper insinuari cognoscimus, sic etiam fiducialiter prædicamus Teneatur ergo prædestinationis veritas a fidelibus cunctis, quia quisquis divinum non credit in hac prædestinatione consilium, non perveniet ad gloriosum ejusdem prædestinationis effectum. Extant Epistolæ illæ Tomo 3. Scriptorum Historiæ Galliarum Francisci Duchesne, pag. 814. & 818. Editionis Parisiensis anni 1641.

Pari verborum honore Augustinum prosecutæ sunt sacræ Synodi, per idem tempus, sæculis nimirum sexto, septimo, & octavo celebratæ.

Quinta Synodus œcumenica, hoc est Constantinopolitana II. Collatione 3. Super hac sequimur per omnia sanctos Patres, & Doctores Ecclesiæ, Athanasium, Hilarium, Basilium, Gregorium Theologum, & Gregorium Nyssenum, Ambrosium, Augustinum, Theophilum, Joannem Constantinopolitanum, Cyrillum, Leonem, Proculum; & suscipimus omnia, quæ de recta fide, & condemnatione hæreticorum exposuerunt. (apud Labb. Tom. 6. pag. 41.) Augustini verò præ cæteris testimonia laudantur Collatione 5., & 8. non sine laudis præfatione.

Sexta Synodus œcumenica pari Hipponensem Episcopum veneratione excipit, Epistola initio posita, eum omni sapientia clarum appellans. (apud Labb. Tom. 7. pag. 625.)

Lateranensis sub Martino I. centum quinquaginta Episcoporum numero celebris, quintæ Synodo paulò ante laudatæ statutum, de Augustini, aliorumque Patrum scriptis, ad hæresum confutationem suscipiendis, exscribit, atque confirmat, Secretario, seu Collatione 5., ac ne Patres illi reprehendantur, expressè decernit: *Accusatores autem eorum meritis reprobavimus.* (apud Labb. Tomo 7. pag. 315.)

Concilium Toletanum VIII. his floribus, & corollis sanctissimum Præfulem ornat cap. 2. *Vir quoque Sanctissimus Augustinus, vestigationis acumine caesus, inveniendi arte præcipuus, asserendæ copia profusus, eloquentiæ flore venustus, sapientiæ fructu sæcundus.* (apud Labb. Tom. 7. pag. 418.)

Toletanum XV. causam gravissimam de tribus in Christo subsistantiis, totam ad Augustini Doctoris egregii calculos vocat; atque ex ejus unius judicio, sententiam pronunciat. (apud Labb. Tom. 8. pag. 9.)

Francofordiense sub Hadriano I. Augustini sententias lucidissimas, & catholicas dicit. (apud Labb. Tom. 9. pag. 84.)

Secundum has Synodorum, atque Pontificum voces, Augustini doctrinam adversus Pelagianos, ac Semipelagianos, uti sacram Eccle-

cliesæ dotem exceperunt, quotquot ea ætate temporum florere.

Eugippus Africanus Abbas, sancto Fulgentio familiaris, & Augustinianæ in Italia doctrinæ defensor, in *Præfatione Theſauri* ex sancti Augustini operibus deslorati: *Inter magnos, inquit, Ecclesiæ Catholicæ doctores, fuisse, & esse Beatum Augustinum quis ignorat Episcopum? Quem divina eruditione mirabilem, tum omnes Orthodoxi in toto terrarum orbe venerantur, præcipue autem Apostolicæ Sedis Antistes scripta ejus sua auctoritate firmantes, tanto majori studio simpliciter amplexi sunt, quanto ampliori solatio eis se ipsos esse testantur. Nam contra multos hostes Ecclesiæ dimicantes, & maxime contra versipelles inimicos gratiæ Dei, doctrina ejus instructi, vel potius eadem illustrati gratia, semper existere victores.*

Julianus Pomerius natione Maurus, sancto Cæsario æqualis, quem etiam Arelate Rhetoricam docens auditorem habuit, *Lib. 3. de Vita contemplativa capite 31: Sanctus Augustinus Episcopus, acer ingenio, suavis eloquio, sæcularis literaturæ peritus, in Ecclesiasticis laboribus operosus, in quotidianis disputationibus clarus, in omni sua actione compositus, in expositione sua fidei nostræ catholicæ, in questionibus absolvendis acutus, in revincendis hæreticis circumspectus, & in explicandis scripturis canonicis cautus.* Quibus ultimis verbis, Launoji, ac similibus petulantiam coercet, qui Augustinum Divinæ gratiæ hostes incircumspectè revincenstem, in extremos errores abisse mentiuntur; eundemque incauta Epistolæ ad Romanos expositione, fidelium corda turbasse, calumniantur.

Primasius, non Uticensis in Provincia consulari Episcopus, & Augustini quondam discipulus, uti Tritermio visum est; sed Adrumetinus in Bisacena Provincia, & Sancti Doctoris studiosissimus, in *Commentariis in Epistolas Divi Pauli*, ad illa verba *capitis 9. ad Romanos, non ex operibus, sed ex vocante dictum est*: & ad illa; *misericordiam præstabo cui miserebor*, Augustinianæ de prædestinatione doctrinæ summam complectitur: Launoji, seu veriùs Pelagianorum, ac Massiliensium querelas, de læsa divina justitia, deque personarum acceptione, eruditissimè diluit. Tum ad illud Epistolæ ad Ephesios cap. 2. *Gratia estis salvati per fidem*, Semipelagianorum systema, de primæ vocationis gratia, deque initio fidei prolixè confutans, Prædestinationem, præscientiæ conjunctam docet, præscientiæ, inquam, eorum, quæ in tempore dat Deus per gratiam suam.

Venantius Fortunatus Piætorum Episcopus, in Expositione Orationis Dominicæ, in Semipelagianos stylum convertens, ita de Augustino pronunciat: *Quicumque Apostolo Paulo, idest, oculo Eccle-*

Ecclesia, & cum Beato Augustino ejus sequace consonat, in eo ignorantia caligo non regnat.

Facundus Hermianensis lib. contra Motianum, Faustum Galliarum Episcopum datâ operâ insectatur, qui in assertionem sui erroris inducebat incautos; qui tamen a sanctæ memoria Fulgentio Ruspensi Episcopo detectus, atque convictus est. Tum libro 9. in nonnullos Launojo per similes, qui Augustinum hæreseos insimulabant, ita invehitur: *Audeant isti, si possunt, hæreticum dicere (Augustinum) audeant solita præsumptione damnare. Et tunc verè discant, quæ sit pietas, & constantia Ecclesiæ Latinorum, quam Deus magisterio ejus instituit, atque firmavit: cum ab omnibus confestim anathematizati fuerint, & tanquam putrida, & morbida membra præcisi.*

Cassiodorus lib. 1. Divinarum Literarum cap. 22. *Ipse etiam Doctor eximius; Beatus Augustinus, debellator hæreticorum, defensor fideliū, & famosorum palma certaminum, in quibusdam libris nimia difficultate reconditur; in quibusdam sic est planissimus, ut etiam parvulis probetur acceptus: cujus aperta suavia sunt, obscura verò magnis utilitatibus farsita pinguescunt. Et Prælatione Commentariorum in Psalmos: Augustinus literarum omnium Magister egregius, & quod in ubertate rarum est, cautissimus disputator. Decurrit quippe tanquam fons purissimus nulla sæcè pollutus, sed in integritate fidei perseverans, nescit hæreticis dare, unde se possint aliqua colluctatione defendere. Totus catholicus, totus orthodoxus invenitur; & in Ecclesia Domini suavissimo nitore resplendens, superni luminis claritate radiatur. Qua præclara sancti Doctoris commendatione, Launoji criminationes occupavit, sanctum Doctorem; ut incautum disputatorem traducentis, qui nimio in Pelagianos æstu effervescens, integritatem fidei violavit. Sed neque profuso duntaxat in Præsulem Hipponensem elogio, illius se discipulum probavit Cassiodorus, verum etiam tenaci, atque constanti doctrinæ professione. Id ex ejus in Psalmum 50. Commentariis perspicuum est, ubi Semipelagianam hæresim, de gratuita ad fidem, & primam gratiam vocatione, confutat ex instituto; Augustinum autem, & Prosperum doctrinæ Magistrōs amplectitur. Superest, inquit, eorum secunda nequitia: quoniam liberum arbitrium sic in humanis viribus ponunt; ut absque Dei gratia homines pudent per seipso bonum aliquod posse concipere, vel agere. Quod si ita esset, cur Propheeta diceret: Deus meus, misericordia ejus præveniet me? Cum te audis misericordiâ Domini præventum, nihil tuum præcessisse datur intelligi Cum audiat prævenire, adificare, dirigere, & erigere Dominum, absolvere, & illuminare, nullis præcedentibus meritis; quid ibi proprium*

cœpisse cognoscitis, nisi illud tantum, unde pro vestra superbia iuste damnemini? Sed dicitis forsitan, Prophetam Isaiam sic liberrum arbitrium comprobare: si volueritis, & audieritis me, bona terra comederitis. Et iterum Ezechiel: facite vobis cor novum, & spiritum novum. Et iterum: hodie si vocem ejus audieritis, nolite obdurare corda vestra. Sed hæc, & illis similia, pessima intentione sentitis; ut credatis homines a semetipsis bonæ voluntatis initium sumere, & post, adjutorium divinitatis accipere; ut (quod dici nefas est) nos simus causa ejus beneficii, non ipse sui Sequitur vos alia multo pejor absurditas: Si a nobis esset bonæ voluntatis initium, nos magis poneremus fundamentum, ubi adificaret Dominus, quod certe nulla potest mens sanitas approbare. Quapropter desinite asserere, quæ non potestis implere. Illi obedienter audiunt, quos ipse facit audire; illi proficudè cupiunt, qui munus divinitatis accipiunt. Nam post visitatam humani generis naturam, liberi arbitrii salutiferam partem, & Dominus tribuit, & operationem ipsius sua pietate concedit. Hæc quidem latius Beatus Augustinus, hæc doctissimus Hieronymus, hæc Prosper consensu generalitatis divino munere docuerunt. Quin & ipsam vocationem ad gloriam planè gratuitam statuit in Psalmum 64. dictum regii Vatis exponens: *Beatus, quem elegisti, & assumisti: Vide, inquit, quid ais, Elegisti: ut hanc electionem nemo suis meritis applicaret; sicut ipse in Evangelio dicit: non vos me elegistis, sed ego vos elegi. Assumi, est autem in æternam requiem collocari, quam Sanctis suis Dominus pius compromissit. Sed quid talibus contingit, ipse subsequitur: inhabitabit in tabernaculis tuis Ibi enim habitare, jam præmium est: quia nequeunt illuc introire, nisi quos cœlestis misericordia dignatur eligere.*

Sanctus Isidorus Hispalensis, sæculi septimi (ut loquitur Concilium Toletanum VIII.) Doctor egregius, Ecclesiæ catholicæ novissimum decus, præcedentibus ætate postremus, doctrinæ comparatione non infimus, Augustinum, quem eleganti elogio celebrat *lib. 6. Originum cap. 8.* in hac bina de gratia, & prædestinatione sententia, Magistrum amplectitur, libro 2. Sententiarum capit. 5. *Si confessionem, inquit, boni operis non in nobis Deus operatur, cur per Prophetam dicitur, confessio, & magnificentia opus ejus? Ab illo enim nobis omnia bona, gratiâ præveniente, donantur. Nam nihil boni operis dedimus, per quod confessionem fidei mereamur. Et capite 6. inexcusable prædestinationis, & reprobationis arcum, gratiæque efficaciam ab æterno Dei decreto petitam, hisce verbis planè Augustinianis edisserit: *Gemina est prædestinatio, sive electorum ad requiem, sive reproborum ad mortem. Utræque divino agitur judicio, ut semper electos superna, & interiora se-**

qui

qui faciat; semperque reprobos, ut infimis, & exterioribus delectentur, deferendo permittat Mira dispositio est superna distributionis, per quam hic iustus amplius iustificatur, impius amplius sordidatur. Malus aliquando ad bonum convertitur: bonus ad malum aliquando reflectitur. Vult quis esse bonus, & non valet: vult alter esse malus, & non permittitur inserire. Daturei, qui vult esse bonus: alius nec vult, nec datur ei, ut sit bonus. Iste nascitur in errore, & moritur: ille in bono, quo cœpit, usque in finem perseverat. Tandem iste stat quousque cadat; ille diu male vivendo, in fine salvatur, respectusque convertitur.

Sanctus Ildephonsus Beato Augustino contradicere nefas esse, pronunciat, *Sermone 2. de Beata Virgine.*

Claudet agmen, multis omissis, venerabilis Beda, Augustinianæ de gratia, & prædestinatione doctrinæ analysim complexus, eruditâ Expositione Paulinarum Epistolarum, ex *Opusculis Augustini collecta*: ubi exquisitissima Sancti Doctoris testimonia, ab Launojo in invidiam traducta, exscribit, ac sua facit. Neque verò id mirum, cum Augustinum *omnium Doctorem eximium Ecclesiarum* vocet, *Libro de sex Ætatibus Mundi.*

Abeat igitur in malam rem Traditionis investigator, qui Augustini doctrinam, cadente Sæculo sexto, *fidelium in se odia concitasse* (Pag. 104.) comminiscitur: ejusdemque professores secutis proxime temporibus *pestifera habitos, ora, donec Gotteschalchus erumperet, compressisse*, pari inscitia, atque audacia fabulatur (Pag. 106.). Nunc quam fortunam, sæculo nono, girovagi Monachi occasione, sortita sit, perpendamus.



C A P U T XIV.

*Gotteschalchi caussa, dissidentibus invicem Gallie Præsulibus,
agitata Sæculo nono, Augustini nomen non modo
non atterit, ut celebret potius.*



Ugustinum sub Gotteschalchi corio vapulasse, justamque damnationis sententiam subiisse, sæculo nono, Launoji decretum est. Id ut evincat, aut certè otiosis, & ignaris lectoribus venditet, miserum Monachum fidum Hipponensis Episcopi discipulum ponit, qui Magiltri doctrinam (Pag. 106. & 107.) puram, atque sinceram, in Italia, Pannoniâ, Norvegiâ, atque

Germaniâ prædicaret: tum illum a Rabano in Synodo Moguntinâ, ab Hincmaro in Synodo Carisiacâ, ac tandem ab Amolone Galliarum Primate damnatum refert; rei patronis, ac defensoribus frustrâ reponentibus, nihil illum ab Augustini (Pag. 111.) sententiâ distare, unamque utriusque doctrinam esse, contententibus.

Non hic ego, ad repellendam Augustiniano nomini illatam injuriam, recentioris ævi scriptores clarissimos advocabo, qui Gotteschalchum iniquè, aut certè per obreptionem, & ex facti errore damnatum, eruditis lucubrationibus demonstrarunt. Non ejus, quo tempore lis moveretur, patronos, ac defensores perensebo, numero, eruditione, ac sanctitate superiores; Sanctum Remigium Lugdunensem, Sanctum Prudentium Tricasinum, Florum Diaconum, Ratramum Corbejensem, Lupum Servatum Ferrariensem Abbatem, aliosque non paucos. Non Synodos in causam ejus ingressas appellabo, Præsulum numero frequentiores, quæ latam in Gotteschalchum Moguntiz, & Carisiaci sententiam resciderunt; Valentinam nimirum, ex tribus Provinciis Lugdunensi, Viennensi, & Arelatensi congregatam; Lingonensem, atque Tullensem ad Saponarias, duodecim Provinciarum Episcopis constantem, Carolo Calvo, ejusque Nepotibus Lothario, & Carolo Regibus assidentibus. Non demum Nicolai I. Romani Pontificis, quod cæteris præstat, judicium adferam, quo Valentini, ac Lingonensis Concilii Capitula confirmavit, teste sancto Prudentio in Annalibus, ab ipso Hincmaro laudatis *Epistolâ 24. ad Egilonem: Nicolaus Papa Pontifex Romanus, de gratia Dei, & libero arbitrio, de veritate geminæ prædestinationis, & de Sanguine Christi, ut pro credentibus omnibus suffus sit, fideliter confirmat, & catholicè decernit:* quod

quod idem in *Annalibus* Bertinianis ad annum 859. legere est. Quibus omnibus planum fieret, Augustini nomen, si quid fortè in Gottescalchi damnatione detrimenti tulisset, multo scènore, majorique gloriæ cumulo, contrariâ sententiâ refartum esse.

Id unum refellendo Launojo reponere juvat; Ecclesiam Gallicanam, in partes licet discissam occasione Gottescalchi, aliis scilicet adfamentibus, aliis repugnantibus, in Augustini tamen doctrinam conjunctis animis conspirasse, eundemque moræ tunc de divinâ gratiâ controversiæ arbitrum suspexisse. Cùm enim ancipites essent Gottescalchi assertiones, variisque sensibus obnoxie; possentque perinde vel minimo flexu, in Prædestinatorum blasphemias detorqueri, vel in Augustini sententiam revocari; infelicem Monachum alii damnabant ut hæreticum, alii ut catholicum absolvebant, prout quisque versatiliū propositionum sensum figeret: cùm tamen omnes ad unum, quique Gottescalchum judicio persequerentur, Augustini sensum nulli censuræ obnoxium faterentur; reumque absolvendum omninò dicerent, si semotis strophis, atque ambagibus, cum summo divinæ gratiæ Doctore sentiret. Tantùm igitur abest, ut agitata sæculo nono miseri Monachi causa Augustinianæ doctrinæ labem inuisset, ut potius decus attulerit. Quandoquidem Ecclesia Gallicana contrariis studiis agitata, in hoc unum conspiravit universa, ut Augustinus summus divinæ gratiæ controversiarum arbiter haberetur, nullique censuræ censeretur obnoxius, qui doctrinam ejus puram, castamque profiteretur.

Hoc igitur opus, hic labor est, ut rem ita gestam, eoque affectos animo Galliæ Præsules, cæterosque in Gottescalchi causam ingressos, in præsentia demonstramus. Et quidem, cum Augustino planè sensisse, ejusdemque auctoritatem in cælum usque extulisse, quotquot Gottescalcho patrocinabantur, fatetur ultrò Launojus: patet namque res ipsa per sese. Quid enim hoc sancti Prudentii Tricassini monito luculentius, in *Epistola* ad Hincmarum, & Pardulum data? Hoc primum præcipueque moneo, & posulo, ut doctrinam Beatissimi Patris Augustini, omnium absque ulla dubitatione undecumque doctissimi, sanctarum scripturarum auctoritati in omnibus concordissimam, (quippe nullus Doctorum abstrusa earum scrupulosius rimatus sit, diligentius exquisierit, verius invenerit, veracius protulerit, luculentius enodaverit, fidelius tenuerit, robustius defenderit, effusius disseminaverit) vestri Pontificatus tempore, commento quolibet impugnari non permittatis: quando tanto cælestis gratiæ munere donata existit, ut nullo cujusquam conamine ullatenus evelli possit: cùm eam, & Apostolica Sedis sublimitas, & totius Ecclesiæ catholice unitas, auctoritate concordissimâ approbavit, ac roboravit; aded ut nullus ei singulariter, verum uni-

universitati Ecclesiæ catholicæ, cum ea, & in ea queat annisi. Quid hac etiam sancti Remigii Lugdunensis Archiepiscopi observatione infertius, Libro de tenendâ immobiliter Scripturæ sanctæ veritate, & Sanctorum Orthodoxorum Patrum autoritate fideliter sectanda cap. 4. De Beati Augustini Libris, & scriptis, in quibus ex necessitate novæ, idest Pelagianæ hæresis destruendæ, & fidei catholicæ defendendæ, instantissimâ intentione, de naturâ, & gratiâ, de gratiâ, & libero arbitrio, de correptione, & gratiâ, de prædestinatione Sanctorum, & dono perseverantiæ, ac de Baptismo parvulorum, juxta profunditatem Scripturæ sanctæ, & Evangelicæ, atque Apostolicæ doctrinæ regulam multipliciter disputavit; adhuc ipso vivente, sicut Prosper, & Hilarius ad eundem scribunt, & multò magis post obitum ejus, propter obscuritatem verum, & tarditatem minus intelligentium, multiplex querela, maxime intra Gallias exorta est. Sed continuò per divinâ misericordia providentiam, & Conciliis, ac statutis Beatissimorum Patrum, & Decretis, atque auctoritate Apostolicæ Sedis Pontificum solersimè sedata, atque sanata, ita ut stultis, & indisciplinatis questionibus silentium imponeretur, & sanctissimi, ac sincerissimi Doctoris auctoritas, in omnibus Ecclesiis, atque in ipsa Sede Apostolicâ confirmaretur. Quod ubi Cælestini Romani Pontificis Epistolis demonstravit, ita demum colligit: Hunc igitur Beatissimum, & fidelissimum Patrem, semper in communione Sedis Apostolicæ habitum, & ab ejus etiam Pontificibus, inter Magistros fidei doctrina venerabiliter receptum, & ab ipsis tam clarè, & honorificè, contra obstrictantes, & obloquentes defensum; ita ut imposito improbis silentio, omnem de eoussionem comprimendam, ac repellendam decernerent; etiam nos tota fidei devotione honoremus, toto studio, & intentione pietatis sequamur Omnino absit ut abiciamus clarissimæ veritatis dogmata, quæ in verissimis, & probatissimis Libris ejus, non solum in cæteris mundi partibus, sed etiam in ipsa Sede Apostolicâ, omnis catholica suscipit, & servat Ecclesia. Ita Remigius unâ cum celebri Ecclesiâ Lugdunensi: cui per omnia concinunt Lupus Servatus Quæstione 2. de Prædestinatione, Florus Diaconus, & Lugdunensis Ecclesiæ Theologus, Ratramus Corbejenfis, in adornatis de divinâ prædestinatione eruditissimis Opusculis.

In eos itaque tota recidit difficultas, qui in Gottescalchum sententiam tulere, Rabanum nimirum, Amolonem, & Hincmarum; num ii perinde, summâ in Augustinum, ejusque doctrinam religione tenerentur: quippe illos de industriâ, atque ex animo, Augustinum per Gottescalchi latius petiisse, Præfultis, ut doctrinam rectè perceptam in Monacho condemnasse, contendit audacilimus Crimi-

minator. Verum illos quoque, in Augustinum ejusque doctrinam bene affectos fuisse, nec aliâ de causâ in miserum Monachum pronuntiasse, quàm quod illum a sancto Doctore toto ostio aberrasse crederent, certò liquet, ac brevi recensione demonstro.

Rabanus Archiepiscopus Moguntinus, a quo primum damnatus est Gottescalchus, in suæ Provinciæ Conventu, Epistolâ ad Heberardum Comitem datâ, sanctissimum gratiæ Deitensorem, ab infelici Monacho laudari, in suæ doctrinæ præsidium, molestè fert; quod ab ejus erroribus procul abeiret clarissimus Doctòr: *Dicitur enim ipse doctòr vester* (Rabani verba sunt) *multa testimonia excerpisse de Opusculis Beatissimi, & doctissimi Patris Augustini, quibus nititur suam sententiam affirmare: cum memoratus Pater, & Doctòr Catholicus, contra Pelagianos scribens, qui gratiæ Dei contrarii prædicatores fuerunt, defensor ejusdem gratiæ, non destructòr rectæ fidei fuerit. Eodem affectu animo conicere licet Haymonem Halberstatensem, qui unâ cum Rabano damnationis sententiam tulit, in Synodo Moguntinâ. Adornatis enim in Epistolas Divi Pauli eruditissimis Commentariis, Augustinum in exponendo prædestinationis mysterio Magistrum amplectitur, cæterisque Ecclesiæ Doctòribus antepōnit: *Secundum Beatum Augustinum*, inquit in 2. Epistolam ad Corinthios cap. 12. *ad hoc necesse est ad altiora conscendere, & profundiora scrutari, qui in elucidandis quæstionibus, omnes Doctòres post Apostolos præcellit.**

Amolo Archiepiscopus Lugdunensis, Gottescalchi impugnatorum alter, Epistolâ eidem ipsi inscriptâ, id illi vitio vertit, quod Augustini testimoniis perperam intellectis abuteretur: *Terrio loco displicet valdè nobis, quia, & divinarum Scripturarum testimonius, & sincerissimis sanctorum Patrum dictis, tam perversè abuteris; ut hæc omnia, quæ manifestissimè adversus divinam veritatem, & paternam fidem disputas, ex illis non rectè intellectis, multipliciter affirmare contendas. Nemini verò dubium est, Augustinum præ cæteris, a Gottescalcho laudari solitum fuisse. Tum subinde recensitis Novatoris erroribus, Obsecro, inquit, ubi hæc unquam in Scripturis sacris legisti? Ubi in sanctis, & Catholicis Ecclesiæ Doctòribus invenisti? Aded scilicet Amoloni perispectum erat, nihil ejusmodi quidquam in Augustino reperiri. Ac tandem sub Epistolæ finem, Araulicanæ Synodi Canones, quos ex Augustino delibatos nemo nescit, Gottescalcho ingerit, ut certas de gratia, & prædestinatione fidei regulas: *Ad extremum, inquit, breviter tuæ intimo charitati, gestum esse intra Gallias, (aberrat in notâ temporis) temporibus penè Beati Papæ Leonis, sive Agapiri, Concilium venerabile, & Ecclesiæ Dei valdè utile, a pluribus Episcopis, quibus præfuit admirandæ sanctitatis, & virtutum**

ac miraculorum, *Beatus Casarius Arelatenfis. Episcopus* : ubi diligenter de gratiâ Dei, & libero hominis arbitrio, de præsciencia, & prædestinatione divina, constat esse definitum, qualiter moderatissimâ, & perpensisimâ ratione, sentiendum, tenendum, & docendum sit.

Idem ille Lugdunensium Archipræsul, *Opusculo 2. de gratia, & libero arbitrio*, non ita pridem a Sirmondo in lucem edito, Augustinum Gottescalcho eripit, summumque post Apostolos Prædestinationis, & gratiæ Magistrum veneratur : *Neque contrarium*, inquit, *putari debet*, quod in dictis Sancti Augustini, forsitan, & aliorum Catholicorum Doctorum, aliquoties inveniri solet, impios quoque ad æternam damnationem, sive ad æternum interitum prædestinatos Sed jam audiamus *Beatum Augustinum*, quomodo & ipse, post Apostolum præcipuus prædestinationis, & gratiæ prædicator, hortetur fideles ad studia pietatis, & instantiam orationis, ut mereantur accipere præmium vocationis.

Quid plura ? Augustinianarum Sententiarum excerptum, singulari *Opusculo* collegit Amolo, ex iis maximè libris, quos repletos erroribus Launojus obtendit ; ut quid de controversiis tunc temporis agitatæ fenserit, ac docuerit Sanctissimus Doctor, hujus unius verbis patefaceret, ac tanquam certam fidei professionem lectoribus exhiberet. In cujus idcirco *Opusculi Præfatione*, ita fideles ad Augustinianæ doctrinæ, cujus summam exhibet, studium adhortatur : *Legas*, inquit, *fidelis quisque fideliter subnexas Beati Augustini sententias*, quas ex libris ejus studiosè collectas, & eodem Domino adjuvante salubriter ordinatas, in hoc libello avidè carpendas, ac dulciter proponimus ruminandas, ut devotus, & simplex lector, ne magnis, & multiplicibus prædicti Patris disputationibus fatigetur, vel etiam profunditate, ac perplexitate tantarum questionum deterreatur, aut perturbetur, brevi compendio discat, unde fidem suam fideliter ædificet, & actionem salubriter informet Audiamus itaque fideliter, & diligentissimè discamus, in his brevissimis, & suavissimis Beatissimi Patris dictis, videlicet quid sentiendum, & tenendum sit, juxta certissimam fidei Catholicæ regulam, de originali delicto ex Adam in omne humanum genus transfuso ; de libero arbitrio in Adam vitato, & per Christum sanando ; de gratia Dei, quâ genus salvatur humanum, de modo justitiæ fidelium in hac vitâ, de utilitate correptionis, & exhortationis, de prædestinatione, electione, & vocatione Sanctorum, de dono perseverantiæ usque in finem, quo perveniunt ad bonum, quod non habet finem. Hæc Amolo, Gottescalchi opugnatorum, ac damnatorum unus, dignitate, atque autoritate præcipuus, Et hic verò Augustini autoritatem nihili fecisse, eundem-

demque consultò in Gottescalcho damnaſſe putandus erit? Dicat Launojus, ſi potis eſt.

Hincmarus ipſe, qui acriùs præ cæteris in Gottescalchum efferbuit, ejuſque defenſores mordacioribus ſcriptis inſectatus eſt, Auguſtini authoritatem nihilofeciùs agnovit, eumque pendentis controverſiæ judicem veneratus eſt: nec ob aliud miſerum Monachum inclementiùs habuit, quàm. quòd verſatiles, ac tranſlatitias aſſertiones ejus, mitiorem in ſenſum a cæteris accipi ſolitas, in blaſphemam, atque ab Auguſtino exorbitantem ſignificationem inſlecteret; integram reo indulgentiam conceſſurus, ſi bona fide ad ſanctiſſimi Doctòris ſententiam accederet. Videas id toto paſſim Opere de Prædeſtinatione, quod integrum extat. Auguſtini Libros co de argumento, ac de dono perfeverantiæ, miris laudibus eſfert, iſque per omnia ſtandum decernit; quòd cæteris omnibus majori cura, ac diligentia concinnati ſint. Quin etiam *Fidem Orthodoxorum de Prædeſtinatione Sanctorum*, (de præd. c. 17. & 18.) hac Auguſtini ſententia contineri ait: *Hæc eſt immobilis veritas prædeſtinationis, & gratiæ, velut Apoſtolus ait: Elegit nos in ipſo ante mundi conſtitutionem, prædeſtinans, nos in adoptionem filiorum, non quia per nos ſancti, & immaculati futuri eſſemus, ſed elegit, prædeſtinavitque ut eſſemus. Fecit autem hoc ſecundum placitum voluntatis ſuæ, ut nemo de ſua, ſed de illius erga ſe voluntate gloriaretur. Fecit hoc ſecundum divitiis gloriæ ſuæ, ſecundum bonam voluntatem ſuam, quam propoſuit in dilecto filio ſuo, in quo fortem conſecuti ſumus, prædeſtinati ſecundum propoſitum, non noſtrum, ſed ejus, qui univerſa operatur, uſque adeo, ut ipſo in nobis operetur, & velle. Operatur autem ſecundum conſilium voluntatis ſuæ, ut ſimus in laudem gloriæ ejus.* Quibus nihil luculentius, ad gratiæ prædeſtinationis, gratiæque ſe ipſa victricis commendationem, deſiderari a quoquam poteſt.

Non abſimiliter Epiſtola Gottescalcho data, quo tempore carere teneretur, ut illum ad meliorem frugem revocaret, ſanctorum Patrum, ac præſertim Auguſtini, & Proſperi teſtimonia congerit longè multa, ut myſtèrium illi prædeſtinationis, & reprobationis aperiat, atque ut illi ſubſcribat, vehementer hortatur.

Quid tandem? Ut cœpit ad exitum vergere Gottescalchus, fidei formulam, Prædeſtinationum erroribus contrariam ſubmiſit Hincmarus, eumque obteſtatus eſt, ut ſincera ſubſcriptione pravas opiniones ejurare; communionem alioquin etiam in obitu, & ſepultura Eccleſiaſtica poſt obitum privandus, ni prono animo morem gereret. Inter cætera porro, quæ poſtrema illa fidei profeſſione amplectenda, atque credenda ingerebat eruditiffimus Archiepiſcopus, primum iſtud erat: *Sic crede de prædeſtinatione a Deo*

electorum, & relictione reproborum : & quia Deus vult omnes homines salvos fieri, licet non omnes salventur ; ut qui salvantur, salvantis sit donum ; & qui pereunt, pereuntium sit meritum. Et quia Deus & Dominus noster Jesus Christus pro omnibus passus sit, cujus sanguis totius mundi est pretium, a quo extranei sunt, qui aut delectati captivitate redimi noluerunt, aut post redemptionem peccando, & in peccatis corde impœnitente perseverando, ad eandem sunt servitutem reversi. Et de gratia, & libero arbitrio, sicut Sanctus Augustinus docet in his Libris suis, idest de correptione, & gratia, de prædestinatione Sanctorum, de dono perseverantiæ &c. Quia Sedes Apostolica, & Sancta Ecclesia Catholica, & nos sic credimus, & tenemus. Ita refert Hincmarus ipse Libro de non trina Deitate.

Et erit modò, qui dicat Remensem Archipræfulem, Augustini auctoritatem despexisse, gratuitamque prædestinationem, gratiamque se ipsa vidtricem, de industria, atque ex certa sententia in Gottescalcho damnasse? Non dicet profectò Launojus, si frontem habet. Mihi quidem nec libet nec lubet investigare, num is in Gottescalcho exagitando humani quidpiam passus sit ; num occultas cum illius patronis, ac defensoribus gesserit similitates ; num ejus propositionum sensum minùs attigerit, aut certè minùs attingere simularit, ut illum per recti speciem Ecclesiastico judicio persequeretur. Imò rectam-ne Augustini intelligentiam assecutus sit, non expendo. Id mihi satis ad institutum superque fuerit ostendisse, Hincmarum, quique illi in urgenda lite Præfules aderant, Augustini sententiam catholicæ fidei tesseram potuisse, ab Apostolica Sede, totaque Ecclesia catholica constitutam. Hoc uno semel posito, ac demonstrato, tota Launojus formula cadit.



Augustini Doctrina, post judicatam Gottescalchi causam, summo in Ecclesia cultu excepta est, ad Sæculum usque decimum quartum; Vvitkleffo, aliisque novatoribus opposita.



Historicam narrationem, seu verius fabularum congeriem prosequitur Traditionis investigator, brevique pagella quingentorum annorum spatium decurrit; a damnato scilicet Gottescalcho, ad Joannem Vvitkleffum, alterum, si penes illum fides est, Augustini discipulum. Qua fiducia gratiæ Doctorem per Gottescalchi latus petitem effutierat superiori capite, (Pag. 113. & 114.) eadem planè discipulos ejus, malè mulctato Magistro, ne mutire quidem, ac mulctare ausos, trecentorum annorum spatio, in præsentia comminiscitur: *neminemque inventum ait, toto illo temporis tractu, qui puram, atque sinceram doctrinam ejus in scholas invehret; donec duodecimo, ac decimo tertio sæculo audaciores nonnulli suborti sint, qui liberum arbitrium nullum esse dicerent, humanamque voluntatem necessitate duci prædicarent.* Nempe putidissimos errores, certam Augustini doctrinam pro more dictitat. (Pag. 115.) Tum ad Vvitkleffum accedens, *cujus horridas blasphemias nihil ab Augustini dogmatibus distare pro certo habet, hunc in Concilio Constantiensi damnatum observat, tametsi Hipponensis Episcopi nomen usurparet, hujusque se clientem, atque discipulum profiteretur.*

Totum id insulfitatis, & calumniæ plenum nullo negotio revincitur. Quod primum attinet, Augustinianos annis a damnato Gottescalcho trecentos, ne mutire quidem ausos, quod Magistrum in Monacho damnatum certò scirent, ex parte jam confutavimus; qui factam, testamque, imò triumphantem in Gottescalchi causa Augustini doctrinam, superiori capite demonstravimus, nullamque idcirco servandi silentii causam ostendimus. Sed & quod illis assignitur trecentorum annorum silentium, perinde a vero abest. Equidem toto sæculo decimo, Gottescalchi scenam proximè secuto, ac etiam undecimo ineunte, neminem, quod sciam, reperire est, qui Augustini doctrinam publica scriptione, ac data opera propugnaret. At istud negantis argumenti genus lubricum est: namque neminem vicissim invenire licet, qui eam vel obiter, atque aliud agendo, vellicarit. Id ergo non sinistra, quæ eruditorum animis in-

Bbb ij

fideret,

sideret, de Augustini dogmatibus opinioni tribuendum; sed uni temporum conditioni, quæ nullam ventilandarum de gratia, & prædestinatione questionum præbuerit occasionem, adscribendum esse, inde maximè liquet; quodd maximæ apud eruditos, ipsosque summos Pontifices æstimationis esset ea ætate temporum Augustinus, ejusque doctrina solenni Ecclesiæ judicio probata, ac veluti consecrata censeretur. Hinc Remigius Antisiodorensis in *Commentariis* Paulinarum Epistolarum, quos illi Codices Mss. Romani, Cassinenses, & Regii tribuunt, ad 2. Epistolam ad Corinthios: *Beatus Augustinus*, inquit, *rerum obscurarum subtilissimus indagator, inter ardua sine offensione decurrens. Alii Doctores comparantur stellis, Augustinus Soli: nam sicut stellæ lumen a Sole recipiunt, sic omnes Doctores lumen recipiunt ab Augustino.* Hermannus Contractus in *Chronico* ad annum 430. *Sanctus Augustinus Hipponensis Episcopus, Ecclesiæ Christi, & Catholicæ fidei propugnator, & defensor invictissimus.* Leo IX. *Epistola* 1. ad Michaellem Patriarcham Constantinopolitanum: *Beatus, & Catholicus Doctor Augustinus, in Latinaque Ecclesiâ clarissimus.* (apud Labbæum Tom. 11. pag. 1332.) Gregorius VII. in Decr. ad capit. 6. Gelasii Romani Pontificis, Sanctorum Patrum scripta recognoscens, ac probantis Decretum commendat, quod videlicet Augustinus inter eos Ecclesiæ Magistros percentetur, *qui nec in fide, nec in prædicatione a Sanctâ Romanâ Ecclesiâ deviarunt.* Et in Apologetico pro Decretis, illustre Cœlestini I. de Augustino elogium ex integro refert, suoque calculo probat. *Vir omnium virtutum*, inquit, *Augustinus, Hipponensis Episcopus, quem & Cælestinus vir Apostolicus in Decretis suis ita nobis commendat: Augustinum*, inquit, *sanctæ recordationis virum &c.* (apud Labb. Tom. 12. pag. 554.) Bertoldus Constantiensis ad Rhenum Presbyter, Gregorii VII. adversus Schismaticos defensor egregius, *Libro de vitanda excommunicatorum societate*: Nos, inquit, *absque scrupulo Sancti Augustini egregii Doctoris assertioni acquiescere debemus, quem, & Romani Pontifices, juxta attestationem Sancti Cælestini Papæ, inter Magistros optimos, esse viveret, habueret: cujus & Opuscula post mortem ejus pro authenticis suscipiendi judicio decrevere.* Ita illorum temporum Romæ Pontifices, ita Præsules, ita Scriptores insignes de Augustino, ejusque doctrina, magnificè sentiebant. Quis ergo non videat, eam illos citra dubium amplexuros, probaturos, tradituros, si de divinâ gratiâ, & prædestinatione disputandi occasio data esset?

Hæc omnium primo Anselmo se obtulit, Cantuariensi Archiepiscopo, qui Libros integros *de libero arbitrio*, ac *de concordia præscientiæ, prædestinationis, & gratiæ cum libero arbitrio* concinnavit,

navit, cadente sæculo undecimo, & duodecimo ineunte. Is autem in omnibus, ac per omnia Augustinianus est: ut hinc Launoji figmentum, de Augulini discipulis, per annos a Gottescalcho damnato trecentos mutire non aulis, magis probes. An non enim Augustiniana vox illa est, *Libro de concordia capite 3. Quamvis non omnibus det (gratiam) quoniam cui vult miseretur, & quem vult, indurat: nulli tamen dat pro aliquo præcedenti merito, quoniam quis prior Deo dedit, & retribuetur ei? Si autem voluntas per liberum servando arbitrium quod accepit; meretur aut augmentum acceptæ justitiæ, aut etiam potestatem pro bona voluntate, aut præmium aliquod. Hæc omnia fructus sunt primæ gratiæ, & gratia pro gratia, & ideo totum imputandum est gratiæ, quia neque volentis est quod vult: neque currentis est, quod currit, sed miserentis est Dei. Omnibus enim, excepto solo Deo, dicitur: Quid habes, quod non accepisti? Quid gloriaris quasi non acceperis? Annon, & illud Augustinianum, quod habet capite 1. ubi falli nescium divinæ præscientiæ lumen, ejusdemque cum humanâ libertate concordiam repetit ex summa, quam Deus obtinet in omnes homines, potestate, supremoque in eorum voluntates imperio? Quod certè nupiam nisi in hypothese gratiæ se ipsa victicis accidere potest: Quoniam enim Deus, quod vult, D. Anselmi verba sunt, non potest non esse: cum vult hominis voluntatem nulla cogi, vel prohiberi necessitate ad volendum, vel ad non volendum, & vult effectum sequi voluntatem, tunc necesse est voluntatem esse liberam, & esse, quod vult.*

Hunc non longo secutus est intervallo D. Bernardus, annis a Gottescalcho damnato trecentis nondum elapsis, in has de divinâ gratiâ controversias ingressus, edito singulari tractatu de gratiâ, & libero arbitrio. Quam indivulse hæserit Augustino, disertè significavit *Epistola 77. seu Tractatu ad Hugonem Victorinum cap. 2. Ab iis duabus columnis, Augustinum loquor, & Ambrosium, crede mihi, difficile avellor. Cum iis me, aut errare, aut sapere fateor.* Ecquo verò pacto ab Augustino avelli se passus esset, quem uti Ecclesiæ catholicæ linguam venerabatur? *Sermone de sancto Stephano: Recolis quid illa Ecclesiæ lingua, Augustinum loquor, de hoc Martyre senseris.* Nupiam autem Magistro tenaciùs hæsit mellisius Doctor, quàm in agitatiss ex instituto de divinâ gratiâ controversiis. Quod ne prolixa locorum recensione planum faciam, eo me levavit onere Ranutius Higatus Monachus Cisterciensis, eximio opere, cui titulum fecit: *Drvi Bernardi Tractatus de gratia, & libero arbitrio Commentariis illustratus, Sancto Augustino primario Ecclesiæ christianæ propugnatori consonus demonstratus, atque a filiorum alienorum depravationibus vindicatus.* Nonnulla tamen

tamen ad promulsidem dabo, ex capite ultimo; ubi nonnullis Apostoli oraculis recensitis, ad gratiæ efficaciam demonstrandam, ita demum colligit Sanctissimus Abbas: *Verba sunt non mea, sed Apostoli, qui omne, quod boni esse potest, id est, cogitare, & velle, & perficere pro bona voluntate, attribuit Deo, non suo arbitrio. Si ergo Deus tria hæc, hoc est, bonum cogitare, velle, perficere, operatur in nobis: primum profectò sine nobis; secundum, nobiscum, tertium, per nos facit. Siquidem immistendo bonam cogitationem, nos prævenit; immutando etiam malam voluntatem, sibi per consensum jungit: ministrando, & consensui facultatem, foris per apertum opus nostrum internus opifex innotescit. Ipsa (Gratia) liberum excitat arbitrium, cum seminat cogitatum; sanat, cum immutat affectum; roborat, ut perducatur ad actum; servat, ne sentiat defectum. Sic autem ista cum libero arbitrio operatur, ut tantum illud in primo præveniat, in cæteris comitetur; ad hoc utique præveniens, ut jam sibi deinceps cooperetur. Ita tamen quod a solâ gratiâ cæptum est, pariter ab utroque perficitur: ut mixtim, non sigillatim; simul, non vicissim, per singulos profectus operentur. Non partim gratia, partim liberum arbitrium, sed totum singula opere individuo peragunt. Totum quidem hoc, & totum illa, sed ut totum in illo, sic totum ex illa... Dei promissum (Apostolus) suum appellat depositum, & quia credidit promittenti, fidenter promissum repetit. Promissum quidem ex misericordiâ, sed jam ex justitiâ persolvendum. Est ergo, quam Paulus expectat, corona justitiæ, sed justitiæ Dei, non suæ. Justum quippè est, ut reddat, quod debet: debet autem, quod pollicitus est Cujus tamen suæ justitiæ ipsum Deus voluit habere consortem, ut & coronæ faceret promeritorem. In eo enim sibi justitiæ consortem, & coronæ statuit promeritorem, cum operum, quibus erat illa repromissa corona, habere dignatus est coadjutorem. Porro coadjutorem fecit, cum fecit volentem, hoc est, suæ voluntati consentientem. Itaque voluntas in auxilium, auxilium reputatur in meritum. Si ergo a Deo voluntas est; & meritum. Nec dubium quin a Deo sit, & velle, & perficere pro bona voluntate. Deus igitur auctor est meriti, qui & voluntatem applicat operi, & opus explicat voluntati. Alioquin si propriè appellantur ea, quæ dicimus nostra merita; spei quædam sunt seminaria, charitatis incentiva, occultæ prædestinationis indicia, futuræ felicitatis præsagia, via regni, non causa regnandi. Hæc ibi. De prædestinatione verò differens Sermone 4. de verbis Isaïæ, hanc solius divini gratiæ opus esse docet. Illud quippe ad Romanos 8. recolens, quos præcivit, & prædestinavit hæc habet: *Initium meum solius gratiæ est, & non habeo quid mihi in prædestinatione attribuam,**

fin

sive vocatione. Non sic sanè ab opere justificationis alienus sum : operatur, & illud gratia, sed planè mecum Consummatio quidem & ipsa solius gratiæ est, nec est mihi in hac parte, vel cum ea, sive in ea gloriari, quasi coadjutor videar, aut cooperador In quorum electorum numero indignos nos servos nominis sui ipsa, de qua locuti sumus, consensuere dignetur misericordia, quæ ab æterno est, & usque in æternum super electos, in medio quidem aliquatenus ostendens liberum arbitrium, meriti gratia; principium verò, & finem omnino soli vindicans sibi. Quas omnes melliflui Patris loquendi formulas, erroris notavit in Augustino audacissimus Censor.

Bernardo coævus, ac familiaris Hugo Victorinus pari Augustinum veneratione coluit, pari religione sectatus est; ac tanta nominis fama, ut alter *Augustinus*, si Tritemio fidem damus, ætate sua sit appellatus. Suam in sectando Magistro fidem testatur *Sermone 99.* cæterosque ut idem præstent, adhortatur: *Lingua ejus Augustini calamus scribe velociter scribentis extitit: quia Spiritu sancto docente, ac ducente, verbum Dei elegantissimè dispensavit. Unde, & de ipso in hac ejus solemnitate canimus: quod Propheatarum, & Apostolorum plenus spiritu, quæ prædixerunt mystica, fecit nobis pervia, post quos secunda dispensandi verbi Dei primus refulsit gratia Non solum autem quæ in regula ejus continentur, verum et cætera, quæ Sacram Scripturam exponendo, tractando, exhortando scripsit, credendo, amando, operando teneamus, ut superna præmia consequamur. Nec satis suam in Augustinum religionem testari fuit; exolvit planè, atque tum maxime, ubi de prædestinatione, & gratia disputavit. In Summa Sententiarum, Tractatu 1. capite 12. Cum prædestinatio divina sit electio, juxta illud Apostoli, quos elegit ante mundi constitutionem: solet quæri, quare hunc elegerit Deus, magis quàm illum, ut de Jacob, et Esau? Quidam dicunt, hunc elegit, quia talem futurum eum esse præcivit, qui in eum crederet, et serviret ei. Sed hoc Augustinus retractat in Libro Retractionum, planè ostendens, quod si propter opera futura electus esset, jam non ex gratiâ electio esset: Si enim ex operibus, ut ait Apostolus, jam non est gratia. Idem in Libro de prædestinatione. Non quia futuros sales nos esse præcivit, ideo elegit; sed ut essemus sales, per ipsam electionem gratiæ suæ, qua gratificavit nos in dilecto filio suo. Et in Annotationibus elucidatoriis Quæstionum circa Epistolam D. Pauli ad Romanos, Quæstione 235. Quæritur autem, quare potius elegerit Jacob, quàm Esau? Similiter de quolibet electo, & reprobo idem potest quæri. Non enim potest dici, quod propter futura merita bona, vel mala, alter sit electus, &*

alter

alter reprobatus : sic enim, quod est temporale, causa esset ejus, quod est æternum. Item si dicatur, quod Jacob solâ gratiâ sit electus, Esau propter originale peccatum sit reprobatus ; queritur, quare propter idem peccatum Jacob non sit reprobatus, vel quare Esau ex eadem gratiâ non sit electus? Solutio ; si tamen solutio debeat dici ; ostendere aliquid esse insolubile. Dicunt sic factum esse ; quia Deus voluit fieri : Si autem queratur, quare sic voluit? stulta est quæstio ; quia divinæ voluntatis queritur causa, cujus nulla est ; imò ipsa omnium est causa prima, & principalis. Sed Beatus Hieronymus dicit, quod Deus nihil fecit quia vult, sed quia ratio est sic fieri. Ideoque non incongruè potest sic queri : cur hoc voluerit, & responderi : quia judicia Dei abyssus multa. Possumus tamen dicere, salvâ secretorum reverentiâ, & absque supercilio assertionis ; quod ideo potius elegit Jacob, quàm Esau, quia præservit majorem utilitatem provenire bono universitatis, ex electione Jacob, quàm Esau. Quodnam autem sit illud majus communitalis bonum, exponit quæstione proximè sequenti : Sed iterum queritur, cur major utilitas provenit ex electione Jacob, quàm Esau? Solutio : quia magis commendatur gratia ex electione Jacob, quàm Esau. Item queritur, quare magis commendatur ex electione Jacob, quàm Esau? Solutio : quia minor erat natu ; si enim major natu eligeretur, videretur, quòd privilegio natiuitatis hoc fieret. Eò itaque, ex Hugonis sententia, recidunt universa, ut quavis eliminata præscientia meritorum, in Dei nutum, ejusque gratiæ commendationem referantur.

Rupertus Tuitiensis Abbas, Augustinianæ doctrinæ admirator, & vindex, hac ipsa ætate, ac nondum elapso post Gottescalchi tragædiam sæculo tertio, liberam de Augustino vocem emisit. Hoc elogio doctrinam ejus celebrat Libro 7. de Operibus Spiritus sancti cap. 19. Unum tantum ex eis, (nimirum Doctoribus) contingimus, in quo iste Spiritus manifestè operatus est, quod se dignum fecit ad laudem suam, ad Ecclesiæ suæ defensionem, catholicæque fidei, perpetuamque munitionem. Iste est Augustinus, columna, & firmamentum veritatis, et verè columna nubis, in qua thronum suum posuit sapientia Dei, cujus ex ore distillare non cessavit pluvia salutavis, imò fluere impetus fluminis contra flumen illud hereticorum, quod, ut superius diximus, post mulierem, id est, Ecclesiam, de ore suo draco diabolus emisit. Et cum multa de ejus ingenii sublimitate dixisset, ita demum concludit : Hoc est, in quo jure sanctum scientiæ Spiritum laudamus, quia virum talem, et sic foris præparatum reddidit, et sic intus eo dignatus est uti, ut contra omnes hæreses tota vita sua depugnans, voce, et literis sancta scriberet, quanta nemo in vita sua legere sufficit : Unde, & qui-

quidam non inaniter dixisse fertur: mentitur, qui se totum legisse fateatur Augustinum. Doctrinam porro insigni illo elogio commendatam compendio digessit, concinnatis in Joannis Evangelium Commentariis: ubi multa de gratia, prædestinatione, reprobatione, ex Augustini sententia disputat, ut vel ex ipso prologo notum est: *Alta mysteria*, inquit modestissimus Abbas, *quæ in hoc splendore Evangelii, velut grandis aquila pervolarit magnus Doctor Augustinus, nos eadem quidem vid, sed non omnino isdem vestigiis subsequi enitemur.* Nam ille quidem alta montium pervolat cacumina; nos interdum, & circa radices imas occupabimur. Ille præcelsæ arboris superiora quæque poma carpere festinat; nos terræ quoque proximos, quos parvulus reliquit, attingere conabimur Evangelica literæ ramusculos. Ut quia grandioribus, in alta Mysteriorum explanatione satisfactum est, nunc parvulis, idest, nostri similibus, continuatio quoque literæ subveniat.

Petrus Lombardus Episcopus Parisiensis, Sententiarum Magister, laudatis Scriptoris suppar, Augustinum, quem doctrinæ ducem in cæteris quibusque Theologicis tractationibus æmulatus est, in his de divina gratia, & prædestinatione controversiis ad verbum exscripsit, Librosque ab eo ultimò editos penè ex integro defloravit, Libro 1. *Sententiarum Distinctionibus* 40. & 41. & Libro 2. *dist.* 26. 27. 28. & 29. ex quibus aliqua tantum decerpere, causæ, quam hic agimus, jactura esset; ea autem referre ex integro, inutile, ac supervacaneum existimamus.

Gillebertus Svinsherenfis Abbas, Sancti Bernardi, quo vivente Monachum induerat, religiosus, & eruditus æmulator, in Sermionibus super Cantica, quos elegantissimè concinnavit, ibi incipiens, ubi pius parens scribendi simul, & vivendi finem fecerat, eadem illa doctrinæ capita ponit, brevibus quidem, sed eliquatissimis verbis, *Sermone* 30. *Novit dominus, qui sunt ejus Ideo moveri non possunt ad fremitum Leonis, quia immobili divinæ notitiæ continentur signaculo. Bonum enim signaculum notitiæ Dei. Notitiæ, quæ secundum propositum est, secundum quod vocati sunt sancti. Firmum est signaculum hoc notitiæ ejus, quia nihil ei deperit. Non tantum non deperit ei nihil; sed ipsa salvandos parit, ipsa prædestinat, ipsa signat, quos suos esse velit.* Quibus verbis divinæ prædestinationis firmitatem ex divino proposito repetit, quo quos suos velit esse, ex æternitate definivit. Tum ex ea gratuitæ prædestinationis firmitate, divinique beneplaciti immobilitate, gratiam ex tempore conferendam, & liberi arbitrii cooperationem, tanquam a prima radice repetendam decernit: *Geminum signaculum, inquit, divinum propositum, & humanum studium: divina providentia, & humana diligentia. Vide duas Præf. P. Serry Tom. II.*

huius signaculi partes; unam divinæ tantum gratiæ, alteram, & gratiæ, & libertatis: Illam propositi, hanc adiutorii. Secunda hæc pars libertatis nostræ infirmum arbitrium dirigit: nam prima prædestinando disponit. In prima, qui sunt ejus, Dominus prævidendo novit; in secunda nobis innotescit. Illa causæ, hæc est illius effectus. Illud signaculum immobile est; hoc probabile. Illud signaculum est, istud signaculi signum. Illa radix est, hic fructus nam ipse in beneplacito suo novit, qui sunt ejus, & ponit eos ut fructum hunc plurimum afferant.

Ælredus Abbas Rievallensis, eodem vertente sæculo, Augustinianam de gratiæ viatrice, gratuitaque prædestinatione doctrinam suam tradit Libro 1. *Speculi charitatis, a capite 10. ad 15.* multa de divini auxilii efficacia, de ejusdem cum humana libertate concordia, de illius gratuita, & liberali largitione, de gratiæ electis peculiari, de differentia hominis stantis, & lapsi, de discretionem prædestinatorum a massa perditionis sola Dei bonitate facta, juxta Augustini principia dissilens. Ex multis unum, alterumve centonem exhibeo, ut fidelissimum Sancti Doctoris discipulum noris: *Ut opus, (inquit capite 11.) quod in nobis, sive per nos operatur, etiam nostrum sit, inclinatur voluntatem, ut consentiamus; sicque ex ejus gratiæ merces sit nostra Ut autem sem volens in bono opere, Deus est, qui operatur, & velle, ipse deinde voluntatem excitans ad petendum, ad querendum, ad pulsandum, dat gratiam pro gratiæ, perficere scilicet pro bona voluntate. Postremo, quia vita æterna bonorum operum merces est, ipsam dans coronat dona sua, quæ voluit esse merita nostra. Capite verò 15. de gratuita prædestinatione quorundam, cæterorumque desertione sermonem instituens hæc habet. Si ergo homo ex vasis, quæ facit, quæ volueris deputat bonori, quæ volueris exponit contumeliæ, nec quisquam est, qui causetur injustum; tu calumniaris, si Deus ex vasis omnibus iustissima contumeliæ expositis, quæ volueris, assumat, quæ volueris, relinquat, quæ volueris, in pristinum reformet bonorem, quibus volueris, debitam inferat damnationem? Si, inquam, figulus in vasis, quæ de eodem luto compingit, discernendis, ipsa ejus voluntas iustitia est; quomodo non multo magis in omnibus, quæ ex nihilo creavit omnipotens, discernendis, ordinandis, sumendis, deserendis, salvandis, damnandis, ipsa ejus voluntas summa iustitia sit? Ergo miseretur cui volueris, & misericordiam præstat in quem sibi placueris, & quem vult, obdurat iustissime deserendo, & quem vult, emollit piissime miserando; & quidquid vult, facit, nec injustum aliquid facit, quandoquidem inter iustum, & injustum sola ejus discernit voluntas, quæ non est aliud, quam ipsa æquitas: nec ejus voluntas ex alia pen-*

det lege iustitiæ, sed lex iustitiæ ex ejus urique pender voluntate.

Dicat modo Launojus, quo ex tripode revelatum acceperit, Augustini discipulos, per annos a Gottescalcho damnato trecentos, Magistri doctrinam puram, atque sinceram vulgare minimè ausos: cum hæc illi, vulgatis per universam Galliam, Angliam, Germaniam scriptionibus, publicarent? Verùm est illa Launoji perversitas, ut non aliam Augustini doctrinam norit, nisi putidas hæreticorum blasphemias, ab ipsomet data opera confutatas, queis, & excisum liberum arbitrium, & humanam voluntatem necessitate ductam vociferantur. Ecquis enim nesciat, in iis refellendis, magnam studii partem posuisse Præfulem Hipponensem, non modò ante subortam hæresim Pelagianam, dum in Manichæos signa conferret, verùm etiam quo ex tempore, adversus divinæ gratiæ hostes aciem movit? Legatur *Liber 1. de Peccatorum meritis, & remissione capit. 2. Liber de Gratia Christi cap. 32. Liber de Spiritu, & litera capp. 33., & 34. Liber de Gratia, & libero arbitrio capp. 2. 15., & 18. Liber de Natura, & Gratia capp. 32. 43. 64. 65. 67.*

(Pag. 114.) Equidem instauratas a multis, undecimo cadente sæculo, ac duodecimo ineunte, illas ipsas de excisa hominis libertate blasphemias, haud infideliter notat Launojus, ex Divo Anselmo, & Divo Thoma, (quamvis neutrius, pro more suo, loca indigitet); id enim Archiepiscopus Cantuariensis *Libro de Concordia cap. 3. & Doctor Angelicus Quæst. 6. de Malo articulo 1. profitentur*: at eas ex Augustini principiis fluere, quod unum queritur in præsentia, tantum abest, ut vel obiter induant, ut illas potius ex Augustini principiis confutent: *Sunt nostro tempore multi, inquit Sanctus Anselmus, qui liberum arbitrium esse aliquid penitus desperans. In hac itaque questione, hæc erit intentio, ut liberum arbitrium simul esse cum gratia, & cum ea operari in multis non sremus.* Ita porro demonstrat *cap. 1. Quoniam enim, quod vult Deus, non potest non esse; cum vult hominis voluntatem nulla cogi, vel prohiberi necessitate ad volendum, vel non volendum, & vult effectum sequi voluntatem, tunc necesse est voluntatem esse liberam, & esse, quod vult.* Annon verò id ex Augustino delibatum, *Libro de Gratia, & libero arbitrio capite 21.?* Agit omnipotens in cordibus hominum etiam motum voluntatis eorum, ut per eos agat, quod nos agere ipse voluerit, qui omnino injustè aliquid velle non potest. Doctor autem Angelicus ita eundem errorem percenset, ac confutat: *Quidam posuerunt, quod voluntas hominis ex necessitate movetur ad aliquid eligendum: nec tamen ponebant, quod voluntas cogeretur.* Non enim omne necessa-

rium est violentum Hæc autem opinio est hæretica : tollit enim rationem meriti, & demeriti in humanis actibus. Non enim videtur esse meritorium, vel demeritorium, quod aliquis sic ex necessitate agit, quod vitari non possit. Nunquid, & istud petitur ex Augustino Lib. de lib. arbit. cap. 18., & lib. de Nat., & Grat. cap. 67. Quis peccat in eo, quod nullo modo caveri potest? Peccatur autem: caveri igitur potest.

(Pag. 115.) Clamat Launojus, Joannem Vvitkleffum harum blasphemiarum, aliarumque inde fluentium, sæculo decimoquarto instauratorem, Augustini nomen jactasse, nec tamen Synodi Constantiensis damnationem evasisse. Bellum profecto! Augustini nomen jactabat ille: at jactabat, & Pauli: an ergo blasphemum dicemus Apostolum? Ut quid itaque blasphemiarum reum habebimus Augustinum, quod ejus patrocinium Vvitkleffus obtenderit? Synodi Constantiensis censuram novator subiit, tametsi gratiæ Vindictis jactaret nomen: at non idcirco, quod Sanctissimum Doctorem damnationi obnoxium existimaret sacra Synodus, eundemque pari cum novatore censura petiturum vellet; sed quod stultam novatoris jactantiam certò sciret. Certè quàm altè Patrum Constantiensium animis defixa esset, Augustini de gratia victrice sententia, compertum satis ex solenni precatione, quam singulis Sessionibus præmittebant; quamque secutis inde temporibus, Clemens VIII. ejusdem doctrinæ studiosissimus, flexis genibus fundere solitus erat, dum celebres de divinis auxiliis congressus haberentur. Sic illa se habet: *Adesto nobis, quaesumus, Domine sancte Spiritus, peccati quidem immanitate detentis, sed in nomine tuo specialiter congregatis. Veni ad nos, & dignare illabi cordibus nostris: doce nos, quid agamus, quo gradiamur, ostende, quid efficiamus, operare: esto salus, & suggestor, & effector judiciorum nostrorum, qui solus cum Deo Patre, & ejus Filio nomen possides gloriosum. Non nos patiaris perturbatores esse justitiam, qui summæ veritatis diligis aequitatem; ut in sinistram non nos ignorantia trahat, non favor inflectat, non acceptio muneris, vel personæ corumpat; sed JUGE NOS TIBI EFFICACITER SOLIUS TUE GRATIÆ DONO; ut finis in te unum, & in nullo devenimus a vero: quatenus in nomine tuo collecti, sic in cunctis teneamus, cum moderamine pietatis, justitiam, ut & hic a te in nullo dissentiat sententia nostra, & in futuro pro bene gestis consequamur præmia sempiterna. Per Dominum nostrum, &c.*

C A P U T XVI.

*Augustinus a Lutberi, & Calvini erroribus remotissimus,
summa veneratione a Tridentinæ Synodi
Patribus exceptus.*



UOD unum Launoji¹ petulantiz addi posse videbatur, ut Lutherus ipse, atque Calvinus Augustini discipulis adjungerentur, id demum ad mensuræ cumulum accessit. (Pag. 116.) Hos ex Augustini schola prodiisse, ut in humanæ libertatis excidium conspirarent, fidenter pronunciat audacissimus blatero: ac ne summæ impudentiæ summa quoque deesset inscitia, Zuin-
glium, quem purum putumque Pelagianum nemo nescit, Luthe-
ro, & Calvino, ad horrida Hipponensis dogmata diffundenda, comitem adjungit. Equidem ad minuendam utcumque audacissimæ assertionis invidiam, illos Magistri doctrinam latius quàm par esset protendisse, statim innuit: verum imprudenter omnino, & contra-
deductas subinde consecutiones. (Pag. 117.) Namque subiungit e-
vestigio, Augustinum Lutheranis, & Calvinistis, tanquàm illorum erroribus propitium dimitti oportere: imò nonnullos Tehologiæ polemicæ Tractatores producit, laudat, amplectitur, qui eundem illis liberè concessere: quod certè iniqui consilii fuit, si Augustini decreta, ultrà quàm fas esset, protenderunt postremæ ætatis hete-
rodoxi. Ea etiam Lutheranz, & Calvinianæ doctrinæ capita repræ-
sentat terribilis Censor, iis planè gemina, quæ Prædestinatarum, & Vvicleffi nomine superioribus capitibus recensuerat: ut hinc ne-
mo non videat, illum æquo jure Lutherum, atque Calvinum, non qualescumque, sed fidos planè Augustini discipulos dicere debuisse, qui Prædestinianos, & Vvicleffum ipsum eo titulo cohonestat.

Sed age videamus, quo demum momento nixus, Augustinum Luthe-
ro, & Calvino propitium dicat, eundemque illis concedendum pronunciet. Non ille Sancti Doctoris testimonia congerit, non lo-
ca recenset, quibus nostrorum temporum erroribus patrocinium im-
penderit; sed quatuor duntaxat Theologiæ polemicæ (Pag. 118. & 119.) Tractatores producit, Claudium Sanctesium, Ambrosium Catharinum, Petrum Auratum, Albertum Pighium, qui Augusti-
num novæ sectæ principibus concesserunt, tanquàm illis plus nimio
adfavisset. Quid istud, amabo? Sexcentos, & eo amplius Romanæ
Communione Scriptores numerare liceat, qui stylum in Lutherum
atque

atque Calvinum acuerunt : iis potissima cura incumbit , Augustinum non modò heterodoxis eripiendi , verùm etiam ut potissimum catholicæ fidei defensorem iisdem obijciendi : arma , quæ errorum confodiant , ex Sancto Doctore mutantur : responsa , quibus adversæ partis tela elidant , eidem accepta referunt : argumentorum robur , momenta rationum , interpretamenta Scripturarum , Ecclesiasticæ Traditionis intelligentiam , ex ejus operibus repetunt ; ut planè in sacro bello gerendo , unus illis , & vallum , & fossa sit Augustinus. Hos surdâ aure Launöjus præterit , ut tres , quatuorve in Augustinianâ doctrinâ minùs versatos Theologos audiat ; qui vel ut operæ parcerent , vel ut importunis errantium , de Augustini patrocinio sibi temerè blandientium , vocibus aliquid cederent , uni gratiæ Doctori minimè standum reposuere , si fortè in Pelagianâ hæresi debellandâ modum excessit , nimioque vindicandæ gratiæ studio , libertatis jura violavit. Imprudenter omninò , Launöj . Quis enim communem Ecclesiæ sensum , ex trium quatuorve privatorum Theologorum judicio potius , quàm ex publicâ cæterorum omnium professione internoscendum existimet ? Quis raucas illas oscitantium Scriptorum voces , de Augustino debitos fines prætergresso , tot Romanorum Pontificum oraculis anteponat ; qui eundem catholicum per omnia Magistrum , in nullo a Romanæ Ecclesiæ prædicatione deviantem , nullius unquàm erroris suspitione aspersum , necessarium in hæreticis debellandis modum minimè prætergressum , cujus doctrinam Romana sequitur , & servat Ecclesia , datis Diplommatibus pronunciarunt ?

Quàm gravis , ex inconsultâ illâ , præcipitque censurâ , in Ecclesiam Catholicam redundet injuria , nemo non videt . Si enim (ut a nonnullis observatum est) a Lutheri , & Calvini erroribus Augustini doctrina vindicari non potest , gravissimè profectò & a Sede Apostolica , & a cæteris Ecclesiæ proceribus peccatum est , qui Beati Augustini vigilias , labores , atque doctrinam , quoad illas maxime de divina gratia quæstiones , tam magnificè prædicarunt ; cùm tanquàm periculosam , perniciosam , & hæreticam arguere potius damnareque debuerint . Quid etiam Ecclesiæ Dei calamitosius , luctuosiusque accidere queat , quid verò hæreticis gratius , jucundius , aut optabilius , quàm ut adversus Catholicos , in his de gratia , & prædestinatione dogmatibus , stare pro ipsis , etiam nostra confessione , tantopere laudatus Augustinus existimetur ? Nam hoc concessio , quis non intelligat , quanta illi virium accessione firmentur , Catholici verò quanta præsidii jactura debilitentur ? Prement nos illi autoritate Viri hujus , quæ in Ecclesia Dei maxima semper hætenus fuit : hanc tamen adversus eos , quæ nos fronte vel in cæteris opponemus , quando tam gravi ac
indi-

indigno errore, tam infirma, imò fracta, & vilis effecta sit?

Abeant itaque sui illi, quos nobis calumniæ suæ autores Ladojus advocat, *fidei defensores*. Proditores, eo saltem in capite, verius dicat, qui tradito Lutheranis, & Calvinianis Augustino, Ecclesiæ causam, per speciem tuendæ fidei, prodiderunt. Quàm gravem illi a cæteris Romanarum partium Theologis animadversionem subierint, Launojum ignorasse non puto.

Ambrosius Catharinus, ob id maxime non externorum duntaxat, verum etiam domesticorum, ac sodalium censuris inustus est. Dominicum Bannesium, primariæ cathedræ in Academia Salmanticensi Moderatorem, Ordinis Prædicatorum, audire juvat, de Catharini Libellis, quibus Augustinum iniquè deprehendit, ita pronunciantem 1. *Parte Quest. 23. Art. 7. Edidit tres Libellos de prædestinatione, in quibus nihil est eruditionis, sed plurimum erroris*. Judicium nihilo mitius tulit Dominicus Soto, alter ejusdem instituti professor, in cap. 9. *Epistolæ ad Romanos*, Catharini audaciæ ita perstringens: *Non erat ergo cur iste Reverendus Pater Episcopus in prologio sui libelli tot verbis pollicendo diceret, punctum se prædestinationis vera ratione attigisse, quæ Augustinum, ac ceteros antea Patres celata semper fuisset*. In Apologia verò de certitudine gratiæ, subitarius ex Jurikonsulto Theologum ridet: *Ab ipso enim statim tempore, quo jam ætate proventus, inquit, ex Jurikonsulto Theologus derepente prodisti, simul, & audire cœpisti in scholis, & contra egregios scholarum Doctores scribere*. Scilicet Catharinus, transacta in juris Scholis ætate, multorum annorum factus, Prædicatorum Ordini nomen dedit, quo primum tempore Theologos lectitare cœpit. Quare pristinæ professionis amantior, & Theologicis institutionibus leviter tinctus, de divina prædestinatione, non tam ex sensu Patrum, quàm ex Digestis, & Codice disputavit.

Claudius Sanctesius, vel ipsius Antonini Moraines, larvati Scriptoris, virgam expertus est, quod Augustinum in statuenda sententia varium dixerit: *Consultius fecisses, tantique Doctoris ausboritari convenientius, si semper, & constanter quacumque dixit Augustinus, in sensum illum commodum exposuisses, & non tantam in opinando inconstantiam ei tribuisses*. *Disput. 9. Anti-Janlenii N. 57.* Vapulat, & ex de causâ, apud Norisium in *Vindiciis Augustinianis cap. 4.*

Albertum Pighium ab eruditissimis Theologis notari, quod Augustini, seu verius Ecclesiæ, de peccato originali, de prædestinatione, de gratia Redemptoris doctrinam deseruerit, author est Joannes Molanus: cui calculum adjiciunt Albertus Miræus, & Possévinus. Nec injuria, quippè qui a Cardinali Polo, Sedis Apostolicæ

stolicæ Legato, & Concilii Tridentini Præfide notatus est, (*Pala. Histor. Concil. Trid. Lib. 8. cap. 2.*) quod in articulo de originaria noxâ, dum universam Lutheranorum doctrinam rejicere conatur, prope in Pelagianorum errorem prolapsus sit: a Lovanien-sibus autem, uti liberioris ingenii; & inverecunda audacia Theo-logus fugillatur. Quin & ejusdem consilium, quo monebat, ad veram de libero arbitrio doctrinam percipiendam, legendos esse potius Augustini Libros ad Catholicos datos, quàm reliquos contra Pelagianos, eorumque reliquias scriptos, ut ineptum, & stultum ridet Cardinalis Norisius, in *Vindiciis capite 5. §. 4.*

Quamquàm quid juvat privatorum testimonia congerere, qui eam trium, quatuorve Polemistarum audaciam reprefserunt? Ipsa Synodus Tridentina Lutherum, & Calvinum, in materiâ prædesti-nationis, & gratiæ, ab Augustino toto ostio aberrasse, satis su-perque significavit, dum eâ ipsâ *Sessione 6. de Justificatione*, quâ pseudoreformatorum errores proscripsit, Augustini eodem de argu-mento sententiam consecravit. De gratuita prædestinatione res pla-na est *capite 16.* ubi ita decernitur: *Bene operantibus usque in fi-nem, & in Deo sperantibus proponenda est vita æterna, & tan-quàm gratia Filius Dei, per Christum Jesum misericorditer promiss-a, & tanquàm merces, ex ipsius Dei promissione, bonis ipsorum operibus, & meritis fideliter reddenda.* Quid enim gratiæ, & pro-missionis misericorditer factæ nomine venit in mentem, nisi de-cretum gratuitum, quo Deus, nullis meritis in antecessum explo-ratis, filios destinæ ad regnum? Quid etiam, quod sacra Synodus, de promissionis executione, quæ electorum tandem glorificatione perficitur, sermonem habens, bona quidem justorum opera, ac me-rita memorat, quæis tanquàm merces a Deo rependitur; nulla ta-men, ubi de æternâ promissione sermo incidit, nisi Christi Do-mini merita innuit, totumque misericordiæ, & gratiæ deputat: nisi ut electionem æternam gratuitam statuatur, solam, quæ tempo-re fit, executionem meritis justorum adscribat? De gratiâ effica-ci, ac se ipsa victrice haud minùs explicata sacre Synodi mens, ut editum nuperrimè, fœtu posthumo, Antonini Reginaldi spissum opus, sexcentis momentis evincit.

Iniurius tamen memoratis Polemistis Launojus, & doctrinæ in Synodo Tridentinâ sancitæ præ illis ignarus, qui nonnullos pseudo-reformatorum errores Augustino affingit, quos hæc ipsa Synodus, distinctis Augustini verbis confodit: ut est ille de mandatorum implendorum impotentia, *capite 11. de Justificatione* confixus, præclara illa sententiâ ex Sancto Doctore petita *Libro de Natu-ra, & Gratia capite 43. Deus impossibilia non jubet, sed jubendo monet, & facere, quod possis, & petere, quod non possis.* Et ille

alii

alius de gratia iustis sublata, ut obedire desistant, mutuatis ejusdem Doctoris verbis inustus: *Deus sua gratia semel iustificatos non deserit, nisi prius ab eis deseratur*. Nonnullas vice versa Sancti Doctoris sententias erroris insinuat, quas Tridentini Patres fidei capitibus inferuere, ut est illa *Epistola* 105. ad Sixtum: *Cum Deus coronat merita nostra, nihil aliud coronat nisi munera sua*; quam *capite* 16. de *Justificatione* in fidei regulam transtulerunt. Nonnullas tandem assertiones versatiles, ac variis sensibus obnoxias, præposterè, & contra Sancti Doctoris mentem detorquet, ut illis hæreseos notam inurat; quas germano sensu acceptas, inter orthodoxa dogmata numeravit laudata Synodus. Talis est illa *capitis* 3. de *Justificatione*: *Et si (Christus) pro omnibus mortuus est, non omnes tamen mortis ejus beneficium recipiunt; sed ii duntaxat, quibus meritum passionis ejus communicatur*; quæ in tritam illam, vulgatamque distinctionem recidit, qua pugnantia in speciem Augustini testimonia conciliantur: Christum nimirum pro omnibus mortuum sufficienter; pro solis tamen fidelibus, appetitæ mortis, & effusi sanguinis beneficium recipientibus, efficaciter.

Parcam hoc de argumento plura adjicere, & Augustinum a Luthero, & Calvino remotissimum, congestis testimoniis, collatisque doctrinæ principiis, demonstrare; quod eam provinciam infiniti prope modum scriptores obierint, otiosique jam hominis videatur, in ea re diutius immorari. Legatur, si per otium licet, Franciscus Orantius Episcopi Placentini in Synodo Tridentina Procurator, idemque Theologus præstantissimus *Lib. 1. de Justificatione* contra Calvinum *capite* 51., ubi post recitata bene multa Sancti Doctoris oracula, Calvinii erroribus adversa, suam, totiusque Ecclesiæ, in Augustini doctrinam, venerationem profitetur his verbis: *Hanc Augustini doctrinam, tanquam e cælo lapsam suscipimus, & sanctam veneramus, uti fidei nostræ regulæ conformem amplexamur, & ut antiquæ Patrum Traditioni satis conformem, modisque omnibus veritati consentaneam, & convenientem retinemus.*



C A P U T XVII.

Augustini doctrina a Leonardo Utinensi ex sacro suggestu tradita, & ab Aquilejensi Patriarcha probata, Tridentine Synodi judicio confirmatur. Facti narratio a Launojo corrupta, ac depravata, ex legitimis documentis restituitur.



Utatam hinc scenam video, haud tamen mutatum actoris animum. Haecenus professos hæreticos, impiarumque sectarum principes, Augustini discipulos mentitus est; ut quæ in illos verè sententia lata fuit, in Augustini caput recideret: nunc religiosissimum Præsulem, verumque Augustinianæ doctrinæ professorem in scenam inducit, at latam in eum sententiam comminiscitur, ut, & hoc pacto damnationi subiaceat Augustinus. Tria portentosa mendacia brevi pagella fabricatur. (Pag. 120. & 121.) Cives Utinenses Patriarcham Aquilejensem, *tanquam hæreticum traduxisse, & ad Tridentinam Synodum provocasse* fabulatur, ob vindicatas apologetico scripto geminas Divi Augustini assertiones. Hoc primum. Subjungit, Agri Foro-Julienensis incolæ, *eo Patriarchæ Aquilejensis scripto graviter offensos*, Legatos ad Serenissimam Rempublicam Veneram destinasse, *ut creatam ab eo offensionem cobiberi provideres*. Hoc alterum. Tum demùm, iudices ab Synodo Tridentina delegatos, *doctrinam Patriarchæ scripto contentam, minimè prædicandam* censuisse, ait; tametsi quo sensu ab eo tradebatur, nec hæresim præ se ferret, nec offensionem cuiquam esse posset. Hoc ultimum. Ea scilicet est scriptoris præfidentis audacia, ut compertissima quæque vitiet, depravet, adulteret, ipsosque Augustinianæ doctrinæ triumphos in dedecus vertat.

Nec integram Patriarchæ Aquilejensis Historiam dedimus, Paragrapho 13. Præfationis nostræ ad Historias Congregationum de Auxiliis divinæ gratiæ: cuncta ad probatissimorum Scriptorum fidem exegimus; integra facti celeberrimi documenta repræsentavimus in Appendice; planumque fecimus, hoc maximè rerum concursu Augustini doctrinam; de æmulis quibusque obrectatoribus triumphasse. Quæ sanè si commentitiæ Traditionis novissimus editor vel leviter evolisset, nunquam Launoji sui famam ita in orbe literario commississet, ut confutatas in antecessum fabulas evulgaret. Pauca ex multis, quæ eo loco diximus, delibamus; ne sua penes audacem interpolatorem putidorum mendaciorum stet usura.

Pa-

Patriarchatum Aquilejensem ab annis circiter quatuor occupabat Joannes Grimani, Patritius Venetus, vir ingentium virtutum, antiquitatis diligens investigator, literarum amans, & literatorum Mecenas beneficentissimus; ex inclyta Grimanorum gente originem ducens, quæ tot Aquilejæ Patriarchas, tot Ecclesiæ Romanæ purpuratos Principes, tot Reipublicæ Venetæ Serenissimos Duces dedit. Venetiis agebat ille anno 1549. cum ab suo Vicario generali Utinensi literas accepit, quibus significabat, Leonardum Utinensem, Prædicatorum Ordinis Professore, nonnullas inter concionandum propositiones de divina prædestinatione protulisse, quæ plebem, totumque confessum non mediocriter offendissent. De duabus præsertim ortam offensionem inquebat; prima, *Prædestinatus a Deo nullo modo damnari potest; quia quantumvis in peccata labatur, Deus eum ita eripit, quod illum salutem tandem consequi necesse sit.* Altera, *Electio, ac prædestinatio ita sunt necessarie, ut in voluntate, & arbitrio nostro, neque salus, neque damnatio posita sit.*

Re, quantum per temporis angustias licuit, probè discussa, rescriptit Patriarcha Aquilejensis prolixam satis Epistolam die 17. Aprilis, qua Prædicatoris in hæreseos suspicionem vocati partem suscipiens, abstrusiora divinæ prædestinationis arcana fusius exposuit; quod id sedandis moribus, & erudiendæ plebi necessarium existimaret. Tractatum etiam hoc de argumento paulò explicatiorem concinnavit post menses aliquot, quo doctrinam in Epistola contentam cumulatius exponeret, variisque Scripturarum, Conciliorum, ac Patrum testimoniis confirmaret. Nemo fuit, qui per annos circiter duodecim adversus Epistolam, ejusve Tractatum mussitarit; tametsi per universum Patriarchatum, instar documenti pastoralis, utraque lucubratio vulgata esset. Cœpit anno dumtaxat 1560. excitari tempestas ab invidis, corruptisque tenebrionibus, quos sua illi virtus, infractusque animi vigor in regenda plebe concitaverant. Cùm enim grassante tunc in Germania hæresi Lutherana, & latè finitimaque loca depascente, servando pecori studiosius incumberet, & ad severitatem pro restituenda disciplina Ecclesiastica, prior foret, nonnullorum & clero invidiam subiit, quorum castigandis, ac perpoliendis obsoletis moribus studium impenderat. Opportunum ulciscendi tempus arripuere pravi homines, statim atque Pius IV. Pontificatus auspiciatus, sacrum Cardinalium Collegium viris pietate, religione, ac rerum usu insignibus, qui laboranti Ecclesiæ turbulentissimis temporibus opem ferrent, augendum ratus, Patriarcham meritissimum adlegere meditabatur. Consepultam Epistolam, ac penè vetustate temporis exesam, e cineribus dolo malo excitatam, ad sacrum Romanæ Inquisitionis Tribunal detulere, tan-

Ddd ij quam,

quam, quæ Lutheranos, & Calvinianos errores complecteretur; ut eo objecto probro Patriarcham denigrarent, Pontificemque a conferenda purpura dimoverent.

Verfabatur ille tunc Romæ, dum hæc in eum tempestas sæviit: pro viribus adniti cœpit, ut depulsis objectæ criminationis nebulis, religionem suam, ac fidem in aperto poneret. Ad Pontificis pedes vocatus, Epistolæ suæ doctrinam profluentibus ubertim lacrymis exposuit, editumque a se sub idem pene tempus Tractatum obtulit, in quo, quid de prædestinatione sentiret, distinctius exposuerat, omnesque tum hoc de argumento, tum de aliis quibuscumque sensus suos Apostolicæ Sedis judicio subjecerat. Fluctuare ad hæc aliquantulum cœpit Pontifex Maximus, qui Patriarcham nova quidem dignitate auctum vellet, ut Serenissimæ Reipublicæ votis, ejusque meritis responderet: at virum de hæresi nuper accusatum sacris Vaticani infulis induere pudor erat. Sacræ Inquisitionis confessum in Consistorii pervigilio festinanter indixit, ut præfens ipse Patriarcha Epistolam in jus vocatam, fidemque suam exponeret. Dixit ergo imparatus licet, atque ex tempore, de variis Epistolæ suæ propositionibus in suspensionem adductis: sed fidem suam non ita in aperto posuit, ut omnem prorsus nebulam depelleret. Quare illo posthabito, destinatos viros purpura induit Pius IV. die 26. Februarii 1561. quos inter, ne invisam sibi Rempublicam faceret, quæ pro Grimani purpura ardentius supplicaverat, duos adlegit Patritios Venetos, Bernardum Navagerium ex inclyto Sapientum ordine, & Antonium Amulium apud Sedem Apostolicam Oratorem; spondendique altiori se Grimani fortunæ provisorum, cum primum eliquata causâ, omnem fidei suæ offusam nebulam depulisset.

Casum hunc magno animo tulit Joannes Grimanus. Romæ substitit aliquandiu, causamque suam judicio maturavit. Epistolæ suæ doctrinam scripto defendit mense Augusto, sententiamque ex Pontificis oraculo ferri petiit: at supremæ Inquisitionis Tribunali commissa res est. De septem propositionibus, quæstio fuit, ex variis Epistolæ locis compendio deductis. Prima erat: *Prædestinatio a solo Deo est*. Secunda: *Prædestinatio duntaxat pendet a liberis Dei promissionibus*. Tertia: *Prædestinatus damnari non potest; nec reprobis salvari*. Quarta: *Reprobos nunquam Deus intuetur oculis misericordie suæ*. Quinta: *Diabolus prævalere non potest contra determinatum numerum electorum*. Sexta: *In salutis negotio totum Deo tribuendum est*. Septima: *In reprobis nihil valet liberum arbitrium ad salutem obtinendam*.

Ea de re Congregatio haberi cœpit die 11. Decembris 1561. Ex objectis propositionibus tres unanimi quidem suffragio; quatuor

tuor pro majori duntaxat votorum parte probatæ sunt : nonnullis scilicet Consultoribus erroris suspensionem opponentibus. Hos inter fuisse fertur Felix Perettus Montaltius, qui postmodum sub Sixti V. nomine Pontificatum obtinuit; cujus etiam suffragium censorium in publicis generalis Inquisitionis tabulis legitur.

Eo se judicio absolutum Grimanus existimabat, quod ita Judiciorum forma postulare videretur. Verum fecit æmulorum auctoritas, aut etiam, (quod æstimare pronum est) conditio temporum, quæ vel minimam Calviniani erroris suspensionem in Ecclesiæ Principe pati nolle, ut causam maturiori examine limari voluerit Pius IV. Sustinuit itaque Grimanus menses aliquot, candidiorem Romæ solem brevi oriturum sperans : causam, conjunctis cum Oratore Veneto supplicationibus, eliquari petiit multis admodum vicibus ; donec tædio solutus, quod rem suam plus nimio procrastinari cerneret, Roma secessit Neapolim versùs, animum magnis, longisque curis defatigatum levaturus : quamquàm Roma per multa milliaria jam absens, accepto nuncio, quo ab Augustissimo Senatu vocabatur, viam, quæ Lauretum ducit, arripiens, citatis equis Venetias contenderit. Sui tamen, quantum licuit officii memor fuit : Oratorem literis rogavit, ut inopinati itineris rationes Pontifici significaret; quas etiam (ut ex rescripto didicit) benignissimus Pater ratas habuit.

Fugæ instar ab æmulis discessus est habitus, quasi causæ meritis diffusus Grimanus maturiori examini se negasset. Fuere, qui illum ea mente aufugisse dicerent, ut causam judicio Pontificio eriperet, & ad Synodum Tridentinam deferret, quæ magno tunc Ecclesiæ emolumento celebrabatur. Quare Pius Legatos suos confestim literis monuit, ne Grimani causam, coram Romana Inquisitione, ac ipsa etiam Apostolica Sede pendentem, acciperent; eidemque significarent, non Tridenti comparendum, sed Romæ ; ubi litem in integro, si reus mallet, Consistorio, brevi dirimeret. Non iis ille hortamentis eguit, qui licet causam suam ab œcumenica Synodo cognosci maluisset, hanc tamen voluntatem, hortante Senatu Veneto, deposuerat, ne reluctantem Pontificem offenderet.

Grimanum tamen denuo Romæ sissi Senatus noluit, quod Cardinalium quorundam Inquisitorum Generalium aversum ab illo animum existimaret : sed qua valuit apud Pontificem gratia, petiit, ut causam ipsemet Concilio committeret ; Apostolicæ Sedis auctoritatem nequaquam imminutum, ac læsum iri arbitratus, si causam ab ipso jam cognitam, ipso quidem volente, atque mandante, Synodus absolveret.

Inter hæc subintrarunt in causam Civitas Utinensis, ubi jam
tunc

tunc sedem fixerat Patriarcha Aquilejensis, totaque, quæ ejus dicto diffunditur, Provincia Fori-Julii. Præsulis ab æmulis inique traducti pietatem, religionem, innocentiam omnibus exploratam, Serenissimæ Reipublicæ Venetæ, per Legatos, & literas commendarunt; ut rem totam Tridentinæ Synodi judicio finire provideret. Quin etiam Leonardi concionatoris, cujus occasione infaustus ille in Patriarcham turbo detonuerat, famam, eruditionem, cæterasque animi dotes non mediocriter extulere: quod facilius intelligeret Senatus Augustus, non nisi malevolorum invidia-conflatam esse, quæ dudum vulgabatur, violatæ fidei criminationem. Revocamus, inqueiebant, in memoriam humillimè Serenitati Vestræ, quodd in Ecclesiâ Urinensi, jam tredecim anni sunt, ex quo dum concionaretur Magister Leonardus Urinensis Ordinis Sancti Domini, qui ab omnibus existimabatur, & habebatur doctissimus, & catholicissimus Prædicator, atque in suo Ordine in variis bonorum, ac dignitatum gradibus vitam transegerat, aptè ad propositum suum in concionibus suis, quædam dixit de præscientiâ, & prædestinatione, quæ postmodum a Vicario, qui tunc curam Ecclesiæ gerebat, ad Reverendissimum Patriarcham scripta sunt: qui juxta morem veterum Patrum, ac Pastorum, eidem Vicario, & Ecclesiæ rescripsit ea de re Homiliam; arbitratus fore, ut amplius satisfaceret, & ut quiescerentur animi, tum Vicarii, tum omnium, qui a Concionatore dicta audierant. Homilia hæc promulgata est, atque in tabularium publicum Serenitatis Vestræ in Civitate Urinensi relata, & passim vulgata. Ex hoc Reverendissimi Domini Patriarchæ officio, per totum hoc tempus intermedium, inter nos hac usque nullum auditum est murmur, nulla perturbatio exorta, nisi hæc quam modò audimus, & experimur gravissimam, ac magni momenti. Quia verò his diebus elapsis ortus est rumor, quem novis Serenitas Vestra, occasione præfatæ Homiliæ, qui ipsi Reverendissimo Patriarchæ est famæ decremento, imò totalis auctoritatis excidio, ac maximæ molestiæ, & dolori infinito, nobis verò, nostrisque conscientiis scandalo, confusione, & damno, digno sanè cui remedium adhibeatur: visum est toti isti fidelissimæ patriæ, inobedientia, & ingratitude magnæ fore indicium, si in tam longa oppressione amantiissimi sui Prælati, & Pastoris (ut enim re ipsa nos innocentissimum ipsum arbitramur, ita, & omnes ipsum habent, asstant, & prædicant) non exhiberemus Serenitati Vestræ solidum indicium nostræ bonæ voluntatis, & officii nostri, erga Serenitatem vestram, & totum mundum; tum ob afflictionem, quam sentimus, ex illa, quam patitur Dominus Patriarcha, tum etiam, quod majoris est momenti, ob jacturam, quam certò incurremus, in prosecutione, ac continuatione scandalis imminenti, in his miseris, atque infelicibus

se:u.

seculis, in quibus omnia tumultu, ac confusione replentur. Hoc nos movit, ut vobis &c.

Excepta Foro-Julienſium Legatione, Aquilejenſis Patriarchæ cauſam Synodi judicio committi denuò ſupplicarunt Veneti Patres. Pronus quidem erat ad aſſenſum Pontificis animus; at repugnante, ut terebatur, Inquiſitorum conſilio, diu hæſit; donec ſedatis animis, inſtantiſ Reipublicæ votis omninò reſpondit. Cauſæ inſtrumenta Cardinalibus Morono, & Navagerio, quos novos Tridentum Legatos mittebat, tradi juſſit: quibus, uti, & Reipublicæ Oratori ſignificavit, aſſentiri ſe perlubenter, atque etiam omninò velle, ut cauſam totam, & integram Synodus cognosceret. Quapropter ex Pontificis nutu Tridentum contendit Joannes Grimani mente Junio 1563. Magno viginti circiter Prælatorum comitatu cinctus Legatos adjit, quæ res nonnullis ſtomacho fuit. Judicium feſtinari rogarunt Reipublicæ Oratores; at nonnulla mora præter expectationem injecta eſt. Quamquam enim Pontificis aſſenſum, Navagerii, ac Moroni Cardinalium fide noſſent Tridentini Patres; operi tamen manum admoveſe detrectarunt, donec miſſo Romæ curſore, Pontificis voluntatem proprio Reſcripto, atque etiam forma Brevis, teſtatam haberent. Reſcripſit non ſine ſenſu Pius IV. die 1. Julii privata Epistoſa, tum ſubinde die 3. forma Brevis, nihil ultra Navagerii, & Moroni fidem, pro internoscenda Sanctitatis ſuæ voluntate deſiderari debuiſſe: aſſentiri ſe perlubenter, ac etiam omninò velle, ut cauſa Patriarchæ Aquilejenſis Synodi judicio finiretur: optionem demùm Venetiſ Oratoribus dari oportere, num cauſam Patrum omnium ſuffragiis committi vellent, an delegandorum ab univerſo cœtu Deputatorum votis: quamquàm ipſe hoc ultimum probaret magis, modò peritiores omnium Nationum Theologi, (Venetiſ, aliifve, quicauſam Romæ judicaſſent duntaxat exceptis) aſſumerentur.

Hæc ultima, conſpirantibus univerſis, judicii forma ſervata eſt. Adlecti die 20. Julii ab univerſa Synodo, Eccleſiaſtici in primis omnium Nationum Oratores, Archiepiſcopi, Epifcopi, altioris famæ Theologi, Itali, Hiſpani, Galli, Germani, Belgæ, omnes numero viginti quinque, quibus, inſtante Grimano ipſo, ac Venetiſ Oratoribus, duo Cardinales adjecti ſunt. Horum hæc nomina erant, uno quod intercidit, duntaxat excepto. Cardinales Lotharingus, & Madrutius: Oratores, Pragenſis, Quinqu' Eccleſienſis, Præmilienſis, & Auguſtenſis: Archiepiſcopi, Granatenſis, Bracarenſis, & Rheginus: Epifcopi, Ebroicenſis, Sagienſis, Conimbricenſis, Segovienſis, Mutinenſis, Lerienſis, Atrebatenſis, Campanienſis, Theanenſis, Iprenſis, Namurcenſis, Legionenſis, Dertufenſis: Abbates, Clarævallenſis, Auguſtinus Hiſpanus, Euthicius Flan-

drus,

drus : Generalis Augustinianus. Totius œcumenicæ Synodi nomine, Grimani Epistolam hæreseos insinulatam, ejusdemque scripta apologetica, quibus objectas erroris accusationes ante diluerat, per dies viginti quatuor privatim examinarunt, ac cum aliis etiam, ultra deputatos, Theologis contulere. Post privata cujusque studia, publicæ omnium collationi indicta dies est, decima tertia Augusti; ubi collatis, per horas sex, suffragiis universis, concordi, unanimique consilio, ne uno quidem ex deputatis dissentiente, in hanc sententiam itum fuit, quam sacre Synodi Legati Sancto Carolo Borromæo, sequenti Epistola significarunt.

ILLUSTRISSE, AC REVERENDISSE DOMINE OBSERVANDISSE.

Episcopo Dertufenſi, uno ex Deputatis in negotio Patriarchæ Aquilejenſis, Mediolanum hinc diſceſſuro, ut inſiſat Ducem de Seſſa, Oratores Veneti curarunt, ut ante ipſius diſceſſum Deputati ſupradicti referrent, ac dicerent ſententias ſuas. Quare, ut diſſis Oratoribus gratum faceremus, coacti ſumus intermittere Congregationem generalem poſtmeridianam, & huic privata incumbere, quæ protracſta eſt ab hora decima octava ad vigeſimam quartam. Huic adſuere omnes Deputati, quorum nomina jam Illuſtriſſima, & Reverendiſſimæ Dominationis Veſtræ ſcripta ſunt, cum adjuncta Illuſtriſſimorum Lotbaringi, & Madrutii; excepto Oratore Polono, qui abſens ob infirmam valetudinem intereſſe non potuit. Dixerunt omnes, & ſinguli per ordinem, juxta loca ſua, ſententias. Unanimi voto conſuerunt omnes, in illa Epistoſa Patriarchæ non eſſe verbum ullum hæreticum, & quod in Sancto Auguſtino, in Sancto Proſpero, in Sancto Bernardo, in Sancto Thoma, & in aliis Sanctis Doctõribus non inveniatur. Quare judicarunt omnes abſolvendum a calumnia ipſi impoſita: aſſerentes illum nedum proprium, verum etiam ſuæ Nationis Theologorum, quibuſcum totum negotium prius diligentiffimè contulerant, ſenſum eſſe. Granatenſis duntaxat, & Segovienſis, tantisper cum aliquo moderamine, viſi ſunt opinari, dicentes, ſe hætenus modo ſuo non plene diſcuſſiſſe negotium, ſed ſecundum, quod eo uſque perſpexerant, judicabant Patriarcham abſolvendum; reſervantes ſibi liberam facultatem, aliàs dicendi ſecurius ſententias ſuas, & volentes prius videre vota huc Roma tranſmiſſa, quæ ad hunc finem ipſis fuere exhibitæ. Aliqui etiam dixerẽ Autorem bujus Epistoſe in ſcholasticis minus exercitatum ſeſe exhibuiſſe; ſed in Apologiarem totam ita luculenter elucidafſe, ut nullus ſupereſſet ſcrupulus. Ubi omnes dixerẽ ſententiam, rogarimus, ut dignaretur eorum quilibet votum ſuum ſcripto compendioſè tradere, ut his attentius diſcuſſis, ferre ſententiam, & judicium poſſemus: omnes libenter ſe

id præstituros polliciti sunt. Nunc vestra Illustrissima Dominatio videt, quo causa Patriarchæ sit in statu; poteritque Sanctissimo Domino nostro referre: cumque præsens ad aliud non sit, osculamur manus, & humillimè nos commendamus. Tridenti 14. Augusti 1563.

Vestra Illustrissima, & Reverendissime Dominationis humillimi Servi.

Cardinalis MORONUS.

LUDOVICUS Cardinalis Simoneta.

STANISLAUS Cardinalis Varmienfis.

Cardinalis NAVAGERIUS.

Hoc idem Pio IV. Pontifici Maximo denunciavit Cardinalis Lotharingus, deputatorum Censorum Proto-præses: utque Patriarcham Aquilejensem, unanimi suffragio purgatum, in gratiam reciperet, ac destinata purpura ornaret, vehementer est adhortatus, data Epistola 16. Augusti.

Demùm die 18. Septembris, pronunciati iudicii instrumentum in publicas tabulas relatum est, in hæc verba: *Domini nostri Jesu Christi nomine invocato, solum Deum præ oculis habentes, & de aliorum in Theologia peritorum consilio, & assensu, judicamus, attestamus, & pronunciamus, prædictas Literas prædicti Reverendissimi Domini Joannis Grimani, Patriarchæ Aquilejensis, cum Apologia junctas, non esse hæreticas, seu de hæresi suspectas, neque sic declaratas, esse scandalosas: non tamen divulgandas, propter nonnulla difficultia minus exactè in eis tractata, & explicata. Ita dicimus, declaramus, pronunciamus, sententiamus omni meliori modo.*

Ex ea totius facti narratione, ex Ughellio in Italia sacra, Andrea Mauroceno in Historia Veneta, Tyberio Deciano in Responso 9., Pallavicino in Historia Concilii Tridentini, summatim excerpta, Launojum putidissimorum mendaciorum reum habemus. Falsum quippe, Cives Utinenses Joannem Grimanum tamquam hæreticum traduxisse, & ad Tridentinam Synodum provocasse: cum contra, adversus æmulos Criminatores, eruditissimo piissimoque Præsuli, omni pietatis, & humanitatis officio jungerentur. Falsum, Provinciam Fori-Julii, ex Grimani scriptis offensionem aliquam passam esse; cum potius illum doctrinæ integrum, errorisque purum haberet. Falsum tandem, Judices a Tridentina Synodo delegatos, doctrinam Grimani scripto contentam, minimè prædicandam censuisse, qui doctrinam ipsam, ab omni erroris suspitione liberam, communi calculo pronunciarunt; solamque scriptio-

Præf. P. Serry Tom. II.

E e e

nem,

nem, *propter nonnulla difficilia minus exactè tractata, & explicata*, minimè vulgandam existimarunt. Aliud quippe est doctrinæ summa, aliud scribendi formula; aliud rei caput, aliud accessio:

Imò ex hac una rerum Tridenti gestarum narratione, tota quanta quanta est, calumniæ revincitur Launojana Traditio; atque eo potissimum capite, quo Augustini doctrinam Prædestinationum erroribus planè geminam, Vvitkleffi blasphemii indivulsam, Lutheri, & Calvini hæresibus propitiam, atque finitimam dicere non erubuit. Ex quo enim Joannem Grimanum, in materia prædestinationis, & gratiæ, hæreseos insinulatum, eo maxime nomine absolvendum censuere Sacrosanctæ Synodi Patres, quod ne verbum, quidem unum protulisset, quod in Augustino, ejusque discipulis, Prospero, Bernardo, Thoma Aquinate, cæterisque non haberetur; (sic enim Legati per epistolas Sanctum Carolum monuere) eodem judicio significarunt, Augustini hoc de argumento doctrinam, ab omni hæreseos suspitione liberam esse; eandemque instar lydii lapidis in Ecclesia servari, cujus attactu, sententias omni labe puras probare soleat,



C A P U T XVIII.

Augustini doctrina non modò nihil, ex Baji, Janfeniique damnatione, detrimenti cepit, verùm etiam multò majorem in Ecclesia auctoritatem obtinuit.



Sicubi unquam, hac maximè pseudo-Traditionis parte, Scriptoris ingenium demirari licet; qui cum tam multas a viris eruditis Commentationes editas norit, quibus Augustinus a damnatis in Bajo, & Janfenio propositionibus alienissimus demonstratur, eos tamen errores eidem audacissime tribuit, nulla data probatione, nulloque producto momento: (*Pag. 123. & seq.*) quasi ea in Republica Literaria valeret autoritate, ut verbo temere, inaniterque jactato, fidem integram faceret. Undè tibi, Launoj, tantum autoritatis, & gratiæ? Nobis longe aliter persuasum: ac donec producta a viris eruditis momenta retuderis, oppositaque, si potis es, in medium attuleris, quibus calumnias illas tuas allimulatæ saltem veritatis specie cohonestes; nobis haud ita vilis est jactura temporis, ut in eadem retexenda tela perituram operam impendamus.

His ergo missis sanctissimi Doctoris testimoniis, quibus hæreticum famosarum propositionum sensum, ab Augustiniano toto cœlo distare, tam multi hætenus demonstrarunt; quod erit hujus instituti maximè proprium, huic insistam uni; brevique rerum subindè gestarum narratione, planum faciam, Augustini doctrinam non modò nihil, ex Baji, Janfeniique damnatione, detrimenti cepisse, verùm etiam multò majorem exindè in Ecclesia catholica auctoritatem obtinuisse.

Gregorius XIII. a quo primùm Pii V. in Bajanæ assertiones Diploma Pontificium, ex sacris Vaticani tabulis erutum, publici juris factum est, de Augustini fama piè sollicitus, obscuram Sancti Doctoris obrectatorem æterno silentio damnavit. Testes mihi Theologi Lovanienses *parte 2. Defensionis*, non longè a fine: *Restè*, inquirunt, prudenterque nuper a Gregorio XIII. factum; quòd uti a viro quodam fide digno accepimus, Cælestinum imitatus, Scriptori eisdem, cujus nomini parcendum putamus, inverecundius adversus Augustinum agentis, pluraque hujus generis pollicenti, silentium indixerit, atque a scribendo in posterum abstinere jussit.

Ecc ij Cle

Clemens VIII. ortas ætate sua de divinis auxiliis controversias sedaturus, institutis ad examen congressibus primariam legem edixit, ut cuncta ad Sancti Augustini mentem exigerentur: qui honor nemini Patrum contigisse legitur. *Quamvis*, inquit ille in Prohæloquio Congregationum, *nemini nisi Deo rationem reddere debeamus mearum actionum*; dictam tamen in præsentiarum rationes, propter quas adstringere statui totam banc disputationem ad normam doctrinæ Sancti Augustini de gratiâ. Prima est, quod si, teste Beato Prospero, serè initio Libri contra Collatorem, viginti annorum spatio, Ecclesiæ Catholica acies ita dimicavit pro gratiâ, contra Pelagianos, ut tandem Augustino duce vicerit; oportet etiam, ut in causâ consimili eundem ducem agnoscamus, & sequamur. Secunda est, quod idem Sanctus nihil videtur præteruisse eorum, quæ ad præsentes controversias pertinent. Quandoquidem si agitur de necessitate gratiæ, eam describit dicens, esse necesse, ut nos præveniat, comitetur, & sequatur. Si de vi, asserit vires efficacissimas præbere voluntati. Si de effectu, testatur facere ex nolente volentem. Si de modo, asserit Deum id facere omnipotentissima facilitate. Denique sic dissolvit objectiones, ut doceat liberum arbitrium, non tantum bene cum illa gratiâ, quam defendit, coherere; sed etiam fieri liberius, quando ab illa fuerit liberatum. Tertia tandem ratio est, quod cum multi Pontifices, & prædecessores nostri doctrinæ Sancti Augustini tam acres fuerint assertores, ac iudices, ut quasi hæreditario jure eam in Ecclesiâ relinqui voluerint; æquum non est, ut patiar illam ea hæreditate privari. An ita porro dirimendæ de divinis Auxiliis controversiæ normam dedisset Ecclesiæ Pontifex illum ipsum, quem ante annos triginta in Bajo damnatum existimasset, Prædestinatianis, Lutheranis, Calvinianis erroribus tinctum; imò quem, vel levi violati arbitrii suspitione laborantem credidisset? Id si dicat Launojus, sanandus hel-leboro potius, quàm rationibus refellendus est.

Innocentius X., a quo primùm quinque Jansenii propositiones inusta sunt, haud semel pendente causâ professus est, Augustini doctrinam de gratiâ se ipsa efficaci in vado esse, atque in nullum damnationis discrimen adduci, sed sartam, testamque manere. Idemque lato demum iudicio, quorundam Gallorum Episcoporum delegatis Theologis significavit, dum se illis in alloquium dedit. Quod ut est Urbi, & Orbi notissimum, Launojus haud arbitror latuisse. Vulgata enim jam dudum est Domini de Valencey pro Rege Christianissimum X. Oratoris Epistola, ad Comitem de Brienne sanctioris Consilii Commentariensem, data Romæ die 6. Junii 1653. locupletissimam Oraculi Pontificii fidem faciens; cujus fragmentum ex Gallico idiomate Latinis verbis

reddo:

reddo : Die Jovis ultima, summo Pontifici dixi, Doctores, qui vulgo Sancti Augustini defensores dicuntur, pergratum habituros, si proxime discessuri ad pedum oscula admitterentur, & Apostolicâ benedictione donarentur. Respondit Sanctitas sua, se illos die sequenti, quibuscumque tandem negotiis distringeretur, ad audientiam accepturos. Nec verò promisso defuit. Honorificentissimis verbis Doctores istos prosecuta est : dixitque se intactam penitus reliquisse Divi Augustini, ac Divi Thomæ doctrinam, de gratiâ se ipsa efficaci; illudque dogma, ac totam ea de re controversiam, eodem loco stare velle, quo fuerant a Clemente VIII., & Paulo V. constituta. Verum quinque Propositiones damnari, ut erroneas, ac temerarias oportuisse; cum, vel ipsis etiam fatentibus, triplicem sensum paterentur, Calvinianum unum, Pelagianum alterum, tertium demum Catholicum; sensumque idcirco aliquem hæreticum, præ se ferrent. Nulla siquidem propositio, cui venenum subesse potest, fidelibus tradi debet : uti nec in pascua ducuntur oves, quibus salubres promiscue, ac veneno infectæ herbæ liberè crescunt, ne forte toxico pereant, quæ bonum a malo discernere plerumque nesciunt &c. Quamquàm quid juvat Pontificiæ voluntatis testes proferre, quam ipsemet Orbi catholico, solemnî Decreto testatam reliquit, die 23. Aprilis anno 1654. quò verbis conceptissimis proficitur, *super questione de divinis Auxiliis, observanda esse Decreta Pauli V. & Urbani VIII. suorum Prædecessorum* : eodemque idcirco loco esse, quo, solutis celeberrimis Congressibus, ea de re habitis, ab Apostolica Sede relicta sunt.

Alexandor VII. cujus est altera, in quinque famosas propositiones, Apostolica Constitutio, Augustini doctrinam, non modò districtis censuris securam dixit, verum etiam inconcussam, tutissimamque pronunciavit; & catholicos Professores, ut eidem hærent firmiter, vehementer est adhortatus; ejus ope adversus quascumque hæreses feliciter certaturos. Cum enim Janenianâ hæresi ab æmulis infirmulati Theologi Lovanienses, fidem suam Apostolicæ Sedi solemniter testaturi, datis Epistolis significassent, se in materiâ prædestinationis, & gratiæ, Divi Augustini, ac Divi Thomæ doctrinam profiteri, hoc ab laudato Pontifice Responsum accepere die 7. Augusti 1660. *Non dubitamus, quin vos pro singulari scientiâ, pietatisque studio, sanam, & incorruptam, qualem tot Apostolicæ Sedis declarationes, & sanctorum Patrum traditiones requirunt, doctrinam semper amplexuri, & adversus orthodoxæ Religionis hostes defensuri sitis, necnon præclarissimorum Ecclesiæ Catholicæ Doctorum, Augustini, & Thomæ Aquinatis inconcussa tutissimaque dogmata sequi semper, ut asseritis, & impensè revereri velitis : Quorum profectò sanctissimorum virorum, penes*
Catho-

Catholicos universos, ingentia, & omnem laudem supergressa nomina, novi praconii commendatione non egent. Quo nullum illustrius prisca Pontifices sancto Doctori elogium cecinere: ut prorsus auctam, Janſenianarum rixarum occasione, Augustinianæ doctrinæ famam, existimationemque videamus.

Alexandro VII. succinit Clemens X. Brevi Apostolico die 18. Decembris 1671. quo universis Christi fidelibus, festa Sancti Augustini die, templa Augustinienſis Ordinis adeuntibus, ibique pie supplicantibus, plenam indulgentiam impertit. Deceſſoris verba æmulatus, aliaque de ſuo adjiciens hanc Doctori ſanctiſſimo lauream circumponit: *Eximia, omniſque humanæ laudis præconium longe ſupergreſſa Sancti Augustini Episcopi, & Confeſſoris, Eccleſiæ Doctōis præcellentiſſimi, qui ſpiritu Dei plenus, hæreſum, errorumque tenebras, tanquàm fulgentiſſimum Chriſtianæ eruditionis jubar, profundiffimis, ſimulque Sole clarioribus ſcriptis proſtigavit; & hominum corda eo, quo ipſe ardenſiſſime flagrabat, charitatis igne ſuccendit, decora grato, devotoque mentis affectu recolentes, &c.*

Succedit Innocentius XII. Reſcripto ad Academiam Lovaniensem dato, die 6. Februarii 1694. Ubi veterum Pontificum de Augustino elogia recolens eundem ſanctis doctrinæ Magiſtrum proponit, quo duce certum illis, de orthodoxæ fidei hoſtibus, triumphum ſpondet: *Apoſtolica vos primum. autoritate monemus, ut ſublatis contentionibus, ſapientiæ, quæ deſuſum, atque pacifica eſt, vacetis; proſiſcentes, ſicut aſſeritis, doctrinam præclariſſimorum Doctōrum Augustini, & Thomæ: quorum ille tantæ ſcientiæ fuit, ut inter Magiſtros optimos, etiam a noſtris Prædeceſſoribus haberetur, & cujus doctrinam, ſecundum eorundem Prædeceſſorum ſtatuta, Romana ſequitur, & ſervat Eccleſia: alter verd mira eruditione eandem Dei Eccleſiam clarificat, & ſancta operatione ſæcundat. Hos dum Univerſitas veſtra doctrinæ duces ſecuta fuerit, ſecurè pugnabit contra hoſtes orthodoxæ fidei, in Eccleſiæ gloriam, & ædificationem; excitabitque in dies hanc Apoſtolicam Sedem, ut cumulatiſſe ei præſtet paternæ charitatis officia.*

Cui ergo integram fidem dabimus, ut Romanorum Pontificum Janſenianam hæreſim proſcribentium mentem perſpectam habeamus? Launojo, Augustinum in Janſenio damnatum pro arbitrio effluentem: an ipſis ſummis Eccleſiæ Hierarchis, Augustini de gratia doctrinam; quo ex tempore ſententia in Janſenium lata eſt, commendantibus; certamque emergentium hoc de argumento controverſiarum regulam præſigentibus?

Secundum hæc Romanorum Pontificum oracula, Eminentiffimorum Cardinalium Senatus de tuenda fide, Augustini doctrinam ab omni

omni Bajanz, & Janfenianæ hæreseos suspicione liberam dixit; quique secus obliquè saltem statuerent, repetitis edictis coercuit, & ad palinodiam adiecit. Hinc anno 1691. Religiosi cujuspiam instituti Decretum in generalibus Comitibus die 28. Junii, a Definitoribus conditum rescidit, & a domesticis Ordinis tabulis expungi jussit, quo statuerant boni Patres, ut, *ad evitandas quasdam doctrinas, quæ quandam affinitatem cum propositionibus jam olim, contra Bajum, Janjenum, aut similes, per summos Ecclesiæ Pastores damnatis, habere videntur*; gratia congrua, & prædestinatio meritis nixa, a suis Belgii Professoribus docerentur. Iniquum scilicet reputavit sacer Confessus, ut gratia se ipsa efficax, gratuitaque prædestinatio damnatis erroribus tantillum affines dicerentur. Hinc, & anno proximè secuto, cum quidam Adrianus Van-vvick, vulgatè per Hollandiam Epistolà, gemina illa Augustinianæ doctrinæ capita, Calvinianæ, ac Janfenianæ hæreseos nota inuisset; re ad idem Eminentissimorum fidei Quæstorum tribunal delata, dedit sacer Ordo Theologos viros, qui de vulgata Epistola sententiam dicerent. Sic illi dato suffragio censuerunt: *Nos infra scripti assensu consideravimus translationem latinam Epistolæ Adriani Van-vvick Presbyteri, Belgicæ sermone impressa die 27. Augusti 1692., & unanimi voto judicavimus, illam esse manifestè transgressivam Decretorum Sedis Apostolicæ, gravissimè censurando sententiam communem Sanctorum Patrum, & Theologorum de gratuita prædestinatione, & gratiâ per se efficaci: atque ex isto capite, nec non ex audaci, & injurioso modo procedendi, turbando unionem, & pacem inter Missionarios Catholicos, existentes in partibus hæreticorum, censemus esse valdè seditiosam, & scandalosam, atque aded prohibendam.* Delegatorum Censorum suffragium probarunt supremi fidei Quæstiones: imperata Adriano palinodia; quam, cum ille refugeret, porrectoque Libello supplici, varia causaretur, meruit fulmen secundum: iterato mandato, per Apostolicum Belgii Internuncium denunciato, jussu illi, ut colla submitteret, porrectusque Libellus, die 19. Maji, publico Decreto inustus est.

Hæc Romæ gesta, in Orbis videlicet theatro, in humani generis conventu. Haud minori pietatis, ac religionis studio inflammata Hispaniarum Inquisitio Vallisoletana, Augustini nomen variis injuriis, & calumniis appetitum vindicavit: iniquos obrectatores, quorum audaciam æmulatus est, ac etiam superavit infusus Traditionis investigator, edicto repressit: subjectas propositiones, quas imprudens Calvini, & Baji confutandi zelus Theologis nonnullis exciverat, confixit die 28. Martii 1650. uti *respectivè falsas, improbabilis, absurdas, malè sonantes, piarum aurium offensivas, temerarias, erroneas, sapientes hæresim, & graviter injuriosas*

fas sanctitati, pietati, & doctrinae gloriosissimi Patris Sancti Augustini, unius ex Ecclesiae columnis. His porro verbis efferebantur.

1. Augustini quaedam dogmata, ab Apostolica Sede in terminis damnata sunt.

2. Misera foret Ecclesia, si Augustini placitis obstricta maneret.

3. Ecclesia a tutela, & paedagogia Augustini vindicanda est.

4. Augustini auctoritas non plus valet, quam rationes, quas allegat, evincant.

5. Augustinus Doctor fuit, perinde, ac alius quisque, etiam modernorum.

6. Augustini doctores, seu naturales, seu infusae, non fuere altioris ordinis, quam aliorum Doctorum, etiam scholasticorum.

7. Si post Augustinum nihil christianae eruditioni accesserit, scholastica Theologia penitus rejicienda foret.

8. Augustini auctoritatem interponentibus respondendum est, Ecclesiam in suis filiis usque hodie crescere, etiam eruditione.

9. Augustinus Juliani Pelagiani argumentis non satisfecit.

10. Si triumphus Ecclesiae de Pelagianis niteretur posterioribus Augustini scriptis, immerito de iis illa triumphasset.

11. Volens sustinere partes Juliani, non potest rationibus convinci.

12. Augustini Theologia, de originalis peccati traduce, rusticana est.

13. Ex Augustini opinione de peccato originis, cogimur incidere in sententiam Pelagii.

14. Augustinus sacrarum Literarum auctoritatem sua expositione enervat, & ludibrio infidelium exponit.

15. Augustinus, quasi sub caligine constitutus, ad veritatem a recentioribus inventam non attendit.

16. Augustini sententia fidelium non paucos turbavit, ejusque auctoritate percussi in Pelagianismum declinarunt.

17. Augustini sententiam a multis duram nimis, indignamque divina bonitate, ac clementia judicari, non mirum.

18. Ab Augustino, aliisque idem sentientibus peri potest, undenam suae sententiae certitudinem hauerint?

19. Augustini vestigiis non est insistendum, sed aliter philosophandum.

20. Augustini locutiones, quamvis aliquo sensu verae, impropriae tamen sunt, nec passim frequentandae.

21. Utrum Augustinus, contra quod sentimus, sentiat, non admodum refert.

22. Non rectè dicitur, illud saltem necessarium ab omnibus esse tenendum, quod Augustinus asseruit, nec retractavit.

Te

Te ne verò indictam prætermittam, Ecclesia Gallicana, cui Augustinianæ doctrinæ tuendæ cura jam tùm a primis sæculis, ab Apostolica Sede imposita est? Hæc ut Jansenii damnationem apud Innocentium X., & Alexandrum VII. profecuta est, illorumque Constitutiones prono, ac reverenti excepit animo; ita Augustini doctrinam a Janseniana planè diversam declaravit sæpè numero; ne eo, quæ a nonnullis jactabatur inter utramque consonantiæ, obtentu, fideles a præstanda in integrum obedientia, absterrentur.

Primum publicæ hujus professionis instrumentum extat in Actis Comitiorum generalium anni 1655. pag. 703. ubi cùm de publicanda Innocentii X. Constitutione ageretur, hæc publicis tabulis inscriptis, quæ suam in Augustinum venerationem, cultumque testata est. *E re præsentis visum est, istud maximi momenti caput dilucidius aperire, ad fidelium solatium, qui summa, ut par est, in Augustini doctrinam religione ducuntur; verenturque, ne quid ex Apostolica Constitutione nocumenti passa sit. Verum spes nobis est, fore, ut subtimidi illi, qui ea de re non tam studio, & ingenio, quàm auribus judicant, Cleri Gallicani judicio potius cessuri sint, quàm privatorum quorundam sermonibus; quorum perspicacia cum totius Ecclesiæ Gallicanæ eruditione conferenda non est, multò minùs cum totius Ecclesiæ catholicæ doctrina, quæ in hanc publicam professionem conjunctis nobiscum animis, studiisque conspirat, Jansenii nempe doctrinam ab Augustiniana longè distare.*

Alterum videre est, in celebri illa fidei formula, quam ab omnibus Ecclesiastici Ordinis viris, ac etiam Monialibus, & Ludimagistris, in suspensionem adductis, subscribendam edixit. Quamquàm enim sæpiùs ad incudem revocata fuerit, annis 1655., 1656., & 1657., donec ultimam formam acciperet; hanc tamen clausulam initio positam constantissimè tenuit, quæ nimirum fideles profiteri tenentur; *Quinque famosas propositiones a Summis Pontificibus, & Episcopis damnatas, ex Augustini sententia non esse, quam Jansenius perperam, & contra germanum sanctissimi Doctoris sensum exposuit.*

Tertium legitur in Actis Comitiorum generalium anni 1660. pag. 533. memoratæ clausulæ occasione, cujus hæc ad Augustini gloriam ratio redditur: *Adnexa formula clausula, quæ Divi Augustini mentio fit, post decreta fidei, instar documenti pastoralis adjecta est, ex universalis Ecclesiæ sententia, quæ Jansenii doctrinam hæresis notat, simulque Augustini doctrinam approbat.*

Extremum tandem iteratæ professionis instrumentum habet
Præf. P. Serry Tom. II. F f f tur

tur in Censura, seu Declaratione Convëntus generalis Cleri Gallicani in Palatio San-Germano celebrati anno 1700., qua, pari omnino studio, in eos virgam exercet, qui aut Pontificias in Jansenium Constitutiones minüs reverenter exciperent, aut ab Augustini doctrina, quasi minüs tuta desceßerent: *Nec interim* (Præfationis verba sunt) *oblivisci par est doctrinæ adversus Semipelagianos a Sancto Augustino tradita, quam & Ecclesia Romana suam fecit, & Ecclesiæ Gallicana jam inde ab initio commendavit.*

Tam disertæ, tamque multiplici Romanorum Pontificum, supremorum fidei Quæstorum, Gallorumque Præsulum testificatione, totâ Launojus formulâ cadit. Nec modo, qua parte Augustinum in Bajo, Jansenioque damnatum effutit, attonsus est, verum etiam totâ, qua latè patet, malè nata scriptione; qua eundem violatè veterum Traditionis, inducitur novitatis, & erroris insinuat: nisi eò fortè desipiat, ut Ecclesiam quæ susceptæ ex eo novitatis, exhibitique erroris inculet; quæ doctrinam ejus, laudatorum Pontificum, Præsulumque judicio, tanquam hæreditariam dotem accepit, fecitque suam.

Verum, quid ista congerimus, Launojumque ad Conciliorum, Pontificum, Episcoporum, Doctorumque judicia, prolixa hac nostra scriptione provocamus? Suo ipse judicio cadit, qui suum tandem in caput omnium disertissimè pronunciat; totamque calumniis, mendaciisque infartam scriptiunculam, unica sub finem periodo subvertit: Deo ita providente, ut quod de Pelagio sua ipsius professione damnato, cecinit Divus Prosper, de Pelagii quoque adstipulatore caneremus.

Ore malam extinguens sobolem, quam protulit ore.

Pagina siquidem 126., qua ultimam commentitiæ Traditioni manum imponit, ita Jansenii periclitationem narrat: *Tametsi contenderet Jansenius, doctrinam Augustinianam contrariam, a quinque duntaxat sæculis in Ecclesiam inductam esse; nihilque eam quingentorum annorum possessionem obesse debere, ne inducta adversus Augustinum novitas proscribatur: quamquam etiam affirmaret, Augustini doctrinam, & antiquam, & catholicam esse; usque duntaxat novam videri, quibus ignota antiquitas est: EAQUE OMNIA JANSENIUS LUCULENTISSIMIS ARGUMENTIS EVINCERET; ne audius quidem est, uti nec alii, qui hoc idem ante tentarunt. Benè profectò, Launoj, benè prorsus. At interim dic,*
a ma-

amabò , qua fronte Augustinum toto passim Libello novitatis infimulas , erroris arcellis , violatæ priorum sæculorum Traditionis accusas : siquidem , ipso te iudice , doctrinæ ejus antiquitatem , orthodoxiam , summam cum veteribus consensionem , luculentissimis argumentis Jansenius evicit ; oppositamque sententiam , a quinque duntaxat sæculis inductam , apertissimè demonstravit ? De te igitur actum ; ore tuo decreta sententia . Malè natam scriptiunculam longa dele litura :

Frangè leves calamos, & scinde Thalia Libellum.



C A P U T XIX.

Launoji, de violata ab Augustino priorum seculorum Traditione, criminatio, ex dictis eliditur; eademque ab omni veri specie remotissima demonstratur.



Onfutata Launoji historica narratione, de adversa, ut contendebat, Augustinianæ doctrinæ fortuna, quam, ex quo tempore vulgata ab ipso est, ad nostra ulque tempora passa fuerit; reliquum est, ut quam ad ravim usque ingerit, de violata ab Sancto Doctore superiorum seculorum Traditione, criminationem repellamus. In qua quidem obeunda provincia, media subeundi oneris parte levati sumus: ea, quippe statuimus, ac probavimus hactenus, quæ insulsam criminationem elevent, ac falsi revincant.

Et quidem, hoc idem a Massiliensibus quondam objectum, ex Prospero discimus, data ad Augustinum *Epistola*: *Multi ergo servorum Christi, qui in Massiliensi Urbe consistunt, in Sanctitatis tuæ scriptis, quæ adversus Pelagianos hæreticos condidisti, contrarium putant Patrum opinioni, & Ecclesiastico sensui, quidquid in eis de vocatione electorum, secundum Dei propositum, disputasti. Et paulò infra: Et cum contra eos scripta Beatitudinis tuæ validissimis, & innumeris testimoniis divinarum Scripturarum instructa proferimus, ac secundum formam disputationum tuarum, aliquid etiam ipsi, quo concludantur, adstruimus; obstinationem suam verustate defendunt: & ea, quæ de Epistola Pauli Romanis scribentis, ad manifestationem divinæ gratiæ prævenientis electorum merita proferuntur, a nullo unquam Ecclesiasticorum ita esse intellecta, ut nunc sentiuntur, affirmant. Ac tandem multis interjectis: Illud etiam qualiter diluatur, quæsumus, patienter inspicientiam nostram ferendo, demonstres, quod retractatis priorum hac de re opinionibus, pend omnium par invenitur, & una sententia, qua propositum, & prædestinationem Dei secundum præscientiam receperunt.*

Hac illos Augustinum objectione pulsasse, nil mirum; cum ætate temporum degerent, qua communem Ecclesiæ sensum perferre non vacabat: verum ad præsens exculationem obiectio ista non habet, ex quo catholici orbis mentem internoscere licuit. Cum enim, ut ex dictis compertum arbitror, Apollonica Sedes, sacra

sacra Concilia, utriusque Ecclesiæ, cum latinæ, tum græcæ Patres, Augustini doctrinam, ex quo primum vulgata est, ad hanc usque diem exceperint, coluerint; propugnarint; eam certè priorum sæculorum Traditioni consentaneam fateri necesse est, nondum licet excussis veterum monumentis; ne universam cum Augustino errasse Ecclesiam, & a Majorum Traditione exorbitasse concedamus. Si enim contrariam antiquis Patribus Augustini doctrinam putavit Ecclesia, cur eam probavit, fecitque suam? Si contrariam non censuit, imo consentaneam prorsus agnovit; quâ fronte, quave audaciâ, ab Launojo contraria prædicatur?

Ad hæc, Pontifices, Concilia, Patres, quorum hætenus sententias recitavimus, eo maximè titulo geminis illis Augustinianæ doctrinæ capitibus, ab tetrico Cenfore in invidiam traductis calculum adjecere, quodd illa antiquitatis jure potiora, & veterum institutionibus consentanea esse existimarent. Cælestinus I. datâ ad Gallos Epistolâ, *definat*, inquit, *inceffere novitas vetustatem*: (apud Labb. Tom. 3. pag. 470.) nempe Massiliensium placita, in quibus delicias facit Launojus, novitatis insinuat; Augustini verò decreta, quæ moroso Cenfori dividia sunt, antiquitatis titulo cohonestat. Bonifacius II. in Rescripto ad Cæsarium Arelatensem: *Cum hac de re multi Patres, & præ cæteris beata recordationis Augustinus Episcopus, sed & Majores nostri Apostolica sedis Antistites, ita ratione probentur disseruisse latissimâ &c..... Confessionem vestram consentaneam catholicis Patrum regulis approbamus.* (apud Labb. Tom. 5. pag. 831.) Viden ut Augustinum prioris Ecclesiæ Patribus, ac summis Ecclesiæ Hierarchis doctrinæ socium adjungit? Concilium Arausicanum II. Canones suos, ex ejus Libris syllabatim expressos, *definitionem antiquorum Patrum* non semel appellat (apud Labb. Tom. 5. pag. 814.) Africanæ Ecclesiæ Præfules, ob catholicæ fidei professionem, ab impio Rege in exilium acti, Fausti Rejenis Episcopi Libros, quæ Augustinum refellendum sibi sumferat, *præcedentium Patrum consonâ prorsus attestationse confutatos* significant, *Epistola* Synodicâ Scythis Monachis destinatâ. (apud Labb. Tom. 5. pag. 740.) Hanc ipsam Hipponefis Episcopi doctrinam, in Synodo Valentina, adversus novos obtrectatores, a sancto Cypriano Tolonenfi Episcopo vindicantem prodit Historia, *ex antiquissimis Patrum Institutionibus.* (apud Labb. Tom. 5. pag. 819.) Quæ ergo nunc audacia, quæ temeritas est, novitatis notam objicere, & a primis Ecclesiæ Patribus dissonantiam?

Certè si ab antiquis Ecclesiæ Patribus abscessit Augustinus, maximè a Græcis; qui ut mollius de gratiæ efficaciâ, deque gratuitâ prædestinatione locuti videntur, ita sæpius ab Augustini æmulis obji-

objiciuntur. At eam a Majoribus suis dissonantiam ne ipsi quidem Græci deprehenderunt : quippe qui ab Augustini partibus, jam inde ab initio, ac deinceps, steter firmiter, non modò in Pelagianos, verum etiam in Massilienses, quæis Laurojos patrocinium impendit. Non hanc utique deprehenderant Scythæ Monachi, qui Maxentio duce, Fausto, ejusque gregalibus, tota virium contentione resisterunt. Non deprehenderant secundæ Constantinopolitanæ Synodi Patres, qui ea omnia se fulcipere declararunt, quæ Augustinus *de recta fide, & condemnatione hæreticorum exposuit*. (apud Labb. Tom. 6. pag. 42.) Non deprehenderat Photius, qui Romanæ Ecclesiæ licet infensus, nobile tamen Cœlestini Rescriptum, quo Augustinus miris laudibus fertur, exscribit, ac probat; Prosperumque doctrinæ illius, adversus Massiliensium obrectationes, strenuum defensores, (Cod. 54.) *Virum planè divinum* appellat, eidemque triumphatum Semipelagianismum gratulatur. Non deprehenderant, uno verbo dicam, totius Orientis Episcopi, qui unanimi cum Occidentis Præsulibus consensione, Augustini de gratuita prædestinatione sententiam receperunt : de quibus Divus Fulgentius Libro 2. *de Veritate prædestinationis, & gratiæ capite 18.* scribit : *Hæc itaque Catholicorum Patrum Apostolicis institutionibus tradita permanet in Ecclesiis, sine aliqua dubitatione, doctrina, quam Græci, Latiniq; Pontifices, sancti Spiritus infusione firmati, uno, atque indissolubili semper tenuere consensu.* Nemo enim in animum inducat, Græcos homines, Ecclesiæ suæ dignitatis, atque honoris retinentissimos, in Augustini sententiam facillè concessuros, si eam a Majorum suorum placitis exorbitantem judicassent.

At vide criminorum ingenium. Massilienses, qui primi eo inductæ novitatis probro sanctissimum Præsulem onerarunt, ut ad veteres provocarent, ne ipsis quidem veteribus standum opinabantur; illorumque decreta, non secus ac Augustini, fastidiebant. A Prospero siquidem, & Hilario appellati, de proferendâ, quam se qui malleant, veterum opinione, cuncta pari supercilio despiciebant; nihilque a se tandem inventum, quod palato saperet, respondebant. Ita Magistrum per Epistolas monuit doctissimus Aquitanus, qui totam illam scenam oculis bibit : *Ea, quæ de Epistola Apostoli Pauli Romanis scribentis, ad manifestationem divinæ gratiæ prævenientis electorum merita, proferuntur, a nullo unquam Ecclesiasticorum ita esse intellecta, ut nunc sentiuntur, affirmant. Cumque, ut ipsi ea exponant, secundum quorum velint sensa, deposcimus, nihil se proficentur invenisse quod placeat, & de his tacere exigunt, quorum altitudinem nullus attigerit.* Nulla ergo inconditæ accusationis habenda ratio, quam qui primò conflaverant, tam miserè sustinebant.

Sed

Sed, & qui Augustini genium noverint, quàm scilicet aversum ab omni novandi prurigne animum gereret, quantà in priscos Ecclesiæ Patres religionē teneretur, quàm arctè veterum decretis, in sacris Literis exponendis, standum ediceret; satis opinor intelligant, neveri quidem specie obductam esse futilem illam, & inconditam, de violatâ veterum Traditione, criminationem. Pelagianis id vitio dare solitus erat sanctissimus Doctor, quod a Majorum doctrinâ deflesterent: *Lib. 2. Operis imperfecti contra Julianum cap. 37. Si in Concilio, cujus videris desiderare iudicium, faderent Cyprianus, Hilarius, Ambrosius, Gregorius, Basilius, Joannes Constantinopolitanus, ut alios taceam; nunquid doctiores, prudentiores, veraciores iudices querere audeas? Ipsi contra dogmata vestra clamant, ipsi scriptis suis scripta vestra condemnant. Lib. 2. alterius Operis cap. 8. Isane in corde vestro dicere audeas, quod cum vos audiunt, accenduntur homines ad virtutem, cum autem istos audiunt, tantos, ac tales viros, Cyprianum, Hilarium, Gregorium, Ambrosium, cæterosque Sacerdotes Domini, desperatione franguntur, ac renunciant studiis perfectionis? Hæccine monstra cogitationum ascendunt in cor vestrum, & non elidunt faciem vestram?* Et capite 10. *Propter quam catholicam veritatem, sancti, ac beati, & in divinorum eloquiorum pertractatione clarissimi Sacerdotes, Irenæus, Cyprianus, Reticius, Olympius, Hilarius, Ambrosius, Gregorius, Innocentius, Joannes, Basilius, quibus addo Presbyterum, velis nolis, Hieronymum, ut omittam eos, qui nondum dormierunt, adversus vos proferunt, de omnium hominum peccato originali ohnoxia successione, sententiam; unde nemo eruit, nisi quem, sine lege peccati repugnante legi mentis, Virgo concepit. Qui itaque fieri potuit, ut quod aliis vitio vertebat, id volens ipse lubensque admitteret, novis de divinæ gratiæ efficacia, gratuitaque prædestinatione procusis opinationibus, veterum Patrum traditione neglecta, & conculcata? Alterum Pelagianis crimini dabat Hippo-nensis Antistes, nempe, quoddam rectam Scripturarum intelligentiam, non ad Patrum calculos exigent, sed ex privato sensu metirentur. Libro de Gratia Christi cap. 42. Quia eas Scripturas Sanctas secundu-m suum sensum legunt, profectò in illis, nec apertè consueuntur. Utinam ergo saltem in catholicorum virorum scriptis, a quibus eas rectè intellectas esse non dubitant, quid sit de adiutorio divinæ gratiæ sentiendum, non negligenter attenderent, nec suæ sententiæ amore nimio præterirent. Quis ergo id eum sibi sumpsisse putet, ut in cudendo prædestinationis, & gratiæ systemate, sacras Literas ad arbitrium exponeret, flecteretque in sensus antiquis Ecclesiæ Patribus inauditos?*

Aliud certè Augustino in animo erat, qui Patribus non univer-sis

sis tantum, aut numero pluribus, sed singulis etiam assurgendum, subscribendumque putabat; unum interdum Ambrosium, aut Chrysostomum, ut ineluctabilem obicem Pelagianis opponens. Quod sane nec tam sapè, nec tam fidenter attentasset, si, & ipse in conjunctissimis, gravissimisque quæstionibus, spreta veterum Traditione, novellas opiniunculas, ignotasque sacrorum Librorum explanationes obtrulisset. Imò ea religione veterum dictatis hærebat, suorumque præceptorum sententiis stabat, ut hoc illi exprobrarent Pelagianæ, quorum convicia non modò æquo ferebat animo, verum etiam lucro vertebat. *Libro 1. Operis imperfecti contra Julianum Pelagianum capite 86. Nobis inesse conviciaris impietatem veterem, quoniam dogmata antiqua Catholica, quæ docuerunt, qui Ecclesiam Christi ante nos, in ejus gratia vera pietate rexerunt, contra perversitatem vestram novitiam, quantumcumque labore defendimus. In te igitur agnosce stultitiam, in te impudentiam, in te impietatem, non veterem sanè, sed novam. Et Libro 6. capite 21. Magnam te mihi putas invidiam comparare, cum dicis, nihil me a meo præceptore differre: at ego in laudem meam tua sumo convicia Gaudeo prorsus, in hac, quæ inter nos vertitur, quæstione, me nihil a meo præceptore differre Præceptores etiam meos negare non debeo, qui me ad hoc intelligendum suo literario labore juverunt. Meus præceptor est Cyprianus Meus est præceptor Ambrosius, cujus non solum libros legi, sed verba etiam loquentis audiui, & per cum lavacrum regenerationis accepi. Longè sum quidem impar meritis ejus: sed confiteor, & profiteor, me in hac causa nihil ab hoc meo præceptore differre Ego itaque adversus te, & meam defendo, & illorum fidem, quos palam times habere inimicos, & inuitus pateris judices. Haud itaque verosimile est, sanctissimum Præfulem, hujus suæ professionis immemorem, novam in Pelagianis exagitandis viam calcasse, impervios præceptoribus calles aperuisse, ignotaque Majoribus Paulinarum Epistolarum interpretamenta commentum esse, ut singulares ingenii partus effunderet.*

Et quidem ut primum hanc sibi a Massiliensibus structam calumniam, ex binis Discipulorum suorum Epistolis, intellexit; nulla interposita mora, omnem a se inductæ novitatis invidiam amovit. Doctrinæ antiquitatem temis præsertim argumentis asseruit. Primum, ex mira cum Apostolo consensione, cujus oracula ferebè sexcenta, ex variis ejusdem Epistolis, atque ex illa præsertim, quæ ad Romanos scripta est, desloravit, Libris de dono perseverantiæ, deque prædestinatione Sanctorum.

Hac

Hac portò Apostoli suffragatione haud temere gloriatum Augustinum, pronuntiavit Hormidas Romanus Pontifex, data ad Possessorem *Epistola*: *De arbitrio tamen libero*, inquit, & gratia Dei, quod Romana (hoc est catholica) sequatur; & asseveret Ecclesia, licet in variis libris Beati Augustini, & maxime ad Hilarium, & Prosperum, possit cognosci, tamen in Ecclesiasticis scriptis expressa Capitula continentur, quae si sibi desunt, & necessaria credis, destinabimus, quamquam qui diligenter Apostoli dicta considerat, quid sequi debeat, evidenter cognoscat: Eo brevi verbo satis innuens, Augustinianæ hoc de argumento doctrinae summam, Paulinis Epistolis contineri.

Secundò, ex fuis omni retrò ætate Ecclesiae precibus, de quibus hæc habet capite 23. *Libri de dono perseverantiae*: Usinam tardi corde, & infirmi, qui non possunt, vel nondum possunt Scripturas, vel earum expositiones intelligere, sic audirent, vel non audirent in hac questione disputationes nostras, ut magis insuerentur orationes suas, quas semper habuit, & habebit Ecclesia ab exordiis suis, donec finiatur hoc sæculum. De hac enim re, quam nunc adversus novos hæreticos, non commemorare tantum, sed planè tueri, & defendere compellimur, nunquam tacuit in precibus suis, etsi aliquando in sermonibus exorandam nullo urgente adversario non putavit. Quando enim non oratum est in Ecclesia pro infidelibus, atque inimicis ejus, ut crederent? Quando fidelis quicumque amicum, proximum, conjugem habuit infidelem; & non ei petivit a Domino mentem obedientem in Christianam fidem? Quis autem sibi unquam non oravit, ut in Domino permaneret? Aut quis Sacerdotem super fideles Dominum invocantem, si quando dixit: Da illis Domine, in te perseverare usque in finem, non solum voce ausus est, sed saltem cogitatione reprebendere; ac non potius super ejus talem benedictionem, & corde credente, & ore confitente respondit, amen: cum aliud in ipsa oratione dominica non orent fideles, dicentes maxime illud, ne nos inferas in tentationem; nisi ut in sancta obedientia perseverent? Sicut ergo in his orationibus, ita, & in hac fide nata est, & crescit, & crevit Ecclesia, qua fide creditur, gratiam Dei non secundum merita accipientium dari. Quandoquidem non oraret Ecclesia, ut daretur infidelibus fides, nisi Deum crederet, & averfas, & averfas hominum ad se convertere voluntates: nec oraret Ecclesia, ut perseveraret in fide Christi, non decepta, vel victa tentationibus mundi, nisi crederet, Dominum sic in potestate habere cor

Prælect. P. Serry Tom. II.

G g g

no-

nostrum, ut bonum, quod non tenemus nisi propria voluntate, non tamen teneamus, nisi ipse in nobis operetur, & velle Ille itaque dicat Ecclesiam aliquando in fide sua non habuisse veritatem prædestinationis hujus, & gratia, quæ nunc contra novos hæreticos, cura diligentiore defenditur: ille, inquam, hoc dicat, qui dicere audet aliquando eam non orasse, vel non veraciter orasse, sive ut crederent infideles, sive ut perseverarent fideles. Quæ bona si semper oravit, semper ea Dei dona esse usque credidit; nec ab illo esse præcognita unquam ei negare fas fuit. Ac per hoc prædestinationis hujus fidem, quæ contra novos hæreticos, nova sollicitudine nunc defenditur, nunquam Ecclesia Christi non habuit.

Hujus argumenti vim, quam, productis Ecclesiæ Latinæ documentis, a Launoji technis defendimus capite septimo, exploratam perinde habuit Ecclesia Græca; quæ profligatos dudum Semipelagianos errores, ex hac Divi Basilii precatione demonstravit, quam in altaris sacrificio universus penè Oriens frequentabat: *Dona Domine virtutem, ac tutamentum; malos, quæsumus, bonos facito; bonos in bonitate conserva: omnia enim potes, & non est, qui contradicat tibi: cum enim volueris, salvos, & nullus resistit voluntati tuæ.* Quæ recentita supplicatione, ita colligit Petrus Diaconus, Orientalium Legatorum unus, Libro de Incarnatione, & gratia Christi capite 8. Ecce quàm breviter, quamque succinctè Doctor egregius olim huic controversiæ (a Massiliensibus motæ, & a Launojo denuò excitatæ) finem posuit, docens per hanc precem, non a se ipsis, sed a Deo malos homines bonos fieri; non sua virtute, sed divinæ gratiæ adjutorio in ipsa bonitate perseverare.

Tertiò, doctrinæ antiquitatem veterum testimoniis confirmavit, quos in ea tradenda præceptores, atque magistros habuisse gloriatur, capite 19. laudati Libri de domo perseverantia: Hoc scio, inquit, neminem contra istam prædestinationem, quam secundum Scripturas Sanctas defendimus, nisi errando disputare potuisse. Puto tamen eis, qui de hac re sententias Tractatorum requirunt, sanctos, & in fide, atque doctrinâ christiana laudabiliter usquequaque diffamatos viros, Cyprianum, & Ambrosium, quorum tam clara testimonia posuimus, debere sufficere. Tum recitatis eorum testimoniis, quæ nos subjectis capitibus ex ordine temporum repræsentabimus, ita subjungit: sed his duobus, qui sufficere debuerunt, sanctum Gregorium addamus, & tertium; nimirum Nazianzenum, cuius

jus perinde fragmentum oculis subjicit, ex Oratione in Pentecosten. 44.

Bina tandem responsa subjunxit sanctissimus Præsul, quæ repugnantes in speciem Ecclesiæ Patres facili conciliantur: ii nempe, qui aut vocationem non immoto Dei decreto, sed præscientiæ duntaxat innixam posuisse ferebantur; aut mollius æquo, minusque limatè, ante subortam hæresim Pelagianam de divina gratia pronunciarant: *Prædestinasse*, inquit *capite 18.*, & *19. Libri laudati*, *est hoc præscisse, quod fuerat ipse facturus.* Quid ergo nos prohibet, quando apud aliquos verbi Dei Tractatores legimus Dei præscientiam, & agitur de vocatione electorum, eandem prædestinationem intelligere? Magis enim forsasse voluerunt hoc verbo in ea re uti, quod, & facilius intelligitur, & non repugnat, imò & congruit veritati, quæ de prædestinatione gratiæ prædicatur. Hoc primum, cujus veritatem probabimus capite ultimo. Et Libro de prædestinatione Sanctorum capite 14. Quid igitur opus est, ut eorum scrutemur Opuscula, qui priusquam ista hæresis oriretur, non habuerunt necessitatem, in hac difficili ad solvendum quæstione versari? quod procul dubio facerent, si respondere talibus cogerentur. Unde factum est, ut de gratia Dei quid sentirent, breviter quibusdam Scriptorum suorum locis, & transeunser attingerent; immorarentur vero in eis, quæ adversus inimicos Ecclesiæ disputabant, & in exhortationibus ad quasque virtutes, quibus Deo vivo, & vero, pro adipiscenda visa æterna, & vera felicitate servitur. Frequentationibus autem orationum simpliciter apparebat Dei gratia quid valeret: non enim poscerentur de Deo, quæ præcipis fieri, nisi ab illo donarentur, ut fierent. Hoc alterum Augustini ad objecta responsum.

Verùm quia Patres ab Augustino perperam, temereque laudatos contendit novissimus Criminatores, contrariamque superioris ævi Traditionem, tumultuaria veterum Scriptorum recensione, fabricatur, quæ libet, lubetque verba illis affingens, nullumque distinctè locum appellans: operæ prætium erit, in has veterum Patrum sententias inquirere; quod sua Doctori maximo stet fides integra; spuriaque Traditio ab Launojo confarcinata, plena levitatis, atque invidiæ demonstretur. Hoc unum in antecessum admoneo, si Launojo libuisset de originalis peccati dogmate litem intendere; illudque, & priscis Ecclesiæ Patribus ignoratum, & primum ab Augustino in Ecclesiam inductum fabulari; perinde illi videri potuisse, laudata ab Sancto Doctore, ad illud constabiliendum, veterum testimonia minus explicata esse; eidemque multa alia illorum oracula re-

pugnare. Haud enim clariori luce resplendet, eorum in scriptis, originalis peccati confessio, quàm gratuitæ prædestinationis, & efficacis gratiæ prædicatio. Procul igitur hinc audax illa tricandi libido, quæ de rebus omnium compertissimis contentions funem ducere gestit. Huic si liber datur aditus, universa Patrum Theologia labefactabitur, & protervæ ingeniorum licentiæ committetur.



*Augustiniane doctrine capita a Launojo erroris insinulata,
priorum seculorum Traditione consentanea probantur.*

Primi alteriusque seculi Patres expenduntur.



Superiorum Augustino seculorum Traditionem adornaturo, non id est animo constitutum, ut superioris ævi Patres, pari omnino verborum vi, accuratisque ex æquo, & exquisitis dicendi rationibus, divinæ vocationis liberalitatem, gratiæque potestatem docuisse ostendam; quales postmodum Augustinus, quique illi in confutandis Pelagianis, ac Massiliensibus aderant, usurparunt. Equis enim id expectet a me, cum ne quidem in primis fidei capitibus, queis stat Christiana Religio, limatas perinde, & castigatas priorum Ecclesiæ Patrum sententias habeamus, quales subinde, emergentium hæresum occasione, cautiore posteri tradiderunt? Hoc igitur unum in animo est palam facere, priscos Ecclesiæ Patres hæc ipsa gratuita vocationis, gratiæque suapte vi efficacia principia posuisse, eandemque iis in capitibus doctrinæ summam, ac formam ex sacris Literis delibasse, tradidisse, propugnasse, quam exortis postmodum Pelagianis, eorumque reliquiis, distinctius, accuratius, luculentius exposuit Augustinus.

Accedit alterum observatione dignissimum: tribus prioribus Ecclesiæ sæculis, perpaucos libris conscribendis operam dedisse; ac neque ea ipsa, quæ tum edidere Christiani, tametsi paucæ, ad nos pervenisse: sed partem illorum maximam intercidiisse, vel injuria temporum, vel hominum in abolendis, quæ ad palatum non sapiebant audacium, fraude, atque nequitia: quod ex tam multis illorum monumentis perspectum est, quorum nuda nomina, aut levia interdum apud Eusebium, & Hieronymum fragmenta supersunt. Insuper quæ e tribus prioribus sæculis ad nos usque scripta pervenere, ab hodiernis de gratia, & prædestinatione quæstionibus, pleraque remotissima sunt. Illorum etenim temporum Tractatores, pro ævi sui ratione, vel Christianam Religionem criminationibus, quibus per calumniam gravabatur, suis lucubrationibus purgant; vel insulsa, & impia ethnicorum sacra exagitant, vel obduratum Judæorum perveraciam coarguunt, vel portentosa hæreticorum illius ætatis deliria confutant, vel fideles ad patientiam, & Christi fidem fortiter profitendam hortantur, vel quosdam

dam ex occasione Scripturæ locos interpretantur : adeoque de gratia, & prædestinatione, nonnisi obiter, atque aliud agendo, differuisse perhibentur. Maximè cum nulli ea ætate temporum hæretici fuerint, qui gratiæ necessitati, ac potestati bellum intulerint; non pauci verò, Simoniani, Marcionitæ, Manichæi liberum arbitrium extinctum irent : quæ res præscis Ecclesiæ Magistros, quæis tuendæ fidei cura erat, ad libertatis commendationem compulsi potius, quàm ad celebrandam divinæ gratiæ potestatem. Quæ omnia non ea mente, eoque consilio notantur a me, quo sunt a Dallæo, cæterisque Traditionis oppugnatoribus observata; ut nihil ex trium priorum sæculorum Patribus exculpi posse significem, quo illorum hoc de argumento sententia dignoscatur : sed ut intelligat spurix Traditionis confarcinator, aut certè illius Editor, nec tam multa, nec tam disertæ illorum expectari oportere testimonia, quæ omnem prorsus emergentium hodie quæstionum difficultatem, amoveant; nisi cum reliquis posteriorum, a nata Pelagiana hæresi, temporum documentis, maximè Romanorum Pontificum, Conciliorumque definitionibus conferantur.

Porro dum præscos illos doctrinæ Magistros, gratiæ prædestinationi, gratiæque suapte natura victrici adstipulatos contendo, Launojum, cum quo mihi res est, præsertim in oculis habeo. Idcirco gratuitam prædestinationem in primis intelligo, qualem is intellexit, & ab antiquis Patribus negatam obtendit; electorum scilicet vocationem ad gratiam simul, & gloriam, ex uno Dei proposito derivatam, nullis in antecessum humanæ voluntatis meritis, conatibus, dispositionibus exploratis; ac ne ipsius, quidem boni gratiæ usus, e naturæ penu profecturi, habita ratione. Cum enim Semipelagianæ sectæ systema vindicandum sibi sumat, ipsumque etiam Augustinum, qui fidem præviis conatibus dari, ante adeptum Episcopatum existimaverat, ab antiqua demum (Pag. 72. 73.) Traditione aberrasse dicat, dum ea exuta opinione, fidem quoque ex Dei dono esse subindè professus est; liquet planè, Launojum, vocationem etiam ad primam gratiam, seu fidem, minimè gratuitam posuisse; eamque Semipelagianæ sectæ sententiam præscis Ecclesiæ Patribus tribuisse : quod hic erit peculiari studio refellendum. Quamquàm, & hoc alterum haud levibus momentis indidem ostensuri sumus, ipsam quoque destinationem ad gloriam, gratiæ conferendæ consilium antevertere; ut idcirco Deus electis sit merita collaturus, quia illos destinavit ad gloriam; non contra destinet illos ad gloriam, quòd sit illis merita collaturus. Gratiam pariter se ipsa victricem intelligo, qualem Launojus intelligendam existimavit; vim scilicet suam omnem, ex Dei in hominum voluntates imperio repetentem; veris illis, legitimisque coactoriis, & ap-

& appendicibus stipatam, de quibus capite 2. sermo fuit, quæque ille erroris in Augustino audacter insinulavit. Quæ omnia superiorum sæculorum Patribus, non secus, ac Augustino, explorata probataque fuisse, sequenti recensione demonstramus; qua veram, atque germanam priorum sæculorum Traditionem, Launojanæ, hoc est, spurix, & commentitiæ directò oppositam damus; omnesque loquendi formulas, quæ divinæ vocationis, & gratiæ liberalitatem, efficaciam, potestatem expressit sanctissimus Doctor, a priscis Ecclesiæ Magistris delibatas ostendimus.

A Patribus exordium ducere convenit, Divi Pauli, cæterorumque novi Instrumenti Scriptorum sententiis prætermisiss: quippè, qui eas *capite* 2. ad singulas fermè propositiones Augustinianas, ab Launojo iniquè traductas, ex sacris Literis confirmandas, aut etiam exponendas, repræsentavimus.

Et primò, quidem Clementem Romanum producimus, Petri, post Linum, & Cletum, in Sede Apostolica successorem, Pauli discipulum, & Evangelicæ prædicationis socium, de quo ipse ad Philippenses *capite* 4. v. 3. *Etiā rogo, & te Germane compar, adjuva illas, quæ tecum laboraverunt in Evangelio cum Clemente, & cæteris adjutoribus meis, quorum nomina sunt in libro vitæ.* Is enim gratiæ doctrinam, Romanis ab Apostolo maximè commendatam (ut inde se prædicationis ejus, velut a capite toto Orbe diffunderet usi loquitur Augustinus) (*Epist.* 186.) propalavit Ep. 1. data ad Corinthiorum Ecclesiam; cujus authenticam evincunt Irenæi, Origenis, Clementis Alexandrini, Eusebii, Epiphani, Hieronymi disertissima testimonia: *Labor omnis*, inquit ille, *& contentio vestra dñi, nocturne pro universa fraternitate erat, ut numerus electorum ejus cum commiseratione, & conscientia salvaretur.* En jam certum electorum numerum præfinitum, ad vitam ex Dei misericordia obtinendam, peculiari quadam ratione destinatum. Pergit autem: *Volens igitur omnes dilectos suos pœnitentiæ participes fieri, omnipotente sua voluntate stabilivit: quare magnifica ejus, & gloriose voluntati obsequamur, & suppliciter misericordiam, & benignitatem ejus implorantes, relictis vanis operibus, contentione, & emulatione, quæ ad mortem ducit, ad miserationes ejus advolvamur, & convertamur.* En gratiam pœnitentiæ, stabilitatem suam, ac firmitatem, ex omnipotentis Dei voluntate repetentem; veramque conversionem, ex divinæ misericordiæ, atque benignitatis fonte promanantem. Subjungit verò, multis interjectis: *Cassas, & puras manus elevantes, & benignum, & misericordem patrem nostrum diligentes, in sanctitate cordis accedamus ad ipsum, qui nos sibi ipsi electionis sortem fecit.* En planè electionem sortitione, benignitate, misericordia factam: ut quem-

quemadmodum quæ forte nobis obveniunt, nulla meritorum ratione habita, nobis dicuntur obtingere; ita felicitatem æternam, nondum exploratis meritis, nobis a Deo destinari intelligamus. Tum demùm ad gratiæ merita omnia, conatus, & opéra prævenientis, commendationem converso sermone, gratuitam justificationem ex gratuita vocatione derivat: *Omnes igitur, inquit, glorificati, & magnificati sunt, non per se ipsos, aut eorum opéra, aut justas actiones, quas pararunt, sed per voluntatem ejus. Sic, & nos ex voluntate ejus in Christo Jesu vocati, non per nos ipsos justificamur, neque per sapientiam nostram, intelligentiam, pietatem, vel opéra, quæ in puritate cordis, & sanctorum operati sumus; sed per fidem, per quam omnipotens Deus omnes ab initio justificavit Consideremus igitur, fratres, ex qua materia facti simus, qui, & quales mundum tamquam ex sepulchro, & tenebris ingressi simus: qui nos fecit, & condidit præparatis prius beneficiis suis, antequam nasceremur, in mundum suum introduxit; (apud Labb. Tom. 1. pag. 123. 127. 142. 143., & 147.) Annon, quæso, iis principiis tota nititur Augustini doctrina? Annon iis fundamentis incumbit tota de gratia præveniente, atque victrice, deque gratuita vocatione, superstructa moles?*

Id ne Launojum, quidem negaturum existimassem; quippè qui iis ipsis Clementis assertionibus, ab Augustino postmodum usurpatis, nigrum theta præfixit sæpè numero, quasi errorem patentissimum præ se ferrent. At contra res habet: Clementem objicit Augustino; eumque, una cum pseudo Dionysio Areopagita, primi Ecclesiæ sæculi testem conducit, qui contrariæ Augustino Traditioni suffragentur. Hunc ex illo centonem ambiciosius ostentat, nullo, pro more, loco indigitato, ac ne verbis quidem distinctè notatis, sed summatis duntaxat excerptis, ut nostram in evolvendis veterum monumentis diligentiam exercent: *Ab initio duo regna statuit Deus, & potestatem dedit unicuique hominum, ut illius regni fiat portio, cui se ad obediendum ipse subiecerit Et paulò antè: Hæc via est vitam volentibus ingredi, & summum iter bonorum operum, pergentibus ad civitatem salutis. Si quis sanè audiens sermonem veri Prophetæ, velit recipere aut nolit, & amplecti onus ejus, idest, mandata vitæ, habet in sua potestate; liberi enim sumus. Quid ea lacinia sibi velit spurix Traditionis confarcinator, haud satis capio. (Vide supra Cap. 15.) Aut enim id unum extendere vult, stare penes unumquemque liberum arbitrium, ut salutem, opitulante gratia, adipisci queat; a quo tantum abest, ut abhorreat Augustinus, ut potiùs dedita opéra propugnaret. Aut hoc alterum eruere sibi putat, ad implenda mandata, viamque salutis ineundam, liberum arbitrium satis esse: quod ne*

Pe-

Pelagiani quidem, ultima saltem erroris sui periodo, delirarunt. Tametsi nil juvat in reconditiorem objectæ laciniz sensum inquire; quæ ex apocryphorum somniis, ex tertia nimirum pseudepigrapha ad Joannem Christi Domini fratrem Epistola, excerpta est; quam nemo non obæz omninò naris, primo oculorum conjectu, spuriam esse non videt.

Sed neque feliciori cynosura istud Ecclesiasticæ Traditionis mare enavigandum ingreditur, dum suum illum Dionysium Areopagitam Clementi Romano, cæterisque Patribus in Augustinum, ut ipse, quidem autumat, pronunciantibus, antesignanum præmittit; quòd Deum, omni delectu posthabito, suam in omnes homines benignitatem exercere dixerit; eo planè modo, quo suam Sol in omnes lucem diffundit, omni semoto discrimine. *In caput 4. Libri de divinis nominibus* intendisse Launojum, haud dubium est, cujus sunt hæc ipsa verba, juxta Joachimi Perionii versionem: *Lucis nomen ipsum bonum celebratur, quasi in imagine primum exemplar expressum. Ut enim divinitatis omnia superantis bonitas, a summis, dignissimisque naturis ad ultimas pertinet, atque etiam omnibus præstat, ita ut, nec superiores ad ejus præstantiam perveniant, nec inferiores complexum transeant, sed, & omnia, quæ possunt, illustrat, & efficit, & vivificat, & continet, & perficit, estque eorum, quæ sunt, & mensura, & æternitas, & numerus, & ordo, & complexus, & causa, & finis: sic etiam, qui clara expressaque divinæ bonitatis imago est magnus hic Sol, solus lucens, ac semper splendidus, pro minima ipsius boni similitudine, omnibus etiam, qui ejus lucem capere possunt, collucet, habetque lumen per omnia diffusum, in omnem hunc mundum, quem cernimus, radiorum suorum splendorem explicans, & sursum, & deorsum: ac si quid est, quod eo non participet, id ejus luminis diffusitenuitati, aut parvitati non est tribuendum, sed iis, quæ, quia apta non sunt ad capiendum lumen, ad illud capiendum non explicantur.* Verùm qui, quæso, isthac in Augustinum regeruntur, qui eadem prorsus habet, cum alibi sæpè, tum maximè *Tractatu 1. in Joannem?* Non ideo cogitent, inquit, quasi absentem esse lucem, quia eam videre non possunt: ipsi enim propter peccata tenebræ sunt. Et lux in tenebris lucet, & tenebræ eam non comprehenderunt. Ergo, *Fratres, quomodo homo positus in sole cæcus, præsens est illi soli, sed ipse soli absens est: sic omnis stultus, omnis iniquus, omnis impius cæcus est corde. Præsens est sapientia, sed cum cæco præsens est, oculis ejus absens est: non quia ipsa illi absens est, sed quia ipse ab illa absens est.* Quem ergo sensum præ se ferant familiares illæ Augustino, cæterisque Patribus assertiones, quove pacto vindicatis hætenus dogmatibus

Prælect. P. Serry Tom. II.

H h h

nihil

nihil officiant, postremo capite planum fiet. Interea notare hic satis fuerit, Librum de divinis nominibus, ceteroque de Cœlesti, & Ecclesiastica Hierarchia, deque mystica Theologia, Dionysii Areopagitæ nomen præferentes, recentioris Augustino Græculi factum esse; quem in texenda priorum sæculorum Traditione laudare, eo minus Launojo fas erat, quòd is Libros illos pseudepigraphos, & magno Areopagitæ falsò suppositos, proluxa commentatione demonstraverit. Neque tamen, si ita Launojo decretum est, ab illius scriptoris iudicio resiliamus, sed stamus maximè, qui Augustinianæ doctrinæ summam, Platonici scholæ, ut illi moris est, loquendi formulis expressit, hoc ipso laudato *Libro de divinis nominibus capite 5. Exemplaria autem esse dicimus*, inquit, *in Deo existentium rationes substantificas, & singulariter præexistentes, quas Theologia prædefinitiones vocat, & divinas, & bonas voluntates existentium prædeterminativas, & effectivas, secundum quas substantialis essentia omnia prædefiniuit, atque produxit*. Quo loco non nudas divinæ mentis ideas intelligit Plonicus Scriptor in mera contemplatione positas, queis nimirum rerum merè possibilem informationes animo inferuntur; sed practicas, ut schola loquitur, quibus rerum futurarum, & existentium formæ mente signantur, divinum propositum, decretumque efficax præferentes, quo solo res prædeterminantur, prædefiniuntur, & fiunt. Et capite 11. *Cum Angelis divina secundum virtutem operabimur, secundum providentiam Jesu, omnia in nobis cooperantis, sed & facientis pacem ineffabilem, & ex sæculo prædefinitam, & reconcilians nos sibi ipsi in spiritu, & per ipsum, & in ipso, Patri*. Sed redeamus in viam, & Traditionis seriem resumamus.

Clementi Romano in constituenda Christi gratiâ, succedit S. Ignatius in *Epistolâ* ad Smyrnæos, non illa quidem interpolata, ut aliàs circumterebatur, sed genuina prorsus, & integra, quam cum sex aliis Ullerius Armacanus ex codicibus Anglicanis, & Isaacus Vossius, ex Bibliothecæ Medicæ codice, publici juris fecerunt: *Oratio vestra*, inquit sanctissimus Martyr, *pervenit ad Ecclesiam, quæ est in Antiochia Syriæ. Unde ligatus Deo decentissimis vinculis omnes saluto, non existens dignus esse extremus ipsorum: secundum autem voluntatem Dei, dignus, factus sum, non ex conscientia, sed ex gratia Dei: quam oro perfectam mihi dari, ut in oratione vestra Deo potiar*. Viden ut indignum se reputet, qui fidelium numero censeatur; sed eam se dignitatem adeptum fateatur, ex Dei gratiâ, & libera voluntate, non ex conscientia bonorum operum?

Iis robur addit Justinus Martyr in Dialogo cum Tryphone Iudæo, illud *Psalmi 21. recolens, Deus meus, es tu, ne discesseris a me;*

me; quod hac brevi commentatione illustrans ait : *Omnem hominem debere spem suam in solo Deo ponere, & ab eo salutem, auxiliumque petere; non, ut solent ceteri, fiducia generis, aut opum, aut virium, aut sapientiæ sibi polliceri; quemadmodum, & vos semper fecistis. Nam si videmus, nec Filium Dei viribus suis, aut sapientiæ ferre acceptam salutem, cum sit innocentissimus, ac ne verbo quidem peccarit; nec putare, se posse sine Deo saluum evadere: qui fieri potest, ut nos, & alii quicumque sine hac spe salutem expectant, non se ipsos decipiant? Qui præviis libertatis humanæ conatibus vocationem ad fidem adscribunt, in se spem suam omnem in Deo collocant; ac non verius salutem suam viribus suis, ac sapientiæ, ex parte saltem, acceptam ferunt?*

Et hinc rursus ex adverso obstreperit commentitiæ Traditionis fabricator, Justinum Martyrem suum inclamans, quodd scripserit : *Non Deus, ut boni, vel mali simus, sed arbitrium nostrum causa est.* Et iterum : *In nobis est, ut casti simus, aut fornicatores. Itaque coronamur, aut punimur de eo, quod in nobis est.* Nam ad quæ nos arbitrium perducit, propterea vel coronamur, vel punimur. Et nobis Deus vires dedit ad faciendum, verum eas potestati subiecit arbitrii. Tam diserta in speciem Justini Martyris testimonia, in germanis, legitimisque, ut par erat, ejusdem lucubrationibus, quæ sita diù, in spuris tandem, ac nothis invenimus; (*Quæst.* 82. 86. 127.) in Quæstionibus, inquam, & Responsionibus ad Orthodoxos, quarum suppositio, vel mediocriter tinctis illicet subolet: cum, & in iis Irenæus, & Origenes, Justini ætate posteriores, persæpe laudentur; & Manichæa hæresis, elapso subinde sæculo excitata, dedit operâ confutetur. Quis non hinc animopendeat, dum spuria veterum monumenta, ab Launojo in Patrum lectione exercitatissimo, indefinenter obrudi videt? Nos nihil ista miramur, quibus satis perspectum est, spuriam Traditionem, qualem profecto texere instituit, ex spuris præsertim veterum monumentis erui debuisse.

Laudatorum Patrum sententiæ adstipulatur Irenæus, gratiæque triumphis applaudit multò luculentius, *Libris adversus hæreses adornatis.* Et certè *capite 10. Libri primi*, quorumdam præ cæteris electionem ita in Dei beneplacitum refundit, ut ab hominum intelligentia, sensuque disjunctam quæstionem fateatur, cur alii præ cæteris eligantur : *Quare desperatas gentes, inquit, cobaredes, & concorporatas, & participes sanctorum fecit Deus..... Cur factus sit, qui non erat populus, populus; & non dilecta, dilecta In talibus, & in similibus eis exclamavit Apostolus: O altitudo divitiarum, & sapientiæ, & agnitionis Dei! quam inscrutabilia sunt judicia ejus, & investigabiles viæ ejus! Annon hæc gratiæ prædestina-*

Hhh ij tio-

tionis, & vocationis aperta testificatio? Idem *Libro 3. capite 16.* Pueros Innocentes sortitione quadam, hoc est, delectu Dei merè gratuito, Martyrii palmam, æternamque felicitatem adeptos scribit : *Propter, quod, inquit, & pueros eripiebat, qui erant in domo David, bene sortiti illo tempore nasci, ut eos pramitteres in regnum suum; ipse infans cum esset, infantes hominum Martyres parans, propter Christum.* Disertius verò *capite 23.* non modò gratuitam, & ex mera Dei voluntate profectam vocationem inculcat, verùm etiam usurpatam toties ab Augustino rationem ingerit, ex omnipotentia Dei petitam, qua hominum voluntates, quas voluerit, ubi voluerit, quando voluerit, pro nutu flectit, adeo ut nulla humani cordis duritie, atque proteveria superetur : *Omnis dispositio salutis, sanctissimi Martyris verba sunt, quæ circa hominem fuit, secundum placitum Patris fiebat, ut non vinceretur Deus, neque infirmaretur ars ejus. Si enim, qui factus fuerat homo a Deo, ut viveret, hic amittens vitam, læsus a serpente, qui depraverat eum, jam non reverteretur ad vitam, sed in totum projectus esset morti; victus esset Deus, & superasset serpentis nequitia voluntatem Dei. Sed quoniam Deus invictus, & magnanimus est, magnanimum quidem se exhibuit ad correctionem hominis, & probationem omnium, quemadmodum prædiximus : per secundum autem hominem alligavit fortem, & diripuit rarsa ejus, & evacuavit mortem, vivificans eum hominem, qui fuerat mortificatus. Quid plura? Traditum non semel ab Augustino, misericordiam inter, & judicium, discrimen ingens, quo tota de prædestinatione, atque reprobatione doctrina nititur, paucis quidem, sed disertissimis verbis instituit *capite 36. Libri 4.* Est autem hic Pater Domini nostri, cujus providentia constant omnia & gratuito quidem donat in quos oportet; secundum autem meritum dignissimè distribuit adversus ingratos, & non sentientes benignitatem ejus, justissimus retributor.*

Nihil ista moratus Launojus, latam ab Irenæo in Augustinum sententiam obtendit, nullum distinctè locum appellans, sed sparsa ejusdem verba congerens. Extant illa partim *capite 37. Libri 4. partim capite 38.* Priori loco sic legimus : *Vis enim a Deo non fit, sed bona sententia adest illi semper. Et propter hoc consilium quidem, bonum dat omnibus. Posuit autem in homine potestatem electionis, quemadmodum & in Angelis Qui autem non obediunt, justè non inveniuntur cum bonis, & meritam poenam percipient Dedit ergo Deus bonum, quemadmodum & Apostolus testificatur in eadem Epistola, & qui operantur quidem illud, gloriam, & bonorem percipient, quoniam operati sunt bonum, cum possint non operari illud; hi autem, qui illud non operantur, judicium*

dicium iustum excipient Dei, quoniam non sunt operati bonum, cum possint operari illud. Altero verò hæc habentur: Secundum enim benignitatem suam bene dedit bonum, & similes sibi suæ potestatis homines fecit: secundum autem providentiam servis hominum infirmitatem, & quæ ventura essent ex ea; secundum autem dilectionem, & virtutem vincet factæ naturæ substantiam. Quo titulo isthæc in Augustinum detorqueat ineptissimus osor, minùs capio, nisi, quodd structæ toto Libello in Augustinum calumniæ immotus hæreat, qua negatum ab eo liberum arbitrium comminiscitur, ac sublatam penitus eligendi, ac dissentendi facultatem effutit. In hanc enim Manichæorum hæresim unicè disputat Irenæus, a qua procul abiit Hipponensis Antistes. Cætera ex eodem sanctissimo Martyre ab tetrico Censore laudata de varia Jacob, & Esau sorte, secundum Dei præscientiam definita, in Augustinum detorqueri utcumque possent, modò facti veritate niterentur. At fidem in Censore desidero: huiusmodi quippè nihil Irenæum lætitantem occurrit. Utcumque tamen se res habeat, huiuscemodi loquendi formulæ priscis Ecclesiæ Patribus familiaris, a qua nec prorsus abhorruit Augustinus, rectam intelligentiam dabimus loco suo, & cum statutis hætenus dogmatibus conciliabimus.



ses, quodd id adstruerent, impugnavit. Tota de medio, quo isthæc præficerentur, quæstio vertebatur. In ipso divinæ voluntatis decreto, futura merita, bonasque qualitates operante, pervideri, contendebat gratiæ Vindex, diffidebantur Massilienses: qua de re, altum in Minutio Felice silentium est. Ad hæc, de pœnarum, suppliciorumque destinatione unice loquitur eruditus christianæ contra Paganos causæ Defensor, cujus suffragium Launojus ostentat: *Nec de fato, inquit, quisquam, aut solatium capiet, aut excuset. Eventum sit fortis fortune, mens tamen libera est: & ideo actus hominis, non dignitas judicatur. Quid enim aliud est fatum, quàm quod de unoquoque nostrum Deus fatus est? Qui cum possit præfiscere materiam pro meritis, & qualitatibus singulorum, etiam facta determinat. Ita in nobis non genitura plectitur, sed ingenii natura puniatur. Porro reproborum damnationem, nonnisi ex notitia malorum operum, a Deo sanciri liquet, quia justus est: tametsi bonorum electio, nondum exploratis pietatis operibus, intendatur, quia bonus est: juxta Synodi Valentiniæ III., ex tribus Galliarum Provinciis conflata, celebre pronunciatum can. 3. Fidenter faciemur prædestinationem electorum ad vitam, & prædestinationem impiorum ad mortem: in electione tamen salvandorum, misericordiam Dei præcedere meritum bonum: in damnatione autem periturorum, meritum malum præcedere justum Dei judicium.* (apud Labb. Tom. 9. pag. 1151.)

Prodeat jam ex Africa Tertullianus, Minutio ætate suppar, eruditionis gloria major; & quid nostri de geminis illis Augustinianæ doctrinæ capitibus, in ore ferrent, non ex æmulorum criminationibus prodant, sed ex certa sententia definiat. Hic *Libro de Patientia*, statim ab initio: *Bonorum quorundam, inquit, sicut, & malorum intolerabilis magnitudo est: ut ad capiendâ, & præstandâ ea, sola gratia divinæ inspirationis operetur. Nam quod maxime bonum, id maxime penes Deum, nec aliud id, quàm qui possidet, dispensat, ut cuique dignatur. Et Libro de Anima capite 21. Lapides filii Abraham fient, si in fidem Abraham formetur. Et gemina viperarum fructum pœnitentia facient, si venena malignitatis expuerint. Hæc erit vis divinæ gratiæ, potentior utique naturâ, habens in nobis subjacentem sibi liberam arbitrii potestatem; (quod autem exuision dicitur) quæ cum sit, & ipsa naturalis, atque mutabilis, quoquæ vertitur, natura convertitur. Quot apices, tot sententiæ; quot verba, tot oracula. Gratiâ, auctore Tertulliano, ex Dei nutu, ac dignatione liberè dispensatur; hujus unius operatione, atque virtute, bona exeruntur a nobis, humanæ voluntatis arbitrium imperio suo subdit; naturâ ipsâ potentior est, eamque, quocumque vertitur, sui pedissequam facit. Hæc verò*

verò quid, nisi se ipsa victrix, se ipsa efficax, qualem tradidit Augustinus? Sed, & hujus summam ad quoslibet ætus necessitatem, & efficaciam colligit, ex septem Orationis dominicæ petitionibus, quarum explicationem singulari Libello, de Oratione nuncupato, adornavit, Augustinianæ doctrinæ principiis, ab Launojo distinctè sugillatis, per omnia consentientem: Cum dicimus, (inquit) sanctificetur nomen tuum, id petimus, ut sanctificetur in nobis, qui in illo sumus: simul, & in cæteris, quos adhuc gratia Dei expectat, ut, & huic præcepto pareamus, orando pro omnibus, etiam pro inimicis nostris Secundum hanc formam subjungimus: fiat voluntas tua in cælo, & in terra: non quòd aliquis obfistat, quominus voluntas Dei fiat, & ei successum voluntatis suæ oremus; sed in omnibus petimus fieri voluntatem ejus Petimus ergo, ut substantiam, & facultatem voluntatis suæ subministret nobis, ut salvi simus, & in cælis, & in terris; quia summa est voluntas ejus, salus eorum, quos adoptavit Veniat quoque regnum tuum: Ad id pertinet, quod, & fiat voluntas tua, in nobis scilicet. Nam Deus quando non regnat, in cujus manu cor omnium Regum est? Sed quidquid nobis optamus, in illum auguramur, & illi deputamus, quod ab illo expectamus... Perendo panem nostrum quotidianum, perpetuam postulam in Christo, & indivisibilitatem a corpore ejus Docet, petamus dimitti nobis debita nostra. Exomologesis est petitio veniæ, quia qui petit veniam, delictum confitetur Non de remittendis tantum, sed etiam de avertendis in totum delictis supplicaremus: ne nos inducas in tentationem: id est, ne nos passaris induci ab eo usque, qui tentat. Cæterum absit, ut Dominus tentare videatur; quasi aut ignoret fidem cujusque, aut dejicere sit consentiens. Diaboli est, & infirmitas, & malitia. Quis hæc ex Augustini calamo fluxisse non putet, gravissima, ex hac ipsa Oratione dominica, argumenta identidem exerentis, ut bona quæque ex Dei misericordia manare probet, a quo cuncta petuntur?

Reclamat spurie Traditionis confarcinator; a Terulliano quidem scriptum inquit, gratiam naturæ potentiorē, liberum arbitrium, corruptum licet, ac depravatum, ad bonum inflectere; non omnia tamen divinæ voluntati, ac potestati tribuenda, quæ libero arbitrio committuntur. Fallis, Launoj; at non ii sumus, quibus ex facili ora sublinias. Primum ex Tertulliano abs te laudatum veritatem quidem habet, legiturque loco pauld ante laudato, Libro de Anima capite 10. Alterum a te ingenti temeritate confictum est; nihil enim ejusmodi legere contigit. Demus tamen id esse, nihil inde in Augustinum; qui licet totum Deo tribuendum definiat, non ita tamen, ut sua libero arbitrio jura præripiat,

ripiat, sed gratiæ victrici subiciat : qui unus objectæ lacinix sensus est, sicubi fortè apud Septimium occurrit ; aliàs secum ipse pugnabit, qui liberum arbitrium gratiæ potestati subijci, tam aperte, tam distinctè contendit. At de his plenius capite ultimo.

Alterum dabit Africa victricis gratiæ defensorem, quo dignius nemo, ante ortam hæresim Pelagianam, virtutem illius extulit, nemo felicius necessitatem commendavit : Cyprianum Martyrem dico, cujus idcirco disertissima testimonia Pelagianis ac Massiliensibus toties opposuit Augustinus. Extant illa in summam collecta, ab sancto Doctore *Libro 4. ad Bonifacium capite 9.* sparsim verò, & obiter insinuata, *Libro de Prædestinatione Sanctorum capite 3. Libro de dono perseverantiæ capitibus 17., & 19. Libro 2. Retractionum capite 1., & Epistola 215.* ad Valentinum Adrumeti Cænobiarcliam : e quibus illustriora subijcimus, Semipelagianis erroribus ab Launojo recufis planè contraria, & Augustinianis dogmatibus, ab eodem temerè fugillatis, penitus indivulsa, ut ineptissimi Cenforis audaciam detesteris, qua (*Pag. 50.*) Cyprianum ab Augustino in sui defensionem temerè laudatum, ac perperam Semipelagianis objectum criminatur.

Hæc igitur Cypriani sententia est, *Libro de Oratione dominica : Dicimus, sanctificetur nomen tuum. Non quòd optemus Deo, ut sanctificetur orationibus nostris ; sed quòd petamus ab eo, ut nomen ejus sanctificetur in nobis. Caterum a quo Deus sanctificatur, qui ipse sanctificat ? Sed quia ipse dixit, sancti estote, quoniam ego sanctus sum ; id petimus, & rogamus, ut, qui in Baptismo sanctificati sumus, in eo, quòd esse cœpimus, perseveremus.* Hinc consequens esse voluit Augustinus, ut perseverantia singulare Dei donum censeatur ; quippè quæ a regeneratis, & justis, quotidiana oratione, ex Cypriani sententia, & interpretatione, postulatur. Annon quæso legitima est illa, ac tanto Doctore digna consecutio ? *Quid enim stultius, quàm orare, ut facias, quòd in tua positum est potestate ? Annon potius gravi censura percellendus Launojus, qui istud catholicæ fidei caput, in errorum numerum referre nil veritus est ?* Pergit clarissimus Martyr : *Addimus quoque, & dicimus : fiat voluntas tua, sicut in cœlo, & in terra : non ut Deus faciat, quòd vult, sed, ut nos facere possimus, quòd Deus vult. Nam Deo quis obstitit, quò minùs quòd velit, faciat ? Sed quia nobis a Diabolo obstititur, quò minùs per omnia nosster animus, atque actus Deo obsequatur, oramus, & petimus, ut fiat in nobis voluntas Dei. Quæ, ut fiat in nobis, opus est Dei voluntate, id est, ope ejus, & protectione ; quia nemo suis viribus fortis est, sed Dei indulgentia, & misericordia tutus est.* Quo ex loco divinæ gratiæ opem, ad omnes

pietatis actus necessariam colligebat gratiæ Vindex. Ecquis quælo aliud inde colligat, cum Dei ope, misericordia, protectione egere nos, statuatur Cyprianus, ob fractas nimirum humanæ voluntatis vires, & ingruentes dæmonum tentationes? Subjungit Carthagenensis Antistes: *Fieri autem petimus voluntatem Dei, in cælo, & in terra, quod utrumque ad consummationem nostræ incolumitatis pertinet, & salutis..... Potest, & sic intelligi, ut quoniam mandat, & monet Dominus, etiam inimicos diligere, & pro his quoque, qui nos persequuntur, orare, petamus, et pro illis, qui adhuc terra sunt, et necdum cælestes esse cæperunt, ut, et circa illos voluntas Dei fiat, quam Christus hominem conservando, et redintegrandō, perfecit. Ex qua Cypriani sententia, gratiam omnia hominum merita, conatus, dispositiones, ac nifus antevertentem, omnesque rebellis, & oblectantis voluntatis obices superantem, hac præclara ratiocinatione colligit Augustinus lib. 4. ad Bonif. cap. 9. Respondeant certe hæretici novi, quid bonorum meritum præcedat in hominibus inimicis nomini Christiano. Non solum enim non habent bonum, sed habent etiam pessimum meritum. Et tamen etiam sic Cyprianus intelligit, quod in oratione dicimus: fiat voluntas tua in cælo, et in terra; ut, et pro ipsis, qui propter hoc terra intelliguntur, oremus. Oramus ergo non solum pro nolentibus, verum etiam pro repugnantibus, et oppugnantibus. Quid ergo petimus, nisi ut fiant ex nolentibus volentes, ex repugnantibus consentientes, ex oppugnantibus amantes? A quo, nisi ab illo, de quo scriptum est, præparatur voluntas a Domino? Cui hæc ratiocinatio non probatur, proferat meliorem.*

Luculentius longe multò idem sanctissimus Martyr, haud longè a fine institutæ expositionis: *Quando autem rogamus, ne in tentationem veniamus, admonemur infirmitatis, et imbecillitatis nostræ, dum sic rogamus, ne quis se insolenter extollat, ne quis sibi superbe, atque arroganter aliquid assumat, ne quis confessionis, aut passionis gloriam suam ducat, cum Dominus ipse humilitatem docens dixerit: Vigilate, & orate, ne iniretis in tentationem. Spiritus quidem promptus est, caro autem infirma: ut, dum præcedit humilis, et submissa confessio, et datur totum Deo, quidquid suppliciter cum timore, et honore Dei petitur, ipsius pietate præstetur. Quibus planè concinunt, quæ habet Libro 3. Testimoniorum ad Quirinum capite 4. In nullo gloriandum, quando nostrum nihil sit: quod illo pervulgato Apostoli loco confirmat 1. ad Corinthios cap. 4. Quid enim habes, quod non accepisti? Si autem accepisti, quid*
g'o-

gloriaris quasi non acceperis ? Et Libro de patientia : Est enim nobis cum Deo virtus ista communis . Inde patientia incipit , inde claritas ejus , & dignitas caput junxit . Origo , & magnitudo patientiæ Deo auctore procedit . Viden quàm constanter totum Deo dandum statuatur Cyprianus ? (Pag. 48.) Quo tamen verbo , ab Augustino non semel in eundem sensum pronunciato , Launojus offenditur . Quare his recentitis , tetricum Censorem velut in oculis habens gratiæ Vindex , inanem criminationem hisce compescit : Nunquid iste sanctus , tam memorabilis Ecclesiarum in verbo veritatis instructor , liberum arbitrium negat esse in hominibus , quia Deo totum tribuit , quod rectè vivimus ? Nunquid legem Dei culpatur , quia non ex ipsa justificari hominem significat ; quandoquidem quod illa jubet , a Domino Deo precibus impetrandum esse declarat ? Nunquid sub nomine gratiæ fatum asserit , quamvis dicat in nullo gloriandum , quando nostrum nihil sit ? Nunquid , sicut isti , Spiritum sanctum adiutorem ita credis esse virtutis , tanquàm ipsa virtus , quæ ab hoc adjuvatur , oriatur ex nobis , quando nostrum nihil esse asserens , propter hoc Apostolum dixisse commemorat , quid enim habes , quod non accepisti ? virtutemque excellentissimam , hoc est , patientiam , non a nobis dicit incipere , ac deinde adjuvari spiritu Dei ; sed ab ipso caput , ab ipso originem sumere ? Postremò nec propositum bonum , nec studium virtutis , nec mentes bonas sine gratia Dei incipere esse in hominibus confitetur , cum dicit , in nullo gloriandum , quando nostrum nihil sit .

Cyprianum nihiloseciùs totum a suis partibus jactat Launojus ; hujusque sparsas hac , illac sententias colligit , Augustino , ut putat , oppositas ; quarum , si vel distincta verba posuisset , vel loca saltem unde petuntur , indigitaasset , nos haud mediocri levasset onere . Occurrunt illarum aliquæ ex Libro Epistolarum Epistola 76. cujus sunt hæc ipsa verba : *si dies omnibus aequaliter nascitur , & si Sol super omnes pari , & aequali luce diffunditur ; quanto magis Christus Sol , & dies verus in Ecclesiâ sua lumen vitæ æternæ pari aequalitate largitur ? Aliâ ex Epistola 55. ad Cornelium , ubi hæc habet , & tamen ille Dominus non increpuit recedentes , aut graviter comminatus est , sed magis conversus ad Apostolos suos dixit : nunquid , & vos vultis abire ? Servans scilicet legem , qua homo liberati suæ relictus , & in arbitrio proprio constitutus , sibi met ipse , vel mortem appetit , vel salutem .*

Quis geminæ Epistolæ sensus sit , ne novitium quidem Theologum anxium habebit . Prior de ea æqualitate apertè differit ,

qua Deus generatim, quovis ætatis, sexus, & conditionis semoto discrimine, omnes perinde in Ecclesia recipi vult, & ad Evangelicam gratiam, Sacramentorumque communionem invitat: non de æqua gratiarum, charismatumque mensura, qua privatim singulos donet: quasi electos suos nullà præ reprobis peculiari benevolentia prosequatur, nullisque specialibus gratiis cumulet. Audi Cyprianum, non mutilum, qualem Launojus obtrudit, ut facilius illudat, sed integrum: *Spiritus sanctus non ad mensuram datur, sed super credentem totus infunditur. Nam si dies omnibus equaliter nascitur, & si Sol super omnes pari, & equali luce diffunditur, quanto magis Christus Sol, & dies verus in Ecclesia sua lumen vite æternæ pari equalitate largitur? Cujus equalitatis sacramentum videmus in Exodo esse celebratum, cum de celo manna deflueret, & futurorum præfiguratione alimentum panis cælestis, & cibum Christi venientis ostenderet. Illic enim sine discrimine, vel sexus, vel ætatis gomor a singulis equaliter colligebatur. Unde apparebat Christi indulgentiam, & cælestem gratiam postmodum secuturam equaliter omnibus dividi sine sexus varietate, sine annorum discrimine, sine acceptione personæ, super omnem Dei populum spiritualis gratiæ munus infundi. Qua de re plura dabimus capite ultimo. Altera Cypriani Epistola versatilem duntaxat liberi arbitrii ad utrumlibet facultatem adstruit, quam nusquam inficiatus est Augustinus, tametsi hominis libertatem, cum gratiæ necessitate conciliarit, & utrique ex æquo consultum voluerit: In potestate hominis est, inquit ille Libro 1. Retractionum capite 22. mutare in melius voluntatem, sed ea potestas nulla est, nisi a Deo detur, de quo dictum est, dedit eis potestatem filios Dei fieri. Cum enim hoc sit in potestate, quod cum volumus, facimus, nihil tam in potestate, quam ipsa voluntas est, sed preparatur voluntas a Domino.*

Cæterum quod addit ex Cypriano Launojus, Joannis nimirum oraculum, si fuissent ex nobis, mansissent utique, quo bona omnia a Deo esse significatur, hæresum occasionem dedisse, ac etiam in dies dare, quod perperam acciperetur; ingenti, & inaudita audacia vitiatum est, & inique detortum. Do integrum Martyris locum, ex Libro de Unitate Ecclesiæ, in quem dubio procul Interpolator intendit, ut vitandi studium detesteris: *Nemo existimet, bonos de Ecclesia posse discedere. Triticum non rapis ventus, nec arborem solida radice fundatam procella subvertit. Inanes paleæ tempestate jactantur, invalidæ arbores turbinis incurfione everuntur. Hos*
exc-

execratur, & percutit Joannes Apostolus dicens: Ex nobis exierunt, sed non fuerunt ex nobis; si enim fuissent ex nobis, mansissent utique nobiscum Hinc hæreses, & factæ sunt frequenter, & sunt, dum perverſa mens non habet pacem, dum perfidia discordans non tenet unitatem. Fieri verd hæc Dominus permittit, & patitur, manente propriæ libertatis arbitrio, ut dum corda, & mentes nostras veritatis discrimen examinat, probatorum fides integra manifestâ luce clarescat. Viden ut. aliam Cyprianus, totoque coelo diversam hypothesim spectat? Ex violatâ, siquidem Ecclesiæ unitate factas hæreses notat, hæreticisque ab ejus gremio avulsis Joannis oraculum accomodat: Launojus utrumque pervertit, mutantque quadrata rotundis, natas ex sinistra oraculi intelligentia hæreses comminiscitur, crudumque figmentum, Cypriani nomine, literis mandat. Et hos homines scribere? hos, inquam, veterum Patrum Traditionem concianare?

Ad Clementem Alexandrinum accedo, Cypriano ut ætate aliquantò superiorem, ita in commendanda divinæ gratiæ potentia, non inferiorem omnino. Sic ille Libro 4. Stromatum scribit: Si quis altercans dicat, & quomodo fieri potest, ut caro imbecilla resistat potestatibus, & spiritibus dominationum? Illud sciat, quod omnipotenti Domino freti, in eoque habentes fiduciam, adversamur potestatibus tenebrarum, et morti. Adhuc te loquente, inquit, dicet, ecce adsum. Vides adjutorem invictum, qui nos defendit. Ut quid porro adjutori invicto, & omnipotenti nostram de hostibus victoriam adscriberet, nisi nobis invicto, & omnipotenti adjutorio præsto esset? Nihil quippè ad victoriam referret adjutoris omnipotentia, virtusque vinci nescia, nisi eam adjuvando commodaret. Et Libro 5. non longè a principio: Quoniam autem alii quidem sunt infideles, alii verd contentiosi, non omnes assurguntur boni perfectionem. Nam neque fieri potest, ut sine libero animi nostri arbitrio, & instructo id consequamur: neque universum positum est in nostra voluntate, quale sit, quod est eventurum: gratiâ enim servamur, sed non absque bonis operibus: sed oportet quidem, cum naturâ apti simus ad bonum, ad id aliquod adhibere studium. Oportet autem mentem quoque habere sanam, & quæ nullâ retardetur pœnitentiâ a boni venatione, ad quod quidem maximè divinâ opus habemus gratiâ, rectâque doctrinâ, castâque, & mundâ animi affectione, & Patris ad ipsum attractione.

Hinc facillè percipis, quem in Clemente Alexandrino sensum habeant phrasæ illæ, quas, nullis pro more notatis Libris,

bris, undecumque corradit audacissimus Criminator, ex Libro 2. *Stromatum*: In nostra, quidem est potestate, ad nostram deduci disciplinam, & parere præceptis, quorum nisi voluerimus esse participes, iræ, & voluptatis nos ipsos dedentes peccabimus. Ex Libro 4. Id est in nostra potestate, cuius ex æquo sumus Domini, & ejus, quod ei adversatur, ut philosophari, vel non, & credere, aut non credere. Per hoc ergo, quod sumus æquæ participes utriusque eorum, quæ inter se adversantur, invenitur fieri posse id, quod est in nostra potestate. Quin etiam præcepta sunt ejusmodi, ut a nobis possint fieri, vel non fieri. Ex libro 7. Omnes quidem ex æquo vocavit, iis autem, qui eximè crediderunt, bonores tribuit eximios. Nisi enim Clementem Clementi contrarii contrarium velis, horum expianationem ex laudata Clementia repetes: ita nimirum, ut fidem, divinorumque mandatorum observantiam, in nostrum omnium potestate positam dixerit, divina maxime opitulante gratia; omneque ex æquo vocatos innuerit generali vocatione, peculiari tamen Patris attractione fidelibus reservata.

Jam, quid Origenes Adamantius, de divinæ gratiæ efficacia, gratuitaque prædestinatione statuerit, neminem puto rerum istarum intelligentem æstimatorem sollicitum habet. Ut enim de cæteris hæresibus taceam, quis nesciat Adamantium Pelagianorum Amasium, errorisque principem, ab Hieronymo nuncupatum in *Dialogis*, & in celebri ad *Cresiphontem Epistolâ*? Imò, quis nesciat turpius illum Pelagio, ac Cælestio delirasse? Iis quippè, gratiam puris hominibus, secundum præsentis vitæ merita dari statuentibus; vitam alteram commentus est Adamantius, qua nondum insertæ corporibus animæ merita compararint, quæ gratiam obtinerent; gratiamque omnium maximam, unionem scilicet hypostaticam, ex præcedentibus assumpti hominis meritis datam effutit. Hunc ergo Launojo, quandoquidem optat, suæ de gratia, & prædestinatione sententiæ Magistrum damus, nec invidemus.

Dicam nihilominus, quod res est: tam elegans interdum efficacis, atque victricis gratiæ commendatio occurrit apud Origenem, ut Augustino præluisse videri posset, si cætera convenirent. Annon gratiæ Vindicis stylo ductum credideris, quod legitur *Homilia 12. in Jesum Nave? De victoria nemo se jactat, nemo suæ virtuti, quia superavit, adscribit: sed scientes, quia Jesus est, qui victoriam tribuit, ipsi in lingua sua non mutiunt. Quod bene intelligens Paulus Apostolus dicit: non autem ego, sed gratia Dei, quæ in me est. Annon eodem fluxit*

fluxisse calamo putes istud alterum, ex *Homilia 20. in Numeros* delibatum? *Audi quomodo ipse dicit*: ecce ego vobiscum omnibus diebus, usque ad consummationem sæculi. Sed nec sufficit, cum esse nobiscum, sed quodammodo vim nobis facit, ut nos pertrahat ad salutem. Ait enim in alio loco: cum exaltatus fuero, omnia traham. Vide quomodo non solum invitat volentes: sed, & cunctantes trahit. Vis autem audire, quomodo trahat etiam cunctantes? Non concessit illi, qui volebat ire, & sepelire patrem suum, nec spatium temporis dedit, sed ait illi: sine mortuos sepelire mortuos suos, tu autem sequere me Quod si amplius vis de hoc cognoscere sacramento, ostendam tibi de Scripturis, quod etiam ipse Dominus Pater dispensationem salutis nostræ non negligit; sed, & ipse nos ad salutem non solum vocat, sed, & pertrahit. Sic enim Dominus dicit in *Evangelio*: nemo venit ad me, nisi quem Pater meus coelestis attraxerit. Sed, & Pater familias, qui misit servos suos invitare amicos ad nuptias filii sui, postquam excusaverunt illi, qui priores fuerant invitati, dixit servis: exite ad vias, & angustos, & quoscumque inveneritis, cogite introire. Sic ergo non solum invitamur a Deo, sed, & trahimur, & cogimur ad salutem. Quod ultimum nisi humanius accipiat, vereor ne in prædicanda gratiæ efficacia, modum exceßerit Adamantius: sed habet, & istud rectam intelligentiam, quemadmodum, & illa Ecclesiæ precatio, inter media sacra, quotannis fundi solita: *Nostras etiam rebelles compelle propitius voluntates*. Annon demum Augustini sententiam putes, si quis tacito authoris nomine, hoc tibi Origenis fragmentum recitet, ex 9. *Homil. in Ezechielem* excerptum? Quia David conscius sibi vitæ immaculatæ, dixerat, quod non debuerat: probasti cor meum, & non est inventa in me iniquitas; tentatus est, & nudatus auxilio, ut videret, quid humana possit infirmitas. Recedente quippe præsidio Dei, ille castissimus, ille mirabilis in pudicitia, qui audierat, si mundi sunt pueri, maxime a muliere; & acceperat eucharistiam quasi mundus, non potuit perseverare, sed in eo repertus est crimine, in quo sibi, quasi continens applaudebat. Si quis ergo conscius puritatis suæ se ipsum glorificaverit, non habens memoriam illius dicti: quid habes, quod non accepisti? si autem accepisti, quid gloriaris, quasi non acceperis? relinquitur, & derelictus discit experimento, quia in his bonis, quorum sibi conscius erat, non tam ipse sui extitit causa, quam Deus, qui virtutum omnium fons est.

Ne-

Neque rectè Origenis de prædestinatione sententiæ officeret, quod ex illo Launojus opponit, habeturque *Libro 1. Explanationum in Epistolam ad Romanos* : Quos præscribit Deus tales futuros, ut Christo se in passionibus conformarent, ipsos etiam conformes, ac similes imaginis ejus prædestinavit, & gloriæ. Eam quippè sermonis formam, non paucis Ecclesiæ Patribus familiarem, a qua etiam non prorsus abstinuit Augustinus, cum gratuitæ prædestinationis dogmate conciliabimus loco suo.



Quarti incunabuli seculi Patres Augustino conciliantur :



ORUM agmen non immerito ducet sanctus Basilius, cognomento Magnus, cujus jam celebrem orationem, toto penè Oriente in altaris sacrificio frequentatam, *capite 7. recitavimus*. Augustinianæ doctrinæ capita, de gratiâ conatus omnes, ac merita præveniente, ejusdemque ad singulos pietatis actus necessitate, quæ erroris dicam audacissimus Aristarchus affricuit, iisdem, ac gratiæ Vindex, & verbis expressit, & rationibus stabilivit, & Scripturarum testimoniis confirmavit, *Homilia 22. de Humilitate* : *Nil tibi relictum est o homo, de quo gloriari possis; cujus gloriatio, & spes in eo sita sit, ut tuas omnes voluntates mortifices, & futuram in Christo vitam quæras, cujus primitias habentes in his nunc sumus per universum in gratiâ, & dono Dei viventes. Et Deus est, qui operatur in nobis velle, & perficere pro bona voluntate Quid igitur te ipsum, dic quæso, extollis, quasi propria babeas bona, cum gratias pro donis agere debeas largitori? Quid enim habes, quod non acceperis? Si vero & accepisti, quid gloriaris, quasi non acceperis? Tibi non innotuit Deus per tuam justitiam, sed tu Deo per ejus bonitatem: Cognoscentes, inquit, Deum, imò magis cogniti a Deo. Tu Christum non per tuam apprehendisti virtutem, sed te Christus per suum adventum. Insequor, inquit, si quo pacto apprehendam, quatenus & apprehensus sum a Christo. Non vos me elegistis, inquit, sed ego vos elegi. An ideo superbis, quod honore affectus es, & acceptam misericordiam ad occasionem arrogantiae rapis?*

Nec minùs eliquatè in *explanatione Psalmi 29. ad illa Davidis verba initio posita: Exaltabo te Domine, quoniam suscepisti me? Et unde, inquit, facultas tibi suppetet te exaltandi? Quoniam tu me præveniens suscepisti. Signatè dixit, suscepisti me, hoc est sublevasti me, & extulisti, superioremque me reddidisti his, qui in me coarantur, & insurgunt. Veluti si quis puerum quemdam imperitum natandi, manu sublimem super aquas ducat. Qui igitur Dei auxilio in sublime tollit oculos a ruinâ, is demùm per animi gratitudinem, Deum se pollicetur exaltaturum bonis actionibus.... Ut decor animæ accedat, & efficaciter perfectiva eorum, quæ necessaria sunt, potentia, divinâ opus est gratiâ. Ut igitur supra dicitur.*

Præf. P. Serry Tom. II.

k k

xit,

xir, quoniam vita in voluntate ejus; sic nunc Deum in reddendis gratis exultat dicens: in voluntate tua præstitisti decori meo virtutem. Pulcher quidem eram secundum naturam, debilis autem factus per peccatum per insidias serpentis admissum, perii. Pulchritudini ergo meæ, quam a te in prima creatione cecepi, addidisti virtutem, eorum, quæ me addecent, effectivam. Hæc Basilius magnus. A quo autem efficaciam fortitur gratia illa, quam & prævenientem, & effectricem; & ad singulos actus tantopere necessariam prædicavit, paucis, sed decretoriis planè verbis, expedit *Libro de Spiritu sancto capit. 8. Auxilium*, inquit, *quod per imperium suæ potentiae operatur in nobis. Quo eleganti epiphonemate, disertissimas quasque loquendi formulas, quæis supremam gratiæ vim elocutus est Augustinus, compendio digestit.*

Cætera quid memorem hujus dogmatis consuetaria, in Augustino ab Launojo censuris inusta, & a Basilio magno diù antea propugnata? Totum Deo tributum ab Augustino, queritur tetricus Censor? Totum quoque Basilius tribuit, in *Regulis brevioribus, Interrogatione 247. Omnia*, inquit, *rectè facta Deo sunt adscribenda, non sibi.* Deum vitam æternam electis impartientem, sua munera coronare, professus est Augustinus; eaque de causa Censoris ferulam subiit? Id ipsum Basilius profitetur in *Psalum 114. Manet requies sempiterna illos, qui in hac vitâ legitimè certaverint, non tanquàm debitum operibus redditum, sed ob munificentissimi Dei gratiam, in quem speraverunt, exhibita.* Indeclinabili, & insuperabili gratiâ hominem agi docuit Augustinus, idque Launojæ nostrum male habet? Docuit, & Basilius, ac pari etiam verborum formâ, *Sermone de libero arbitrio: Impossibile est propriis viribus offendicula versuti hostis vincere, nisi insuperabilis potentia Dei succurrat.* Communi itaque virga utrumque feriat, qui gratiæ Vindictæ violatæ Majorum Traditionis inculat:

Basilio ut sanguinis vinculo, ita doctrinæ consensione jungitur Gregorius Nyssenus Episcopus. De gratiâ, meritis omnibus, conatibus, dispositionibus præviâ, ejus illa vox est, ære digna, in primum versum *Psalmi 135. Quidquid boni, & salutaris a Deo hominibus venit, id universum venit gratiâ, & bonitate illius; cum in nobis nulla ejus accipiendi causa inesset. E contrario cum nos omni improbitatis genere obruti fuerimus, ipse e natura sua nequaquam deservit, sed id, quod est, egit. Neque enim decet eum, qui naturâ bonus est, aliud, quàm quod ex natura sua est, agere.* Mirum dictû! Non modò hominem, nihil de suo adnitentem, vitiorumque cœno demersum prior Deus occupat, ut adnitatur, & surgat; verum etiam, ut ita se in hominem gerat Deus, ex naturæ conditione ducitur; minùsque bonitati suæ, ac majestati consultum

sultum iret, si secus ageret. Quàm efficaci autem, quàm valenti auxilio jacentem hominem erigat, exponit idem Gregorius *Homilia 5. in Cantica*, hanc Sponsi vocem expendens, *surgere, & veni: O vim mandati hujus!* exclamat. Reaple Dei vox est, vox potestatis, quemadmodum in Psalmorum Libro dicitur: *Eccce dabit vocem suam*, quæ vox est potestatis: *ipse dixit, & facta sunt; ipse mandavit, & creata sunt*. Enetiam modò, prolatis ad jacentem verbis hisce, *surgere, ac veni*, mox ex mandato fit opus ipsum. Simul enim, atque vim, potestatemque sermonis illa recepit, exurgit, & adfistit ei, jamque propius ad lumen accedit, quemadmodum is ipse testatur qui eam vocat. Et *Libro de differentia essentiarum, & hypostaseos*, (qui nihil ab *Epistola 43. sancti Basilii ad Gregorium ipsum fratrem suum*, diversum habet) efficacem divinæ gratiæ operationem, intimamque agendi vim enarrat, verbis omnium dilectissimis: Quodcumque ad nos a divina potentia, atque virtute bonum provenit, hæc omnia efficientis gratiæ actionem, & opus esse dicimus, ut inquit Apostolus: *hæc omnia operatur unus, & idem Spiritus, distribuens singulatim, unicuique prout vult*. Si inquiramus autem an a solo sancto Spiritu bonorum subministratio, accepto initio, ita perveniat ad eos, qui digni sint iis bonis, rursus a Scripturâ deducimur ad id, ut subministrationis bonorum, quæ per Spiritum nobis suppeditantur, principem, autorem, & causam Unigenitum Deum esse credamus. Unde verò tam potentes gratiæ necessitas orta fit, rationem assignat Libro de Oratione, illam ipsam, quam ab Augustino traditam carpit audacissimus Criminator: (*Pag. 52.*) *Quare precamur, ut a Deo bonum nobis animi propositum contingat? Quia infirma ad bonum est humana natura, posteaquàm semel per vitiositatem enervata est.*

Sequitur Hilarius Pictaviensis Episcopus, inter gratiæ defensores ab Augustino ipso laudatus. Sic ille ad ea *Psalmi 118. verba, Inclina cor meum Deus in testimonia tua*, gratiæ triumphis complaudit, omnia illi accepta referens: *Omnia Propheta ad munus Dei resultat, sive ut lex justificationum sibi statuatur a Domino, sive ut sibi intelligentia præstetur, sive ut deducatur in semitam, sive ut cor ejus in testimonia inclinetur*. Quibus recensitis, hanc sibi in oppositum factam objectionem exsuflat: *si omnia a Deo sunt, humana ergo ignorantia caret culpa, cum nihil obtinere possit, nisi quod donatum a Deo sumserit*. Sic sanè Patres omnia jam tunc a Deo esse prædicabant, ut iis ipsis calumniis objicerentur, quas secutis inde temporibus Pelagiani, ac Massilienses grandioribus tibiis cecinere. Quo ex uno colligere pronum est, eandem illis, ac Augustino, stetit sententiam, quæ latus iisdem calumniis aperiret. Pergit cœpto Hilarius, & prævenientis gratiæ necessita-

K k k i j . tem

tem exponit, ad eum ejusdem Psalmi versum : *Et veniat super me misericordia tua Domine* : quod a Regio Vate idcirco dictum observat, quia omnia vult a bonitate Dei in se inchoari. Quibus paria habet in primum versum Psalmi 123. *Ad hunc Deum*, inquit, *habitantem in nobis gaudia nostra referamus* : huic, si quid in nobis est, debeamus ; a beato Paulo edocti nihil nostrum existimandum, dicente : quid enim habes, quod non accepisti ? Si autem accepisti, quid gloriaris, quasi non acceperis ?

Quid ergo altera illa Hilarii sententia sonet, quæ Launoji oculos feriit, ex Canone 6. in Matthæum excerpta, satis ex dictis intelliges : *De nostro igitur*, inquit eo loci eloquentiæ Rhodanus, *est beata illa æternitas promerenda : præstandumque est aliquid ex proprio, ut bonum velimus, malum omne visemus*. An enim contrarium sibi met ipsi Hilarium reputabimus, qui cum omnia Dei esse, nihil nostri, tam disertè antea pronunciaverit, *nostra* modò, & *propria* merita ambitiosius extollit ? Minimè gentium. Quia, & hoc divini muneris est, ut Dei dona fierent merita nostra. Hinc Augustinus Libro 1. ad Simplicianum questione 2. *Ut velimus enim, Et suum esse voluit, Et nostrum ; suum vocando, nostrum sequendo*. Sed de his alias.

Nunc quo te, Athanasj, piaculo taceam, qui ut Æternum Dei Verbum, prædestinationis, & gratiæ fontem, toto pectore ebibisti, ita secretiora gratiæ, & prædestinationis arcana posteris resecasti ? Sanè Augustinus gratiæ prædestinationis exemplum a Christo petiit, atque inde luculentissimam rationem derivavit, ut hanc in solam Dei misericordiam refundendam ostenderet : *Est etiam*, inquit, *Libro de Prædestinatione Sanctorum capite 15. præclarissimum lumen prædestinationis, Et gratiæ, ipse Salvator, ipse Mediator Dei, Et hominum homo Christus Jesus* : qui ut hoc esset, quibus tandem suis, vel operum, vel fidei præcedentibus meritis, natura humana, quæ in illo est, comparavit ? Respondeatur quæso ! ille homo, ut a Verbo Patri cœterno in unitatem personæ assumptus, filius Dei unigenitus esset, unde hoc meruit ? Quod ejus bonum qualecumque præcessit ? Quid egit ante, quid credidit, quid petiit, ut ad hanc ineffabilem excellentiam perveniret ? Sicut ergo prædestinatus est ille unus, ut Caput nostrum esset ; ita multi prædestinati sumus, ut membra ejus essemus. Humana hic merita conticeant, quæ perierunt per Adam ; Et regnet, quæ regnat Dei gratia, per Jesum Christum Dominum nostrum, unicum Dei Filium, unum Dominum. Quisquis in Capite nostro præcedentia merita singularis illius generationis invenerit, ipse in nobis membris ejus præcedentia merita multiplicata generationis inquirat. Totum id ex Athanasio delibatum dixeris. I. cunda adversus

Arija-

Arjanos Oratione, ubi hanc illorum blasphemiam multis exagitat: *Cum Deus præcognosceret eum Christum bonum futurum mutavisset, tu illi hanc gloriam daver, quam homo postmodum ex virtute merebatur; & quasi jam tum opera ejus extarent, quæ providebantur a Deo, talem eum jam statim in præsentia voluit fieri.* Imò, si benè conjicio, Semipelagianorum cavillationes, ex Arjanæ blasphemiae confutatione distinctius occupavit Athanasius: ii quippè ad futuram meritum præscientiam, tanquam ad extremum vallum, cæteris depulsi munimentis, confugiebant.

Neque tatis Athanasio fuit, gratuitam per omnia Christi Domini prædestinationem stabilire, omni meritum, ex unionis gratia germinantium prænotione, Incarnationis consilium antevertere, penitus ablegata: nos ipsos pari omnino forte ex æternitate in eo prædestinatos ostendit, nullo operum nostrorum intuitu, sed hujus unius meritum habita ratione; nosque idcirco electos, ut sancti essemus, quia jam ex animi benevolentia destinaret, ut cum Christo nostrum omnium Capite regnaremus. Locum integrum exscribere non pigebit ex tertia *adversus Arianos Oratione*, haud longè a fine. *Creans igitur nos per Verbum suum omnium rerum Deus, cognita habens nostra melius quàm nosmetipsi, prospiciens nos bonos quidem creatos, sed postea tamen prævaricatores futuros præcepti sui, ejiciendosque ex paradiso ob contumaciam; ipse ut humanus, & bonus, jam antea instituit in Verbo suo nostræ salutis procuracionem: ut quamvis decepti a serpente excideremus, non tamen penitus extincti maneremus, sed habentes in Verbo jam antè præparatam nobis redemptionem, & salutem, iterum resurgentes immortales perseveraremus; cum Filius pro nobis initium viarum creatus fuisset, & qui primogenitus est creatura, primogenitum se fratrum reddidisset: & qui primitiæ est mortuorum, resurrexisset. Id beatus Apostolus ille Paulus scribendo ita esse docet, dum illa Proverbii dicta, ante ævum, & priusquam terra fieret, exponit in sua ad Timotheum Epistola: Collabora Evangelio secundum virtutem Dei, qui nos liberavit, & vocavit vocatione sua sancta, non secundum opera nostra, sed secundum propositum suum, & gratiam, quæ data est nobis in Christo Jesu, ante tempora æterna: manifestata est autem nunc per illuminationem Salvatoris nostri Jesu Christi, qui destruxit quidem mortem, illuminavit autem vitam. Ad Ephesios item: Benedictus Deus, & Pater Domini nostri Jesu Christi, qui benedixit nos in omni benedictione spiritali, in cœlestibus in Christo: quemadmodum elegit nos in se, ante jacta fundamenta mundi, ut sancti essemus, & incontaminati coram ipso; quum jam animi benevolentia prædestinasset, ut nos sibi in filios adoptaret per Jesum Christum.* Quo-

Quomodo igitur elegisset nos antequam fieremus, nisi, ut ipse dixit, in ejus animo jam antea præfigurati, delineatique fuissetus? Ex Athanasii itaque Theologia, nullius nisi Christi Domini meritorum prænotio, æternum prædestinationis nostræ consilium antevertit.

Porrò quo jure prædestinationis nostræ liberalitatem, ex Christi prædestinationis liberalitate, non secus ac Augustinus, repetit Athanasius; ita efficacia gratiæ firmitatem, ex Christi gratiæ firmitate derivat. Quare illum idcirco gratiâ donatum existimat, non modò; ut eam in membra transtunderet, verùm etiam, ut quam in ipso obtinet firmitatem, eandem obtineret in nobis. Quam verò *indeclinabilem, & insuperabilem* Augustinus appellat; hanc ille *inademptibilem* dicitur, pari omnino sensu, atque sententia. *Ipse sibi, Athanasii verba sunt Oratione 4. adversus Arianos, quasi data confretur (Deus Verbum) quæ humanitus acceperat, ut eo, qui Dominus erat, accipiente, & in ipso donatione istarum rerum residense, gratia ipsa firma permaneret. Nam quod merus homo accipit, id ei eripi potest: cujus rei specimen in Adam vidimus: quippe qui illud, quod acceperat, perdidit. Ut autem gratia inademptibilis esset, firmaque hominibus custodiretur, ea de causa hanc donationem, ut propriam sibi arrogat, dicitque se potestatem accepisse ut hominem, quam semper habet ut Deus.*

Veniat ex intima Syria sanctus Ephrem, a summis Ecclesiæ Patribus, Gregorio Nysseno, Amphilochio, Chrysostomo celebratus; & quam mente gereret de gratia, & prædestinatione sententiam popbis aperiat. In Augustiniano dogmate statuendo totus est piissimus Pater, Opusculo de Timore Dei; ubi Gentiles præ Judæis electos docet, nulla meritorum ratione habita, sed ex uno Dei vocantis imperio, nutu, ac libera voluntate; utque supremam auctoritatem ostenderet; nulli prorsus reprehensioni obnoxiam: quod petita ex sacris literis eleganti figurâ confirmat. Luculentiora verba sunt, quàm ut argutiis, aut sinistris interpretamentis eludi queant: *Dic mihi, inquit, cur Jacob primogenituram a Manasse ablatam transfuleris in Ephraim? Hanc pretio Jacob mercatus erat, & gratis eam Ephraim tribuit. Et in hoc neque Manasses culpandus est, nec Ephraim in admiratione habendus; sed potius donantis auctoritas, in quem non cadit reprehensio, suspicienda est. Quis igitur Gentium primogenituram reprehendere tentat? Quod si Judæi id facere voluerint, reprehendant primum, quod Manasse adempta sis. Qui enim eam ab eo abstulit, non peccavit, ut suam in eo auctoritatem ostenderet. Ademit autem illam ipsis, quia peccaverant, ut justum suum judicium in eo declararet. Quod si a nemine coargui possit Jacob, quamvis a Manasse, qui non peccaverat, primogenituram abjici-*

abstulerit; quomodo ipsum quisquam reprehendere audebit, qui ut justus iudex primogenituram a Judæis, qui Dominum occiderant, abstulit? Jam si gentem integram, pro nutu, atque imperio seligat, ut donantis auctoritas ostendatur, nec tamen illatam sibi injuriam causatur altera: quidni privatum quemcumque libuerit, seliget pro arbitrio, nec tamen contrà hiscere, atque mutire cæteri audebunt? Æquè enim conferendorum donorum Dominus est, seu privatis hominibus, seu integris gentibus conferantur; æquè illi in singulos summa potestas, summum imperium.

Eandem animo Theologiam imbiberat Ecclesiæ Græcæ Theologus Gregorius Nazianzenus; ac tamquam Apostolicæ doctrinæ caput, sacris ad populum declamationibus explicabat; ut hominum sibi plus æquo tributium elationem retunderet. Extat ea de egregium fragmentum Oratione 31. ubi Apostoli oraculum versans, ad Romanos 9. *non volentis, neque currentis*, ita suos alloquitur: *Quoniam enim nonnulli sunt, qui ob rectè facta ira animis efferuntur, ut id totum sibi ipsis adscribant, nec quidquam Creatori, & sapientiæ eorum auctori, ac bonorum omnium suppeditatori acceptum ferant; his verbis eos docet Apostolus, quod ipsum etiam rectè velle divino auxilio indigeat; imò, ut rectius loquar, voluntas quoque ipsa, & electio eorum, quæ recta, & cum officio conjuncta sunt, divinum quoddam beneficium est, atque a Dei benignitate manans. Idcirco ait, non volentis idest non solum volentis, nec currentis solum, sed etiam miserentis Dei. Ita quoniam velle quoque ipsum a Deo est, optimo jure totum Deo assignavit. Quidni igitur in Gregorium censuram Launojus exercet, a quo nedum doctrinæ summam, verum etiam sermonis formam, mutatus est Augustinus?*



C A P U T XXIII.

Quarti cadentis sæculi Patres, & quinti incuntes, Augustino suffragati ostenduntur.



VETUS est illa, ac diu ante Launojum a nonnullis structa calumnia, Joannem Chrysostomum procul ab Augustino de divina gratia placitis abiisse, imò puris, putisque Semipelagianorum erroribus prælusisse. Mihi verò Doctoris eximii codices diligentius evolventi longè aliter visum est; tantamque eos inter doctrinæ consensionem reperire contigit; ut quo jure Augustinum, eloquentiæ majestate, Ecclesiæ Latinæ Chrysostomum voco; eodem planè Chrysostomum, incorruptæ de divinis Auxiliis doctrinæ professione, Ecclesiæ Græcæ Augustinum nil dubitem appellare.

Incorruptam ejus, castamque, de initio vocationis, & fidei, sententiam produnt pauca hæc ex multis selecta testimonia, quæ gratiam humanis quibusque conatibus præviam, qualem ab eo negatam nonnulli putant, disertissimè proficitur.

Homilia 1. in Epistolam 1. ad Corinthios, ita Apostolum loquentem inducit: Cum Ecclesiam persequer; & depopularer, vocatus sum. Hic ejus quidem, qui vocat, est univrsus; ejus autem, qui vocatus fuit, nihil est, ut semel dicam; nisi solum quod, obedierit. Per voluntatem. Dei. Deus enim hoc voluit, ut sic vos salvæ essetis. Nos enim nihil rectè egimus, sed per voluntatem Dei salutem invenimus, & quoniam ei visum est, vocati fuimus, non quoniam digni eramus. Ecquis, quæso, Apostoli vocationem præviis ejusdem conatibus tribuat, cum non modò nihil ad fidem conaretur, sed contra fidem adniteretur?

Homilia 3. in 2. ad Corinthios. Deum augmenta gratiarum idcirco collaturum ostendit, quod iniuria contulerit, Ipse est, inquit, qui nos in Christo confirmat, hoc est, qui nos a fide, quæ in Christum est, dimoveri non sinis, atque ipse etiam est, qui nos unxit, spiritumque in cordibus nostris dedit, qui tandem non futura quoque daturus est? Nam cum principia, & materiam, ac radicem, hoc est, veram ipsius cognitionem, ac Spiritus participationem largitus sit, qui fieri potest, ut non ea etiam largiatur, quæ ex his oriuntur?

Homilia 1. in Epistolam ad Romanos, gratiam prævenientem con-

con-

conceptissimis verbis adstruit: *Non igitur Apostoli fuere, qui egregia illa facinora præstiterunt, sed gratia illos præveniens.* Et Homilia 13. in Joannem: *Non enim nostris præcedentibus meritis hanc accepimus remuncrationem, sed gratia Dei, quæ semper in beneficiis priores sibi partes vendicat, neque solum quod facti sumus ex nihilo, sed quod facti, & facienda didicerimus.* Et Homilia 71. in idem Joannis Evangelium, ad illa Christi Domini verba: *Sicut ego dilexi vos, inquit: Non enim vestris præcedentibus meritis debitum persolvi, sed ego incæpi.* In eundem planè sensum Homilia 38. in Genesim, de Chananza ex occasione sermonem habens: *Neque responso, inquit, dignatur eam misericors, & clementissimus Dominus, alioquid preces nostras semper præveniens.* Cur porro Deus ita se in hominem gerat; cur conatus, preces, ac merita antevertat, rationem elegantem indigitat, Homilia 7. in Epistolam 1. ad Timotheum, ex divinæ bonitatis conditione petitam, quæ priorem se a nobis occupari non patitur: *Tanta est, inquit, divina bonitas, ut ipsa sola sufficiat ad rationem, & causam amandi, non expectatâ, nec requisita causa ex parte eorum, qui amantur.*

Erit fortassè qui dicat, Chrysostomum in cæteris quibusque bonis operibus, gratiæ prævenientis necessitatem agnovisse, excepta nihilominus fide, quam a communi bonorum operum sorte exceptam voluerit. Verùm solitum illud Massiliensium effugium præcludit sanctissimus Pater, de fide haud aliter, quàm de reliquis statuens. Præsto est locus insignis Homiliæ 12. in caput 4. Epistolæ 1. ad Corinthios, cujus hæc ipsa verba sunt: *Acceptum ergo babes, non hoc, aut illud, sed omnia quæ babes, etiamsi fidem dicas, ea extitit ex vocatione, etsi dicas remissionem peccatorum, si dona, ac charismata, si docendi rationem, omnia inde accepisti. quid ergo babes, inquit, quod non habes acceptum? At ipse ex te recte cepisti. Non potes hoc dicere; sed accepisti: propterea te effers, & tibi places? Propter idipsum verò oportebat te intra fines modestiæ continere. Non enim tuum est, quod datum est, sed ejus, qui dedit. Si enim accepisti, ab illo accepisti. Si autem non tuum accepisti, quid magnifice, ac præclare de te sentis tanquam habens tuum? Luculentius multò, Libro de Virginitate cap. 42. idipsum expedit Chrysostomus, ex Apostoli Pauli sententia: *Non ais (Paulus) Consilium do, ut fidelis effectus, sed ut cui Domini clementiâ fidelem esse datum sit. Ne Apostolatium solum, præconium, & magisterium Dei munificentia putate. Nam ipsum etiam credere mihi ejus clementiâ quæsitum est. Non enim, inquit, qui dignus essem, fidem accepi, sed cui misericordia modo contigisset. Misericordia autem gratiæ est, non ex merito. Itaque nisi permisericors esset**

Deus, non tantum Apostolus, sed ne fidelis quidem unquam effici potuissem. Viden' servi gratitudinem, animumque contritum, ut nihil sibi ceteris plus arroget; quin id etiam, quod sibi cum discipulis commune esset, fidem, suum esse neget, sed Dei clementiæ, & benignitatis?

Quæ cum ita sint, quoties apud Chrysostomum legis, expectare Deum bonas hominum affectiones, conatus, initia, ut gratiam merentibus largiatur; de gratia utique subsequente dictum accipe; quam videlicet pulsantibus, petentibus, adnitentibus largitur Deus; tametsi nonnisi opitulante gratia præveniente, & adnitantur, & petant. Aliàs Chrysostomum Chrysostomo repugnantem habebis, qui nulla in homine bonæ voluntatis initia novit, opæ gratiæ non elicitæ. Sicubi autem in voluntatis arbitrio positum innuit, ut bonum aliquod exerat; salvis gratiæ iuribus dictum puta: nec enim alio sensu id humanis viribus relictum existimat, quàm posita gratia. Mentem in aperto ponit sanctissimus Pater *Homilia 22. in Genesim*: Nonnè manifestum, inquit, sua quemque voluntate, vel malitiam, vel virtutem eligere? Nam nisi ita esset, & natura nostræ potestas insita esset, neque illos puniri, neque istos virtutum retributiones accipere oportebat. Verùm quia in nostra voluntate totum, POST GRATIAM DEI, relictum est, ideo, & peccantibus supplicia proposita sunt, & bene operantibus retributiones. Priores itaque partes gratiæ esse voluit; nec nisi iis positis, cætera voluntatis arbitrio permisit.

Haud minùs probata Chrysostomo gratia suapte naturà victrix, qui disertissimos quosque loquendi modos, Augustino familiares usurpavit, ut vim ejus intimam, efficaciam, potestatem superari, ac vinci nesciam, enarraret. Decretorium plane est, quod habet *Homilia 9. de laudibus divi Pauli*: Videmus, inquit, plures ad defensionem suæ ignaviæ prætextu tali uti; & quando eos adhortamur, ut illuminentur, & ad meliorem vitam convertantur, atque ad alia id genus bona opera, respondere quasi cunctabundos, & resistentes: si Deus volet, persuadebit mihi, & convertar. Annon ita subindè argumentatos vidimus Adrumeti Monachos, lecta Augustini ad Sixtum Epistola, qua intima illa gratiæ vis commendatur? Annon ita in Augustini discipulos, secutis indè temporibus, disputatum? Eandem igitur Chrysostomi, ac Augustini hypothesein fuisse necesse est, quæ iisdem planè calumniis, atque argutiis petebatur. Neque enim quisquam, efficaciam ex voluntatis assensu pendulæ defensores iis incommodis laceßivit. Quid verò Chrysostomus importunis arguatoribus? Hos, inquit, non arguo, sed valde probo, quod ad voluntatem Dei confugiant. Vellem autem nos etiam nostra asserre, & tunc dicere, si Deus voluerit.

Eo-

Eorum itaque sententiam probat, qui conversionem, & persuasionis efficaciam, in divinam ita revocant voluntatem, ut ad ejus imperium certissimè consequatur; modò tamen nullam, indè pravi homines, torporis, atque desidiæ ansam arripiant.

Iis gemina sunt, quæ leguntur *Homilia 2. in Psalmum 50. Dicit Deus*, (inquit S. Pater) *nolo adulterum esse adulterum: & statim ipsius sermo in opus prodit. Dicit: fornicator non jam sit fornicator: & statim ipsius sermo mores ejus immutat, ac peccatum retundit: atque ut hoc ita esse intelligas, dixit: Cælum fieri volo: & cælum factum est. Terram fieri volo: & substantia illa ex nihilo in orum producta est. Angelos fieri volo: & Angelorum agmen confestim exiit. Quid? Substantias intelligentia præditas, & corpora, quæ prius non erant, ipsius sermo efficit, & peccata solvere non potest? Et *Homilia 8. in caput 2. Epistolæ ad Philippenses*, ad ea Apostoli verba: *Deus est, qui operatur in nobis velle, & perficere*, rem totam paucis constringit: *Et propensionem*, inquit, *voluntatis ipse nobis dat, & operationem..... Vult enim (Deus) nostram nos ad illius voluntatem aggregare, atque ita, ut vult, urvere. Quod si Deus vult, illud autem, quod vult, ipse operatur, certè hoc quoque operabitur, ac præstabit, ut rectè urvamus. Illa scilicet ipsa sunt, quæ iidem sermè verbis, apud Augustinum habentur: Deo volenti salvum facere, nullum humanum arbitrium resistere; operari Deum in cordibus hominum non solum veras revelationes, sed etiam bonas voluntates; homines non agere modò, sed agi; aliaque id genus, quibus intimæ gratiæ efficacia commendatur.**

Jam totum, in salutis negotio, Deo tribuendum, quod ægris auri-
bus excipit tetricus Censor, ubique passim inculcat Chrysostomus, non secus ac Augustinus: *Libro de Virginitate cap. 36. Quid ergo (dicit Paulus) plus illis omnibus laboravi: vel potius non ego; sed gratia Dei mecum. Non partim suum, partim Dei censet, sed totum Dei. Hoc grati servi est, nihil proprium ducere, sed omnia herilia, nihil suum putare, sed omnia Domini. Homilia 20. in 2. Epistolam ad Corinthios: Videsne Pauli prudentiam? quemadmodum videlicet eorum virtutes efferens, laudem omnem Deo adscripserit? Homilia 15. in Acta: Hoc solum nobis curæ sit, quomodo vincamus diabolum. Imò non nostri studii opus est, sed divinæ gratiæ totum est. Homilia 2. in Epistolam ad Colossenses. Nullus enim ostendit talem vitæ suæ institutionem, & gestionem, ut dignus habeatur regno; sed totum est. ejus doni. Ecce, quæso, totum adscribitur Deo, cum, & nostrum sit aliquid, consensio nimirum, operæque collatio? Nisi quodd, & consensionem, & operæ collationem Dei gratia operatur in nobis, juxta illud Augustini effatum *lib. de grat. & lib. arb.**

LII ij cap. 6.

cap. 6. certum est nos facere cum facimus, sed ille facit, ut faciamus, præbendo vires efficacissimas voluntati. Quod alterum gratiæ se ipsa victricis ab Chrysostomo propugnata argumentum est. Qui enim gratiæ efficaciam ex assensu suspendunt, totum profectò Deo non tribuunt, sed partem plurimam voluntati, quæ gratiam suapte natura versatilem reddidit efficacem.

Quid gratuitam prædestinationem ad gloriam loquar, quæ ut statuti, de gratia se ipsa victrice, dogmatis consuetudinem est, non potuit Chrysostomo non probari? Et quidem efficacem vocationem ad gratiam, meritorumque collationem, ex efficaci, quæ secundum propositum est, ad gloriam prædestinatione colligit; tanquam Deus electis merita largiatur, quia illos destinavit ad gloriam; non contra destinet illos ad gloriam, quod sit illis merita largiturus. Egregius in eam rem locus est *Homilia 3. in 2. Epistolam ad Thessalonicenses*, ubi illud Apostoli versat: *Semper pro vobis oramus, ut Deus noster ista vocatione dignos vos habeat, & omne propositum bonitatis suæ, & opus fidei cum potentia compleat*: quod ille hac præclara commentatione illustrat: *Ut dignetur, inquit, vos vocatione. Non enim fuerunt vocati. Propterea subiunxit: & impleat omnem voluntatem bonitatis suæ. Nam is quoque, qui sordidis erat indutus vestibus, fuit vocatus, sed non mansit in vocatione. Sed propterea magis effectus fuit a vocatione in thalamum sponsi. Nam quinque etiam virgines fuerunt vocatæ. Surgite, (inquit,) sponsus venit, & paratæ erant; sed non sunt ingressæ. Significans ergo quamnam vocationem intelligat, subiunxit, & impleat omnem voluntatem bonitatis suæ, & opus fidei in virtute. Hanc querimus vocationem, (inquit,) Omnem, (inquit,) voluntatem. Hoc est beneplacitum, & quod est persuasum, certumque ac statutum. Hoc est, quod fiat, quod Deo certum est, ac persuasum. Ut nihil vobis desit: ut sitis, ita, ut vult. Et opus fidei in virtute.*

Huic proximè conferendus locus alter, ex *Homilia 2. in Epistolam ad Colossenses*, ubi hoc idem exequitur, alteramque insuper Augustini discipulis familiarem rationem exequitur, quæ Deus, nondum exploratis hominum meritis, eosdem destinare gloriæ dicitur; quod in ejus positum sit potestate, ut illos meritis exornet, ac destinata gloria dignos efficiat: cum contra viri principes, honores, ac publica ministeria subditis collaturi, merita in antecessum explorent, quod illorum conferendorum non habeant potestatem. Chrysostomi, dictum Apostolicum exponentis, *idoneos nos fecit in partem sortis Sanctorum in lumine*, verba sunt. *Magnum est estatus: Talia sunt, quæ data sunt, (inquit) ut non solum dederit; sed etiam ortes, fecerit ad accipiendum. Quod autem dixit, sufficientes fecit*

magnum pondus ostendit. Ut si quispiam Rex factus fuerit, potest cui velit, dare præfecturam, & banc ei solam potest dare dignitatem, sed non eum reddere aptum, & idoneum ad gerendum magistratum: Sæpe autem eum etiam ridiculum facit honor. Si autem eum dignitas aptum fecerit ad bonorem, & idoneum ad administrationem; tunc ea res est honor. Hoc ergo hic quoque dicit, quod non solum nobis dederit bonorem; sed etiam fortes fecerit ad accipiendum. Duplex ergo est hic honor, quod etiam dono aptos fecerit, & idoneos. Non dixit solummodo, qui dedit, sed etiam: Qui sufficientes, & idoneos fecit in partem fortis sanctorum in lumine.... Cur vocat sortem? ostendens, quod ex bonis suis actionibus, & rebus factis nemo regnam assequitur. Sed quomodo fors est potius, boni eventus, ita hic quoque. Nullus enim ostendit talem vitam suam institutionem, & gestionem, ut dignus babeatur regno; sed totum est ejus doni. Propterea dicit sic: & vos cum feceritis omnia, quæ præcepta sunt vobis, dicite: Servi inutiles sumus. Nam, quæ debuimus facere, fecimus. In partem fortis sanctorum in lumine: Hoc est cognitio. Videtur autem mihi simul dicere, & de præsentibus, & de futuris.

Nec omittendum quod habet idem Chrysostomus Homilia 2. in caput 1. Epistolæ 2. ad Timotheum, illud Apostoli versans: vocavit nos vocatione sua sancta, non secundum opera nostra, sed secundum propositum suum, & gratiam; cui præclaram hanc commentationem appingit: Quomodo vocatus es, inquit, vocatione sancta? hoc est, sanctos effecit, qui peccatores, & inimici eramus; & hoc non ex nobis, sed ex divino munere est. Si igitur ille, & potens est vocando, & bonus, idque per gratiam, non ex debito faciendo; nihil est cur metuamus. Qui enim nos, cum perdit, inimicique effemus, salvos per gratiam fecit, multò magis cum operantes viderit, cooperator accedet. Non secundum opera nostra, inquit, sed secundum propositum suum. Nemine cogente, neque consulente, sed ex proposito suo, sola vi suæ bonitatis impulsus, salvos nos fecit, secundum propositum suum, & gratiam.

Chrysostomum tamen totum in ære suo jactat Launojus, cujus unam, alteramque periodum arrodit, ex Homilia 16. in Epistolam ad Romanos, etsi nullum de more locum indigitet. Prior sic habet: Unde ergo alii quidem vasa iræ, alii autem misericordie? a propria voluntate. Deus autem admodum bonus cum sit, in utrisque eandem ostendit bonitatem. Quod adversus gratiam efficacem, bonis, & obsequentibus peculiarem, pronunciatum opinatur. Altera his verbis effertur. Nondum enim natis pueris, cum neque boni fecissent quippiam, nec mali, ut secundum electionem propositum Dei maneret, dictum est illi: Major serviet minori, hoc

hoc enim præscientia est, ab ipsorum videlicet partu electionem facere. Quo dicto gratuitam prædestinationem explosam existimat. At perperam, & incassum. Ecquis enim nesciat, ex voluntate proximè nasci, quoddam bonus, malivè sit homo; quoddam vas misericordiæ, vel iræ? Verùm alia subindè quæstio nascitur, undè demum voluntas id habeat, ut flectatur ad bonum, cum ex quo tempore originis vitio lauciata est, ad malum suapte naturâ propendeat? quam eo loci solvendam sibi non sumsit Divus Chrysostomus, sed laudatis paulò antè locis tractandam reliquit. Utrumque igitur, juxta Augustini hypothesim, æquè constat: & trahi hominem a Deo Patre auxiliis efficacibus, & propria interim voluntate duci. Si tibi proponam quæstionem, inquit ille, Libro 2. contra Literas Periliani capite 84. quomodo Deus Pater attrahat ad filium homines, quos in libero dimisit arbitrio? Fortassis eam difficilè soluturus es. Quomodo enim attrahit, si dimittit, ut quis, quod voluerit eligat? Et tamen utrumque verum est; sed intellectu hoc penetrare pauci valent. Ecquis etiam ignoret, Deum ex æternitate prænosse, qui boni, quive mali futuri sint, illos diligere ante tempora, istos odio protequi; præmia illis, istis supplicia destinare? Annon id millies, cum Chrysostomo, aliisque Patribus, Augustinus inculcat? At aliud præterea quæritur: cur nempe, cum omnes æternæ damnationi nascantur obnoxii, alii quidem ipsorum improbitati permittendi præsciantur; alii, ut inde emergant, immensis gratiæ beneficiis cumulandi? En abstrusum gratuitæ prædestinationis arcanum, in unum Dei beneplacitum refundendum, ipso Chrysostomo iudice, atque hac ipsa in Homilia, quam latenter tetricus Censor arrodit: quemadmodum enim figulus, ait, ex eadem massa, quæ vult vasa, facit, ac nullus contradicit; ita hic eodem ex genere hominum, alios quidem supplicio, alios autem honore dum afficit, ne curiosus, sollicitusque sis causæ perveſtigator: sed hunc adorato tantum, & lutum imitare: ac quemadmodum illud figuli manus sequitur; sic, & tu sententiam ejus, qui hæc dispensat, nihil enim temerè, nec fortuitò facit, ut etiam ignores sapientia arcanum. Tu porro figulo permittis, ut massa ex eadem dissimilia, ac differentia vasa fingat, nec visio veris. A Deo autem rationem exigis tum suppliciorum, tum bonorum? nec concedis, ut sciat ipse quis dignus, quis rursus indignus sit? Sed quoniam eadem massa ejusdem substantiæ est, tu ne easdem voluntates censes dignas esse? quantam hæc quæso insaniam arguunt? Atqui ne in figulo quidem est, ut ex eadem massa prodeat, & quod honoratum, & quod ignominiosum est, sed ab eorum est usu, qui vasa pertractant: quemadmodum, & hic a voluntate. Veruntamen quod prius dixi, in unum hoc solum accipiendum est ipsum exemplum, quod vi-

delicet non oportet Deo contradicere, quin potius incomprehensibili illius sapientiæ concedere.

Ambrosium quod attinet, strenuum illum prævenientis, & efficacis gratiæ defensorum, compendium nobis laboris, & operæ fecit Augustinus ipse; qui ut se illius discipulum proficitur, ita multa ex illo loca decerpit, quæ Pelagianos, ac Massilienses exagittavit, Libro 4. ad Bonifacium cap. 11. Libro de Gratia Christi capp. 44. 45. 46. & Libro de dono perseverantiæ capp. 8. 13. 19. 23. Iis pauca ista adjicere non pigebit, quæ Launojum directò feriant. Libro 1. de Cain, & Abel capite 7. Disce nunc inquit, quemadmodum unusquisque moneatur, ne se ipse autorem suorum putet bonorum. Nedicas, inquit, in corde tuo: virtus mea, & potentia mea fecit virtutem mihi hanc magnam; sed in mentem tuam habebis dominum Deum tuum; quoniam ipse dat vires, ut facias virtutes. Unde bene Apostolus quasi legis interpres non gloriabatur in virtute sua; sed minimum Apostolorum se esse dicebat, & quidquid esset, gratia divini esse, non meriti sui; nihilque nos habere, quod non acceperimus. Quid enim, inquit, habes, quod non accepisti? Et Libro 2. de Abraham capite 10. Concluserunt enim Deus omnia in incredulitate, ut omnibus misereatur; ut non volentis, neque currentis, sed miserantis Dei esset gratia; ne se ipsum iustificaret, sed omnia tribueret Deo, qui se vocavit. Unumquemque, ut vides, monitum ait Ambrosius, ne se ipse autorem suorum putet bonorum: e contrario Launojus institutæ, de adversa Augustiniani Doctrinæ fortuna, historicæ narrationi initium dedit, hac prægravi, viroque Theologo digna sententia: (Pag. 23.) *ad Augustinum usque universum creditum est, ac citra dubitationis aleam positum, nosmetipsos nostræ prædestinationis autores esse.* Totum divini muneris esse monet ille; hic (Pag. 48.) Augustinum illum idem statuentem, erroris, ac novitatis inculcat.

Pergit Ambrosius, & vel ipsas boni cogitationes, ac desideria, Dei dona esse contendit, capite ultimo Libri 1. de Cain, & Abel: *Quidquid autem sanctum cogitaveris, hoc Dei munus est, Dei inspiratio, Dei gratia.* Et in Psalmum 118. *Concupiscimus desiderare, quasi non sit potestatis nostræ desiderium, sed gratia Dei ... Omnis creatura, quacumque bona habet, accepit a Christo, qui totius est author creaturæ.* (Pag. 25.) Ex adverso Launojus ne ipsum quidem velle, & agere divini muneris esse dicitur, & Augustino aliter statuenti erroris notam affricat. Quid tandem? Vocationis gratiam ex Dei nutu, & inæquali mensura dispensatam proficitur Ambrosius loco ante appellato: ergo cui vult, inquit, miseretur, & quem vult, obdurat: hunc miseratus bortatur, illum non revocat execratus. Et Libro 7. in Lucam: *Deus, quos dignatur, vocat, &*
quem

quem vult, religiosum facit. Hanc indiscreta dispensatione, ac pari omnino mensura singulis promiscuè collatam Launojus effuit, tota, a capite ad calcem, malè nata scriptiuncula.

Et tamen, si superis placet, Ambrosii nomen usurpat fervidus Actor, latamque ab eo in Augustinum sententiam obtendit, quòd scripserit Libro 5. de Fide capite 6. Pater quoque non petitionibus deferre solet, sed meritis; quia Deus personarum acceptor non est. Unde, & Apostolus ait, quos præservit, & prædestinavit. Non enim ante prædestinavit, quam præsciret: sed quorum merita præservit, eorum præmia prædestinavit. Et libro 2. de Cain, & Abel capite 3. Redemptor ideo omnibus opem sanitatis detulit, ut quicumque perieris, mortis suæ causas sibi adscribat, qui curari natus, cum remedium haberet, quo posset evadere: Christi autem manifesta in omnes prædicetur misericordia; eo quòd ii, qui peccant, suæ pereant negligentia: qui autem salvantur, secundum Christi sententiam liberentur, qui omnes homines vult salvos fieri, & in agnitionem veritatis venire. Verùm nec aliud statuit Augustinus, quàm quod illic definit Ambrosius, modò in rectam intelligentiam accipiat. De Christi morte, ex gratiæ Vindictæ mente, pro omnibus appetita diximus, cum alibi sæpè, tum maximè capitibus 2., & 7. nec aliud superest quod dicamus. Alterum de gloria, iis a Deo Patre destinata, quos rectè victuros pervidit, ex dictis paulò antè Augustinianum sensum accipit, majoremque ex dicendis proximo capite lucem accipiet.

Hieronymum mendacem faciat necesse est, qui cum Augustino contrarium dixerit. *Mibi autem decretum est te amare, te suspicere, colere, mirari, tuæque dicta quasi mea defendere*: Bethleemici Patris verba sunt, Præfulem Hipponensem compellantis Epistolæ 172. Et certè cum orto paulò antè Pelagio stilum moverit, primusque in eundem victorica arma contulerit; nulla illi lubricatio exit, quàm divinæ gratiæ necessitatem, vires, efficaciam non extulerit. Ex multis pauca delibo, quibus perspicuum fiat, non qualemcumque gratiam ab eo positam esse, sed eam planè, quam ab Augustino propugnatam criminatur Traditionis investigator.

Libro 2. Dialogorum contra Pelagianos: *Ex quo intelligimus, non nostra solum esse potestatis facere, quod velimus, sed, & Dei clementiæ, si nostram adiuvet voluntatem*. Et longè infra: *Ut sciamus Dei esse donum, bonumque, quod gerimus, ego, inquit, plantabo eos, ut nequaquam eradicentur; & ego dabo eis cogitationem, & sensum, ut intelligant me. Si cogitatio, & sensus dantur a Deo, & intellectus Domini ex illius, qui noscendus est radice pullulat: ubi est liberi arbitrii tam superba jactatio?* Et Libro 3. *Salomon loquitur, devolve super Dominum opera tua, &* fir-

firmabuntur cogitationes tuæ. Tunc enim nostra cogitatio confirmatur, quando omne, quod agimus, quasi super stabilem, & solidissimam petram Domini, adjutorium devolvimus, eique cuncta repuramus. Plenius verò nonnullis interjectis : Dominus dicit, ego sum vitis, & vos rami, qui manet in me, & ego in eo, iste affert fructum multum, quia sine me nihil potestis facere. Sicut rami, & flagella vitium illud contabescunt, cum fuerint a matrice concisa : ita omnis hominum fortitudo marcescit, & deperit, si Dei auxilio deferatur. Nemo inquit, potest venire ad me, nisi Pater, qui misit me, traxerit eum. Quando dixit, nemo potest venire ad me, frangit superbientem arbitrii libertatem : quod etiamsi velis ad Christum pergere, nisi fiat illud, quod sequitur, nisi Pater meus coelestis traxerit eum, nequicquam cupias, & frustra nitatur : Simul, & hoc animadvertendum, quod qui trahitur, non spontè currit, sed aut retractans, aut tardus, aut invitus adducitur Longum est si voluero cuncta sacrarum Scripturarum exempla proferre. Totus sermo Sanctorum ad Deum oratio est : tota oratio, & deprecatio extorquet clementiam Creatoris, ut, qui nostris viribus, & studio salvari non possumus, illius misericordia conservemur. Ubi autem misericordia, & gratia est, liberum ex parte cessat arbitrium : quod in eo tantum est, ut velimus, atque cupiamus, & placitis tribuamus assensum. Jam in Domini potestate est, ut id, quod cupimus, quod laboramus, ac nitimur, illius ope, & auxilio implere valeamus.

Epistola ad Ctesiphontem, adversus nascentem Pelagianam hæresim scripta, hoc idem inculcat sanctissimus Pater : Velle, inquit, & currere meum est : sed ipsum meum, sine Dei semper auxilio, non eris meum. Dicit enim idem Apostolus : Deus est, qui operatur in nobis, & velle, & perficere. Et Salvator in Evangelio : Pater meus usque modò operatur, & ego operor : semper largitor, semperque donator est. Non mihi sufficit, quod semel donavit, nisi semper donaverit. Peto, ut accipiam, & cum accepero, rursum peto. Avarus sum ad accipienda beneficia Dei : nec ille deficit in dando, nec ego satior in accipiendo. Quansò plus bibero, tantò plus sitio. Et Epistola 13. ad Cyprianum Presbyterum : Homo a principio conditionis suæ Deo utitur adjutore : & cum illius sit gratia, quod creatus est, illiusque misericordiae, quod subsistit, & vivit : nihil boni operis agere potest absque eo, qui ita concessit liberum arbitrium, ut suam per singula opera gratiam non negaret. Ne libertas arbitrii redundaret ad injuriam Creatoris, & ad ejus contumaciam, qui ideo liberè conditus est, ut absque Deo nihil esse se noverit. Ac tandem, ut cætera mittam, Libro 1. Commentariorum in Epistolam ad Ephesios, ad illum versum capitis 1.

Præf. P. Serry Tom. II.

M m m

In

In quo forte vocati sumus, etiam & nos predestinati secundum propositum ejus, sic habet: Nos homines pleraque volumus facere consilio, sed nequaquam voluntatem sequitur effectus; illi autem nullus resistere potest, quin omnia, quæ voluerit, faciat. Hætenus Hieronymus. Gratia porro, qua, & cognitio, & sensus, & intellectus dantur a Deo; qua posita cuncta Deo tribui intelliguntur, liberumque ex parte cedit arbitrium; quæ detrectantem, ac etiam invitum trahit, & ducit ad Christum, humanæ voluntatis contumaciam, ac superbiam frangit; cui demum nullus obstitit, quominus omnia, quæ voluerit, operetur in nobis: annon illa ipsa est, quam ubique passim vindicat Augustinus, quam Launojus erroris infimulat, carpit, vertitque ludibrio?

Imò memorata ad Ctesiphontem Epistola, divini auxilii necessitatem, ad minimos libertatis actus protendit, intra naturæ ordinem constitutos, atque ex sua ipsorum specie indifferentes: & Pelagianum actorem aliter statuentem durioribus verbis habet, multoque sale defricat. Qua de re haud satis scio, an acrem Pelagianis litem moverit Augustinus: tametsi jugi naturæ Authoris auxilio, ad hæc ipsa egere hominem non ignoro. *Audite quæso, inquit Hieronymus, audite sacrilegum: si, inquit, voluero curvare digitum, movere manum, sedere, stare, ambulare, discurre, sputa jacere, duobus digitulis narium purgamenta decutere, relevare alvum, urinam digerere; semper mihi auxilium Dei erit necessarium? Audi, ingræte, imo sacrilege, Apostolum prædicantem: sive manducatis, sive bibitis, sive aliud quid agitis, omnia in nomine Domini agite Injuriam tibi fieri putas, & destrui arbitrii libertatem, si ad Deum semper autorem recurras, si ex illius pendas voluntate? &c.* Quibus haud mitiora habet sanctissimus Doctor Libro 1. Dialogorum adversus Pelagianos, non longè ab initio.

De gratuita ad gloriam vocatione, ab exploratis in antecessum meritis minimè pendula, imò quæ meritorum electis conferendorum causa sit, explicatio Hieronymi sententia est. Sacrum enim hoc de argumento Scripturarum oracula, non secus ac Augustinus, interpretatur, & in hanc ipsam sententiam flectit. Exemplo sit illud Apostoli ad Romanos 9. *Quid ergo dicemus? nunquid iniquitas apud Deum?* cujus hanc expositionem dat Epistola 7. ad Hedebium quæstione 10. *Si Esau & Jacob necdum nati erant; nec aliquid egerant boni, aut mali: ut vel promererentur Deum; vel offenderent; & electio eorum, atque abjectio non merita singulorum, sed voluntatem eligentis, & abjicientis ostendit, quid ergo dicemus? Iniquus est Deus? secundum illud exemplum, quo loquitur ad Moysen: Miserebor cui misertus fuero, & misericordiam præsta-*

stabo, cui miserebor. Si hoc, inquit, recipimus, ut faciat Deus quodcumque vuleris, & absque merito, & operibus, vel eligat aliquem, vel condemnet: ergo non est volentis, neque currentis, sed miserentis Dei; maxime cum eadem Scriptura, hoc est, idem Deus loquatur ad Pharaonem: in hoc ipsum excitavi te, ut ostendam in te virtutem meam, & annuncietur nomen meum in universa terra. Si hoc ita est, & pro voluntate sua miseretur Israeli, & indurat Pharaonem: ergo frustra queritur, atque causatur, nos vel bona non fecisse, vel fecisse mala: cum in potestate ipsius sit, & voluntate, absque bonis, & malis operibus, vel eligere aliquem, vel abjicere; præsertim cum voluntati illius humana fragilitas resistere nequeat. Quam validam quæstionem, Scripturarum ratione contextam, & penè insolubilem, brevi Apostolus sermone dissolvit, dicens: O homo! tu quis es qui respondeas Deo? Est sensus: Ex eo quod respondes Deo, & calumniam facis, & de Scripturis tanta perquiris, ut loquaris contra Deum, & injustitiam voluntatis ejus incusas, ostendis te liberi esse arbitrii, & facere, quod vis, vel tacere, vel loqui. Si enim in similitudinem vasis fictilis te a Deo creatum putas, et illius non posse resistere voluntati, hoc considera, quia vas fictile non dicit figulo, quare me sic fecisti? Figulus enim habet potestatem, de eodem luto, aut eadem massa, aliud vas in honorem facere, aliud in contumeliam.

Exemplo quoque sit illud alterum ejusdem Apostoli ad Ephesios 1. Elegit nos in ipso ante mundi constitutionem, ut essemus sancti, et immaculati coram ipso: quod ita in adornatis ad eam Epistolam Commentariis interpretatur: Non ait Paulus, elegit nos ante constitutionem mundi, cum essemus sancti, et immaculati, sed elegit nos, ut essemus sancti, & immaculati, hoc est, qui sancti, & immaculati ante non fuimus, ut postea essemus Non eliguntur Paulus, & qui ei similes sunt, quia erant sancti, & immaculati; sed eliguntur, & prædestinantur, ut in consequenti vita per opera, atque virtutes, sancti, & immaculati fiant. Quod et si adversus Origenis errorem ex instituto scripserit Hieronymus, Semipelagianam tamen hypothesim ex æquo petit. Si enim idcirco Deus electos prædestinat ad regnum, ut sancti sint; non itaque futuræ sanctitatis præscientia prædestinationis est causa, sed potius consecrarium.

Illud demum Christi Domini oraculum expendens Hieronymus, quo Tyrios, & Sidonios poenitentiam acturos declaravit, si hæc ipsa apud illos miracula edidisset, quæ patraverat in Judæa, ita divinorum judiciorum altitudinem demiratur ad caput 11. Matthæi: Querat prudens lector, et dicat: si Tyrus, et Sidon, & Sodoma potuerunt agere poenitentiam ad prædicationem Salvatoris,

ris, signorumque miracula, non sunt in culpa, quod non crediderunt; sed vitium silentii in eo est, qui acturis pœnitentiam noluit predicare. Ad quod facilis, et aperta responsio est: ignorare nos iudicia Dei, et singularum dispensationum ejus sacramenta nescire. Non itaque, Hieronymo iudice, futurorum meritorum, bonarumve dispositionum prœnotio, vocationis, aut electionis est causa, sed una Dei secreta voluntas, quæ sua pro nutu dona dispensat. Equidem prædicantibus demum Apostolis, post Christi in cœlos ascensum, Tyrii, & Sidonii crediderunt: at interim quot antea morte sublati perire, qui visis Christi miraculis credidissent?

Et hîc rursus ex adverso obstrepit pseudo-Traditionis fabricator, varia in oppositum Hieronymi dicta ingerens, ac nullum, ut asolet, locum appellans. Quantum tamen conicere licet, hæc ipsa sunt, quæ sequuntur. *Libro 1. Commentariorum in Epistolam ad Galatas*, ad hæc prioris capitis verba: *cum autem placuit ei, qui me segregavit*, sic habet de Jacob, & Esau: *Ex Dei præscientiâ evenit, ut quem scit justum futurum, prius diligit, quam oriatur ex utero; et quem peccatorem, oderit antequam peccet. Non quod et in amore, et in odio iniquitas Dei sit; sed quod non aliter eos habere debeat, quos scit, vel peccatores futuros esse, vel justos. Epistola 3. ad Damasum: Dedit eis liberum arbitrium, dedit mentis propriæ libertatem, et ut viveret unusquisque non ex imperio Dei, sed obsequio suo: id est, non ex necessitate, sed ex voluntate, ut virtus haberet locum, ut a cæteris animantibus distaremus, dum ad exemplum Dei permissum est nobis facere, quod velimus. Unde, et in peccatores æquum iudicium, et in sanctos, aut justos justum præmium retribuitur. Libro 13. Commentariorum in Isaiam ad caput 49. Dei enim est vocare, et nostrum credere: nec statim si nos non credimus, impossibilis Deus est: sed potentiam suam nostro arbitrio derelinquit, ut justî voluntas præmium consequatur.*

At nemini cuiquam negotium ista facessent, qui mentem ad laudata superiùs testimonia intentam attulerit. De primodiximus, dum de Chrysostomo ageremus; nemini scilicet dubium esse, quin Deus ex æternitate prænoscit, qui boni, quive mali futuri sint; quin illos diligit ante tempora, istos odio prosequatur. En primam, simplicemque quæstionem, de qua nemo unquam dubium movit. Verùm alia statim emergit abstrusior, quæ magna in hanc diem ingenia fatigavit: cur, cum omnes æternæ damnationi ex æquo nascantur obnoxii, a qua nemo potest nisi per Dei gratiam liberari, alii quidem in malâ perditionis relinquendi prævideantur; alii, ut inde caput exerant, gratiæ beneficiis exornandi? Hanc, quæ altioris indaginis est, eo loci non attigit Hieronymus.

Qua-

Quare dato brevi illo responso, subjunxit e vestigio : *Et hæc quidem simpliciter dicta sunt , & absque ulteriori dissertatione possunt utcumque placere lectori : satis nimirum intelligens , aliud longè abstrusius , longè altius superesse , ad integram institutæ quæstionis elucidationem , investigandum . Alterum ex Epistola 146. petatum , ad liberi arbitrii defensionem unicè dictum est , salvis nihilotenus , testisque divinæ gratiæ juribus : alioqui cum iis apertè pugnaret , quæ paulò antè ex Dialogis , & ex celebri ad Ctesiphontem Epistolâ recitavimus . Unde , & illa ipsa , quæ primâ fronte duriora videri poterant in objectâ sententiâ , unumquemque nimirum vivere , non ex imperio Dei , sed obsequio suo , ita statim exposuit , ut de tyrannico imperio liberum arbitrium perimente , dictum ostenderet : id est , inquit , non ex necessitate , sed ex voluntate . Ultimum haud aliter accipiendum . Credere quidem nostrum est ; at præcedente vocatione , non qualicumque , sed illa ipsa , qua Pater trahit ad Christum ; de qua Hieronymus Libro 3. Dialogorum : *Etiamsi velis homo ad Christum pergere : Nisi Pater meus cœlestis traxerit eum , nequidquam cupias , & frustra nitatur .* Cæterum quod sequitur , *Deum omnipotentiam suam nostro arbitrio derelinquere* , tametsi minùs fortasse limatum , rectam nihilominus , ex memoratis sanioris doctrinæ principiis , intelligentiam mutuatur ; nihilque , ex Hieronymi mente , sibi vult aliud , quàm ultrâ divinæ potentiæ auxilium , nostræ etiam voluntatis arbitrium desiderari . Verùm si in sensum a nonnullis recentioribus excogitatum accipiatur , uti profectò Launojus accepit , ut suam Deus omnipotentiam arbitrio nostro subiciat , ac veluti donet , ut ea , seu veriùs donis ejus pro nutu , atque imperio utamur , damnata proscriptaque assertio est . Quod ne quis invidiose magis , quàm verè adnotatum existimet , latæ censuræ decretum subijcio .*

Feria 5. die 23. Novembris 1679.

IN Congregatione generali S. R. , & Universalis Inquisitionis , habitâ in Palatio Apostolico Montis Quirinalis , coram Sanctissimo D. N. Innocentio Papa XI. , ac Eminentissimis DD. S. R. E. Cardinalibus in universa Republica Christiana , adversus hæreticam pravitatem Inquisitoribus generalibus , a sancta Sede Apostolica specialiter deputatis . Cum supradictis Eminentissimis , & Reverendissimis Dominis delata fuerint duæ propositiones , scilicet : Deus donat nobis omnipotentiam suam , ut ea utamur , sicut aliquis donat alteri villam , vel librum : Et , Deus subijcit nobis suam omnipotentiam : eorundem jussu , per Theologos ad id specialiter deputatos , diligenter examinata fuerunt : quorum votis auditis , &

re Sanctissimo Domino nostro relata, & coram sua Sanctitate proposita, unâ cum votis ipsorum Eminentissimorum, & Reverendissimorum Dominorum S. R. E. Cardinalium, Sanctitas sua decrevit, & mandavit, ut ambæ propositiones omninò prohiberentur; sicut eas præsentî Decreto damnat, & prohibet, ut temerarias, ut minimum, & novas; mandatque ne quis deinceps, cujuscumque sit gradus, ordinis, aut conditionis, illas, vel illarum alterutram audeat imprimere, vel imprimi facere, sive scriptis, aut etiam oretenus docere, vel asserere, sub pœnis, & censuris in Indice Librorum prohibitorum contentis, aliisque sanctitati suæ benè visis.

Franciscus Richardus Sanctæ Romanæ, & universalis Inquisitionis Notarius.

Patrum superiorum temporum Traditionem constantium claudet agmen Sanctus Cyrillus Alexandrinus, Augustino ætate suppar, imò uno, alterove anno superstes; eidemque in prædicanda divinæ gratiæ liberalitate, efficacia, proximè conferendus. Quid hac ejus sententia disertius, quid luculentius, Libro 4. Commentariorum in Isaiam oratione 2. ? Ut lutum nos figulo cedimus, ut, quod ipsi visum est, operetur. Transfert enim citra laborem quocumquæ voluerit, quæ nostra sunt; & a turpioribus ad id, quod honestum est, animum transformat, nobisque cor novum immittit, extirpato priore. Nimirum ejusmodi quidpiam dixit voce Ezechielis: evellam cor lapideum ex carne ipsorum, & dabo illis cor carneum, id est, tenerum, & sequax Et quid ita mirum, aut incredibile videri debet, si hominis mentem pro suo arbitratu aliter fingat, ac fabricet, qui manu cælum firmavit? Hoc scilicet est, quod voluit Augustinus, novoque Censori stomachum movit; Deo volenti saluum facere nullum humanum arbitrium obistere; penesque illum stare humanorum cordium, quæ voluerit, quò voluerit, quando voluerit, inclinandorum, omnipotentissimam potestatem. Quid hoc alterum dicam, ex Libro 5. eorundem Commentariorum excerptum; quo, & gratuita electio, & intima vocationis efficacia conceptissimis verbis declarantur? Providentia Dei servatus est quisquis inter Judæos erat salute per Christum dignus: Nimirum divinus Paulus gratuita electione partem aliquam desumptam fuisse dicit, & secessionem, ac segregationem quadam, tanquam ex omni Judæorum regione reliquias Israelis irretitas, & illaqueatas. Si quid ejusmodi ex Augustini stylo fluxisset; si gratiam homines irretire, & illaqueare, alicubi fortè significasset sanctissimus Doctor; quàm subitus isto Censoris capiti fervor accessisset! At ringatur licet, frontemque fectat, cætera Cyrilli testimonia perpendamus.

Libro de Adoratione in spiritu duplex auxilii genus, perinde ac Augustinus, distinguit; alterum quidem in mera suasionem menti im-

ti immiffa, & admonitione pofitum; alterum longè fortius, & efficacax, quo voluntatis pervicacia fuperatur, ac frangitur. Ita quipè illud *Genefis 19. apprehenderunt Angeli manum ejus*, præclare interpretatur: *Indicium autem tibi fit valdè manifefturn, dum non folis verbis nos extimulat, & adhortationibus menti immiffis, ut difcedamus a peccato; fed tantam benignitatem nobis exhibet univerforum Salvator Deus, ut efficaci fubfidio adjuvet, fecundùm quod fcriptum eft: apprehendifti manum dexteram meam, & in confilio tuo deduxifti me. (Pf. 72.) Nam quoniam hominis natura non valdè generofa eft, neque facilis idonea, ut malum fugere queat, fimul quodammodò nobifcum certat Deus, & duplex concedere beneficium videtur, perfuadens admonitionibus, ut fubfidium inveniamus; & fortius illud præftans, quàm ut malum præfens, & violentum prævalere poffit.*

Gravia funt hæc, fed fient eorum, quæ dicturus fum, comparatione leviffima. Neddùm gemina illa Auguftinianæ doctrinæ capita Cyrillus afferuit; verùm etiam illa ipla eorundem confectaria, quæ gravioribus, frequentioribusque cenfuris Launojus inuffit, pari dicendi forma, pari animi fententia propugnavit. Certè quàm invidiofe Auguftini interpretationes, de Chrifti morte pro iolis fingulorum generibus oppetita, deque fufa pro iolis electis oratione, (quarum fenfum 2., & 7. capite planum fecimus) traduxerit tetricus Cenfor, nihil ultra attinet per cenfere. Intercalaris querela illa eft, fingulo quoque capite recantata. Porro Cyrillus hoc idem Scripturarum oraculis interpretamentum dedit, *Libro 11. Commentariorum in Joannis Evangelium*; illud ejufdem dilecti Difcipuli dictum recolens, ex *Epiftola 1. Canonica capite 2. v. 2.* Ipfe eft propitiatio pro peccatis noftris: non pro noftris autem tantùm, fed etiam pro totius mundi. Verùm, inquit, *beatus Joannes, quoniam erat Judæus, ne pro Judæis tantùm paracletus effe Dominus apud Patrem videretur, non autem etiam pro aliis gentibus, quæ vocatæ, obfecratæ funt: neceffariò pro toto mundo adjecit, id eft pro omnibus, qui per fidem vocati ad juftitiam, & fanctificationem perveniunt. Dominus autem nofter Jefus Chriftus fuos a non fuis feparans, pro eis, inquit, tantummodo, qui verba mea fervant, & jugum meum acceperunt, rogo. Nam quorum mediator, atque Pontifex eft, ipsis tantummodò mediationis bonum, non injuria attribuit: quos etiam datos fibi fatetur.*

Alterum Auguftini dictum, haud minori invidia exceptum ab audaci Criminatore, illud profectò eft, quo fecutam ex originis vitio peccandi neceffitatem afferuit, nifi inter præfentis vitæ tentationes divino auxilio muniamur: cujus perindè fenfum in aperto pofuimus *capp. 2. 3. 7.*, & pervulgato Innocentii I. effato confirmavi-

maximus : *Necesse est, ut quo auxiliante vincimus, eo iterum non adjuvante, vincamur.* Vido jam quid ea de re statuat Cyrillus Alexandrinus, *Libro de Adoratione in spiritu.* Ubi Deus manum quasi contrahit, & auxilium suum suppeditare nobis cessat, necessarium quodammodo est, nos etiam in mala involuntaria incidere, & omni virtute excidere, & subire quasi alterius jugum, & in tanta provenire mala, ut prope necessarium sit, etiam intellectum, qui nobis ad omne bonum servit, & intra nos habitat, deperire.

Num ista, cæteraque supra laudata, ex Augustino delibavit Cyrillus Alexandrinus, haud satis scio : imò minus verisimile arbitror, Græcum hominem Latini hominis codices deflorasse. Id tamen satis compertum, digna prorsus esse, quæ ex summi gratiæ Vindictis calamo fluxerint,



CAPUT ULTIMUM.

Familiares priscis Ecclesiæ Patribus loquendi formulæ, ab Launojo frequentius objectæ, cumulatius expenduntur, & cum Augustini sententia conciliantur.



Ameti veterum testimonia, a spuris Traditionis Confarcinatore, miserè corrasa, & in præposteros sensus ignoranter accepta, singulatim, pro re nata, hæcenus exposuerim, ut suam unicuique intelligentiam redderem: facturum tamen me operæ pretium existimavi, si frequentiores eorundem loquendi formulas, ab Launojo ambitiosius ostentatas, ad incudem revocarem; & quàm parùm Augustino repugnent, cumulatius ostenderem.

Sunt illæ admodum quatuor, non modò citatis ab eo Patribus, verùm etiam aliis plerisque superiorum temporum Tractatoribus familiares, quibus latam in gratiæ Vindicem sententiam arbitratur.

Prima, eaque omnium frequentissima, illa est, qua Deus illos eligere dicitur, quos religiose victuros præcivit; imò idcirco illos eligere, quòd tales aliquandò futuri præciti sint. Quæ verba, ut primùm Launojo Patrum aliquem lætanti in oculos incurrunt, quasi ridente Minerva, ac secundo sibi favente Mercurio, in Augustinum confestim illidit, ineluctabili veluti telo conficiendum. Miranda profectò Theologi Parisiensis eruditio! qui has ipsas loquendi formulas Augustino uti contrarias opponit, quas ipsemet identidem usurpavit, etiam quo ex tempore a pristino Massiliensium errore resiliit, novaque, ut ait, luce perfusus gratuitam prædestinationem imbibit animo.

Sic Libro 1. ad Simplicianum quæstione 2. Nemo eligitur, nisi jam distans ab illo, qui rejicitur; unde quod dictum est: quia elegit nos ante mundi constitutionem, non video quomodò sit dictum, nisi præscientia. Licet autem Libri illi ad Simplicianum Episcopum dati, non ita ut posteriores, limati, atque purgati videantur; utpote qui sub Episcopatus initium, & unius liberi arbitrii tuendi studio editi sint: in iis tamen, repudiato jam errore pristino, veram Christi gratiam triumphasse monet Augustinus ipse; suosque ad illos identidem æmulos misit letho proximus, rectam divinæ prædestinationis, & gratiæ intelligentiam percepturos. Quod is

Præf. P. Serry Tom. II.

N n n

min⁹

minùs æque, imo imprudenter egisset, si eas in illis loquendi formulas usurpasset, quæ rectum in sensum, ac defenatis ultimò dogmatibus consonum, flecti non possent. Lege *Lib. de Prædestinatione Sanctorum* cap. 4. *Lib. de Dono perseverantiae* capp. 20. & 21. *Lib. 2. Retractionum* cap. 1.

Sic *Tractatu* 42. in *Joannem*, diù post adeptum Episcopatum, exutumque Massiliensium errorem adornato, ista sub finem habet: *Quod ergo ait Dominus: qui est ex Deo, verba Dei audit, propterea vos non auditis, quia ex Deo non estis: non naturarum merita discrevit, aut præter suam animam, & carnem, aliquam naturam in hominibus, quæ peccato vitiosa non esset, invenit: sed quoniam præscierat, qui fuerant credituri, ipsos dixit ex Deo, quoniam regenerationis adoptione renascerentur ex Deo. Ad hos pertinet: qui est ex Deo, verba Dei audit. Quod verò sequitur: propterea vos non auditis, quia ex Deo non estis, eis dictum est, qui non solum peccato vitiosi erant (nam hoc malum commune erat omnibus) sed etiam præcogniti, quod non fuerant credituri, ea fide, qua sola possent a peccatorum obligatione liberari. Quapropter præsciebat illos, quibus talia dicebat, in eo permansuros, quod ex diabolo erant, id est, in suis peccatis, atque impietate morituros, in qua ei similes erant: nec venturos ad regenerationem, in qua essent filii Dei, hoc est, ex Deo nati, a quo erant homines creati. Secundum hanc prædestinationem locutus est Dominus: non quoddam aliquem hominum invenerit, qui vel secundum regenerationem jam esset ex Deo, vel secundum naturam jam non esset ex Deo. Quo quid apertius?*

Sic *Sermone* 100. de verbis Domini, illud Apostoli ad Romanos 11. recolens: reliqui mihi septem millia virorum, qui non curaverunt genua ante Baal, sic Deum loquentem inducit: Ego illos elegi, quia vidi mentes illorum de me præsumentes, non de se, non de Baal.

Quid plura? Cùm ea in rem suam verterent Massilienses, quæ scripserat pius Pater *Epistola* 102. secunda Paganorum questionem satisfaciens, tunc voluisse hominibus apparere Christum, & apud eos prædicari doctrinam suam, quando sciebat, & ubi sciebat esse, qui in eum fuerant credituri: tantum abest, ut a dictis resilierit, ut iisdem steterit multo magis; tamen nihil hæc gratiæ prædestinationi officere, demonstraverit *Libro de Prædestinatione Sanctorum* capite 9. Cernitis me sine præiudicio latentis consilii Dei, aliarumque causarum, hoc de præscientia Christi dicere voluisse, quod convincenda Paganorum infidelitati, qui hanc objecerant questionem, sufficere videretur? Quid enim est verius, quàm præscisse Christum, qui, & quando, & quibus locis in eum fuerant credituri?

ruri? Sed utrum prædicato sibi Christo, & se ipsi habituri essent fidem, an Deo donante sumturi, id est, utrum tantummodo eos præscierit, an etiam prædestinaverit Deus, quærere, ac differere tunc necessarium non putavi.

Hæc Augustinus, quo maximè tempore gratuitam prædestinationem tuebatur. Parem priscis Ecclesiæ Patribus loquendi rationem usurpat, & a se pridem usurpatam cum hoc ipso dogmate cohærere demonstrat. Quidni itaque Patres ipsos gratuitæ prædestinationi adstipulatos concedamus, tametsi hanc ipsam sermonis formam tenuerint? Quidni hæc ipsa interpretamenta, quæ Augustini voces in rectum sensum accipimus, veterum quoque sententiis commodemus? Tria porro admodum accommoda dari possunt.

Primum ab Augustino subministratum istud est, ut nimirum Deus eos eligere censeatur, quos in ipsum credituros, ac sanctè, pieque victuros præscivit, præscientia videlicet effectrice, æterno, & efficaci decreto nixa, quo pietatem, sanctitatem ac fidem se illis collaturum constituit; quæ nihil idcirco ab ipsamet prædestinatione distinguitur, qua Deus ea ipsa præscisse dicitur, quæ fuerat ipse facturus. Aliquando, inquit, Augustinus Libro de dono perseverantiæ capite 18. eadem prædestinatio significatur etiam nomine præscientiæ, sicut ait Apostolus: non repulit plebem suam, quam præscivit. Hic quod ait, præscivit, non rectè intelligitur, nisi prædestinavit, quod circumstantia ipsius Læctionis ostendit. Loquebatur enim de reliquiis Judæorum, quæ salvæ factæ sunt, pereuntibus cæteris In hac ergo electione, & in his reliquiis, quæ per electionem gratiæ factæ sunt, voluit intelligi plebem, quam propterea Deus non repulit, quia præscivit. Hæc est illa electio, qua eos, quos voluit, elegit in Christo, ante constitutionem mundi, ut essent sancti, & immaculati in conspectu ejus in charitate, prædestinans eos in adoptionem filiorum. Nullus igitur, qui hæc intelligit, negare, vel dubitare permittitur, ubi ait Apostolus, non repulit plebem suam, quam præscivit, prædestinationem significare voluisse. Præscivit enim reliquias, quas secundum electionem gratiæ fuerat ipse facturus. Hoc est ergo, prædestinavit. Sine dubio enim præscivit, si prædestinavit; sed prædestinasse, est hoc præscisse, quod fuerat ipse facturus. Quid ergo nos prohibet, quando apud aliquos verbi Dei Tractatores legimus Dei præscientiam, & agitur de vocatione electorum, eandem prædestinationem intelligere?

Alterum interpretamentum istud esto: ut nimirum propositiones illæ simpliciter concedantur: Deus illos vocavit, elegit, prædestinavit, quos pios, religiosos, ac sanctos futuros esse præscivit: modò ne hac unica assertione plenam, & integram Mysterii prædestinationis enodationem stare concedatur; sed alia præterea quæ-

N n n ij stio

stio secretior, atque sublimior investiganda, solvendaque supersit. Negari quippè non potest, Deum ex æternitate prænovisse, qui boni, quive mali futuri sint; illis præmia, istis supplicia destinasse. At eo semel constituto alia longè difficiliora animum pulsant: 1. Quo medio, illorum quidem bonitatem, istorum pravitatem ex æternitate prænoverit? Num in ipso voluntatis suæ decreto, quo se, & illorum bonitatem operaturum, & istorum malitiam permitturum esse constituit: num potius in ipsa cujusque indifferenti, atque versatili voluntate? 2. Cur, (cùm omnes ex æquo iræ filii, atque æternæ damnationi nascantur obnoxii) isti quidem in sua ipsorum improbitate relinquendi, illi ab eadem eripiendi prævideantur, ac decernantur? Abiis quippè investigandis plerique Patrum abstinuere. Atque ad hanc normam exigendas puto plerasque veterum sententias, qui missa implexarum quæstionum tractatione, nudè, ac simpliciter pronunciarunt, Deum illos vocasse, elegisse, prædestinasse, quos pios, religiosos, ac sanctos futuros esse præsciebat.

Tertium interpretamentum accedit, iis Patribus accommodandum, qui paulò intimiùs prædestinationis arcanum attigere: nec modò Deum illos elegisse, atque prædestinasse pronunciarunt, quos pios, ac religiosos fore præsciebat; verùm etiam illos idcirco eaque de causa prædestinasse, quòd tales illos futuros esse præscierit. Ii quippè non modò præscientiam, & prædestinationem agnovere, sed illam insuper istius causam statuerunt. Quocirca ut in rectum sensum adducantur & ipsi, ex Doctore Angelico (*Par. 1. Quæst. 23.*) scire juvat, in operibus electorum a Deo prævisis, duplicem causæ rationem spectari posse, meriti nimirum, & finis. Primum ergo, si causam, ut schola loquitur, meritoriam inspexerimus; ordo divinæ providentiæ erga electos gemina graduum varietate distinguitur; quorum alii gratiæ justificantis susceptionem antecedunt, ut dilectio, vocatio, electio, prædestinatio: alii justificantis gratiæ receptionem consequuntur, ut gratiæ augmentum, justitiæ incrementum, æternæ felicitatis adeptio. Si ergo de gradibus justificationis gratiam præeuntibus sermo veniat; negandum planè operum prævisionem, causam illorum meritoriam a Patribus dici, ne Pelagianis accessisse videantur, Deum merita nostra in sua præscientia elegisse statuentibus. At si de gradibus justificationis gratiam consequentibus ratio ineatur, concedendum ultrò, priscos Ecclesiæ Patres, causam illorum meritoriam in operum prævisione posuisse: ita nempe, ut Deus, ex illorum sententia, decreverit ante tempora, illis se gratiæ, ac justitiæ incrementa daturum, qui primo justificantis gratiæ dono benè usuri prævisi sunt; ac subindè, ob merita benè servatæ justitiæ, æternæ felicitatis præmia largiturum.

Hæc

Hæc itaque recta, hæc sana verborum illorum intelligentia, sicubi Patres occurrunt : *Idcirco Deus quosdam elegit, atque prædestinavit, quod bonos illos futuros esse præscriberet*. Prædestinationis videlicet complementum, in iis gratiam justificantem consequentibus gradibus positum, prædestinationem, & electionem appellant ; totum, ut fieri solet, a præcipua parte nuncupantes. Qui secus statuat, non satis catholicæ fidei consulit.

Cæterum si nos ad causæ finalis contemplationem convertamus, nudam scholæ controversiam ingredimur, tuta fide hinc inde a Theologis agitatam. Seu enim bonorum operum divinæ gratiæ receptionem consequentium prævisionem, finalem electionis, ac prædestinationis causam vocitemus ; ut eos idcirco Deus prædestinavit ad gloriam, quia illos ad gratiam bonorum operum effectricem destinavit in antecessum : seu vice versa, electionem, ac prædestinationem, gratiæ, bonorumque operum inde fluentium finem appellare liceat ; ut propterea quosdam prædestinavit ad gratiam, quod illos prædestinavit ad gloriam : fides perinde in tuto est. Quandoquidem quocumque res cadat, omnia demum in Dei gratiam, atque misericordiam referuntur. Si tamen Patres illos (de prædestinationis fine fortasse locutos) Augustinianæ, ac Thomisticæ Scholæ, hoc etiam in capite, adungere lubet, id unum scito : in negotio prædestinationis duo in Deo decreta secerni, finibus re ipsa, at mentis consideratione distincta. Primum, quofinem intendit, mediaque subinde ad eundem conducentia seligit : alterum, quo, semel præstituto fine, selectisque mediis opportunis, eorumdem executionem imperat. Primum intentionis decretum Scholæ proceres vocant, quo finem sibi ante præstituit, quam media seligat ; hoc est, antè conferendæ gloriæ consilium init, quam auxilia meritaque largiri velit, quæ electi gloriam consequantur : illudque per omnia gratutum statuunt, merita omnia ex gratia oritura antevergens. Alterum executionis, & imperii decretum appellant, quo ex ipsa æternitate decrevit, id se operaturum in tempore, ut prædestinati benè agant, & præstitutum finem per pietatis opera sortiantur : hocque meritis ex Dei gratia sobolescentibus superfruitur. Patres itaque de hoc ultimo executionis, & imperii decreto locutos dicito, ut illos Augustino, in hoc etiam scholarum divortio, concilies. Si quæ tamen habes iis veterum sententiis exponendis aptiora, iis utere ; & hæc nostra, qualiacumque sint, æqui, bonique consule.

Altera plerisque Patrum familiaris loquendi formula, quam Augustino exitialem Launojus existimat, illa est, qua Deus, nulla personarum ratione habita, omnibus universim, atque ex æquo prospicere, favere, consulere dicitur, paremque in omnes beneficentiam

tiam exercere. Et hic quoque fervidi Cenforis eruditio commendanda, hæc ipsa Augustino objicientis, quæ illi cum reliquis communia sunt. *Enarratione in Psalmum 45.* ea Prophetæ verba : *Deus in medio ejus non commovebitur*, hac brevi commentatione illustrat : *Quid ergo est, Deus in medio ejus ? Hoc significat, quod æquus est omnibus Deus, & personas non accipit. Quomodo enim illud, quod in medio est, paria habet spatia ad omnes fines : ita Deus medius esse dicitur, æqualiter omnibus consulens.* Qua itaque sorte, qua lege, qui rectum in Augustino sensum accipiunt, non rectam itidem in cæteris intelligentiam acciperent ? Quadruplicis itaque generis beneficia scito, quibus conferendis Deus, omni personarum delectu posthabito, æquam in omnes munificentiam exercet. Primò, quæ ad naturæ ordinem attinet : de quibus *Martbei 5. v. 45. Ut sis filius Patris vestri qui solem suum oriri facit super bonos, & malos, & pluit super justos, & injustos. Actorum 17. v. 25. Dat omnibus vitam, & inspirationem, & omnia Definiciens statuta tempora, & terminos habitationis eorum. Sapientia 6. v. 8. Non subtrahet personam cujusquam Deus, nec verebitur magnitudinem cujusquam : quoniam pusillum, & magnum ipse fecit, & æqualiter cura est illi de omnibus.* Secundò, exterior ad fidem, & legem Evangelicam vocatio : de qua *Martbei 28. v. 19. Euntes docete omnes gentes, & Marci 16. v. 15. Euntes in mundum universum prædicate Evangelium omni creaturæ.* Tertio, communio Sacramentorum, & in Ecclesiam cooptatio unicuique exhibita, absque sexus, ætatis, ac generis discretione *Actorum 10. v. 34. In veritate comperi, quia non est personarum acceptor Deus ; sed in omni gente, qui timet eum acceptus est illi.* Quarto, præmii retributio, unicuique ex æquo, pro meritum ratione, facienda, nullo personarum delectu habito : *Primæ Petri cap. 1. v. 17. Sine acceptione personarum judicat, secundum uniuscujusque opus. Ad Romanos 10. v. 12. Non est distinctio Judæi, & Græci : nam idem Dominus omnium, dives in omnes, qui invocant illum. Omnis enim quicumque invocaverit nomen Domini, salvus erit.* Iis Scripturarum oraculis, aliisque id genus multis eruditi Ecclesiæ Patres, Deum omnibus universim, atque ex æquo prospicere, favere, consulere pronunciarunt, in eundem omnium sensum. Verùm illos de gratiarum interiorum æqua in omnes, & indiscriminata distributione locutos nemo dicit, nisi qui eos toto officio a Dei verbo aberasse velit. *Martbei 11. v. 25. Confiteor tibi Pater, Domine cæli, & terræ, quia abscondisti hæc a sapientibus, & prudentibus, & revelasti ea parvulis. Ad Ephesios 4. v. 7. Unicuique autem nostrum data est gratia, secundum mensuram donationis Christi. Primæ ad Corinthios 7. v. 7. de dono* con-

continentiæ : *Volo enim omnes vos esse sicut me ipsum ; sed unusquisque donum proprium habet ex Deo , aliis quidem sic , aliis vero sic . Ibidem capite 12. v. 11. Hæc omnia operatur unus , atque idem spiritus , dividens singulis , prout vult . Ad Romanos 12. v. 3. Unicuique sicut Deus divisit mensuram fidei .* Quibus alia ferme sexcenta adjungere pronum esset.

Tertia sequitur propositio Patribus familiaris , qua nempe felicitatem æternam propriis studiis , laboribus , ac meritis obtinendam profitentur . Ecquid aliud , amabð , sibi voluit Augustinus , etiam dum totum ex Deo esse , totumque illi adscribendum asseruit ? *Sermone 169. de verbis Apostoli : Totum , inquit , ex Deo est , non tamen quasi dormientes , ut non conemur , non quasi , ut non velimus . Sine voluntate tua non erit in te justitia Dei . Voluntas quidem non est nisi tua ; justitia non est nisi Dei . Esse potest justitia Dei sine voluntate tua , sed in te esse non potest , præter voluntatem tuam Qui ergo fecit te sine te , non te justificat sine te . Ergo fecit nescientem , justificat volentem . Et Libro 2. de Peccatorum meritis & remissione capite 5. Nec ideo tamen solis de hac re votis agendum est , ut non subinferatur adnitiendo etiam nostræ efficaciam voluntatis . Adjutor enim noster Deus dicitur , nec adjuvari potest , nisi qui etiam aliquid sponte conatur . Quia non sicut in lapidibus insensatis , aut sicut in eis , in quorum natura rationem , voluntatemque non condidit , salutem nostram Deus operatur in nobis . Quare nil vetat totum Dei esse , tametsi studiis , ac laboribus enitendum sit ; quia , & labores , & studia , & quævis hominum merita ex Dei gratia sobolescent .*

Quarta demùm ab Launojo ad ravim usque inculcata , & Augustino millies ad invidiam objecta Patrum assertio , illa est , qua Deus salutem omnium velle dicitur : quasi id pernegasset sanctissimus Doctor , & in contrariam cæteris Patribus sententiam abiisset . At ductà ad umbilicum operà , tædet , pigetque telam illam retexere , ac novo labore redordiri . Repellendæ calumniæ satis illa sint , quæ capitibus 2. & 7. diximus : ubi Doctorem maximum , catholici hujusce dogmatis assertorem , ac vindicem demonstravimus .

Atque hæc de pricipis Ecclesiæ Patribus , Augustino per omnia consentientibus , nimis fortalsè multa . Cui cùm , secutus inde temporibus , Romanos Pontifices , Concilia , Patres pari animi consensione adstipulatos , jam antea probaverimus ; id profectò consequens est , consarcinatam ab Joanne Launojo contrariam Traditionem merum exerrantis ingenii commentum esse , calumniæ , & invidiæ plenissimum , Ecclesiæ catholicæ non minùs , quàm Augustino contumeliosum .

NON negligendum est hoc malum, quod ab occultis, parvisque seminibus augetur quotidie, & ab ortu suo latius, longiusque distenditur: sed studendum est, in quantum Dominus adjuvat, ut fallacium calumniatorum hypocrisis detegatur, qui ex ipsa injurie magnitudine, quam in uno (AUGUSTINO) cunctis, ac precipue Apostolice Sedis Pontificibus intulerunt, ab indoctis, & parum cautis excellentioris scientiæ judicantur, & misero, perversoque successu facilem mendacio consensum eliciunt, quia reverentiam sibi præsumptione pepererunt.

Sanctus Prosper in Prolusione Operis contra Col-
latorem.

DECRETUM

Illustrissimi, ac Reverendissimi D.

CAROLI MAURITII

LE TELLIER

ARCHIEPISCOPI REMENSIS

Adversus Launoji Traditionem de Prædestinatione, &
Gratia e Gallico in Latinum translatum.



CAROLUS MAURITIUS LE TELLIER, gratia Dei Archiepiscopus, Dux Remensis, primus Par Franciæ, Ordinis sancti Spiritus Commendator, Provisor Sorbonæ &c. Clero Sæculari, & Regulari nostræ Diocæsis, SALUTEM, ET BENEDICTIONEM. Pro pastorali nostro conservandi fidei depositi munere, die decima quinta Julii, anni millesimi sexcentissimi nonagesimi septimi, Decretum promulgavimus, in modum Institutionis pastoralis de Prædestinatione, & Gratia, ad hujusce Urbis Theologicam Facultatem directæ. Nobismetipsis pollicebamur, fore ut posthac nulla tractandi ejusdem argumenti necessitas esset: at filere non finit Libellus Leodii anno millesimo septingentesimo secundo, sine privilegio, & approbatione, typis editus cum hoc titulo: *Vera Ecclesiæ Traditio de Prædestinatione, & Gratia*. Expedire verbis, & eloqui non possumus, quàm justo, & acerbo dolore nos affecerit Libellus iste nuper ubique disseminatus. Doctoris Launoji sato functi illum esse nemo unquam nobis persuaserit, cum in eo firmissima pietatis, ac religionis principia labefactentur. Verùm an perperam ejus nomine inscriptus prodierit, omittimus inquirere: hoc unum statuimus, tum auctorem libri, quisquis ille sit, tum qui modò eum in lucem edidit, gravissimi delicti, maximæque apud fideles offensionis reos esse.

Doctrina gratiæ seipsa efficacia in hoc Libello tanquàm periculo.
Præf. P. Serry Tom. II. O o o losa,

lofa, nova, fufpecta, & erronea traducitur : Author Prædeterminationem Sanctorum ex gratuito Dei erga electos propofito non veretur intolerabilis erroris infimulare ; Ecclefiæ definitiones, vel fo- lenniffimas flocci facere ; eifque opinaciones apertam novitatis no- tam præferentes anteponere . Auguftinum, quem Romani Pon- tifices, ut fplendidiſſimum Ecclefiæ lumen ſemper habuerunt, in- digniſſimè tractat, eumque appellare audet novatorem, in ea ma- teria, quam adeo luculenter explanavit, ut ei ſolùm contradicant, qui ſemper reſiſtunt veritati. En infauſti Libelli ideam generalem, cujus ſcriptori tum veteres Gratia Chriſti hoſtes quinto, & ſexto ſæculo, (*Arminiani.*) tum recentiores hacce noſtra ætate ſuo exemplo præxerunt.

Nobis quidem minimè propoſitum eſt tenebricoſi operis aberrationes fuſe proſequi, aut duo ſupra allata doctrinæ capita a temerariis oppugnationibus multiplici argumento vindicare : id quippè jam ſatis ſuperiori Decreto anni 1697. præſtitimus. Præcipuos tantùm infelicitis Authoris errores, in quos cæca eum obſcurandæ veritatis cupido impulit, proponemus ; additis quibuſdam conſiderationibus, quibus, quod modò ſummatim dictum eſt, clariùs, ac diſtinctiùs vobis pateſcet.

Primum occurrit ejus impia de Scripturis ſacris locutio. Eas non minùs veritati conſonas, quàm errori contrarias agnoſcunt omnes Catholici. Huic Chriſtianæ fidei principio contradicens Author non veretur aſſerere, ſingulas, de quibus ibi agit, opinioniones, hoc eſt, Arjanam hæreſim, Rebaptizantium, itemque Millenariorum ſententiam (*Pag. 6. & 7.*) ita *Scripturæ ſacræ auctoritate niri, ut verosimiliſimæ eſſe videantur.* Impium ſane dictum, quo veritas, & mendacium permifcentur, & Apoſtoli oraculo fides detrahitur : *Omnis Scriptura diviniùs inſpirata, utilis eſt ad docendum, ad arguendum, ad corripiendum, ad erudiendum in juſtitia. 2. Tim. c. 3. v. 16.*

Non minùs a vero aberrat, dum contra germanum Scripturæ ſenſum affirmat, (*Pag. 51.*) *Judam, tamenſi eſſet e numero electorum, ſeu eorum, quos Jeſu Chriſto Pater æternus dederat, nibiloſcius periſſe.* Ut error deprehendatur, ſat erit locum Evangelii ſecundùm Joannem capite 17. verſ. 12. quo abutitur, cum aliis ejusdem Evangelii locis contere. *Hæc eſt voluntas, inquit, ejus, qui miſit me, Patris, ut omne, quod dedit mihi, non perdam ex eo, ſed reſuſcitem illud in noviffimo die. Joann. 6. verſu 39. Quos dediſti mihi, non perdiſti ex eis quemquam.* Ibidem capite 18. v. 9.

Ut novæ opinacioni ſuæ fidem conciliet, Scripturam truncare non dubitat. Sic poſt allata divi Pauli verba : (*Pag. 10.*) *veſtram ſalu-*

salutem operamini, sequentia verba, ut sibi aptè contraria, silentio prætermittit : *cum metu, & tremore*, inquit Apostolus, *vestram salutem operamini* ; *Deus est enim, qui operatur in vobis, & velle, & perficere pro bona voluntate. Philip. 2. versu 12. 15.* Neque inconsultò hæc omisit, qui erroribus, quos deinceps divo Augustino (Pag. 25.) tribuit, hunc ipsum annumerat, *Deum videlicet esse, qui operatur in nobis, et velle, et agere.*

Non melius Traditionem, alterunt doctrinæ catholicæ canalem, quam ipsam Scripturam, tractat. Jam ab ipsa præfatione duplicem esse de Prædestinatione, & Gratia opinionem supponit, alteram veram, & orthodoxam ; alteram, quæ est Augustini, falsam, & erroneam. Observandum autem, opinionem, quam ut veram, & orthodoxam venditat ; illam ipsam esse, quam oppugnat sanctus Augustinus ; eam verò, quam ut falsam, & erroneam notat, illorum esse, quos Ecclesia inter celeberrimos Gratiæ Christi defensores numerat. Addit (Pag. 4.) *bas duas opiniones a mille, et ducentis amplius annis permanere, nec bucusque agnitum errorem.* Quis non indignè ferat ab hoc temerario Scriptore auctoritatem Traditionis everti, dum effutit, per mille, & ducentos annos cuilibet errorem in hac materia sequi licuisse ?

Ibidem affirmat, (Pag. 4.) *sancti Papæ de novo Christi post resurrectionem in terris regno opinionem, in Ecclesia per trecentos fere annos, antequam ejus falsitas deprehenderetur, perseverasse ; atque adeo tametsi hæreticam, habuisse auctores, et approbatores, sanctissimos quosque, et doctissimos Christiani orbis viros.* Hos inter sanctos, & eruditos viros facilè recensuerit Justinum, qui quidem Dialogo cum Tryphone declarat se, cum aliis pluribus, Mille-nariorum opinionem sequi : sed non sine mala fide dissimulat sanctum Martyrem eodem loco testari, *complures puræ, ac religiosæ Christianorum doctrinæ viros in alia esse sententia.* Dialog. cum Tryphone pagina 306. Editionis anni 1636.

Pergit eadem temeritate dicere, (Pag. 5.) *innumeros homines etiam sanctitate, ac martyrio insignes, Origenis errores secutos fuisse ; ut omittam, inquit, Arji dogma, quod orbis universus imprudens suscepit.* An Traditionem debito honore colit ; ejusque regulas callet, qui supponit capitales contra fidem errores, longo annorum spatio, majori parti sanctorum Patrum, atque ecclesiasticorum Scriptorum placuisse ?

Antequam conceptum in Augustinum (Pag. 20.) virus evomat, lectoris animum prævenire fatagit, callidè monens, eximium Doctorem a Prædestinationis, & Gratiæ doctrina pertinaciter defendenda tam alienum fuisse, ut potius aliorum judicio se submiserit, *expressisque verbis declaravit, neminem velle se sequi, si forte in*

Ooo ij qui-

quibusdam eum errasse perspexeris. Hæc verba sumsit Author ex Libro sancti Augustini de dono perseverantiæ capite 21. num. 55. ubi sic habet : *Quamvis neminem velim sic amplecti omnia mea, ut me sequatur, nisi in iis, in quibus me non errasse perspexeris.* Cur verò sequentia statim verba non attulit? Nimirum quia ex iis patebat sanctum Augustinum, dum præclarum opus de dono perseverantiæ elucubraret, libros etiam Retractionum fecisse. Quis enim unquam in mentem inducat, illum ultimo vitæ tempore, superiores Libros retractantem, in hoc posteriore aliqua imprudenter posuisse, quæ corrigi vellet? Laudanda certè sancti Doctoris tam demissè hic de se loquentis modestia; sed a ratione prorsus alienum est, his eum verbis Prædestinationis doctrinam significare voluisse. Quantum id ab ejus mente abellet, demonstrant hæc ultima ejusdem capituli verba : *Nimiam igitur contentionis est prædestinationi contradicere, vel de prædestinatione dubitare.* Eodem cap. num. 56. Quibus subjungit capite 23. num. 65. *Ac per hoc prædestinationis hujus fidem, quæ contra novos hæreticos nova sollicitudine nunc defenditur, nunquam Ecclesia Christi non habuit.* Hæc non attendit Libelli scriptor; neque etiam legit, quæ eodem Libro Augustinus tam asseveranter ait : *Hoc scio, neminem contra istam prædestinationem, quam secundum Scripturas sanctas defendimus, nisi errando, disputare potuisse.* cap. 19. num. 48. Hic aperte, vel inscitia, vel malæ fidei esse convincitur Author Libelli.

Idem animadvertens, quàm firma, & valida sit ad fidem prædestinationis, & gratiæ stabiliendam, probatio, quam Augustinus ab orationibus Ecclesiæ desumit, de dono perseverantiæ cap. 23. num. 65. hanc conatur eludere, opposita ei Traditione. En ejus verba : (Pag. 53.) *Fallitur idem Sanctus, dum opinionem suam perpetuam esse fidem Ecclesiæ, eo quod semper Ecclesia filiis suis fidem, aliasque virtutes Christianas a Deo postularit. Neque enim, inquit, hujusmodi consequentiis fidem Ecclesiæ dijudicare debuit, aut probare eam semper, quod ipse docebat, tenuisse; Sed id ex Traditione demonstrandum erat.*

Itaque aperte negat orationes Ecclesiæ ad demonstrandam ejus fidem quicquam conferre. Alia fuit sententia Sedis Apostolicæ in probatissimis Capitulis Epistolæ sancti Cœlestini ad Episcopos Galliæ de prædestinatione, & gratia, adjunctis. Operæ pretium est ipsa octavi Capituli verba hic exscribere : *Prætereas autem beatissimæ, & Apostolicæ Sedis inviolabiles sanctiones, quibus nos, piissimii Patres, pestifera novitatis elatione dejecti, & bonæ voluntatis exordia, & incrementa probabilium studiorum, & in eis usque in finem perseverantiam, ad Christi gratiam referre docuerunt, obsecrationum quoque sacerdotalium Sacramenta respiciamus, quæ ab*

Apt-

Apostolis tradita, in toto mundo, atque in omni Ecclesia Catholica uniformiter celebrantur, ut legem credendi lex statuat supplicandi. (Apud Labb. Tom. 3. pag. 475.)

Si Scriptorem audias, consequentiæ, quas Augustinus ab orationibus Ecclesiæ ad probandam gratiam infert, procul petitz sunt, & obscuræ: attamen, si rem attendas, evidentes, ac necessarias esse comperies. Supponendum quippè, Ecclesiam sibi consciam esse, semperque fuisse, solius esse Dei dare, quod ab eo postulat, cum alioquin ei preces ad id impetrandum nequaquam adhiberet. Quid ergo ab eo postulat, & quid nos cum illa postulamus? *Nempe, ut infidelibus donetur fides, ut idololatrz ab impietatis suæ liberentur erroribus, ut Judæis, ablato cordis velamine, lux veritatis appareat, ut hæretici Catholica fidei perceptione resipiscant, ut Schismatici spiritum redivivæ charitatis accipiant, ut lapsis pœnitentiæ remedium conferatur, ut denique Catechumenis ad regenerationis Sacramenta perductis, cœlestis aula misericordiæ referetur.* Eodem Cap. sub finem.

Et hæc quidem supplicationes ad hanc usque diem publicè in tota Ecclesia catholica, die sancto Parasceves fiunt. Itaque patet Ecclesiæ persuasum semper fuisse, Deum efficere, ut bonum velimus, quandoquidem, ut id in nobis efficiat, precatur; eandemque doctrinam toties solemniter profitetur, quoties in celebrandis divinis mysteriis Deum rogat, *ut nostras etiam rebelles compellat propitiis voluntates. Et ut nobis de multitudine miserationum ejus sperantibus, partem aliquam, & societatem cum sanctis suis, non æstimari meriti, sed misericordiæ largitor donare dignetur.*

Neque verò hæc preces propriæ sunt Ecclesiæ Latinæ: siquidem ante annos plus mille sanctus Basilii magnus Cæsariensis Episcopus ad altare hanc orationem toto pene Oriente usurpatam ad Deum fundebat: *Dona, Domine, virtutem, ac sacramentum, malos, quæsumus, bonos facito, bonos in bonitate conserva. Omnia enim potes, & non est qui contradicat tibi; cum enim volueris, salvas, & nullus resistit voluntati tuæ.* Ex Epistola Petri Diaconi cap. 8. in Appendice ad tom. X. operum sancti Augustini pag. 148. Multum itaque hallucinatur, qui ait *non hujusmodi consequentiis*, id est, ab Ecclesiæ orationibus petitis, *sed Traditione dijudicandam esse fidem*; quasi verò publicæ totius Ecclesiæ preces ad Traditionem non pertineant. Imò verò in his purissima, antiquissima, & universalior Ecclesiæ Traditio constat, qua fit, ut Gratia Christi, quovis tempore, perpetuum ab his quoque sacrorum ministris, qui eidem adversantur, ac derogant, testimonium habeat. Patet igitur, preces Ecclesiasticas potiorē esse partem Traditionis; atque Augustinum rectè ex his comprobare, suam

suam de gratia doctrinam, perpetuam esse fidem Ecclesiæ : *Sicut in his orationibus, inquit, ita, & in hac fide nata est, & crevit, & crevit Ecclesia. Lib. de dono persever. cap. 23. num. 63.*

Non minus errat Author Libelli, cum inter erroneas Augustini, ad novam suam opinionem fulciendam, propositiones, hanc reponit. (Pag. 24.) *Deus vitam dans æternam, propria solum dona sua coronat.*

Si verbis istis significat, Augustini doctrinam esse, quod Deus electis vitam æternam largiendo, nihil ad eorum merita, sed ad sua tantum dona attendat, illum calumniatur. Id enim sanctus Doctor in suis libris tanquam fidei contrarium confutavit, & Concilium Tridentinum *Sess. 6. Can. 32.* damnavit. Non debuit Author ignorare, totam Augustini de gratia doctrinam huc tendere, ut intelligamus : Deum, *Dum coronat merita nostra, nihil aliud coronare nisi merita sua quia eadem merita, quibus corona redditur, non a nobis parata sunt per nostram sufficientiam, sed a nobis facta per gratiam. Epist. ad Sixtum 194. cap. 5. num. 19.* Hoc sensu docuit sanctus Augustinus, quod Deus, ubi vitam largitur æternam, propria sua dona coronat; quæ quidem doctrina passim in ejus libris occurrit, ex quibus in Capitula Epistolæ sancti Cœlestini subjuncta, ac demum in Sessionem sextam Synodi Tridentinæ transiit.

Ibidem Augustini erroribus annumerat ejus dictum, quod *Deus vitam donando æternam, reddit solum gratiam pro gratia.* Quis credat hominem, qui Theologi sibi nomen assumit, ignorare potuisse, hæc ultima verba, *gratiam pro gratia*, esse ex Evangelio Joannis; atque Augustinum illa citando, ea solum merita, quæ non sint dona Dei, exclusisse? Quæ hac de re in ejus *Libro de gratia, & lib. arbit. cap. 8. & 9.* leguntur, sine ullo dubio Scripturæ, Traditioni, ac doctrinæ Concilii Tridentini consentanea sunt.

Postea in eodem Libello hæc verba Augustino affinguntur: *Deus reprobis suas gratias subtrahit, ut obedire cessent.* Legantur Responsiones divi Prosperi ad Excerpta Genuenium; & statim patebit, Authorem hanc calumniam a Semipelagianis mutuatum esse. Hi autem illius struendæ ansam sumserant ex *Libro de dono perseverantiæ, cap. 22. num. 61.* tametsi expresse confutetur eo ipso capite, cujus verba in pravum sensum detorquebant. Eo loco agit Augustinus de modo prædicandæ prædestinationis. Observat autem id odiose fieri posse, cum quis, verbi gratia, diceret : *Si qui obeditis, si prædestinati estis rejiciendi, subtrahentur obediendi vires, ut obedire cessetis.* Hæc sunt verba, quæ Semipelagianorum calumniæ locum dederunt, quam Author Libelli nequaquam suam fecisset, si quæ sanctus Augustinus illic subjungit, attendisset ;

Hoc

Hoc dicere, inquit, quid videtur aliud esse, quàm maledicere, aut mala quodammodo prophetare? Ibidem.

Eodem Capitulo idem sanctus Doctor proponit, qua ratione de iustis non perseverantibus loquendum sit, cum de iis sermo inciderit: *Si qui obediunt, ait, sed in regnum ejus, & gloriam prædestinati non sunt, temporales sunt, nec usque in finem in eadem obedientia permanent.* Ibidem. Quàm falso, & perperam hac in re accusetur Augustinus patet ex iis, quæ eodem Libro habet: *Voluntate sua, inquit, quisque deserit Deum, ut merito deseratur a Deo. Quis hoc negaverit?* Ac deinde: *Voluntate sua cadit, qui cadit, & voluntate Dei stat, qui stat.* num. 12. num. 19.

Nihil æque Scriptoris ignorantiam, ac malam fidem arguit, quàm quod ait, ut probet ab Augustino in materia Prædestinationis novatum esse. (Pag. 20. *Pater, inquit, ex eo, quod respondit, ait, banc sibi opinionem in discutendo quodam Apostoli loco, revelatam fuisse.*

Priorem Augustini de initio fidei sententiam, in qua errabat, cum perpetua ejus, & constanti doctrina de Gratia ad singulos actus bonos necessitate confundit Author Libelli. Divini auxilii necessitatem ad initium fidei non agnovit ante Episcopatum, ut ipsemet declarat in retractatione libri, quem ei opponebant Semipelagiani. Idipsum fatetur in *Libro de prædestinatione Sanctorum*, ubi post citatum Apostoli locum *Primæ ad Corinthios capite 4. versu 7. Quid autem habes, quod non accepisti? Si autem, & accepisti, quid gloriaris quasi non acceperis?* Hæc statim addit: *Quo præcipue testimonio etiam ipse convictus sum, cum similiter errarem, putans fidem, qua in Deum credimus, non esse donum Dei, sed a nobis esse in nobis Quem meum errorem nonnulla opuscula mea satis indicant ante Episcopatum meum scripta, in quibus est illud ubi est Expositio quarundam propositionum ex Epistola, quæ est ad Romanos. Libro de Prædestinatione Sanctorum c. 3. num. 7.*

At certè in Libris, quos in Episcopatus sui exordio, ad Simplicianum Episcopum Mediolanensis Ecclesiæ scripsit, nondum namque Pelagianorum hæresim, quam futuram non noverat, quasi præfocavit; prædicando gratiam, *qua nos Deus liberat a malis erroribus, & moribus nostris, non præcedentibus bonis meritis nostris, faciens hoc secundum gratuitam misericordiam suam.* Quæ sunt ejus verba, *Libro de dono perseverantiæ capite 20. num. 52.* idque adhuc confirmat sequenti capite 21. ejusdem Libri.

Observandum autem, initio capitis tertii *Libri de prædestinatione Sanctorum*, de quo supra tanquàm ab Authore perperam citato mentionem fecimus, unice agi de dono fidei. Et quidem eodem capi-

capite habentur hæc verba : *Nondum diligentius quaesiveram, nec adhuc inveneram qualis sit electio gratiæ*. At non attendit, aut dissimulavit Author Libelli, illa ibidem ex Libro primo Retractionum afferri, quo in Libro capite 23. sanctus Augustinus retractat scriptum, cui titulus : *Expositio quarundam propositionum ex Epistola, quæ est ad Romanos*, ante Episcopatum ejus in lucem editum, quando, ut diximus, divinum auxilium ad initium fidei necessarium esse non putabat. Patet itaque hæc verba Augustini ; *Nondum diligentius quaesiveram, nec adhuc inveneram qualis sit electio gratiæ*, pertinere ad tempus, quod ejus Episcopatum præcessit ; atque adeo Scriptorem ea in alienum prorsus sensum torquere, dum asserit, quod Augustinus, objicientibus eum antea circa prædestinationem, & gratiam in alia sententia fuisse, responderit id accidisse, quia nondum invenerat qualis esset electio gratiæ : cum e contrario certissimum sit sanctum Doctorem in quæstione de gratuitâ electione minimè variasse, postquam semel a Deo plenam gratiæ cognitionem habuit, hoc est, ab exordio sui Episcopatus.

Neque verò ille peculiari quadam revelatione, uti Scriptor contra verum ejus sensum comminiscitur, sed assidua Scripturarum sacrarum meditatione, & lumine ipsiusmet gratiæ adjutus, divini auxilii ad initium fidei necessitatem agnovit : sic enim Deus veritatem quærentibus manifestare solet ; quo sensu dixit, sibi ad Simplicianum de variis circa gratiam quæstionibus scribenti, a Deo revelatum quid de divino adjutorio ad credendum necessariū sentiendum esset ; eamque loquendi formulam non semel adhibuit, ad significandum multa circa mysterium gratiæ, scrutantibus Scripturas, a Deo revelari, ut videre est *Libro de Gratia, & libero arbitrio cap. 1., & 2.*

Sic deprehensâ Authoris Libelli ignorantia, & malitiâ, ibidem quoque pugnancia inter se loqui vincitur. Nam ubi supposuit sanctum Augustinum dixisse, sibi a Deo revelatum, quid de gratuita prædestinatione sentiendum sit, statim subjungit, (*Pag. 21.*) *falsum esse, primum se hujus opinionis inventorem fuisse, atque propriam industriam excogitasse.*

Nusquam Concilium Araucanicum secundum, neque Epistolam Hormisdæ ad Possessorem memorat : sensit quippè hujus sanctæ Synodi Decretis, & responsione Hormisdæ ad consultationem dicti Episcopi, funditus everti systema suum, & quas Augustini partes in hac quæstione audet appellare, reipsa Ecclesiæ Catholicæ partes declarari. Quid verò ab eo expectes, qui veram Ecclesiæ Traditionem de Prædestinatione, & Gratia, ut præfert titulus Libelli, expositorus, præcipua, maximique momenti monumenta, quæ contra ipsum Augustino causam adjudicant, suppressit?

Arau-

Arausiacani Concilii Canones tota veneratur Ecclesia : in iis præcipua doctrinæ catholicæ circa gratiam, & prædestinationem capita exhibentur : ad illos condendos Patres Arausiacani omnia penè verba ex variis Augustini Libris, præsertim, quos adversus Pelagianos fecit, mutuati sunt. Quis ergo non stomachetur, hanc ipsam sancti Augustini doctrinam, dissimulata tam solemnī approbatione, novitatis accusari ?

Non veretur tamen Author Libelli scribere, Augustinum, statim atque opinionem suam protulit, malè tanquam novatorem audiisse ; eique palam objectum, quod a Veterum sensu, & fide Ecclesiæ recederet : multa passim adversariorum maledicta in eum conjecta refert, nec improbat : quin etiam alterere ausus est, ejus doctrinæ a Catholicis contradicendum ; at non alios citat, quam Monachos Aduemetinos, & Vitalem Presbyterum Carthaginensem. Contendit autem istos Monachos minimè suspectos esse ; quod quid est aliud quàm eos ab errore absolvere ?

Scripserat Abbas Valentinus sancto Augustino, quinque vel amplius fratres, ex datâ ad Sixtum Epistolâ offensionem passos esse. In Responso (*epist.* 215.) autem ad Valentinum expressè ait Augustinus, se idcirco tres Monachos, qui ipsum sententiam rogaturi convenerant, aliquantò diutius tenuisse, *ut instructiores ad vos redirent, adversus novos hæreticos Pelagianos, in quorum errorem cadit, qui putat secundum aliqua merita humana dari gratiam Dei, quæ sola hominem liberat per Dominum nostrum Jesum Christum.* De iisdem Monachis non alio sensu loquitur *Libro 2. Retractionum cap. 66.*

Subjungit Author, *Vitalem familiarem Augustino amicum, ita ejus doctrina turbatum fuisse, ut ad eum literas dederit, quibus se non parum eâ commotum esse significaret.* Id tam inscitè non effutiret, si initium Epistolæ 217. sancti Augustini ad Vitalem legisset, ubi expressè notat, se publico rumore didicisse, quod eo loco refert : *Quomodo dicis, quod te audio dicere, inquit, Vidisset quoque ibidem Augustinum a Vitale quærere, quomodo diceret, ut rectè credamus in Deum, & Evangelio consentiamus, non esse donum Dei, sed hoc nobis esse a nobis, id est, ex propria voluntate, quam nobis in nostro corde non operatus est ipse ? Et ad hoc cum audieris, quid est ergo, quod ait Apostolus : Deus in vobis operatur, & velle, & perficere ? Respondes per legem suam, per Scripturas suas, Deum operari, ut velimus, quas vel legimus, vel audimus : sed eis consentire vel non consentire ita nostrum est, ut si velimus, fiat ; si autem nolimus, nihil in nobis operationem Dei valere faciamus.* En quales catholicos Augustino opponit Libelli Scriptor, quos constat esse puros putos Semipelagianos.

Prælect. P. Serry Tom. II.

P p p

Post

Post tot, tantaque errata, turpiter adhuc labitur, dum toto opere non alios sancto Doctore adversarios opponit, quàm Semipelagianos, quos tamen eo nomine minimè designat. Primum in scenam producit Faustum Rejemsem, Semipelagianorum antesignanum, cujus Opera a Gelasio Primo Summo Pontifice proscripta sunt; deindè Gennadium Fausti, ejusque asseclarum laudatorem; postea Casianum Presbyterorum Massiliensium ducem Semipelagianæ hæreseos a sancto Prospero convictum; postremò quemdam Prosperum Tyronem, qui Augustinum hæresis Prædestinatianæ authorem appellat. Nonne qui tales contra Augustinum testes producit, jure merito errorum suspectus habetur, quos sanctus Doctor suis scriptis confutavit, & suis Ecclesiæ decretis condemnavit?

Quidni consulebat sanctum Hieronymum? Audiisset doctissimum Patrem his verbis scribentem Augustino, quem jam cum fidei hostibus manus conferentem, ad plenam de eis victoriam reportandam hortabatur: *Epist. 195. Macte virtute, in orbe celebris: Catholici te conditorem antiquæ rursus fidei venerantur, atque suspiciunt; quod signum majoris gloriæ est, omnes hæretici detestantur: & me pari prosequuntur odio: ut quos gladiis nequeunt, voto interficiant.*

In has Hieronymi laudes suspicio adulationis cadere non potest. Si Scriptor hanc ejus legit Epistolam, vel ex una illa agnoscere debuit castam, omnique labe puram esse doctrinam, quam ipse tam injuriosè tractat.

Concedamus ei, etsi non sine aliqua ejus ignominia, Epistolam sancti Hormisdæ Pontificis, de quâ, ut diximus, ne unum quidem verbum in Libello, illi notam non fuisse: ut sancti Cælestini publicum, atque honorificentissimum de Augustino jam terris erepto testimonium haud ignoravit, quo ejus doctrina ab omni prorsus erroris suspicione libera declaratur: *Nec unquam hunc, inquit, sinistra suspensionis saltem rumor aspersit.*

Siquidem sanctus Doctor (1. Cor. 2. v. 47., 2. Cor. 10. v. 4., & 5.) gratiæ Christi adversarios, non in persuasibilibus humanæ sapientiæ verbis, ut ait Apostolus, sed armis spiritualibus, omnem altitudinem extollentem se adversus scientiam Dei destruere potentibus, oppugnavit. Scripturæ, & Traditioni semper innixus, ut omnipotentis Dei jus, atque imperium in cor hominis tuitus est, ita libertatem humani arbitrii intactam reliquit: hanc per peccatum debilitatam potentiori adjutorio indigere ostendit, non quod naturam destruat, sed fulciat, ac roboret: ex Scripturarum oraculis ita Dei peculiarem erga electos gratiam, ac benevolentiam statuit, ut erga alios, qui ejus beneficiis abutuntur, bonitatem, intra angustio-

stiores limites non coarctet. Hæc summa, & præcipua Christianæ doctrinæ capita passim in ejus libris leguntur; unde minimè audiendus temerarius Scriptor, qui eum in quæstionibus de gratia adversus hæreticos modum excessisse contendit: & nisi quis ea, quæ Adrianus Primus Summus Pontifex circa prædestinationem declaravit, apertè rejiciat, cedendum omninò Ecclesiæ judiciis, & Libri Augustini ab ea summis sæpè laudibus commendati, debito honore recipiendi. Num semper ejus hostibus in memoriam revocanda summorum Pontificum, tum veterum, tum recentiorum encomia, quibus doctrinam ejus extulerunt?

Extat Adriani Primi definitio in Decreto a nobis anno 1697. edito, unà cum aliorum summorum Pontificum excerptis, quibus patet Apostolicam Sedem, quæ de gratia, & prædestinatione docuit Augustinus, solenniter approbasse.

Certè Scriptorem Libelli non fugit Cœlestini Epistola: ejus quippè non uno loco meminit; at pravo, & maligno prorsus consilio, ut ei scilicet, quantum potis est, auctoritatem detrahat. (Pag. 3.) Jam enim ab ipsa præfatione falsum ait, quod *sanctus Pontifex Augustinus culpa liberaris*; & in ipso opere, illum hac celebri ad Episcopos Galliæ epistola (Pag. 94.) *damnasse potius, quam absolvisse* contendit; quæ si tamen attentè legatur, nihil magis a mente, ac verbis Cœlestini alienum dici posse statim patebit.

Falsò supponit, eundem sanctum Pontificem (Pag. 76.) *de novis quæstionibus ab Augustino super gratia, & prædestinatione agitatæ nihil sibi decernendum judicasse*; illas non decisas reliquisse, atque etiam declarasse eas se neque probare velle, neque improbare: quare, inquit, *de iis utriusque in utramque partem disputare licet*. Mirum fanè, Authorem in iis verbis, quæ Cœlestino tribuit, & quæ malà fide exscribit, propriæ temeritatis condemnationem non vidisse. Si enim Cœlestini sunt, ut ipse supponit, qui venit illi in mentem, doctrinam Augustini erroris accusare, de qua concedit, juxta eundem Pontificem, in utramque partem disputari posse? Propius ad veri normam locutus esset, si *profundiores, & difficiliore quæstiones*, ut in laudato Capitulo legitur, *non esse contemnendas* dixisset.

Ex hoc Capitulo malè intellecto perperam concludit, Cœlestinum Papam *sententiam divi Augustini non damnando, copiam fecisse viris eruditissimis illam sustinendi, atque etiam de ea inter se, sine ulla culpa, disputandi*. Si hæc ita essent, verum, & falsum pari loco in Ecclesia haberetur. En ultima Capituli verba attentè ponderanda: *Ad constituendum gratiam Dei, cujus operi, ac dignationi nihil penitus subtrahendum est, satis sufficere credimus quid-*

PPP ij quid,

quid, secundum prædictas regulas, Apostolica Sedes nos scripta docuerunt; ut prorsus non opinemur catholicum, quod apparuit præfixis sententiis esse contrarium. En quomodo Capitulum Author gratiæ efficaciam simul, & dignationem commendat, non solum alienens tenendum esse quicquid ex Romanorum Pontificum Epistolis, & Africanis Conciliis in unum collegit, sed catholicum non esse quod præfixis regulis contrarium deprehenditur: quodque notandum, his verbis collectionem absolvit, ut altius Lectorum mentibus impressa remanerent, ac velut summa doctrinæ præmissis decem Capitulis traditæ haberentur.

Sanè Capitula illa nihil aliud sunt, quàm excerpta Epistolarum Innocentii Primi, & Zozimi, necnon Africanorum Conciliorum ab iisdem Pontificibus approbatorum. Id patet vel ex ipsa Præfatione, ubi expresse dicitur, quod cum nonnulli, de quibus ibi agitur, in damnatis hæreticorum sensibus, seu pravitate, seu impunita demorantes, nihilominus profiterentur tantummodò ea sequi, & probare, quæ Apostolica Sedes contra inimicos gratiæ, per ministerium Præfulum suorum, sanxerat, & docuerat; necessarium idcirco fuisse diligenter inquirere, quid Rectores Romanæ Ecclesiæ de hæresi, quæ eorum temporibus exorta fuerat, judicassent, & contra nocentissimos liberi arbitrii defensores, quid de gratia Dei sentiendum esset, censuissent. Quanto quis diligentius prædicta Capitula legerit, eo plus stupebit, esse aliquem, qui ex iis probare contendat, sententiam divi Augustini de prædestinatione, & gratia, inter opiniones non decisas reponendam. Certè contentanea omnino sunt doctrinæ ab eo contra Pelagianos traditæ: unde Hormisdas Possessorem monens, ut Libros sancti Doctoris consulat, si discere velit quid Romana, hoc est, Catholica Ecclesia de gratia, & libero arbitrio sequatur, & asseveret, statim certa Capitula in scriptis ecclesiasticis asservata memorat: quæ quidem non alia esse videntur, quàm hæc ipsa Epistolæ sancti Cœlestini ad Episcopos Galliæ, subjuncta.

Non debemus hic omittere, quàm impudenter Author Libelli de locis Scripturæ sanctæ Augustino objectis loquens, ausus sit dicere, (*Pag. 62.*) eos optimè intellectos esse: eo quippe sensu, inquit, accipiebantur, quo accepti fuerant ab omnibus antiquis Patribus, id quod contra ipsum urgebant adversarii; & e contrario Augustinum eos in alienum sensum detorsisse; idque etiam dicendum de locis Scripturæ, quos pro se asserbat: atque ita cum utrosque, sensu antiquæ Traditioni, ac perpetuæ fidei Ecclesiæ contrario, intellexisse.

Qua fronte hæc garrit, cum e contra Hormisdas Pontifex Possessori scripserit, necessaria non videri Capitula, de quibus supra, & quæ

& quæ illi offerebat, quandoquidem, inquit, *qui diligenter Apostoli dicta considerat, quid sequi debeat, evidenter cognoscat?*

Postremum Capitulum Epistolæ Cœlestini adjunctorum, in quo profundiores, ac difficiliore partes incurritur quæstionum memorantur, Africanis Episcopis in Sardiniam a Trasmundo Vandalarum Rege Arjano relegatis, non erat ignotum; & tamen disertè ajunt, *contra prædestinationem verò Sanctorum magnæ pervicaciæ esse, aliquem, vel parare, vel habere confictum; cum Apostolica prædicationi nullus audeat refragari.* In *Appendice ad Tom. X. operum sancti Augustini pag. 155.*

Præclari Antistites, & fidei confessores, post præcipua prædestinationis, & gratiæ capita Synodali Epistola explicata, hæc statim adjungunt: *Quæstionem verò animarum, aut faciam debemus relinquere, aut sine contentione tractare: quia sive ex propagine veniant, sive novæ singulis corporibus fiant: quod sanctarum Scripturarum auctoritas non manifeste pronunciat, cum cautela debet inquiri; maxime quod sine fidei detrimento potest a fidelibus ignorari.* Quibus verbis videntur significare, profundiores, ac difficiliore quæstiones in dicto Capitulo notatas, ad quæstionem de origine animæ esse referendas.

Hi pro fide fortiter exilium tolerando, in seipsis, quid in cor hominis valeat divina gratia, ostendebant, cujus victricem potentiam in Epistola tam luculenter explicarunt. At nihilofecius illos despiciatui habet petulans Scriptor, putidamque in Confessores Christi, quos inter erat divus Fulgentius, calumniam procudit. Ait quippè, Augustini discipulos, quos non veretur factionis insimulare, (*Pag. 303. 304.*) *doctrinæ Magistri nimium addictos, quosdam Antistites in insula Sardinia exules ad partes suas traxisse, eisque suasisse, ut Epistolâ Synodali declararent, de fide esse, Deum non nisi electos velle salvare.*

Post tam indignè acceptos fidei generosos defensores, sanctum Cæsarium Archiepiscopum Arelatensem adoritur, non alia de causa, quàm quod ardentissimum se sancti Augustini patronum præstitit, atque ejus doctrinam in Concilio Arausicano Secundo, cui præfedit, conditis Canonibus confirmavit. (*Pag. 105.*) Ait itaque Cæsarii doctrina adeo turbatam fuisse Arelatensem Diœcesim, ut contra eum Valentini Synodus coacta sit, in qua sine dubio damnatus fuisset, nisi Cyprianus Episcopus Tolonensis alique Antistites amici, sententiam ejus benignè explicassent. Ut fabulæ vanitas appareat, sat erit vitam sancti Cæsarii ab ejus discipulis scriptam consulere. (*In sup. citata Appendice Pag. 262.*) Ibi narratur, quod nonnulli invidi doctrinam hominis Dei circa gratiam arrodere, atque

que erroris suspectam reddere incassum tentarunt : Quocirca plures Episcopi Valentiam convenerunt ; cumque sanctus Archiepiscopus ob valetudinem adesse non posset, multos illuc singulari virtute præditos Antistites misit, quos inter sanctus Cyprianus Tolonenſis Episcopus eminebat, qui prolatis Scripturæ sacræ, & sanctorum Patrum testimoniis ostendit, neminem nisi præveniente gratia excitatum viam salutis ingredi posse. Addunt iidem Historici, Bonifacium Summum Pontificem turbas illas, approbatâ Cæsarii doctrinâ, sedasse. Nam, inquiunt, *Et beata memoriæ Bonifacius Romana Ecclesiæ Papa, eadem colluctatione comperta, calcata intentione iurgantium, prosecutionem sancti Cæsarii Apostolica auctoritate firmavit.*

Sanè, missa Sedi Apostolicæ a sancto Cæsario hujus controversiæ relatione, Bonifacius Papa suo Rescripto, ejus sententiam, tanquam sanctorum Patrum, præsertimque sancti Augustini doctrinæ consonam, sua auctoritate firmavit. (*In eadem Appendice pag. 161.*) Cum de hac re, inquit Pontifex, *multi Patres, Et præ cæteris beatorum recordationis Augustinus Episcopus, sed, Et Majores nostri Apostolicæ Sedis Antistites ita ratione probentur differuisse latissima, ut nulli ulterius deberet esse ambiguum, fidem quoque ipsam nobis venire ex gratia Quapropter affectu congruo saluantes, supra scriptam confessionem vestram consentaneam catholicis Patrum regulis approbamus.*

Simili audacia sanctum Prosperum calumniatur Scriptor Libelli, effutiens illum in sua ad Presbyteros Massilienses responsione, doctrinam Magistrum non defendisse, sed deseruisse ; non vindicasse, sed potius condemnasse : quo quid falsius, & gratiæ studiosissimo defensori, qui præclari Magistrum vestigia semper secutus est, injuriosius dici potuit ?

Unum restabat ad summam in Augustinum injuriam, errores scilicet Vvitcleffi ei tribuere. Author Libelli (*Pag. 115.*) post expositam Hæresiarchæ istius doctrinam, quam ait horrendam, ac fidei Catholicæ contrariam apparuisse, perfrecta fronte addit, *Augustini doctrinæ, in iis capitibus, quæ modò retulerat, planè consonam fuisse.* (*Pag. 114.*) Atqui his Vvitcleffi capitibus ab eo relatis pessundatur libertas arbitrii, veteresque omnes in sanctum Doctorem calumniæ renovantur. Et quidem Vvitcleffus tam venerandum nomen sibi arrogare honori ducebat : at quis nesciat, illum, cæterosque posterioris ævi hæreticos, suis erroribus Pauli nomen similiter obtendere ? Pergit itaque Author saluberrimam doctrinam a Romanis Pontificibus, totaque Ecclesia approbatam impiis, & damnatis dogmatibus mutare.

(*Pag. 116.*) Zuinglium unâ cum Luthero, & Calvino, doctrinam Augu-

Augustini ultrà justos limites extendisse ait; qua in re suam magis, ac magis imperitiam prodit. Constat enim Zuinglium fuisse purum putum Pelagianum. Itaque per errorem magistrum habet pro discipulis, qui, mortuo Zuinglio, in controversiis de gratia Calvinum secuti sunt.

Illud verò valdè indignum, atque intolerandum existimamus, quod eo consilio editus in lucem videatur Libellus, ut motæ jam pridem in Ecclesia turbæ, iterum excitentur, & in longum perennent. Id certè Authori propositum fuit, cum ausus est scribere: (*Pag. 126.*) *Ersi Jansenius Iprensis Episcopus nomen dñi Augustini prætenderet, & quam ei tribuebat doctrinam sexcentis ejus Librorum locis clavis, & apertis probaret, ... præcipua ejus theorematata, tam in Galliis, & Hispaniis, quàm in Italia condemnata sunt, nulla inquisitione factâ an revera Augustini essent, necne.*

Quas vidimus solenniter datas doctrinæ sancti Doctori ab Ecclesia universa, summisque Pontificibus approbationes, tanquàm normam præ oculis habuit Clerus Gallicanus in exorta de Libro Jansenii controversia. Comitiorum nostrorum acta legantur, ex quibus patet, Episcopos, acceptis Innocentii X., & Alexandri VII. Constitutionibus, eorum judicio accedentes, expressis verbis Augustinianam doctrinam omni labe puram declarasse. Id constat ex deliberationum Cleri Gallicani, circa Constitutionem, ac Breve Innocentii Decimi, relatione, jussu generalium Comitiorum anni 1655. in lucem edita. Ut enim Clerus vanos prætextus, quibus nonnulli debitam Innocentianæ Constitutioni, per Breve die 29. Septembris 1654. datum explicatæ, obedientiam detestabant, penitus amputaret; hanc suam mentem tam clarè, tamque luculenter aperuit, ut nullus de ejus erga sancti Augustini doctrinam studio, ac reverentia dubitandi locus superfit. Ipsamet actorum verba hic referre lubet: *In præfensi verum statu Comitii placuit, bocce caput, ad solatium fidelium, qui doctrinam sancti Augustini meritis venerantur, clariùs explicandum esse. Hi scilicet verentur, ne doctrina illa ex Constitutione Pontificia aliquod detrimentum patiantur, quem metum nonnulli eis inculcare conantur; at sperandum, subrimidos illos fideles, qui de hac re non ex se ipsis, sed tantùm ex aliorum, quibus fidem adhibent, testimonio judicant, potius Cleri Gallicani, quàm privatorum quorundam auctoritati concessuros; quorum privatorum eruditionis, atque ingenii laus, totius Gallicanæ, imò universalis Ecclesiæ, Jansenii doctrinam aliam esse a doctrina Augustini declarantis, testimonio, nequaquàm præferri debet.*

Ad conservandam in ævum tam luculenti testimonii memoriam, & magis ac magis inculcandum Cleri Gallicani ea de re ju-

re iudicium; prior Formula ad Innocentianæ Constitutionis receptionem, & subscriptionem condita fuit; cui deinde secunda adjuncta est, ad ejusdem Constitutionis, alteriusque Alexandri VII. subscriptionem procurandam. In bina autem illa Formula expressè habetur, damnatam *Janſenii doctrinam*, ab *Augustino* longe distare, quem ille perperam interpretatus est, & contra ejusdem Doctoris sensum.

Iisdem vestigiis Clerus insistens in Comitibus anni 1660. doctrinam Janſenii a doctrina sancti Augustini necessariò distinguendam judicavit. Itaque memoratam utriusque Formulæ clausulam perpendens, declaravit, post decreta fidei adjunctam fuisse, in modum pastoralis instructionis, qua, juxta communem totius Ecclesiæ sensum, doctrinam Janſenii circa quinque propositiones, hæresicos damnari, Augustini verò approbari intelligeretur.

Comitia generalia anno 1700. habita celebris suæ Censuræ initium duxerunt a condemnatione quatuor propositionum, quibus nonnulli inquieti homines geminam Innocentii, & Alexandri Constitutionem minus honorifice tractabant; at in ipso Censuræ prologo monuerunt: *nec interim obliſci par esse, doctrinæ adversus Semipelagianos a sancto Augustino traditæ, quam & Ecclesia Romana suam fecit, & Ecclesiæ Gallicanæ jam inde ab initio commendavit.*

Patet itaque, Clerum Gallicanum errores Janſenii in materia quinque propositionum damnando, antiquam de gratia doctrinam, in Augustini libris rectè explicatam, fartam testam voluisse. Libelli Confarcinator, & qui nuper illum in lucem edidit, tam publica, tamque illustria Ecclesiæ, Clerique Galliani in sanctum Augustinum, quem semper ut Doctorem gratiæ coluit, reverentiæ, atque honoris monumenta, ignorare, aut dissimulare non debebant.

Nemo non videt, temerariis hominibus pacis, ac veritatis inimicis propositum esse, in defensores doctrinæ sancti Augustini suspicionem Janſenismi commovere. Nos eam doctrinam, ut omnes sequantur, eo sollicitius advigilabimus, quo a pluribus oppugnari hostibus animadvertemus; idque juxta antiquum Cælestini monitum ad Episcopos Galliæ: *Resistatur salibus, quos malè crescere videmus.* Hanc doctrinam constat aliam omnino esse a doctrina tamofarum quinque propositionum. Ut autem qui res adeo diversas permiscet, pudore suffundantur, ex una parte, quæ sanctus Ecclesiæ Doctor Augustinus de gratia docuit, sanctè retineri oportet; ex altera verò sincere, ac simpliciter obediendum Constitutionibus Innocentii X., & Alexandri VII. in uni-

universa Ecclesia, præsertim Gallicana, concurrente Regia potestate, acceptis.

In nostra speciatim Diœcesi, prout in cæteris hujus Regni, cum debita reverentia, & submissione acceptæ fuerunt. Jam a primis annis Episcopatus nostri, duos perniciosos Libellos, alterum inscriptum: *Pietatis christiænæ speculum*; alterum: *Continuatio ejusdem speculi*, errores quinque propositionum Jansenianarum renovantes, debita censura notavimus: ex quo tempore non parvum nobis fuit solatium, pristinas contentionum turbas in nostra Diœcesi conticuisse. Conservandæ huic paci, qua feliciter, laus sit Deo, nostra Diœcesis gaudet, magis, ac magis, pro viribus nostris, advigilabimus; qua in re, pro debito nostro, Regiæ etiam voluntati duobus Edictis in Consilio status die 23. Octobris 1668., & quinta Martii proximè elapsi latis notificatæ, morem geremus; atque ad tam optatum finem consequendum, nequaquam tolerabimus importunos, ac malevolos homines, qui viris bonis, doctisque, & Ecclesiasticæ rei studiosis vagam, & invidiosam Jansenismi accusationem inferunt, eo quoque nomine, quod morum corruptelas acriter insecutur; cum nos pro candore, & equitate Episcopalis Ordinis neminem pro suspecto habituri simus, nisi eum, qui aut Constitutionibus Apostolicis detrahat, aut aliquam ex damnatis propositionibus tueatur: verba sunt Comitiorum generalium anni 1700. hanc conservandæ pacis Ecclesiasticæ normam nobis præscribentium.

Qui infaustum hunc Libellum tot erroribus plenum in lucem emisit, fortè existimavit neminem fore, qui ei apertè obstitere; atque ita simplices, ac minùs harum quæstionum peritos fideles in fraudem inductos, constantem, atque immutabilem Ecclesiæ de gratia, & prædestinatione fidem, quam sanctus Augustinus contra Pelagium, ejusque affectas egregiè defendit, paulatim in dubium revocaturos: at insolentem ejus audaciam impunè abire non decet.

HIS DE CAUSSIS, post invocatum sanctum Dei nomen, damnavimus, ac damnamus Libellum inscriptum: *Vera Ecclesiæ Traditio de Prædestinatione, & Gratia*, tanquam continentem doctrinam falsam, temerariam, scandalosam, divo Augustino, aliisque sanctis Gratiæ Defensoribus injuriosam, evertendæ Traditioni aptam; & Vvitclessi, Lutheri, aliorumque similium hæreticorum impiis dogmatibus faventem; in principiis erroneum, & in consequentiis periculosissimum: ejusque lectionem vobis, cæterisque hujusce Diœcesis fidelibus interdiciamus, sub poenis de jure latis.

Præf. P. Serry Tom. II.

Q q q

An-

Antequàm hoc nostrum Decretum absolvamus, nostri muneris esse credimus hortari vos, fidei depositum religiose servare, (*Epist. S. Judæ*) *deprecans supercertari semel traditæ sanctis fidei*: cœlestem Scripturarum thesaurum a sacro Traditionis canali nequaquàm separantes, sed sanctos Patres Traditionis testes, ac sequestros, debito semper honore prosequentes. Quantò aliqui auctoritatem sancti Augustini minuere conantur, tanto magis adnitendum, ut dignitatis gradus ipsi tot laboribus partus, & quovis tempore ab Ecclesia assertus, conservetur. Meminisse oportet, eum tanquam humilem magni Pauli discipulum, e divinis Magistri scriptis ea hausisse, quæ in præclaris ejus operibus cum tanto fructu leguntur.

In Decreto nostro anni 1697. monuimus, ab iis omninò cavendum, qui a doctrina sancti Augustini aperto Marte oppugnanda pudore deterriti, obliquè eam adoriuntur, antecessorum Patrum sensibus contrariam asserentes. Qui sic Patribus Patres opponunt, Traditionem, atque Ecclesiæ unitatem evertunt. Semipelagiani hoc prætextu errores suos defendebant, quem sanctus Augustinus vanum esse vel hac una ratione ostendit, quòd cum omnes, jam ab ortu christianæ Religionis, unà secum, totaque Ecclesia catholica, easdem ad Deum orationes fundarent, eadem quoque de gratia, ejusque necessitate sentire dicendi essent,

Quamvis multa veterum Patrum scripta interierint, ex iis, quæ supersunt, evidenter patet, eos necessitatem, ac vim divini auxilii agnovisse. Quid de hoc Basilii magnus, imò tota Orientalis Ecclesia senserit, jam supra notavimus. Non minùs clara est sancti Ambrosii sententia ex ejus in Evangelium Lucæ Commentariis, ubi de Samaritanis loquens, qui Christum, quia facies ejus erat euntis in Jerusalem, non receperunt, ait, (*Lib. 7. in Lucam*) *quod si voluisset, ex indevotis eos devotos fecisset*: Subjungens postea, quod Deus, quos dignatur, vocat, & quem vult religiosum facit.

Sanctus Augustinus quosdam alios Ambrosii, itemque Cypriani, ac Gregorii Nazianzeni locos attulit, hujusce doctrinæ principia continentes, quæ postea, hæreseos exortæ occasione, fusiùs, ac diligentius tractata sunt. Quantò illa attentiori meditatione ruminabitis, eo magis in vobis divinæ gratiæ mysterii intelligentia simul, & amor augefcet. Oramus Authorem gratiæ, ut illam in corda vestra diffundat, & mentes vestras novo semper lumine illustret, ut magis, ac magis sciatis, (*Ephes. 1. v. 18. 19.*) *quæ sit supereminens magnitudo virtutis ejus in nos, qui credimus, secundum operationem potentie virtutis ejus.*

Man-

Mandamus, ut hoc nostrum Decretum, statim atque publicatum fuerit, in primo Theologicæ Facultatis hujus Urbis congressu legatur, & in publicas ejus tabulas referatur; necnon Promotoris nostri curâ per Dioecesim nostram distribuatur. Datum Remis in Palatio nostro Archiepiscopali, sub sigillo nostræ Cameræ, & sub nostro, & Amanuensis nostri chirographo, die 15. Octobris anno 1703.

CAROLUS MAURITIUS

Archiepiscopus, Dux Remensis.

Et infra, *Jussu Illustrissimi Domini*
De Martigni.

A P P R O B A T I O.

Theologorum Ordinis Prædicatorum.

DIvum Augustinum, solidam Catholicæ columnam veritatis, ab antiquis Patribus in sacra doctrina differre, horrent aures fidelium diebus nostris audire. Validum illius propugnatorem suæ providit Ecclesiæ Altissimus, R. P. M. HYACINTHUM SERRY, in Universitate Patavina Theologum primarium, a quo promitur **D. AUGUSTINUS A CALUMNIA VINDICATUS**. Quidni igitur prælo dignissimum, Opus tam pium, tamque Ecclesiæ profuturum? Ut videlicet toti orbi catholico eniteat, & Augustini candor & Propugnatoris Studium singulare, nulli vel umbræ erroris penitus obnoxium. Ita pro veritate censemus.

Venetis in Conventu SS. Joannis, & Pauli, die 15. Maji 1704.

Fr. Jo. Benedictus Perazzo.

S. Theologia Magister.

Fr. Jo. Benedictus Zuanelli.

S. Theolog. Mag. & Regens.

L I C E N T I A.

Reverendissimi Patris Generalis Ordinis Prædicatorum.

NOS FR. ANTONINUS CLOCHE Sacræ Theologiæ Professor, ac totius Ordinis FF. Prædic. Magister Generalis, & servus.

HArum serie, nostrique autoritate officii, tibi Reverendo admodum Patri Magistro **FR. HYACINTHO SERRY** facultatem concedimus typis edendi Opus a te sub hoc titulo, **DIVUS AUGUSTINUS A CALUMNIA VINDICATUS &c.** compositum: cum jam a duobus in Theologia Ordinis nostri Professoribus approbatum, nobisque commendatum fuerit: servatis semper de jure servandis. In quorum fidem his Sigillo nostro munitis manu propria subscripsimus. Datum Romæ in Conventu nostro S. Mariæ super Minervam die 31. Maji 1704.

FR. ANTONINUS CLOCHE. *Magister Ordinis.*

Registrata Lib. 1. Pag. 438.

Fr. Norbertus Delbecq.

Mag. Theol. Casan. Pro-focius.

EPIS-

7

EPISTOLA
JOANNIS LAUNOII
EX ELYSIO AD GENERALEM
SOCIETATIS JESU PRÆPOSITUM

D A T A :

Qua conceptum, ex lata in suam de Gratia, & Prædestinatione Traditionem sententia, dolorem amicè significat : Augustini abs se traducti culpam, Societatis Theologorum exemplo depellit ; nihil demùm toto fermè Libello scriptum ostendit, quod ab iis summa fide non delibavit.

Lectori Monitum.

DUM Launoji partes hoc Scripto suscipi vides, noli, quaeso, in animum inducere, id a nobis ex animo factum, ut eum ab errore, & calumnia Augustino illata vindicemus. Absit. Totum id personæ fictioni tribuendum scito. Launojus quippè causam suam orans in scenam inducitur, joci causa: eaque idcirco ejus in ore verba ponuntur, quæ, & instituto, & ingenio congruant. Non alia itaque mente, tot Societatis Scriptores, qui ei ad firuendam calumniam auctores fuere, proferuntur, quàm ut omnes intelligant, unde prima cœperit mali labes, quive unà cum Launojo, Pontificio Decreto inusti censeri debeant.

Ceterùm si Launorum purgare animus esset, alia certè via suppeteret, & quidem expeditissima; editam scilicet Traditionem illius nomini suppositam demonstrando: cujus rei haud levia momenta præsto essent. Namque Libri non pauci, quorundam Ecclesiæ Patrum nomine laudantur illi, quorum suppositionem datà operà probavit Launojus, aliis adornatis operibus. Historiæ lapsus adeo pingues, & crassi passim occurrunt, ut viro antiquæ memoriæ studiosissimo, qualis professò Launojus erat, irrepsisse nemo credat. Accedit scribendi methodus, a Launojana toto cælo diversa. Quæ tria fortum hunc non modò posthumum, sed, & spurium plus satis evincerent, si in eam facti questionem ingredi animus esset. At non est id hujus instituti, & otii. Sola nos in præsentia doctrinæ summa sollicitor habet: unde tam effrenis Augustini deprimendi licentia fluxerit, unice demonstramus.

SYLLABUS

SCRIPTORUM SOCIETATIS JESU,

*Quos in deprimendo Augustino magistros, ac duces habuit
Launojus.*

Andreas Junius.
 Christophorus Ortega.
 Dionysius Petavius.
 Franciscus Annatus.
 Gabriel Vasquez.
 Jacobus Sirmondus.
 Joannes Adamus.
 Joannes Hamelius.
 Joannes Ituren.
 Joannes Mariana.
 Joannes Martinonus.
 Joannes Baptista Guesnay.
 Leonardus Lessius.
 Livinus le Meyere.
 Ludovicus Molina.
 Petrus Halloix.
 Petrus l'Abbe.
 Stephanus de Champs.
 Theophilus Raynaudus.
 Thomas Bonartus.

EPIS.

EPISTOLA JOANNIS LAUNOJI EX ELYSIO AD GENERALEM.

(*Tyrsum Gonzalez, quatuor circiter mensibus ante obitum.*)

SOCIETATIS JESU PRÆPOSITUM DATA.

REVERENDISSIME PATER.

L



Insperata tibi fortassis accidet mea hæc ex Elysiis data Epistola : vix enim ejusmodi aliquæ ad vos commeant : non quodd ad scribendum , multaque de rerum nostrarum statu nuntiandum parati non sumus , quotquot ævum in hisce Elysiis campis agitamus ; sed quodd summâ cursorum , ac tabellariorum inopiâ laboremus , qui gradum in regiones vestras revocare , aut possint , aut velint . Si quibus tamen non insperatæ omnino contingere debent ex umbrarum regione submissæ Epistolæ , tu vel omnium maximè unus es , quem divexa ætas , corpus fluxum , & grave , quassa membra , ac devoluta non ita pridem in alterum supremi regiminis cura , nostrum brevè futurum admonent , alteroque jam pede Charontis cymbam premere jubent . Haud itaque mirum videatur , si jam a nobis adventorias accipias , ac tecum de rebus nostris , quas brevè communes habebimus , colloquia misceamus .

Quid est , quod Norisius (*Card. Henric. de Noris , paulo ante extinctus.*) beatarum istarum sedium novus incola tanto strepitu nuntiavit ? Augustinum suum recenti Apostolicæ Sedis oraculo commendatum , novo a mortalibus cultu excipi , ac tantum non adorari : Fulgidissimum Ecclesiæ Catholicæ Lumen , Doctoremque maximum , cujus præcelsam doctrinam magno semper in pretio habuere (*Brevis Pontificii verba , in Libellum Launoji Romani Pontificis , totoque mentis affectu amplexi fuerunt , sacris fastis inscribi : meverò , quodd illum in edita circa prædestinationem , & gratiam Traditione , utl novatorem exagitarim , diras omnium , atque execrationes sustinere ; Theologorum , Episcoporum , Cardinalium , ipsiusque*)

Præf. P. Serry Tom. II.

R r r

Pon-

Pontificis Maximi censuris inuri ; a quibus posthuma illa ingenii mei foetura, *impia, blasphemata, Ecclesiae, atque Apostolicae Sedi injuria* pronuntiatur?

Expedit verbis, atque eloqui non possum, quanto me mœrore affecerint acerbissima nuntia, a Viro præsertim, quem, & Augustini immodicum laudatorem, & parum doctrinæ nostræ propitium nosti, enormiter exaggerata. Non quod me multum oræ vestræ judicia tangerent, quæ me nec tunc quidem, dum in humanis agerem, sollicitum habuere ; sed quod in eo demum errore versari videam propemodum universos, ut Augustinum, tanquam summum Ecclesiæ oraculum suspiciant, cujus effata quasi cœlo delapsa venerari necesse sit.

Quantum illos ea fallat opinio, satis unâ mecum intelligis, Pater optime, cujus animo nondum excidit Joannis Adami Sodalit vestri digna sententia, *Part. 3. Calvini destructi cap. 3. Ridiculos Augustini adoratores illos esse, qui illum fidelissimum antiquitatis testem, primum Ecclesiæ oraculum, Principem Patrum, omniumque Doctorum subtilissimum vocant.* Quare in hoc tanto adversus editam Traditionem excitato turbine, quo velut iniquus Augustinianæ doctrinæ reprehensor publicam invidiam subeo, te unum elegi ex omnibus, cui causam approbem : meque nec Augustinum plus nimio depressisse, nec aliter quàm veritas habeat, de ejusdem sententia pronuntiasse demonstrem ; sed omnia fermè mea, a summis, quos florentissima Societas tulit, veritatis Magistris, integrâ fide delibasse ; ut non tam proprios ingenii fœtus ediderim, quàm Scholæ vestræ Professorum sententias recitarim.

II. Et certè, quod adornatæ a me Traditionis institutum attinet, totiusque operis argumentum, Augustinum scilicet, in causa prædestinationis, & gratiæ, novam omnino viam, ac priscis Ecclesiæ Patribus ignotam aperuisse, præcentorem, ac ducem habui Joannem Marianam, *Opusculo de Morte, & immortalitate*, quod certum, & indubitatum habet Societas vestra : *Augustinus*, inquit *vir maximus lib. 3. cap. 6. primus, quod sciam, inter antiquos, in veteri spatio novam semitam excogitavit, nova impressit vestigia. Videbat Paulum dicentem, Non ex operibus; his victus argumentis, novam prædestinationis formam invehit post lapsum hominis, non fluxam quoad eventum, & circumstantias; quippè non ex libero arbitrio, sed ex gratia certam prorsus, & ratam, atque ex vocantis voluntate.* Nempe, ut vides, quod paucis Mariana complexus est, ac brevi verbo significavit, fusiùs ego demonstrandum aggressus sum ; ille ova fovit, ego exclusi.

Primam instituti probationem, ex eo petitam, quod Augustinus divinas Literas aliter quam veteres Tractatores sit interpretatus,

tatus, easque non consentientes, sed repugnantes habuerit, subministravit mihi Dionysius Petavius, quo, dum olim rebus humanis interesset, familiariter usus sum. Sic enim ille *lib. 10. Dogmatum Theologorum*, sub finem *capitis 1. Nullus est omnino Scriptura locus, quo vel Augustinus, vel Augustini discipuli, absolute, & sine ulla conditione meritum, vel causâ, eligi, prædestinarique probant ad salutem homines, & gloriam, qui non alia sensu ab antiquioribus, aut etiam plerisque posterioribus Græcis, Latinisque Patribus explicatus fuerit. Ita nulla nos ad illam sententiam divina cogit auctoritas; imò ab ea magis abstergere videtur: quod in capite sequenti declarabitur. Quæ loquendi ratione, alteram quoque violatâ ab Augustino Traditionis probationem a me datam insinuavit Petavius, ex contraria nimirum veterum Patrum attestatione desumptam. Eos enim in referendo prædestinationis arcana, ab Augustino dissensisse necesse est, qui divinas hoc de argumento Scripturas aliter exposuere. Sed & hanc multò distinctius expressit Mariana paulò antè laudatus, qui præcos Ecclesiæ Patres Augustiniano systemati e diametro contrarios asserit, & Cassiano, ac Fausto Semipelagianorum antesignanis intimè conjunctos. *Dogma de prædestinatione*, ait ille loco jam appellato, *Cassiano, ac Fausto commune fuit cum aliis Patribus, quorum scripta Gelasius probavit, Gregorii Nazianzeni, Basilii, Chrysostomi, Hieronymi: quorum ego sententias dedi capp. 2. 3., & 4.**

Quod autem in ea priorum sæculorum Traditione adornanda, Originem orthodoxis divinæ gratiæ Magistris adnumerarim, a quo vera hoc de argumento sententia repeti debeat, Petri Halloixii, Francisci Annati, Theophili Raynaudi autoritas in causâ fuit. Halloixii haud obscura pro Origene edita Apologia, quam Romanæ Congregationis Decretum, die 12. Maji anni 1655. datum, celebrem fecit. Annati perindè nota gravis illa de Bajanis expositio, *Libro 7. Augustini Vindicari cap. 12.* quod ii *Originem Pelagianorum omnium originem* dicerent. Sed explicator Raynaudi mens, *cap. 9. Apologiæ pro Valeriano Cemelienfi Episcopo*, conceptissimis verbis *Origenis de gratia sententiam catholicissimam* vocantis, ac propugnantis.

Atque hæc de priori adornatâ Libelli parte, quam sequentis comparatione brevissimam scripsi, Scripturarum, ac Patrum Augustino repugnantium testimoniis breviter, & in transcurso delibatis.

III. At neque minori fide alteram adornatâ Scriptionis partem a vestris expressi, qua narrationem historicam complexus sum rerum omnium, quæ Augustinianæ doctrinæ occasione in Ecclesia Catholica contingere.

Rrr ij In-

Ingentes motus quaquaversum, ac maximè per Galliam concitatos, non tam meis, quàm Ludovici Molinæ verbis enarravi, ex ejusdem Concordia desumptis, *Quæsk* 23. art. 4. & 5. membro ult. Augustini, inquit ille, de prædestinatione doctrina plurimos ex fidelibus, præferrimè iis, qui in Gallia morabantur, non solum indoctos, sed etiam doctissimos viros, atque in Episcopali dignitate constitutos mirum in modum turbavit: ne dicam illius occasione salutem eorum fuisse periclitatam. Ne enim ejusmodi doctrinæ adbarerent, hæresi potius Pelagianæ ex parte assentiendum putabant, variosque alios errores circa parvulorum prædestinationem consungebant. Id, quod inter alia testantur duæ illæ Epistolæ a Prospero, & Hilario Arelatensi Episcopo, ea de re ad Augustinum missæ, quæ inter Opera Augustini ante Librum de Prædestinatione Sanctorum habentur; quas ego idcirco integras exhibui: tantumque Molinianæ Scholæ principis authoritati dedi, ut cùm Hilarium, cujus est laudata illæ ad Augustinum Epistola, alterum ab Arelatensi Episcopo fateatur eruditorum omnium natio, Arelatensem tamen dicere maluerim, ne vel hac parte Viro maximo repugnarem.

Ne quis verò mihi Molinam invideat, eumque mihi ereptum velit; quasi is Augustini doctrinæ turbatos plurimos scripsisset, non Augustini vitio, ut a me scriptum est, sed illorum; scias, amabè te, totum a Molina vitio datum Augustino, §. 9. quòd ille *sub ea quasi caligine positus, ad hoc non attenderit*: nempe, fuisse prædestinationem, & reprobationem, non sine præscientia qualitatis usus liberi arbitrii; nec studuerit sententiam suam ea conditione temperare, quæ ad auferendam duritiam illam multum conducere.

Haud me fugit, ea in Augustinum Molinæ verba, a plerisque tanquàm audaciora sugillari; quibus idcirco minùs probabitur, iis me integram fidem dedisse: at summos hoc ipso in capite nactus est defensores Molina vestri, quibus, & ipse tanquàm firmissimis anchoris fultus in portu sedeo. Franciscum Annatum intelligo, & Andream Junium, geminos Scholæ vestræ Magistros; quorum alter Libro 8. Augustini a Bajanis vindicati cap. 4. illos ludibrio vertit, ac non satis advertisse notat, qui Molina audaciam exaggerant, indicantis aliquid lucis defuisse Augustino, in concilianda cum creata libertate, divinatorum decretorum, & auxiliorum efficacia: alter recensitis erroribus, quos Augustino Massilienses objiciebant, pauca ista subjungit Sectione 16. de prædestinatione cap. 3. sub finem, quibus satis innuit, Præfulem Hipponensem justam eorum objiçendorum occasionem dedisse, nec Molinæ succensendum esse, quòd id ejus vitio factum observaverit. Quam verò Augustinus, Junii verba sunt, Massiliensibus ansam præbuerit, reticeo; quia veritas odium parit, & eam pronuntiando Pater Molina non par-

vam

vam conflat invidiam apud nonnullos, quibus, vel intellectus, vel voluntas non erat, ut oportuerat. Molinæ, ejusque Approbatoribus calculum adjicit Joannes Adamus par. 3. *Calvini destructi cap. 4.*, dataque turbas obscuritatis vitio tribuit: *Hæc Augustini obscuritas, etiam in prædestinationis, & gratiæ mysteriis pertrahendis apparuit. Siquidem in Scholas Theologorum dissensiones invexit, Doctores inter se divisit, turbis, & contentionibus partim in Africa, partim in Gallia, tam ipso vivente, quam post ejus sublatum, exortis occasionem dedit. Quin etiam pro clypeo fuit bæresi Prædestinarianorum, qui ferocia, horridaque sua dogmata in hujus Patris doctrina fundabant. Quibus omnibus mitiora fortè videbuntur, quæ a me hoc de argumento notata sunt.*

IV. Augustinianæ Apostolici oraculi interpretationes, Deus vult omnes homines salvos fieri, quibus divina salvandorum hominum voluntas ad solos Prædestinatos restringitur, fugillavi sæpè numero, variisque notis inussi; Molinæ, Vasquesio, Petavio exemplo prælucentibus. Primi hæc verba sunt, *prima Parte Quæst. 19. Artic. 6., Disput. 1. Expositiones aliæ (initio disputationis alata ex Augustino) ad locum Pauli, præter Damasceni, & communem Patrum expositionem, omnes, vel ipso primo aspectu, peregrinæ, & extortæ apparent. Alterius corollarium hoc est, prima Parte Disput. 33. cap. 2. Ex dictis colligere licet, non solum frustra Augustinum, locis supra citatis noluisse concedere banc voluntatem Dei circa omnium salutem, sed etiam locum illum Pauli nullo ex illis tribus modis rectè exposuisse. Postremi censura legitur Tomo 1. Dogmatum Theologicorum, Lib. 10. cap. 3. num. 2. Tres, quatuorve ex Augustino commemorati sunt a nobis modi exponendi verba illa, cum illius opinionem exponeremus; qui mihi quidem ad eludendum magis, quàm rectè, & solidè videri solent. Quibus addere licet Lessium, & Hamelium, in Articulis notatis ab Academiis Lovaniensi, & Duacensi, articulo 6. Hunc locum, Deus vult omnes homines salvos fieri, id est, vult omnes salvos fieri, qui salvi fiunt, non videtur exponere Augustinus secundum intentionem Apostoli; & sex, ampliusque argumentis dicta interpretatio oppugnatur.*

V. Quod de Cœlestini I. Rescripto ad Gallos Episcopos dato identidem adnotavi, Augustino veriùs officere, quàm favere, Prosperumque, & Hilarium eo perperam abusos esse, ut universam Magistri doctrinam eo Apostolicæ Sedis oraculo probatam obtenderent, apud tuos perindè legere domi potes. Consule, si vacat, Joannem Martinonum, tibi, ut arbitror, non ignotum, tametsi sub Antonini Morainii larvâ delitescat, in Præfatione Anti-Janfenii: *Quàm multi, inquit, sine ullo discrimine, Augustini auctoritatem*

tatem adittebant, qui audita nunc limitatione, quam ejus approbationi Cœlestinus apposuit, dum audiunt aliquid ex Augustino proponi, quaritant, est-ne hoc de illis profundioribus quæstionibus, quas non necesse judicavit adstruere; quas in incipit opinandi libertate reliquit? Non igitur univèrsim (quod Prosper, & Hilarius effutiebant) Augustini doctrina eo Cœlestini Rescripto probata est, sed ex parte; nec auctoritatem ex lato judicio comparavit, sed quam prius obrinebat, amisit. Consule Annatum *Lib. 8. Augustini a Bojanis vindicati cap. 6.* ubi omnes ingenii vires intendit, ut ex hac ipsa Apostolicæ Sedis commendatione, Augustinum in ordinem redactum evincat. Primùm, quodd omnis illa Ecclesiæ approbatio relinquat adhuc Augustinum intra numerum scriptorum fallibilium, quibus sine cujuscumque injuria repugnare liceat. Secundò, quod iidem illi summi Pontifices, qui Augustini doctrinam approbaverunt, ea seposuerint, quæ necessaria illis visa sunt: alias autem quæstiones intercurrentes, nec contemnere, nec adstruere voluerint; quod Cœlestinus apertè significavit. Tertio, quodd approbata fuerit Augustini doctrina simul, & aliorum Sanctorum Patrum: unde sequitur cadere approbationem banc in id, quod est Augustino cum aliis Patribus commune, non in id, quod est proprium, si quid tale sit: uti protectò esse demonstravi, quæ de gratia, & prædestinatione adversus Semipelagianos propugnavit. Consule demùm Theophilum Raynaudum in *Valeriani Apologia cap. 4. §. 14.* Consideratione porro dignum est, in illis Capitulis, scilicet Canonibus, ea tantùm definiri, quæ ad excludendam subjectionem divinæ gratiæ ad humanam voluntatem pertinent, & ad gratiæ necessitatem, pro toto justificationis progressu; intactis iis, quæ ad electionem, & ad gloriam spectant, & plerisque in Divi Augustini doctrinâ displicuerant. Similiterque Cœlestinus in fine Epistolæ, post constitutam fidem catholicam de veritate noxæ parentalis, & gratiæ necessitate, ac primatu, proficitur reliquas quæstiones, de quibus Divo Augustino negotium facebatur, neque a se negligi, neque decidi, sed liberæ Doctorum disputationi permitti, &c.

Repones fortè, me Sodalium tuorum limites transiisse, qui Cœlestini Rescriptum *Subdola arte* impetratum non semel innuerim. At nec id quidem sine vestrum exemplo, calamo excidit; quæ crudiora multò excidisse notum est, dum viſo Alexandri VII. Rescripto, formâ Brevis ad Lovanientes Theologos dato, die 7. Augusti anno 1660. quo præclarissimorum Ecclesiæ Doctorum Augustini, & Thomæ Aquinatis inconcussa, tutissimaque dogmata commendantur, eorumque penes Catholicos univèrsos ingenia, & omnem laudem supergressa nomina, novi præconii commendatio-

datione non egere dicuntur, in hæc voces erupere, Nunquam Romanum Pontificem Breve illud privatum vidisse: idque, quod majorem dicti fidem facerent, juramento firmarunt. Adeo nimirum subdola arte extortum utriusque Doctoris elogium Lovanii Socii contendebant! Qua de re legendi veniunt Gabriel a Sancto Vincentio, Libro de remediis ignorantia disp. 14. dub. 9. Norisius in Vindicis cap. 6., Capisuccus in Appendice.

VI. Prosperum, Hilarium, Fulgentium, quos eo maxime nomine cæteri celebrant, quod fidelissimi Augustini discipuli fuerint, ea ipsa de causa nihili feci, eorumque ad Magistri commendationem testimonia, ne vitiosa quidem nuce æstimavi, quod ei plus æquæ addicti essent; magno Vasquesio viam monstrante, in *Commentariis ad primam Partem disp. 97. cap. 3. Fateor sanè, inquit ille, suspecta mihi esse testimonia Prosperi, & Fulgentii, quod diligentissimi Augustini discipuli sint. Viden' ut ipsos ob id maxime nauci tacias?*

Certè nemo unquam liberiozem in Ecclesiæ Patres virgam exercuit Vasquesio vestro, tum in hac de divinis auxiliis, tum in aliis bene multis Theologicis Tractationibus. (*Acta Erudit. Lipsæ.*) Si nonnullis haud itapridem adnotare licuit, me olim orbi literario criticum illuxisse, cœlicolis non minus quam terricolis formidandum, qui plures Sanctos cœlo dejecerim, quàm decem Romani Pontifices illò eveherent; de sodali illo vestro, nullà verbi injurià dicam, plures illum Doctores gradu dejecisse, quàm decem Academiæ renuntiarent.

VII. In conspectu Massilienses inter, & Augustini discipulos enarrando, Cassiani, & Fausti Semipelagianæ Sectæ Principum partes in me suscepi; Prosperum uti alienæ famæ decurtatorem traduxi, eidemque Gennadium prætuli, dignumque Ecclesiasticæ Traditionis adversus Augustinum testem adhibui, summorum Societatis vestræ Virorum judicio fretus, Joannis Baptistæ Guesnaji, Joannis Iturenii, Christophori Ortegæ. Horum ultimi verba sub jicio, cœterorum sententiam referentis, atque probantis *Controversia 7. de Prædestinatione Disp. 3. Quæst. 2. Certam. 2. Num. 6. Cassiani defensiones recentissime, multo ingenii pondere, & eruditionis, noster Joannes Baptista Guesnajus edito Libro Lugduni Anno 1652. refert, & tacitus probat Libro 1. capite 62. Et post pauca: Adnumerari defensoribus Cassiani in hac re doctrinæ catholice docti plures recentiores possunt, quos ita consentes audivimus, tametsi prælo defensiones Cassiani non dederint; in quibus P. Joannes de Ituren emeritus Theologiæ Professor, qui modestæ causæ Joannis Pii nomine Commentaria in primam partem Sancti Thomæ prælo emisit, ac de Cassiano ab ea suspitione liberando doctum*

Ma-

Manuscriptum reliquit. Tum post recensita nonnulla Cassiani testimonia, quæ illum erroris purum ostendit, ita subiungit: *Quod satis omnibus probare debet, Prosperum de præconcepto contra Cassianum iudicio statuendo solummodò curasse; & reliquos ex ejus sententia potius, quàm ex lectione, atque Operum ipsius genuini sensus indagatione, eum Semipelagiani erroris reum egisse. Et Numero 11. De Prospero, inquit, cujus auctoritate reliquis de Semipelagianismo suspectus Cassianus fuit, jam vidimus, quàm acriter Gennadius conquestus fuerit, quòd Cassianum innoxium infamaverit. Tum demum Certamine 6. Num. 6. Petri Diaconi Libro de Incarnatione capite 8., & cujusdam alterius (Joannis Maxentii,) qui primi de Semipelagianismo Faustum infamarunt, auctoritas non magni ponderis est Quod autem Fauſti opera in Apocryphis cap. 8. Sancta Romana dist. 15. a Gelasio Papa numerentur, non æquus de illis sparsus rumor a Petro Diacono, aliisque citatis, in causa fuit. Præverat in vindicando Cassiano simul, & Fauſto Joannes Mariana, Gelasii censuram minimè veritus Libro 3. de Morte, & immortalitate cap. 6. Nam quod de Cassiani, & Fauſti Libris opponebatur, a Gelasio eorum lectionem interdictam, non puto id factum propter dogma de prædestinatione, quod illi fuit cum aliis Patribus commune, quorum scripta hic Pontifex probavit, Gregorii Nazianzeni, Basilii, Chrysostomi, Hieronymi: sed propter alia, quæ ex iis Libris expuncta suspicamur. Author Tribemius Abbas in Fauſto. Et video quæ a Cassiano dicta sunt omnia, de gratia, & libero arbitrio, a Viris eruditis nostra ætate defendi, quasi pietati consona, neque deflexa a fidei regulâ sanctâ. Quin, & Molina ingeniorum aquila, oculatior Augustino, Faustum Ecclesiæ Patrum numero inierit, per quos vera de Christi gratiâ doctrina intelligi debeat, in Concordia Quæst. 23. Art. 4. Disp. 1. membro ultimo. Tantis porrò ducibus, ac magistris quid tentare non licuit? Imò majora forte tentassem, si Thomam Bonartum Norditanum legere contigisset Lib. 3. de Concordia scientiæ cum fide; ubi (quod a multis accepi) Augustini doctrinam non modò pessimis modis habet, ac nauci facit, sed palam illi detectæque fronte Massiliensium opiniones antepōnit. Verùm qui me Theologiæ theticæ tenuit amor, ab Anglorum Scriptorum, Scholasticæ veptetis, ac tribulis nimis hærentium, lectione semper abduxit.*

Sed, & hac ipsa hora, qua isthæc Literis mando, vulgatam inaudio Livini Le Meyere, de Divinis Auxiliis spissam Historiam, sub ascititio nomine Theodori Eleutherii; ubi lib. 5. cap. 52. Gennadii vindicias adornat, quem etiam minimè constare ait, factionem Semipelagianorum fuisse sectatum: quamquam is Libro de

Illu-

Illustribus Scriptoribus Cassianum, & Faustum summis laudibus ferat, *salutarem* illorum doctrinam *ab Ecclesia probatam*, egregia-que opera passim appellans; Augustinum e contrario, Prosperum-que belle pro meritis defricet; illius quidem *errorem sermone multo contractum* suggillans; *cap. 38.* istius verò in *infamanda salu-
lari Cassiani doctrina* audaciam reprehendens *cap. 84.*

VIII. Ut autem Prædestinantiæ hæresis labem aspergerem Episcopis Africanis, in Sardiniam Insulam ab Thrasimundo Arjano Rege relegatis, qui a Scythis Monachis sententiam rogati, Fausti scripta damnaverant, authorem mihi, princepsque fuit Jacobus Sirmondus, diligens ille veterum schedarum conquisitor, mihi quondam, pro studiorum cognatione, in paucis charus, cujus sunt hæc ipsa verba, in *Historia Prædestinariana cap. 9. Difficile non erat condemnationem Librorum Fausti Rejenſis sperare ab Afris Episcopis, apud quos nata Prædestinariana hæresis in multorum adhuc mentibus hærebat.* Quibus affinia sunt, quæ de Sancto Fulgentio relegantur Præfulum pietate, & eruditione præcipuo, adnotavit Theophilus Raynaudus, in *Censura inofficiolæ censuræ §. ultimo: Sancto Fulgentio familiare est, Augustini placitis mordicus adhærere, eoque interdum rigore, ut sententiam, quam verborum cortex præfert, etiamsi duriorem, conquisita interpretationis alicujus benignitate mollire, & in alium sensum trahere, non sit sollicitus.* Unde facile colligas, Fulgentium, qui cæteris, in vindicanda adversus Faustum Augustini doctrina, calamum commodabat, in duras, acerbæque Prædestinantium sententias declinasse.

IX. Nunc ad illud accedo, unde majorem mihi ab æmulis conflata invidiam retulit Norisius. Scilicet Vvitkleffum, Calvinum, Lutherum, Augustini discipulos dixi; illiusque doctrinam nihil, aut certè parum, ab eorum erroribus distare significavi. At hoc ipsum est, cur magis mirer, id præ cæteris stomachum movisse, quod numerosiori Theologorum vestrorum suffragatione munitum est. Ita Joannes Adamus, cum *Parte 3. Calvini destructi capitibus 3. & 6.* scripsisset, censuisse Augustinum, solum peccatum originale causam esse reprobationis damnatorum, hanc ipsam sancti Doctoris sententiam ita perstringit *cap. 10. Credo mihi licere illam borre, quia mater est illius, quam Calvinus tanta impietate, ac rabie urget contra Ecclesiam.* Annon igitur, Adamo iudice, Calvinianæ doctrinæ fundamenta posuit Augustinus? Et *cap. 8.* de ejusdem Doctoris sententia circa Prædestinationem, & gratiam universim hæc habet: *Si verba Augustini mitigando, me nimium demisterem, Pelagianus essem: si verò eorum altitudinem tenere vellem, Calvinista essem: medium ergo cum Ecclesia teneo Profectò quandoque constat, Augustinum in quæstionibus de gratia,*

Præf. P. Serry Tom. II.

S f i

Et præ-

Et prædestinatione cum excessu locutum esse, verbaque ipsius esse mitiganda, ne ex illorum duritie, & acrimonia in errorem contrarium incidam, licitum mihi esse debet temperamentum. aliquid catholicum addendum inquirere: quo videlicet Calvinii error declinari queat. Multò verò distinctius capite superiori: Ipsemet Augustinus in pluribus Operum suorum locis hunc animi sui impetum cognoscit, quo ita abreptus est, ut in errorem oppositum illi, quem destruere intendebat, declinaret: in Calvinianum scilicet, Pelagiano, in quem arma verterat, e diametro oppositum.

Ita quoque Mariana loco superius appellato: *Non omnes Augustini sententiam de prædestinatione probant: borrida multis videtur, & aspera, qualis nempe Lutheranorum, & Calvinistarum est. Ita Annatus Libro 8. Augustini Vindicati c. 2. Augustinus astu disputationis abreptus excessit lineas necessariae veritatis; ut sit nimia quadam severitas, & iniqua vexatio, quæ medium illud, in quo veritas sedet, transgredi jubet, si præat Augustinus. Ita Antonius Moraines, seu verius Joannes Martinonius in Antijansenio disp. 17. num. 22. Si aliquot locis plus intendit Augustinus, applicandum illis erit, quod in eo notarunt plures, & graves Doctores Catholici, excessisse interdum astu disputationis abreptum, & in odium hæresis, quam impugnabat, ad contrarium extremum inclinasse: Calvinismum scilicet, ut passim inculcat.*

Ita Petavius *Dissertatione priori de Tridentini Concilii auctoritate capite 4. Postremò, ne longum faciam, illud suscepisse Tridentinum Concilium videtur, ut cum novorum hæreticorum, qui Augustini doctrina, ad erroris sui patrocinium abutebantur, insania occurrere vellet, nonnullis necessariò additis, illam catholicam faceret. Quòd nempe se sola catholica non esset Augustini doctrina, nec satis a nonnullorum hæreticorum insania distaret, nisi quædam illi temperamenta adderentur. Et Dissertatione posteriori cap. 5. Augustini non pauca, neque levia errata circumferuntur, quæ profectò, neque catholica sunt, neque haberi Synodus ulla œcumenica voluit.*

Ita Stephanus de Champs *Libro 3. de hæresi Janseniana cap. 3. disp. 1. Jampridem e Catholicis plurimi doctrina, & pietate laudabiles confessi sunt, Sanctum Augustinum Pelagianismi odio ita in contrariam partem inclinasse, ut persæpè Calvino potius, quàm Tridentinis Patribus favere videatur. Sed luculentius multò Epistola 7. Serenissimo Principi De Conty data die 15. Septembris 1664. Videtur Augustinus non aliam in statu naturæ corruptæ libertatem agnoscere, præterquam a coactione; quæ certè Calvinii sententia est, a Thomistis proscripta tamquam hæretica. Videtur Augustinus nullam eo in statu sufficientem gratiam agnoscere, quæ*

re ipsa efficax non sit; quod Calvino faveret admodum, minime vero Thomistis, qui hoc ipsum pro hæresi habent. Videatur Augustinus asserere, eos, qui eo in statu peccant, gratiam nullam habere, quæ eis vitandi peccati potentiam tribuat: quæ pura, putaque hæresis est, a Thomistis prædamnata. Videtur Augustinus asserere, Deum, post Adæ lapsum nolle omnes homines salvos fieri; Christumque pro omnibus non esse mortuum: quam illi hæresim in Calvino damnant. Videtur Augustinus asserere, id Adami gratiæ singulare esse, ut possit ei voluntas dissentire, si velit. Quo argumento adversus Concilium Tridentinum Calvinus usus est, Thomistis oppositum statuentibus. Quid ea de re sentiat Serenitas vestra, rescire velim; annon certo fateatur, videri Augustinum iis in capitulis Calvinio potius, quam Thomistis adfavere? Hæc porro omnia multis confirmat Recentium testimoniis Epist. 9. sequæ quinquaginta Augustini loca disertissima, explicatissimæque laudaturum spondet, quæ Calvini principia verius, quam Thomistarum statuuntur; atque illud in primis, quo per Adæ peccatum facta dicitur ex libertate necessitas.

X. Jam ut tot, tantisque Auctoribus Augustini doctrinam Calvinianæ consentaneam, ac propitiam dixi, ita ejusdem reprehensores Claudium Sanctesum, Ambrosium Catharinum, Petrum Doræum, Albertum Pighium, sumpto ab iis exemplo, laudibus extulli; illorumque acre judicium commendavi, quod Præfulem Hipponensem, uti novæ sectæ Magistris plus æquo propitium, rejiciendum pronuntiarint. Hos enim eo maxime nomine, *eruditos fidei catholica defensores* (quas voces syllabatim exscripsi) Descampius appellat Epistola 9. supra citata; doctrina, ac pietate laudabiles dicit Disput. 1. paulò antea memorata; Adamus verò p. 3. Calvinii destructi capite 7. illos ipsos a me celebratos Augustini reprehensores indigitans, *Aliqui Theologi*, inquit, *doctrina, ac pietate insignes dixerunt, eum veritatis limites transgressum esse, nimio disputationis calore accensum fuisse, aut visum fuisse favere hæreticis. Verba hæc insolentia, & impudentia essent, nisi vera forent.* Sed & Annatus Alberti Pighii verba a me recitata adcrisim vocans cap. 4. Libri laudati, quam mihi nonnulli oforesin verrecundiam affingunt, his verbis absolvit: *Hæc ego duxi proponenda, ut intelligamus, non nimis inverecundos fore, si qui fortè non ita se faciles exhibeant in iis omnibus admittendis, quæ videri cuiuspiam possint propofita fuisse ab Augustino.* Quamquam quid ego ista commemoro, ut audaciam excusem, ac ne æmulum invidiæ pateam, quod memoratis Augustini reprehensoribus fidem dederim; cum id eos non tam proprio, quam totius Ecclesiæ nomine attentè moneat idem Annatus capis 3. *Tanta*, inquit, *ceterorum Do-*

eorum conspiratio satis ostendit, Catharinum in ea re (in Augustino videlicet oppugnando, ac deprimendo) *non ut Catharinum, qui suo sapè ingenio nimium indulsit, sed ut Catholica Ecclesia Archiepiscopum, & Doctorem id sensisse.* Quæ ego Annati verba dum recolo, mirari fubit, Catharinum de exorbitantibus Augustini paradoxis ex Ecclesiæ sensu locutum, tanto a Concellitis suis haberi odio, & a domesticis scholis non sine infamia rejici. Sed sunt illi, ut benè nosti, Augustini, quem ab illo depreſsum ægrè ferunt, intemperantes admiratores: utque Thomæ suo fidem, ac religionem obligarunt, ita ab Augustino Thomæ Magistro, tantquam e sacro manipulo pendent. Vestri fidem pluris æſtimant, quàm ut cuiquam venditam velint.

XI. de Bajo, atque Janſenio haud aliter ſtatui, quàm de Luthe-ro, atque Calvino. Hos fideliffimos Augustini diſcipulos feci; non ut illos idcirco a latis Cenſuris abſolverem, ſed ut Magiſtrum unà cum diſcipulis inuſtum evincerem. Annon ita Petro l' Abbè viſum, dum pendente coram Innocentio X. Janſenii cauſſa, Augustinum Hippo-nenſem per Tpreſis latus petendum ominabatur, in Antitheſi Au-guſtini, & Calvini? *Brevi, inquiebat, loquetur Roma quid ſenſerit Auguſtinus, vel ſentire debuerit.* Annon ita Petavio viſum, dum Diſſertatione poſteriori de Concilii Tridentini authoritate, a venerandis Synodi Patribus temperamentum Augustini verbis ad-ditum ſcribit, ne Sancti Doctōis ſuffragio ea ſententia firmaretur, quæ ſubinde inter Bajanæ numeroq. 64. inuſta eſt? *Rigidum illud, Petavii verba ſunt, ac nimis ſeverum Auguſtini ſenſum, ut quidem nonnullis viſum eſſe noverant,* (nullum eſſe opus bo-num, niſi ex gratia Chriſti) *prudenti cauſione moderati ſunt.* An-non ita Morainio viſum, dum Augustinum tanquàm vigelimaquin-tæ Baji propoſitioni ſubſcribentem, ita perſtrinxit diſp. 12. Anti-Janſenii: *Perperam exponit id, quod Apoſtolus ad Rom. 14. ait: Omne, quod non eſt ex fide, peccatum eſt, quaſi velis dicere Apoſtolus, omnia opera infidelium eſſe peccata, & ſine vera fide nul-lum poſſe fieri opus bonum?*

XII. Ea ſunt, Reverendiſſime Pater, adornatæ a me Traditioniſ potiffima capita, tam diſſertis Theologorum veſtrorum ſuffra-giis comprobata, ut communem mihi cum illis cauſſam eſſe, ne-mo non videat, qui mea, & illorum dicta contulerit. Cætera, ſi quæ ſunt, obiter, atque ex occaſione inſinuata, hæc, aut ad recenſita capita revocantur, aut pari veſtrorum ſuffragatione muniantur. Sic datum illud a me prudentiſſimum monitum, (quid Auguſtini momenta valeant expendi duntaxat oportere, de ejus verò autho-ritate minùs curandum,) ex Leſſio, & Hamelio ſumtum eſt, quo-rum ea fertur aſſertio, inter notatas a Belgicis Academiis, nume-

ro vigesima : Si contraria sententia esset Augustini, non admodum referret. Sic ad Vasquezii exemplum, facta identidem est tum Augustino, tum ejus discipulis interrogatio; quo ex tripode patefacta ipsis essent divinæ prædestinationis arcana? Ab Augustino, aiebat ille 1. parte disp. 97. c. 3. & aliis, qui id docuerunt, petere possumus, undenam bujus voluntatis Dei certiores effecti sint. Sic exprobrata illi sæpius, atque in invidiam traducta doctrinæ mutatio ter facta, Joanne Adamo præcentore, par. 3. Calvini destructi cap. 6. Cum Sanctus Augustinus sententiam suam in hac materia ter mutaveris, hoc nos ad credendum induxit, Sanctum Augustinum, quamvis eminentis esset ingenii, suis meditationibus non acquiescisse, & post tot conatus, ad penetrandum prædestinationis Mysteriorum consumptos, coactum fuisse infirmitatem suam fateri. Sic demum, de traditâ doctrinâ incertum, ac suspensum animo dixi Augustinum, nec non ad omnem statum vela vertere paratissimum, eodem Adamo exemplum dante cap. 3. Libri laudati : Augustinus in sententiarum suarum, & fundamentorum, quibus eas confirmat, delectu, adeo felix non erat, quin mentibus nostris plenissimum ipsius doctrinæ non consentiendi, imò oppositam partem tuendi libertatem relinquit; quin, & ipsemet de opinionum, quas docet, certitudine addubitet.

Tuum igitur erit, Reverendissime Pater, (quandoquidem te Societatis tangit honos) omni ope adniti, ut excitatæ contra adornatam a me Traditionem turbæ sileant; ne unâ mecum periclitetur Scriptorum vestrorum pars nobilissima. Tuum erit, qua vales in Republicâ literaria autoritate, & gratiâ, eruditos a præconceptâ de Augustino opinione abducere, ne quantum ei tribuitur, tantum Theologis vestris detrahatur. Tuum tandem, (In articulis damnatis ab Inquis. Vallis. 28. Martii 1650.) Ecclesiam Catholicam (quod olim Schinkelii Scholæ vestræ succenturiati votum erat) ab Augustini turela, & pædagogia liberare, ut Molinismus refloueat. Mihi verò summorum Societatis vestræ Virorum suffragiis nixo, nihil est, quod scripsisse poeniteat : quin potius honori, & gloriæ ducio, tantorum oraculorum voces edita Scriptio reddidisse.

Hæc Danieli (*Defense de S. Augustin, par le P. Gabriel Daniel.*) vestro haud ignota arbitror, tametsi Augustini contra me defensionem adornarit. Id enim ab ipso de industria factum nemo nescit, ut incommodam suspicionem amoveret, quâ Socii Parisienses vulgati nomine meo Libelli authores publicè ferebantur. Undè, & Augustinum, non jam Augustinum vindicandum aggressus est, quem eo præsertim obtentu catholicum dixit, quodd fuerit Molinianus. At bellas propheta ille visiones videt, & somnia somniat.

Caterum de lato in editam a me Traditionem Pontificio judicio,

cio, ad Sinarum Imperatoris tribunal provocare animus erat. Quis enim, vobis agentibus, & instantibus, pendētis coram Apostolicā Sede, de prophano cultu eliminando, controversiæ cognitionem, *(Quo sensu literariæ sectæ professores Atrei dicantur a multis expositum habere. Idololatrias dicere alii malunt.)* atheus licet, & atheorum caput ascivit sibi, vobisque, ut spargitis, adjudicavit; quidni pari jure, latum in causā fidei judicium Pontificium reformare, ac porro rescindere posset? At mihi, sine vestro consilio, quidquam moliri religio est. Si id ex juris formulis esse, vobisque probari intelligam, provocationis instrumentum brevi transmittam: precesque Grimaldo vestro, Mathematicæ Mandarinō, literis delegabo, ut apud novum Judicem patronus accedat, faustamque diem, in proximè conscribendo Calendario, lapillo signet, quam pro obtinendo foro, agendaque lite, aucupari debeam.

Vale, si potes, Pater optime, frigidam senectutem stragulis fove, & ad nos serò, aut etiam (si datur optio) numquam veni.



SCHOLA
THOMISTICA
VINDICATA,
S E U

GABR. DANIELIS c Soc. Jesu
TRACTATUS THEOLOGICUS

adversus Gratiam se ipsa efficacem

CENSORIIS ANIMADVERSIONIBUS
CONFUTATUS,

Quibus Moliniana inventa, pro fidei dogmatibus ab eodem
Daniele venditari; Augustini doctrinam non exponi,
sed impeti; Scholam Angelicam iniquè traduci,
ac fugillari, demonstratur.

*Authore Fr. JACOBO HYACINTHO SERRY. Ordinis
Prædicatorum, Doctore Sorbonico, & in Serenissimæ
Reipublicæ Venetæ Academia Patavina
Theologo Primario.*

VIOLIN

1

2

3

4

5

6

Illustrissimo; Excellentiſſimoque D.

SEBASTIANO FOSCARENO,

D. M A R C I

P R O C U R A T O R I,

E T E Q U I T I,

A C A D E M I Æ P A T A V I N Æ

M O D E R A T O R I.

F. HYACINTHUS SERRY Theologus felicitatem :



QUOD Te summis æternæ Reipublicæ arcanis admotum, gravissimisque Imperii Veneri negotiis implicitum, curisque districtum, secundo interfellare non vereor, audaciam necessitas excusabit. Quem enim Scholæ Thomisticæ Vindicias adversus æmulum Obtruncatorem adrnans, Patronum, ac Mecænatem ambirem, nisi qui publicatis non ita pridem Augustini Vindiciis, magni Nominis patrocinium commodavit? Quo duce, & auspice, pro gratia se ipsa efficaci in arenam descenderem, nisi quo primùm Agonotheta, pro summo victoris gratiæ Defensore, felici exitu depugnaui? Tuam itaque, SENATOR AMPLISSIME, quoddam in publica commoda peccem, benefaciendi facilitatem incusa, qua me pridem, meosque labores, in Tui tutela, atque præsidio lutere permixisti.

Præf. P. Serry Tom. II.

T t t

Hac

Hæc una fecit audaciam, utque secundò delinquerem, provocavit.

Necdum tamen ita frontem perfricui, quin meæ me fidentie aliquantò suppudeat; dum grande Nomen, totoque Orbe clarissimum, paucis pagellis, obscuroque ingenii factui præscribo. At Tu, MECOENAS OPTIME, qua es humanitate, legi, bonique consules, ut abs te nostra hæc claritudinem, & dignitatem accipiant. Leve quidem id munus, ac perexiguum, sed hoc ipso quiddam sacrario tuo appenditur, pretiosum. Et quidem alii Literatorum vulgo exempti, quorum, & portus, & sinus, & perfugium es, cimelia tua donis amplissimis cumulabunt, nos numerus: æra minuta latenter, ac surda numeramus: quo possumus farre pio, & saliente mica, mollimus Superos. Tu modò propitiare: ac si quando a publicis curis feriari contigerit, eruditor oculos flecte, quibus literæ nostræ, ac disciplinæ beantur. Rarus bonus mihi erit, a Viro sapientissimo legi, rarior ab optimo diligi. Vale summo Reipublicæ, & Academiæ bono; quo sospite fortunatum literarium regnum, Musasque reduces auguramur. Vale iterum, ac me tui observantissimum, uti facis, perpetuò fove.



P R Æ F A T I O.

QUUM primum de Danielis Libro per epistolas nuntiatum est, quo quid fidei circa divinæ Gratiae efficaciam esset, quid præter fidem; quid ex Augustini mente, quid præter mentem, exponere niteretur: id statim venit in mentem, sat bene Theologum Molinianum domesticæ Scholæ commodis prospecturum, si quas ipsa sententias amplectitur, præter fidem, aut etiam, si potis esset, præter Augustini mentem esse contenderet. Hoc etenim ultimum vallum, quo se olim cæteris depulsi munimentis Moliniani receperant, diù novi. Ast ubi post mensem alterum, perlatum libellum legere contigit, rem longè secùs esse, quàm putaveram, intellexi. Vix enim pauca folia delibavi, cum statim nova cudi fidei capita deprehendi, recentium paradoxa sacris Ecclesiæ dogmatibus accenseri, privatas opiniones universo Theologorum cœtui frequentius adscribi, probatissimas tandem, receptissimæque sententias, testè saltem, ac per cuniculos, hæreseos notis inuri. Idque, quod mirandum magis, fidentia tantâ, dictorumque securitate, ac philautiâ, ut cum sua fermè omnia levissimis momentis expediat, quæ ne tyronem quidem morari queant, demonstrationes tamen, si quas habet Theologica res, absolutissimas dicat.

Potueram quidem, ac etiam fortasse debueram, furda aure tenuem scriptiunculam præterire, quæ prima duntaxat gratiæ congruæ rudimenta, ad sublinienda simplicium ora, instillandumque illustribus scæminis Molinismum, vernaculo idiomate Lectoribus tradit. Verùm Amicorum hortatu, ac penè convicio, qui notam haud levem Scholæ Thomisticæ iniustam querebantur; multaque passim aiebant esse, quæ specioso verborum fuco, coactaque Conciliorum, & Augustini interpretatione, vera rudioribus viderentur, reponere coactus sum. Quare ne quid fortè virgam effugeret, si desultoria methodo Theologicam Danielis tractationem confutarem; totam a capite ad calcem, continuatâ serie, censoriis notis expungam: modestè tamen, & intra modum, ne quis obtrectandi libidine potius, quàm tuendæ veritatis studio, hunc a me susceptum laborem existimer.

Neque tamen dum id operis molior, animus est, delibare de omni genere probationum, & infinita, quibus gratia se ipsa efficax superstruitur, argumenta præsequi, quod ambitiosi consilii foret: sed quod erit huiusce alex, & institutæ a me defensionis maxime proprium, huic insistam uni. In Danielis momenta duntaxat in-

T r r ij qui-

quiram ; & quàm procul a vero superciliosus Scriptor abierit, paucis ostendam . De reliquo, cumulatam gravissimarum, quæ se se identidem offerunt, quæstionum tractationem, præstantissimis, quibus id curæ fuit, Theologis mittam . Unam paulò plenius duntaxat attingam, ut inauditum ejus, de Gratia (*De Correp. & Gratia cap. 12.*) *indeclinabiliter*, & *insuperabiliter* agente, quam actuale esse nolit, paradoxum exfufflem ; ne se ipse, quasi novo invento cœli convexa tetigerit, superbiùs efferat ; (*Animadv. 30.*) nobisque Augustinianæ (quæ viro Moliniano stomachum movet) loquendi formulæ defensoribus, erroris labem affingere pergat.

Tu interim, amice Lector, his utere . Ac si victricis Gratix, uti par est, studio delectaris, Deum suppliciter venerare ; ut, quæ conjunctis animis commentamur, cordibus etiam experiri donet : quò demùm, ejus, quam defendimus, ope, atque præsidio, (*August.*) cum omnibus amoribus, terroribus, & erroribus, vincamus hunc mundum.



SCHOLA THOMISTICA VINDICATA,

S E U

GABR. DANIELIS *e Societate Jesu*
Tractatus Theologicus

Adversus Gratiam seipsâ efficacem Censoriis Animadversionibus
confutatus.



T via, ac ratione procedat mea hæc Theologicæ Tractationis Confutatio, Libelli summam e Gallico Latine redditam, per partes integra fide, & continuata serie repræsentabo, Lectorumque oculis sistam, ac suam cuique censoriam Animadversionem appingam. Ita fiet, ut qui Danielis librum ne viderunt quidem, (neque enim omnibus scribit) rem totam planè percipiant, ac de nostra concertatione, auditis veluti partibus, ex æquo iudicium ferant.



ANL.

piscopo inscriptæ, eundem Pontificem Maximum in Prædicatores occultis de causis, minusque Pontificiæ dignitati honorificis, atque ita silentio involvendis, inclinatum oblique significans.

Author *Epistolæ Leodii datæ*, mense Julio anno 1698. & ad Abbatem *** Auxiliorum Historiam meditantem directæ, qui Gregorium Coronellum idcirco maxime a Clemente VIII. in Congregationum Consultorem adlectum, & ab actis, atque secretis datum obtendit, quod esset Societatis professus hostis; a quo censuræ, atque judicia totius Confessus nomine lata, livore malo expedirentur.

Theophilus Raynaudus in *Discussione Libertatis Gibieufanæ*, ubi Guillelmum Gibieufum Oratorii Presbyterum Scholæ Thomisticæ partes agentem plautino sale defricat.

Theses a Molinianis Professoribus vindicatæ Tolosæ anno 1681. Cadomi 1692. Rhemis 1696. Lugduni 1697. Rothomagi 1698. Lovanii 1704., quarum aliarum ob nimios excessus ab eruditissimis Præfulibus inustæ sunt.

Syndicus Academiæ Trevirensis, Societatis adversus Dominicannum Congregationum Historicum procurator, & actor in *Iusta querela*; qua eundem brevi pagella mille conviciis excipit; *traductorem infamem, atri ingenii virum, impudentem, tenebrionem, sycophantam, laavernionem, mendacem, blateronem, impudentissimum, vesperilionem* appellans.

Danielis ipsius ad Natalem Alexandrum, & Prædicatorum Præpositum Generalem Epistolæ, frigidis Jansenismi accusationibus infartæ, Romanorum Pontificum, Regisque Christianissimi interdicto insuper habito.

Quibus addere liceat vulgatam nuper sub ascitio *Theodori Eleutherii* nomine Auxiliorum Historiam, de qua nihil hætenus præter auditum habeo; conviciis, ut accipio, in Prædicatorum Ordinem, & scommatis infartam; *quorum onus baud portet centum rates incita remis*.

Hæc quisquis legerit, iudicio demum statuet, utri excessu peccarint: numve *litteratus homo* (*Un homme des lettres, & un bonnete homme, ce n'est pas toujours la meme chose.*) (ut sua Danieli verba reddam) *idem sit semper, atque bonefusus*.

In hoc etiam erit æquis rerum æstimatoribus inquirendum, qui primi acuerint calamum, illudque Hieronymi dictum secunda adversus Rufinum invectiva præ oculis habendum: *si hoc culpatur, ego in opere postremus sum, & necesse est, ut culpa a primis incipiat*. Qua de re dictum satis in Monito ad Lectorem, Historiæ nostræ vindiciis præmissis, ut quorundam obmurmurationes repelleremus.

II.

LIBELLI SUMMA.

Queritur Molinianus Disputator, (Pag. 4. 5.) Sedis Apostolicæ statuta ab iis Theologis violata, qui aut Scholæ suæ placita, tanquam fidei capita divendunt, aut partis adversæ sententiam invidiosis hæreseos, & erroris notis inurant.

ANIMADVERSIO.

Quis tulerit Græcos de seditione querentes? (Juven.) Mediam libelli partem queribundus Scriptor impendit, ut gratiam Molinifico sensu sufficientem, omnibusque promiscuè collatam, in fidei dogma transformet; gratiamque se ipsa victricem, Calviniano luto hærentem ostendat; & tamen de cæteris violata statuta fidenter expostulat, adhibitamque abs sese in scribendo moderationem maximam gloriatur. Id scilicet lippis proprium est, mala sua oculis inunctis non pervidere, in aliorum autem defectibus, tam cernere acutum, quàm aut aquila, aut serpens Epidaurius.

At si tanta illum, ut videri vult, Decretorum Pontificiorum religio tenet; quid, quæso, prægravem illam de Divinorum Auxiliorum efficacia controversiam, ex instituto pertractandam aggreditur, Pauli V. Urbani VIII. Innocentii X. ac XII. Decretis insuper habitis, atque a nemine, quod magis mirere, laceffit, ac provocatus? Quid abstrusiora divinæ Gratiae mysteria, subtilioribus Theologis inaccessa, vernaculo idiomate commentatur, ipsumque prophanum vulgus in sapientiæ sacrarium inducit? nisi forte est illa provida sagacitatis industria, ut qui viros eruditos, Augustinianorum dogmatum studiosos, suis partibus illigare haud potis est, illiteratos in Molinismum flecti cereos succenturiet. Idque (quæ summa calliditas est) hacce præsertim ætate temporum, qua novus in Jansenismum turbo detonavit: ut dum humanæ libertati noxiam hæresim iterato fulmine iclam inaudit consilii nescia plebs, Molinismum servandis arbitrii juris plus satis intentum, uti puram, castamque Ecclesiæ doctrinam, probatumque damnati erroris antidotum amplectatur. Sic tamen, quod mirandum magis, suum ipse Molinismum exercitatis ingeniis suspectum novit, ut mali nescio quid ominis ipso ejus nomine contineri, sua fatis scribendi ratione significet. Cum enim vix toto Libello articulus exeat, quo suos ille Molinianos, & Scientiam mediam non salutet; ne cui tamen infausta nomina stomachum moveant, arte, studioque quæsitæ periphrasi, verborumque

que circuitu, non Molinianos, sed (*Les Theologiens, qui defendent le système contraire à celui de la Grace efficace par elle-même La science des vérités conditionnelles.*) Theologos contrarium Gratiæ se ipsâ victrici systema statuentes dicere mavult: non Scientiam mediam, sed futurorum, quæ libera conditio adjecta est, cognitionem appellat. Quasi sua, suosque citare per nomen pudeat.

Cæterum si sua illa queribunda expostulatione, Dominicæ Congregationum Historicum sagillare hoc loco voluit, (quod conjicere pronum est) injuriam illi haud levem irrogat. Quamquam enim pro suscepti operis parte, instructas in Auxiliorum Congregationibus censuras retulerit propemodum infinitas, quæ Moliniana doctrina uti Semipelagiana inusta est; numquam tamen eam ex formâ juris, atque ex Apostolico tribunali, sanctoque judicio damnatam asseruit. Rem totam, ut gesta est, sincerè, ac simpliciter enarravit; Theologorum placita, Consultorum censuras, meditata judicia, ac demùm delineati Diplomatis Pontificii specimen, Lectorum, ut par erat, oculis subjecit: at tantùm abest, ut notatas inibi assertiones, hæreticas, aut re ipsâ proscriptas ex animi sententiâ dixerit; ut contrâ potius sub ipso Præfationis initio, ac deinceps *paragrapho* 12. disertè, ac prolixe admodum significarit, nullam, quod jus attinet, censuris illis inesse vim, iis adstringi neminem, Molinæ systema a suis etiamnùm defendi posse, nullique fas esse invidiosas illi Pelagianismi notas inurere: seque idcirco duntaxat lata judicia passim in Historiâ prolaturum spondit, ut unam facti fidem adstrueret, omni, quod jus attinet, censurarum, judiciorumque consideratione sepositâ. Hinc, & hoc ipso *paragrapho* 12. Innocentii X. Decretum expendens, quo nullam Auxiliorum Congregationis actis fidem habendam edicit, & ab neutrâ parte allegari posse decernit, pronam illi obedientiam spondet, ademptam iis actis juris fidem agnoscit, ab neutrâ dissidentium parte laudari posse profitetur; quod nempe Auxiliorum controversiâ semel in suspenso posita, fidem in judicio nullam faciant, quæcumque in partem alteram judicia lata sunt; nec unquam Sententiæ Pontificiæ vim habitura sint, donec ultima illi solennitas juris accesserit. Hocine est Romanorum Pontificum Decreta revellere, & adversæ parti hæreseos notam audaciùs affricare?

III.

LIBELLI SUMMA.

(Pag. 3.) A Romanis Pontificibus sancitam, Theologos inter de Gratia dissidentes, pacem obtendit; postque tot habitas concertationes, totque instructa judicia ab iis demum pronuntiatum ait, posse utriusque Scholæ sententiam ex æquo defendi.

ANIMADVERSIO.

Purum id, putumque figmentum est, *capite 22. libri 4. Historiæ nostræ data opera confutatum*. Non statuta pax, sed data ad tempus induciæ; non finita lis, sed in suspenso posita; non lata de Molinæ dogmatibus in erroris suspensionem adductis Pontificia sententia, sed in commodiorem tempestatem a Pontifice missa. Quid aliud, amabò, sonat fiduciarium Pauli V. Rescriptum solutis demum congressibus gemini instituti præpositis datum? *In causâ de Auxiliis Sanctissimus Dominus Noster Disputantibus, & Consultoribus significavit, posse illos reverti ad propria. Dixitque Sanctitas sua SE OPPORTUNO TEMPORE PROMULGATURAM DECLARATIONEM, AC DETERMINATIONEM SUAM; atque interim quàm serò injunxit, ut in bujusce argumenti tractatione nullus partem alteram nostrâ aliquâ, vel censurâ afficere audeat, &c.*

Dispar ergo in Ecclesia Catholica utriusque sententiæ conditio; Scholarumque judicio certantium jura toto cælo diversa. Quanquam enim, missa in aliud tempus meditati judicii promulgatione, neutri parti adjudicata lis dici queat; præstat tamen interim Actoris, quàm Rei conditio; quique de suscitato Pelagianismo ex juris forma postulatus est, necdum quoad sententia prodeat, purgatus obtendi potest. Sola quippe sententiæ denuntiatione purgari reum, notius est, quàm ut multis demonstrari necesse sit.

Nec est, quod quispiam opponat, Pauli V. Rescriptum utramque Scholam ex æquo petere; aut certè utrique ex æquo indultum, ut sua interim sensâ sine alterius morfû tueatur. Id enim reo indultum *interim* monuit Pontifex, dum meditata sententia publici juris fiat. Ad hæc cum Moliniana dogmata, in tota causæ tractatione, ac demum in meditato diplo-

plomate Pelagianismi notata sint; e contrà Thomistica, sana, ac planè Augustiniana pronuntiata fuerint; consequens omnino est, concessam utrique parti licentiam sua interim sensa tutandi, donec instructa sententia ex juris formulis promulgetur, Molinianæ quidem Scholæ in erroris suspensionem vocatæ, occultoque judicio prædamnatæ indulgentiam esse, tolerantiam, ut summè permissionem; Thomisticæ verò eodem judicio comprobata, imò veriùs nusquam in suspensionem adductæ, jus summum, ac strictum.

Observationem hanc nostram Illustrissimo Rhemensium Archiepiscopo acceptam ferimus, Molinæ doctrinam (*Une doctrine, qui n'est, que tolérée dans l'Eglise.*) ex sola Ecclesiæ tolerantia permissam pronuntianti, solenni decreto die 15. Julii dato anno 1697. Quin, & hoc addit eruditissimus Præsul instituto nostro percommodum. *Equidem Clemente VIII. ad superos vocato, Paulus V. cujus consilia introspicere religio nobis est, meditatum judicium in suspensio posuit, & in commodiorem tempestatem consultò distulit. At nemo inde citra temeritatis notam propterea colligat, probatum idcirco fuisse Librum illum, de quo tandiù fuerat deliberatum. Post tam diligentem motæ liti tractationem, silentium Romanorum Pontificum approbationis loco jactare velle, hominum est nimis audacium, qui Sedem Apostolicam Protestantium calumniæ committunt, qui eam de contentâ jam tandem Augustini doctrinâ, novisque Molinæ inventis in animum inductis accusant.*

Lege caput 19. lib. 4. Historiæ nostræ de Divinis Auxiliis, ubi hanc ipsam Danielis fabulam ad ravim usque a Sociis decantatam cumulatiùs confutavimus.

IV.

LIBELLI SUMMA.

(Pag. 6.) Id sibi potissimè constitutum ait, ita gravem illam de divinæ Gratix efficacia controversiam expedire, atque ad liquidum perducere, ut evoluto demum Libello, de utriusque sententiæ meritis Lectores faciliè judicent.

ANIMADVERSI O.

Mirum ! Decennio, & eo ampliùs defudarunt Romani Pontifices, ut geminæ Scholæ momenta perpenderent; nec ipsi soli, sed, & constituti ab Apostolica Sede Cognitores numero
Vuu ij mul

multi, dies; noctesque laborarunt, ut causam iudicio maturarent: Daniel multarum vigiliarum oneri parcens, unius duntaxat, alteriusve horæ tædium, quæ evolvendo Libello satis erit, exposcit, ut de tota demum lite iudicium ferri queat. Clementis VIII. vicem doleo, cui Daniele Consultore uti, negarunt superi. *O quid perdidit, qui se audire non potuit!* August. lib. 4. *Operis imperf. cont. Julianum* cap. 120.



ANIMADVERSIONES

In tractationem præambulam de Gratia sufficienti.

V.

LIBELLI SUMMA.



RATIÆ sufficientis naturam, quam ex fide Catholica profiteri necesse sit, his verbis exponit. (Pag. 9. & 10.) Gratia sufficientis nomine ea intelligitur, quæ sufficiat, quæque id habeat omne, quod ad effectum suum edendum necesse est, hoc est, ad actum bonum exerendum, ad quem hominem movet, tametsi cum reipsâ non edat Id ergo queritur in præsentâ, quid nos de iis merè sufficientibus, & inefficacibus gratis fides doceat, quibuscum id habetur omne, quod necesse est, ut actus, quem nobis inspirant, exeratur; quibuscum tamen ex renitentis voluntatis defectu non editur.

ANIMADVERSIO.

Quin istud sufficientis gratiæ genus in Scholas invehere totis viribus adnitantur Moliniani Professores, quæ secum omnia completatur, quæ sunt ad pietatis actum necessaria, nullus dubito: nec esset quod vehementius miraremur, si Daniel more Majorum, eandem nobis fabulam occentaret. Verùm quodd Scholæ domesticæ opinionem a cæteris quibusque Theologis summo consensu, imò cum stomacho confutatam, uti Catholicæ fidei professionem nobis obtrudat, nemo non indignabitur vehementius.

Thomistarum ne vel unum reperire est, qui hanc cum Navaretto assertionem non ponat, multique probare non satagat. (Tom. 2. CONTRA. 19. §. 1.) Quod Suarez dicit, *auxilium sufficiens includere in se omnia, quæ sunt necessaria ad operationem, falsum est, & contra D. Augustinum*. Horum nemo sapientissimi Lemosii de ea sufficientis Auxilii notione a Molinianis tradi solita, iudicio non spontè subscribit: (Tract. 8. de aux. suff. cap. 1.) Non est hoc verum auxilium sufficiens, quod a Theologis recipitur, & usurpatur; sed est illud, quod contra veram Christi Domini gratiam Julianus, Cassianus, & Faustus, & alii Massilienses introduxerunt. Erunt ergo Thomistæ omnes, si penès Danielem judi-

judicium est, fidei desertores. Absit tam audax, tam iniqua censura.

Si quod itaque de Gratia sufficiente Catholica fides habet, Lectorum oculis sistere amat Molinianus Disputator, domesticæ Scholæ præjudicia deponat; ejusque naturam ita explicet, ut quæ universi catholicè sentientes communi calculo ex fidei regulis ponunt, ab iis longè secernat, quæ pauci, iique novissimi, ex mera Ecclesiæ indulgentia de suo addere permittuntur. Dicat cum Augustino, auxilium esse, sine quo non fit opus, non tamen, quo fit: quo datur homini posse, quod velit, non velle, quod possit: gratiam possibilitatis appellet, non actionis: illustrationem, & excitationem vocitet, qua suadetur pietatis opus, non persuadetur; invitatur voluntas humana, non trahitur; inspiratur velle, non datur. Aut certè, si Ecclesiæ sensum Scholæ verbis dicere gessit, gratiam actualem, & interiorem definiat, qua Deus intellectus illustratione; & voluntatis excitatione, dat homini posse bonum operari, si velit. Iis omnibus Catholicæ fidei professionem explicabit, ac secum Theologos universos consentientes habebit. Verùm ubi sacros limites prætergressus hac ipsa sufficienti gratia id omne contineri inquit, quod ad pietatis actum reipsa exerendum necesse sit; non jam Ecclesiæ fidem, ut dicitur, sed domesticæ Scholæ opinionem venditabit, & a reliquo Theologorum choro procul abibit.

VI.

LIBELLI SUMMA.

(A pag. 14. ad 19.) Dari reipsa gratias sufficientes, ex sacris Literis probaturus, eaque versans Proverbiorum, & Isaïæ oracula: *Convertimini ad correptionem meam vocavi, & remisistis Quid est, quod debui ultra facere vineæ meæ, & non feci ei? an quod expectavi, ut faceret uvas, & fecit labruscas?* Id principii loco ponit: jubere Deum, ac etiam expectare, ut convertamur, & bonos fructus feramus, vi gratiæ sufficientis.

ANIMADVERSIO.

Non is ego sum, qui gratias sufficientes, germano sensu acceptas, dari negem, eaque sacris ex Literis colligi posse diffitear; sed Moliniana principia, uti fidei capita Lectoribus instillare male habeo. Deum itaque gratias sufficientes aut præparantem, aut conferentem, obduratorum etiam hominum conversionem, ac bona ope-

opera non jubere modò, sed expectare, Catholica fides docet : verùm isthæc vi gratiæ sufficientis juberi, ac etiam expectari, quasi hujus unius ope reipsa exeri queant, Molinianæ Scholæ paradoxum est. Longè aliter Schola Thomistica, quam Catholicam, velit nolit, Daniel non negabit. Huic certò persuasum, quod, & in celeberrimis Auxiliorum Congregationibus propugnavit : (*Histor. de Aux. col. 199. Alvar. Disp. 58. n. 3.*) Bonum usum auxilii sufficientis, non esse a solo auxilio sufficienti, sed efficaci : atque idcirco peccatoris conversionem, cæteraque pietatis opera, quæ sacris in Literis præcipiuntur, Gratiæ efficacis ope futura (nisi ejus receptioni obicem potuerit) expectari. Nihil enim, inquit Augustinus lib. 2. contra duas Epistolas Pelagianorum cap. 10. n. 23. in Scripturis sanctis homini a Domino video juberi, propter probandum Liberum Arbitrium, quod non invenitur, vel dari ab ejus Bonitate, vel posci, propter adjutorium gratiæ demonstrandum.

Certè qui Deum, concessa semel gratia sufficienti, peccatoris conversionem expectare fabulantur, vi ipsiusmet gratiæ sufficientis, quam is vel nutu solo, vel ob circumstantiarum opportunitatem, efficacem efficiat, in quantum Arausicanæ 2. Synodi Canonem impingunt : Si quis, ut a peccato purgemur, voluntatem nostram Deum expectare contendit ; non autem ut etiam purgari velimus, per Sancti Spiritus infusionem, & operationem, in nobis fieri confietur, resistit ipsi Spiritui Sancto per Salomonem dicenti : Præparatur voluntas a Domino ; & Apostolo salubriter prædicanti : Deus, qui operatur in nobis velle, & perficere pro bona voluntate (apud Labb. Tom. 5. pag. 809.) Qua de re plenius Animadversione 26.

Cæterùm si quæras ex me, ut quid Deus id expectet a peccatoribus, quod gratiæ efficacis ope, qua destituti supponuntur, exerendum esset? reponam, quia, & hanc quoque concedere paratissimus est, nisi, & hac ipsa destitui, sua iniquitate mererentur. Ita Augustinus lib. 2. de peccatorum meritis, & remiss. cap. 17. Ut autem innotescat, quod latebat, & suave fiat, quod non delectabat, gratia Dei est, quæ hominum adjuvat voluntates : qua ut non adjuventur, in ipsis isidem causa est, non in Deo, sive damnandi prædestinati sint propter iniquitatem superbiæ ; sive contra ipsam suam superbiam judicandi, & erudiendi, si filii sint misericordiæ. Cujus quidem Augustinianæ sententiæ rationem verè angelicam subministrat Doctor Angelicus in 1. Sent. dist. 40. q. 4. art. 2. Hominem carere gratiâ ex duobus contingit: Tum quia ipse non vult recipere: Tum quia Deus non sibi infundit, vel non vult sibi infundere. Horum autem duorum talis est ordo, ut secundum non sit nisi ex suppositione primi. Cum enim Deus non velit nisi bonum,

non

non vult istum carere gratia, nisi secundum quod bonum est : sed quia iste careat gratiâ, non est bonum simpliciter : unde hoc absolute consideratum non est volitum a Deo. Est tamen bonum, ut careat gratiâ, si eam habere non vult, vel si ad eam habendam negligenter se præparat : quia iustum est ; & hoc modo est volitum a Deo. Patet ergo, quod huius defectus absolute prima causa est ex parte hominis, qui gratiâ caret : sed ex parte Dei non est causa huius defectus, nisi ex suppositione illius, quod est causa ex parte hominis.

Addiderim, quod magis Danielis argutiz vanitatem experiaris, ad statuenda fidei capita minus efficax argumentum ex Scripturæ parabolis peti, nisi in sensum a Spiritu Sancto intentum accipiantur. Porro tametsi vineæ figurâ, de quâ Isaiæ 5. sermo venit, quicumque peccator per translationem intelligi queat, culturæ verò eidem adhibitæ nomine, internæ, queistangitur, gratiæ accipi possint, domum nihilominus Israelis, sacra illa parabola verè, ac iuxta literam adumbrari perspicuum est : *Vinea enim*, subjungit Isaias parabolæ sensum aperiens, *Domini exercituum, domus Israel est* : cultusque nomine impensa Israeli beneficia designari, perinde certum. Hæc autem nulla internarum gratiarum mentione facta, ad tria præsertim capita revocat D. Thomas ; (*In Isaiam*) ad cerræ videlicet Israelitis attributæ fertilitatem, Angelorum custodiam, & Regiam dignitatem. Quis ergo Daniele non rideat de gravi supercilio pronuntiantem pag. 18. *Manifestum est, vineæ cultum eo Scripturæ loco memoratum, gratias ipsas esse, quibus Deus prævenit peccatorem?* Imò id longè manifestius, non posse sacrum oraculum, animæ peccatricis, gratiisque internis, nisi per translationem accommodari. Num autem vi gratiæ sufficientis præcipiat Deus, quasi præcipere justè non possit, nisi eam ad implenda, quæ jusserit, largiatur, Animadversione 9. data opportunitate declarabimus.

VII.

LIBELLI SUMMA.

(Pag. 21. & 22.) Gratias sufficientes ex Can. 25. Concilii Arausiacani probandas sibi sumit, his verbis expresso : *Hoc etiam secundum fidem Catholicam credimus, quod acceptâ per Baptismum gratiâ omnes baptizati, Christo auxiliante, & cooperante, quæ ad salutem pertinent, possint, & debeant, si fideliter laborare voluerint, adimplere.*

ANI.

ANIMADVERSI O.

Perperam prorsus, atque immeritò. Neque enim ea Canonis verba, *Christo auxiliante, & cooperante*, de gratiis actualibus, ac merè sufficientibus accipi possunt; sed de habitualibus, & efficacibus, quæ ad pietatis, & salutis opera exerenda sunt necessariæ. Quis enim cooperantem gratiam merè sufficientem appelleret, quæ det tantum posse si volumus, non velle, quod possumus? cùm Augustinus *lib. de Gratia, & Lib. Arbit. cap. 17.* disertè pronuntiet: *Cùm autem volumus, & sic volumus, ut faciamus, nobiscum cooperatur: tamen sine illo vel operante, ut velimus, vel cooperante cùm volumus, ad bona pietatis opera nihil valeamus.* Quis Deum cooperari per gratiam sibi fingat homini, nec volenti, nec operanti; quod utique ponere necesse fuerit, si qua gratia cooperans merè sufficiens asseratur? Actualement itaque gratiam efficacem insinuari eo loci certò liquet, aut certè habitualement, quam suo quoque sensu cooperantem ostendit Doctor Angelicus 1. 2. q. 111. a. 2. *Si accipitur gratia pro habituali dono, sic est duplex gratie effectus, sicut, & cujuslibet alterius formæ: quorum primus est esse, secundus est operatio Sic igitur habitualis gratia, in quantum animam sanat, vel iustificat, sive gratiam Deo facit, dicitur gratia operans; in quantum verò est principium operis meritorii, dicitur cooperans.*

Laudati itaque Canonis sensus est, Christianos, vi sacri Baptismatis peculiari quadam ratione, facultateque magis expedita, posse, quæ ad salutem pertinent, adimplere, præsidio videlicet gratiarum, cùm habitualium, tùm actualium efficacium, quæ illis proculdubid præstò sunt, nisi culpa sua sacræ regenerationis stolam amiserint. Aliunde enim, si rem absolutè, ac simpliciter spectes, quotquot etiam Sacramento regenerationis expertes impiam vitam degunt, possunt, quæ ad salutem pertinent, adimplere; nemoque omnium unus est, cui divina mandata impossibilia dici queant. An verò ex ea, quæ omnibus inest, implendorum mandatorum potestate, gratia sufficiens omnibus obvia possit extendi, examinabitur loco suo. (*Animadv. 9. & 13.*)

VIII.

LIBELLI SUMMA.

(Pag. 22.) Idem probandum instituit ex Concilio quarto Lateranensi, capite *Firmiter*, cujus sunt hæc ipsa verba: *Si post susceptione*
Praelect. P. Serry Tom. II. X x x

prionem Baptismi quisquam prolapsus fuerit in peccatum, per veram poenitentiam semper potest reparari.

ANIMADVERSI O.

Si cui gratia sufficiens actualis, atque interna hoc loco subolet, quia fortè sancitum legit, posse *semper* baptizatum hominem amissam regenerationis gratiam reparare; is quoque sibi fingat necesse est, internas superni ordinis gratias sufficientes, illustrationes videlicet mentis, ac pias voluntatis excitationes *semper*, ac quovis momento scelestissimis, & obstinatissimis peccatoribus, quales heu! inter baptizatos multi sunt, præstò esse. Quod quis credat?

Id unum itaque sibi vult sacra Synodus, posse *semper* peccatorem per veram poenitentiam reparari, quia veræ poenitentiae gratiam accipere *semper* potest, ejusque culpæ *semper* tribuendum, si minùs accipiat; Deo nimirum concedere paratissimo, nisi justo judicio retrahatur. Interpretamentum ex D. Thomæ principio sumptum est, *quæst. 6. de Veritate art. 3. ad 7. Dicendum quod aliquid potest dici posse dupliciter; Uno modo considerando potentiam, quæ in ipso est, sicut dicimus, quod lapis potest moveri deorsum: Alio modo considerando id, quod ex parte alterius est; sicut si dicerem, quod lapis potest moveri sursum, non per potentiam, quæ in ipso sit, sed per potentiam projicientis. At de his plura Animadversione sequenti & 13.*

IX.

LIBELLI SUMMA.

(Pag. 13.) Concilii Tridentini oraculum advocat, *sessione 6. de Justificatione capite 11. exaratum: Deus impossibilia non jubet, sed jubendo monet, & facere, quod possis, & petere, quod non possis: unde hanc consequentiam elicit, quæ gratias sufficientes evincat: Dum implendum, aut violandum divinum mandatum occurrat, gratia nobis præstò est, quæ implendi potestatem donet; aut certè orationis gratia datur, ut altera gratia postuletur a Deo, quæ eam nobis conferat potestatem.*

ANIMADVERSI O.

Mirari subit, consecutionem hanc uti dogma catholicum venditari, quam uti falsam, & absouam negat Theologorum pars nobilissima. Certè Lovanienses, ac Duacenses in censuris adversus Lefsum,

sium, & Hamelium adornatis, Estius in 2. *Sent. dist.* 26. Sylvius 1. 2. *qu. 109. art. 4.* Bellarminus *lib. 6. de Gratiâ, & Libero Arbit. c. 15.*, & alii, quos recensere longam esset, implendorum mandatorum potestatem, quæ universis, vel scelestissimis hominibus inest, aliunde quàm ex immisissis, quoties præceptum incumbit, illustrationibus, atque excitationibus, derivarunt. Quotquot etiam induratos, & obcæcatos, omni, ad certum saltem vitæ tempus, interiori gratia destitui profitentur viri Theologi, (quos sanè nec paucos, nec infimi nominis esse, jubente Eminentissimo Cardinali Noallio, publico instrumento declarare compulsus est Gabriel Belschæterius Soc. Jesu, die 3. Aprilis 1700.) eos nihilominus gravissimorum criminum reos habent, quæ divinorum mandatorum violatione, in hoc ipso desertionis statu, indefinenter admittunt.

Quid quodd Augustinus, toties a Pelagianis laceratus, trita illa, ac pervulgata accusatione; præcepta ex ipsius sententia fore impossibilia peccatoribus, utpotè quos gratia illa destituit contingat, quam ad illa implendâ necessariam statuebat: nusquam ad præsentem quibuscvis hominibus illustrationem, excitationemque confugit, ut hæc ipsis impossibilia demonstraret?

Nusquam etiam Doctor Angelicus, in exponendâ divinorum præceptorum, ut ipse loquitur, possibilitate, ad communem universis hominibus actualem gratiam confugisse legitur. Imò illos ipsos divinorum mandatorum violatione peccare contendit, quos Deus in præcedentium delictorum poenam gratia etiam sufficienti destituit, seu illo ipso auxilio *sine quo*, cujus mentionem ingerit Augustinus libro de *Correptione, & Gratiâ cap. 12. Dicendum*, inquit D. Thomas 2. 2. *quæst. 2. art. 5. ad 1. quod si in potestate hominis esse dicatur aliquid excluso auxilio gratiæ, sic ad multa tenetur homo, ad quæ non potest sine gratiâ præparante, sicut ad diligendum Deum, & proximum: & similiter ad credendum articulos fidei, sed tamen hoc potest cum auxilio gratiæ, quod quidem auxilium quibuscunque divinè datur, misericorditer datur; quibus autem non datur, ex justitiâ non datur, in poenam præcedentis, aut saltem originalis peccati, ut Augustinus dicit in libro de Correptione, & Gratiâ.*

Quàm itaque turpiter hallucinantur, qui quoties homini possibile mandatum inaudiunt, toties præsentem eidem sufficientem gratiam colligunt: quasi hæc una statuendæ, probandæque implendi mandati potentiz ratio suppetat, eaque negatâ homini gratiâ divinæ mandata impossibilia censeantur!

Qui cumulatam hujus argumenti tractationem legere amat, consulat Historiam nostram de divinis Auxiliis in additis 2. pag. 82. ad 114. ubi hæc duo omni argumentorum genere demonstravi-

Xxx ij mus:

mus: 1. ut peccatum divinorum mandatorum violatoribus imputetur, nullam supernaturalem mentis illustrationem, aut excitationem voluntatis esse necessariam: 2. impotentiam voluntariam, seu propriam iniquitatem contrariam, obduratos, & excæcatos a peccato non excusare.

Nihilo felicius orationis gratiam, quibusvis peccatoribus obviā, quoties præceptum incumbit, ex eā sacre Synodi sanctione colligit Theologus Molinianus, idque uti fidei caput nobis occentat. Quasi verò, nisi hæc, ut minimūm adsit, quā implendi mandati potentiam cœlo devocent, mandatum impossibile censetur, ejusque violatio nulli culpæ subiaceat. Commentum hoc non allatæ modò considerationes evertunt, sed, & sequens præcipue, cuivis vel mediocriter erudito statim obvia.

Implendi mandati lege non iusti modò, atque fideles, sed, & mortalium scelestissimi excæcati, obdurati, hæretici, athei etiam, atque gentiles, pro sua quique conditione tenentur; ac ni impleant, peccato subjacent. Ecquis tamen illos, quoties præceptum incumbit, quoties peccant, piis illis ad orandum Deum cogitationibus, & affectionibus excitatos effutiet? Quis Gentiles, Deum verum ignorantes, Atheos numen omne perfractè negantes, de illo tamen orando sæpius cogitare sibi fingat; dicente Apostolo *ad Rom. cap. 10. Quomodo invocabunt, in quem non crediderunt?* Quis Philosophos illos, qui mundum negabant providentia regi, quique pro virtute neminem unquam Deo supplicasse sentiebant; de orando tamen pro virtutibus Deo, sæpius die quavis excitatos existimet? Quis Pelagianos gratiam ad peccata vitanda necessariam diffidentes, de hac tamen quotidie imploranda cogitasse dicat? Quis demum Neronem, Caligulam, Heliogabalum, aliaque hujusmodi hominum monstra, tum cum in omnium sordium, & flagitiorum cœno se volutarent, sexcenties in dies piis ad orandum motibus agitados fabuletur? Perperam igitur sufficientem ad orandum gratiam omnibus obviā, ex implendorum mandatorum lege colligit novorum fidei dogmatum fabricator.

Neque juvat, quod aliquibus venit in mentem, mortalium scelestissimos, ipsosque gentiles, ac barbaros, iis illustrationibus, & excitationibus cœlitus immixtis quotidie perfundi, sed ad eas minas attendere. Id quippe doctè refellit Cardinalis Bellarminus *lib. 2. de Libero Arbitrio cap. 6. Dicunt aliqui, Deum quidem perpetuè pulsare ad osium cordis, & peccatores vocare; sed eos aliis rebus intentos non percipere vocationem . . . Sed hæc responsio cum ipso experimento apertissime pugnat, nam cum vocatio, pulsus, tractus, excitatio illa Dei, sit actio nostra, quamvis non libera, nimirum bona cogitatio, bonumque desiderium, repente, ac divinitus immis-*
sum;

sum; quomodo potest fieri, ut non sentiat a nobis, si sit non solum in nobis, sed etiam a nobis? En in quantas angustias adiguntur, ut gratiam saltem orationis in omnes divinorum mandatorum transgressores effusam, positam dicant, in excitatione, quæ non excitet, in cogitatione, de qua minimè cogitur, in piis denique motibus, qui ab illis ipsis, qui moventur, nullatenus sentiantur: quasi vel fieri possit, ut quis excitetur non excitatus, cogitet incogitans, immotus denique moveatur?

Qui ergo, inquires, germanus Tridentinæ Synodi sensus erit, dum ait: *Deus impossibilia non jubet, sed jubendo monet, & facere, quod possis, & petere, quod non possis?* Respondeo, duplex: Prior quidem ab instituta de gratia sufficienti quæstione, toto cœlo disjunctus, ab Estio in 3. *Sent. dist. 27.* & Bellarmino *lib. 4. de Justificatione cap. 10.* propugnatus, ut videlicet de justis in accepta justitia perseverantibus intelligatur, a quibus divina præcepta servari dicuntur, adeoque non esse illis impossibilia, uti Lutherani stolidè delirabant; qui justis omnibus, etiam dum spiritus Dei aguntur, divina mandata esse impossibilia contendeabant, quod singulos illorum actus concupiscentiæ veneno infectos arbitrarentur. Alter Canonis sensus est, ut de quibuslibet fidelibus accipiat, quibus præcepta possibilia dicuntur, quia per gratiam efficacem, quam aut habent, aut certè implorare jubentur, impleri recipi possunt. Augustinus enim *libro de Naturâ, & Gratiâ capp. 42., & 43.* unde sacre Synodi definitio expressa est, potestatem cum effectu conjunctam intelligit. Unde autem implendorum mandatorum ab effectu sejuncta potestas, quæ peccatoribus etiam inest, repetenda veniat; nihil eo loci statuit sacra Synodus, ex quo decretorium pro gratia sufficienti argumentum exeri possit. Neque enim iis vocibus: *Deus jubendo monet petere, quod non possis,* significatur, orandi gratiam, quibuslibet peccatoribus semper adesse, dum agendi gratia sunt destituti. Aliud namque est *admonere*, aliud *gratiam dare*: aliud Lex jubens, aliud spiritus adjuvans. Hæc si quis promiscuè confuderit, universam Apostoli, & Augustini doctrinam eversum ibit.

X.

LIBELLI SUMMA.

(Pag. 24.) Alterum eodem ex capite sacre Synodi oraculum laudat: *Deus namque sua gratiâ semel justificatos non deserit*: cui glossæma istud ad sufficientem gratiam inde colligendam, appingit: *Deus porro justificatum deserere censendus esset,*

esset, si gratiam implendi præcepti, dum instat occasio, denegaret.

ANIMADVERSIO.

Ita-ne Tridentina Synodus, semel justificatos a Deo minimè deferri, simpliciter dixit; unde quis fortè colligat, justitiam ab ea definiri, quæ nunquam excidat, nunquam amittatur? Quid subjeta Synodi verba, quæ suspensus periodi sensus absolvitur, Danielis hæserè calamo, nisi ab eis prius deferatur? Inde quippe contrarius sensus efficitur; Deum nempe justificatos ipsos, certo quodam sensu, aliquando deferere, dum nimirum ab eis prior ipse deferitur.

Sed age scdam, ac studiosam sacræ Synodi mutilationem condonemus. Perperam sacrum oraculum ad solam ætalem, & sufficientem gratiam detorquetur, quod de habituali, qua formaliter, ut Schola loquitur, iusti sunt, a præstantissimis Theologis explicatur: ut videlicet sensus sit, Deum sua gratia semel justificatos non deferere, justitiam habitualement, perquam iusti sunt, subtrahendo, nisi per mortale peccatum prius deferatur ab eis. Ita Estius in 2. *Sent. dist. 26. §. 44.* Sylvius in 1. *part. quæst. 23. art. 5.* Alvarez *disp. 110. n. 19.* Nugno 3. *part. quæst. 26. art. 5.* Nazarius 1. *part. quæst. 23. art. 5.* Ledesma de *Auxiliis art. 12. ad 7.*

Ecquo verò pacto gratiam sufficientem, qualem præsertim Daniel comminiscitur, quæ nunquam homini etiam scelestissimo præstari non sit, sacræ Synodus statuisset? Certè si hæc illi mens esset, non utique pronuntiasset, *Deum suâ gratiâ semel justificatos non deferere, nisi ab eis prius deferatur*: sed contrà potius, Deum sua illa sufficienti gratia semel justificatos, imò vel ipsos scelestissimos homines nunquam deferere, quantumvis ab eis ille deferatur.

XI.

LIBELLI SUMMA.

(Pag. 26.) Laudata primæ propositionis Jansenianæ damnatione, hanc ex adverso Ecclesiæ Catholicæ doctrinam esse contendit: *Nulla Dei præcepta iustis esse impossibilia; quippè orationis gratiam saltem habent, ut implendi, dum instat occasio, præcepti gratiam obtineant.*

ANIMADVERSI O.

Propositionis Janſenianæ damnationi ſubſcribo ex animo : verùm Molinianum interpretamentum, tanquam Eccleſiæ fidem obtrudi, moleſtè ſero. Nulla Dei præcepta juſtis volentibus, & conantibus, ſecundùm præſentes, quas habent vires, eſſe impoſſibilia, gratiamque, qua poſſibilia ſiant, non deſſe, Eccleſiæ fidem agnoſco, pro qua ſanguinem fundere mihi votum eſt. Iſdem actualem gratiam ad orandum, ſenſu Thomiſtico ſufficientem adeſſe, ut nimirùm poſſint orare ſi velint, certò profiteor. Verùm gratiam ad orandum ſufficientem talem illis adeſſe, quæ (quod Daniel ſatis innuit) ad orandum reipſa ſit ſatis, ut implendi præcepti efficacem gratiam cœlo devocent; quæſi orandi reipſa, & implendi mandata gratiæ eo nomine diſtinguantur, quòd illa ſufficiens tantùm, atque verſatilis, iſta efficaciæ cenſeatur; non fidem Eccleſiæ, ſed Moliniani Scriptoris commentum agnoſcò.

Utramque perinde efficacem noviſſet Daniel, ſi animos intendiſſet. Qui enim pag. 8. efficacem ad implenda mandata gratiam novit, propterea quod Ezechielis 36. ſcriptum legerit: *faciam, ut in præceptis meis ambuletis*: quidni quoque efficacem ad orandum gratiam intellexit; dum ita ſupplicantem Eccleſiam animadverſit, *ſac nos ea, quæ tibi ſunt placita, poſſulare?* Qui efficacem ad orationis gratiam hiſce Apoſtoli verbis expreſſam agnovit: *operatur in nobis velle, & perficere*; quidni orandi gratiam non abſimiliter efficacem, altera illa Apoſtoli phraſi multò luculentiùs commendatam deprehendit, qua Deum orandi affectum ita in nobis operari docet, ut non tam nos, quàm Spiritus Sanctus in nobis orare dicatur? Ad Romanos 8. *Spiritus adjuvat infirmitatem noſtram: nam quid oremus ſicut oportet, neſcimus: ſed ipſe Spiritus poſtulat pro nobis gemitibus inenarrabilibus.* Quo quidem eruditus oraculo D. Auguſtinus, orationis gratiam, & ipſam efficacem eſſe tandem agnovit, *Epift. 194. ad Sixtum: ita dictum eſt interpellat, quia interpellare nos facit Adjutorium igitur Spiritus Sancti ſic expreſſum eſt, ut ipſe facere diceretur, quod ut faciamus, facit.* Diſtinctiùs verò, atque ad inſtitutum noſtrum magis appoſitè Divus Fulgentius lib. 2. de Veritate prædeſtinationis, & gratiæ, cap. 4. *Dum præcipitur nobis, ut velimus, oſtenditur quid habere debeamus: ſed quia id ex nobis habere non poſſumus, admonemur, ut a quo nobis datur præceptum, ab ipſo petamus auxilium; Quod tamen non poſſumus poſcere, niſi Deus in nobis operetur, & velle.* Viden' ut orandi non ſecus ac implendi præcepti gratiam perinde efficacem eſſe contendit; eamque non ſemper præſentem, ac quo-

vis sese momento ingentem, sed dum orandi affectum Deus operatur in nobis?

XII.

LIBELLI SUMMA.

(Pag. 28.) Ex tertiæ propositionis Jansenianæ damnatione, gratiam sufficientem hoc ratiocinio colligit : *Inde manifestum est, Ecclesiæ doctrinam esse, ad merendum, vel demerendum, libertatem a necessitate requiri, hoc est, ad peccandum, vel demerendum divini præcepti violatione, desiderari, ut a mandati violatione abstinere possim : habeo igitur, dum præceptum transgredior, ejusdem implendi potentiam : eam porro nisi gratiæ beneficio datam non habeo.*

ANIMADVERSIO.

Spisso errore libertatem a necessitate, quam ad merendum, vel demerendum necessariam, eo judicio sanxit Ecclesia, cum gratia sufficienti confundit : nativam scilicet animæ dotem, versatilem ad utrumlibet facultatem, naturæ rationali congenitam, cum gratuito beneficio. Quis id æquo animo ferat? Infideles, quæ nuncquam Evangelii lumen affulsit, peccatores obduratos, & excæcos, admissorum delictorum culpa teneri, adeoque libertate ad demerendum necessaria præditos esse, nemo negaverit, illos tamen gratia sufficienti destitui, Ecclesia permittente, ne dicam probante, propugnat Theologorum illustrium bona pars : non itaque Ecclesiæ Catholicæ sententia est, libertatem ad demerendum necessariam nihil a gratia sufficienti distingui, aut illà sublata non stare.

His fermè momentis, omnia quippè non reprobò, sufficientem gratiam (quam modone perperam accipiat, lubenter admitto) ex sacris Literis, Ecclesiæque decretis pessimè colligit. Et tamen, si superis placet, vitreas argutias, e sacris illis fontibus misere deductas, vana, ac propè Thraſonis ostentatione concludit : (Pag. 29.) *En certè absolutissimas, si quas habet Theologica disciplina, demonstrationes : demonstrationes dico, non humana ratione nixas, sed Scripturis, ac fidei definitionibus fultas, evidentique perinde, ac necessaria consecutione delibatas.*

XIII.

LIBELLI SUMMA.

(Pag 36.) Id principii loco statuit, *solum sufficientem gratiam* potestatem conferre; peccatoribus quidem, ut convertantur, reprobis, ut salventur, iustis, ut in accepta iustitia perseverent. Quin etiam subiungit, Catholicos Theologos planè omnes huic hæsisse firmiter, ut Calvinum sufficientis gratiæ derisorem impeterent.

ANIMADVERSIO.

Bellum profectò ! Non sunt ergo Catholicis Theologis adnumerandi Estius, Sylvius, Bellarminus, alique bene multi, de quibus *Animadversione* 9. sermo fuit, qui conversionis edendæ, ac salutis obtinendæ potentiam, quæ nulli, vel obstinatissimo, quandiu mortalem hanc vitam ducit, denegatur, aliunde quàm ex gratia sufficienti, quæ singulis præstò sit, derivarunt.

Certè quosdam saltem in præsentia auxilio sufficiente destitui, in originalis peccati pœnam, disertæ Augustini sententia est, *lib. de Corrept., & Gratia cap. 11.* ubi de hac ipsa sufficienti gratia, seu, quod idem est, de adiutorio, *sine quo non fit opus, non quo fit*, quæstionem instituens ita scribit : *Si autem hoc adiutorium, vel Angelo, vel homini, cum primum facti sunt, defuisset; quoniam non talis natura facta erat, ut sine divino adiutorio posset manere si vellet, non utique sua culpa cecidissent; adiutorium quippe defuisset, sine quo manere non possent.* Nunc autem, quibus deest tale adiutorium, jam pœna peccati est; quibus autem datur, secundum gratiam datur, non secundum debitum. Quinam illi sint, ac quàm diù in fatali illo desertionis statu versentur, haud expendo, nec præsens postulat institutum : hoc dico tantùm, illos ex Danielis Theologia, nullo pacto tunc temporis posse salvari, æternamque, quæ cunctis parata est, felicitatem adipisci; siquidem auxilio sufficienti, quo solo potestas illa confertur, sunt destituti. Cum tamen ex Theologorum omnium assensu nemo mortalem, vel unus sit, qui quandiu mortalem hanc vitam degit, ad Deum converti, æternamque felicitatem adipisci non possit.

Non unius igitur gratiæ sufficientis ope sua cuique potestas inest, peccatoribus quidem, ut convertantur, reprobis, ut salventur, iustis, ut in accepta iustitia perseverent; sed ex aliis quoque capitibus.

I. Externa, ut ita dixerim, potestate : quia quandiu in hac luce versatur homo, & fidei, & conversionis, & perseverantiæ gratiam

tiam accipere semper potest : ejusque semper culpæ tribuendum, si minus accipiat. Quod Scholæ Angeli testimonio confirmavimus Animadversione nona.

II. Interna, at interim remotissima potestate, Libero nimirum Arbitrio unicuique congenito. Etsi enim converti reipsa se solo non possit, nisi divinæ gratiæ præsidium accesserit ; id tamen in optimi amici, ac Domini manu positum est. Quod autem per amicos possumus, per nos ipsos posse censetur ; maxime si liberali, ac generosa indole sint, atque ad largiendum paratissimi.

III. Viciniori potestate per fidem : quia fidelis oratio potest necessaria quæcumque auxilia obtinere. Hinc Augustinus *lib. de Gratia, & Libero Arbitrio cap. 16.* *Magnum, inquit, aliquid Pelagiani se scire putant quando dicunt, non juberet Deus, quod sciret non posse ab homine fieri. Quis hoc nesciat? Sed ideo jubet aliqua, quæ non possumus, ut noverimus quid ab illo petere debeamus. Ipsa est enim fides, quæ orando impetrat, quod Lex jubet.*

IV. Longè viciniori potestate per gratiam sanctificantem, iusti quicumque & implere mandata, & in accepta justitia perseverare possunt. Tum quia ad ordinem supernaturalem evecti, ac divinæ naturæ participes facti, habituale agendi principium habent, quo possint illo in ordine bonum agere, & quæcumque præcepta sunt, adimplere : tum quia contractæ cum Deo amicitix titulo, jus veluti quoddam habent, ad actualia, quæ sibi hic, & nunc necessaria sunt adjutoria, ut bonum reipsa perficiant. Non quodd illa Deus homini debeat tametsi justissimo, sed quodd sibi ipsi debitor sit, suisque promissis, & coalitæ amicitix legibus deesse non possit. Quocirca Augustinus Enarratione in *Psal. VII.* versiculum illum Regii Vatis exponens, *justum auxilium meum a Domino*, hoc inter auxilia iustis, ac peccatoribus data discrimen instituit, quodd illa justitiæ quodammodò sint, ista unius misericordiæ. *Ibi, inquit, misericors auxilium est, quia nullum habet meritum peccator, qui adhuc justificari desiderat, credens in eum, qui justificat impium : hic autem justum auxilium est, quia jam justo tribuitur. Dicat ergo ibi peccator „... Salvum me fac, Domine, propter misericordiam tuam : & dicat hic justus „... Justum auxilium meum a Domino.*

Quatuor istis recensitis potentix modis, is quinto loco succedit, qui gratiæ sufficientis ope confertur ; quam demùm ille coronat, ac prorsus absolvit, qui gratiæ se ipsa victricis beneficio datur ; quo nimirum potestas ipsa transfertur, actuque conjungitur.

Quis itaque Daniele æquo animo ferat, solam nobis sufficientem suam gratiam obtrudentem, cujus unius ope sua cuique potestas infit, peccatoribus quidem, ut convertantur, reprobis, ut sal-

ven-

ventur, iustis, ut in accepta iustitia perleverent; quodque dolendum magis, hoc ipsum figmentum, Theologorum planè omnium Calvini debellatorum nomine venditantem?

Neque faver stabiliendo figmento laudatum ex D. Augustino celebre dictum *lib. de Gratia, & Lib. Arbitr. cap. 4. Homo gratia juroatur, ne sine causa voluntati ejus jubeatur*: quod is pessima fide gallicè reddit: *Dieu commanderoit en vain a l'homme, s'il ne le secourroit en même tems par sa grace*: quasi verò toties infidelibus quibuscumque, arque obstinatissimis peccatoribus præsentem adesse gratiam dixerit sanctissimus Præsul, quoties præcepto tenentur. Absit. Sed id unum eo dicto significat; nunquam nisi opitulante gratia præceptum impleri; quanquam ea bene multos destitui suâ culpâ contingat, quibus idcirco præcepti transgressio, vitio vertitur, uti sexta Animadversione notatum est.



ANIMADVERSIONES

In tractationem de Gratia efficaci

XIV.

LIBELLI SUMMA.



SYSTEMA gratiæ seipsa efficacis, quo sensu a Thomistis (Pag. 45. 46. 48.) asseritur, obscurum, confusum, & captu difficillimum dicit: quia quam seipsa efficacem, suæque ipsius natura cum effectu certissimè conjunctam appellant, nullam tamen voluntati necessitatem inferre contendunt. Scilicet duo hæc mutuo pugnare putat, seque illorum conciliationem nondum intelligentiâ assecutum proficitur.

ANIMADVERSIO.

Scholæ Thomisticæ invidiam conflare satagit Theologus Molinianus, quo ex capite se illa circumspicit, & Augustini magisterio gloriatur. Illud quippè sanctissimus Doctor efficacis gratiæ genus propugnavit, quod cum humana libertate difficillimè conciliari falsus est. *Ista quæstio*, inquit, *lib. de Gratia Christi cap. 47. ubi de arbitrio voluntatis, & Dei gratia disputatur, ita est ad discernendum difficilis, ut quando defenditur Liberum Arbitrium, negari Dei gratia videatur; quando autem asseritur Dei gratia, Liberum Arbitrium putetur auferri.* Quibus paria scribit *lib. de Prædestinatione Sanctorum cap. 14., lib. 2. de peccatorum meritis, & remiss. cap. 18., & Epistolis 214. & 215. ad Valentinum Abbatem.* Tantùmque abest, ut eum a sententia dimoverit objecta toties a Pelagianis conciliationis difficultas, ut se eo maxime titulo cum Apostolo paria sentire contenderet. Quare procul ab Augustino abire convincentur Scholæ Molinianæ Professores, qui facilem, & quibuscvis obviam efficacis suæ gratiæ cum humana libertate conciliationem ostentant.

Neque tamen, quæ captu difficillima est, gratiæ se ipsa victricis cum humana libertate conciliatio, impossibilis repetenda venit. (*Vide Animadv. 34.*) Certè congenitam virtutis alicujus efficaciam, ejusque cum effectu infallibilem ex ipsa sui natura conjunctionem, unà cum motæ voluntatis indifferentia, ejusque in partem alteram

ram

ram potestate coherere, pauca hæc, ut rationes theologicæ missas faciam, exempla demonstrant.

I. Verbum divinum virtute suapte natura efficaci, Christi humanitatem ad omnes ejus operationes applicabat, ut planè repugnaret moventi Verbo humanam non obsequi voluntatem: Quis tamen humanæ in Christo voluntatis actus, liberos neget, indifferenti ad agendum, & non agendum potestate elicitos?

II. Naturalis, ac etiam personalis Christi Domini impeccantia ita intima ratione, suaque ipsius natura cum divini præcepti observantia conjuncta erat, ut spectata intimæ impeccantiæ conditione repugnaret in Christo præcepti transgressio. Nemo tamen divini præcepti observantiam Christo necessariam effutire audeat.

III. Divina vis, qua Spiritus Sanctus Canonicis Scriptoribus adest, se ipsa efficax est, cum effectu suo, hoc est, indeficienti scripione ex ipsa sui natura ita conjuncta, ut planè pugnet, spectata divini præsidii efficacia, ut ii scribendo fallantur, & errent. Nemo tamen Canonicos Scriptores necessitate ductos, & libera in scribendo facultate destitutos effutiet.

IV. Æternum Dei decretum, quo electos suos prædestinat ad regnum, ita intima sui naturæ cum æterna illorum salute conjunctum est, ut planè pugnet, electum decreta sibi sorte, atque felicitate excidere. *Horum enim*, ut scitè loquitur Augustinus *lib. de Corrept.*, & *Gratia cap. 7. Si quisquam peris, fallitur Deus: sed nemo eorum peris, quia nemo fallitur Deus. Horum si quisquam peris, visio humano vincitur Deus: sed nemo eorum peris, quia nulla re vincitur Deus.* At hos nihilominus salvari liberè, fidei caput est.

V. Gratia congrua, si Molinianis fides est, ex directione Scientiæ Mediæ alicui concessa, iis in circumstantiis, quibus prævisus est consensurus, tam intimo nexu cum futuro voluntatis assensu conjuncta est, ut fieri omninò non possit, ut cum voluntatis dissensu gratia congrua componatur: aliàs, & Scientia Media falleretur; & gratia congrua, congrua re ipsa non esset. An-non tamen suum illud systema cum humana libertate stare contendunt?

Hæc si Daniel intelligentiâ satis assequitur, gratiæ se ipsa victricis cum humana libertate concordiam facilius assequetur. Si minus, ingenii tarditatem causari pergit; rogamus, ut tot eruditissimos viros, qui strenuam in ea exponenda, probandaque concordia operam posuere, lætitare, ac, si potis est, refellere ne gravetur. Illiberalis enim ingenii est, aliena, quæ palato non sapiunt, ridere dogmata, ludisque, ac facetiis ludere; nihil tamen interim, quo refellantur, objicere. *Non tamen laboras, ut me intelligas, quod facillimè potes; sed laboras, ut me*

XV.

LIBELLI SUMMA.

(Pag. 58. & 59.) *Calvini systema*, inquit Daniel, *de gratia necessitatem inferente Gallos Protestantes, si qui fortè sint, minus sollicitos habet. Eo in capite, secta sua minus pèrmanenter adhaereunt.*

ANIMADVERSI O.

Sic sanè veritas habet. Protestantes, depositis præjudiciis, pristinò eo in capite Reformatòrum suorum errores exuisse, certò liquet. Verùm id scivisse Daniele oportuit, dum Epistolam Ordinis Prædicatòrum Præposito Generali inscriptam evulgavit. Ab inficeta declamatione temperasset, qua rem Polemistarum omnium suffragio comprobata, uti merum, putumque paradoxum fugillavit: nec Dominicano divinorum Auxiliorum Historico succensusisset, quòd id ipsum quarto Historiarum libro demonstrandum aggressus esset. At carpendi cacoethes Molinianì declamatoris animum in transversum egerat.

XVI.

LIBELLI SUMMA.

(Pag. 74-75.) Gratia se ipsa efficacis nomen a Calvino omnium primo usurpatum observat. Adeoque mirandum ait, Theologos nonnullos mali ominis vocem, uti peculiarem orthodoxæ doctrinæ notam consecrassè, eandemque uti certam, veramque sanioris Theologiæ tesseram ostentare. Cùm eam potius suspectam habere debuissent, ex quo primùm ab hæreticis usurpata est, errorique significando opportuna visa fuit.

ANIMADVERSI O.

Cui primùm gratia se ipsa efficacis nomen exciderit, nolim ego certò statuere, cui Theologos omnes, apud quos in usu fortasse fuit, lesitare non licuit. Num Daniel univerfos evolverit, ut id demùm certò decerneret, rescire ab ipso velim. Demus tamen
 id

id nominis primùm excidisse Calvino, gratiæ necessitantis, ut vocant, dogma hæreticum procudenti; quidni, quæso, in catholicum sensum a Romanæ communionis Theologis usurpetur? Quandoquidem Augustino iudice *lib. de Doctrina Christiana cap. 11. Bonorum ingeniorum insignis est indoles, in verbis verum amare, non verba*; ne Doctor verbis serviat, sed verba Doctori.

Profectò si quæ vox in Ecclesia Catholica venerationem habet, ea principem locum obtinet, quam Nicænæ Synodi Patres, Catholicæ de Christi divinitate fidei tesseram posuere. *Consubstantialis* id *inveris* vocem intelligo, fidei Formulæ insertam, Patrum codicibus inscriptam, Conciliorum canonibus definitam, Catholicorum denique omnium usibus consecratam. Et hæc tamen, hæc, inquam, Paulum Samosatenum professum Trinitatis hostem, authorem habuit; a quo primùm in sensum hæreticum, ab Antiochenæ Synodi Patribus damnatum, usurpata est, antequam legitimo sensui reddita, in fidei Formulam transferretur. Qua de re legendi veniunt S. Athanasius, & S. Hilarius in suis *libris de Synodis*, ac post ipsos Card. Baronius in *Annalibus ad annum* 272. num. 13. An ergo *Consubstantialis* vocem, suspectam, malique omnis dixerit Daniel, quod hæc impio sensu accepta Paulum Samosatenum authorem habuerit? Aut etiam Nicænæ Synodi Patribus succensebit, quod eam, nihil infaustam originem veriti, catholicæ professionis notam esse voluerint, certamque sanctiæ fidei tesseram consecrarent?

Haud mitiori virga excipiendum, quod adjicit Molinianus Disputator: Calvinum, errorem suum ea loquendi formula conclusisse, eamque re ipsa errori significando summè congruere. Longè aliter Tridentinis Patribus visum, qui cum novorum Reformatorum errores, suis ipsorum verbis, quantum fieri potuit, expressos, dammandos aggressi sint, gratiæ se ipsa efficacis innoxio nomini pepercere; hocque duntaxat altero errorem concludi declararunt: *Librum Arbitrium motum, & excisatum a Deo non posse dissentire, si velis*. Nempe intacto principio, consecutionem a Calvino deductam anathemate petierunt, qua libertatis excidium ex efficaci per semetipsam gratia colligebat.

Certè sive gratiam *se ipsa*, sive *se sola* efficacem dicamus, eandem tenemus loquendi formulam: imò longè majus postremæ hujusce locutionis pondus videri potest. Et tamen gratiam se sola efficacem si quis fortè dixerit, dicti vim ex Patribus, atque Conciliis mutuabitur. Quartæ quippè Synodi Tolerantæ, ac subindè Constantiensis Concilii Patres, in Oratione singulis Sessionibus præmitti solita, *Junge nos, inquit, tibi efficaciter solius tue gratiæ dono*. S. Augustinus *lib. de Gratia, & Libero Arbitrio. cap. 5. Ut*
Pau-

Paulus de cælo vocaretur, & tam magna, & efficacissima vocatione converteretur, gratia Dei erat sola. S. Prosper in carmine contra ingratos cap. 14.

*Ut tamen his studiis auditor promoveatur,
Non Doctor, neque discipulus, sed gratia sola efficit.*

Et capite 15.

Nec quod sola potest, curâ, officioque ministri exequitur.

Quoniam quid juvat syllabarum numeros cavillari? Si Patres vocemus in censum, qui divinæ gratiæ vim, & efficaciam commendarunt, graviore longè dicendi modos observabimus, quàm qui nudo gratiæ se ipsa efficacis vocabulo continetur. Augustinus *inviscissimam, fortissimam, omnipotentissimam gratiam* vocat: *insuperabilis fortitudinis, ineffabilis potestatis, magna, & efficacissime vocationis, oculcissima, & potentissima potestatis*; quæ liberum hominis arbitrium indeclinabiliter, & insuperabiliter agitur. Tertullianus *lib. de Anima cap. 21.* gratiam naturâ potentiorē appellat, quæ habet in nobis subjacentem sibi liberam arbitrii potestatem. Origenes Homilia 20. in *Numeros*, Gratiam, quæ quodammodò vim nobis facit, ut nos pertrahat ad salutem. Basilii *libro de Spiritu Sancto cap. 8.* Auxilium, quod per imperium suæ potentie operatur in nobis. Et Homil. 31. de *Libero Arbitrio*, gratiam insuperabilis potentie. Athanasius *Oratione 4. adversus Arianos*, firmam, & inadensibilem gratiam. Cyrillus *Alexandrinus lib. 5. Commentariorum in Isaiam*, vocationem, quæ electorum animæ tanquam irretitas, & illaqueatas teneat. Quibus quidem loquendi formulis, gratiæ energiam luculentius commendarunt, quàm si se ipsa efficacem simpliciter nuncupassent.

XVII

LIBELLI SUMMA.

(Pag. 75. 76. 77.) Spondet nuspian, aut sacris in Literis, aut Ecclesiæ sanctionibus, aut Divi Augustini codicibus inventum iri gratiæ se ipsa efficacis definitionem; seu distinctis omnino verbis, seu aliis idem pari vi, atque virtute significantibus. Eam porro ita bis, terque definit: *quæ a se ipsa, ac suapse natura, quacumque ad alterum relatione posthabita, certam, ac falli nesciam cum voluntatis assensu connexionem habet.*

ANI-

ANIMADVERSI O.

Errat toto ostio vir Molinianus, dum gratiam se ipsa efficacem ab suis defensoribus ita definitam ostendit, ut sua illi vis insit suapte natura, *quacumque ad alterum relatione posthabita*. Quanquam enim suam illi vim inesse contendant, suapte natura, omni vel ad bonum libertatis usum, vel ad consensionem voluntatis, vel ad congruentes circumstantias, vel demum ad Scientiæ Mediæ directionem relatione seposita; minimè tamen ejusdem gratiæ ad omnipotentiam Dei, decretumque, relationem posthabitam volunt; sed hanc maximè illius definitione contineri contendunt. Cum enim efficaciam illam obtineat, quatenus divinæ omnipotentia, divinique propositi instrumentum est, eaque sit divini instrumenti conditio, ut tota illi a causâ principe virtus insit, intimam ad divinam omnipotentiam, decretumque relationem importat. Ita sapientissimus Lemos To. 4. *Panopliæ lib. 4. part. 2. tract. 4. cap. 13.* Divina morio nihil ex se, seu ex natura sua habet, nisi quod a Deo movente participat. Unde idem est, quod divina morio ex se, seu ex natura sua efficax sit, & quod, ut venit a Deo, & ejus, efficaci voluntate, efficax sit. Imò si quis efficaciam ex se, & ex natura sua ita velit interpretari, ut divinam omnipotentiam, decretumque, unde originem ducit, seclusum velit, gratiam ex se, & ex natura sua efficacem vocandam omnino negat. Aliud est enim, inquit; quod in se efficaciam habeat, quod negari nequit, aliud valdè diversum, quod ex se illam habeat Omnis enim in universum actio, & morio agentis cujuscumque; & similiter omne instrumentum in se virtutem habet datam ab agente, qua proinde ipsum agens agit. At illam virtutem ex se instrumentum, morio, vel actio non habet, sed ex agente, & movente illam participat. Quia quidquid instrumentum habet in ratione formali instrumenti, ex causâ principali habet, non ex se, ut est satis notum. Et similiter quidquid habet virtutis actio, seu morio, non ex se habet; sed ex agente, & movente; ac proinde quidquid virtutis, energiae, & efficaciæ habet auxilium gratiæ efficax, non ex se habet, sed ex Deo ipso, & ex efficaci voluntatis divinæ. Idem habet Didacus Alvarez alter efficaci gratiæ vindex, in celeberrimis Auxiliorum Congregationibus, *Disput. 90. num. 4.* Cum dicitur auxilium gratiæ efficax ex se, prout venit a Deo, illa particula, ex se, potest accipi dupliciter: primò ut præscindit a Decreto absoluto, & efficaci Dei volentis, ut homo hic, & nunc convertatur, vel piè operetur: & in hoc sensu nullus Catholicus dixit auxilium gratiæ esse efficax secundum se, vel ex seipso: nam lumine natu-

Præf. P. Serry Tom. II. Z z z ræ

ra est per se notum, nihil fieri in rerum natura, nisi Deo volente, aut permittente, cum per intellectum, & voluntatem ipse sit causa omnium, quæ quomodolibet habent esse, ut Disp. 26. ostensum est. Secundo modo potest auxilium gratiæ dici efficax ex se, ita ut particula ex se, vel secundum se, importet independentiam a libera cooperatione nostri arbitrii. Itaque idem est dicere, auxilium gratiæ esse efficax secundum se, vel ex seipso, ac si diceretur esse efficax antecedenter, & independenter a libera cooperatione nostri arbitrii: Et in hoc sensu intelligunt prædictam propositionem ejus assertores, in quo etiam verissima est.

Ut itaque ex sacris Literis, Ecclesiæ sanctionibus, ac Divi Augustini codicibus, gratiæ se ipsa efficacis, qualem propugnat Schola Thomistica, definitionem quis eruat seu distinctis omnino verbis, seu aliis idem pari vi, atque virtute significantibus, satis superque est, si talem ex iis fontibus gratiam ostendat, quæ intimam, & cum voluntatis assensu certò conjunctam efficaciam habeat a se ipsa, hoc est, a summa Dei in voluntates hominum potestate, divinoque decreto se ipso efficaci, cujus hæc ipsa instrumentum est. Sic sanè Clementi VIII. persuasum, qui gratiam se ipsa efficacem celeberrimo scripto probaturus, id articulo 5. demonstrandum aggressus est: *Hæc gratia habet efficaciam ab omnipotentia Dei, & a dominio, quod summæ diviniæ majestatis habet in voluntates hominum, sicut in cætera omnia, quæ sub cælo sunt.* Persuasum, & id publicis Societatis actoribus, qui habita cum doctissimis Italiæ, Galliæ, Hispaniæ, Flandriæ, Germaniæ Sociis collatione, illum maximè Pontificii scripti articulum impugnandum susceperunt, Congregatione 2. sub Paulo V. celebrata, quodd rei summam eo capite verti certò scirent. (*Hist. de Auxil. lib. 4. cap. 8.*)

An itaque hujus generis gratia, ex sacris Literis, Ecclesiæ decretis, ac Divi Augustini scriptis erui possit, in sequentibus expendendum. Unum interim, alterumque Doctoris Angelici locum ad promissum dabo, ubi certam, ac falli nesciam efficacis gratiæ cum effectu connexionem, ex una diviniæ voluntatis omnipotentia derivat. Ita 1. 2. quæst. 112. art. 3. *Si preparatio ad gratiam consideretur secundum quod est a Deo movente, & tunc habet necessitatem ad id, ad quod ordinatur a Deo, non quidem coactionis, sed infallibilitatis Unde si ex intentione Dei moventis est, quod homo, cujus cor movet, gratiam consequatur, infallibiliter ipsam consequitur.* Et quæst. 6. de malo articulo 2. ad 3. *Deus movet voluntatem immutabiliter, propter efficaciam virtutis moventis, quæ deficere non potest.* Viden', ut intimam gratiæ cum effectu conjunctionem, non aliunde quàm ex diviniæ voluntatis imperio, decretoque derivat?

XVIII.

LIBELLI SUMMA.

(Pag. 79. 80.) Gratiam congruam eo principio sacris Literis exarato niti monet : Deo scilicet scientiam inesse futurorum liberorum, quæ conditione suspensa sunt : Exempli causa, futuræ Tyrionum, & Sidoniorum conversionis, si ea sub illorum oculis miracula ederentur, quæ Corrozaitis, & Bethsaitis spectantibus acta sunt. Eo quippe constituto principio, consequens esse ait, posse Deum conversionem hominum certò decernere, gratia se ipsa effiaci penitus ablegata.

ANIMADVERSIO.

Prodigio simile est, Molinianæ Scholæ Professore emeritum ignorare, quæ prima, lactis instar, tyronibus instillantur : Gratiam congruam non qualicumque futurorum liberorum, quæ conditione suspensa sunt, notitia niti; sed ea, quæ divino decreto prævia sit. Est etenim Scientia Media, quam ex nomine appellare refugit Daniel, *scientia futurorum conditionatorum ante decretum*. Neque eam alia de causa, Deo optimo maximo, in condendis decretis prælucere putant Moliniani, quàm quia decreto præviam arbitrantur. Nec imprudenter. Ecquo enim pacto condendis decretis præluceret ea cognitio, nisi prævia fingeretur? Tota eo cardine volvitur Thomistas inter, ac Molinianos celeberrimæ controversia, in id tota devolvitur disputatio. Quin certò futura illa noscantur, nemo nostrum ivit inficias; verùm quo medio, quoque pacto ea sciri contingat, magnæ lis est, in qua pro sententiarum varietate, gratiæ congruæ fundamenta, vel ponuntur, vel suffodiuntur. Si etenim, quod Thomistæ contendunt, veritatem habet : ea nempe futura illo ipso decreto sciri, quo prædefiniuntur a Deo, vacat omnis gratiæ congruæ locus, cujus largitio ex Scientiæ Mediæ directione necessariò pendet. Si e contrario, quod Molinianis arridet, ante decretum sciuntur a Deo, non omninò gratia congrua repugnabit.

Quis itaque Molinianum Tractatorem non rideat, qui gratiæ suæ congruæ fundamenta jacturus, solam nobis futurorum, quæ conditione suspensa sunt, cognitionem occentat; num autem decretum Dei, cognitio illa prævertat, quo cardine volvitur gratia congrua, ne verbo quidem attingit? Hoc illi, hoc præ cæteris fuerat demonstrandum : Hoc opus, hic labor erat. Quod ut non egit, tota ab imo ruit superstructa gratiæ congruæ

Zzz ij ma.

machina, fluxo, ac labili, imò nullo planè fundamento nixa, uti fecutis Animadversionibus planum fiet.

XIX.

LIBELLI SUMMA.

(*Apag. 81. ad 84.*) Sacra Proverbiorum, Estheris, Paralipomenon, Itaiæ, & Ezechielis oracula, quæ Deus cor Regis manu tenere dicitur, ut ad quodcumque voluerit, vertat illud; potentum corda transferre; facere ut in mandatis ambulent; auferre cor lapideum, & dare cor carneum; ita demùm aurem aperire, ut contradicat nemo: Hæc inquam oracula, ab gratiæ se ipsa efficacis defensoribus laudari solita, hoc expedito, ut arbitratur, responso declinat: Nempe gratiâ se ipsa efficaci penitus ablegata, Deum hæc omnia certò præstare; quia sua illa futurorum conditione pendentium cognitione, sacris Literis exarata certissimè novit, quid quisque hac, vel illa gratia excitatus acturus esset. Quo semel explorato, suam cuique congruentem gratiam impartitur, ut quod ex conditione futurum ante præviderat, certò contingat.

ANIMADVERSI O.

(*Legè Animadv. 32., & 33.*) Lepidè narrat Fabulator. Verùm si quæ sacris Literis legitur futurorum certa notitia, decreto duntaxat prædefiniente subnixa est: si nihil etiam conditione pendulum prævidetur a Deo, quod non fuerit in antecessum æterno decreto sancitum: si homines nudis excitationibus invitatos nunquam poenitentiam acturos prænoscit, nisi gratiâ se ipsa victrici in eis operetur, ut agant: si nullum, nisi quem dare constituit, consensum explorat: si futura conditionibus illigata, nonnisi prædestinando cognoscit: quò demùm abibit gratiarum congruentium commentitia largitio? An-non, amabò, ad gratiam se ipsa efficacem, æterni decreti certissimum instrumentum confugiendum, ut, quæ Deus sacris Scripturarum oraculis adpromisit, certò contingant? Vanam igitur operam locat fervidus Actor, qui nuda in Deo futurorum cognitione posita, cæteris verò, quibus gratiæ congruæ moles incumbit, silentio missis, Scholæ suæ systēma fabricatur. Qualemcumque enim futurorum, quæ liberis conditionibus pendent, cognitionem Deo vindicet, nisi hancedendo decreto præviam, ac prælucētem ostenderit, litus arat.

XX.

LIBELLI SUMMA.

(Pag. 85. 86. 87.) Mardochæi dictum (*Esth. cap. 13.*) *Domine, in dirione tua cuncta sunt posita, & non est, qui possit tui resistere voluntati, si decreveris salvare Israel Dominus omnium es, nec est, qui resistat majestati tue* : alterumque *Isaie cap. 14. Dominus exercituum decrevit, & quis poterit infirmare?* ab erudito, ut vocat, Thomista (*P. Serry adversus Launojum.*) in gratiæ se ipsa efficacis probationem nuper adducta, nimis probare inquit, aut certe nihil. Nimis, quia inde consequens esset, efficaci gratiæ resisti non posse, quod Synodus Tridentina damnavit : Nihil, quia de gratia iis in locis sermo non est, sed de salute temporali Judæis conferenda, Amane nequicquam in oppositum obnitente; necnon de inevitabili Assyriorum exitio, a Deo exercituum inferendo.

ANIMADVERSIO.

Quod me, bina. Danielis Epistola, ludibriis debonestatum non ita pridem, futilibusque erroris accusationibus appetitum, (*Pag. 111.*) *eruditum* modò *Thomistam*, ac etiam *celebrem Dominicanum*, ab eodem videam appellari, non ideo mente efferor, sed illud Augustini repono : *sic audire debeo contumelias tuas, quomodo laudes tuas, lib. 3. Operis imperfecti contra Julianum cap. 10.* At interim dum laudat, imponit. Non enim ea Scripturæ oracula usurpavi, ut gratiam se ipsa efficacem simpliciter demonstrarem, cui id unum consilii fuit, palam ostendere, Augustini loquendi formulam, ab Launojo erroris insinulatam (*ut divinâ gratiâ indeclinabiliter, & insuperabiliter ageretur*) Scripturæ phrasibus planè congruere, quæ absolutam Dei voluntatem efficacissimam, & insuperabilem probant. Quapropter quo fine, consilioque ea Scripturarum oracula laudata sunt, non ultrà probant, quàm veritas habeat, sed quod instituto maximè congruebat : quodam videlicet sensu, efficaci gratiæ, ex Scripturæ phrasi, non posse resisti : adeoque Augustinum perperam ab Launojo censurâ notari, quod gratiam efficacem indeclinabilem, & insuperabilem dixerit. Quod enim Catholicum interpretamentum Scriptura patitur, patietur, & Augustinus.

Quamquàm quid vetat, oracula hæc ad gratiam se ipsa efficacem ex sacris Literis simpliciter demonstrandam, a Theologis usurpari? Siquidem, quæ ex iis, Daniele iudice, elicitur consecutio,
igitur

igitur gratia efficaci resisti non poteris, de potentia actui conjuncta, quam consequentem Scholæ proceres vocant, accipi debet. Qui verus gratiæ suapte natura efficacis character est.

Nugacis porro Cavillatoris est, hæc ipsa oracula eludere velle, quodd illuc non de gratia, sed de temporali Judæorum salute, & Aliyriorum excidio fermo sit. Nemo quippe non videt, hæc generatim, & universim de Dei in decernendo quæcumque libuerit, ineluctabili potestate dicta esse, tametli privato illuc instituto accommodentur. Theologisque idcirco liberum esse, ex generali principio argumentum mutuari, quo Dei, quocumque seu naturæ, seu gratiæ ordine, indeclinabilem, & insuperabilem potestatem evincant.

Certè Augustinus non ab similia Scripturæ oracula, gratiæ, quod versat instituto accommodat: & quam Deus in rebus civilibus dirigendis, ac decernendis, supremam potestatem exercet, in salutis quoque negotio procurando, cordibusque ad Christianæ pietatis opera permovendis exercere potiori jure contendit. Sic *cap. 14. libri de Correptione, & Gratia*, cum gravem sententiam statuisset: *Deo volenti saluum facere, nullum hominis resistit arbitrium. Sic enim velle, seu nolle in volentis, aut nolentis est potestate, ut divinam voluntatem non impediat, nec superet potestatem*: hanc quæsitis ex Libris Regum, & Paralipomenon exemplis probandam aggredior. *Non est itaque dubitandum, voluntati Dei, qui in cælo, & in terra omnia quæcumque voluit, fecit, & qui etiam illa, quæ futura sunt, fecit, humanas voluntates non posse resistere, quominus faciat ipse, quod vult: quandoquidem etiam de ipsis hominum voluntatibus, quod vult, cum vult, facit. Nisi foris (ut ex multis aliqua commemorem) quando Deus voluit Sauli regnum dare, sic erat in potestate Israelitarum subdere se memorato viro, sive non subdere, quod utique in eorum erat positum voluntate, ut etiam Deo valens resistere. Qui tamen hoc non fecit, nisi per ipsorum hominum voluntates, sine dubio habens humanorum cordium, quod placeret inclinandorum, omnipotentissimam potestatem. Sic enim scriptum est: Et dimisit Samuel populum, &c. Quibus fusiis enarratis ad gratiæ institutum sermonem convertit sanctissimus Doctor, elicitque conclusionem a minori ad majus. Si ergo, cum voluerit Reges in terra Deus constituere, magis habet in potestate sua voluntates hominum, quam ipsi suas; quis alius facit, ut salubris sit correptio, & fiat in correpti corde correctio, ut celesti constituatur in regno? Quis itaque mihi jure succenseat, si Augustini vindicias adornans, ejusdem disputandi rationem, ac methodum usurparim; ejusque exemplo, quæ de summa Dei, in rebus civilibus ad exitum, ut libuerit, ineluctabiliter perducendis, potestate Scriptura commemorat, ad gratiæ ordinem potiori jure retulerim?*

Mi-

Miram hanc in eludendis hisce Scripturarum oraculis subtilitatem a Semipelagianis mutuatus est Daniel. Cum enim supra laudatis exemplis ab Augustino premerentur, hæc ab instituto longè distare, atque ad rerum civilium, non ad gratiæ ordinem pertinere, non secus ac Daniel, reponebant. Testis mihi sit Augustinus ipse *lib. de Prædestinatione Sanctorum cap. 20.* Frustra itaque, inquit, etiam illud, quod Regnorum, & Paralipomenon Scriptura teste probavimus, cum Deus vult fieri, quod nonnisi volentibus hominibus oportet fieri, inclinari eorum corda, ut hoc velint, eo scilicet inclinante, qui in nobis mirabili modo, & ineffabili operatur, & velle, ad causam, de qua differimus, non pertinere dixerunt. Quos subinde ita refellit. An fortè quia offendimus hoc Deum egisse in cordibus hominum, & ad hoc perduxisse, quorum ei placuit, voluntates, ut Rex constitueretur Saul, sive David; ideo hæc exempla causæ huic convenire non putatis, quoniam non hoc est temporaliter regnare in hoc sæculo, quod est in æternum regnare cum Deo; ac per hoc existimant ad regna terrena facienda Deum inclinare, ad regnum verò cæleste obtinendum, Deum non inclinare, quorum voluerit, voluntates? Sed puto propter regnum cælorum, non propter regnum terrenum esse dictum: Inclina cor meum in testimonia tua, &c.

Pari jure quæserim ego, an fortè Danieli placet, ut Deus naturæ Rector, & Conditor universa ditione suâ contineat, omniumque Dominus censeatur: idem tamen gratiæ Author, atque Largitor suprema authoritate, ac ditione devolvatur? Id si velit, haud ita morosus ero, quin alia iisdem fermè verbis concepta oracula subjiciam, quæ de Deo gratiæ Largitore dicta, diffiteri non poterit. *Ad Romanos 9. v. 19.* Voluntati ejus quis resistit? *Danielis 4. v. 32.* Juxta voluntatem suam facit, tam in virtutibus cæli, quàm in habitatoribus terræ: & non est, qui resistat manui ejus. *Sapientia 11.* Virtuti brachii tui quis resistet?

XXI.

LIBELLI SUMMA.

(*Apag. 87. ad 92.*) Pauca ex multis Scripturæ sententias colligit, Christianæ pietatis opera divinæ gratiæ tribuentes. Iis Pelagianos, non Molinianos peti contendit. Editaque Scholæ suæ professione, nihil a suis doceri ait, quod cum iis oraculis non optimè congruat.

ANIMADVERSI O.

Num ea potissima sint Scholæ Thomisticæ fundamenta, humvè ex iis Scripturæ locis gratiam se ipsa efficacem proximè eliciant, non expendo. Molinianæ duntaxat Scholæ professionem, quam nobis pompatico sermone ostentat Daniel, penitiùs recognoscam; an fortè experiri hîc quoque liceat, quod de Pelagianæ doctrinæ professione monuit Augustinus *lib. de Gratia Christi cap. 2. Quisquis hæc audit, & sensum ejus ignorat omnino eum putat hoc sentire, quod veritas habet. Quisquis autem, quid in eis apertius dicat, advertit, debet habere etiam ista verba suspecta.*

Docent, inquit ille, gratiæ se ipsa victicis impugnatores, Deum operari in nobis velle, quia bonam voluntatem producit in nobis per gratiam prævenientem, qua nobis bonum inspirat, atque, ut illud agamus, certò operatur, dum illud a nobis fieri efficaciter vult.

(*Vide Animadv. 26.*) Hæc primo conspectu sani coloris videri queunt: At si quis advertat, Semipelagianos, aut omnes, aut certè partem illorum alteram, ex celeberrimorum Theologorum sententia, gratiam quoque prævenientem, & interiorem non refugisse, quæ bonæ voluntatis initia inspiraret: nec alia de causâ initium fidei humanis conatibus tribuisse, quàm quòd suam illam prævenientem gratiam, versatilem, & ex humanæ voluntatis nutibus quoad effectum pendulam effluerent: facillè deprehendet, non omnem illicò suspicionem amoveri, quòd gratia præveniens grandioribus tibiis decantetur.

Exemplo nobis sit Augustinus, quem Semipelagiano circa initium salutis, & fidei errore, usque ad suscepti Pontificatus initia laborasse, nemo nescit. Is enim *lib. 83. Quæstionum*, quæ eam etiamnum errore detentus elaboravit, ita initium salutis, & fidei nativis viribus tribuebat, ut suo quoque modo Deum internis etiam gratis operari in nobis velle, fateretur. *Parum est velle, inquiebat quæst. 68. nisi Deus misereatur; sed Deus non misceatur, qui ad pacem vocat, nisi voluntas præcesserit, quia in terra pax hominibus bonæ voluntatis. Et quoniam nec velle quisquam potest, nisi admonitus, & vocatus, SIVE INTRINSECUS, UBI NULLUS HOMINUM VIDET, sive extrinsecus per sermonem sonantem, aut per aliqua signa visibilia; efficitur, ut etiam ipsum velle Deus operetur in nobis. Ad illam enim Cænam, quam Dominus dedit in Evangelio præparatam, nec omnes, qui vocati sunt, venire voluerunt; neque illi, qui venerunt, venire possent, nisi vocarentur. Itaque nec illi debent sibi tribuere qui vene-*

venerunt ; quia vocati venerunt : nec illi , qui noluerunt venire , debent alteri tribuere , sed tantum sibi ; quoniam , ut venirent , vocati erant in libera voluntate . Vocatio ergo ante meritum voluntatem operatur .

Nec refert quòd Deum sua illa præveniente gratia operari certò dicant Moliniani , ut bonum agamus , dum illud a nobis fieri efficaciter vult . Quis enim nesciat totum id de certitudine præscientiæ intelligendum , qua (ut illi quidem autumant) certò novit , quid quisque nostrum pro sua innata libertate facturus esset ; nec non etiam de conditionata voluntatis efficacia , si nimirum ipsimet pro nostra in antecessum libertate velimus ? Audi Molinam 1. part. quæst. 19. art. 6. disput. 2. *Altero modo dicitur Deus velle aliquid , dependenter quidem ab arbitrio creato , qua liberum est , atque aded sub conditione , si creatum arbitrium id etiam velit , at ea ratione absolute , quòd cum prævideat per arbitrium ipsum liberè futurum , ex hypothesi , quòd eum ordinem rerum velit creare , quem re ipsa creare constituit , ei placet , absoluteque jam voluntate vult , ut sit , quòd ita liberè futurum est , potestque non esse .* Hac ratione Deus Optimus Maximus vult omnia bona , quæ per arbitrium nostrum sunt futura non solum voluntate conditionali , si nos quoque ea velimus ; sed etiam voluntate absoluta , quatenus ipsi prævidenti ea futura placent , eademque divina ejus , ac singularis bonitas per arbitrium nostrum insendit , ac vult . Quòd autem hæc etiam absoluta Dei voluntas semper impletur , ex eo est manifestum , quia nescitur certitudini præscientiæ divinæ , quòd ita res futura sit per nostrum arbitrium , consequiturque in Deo eandem præscientiam .

Et quæst. 22. art. 4. *Omnia , quæ ab arbitrio creato pendent , sub quibus beatitudinem etiam , & merita comprehendimus , solum voluit Deus voluntate conditionata , si scilicet Homines , & Angeli idem quoque vellent .*

Quæst. 23. art. 4. & 5. disp. 1. mem. 11. *Cum ergo , quòd Deus de utroque non idem , sed contraria præscriberet , dependens fuit ex eo , quòd uterque eorum pro sua libertate erat facturus , qui si vellet , possent reipsa , quòd fecerunt , non facere , sit , ut quòd decreta illa rationesque providendi , vel prædestinationis rationem habuerint solum , vel providentiæ circa vitam æternam , dependens fuerit tanquam a conditione sine qua non ex eo , quòd unusquisque eorum pro sua innata libertate erat facturus . Quòd Deus ideo altitudine sui intellectus prævidit futurum , quia pro eorum libertate ita erat futurum , & non e contrario .*

Et in Concordia quæst. 14. art. 13. disp. 32. *Deus opera nostra bona moralia , quæ a cooperatione libera arbitrii nostri , & non a Prælect. P. Serry Tom. II. A a a a solo*

solo concursu Dei generali pendunt ut existant, vult in primis voluntate condisionata, si, & nos pro nostra libertate ea valimus; eo pacto, quo vult omnes homines salvos fieri, si & ipsi velint. Prævidens verò, quæ eorum pro nostra libertate sint futura, complacet in illis, vultque absoluta voluntate, ut sint.

Molinæ succinit Suarez lib. 2. Opusculorum cap. 3. Non oportet, inquit, ut Deus absoluta, & efficaci voluntate velit, nostram voluntatem agere, ad hoc, quod ipsa agat; sed satis est, quod eam agere permittat, aut sinat, atque adeo, ut velit eam agere non simpliciter, sed subintellecta condisione, si ipsa velit. Dictum bene! si ipsa velit, Deo non agente; ut velit, sed finente duntaxat, ac permittente.

Pergit Molinianæ doctrinæ Defensor: Docent: inquit, gratia se ipsa efficacis oppugnatores, operari Deum in nobis boni operis perfectionem; quia nedum nobis bonum inspirat, faciendique voluntatem in nobis, atque nobiscum operatur, verum etiam, ut perficiamus adjuvat gratiâ suâ.

Quæ gratia adjuvat voluntatem? Novane, ac peculiari, quæ a præveniente distincta sit? Non video, inquit Molina in Concordia disp. 37. præter auxilium particulare gratiæ præveniens, & concursum Dei generalem, necessarium esse auxilium aliud particulare gratiæ, ut liberum arbitrium, aliquem illorum actuum (credendi scilicet, sperandi, diligendi & poenitendi) possit elicere Quare esto Deus quodcumque aliud particulare auxilium denegares, ex illis solis sequeretur effectus. Imò Theologiæ Molinianæ principium est, gratiam adjuvantem, & cooperantem solo nomine a præveniente distingui, nil novi, quod a Deo sit, superaddere; sed ob unam liberi arbitrii consensionem eo titulo cohonestari. Illa eadem gratia, subiungit Molina §. Deinde, quæ liberum arbitrium prævenit, ac excusat ad actus, quibus se ad justificationem disponit, dicitur cooperans, si arbitrium cum ea consentiat, atque simul pro sua libertate influat Non sunt ergo distincta gratia, præveniens, & cooperans, atque adjuvans, sed una, & eadem, quæ spectata atsequam liberum arbitrium cum ea cooperetur, eliciatque actum liberum, per quem ad justificationem disponitur, dicitur præveniens: spectata verò prout cooperante jam cum illa libero arbitrio, ipsa etiam cooperatur, & influit in eundem actum, dicitur cooperans, & adjuvans. Quibus similia habet disp. 38. §. ex dictis, & §. quarto. An-non igitur ollas ostentat Molinianus Actor, ac vani nominis umbram jactat, dum suam illam cooperantem, & adjuvantem gratiam nobis obtrudit, quæ nihil libero arbitrio virium addat, nil novi, quod a Deo sit, præ se ferat?

Stat nihilominus in incepto, suamque illi alio ex capite advocatio-

cationem accommodat. *Docent, inquit, Dei opus esse, ut credamus in eum. Quia juxta ipsos Deus ipse est, qui fidem inspirat, ac etiam desiderium fidei, idque planè gratuitò: nobisque ad id misericordia sua gratiam præparat, qua nos certò credere facit, dum efficaciter vult, ut credamus.*

Quem sensum habeat tertium illud Molinianæ professionis caput, ex dictis compertum arbitror, dum de primo capite ageremus. Addiderim pugnare aliunde cum Molinæ principiis. In primis enim externa duntaxat adjumenta, gratiamque forinsecus insonantem necessariam autumat, ut quis absolute, & simpliciter credat, quamquam non, ut ad salutem oportet. In *Concordia disp. 7. Propositis, & explicatis iis, quæ credenda sunt, adhibitis insuper argumentis, quæ afferri solent, ut homines merito sibi persuadeant, ea revelata esse a Deo, & jussa credi, & denique accedente externa vocatione ad fidem, per Concionatores, aliosque Ecclesiæ Ministros, in facultate liberi arbitrii est, cum solo concursu generali Dei, rebus propositis assentiri tanquam a Deo revelatis, actu tamen, qui sit merè naturalis, quique ex parte intellectus non sit factis ad justificationem.*

Secundò, desiderium fidei, primosque ad eam impetrandam conatus, dispositiones, ac motus nudis naturæ viribus adscribit, *disp. 9.* Cum quis edoctus fuerit, supernaturalem assensum esse ad salutem necessarium, ex solis suis naturalibus optet ita credere, aut etiam concursu ex dono, & auxilio Dei supernaturali assentiri. Denique auxilium illud sibi donari petat, aut ad illud recipiendum saragat se disponere. Et *disp. 43.* Patet liberum arbitrium posse illos (motus gratiæ prævenientis) desiderare, & petere a Deo, & quodammodo se ipsum aptare, & disponere, ut juxta communem cursum, ac ordinem divinæ providentiæ facilius sibi a Deo donentur.

Tertiò, prævenientem gratiam gratuità misericordiâ conferri, eo duntaxat sensu contendit, quod nullum eam meritum antevertat, non quòd nulla eam dispositio, conatus, desiderium antecedit. Quod nedum laudatis modò testimoniis liquet, verum etiam *disp. 11.* ubi peccato infidelitatis teneri docet illos ipsos, quos præveniens gratia non tangit, si fortè Evangelio obluctentur, nec viribus suis naturalibus adnitantur; quia Deus suo auxilio, & gratia præstò est, ad præveniendum in eodem instanti, quoscumque præviderit, ex suis naturalibus ad assensum conaturos. Cujus quidem doctrinæ summam probat Franciscus Suarez *lib. 3. Opusculorum cap. 2. num. 6.* tamen verbis paulò mitioribus, quæque minus invidiæ pateant, declarari velit. Non omittam, inquit, hoc loco advertere, quosdam Scholasticos, Doctores non ignobiles, aut recentiores tantum, sed etiam graves, & antiquos docuisse, posse

hominem per vires naturæ aliquid efficere, quo primum gratiæ auxilium, seu primam vocationem obtineat, atque ita exposuisse illud: facienti, quod in se est, Deus non denegat gratiam, de illo, qui per vires liberi arbitrii, quod in se est, facit. Sed horum Theologorum sententia p̄d explicanda est, & non statim cum Semipelagianorum errore involvenda: habet enim Catholicum sensum, quamvis fortasse commodius, magisque sine occasione, aut vestigio suspitionis, posset aliis verbis declarari. Studuerunt ergo hi Doctores Catholici, ut sufficientiam, & necessitatem gratiæ declararent, invenire modum, quo sit in potestate hominis habere illam, etiam quoad primum auxilium; quia alioqui non apparet, quomodo sit in potestate illius salutem obtinere, si non est in potestate illius eam inchoare.

Iis verò naturæ conatibus, sin minùs ex operum merito, saltem ex lege, & pacto, gratiam prævenientem debitam esse, comminiscitur Ludovicus Molina disp. 10. Quotiescumque liberum arbitrium ex suis viribus naturalibus conatur, præstare est ad conandum totum id, quod ex se se potest, tam circa ea, quæ fides habet addiscenda, & amplectenda, quàm circa dolorem de peccatis, ac justificationem, a Deo confertur gratia præveniens, auxiliare, quibus id faciat, ut ad salutem oportet. Et disput. 10. num. 1. Inter leges, quas tam ipse Christus, quàm Pater æternus statuerunt de auxiliis, & donis, quæ nobis Christus promeruit, merè gratis conferendis, una, eaque rationi maximè consentanea fuit, ut quoties ex nostris viribus naturalibus conaremur facere, quod in nobis est, præstet nobis essent auxilia gratiæ, quibus ea, ut oportet, ad salutem efficeremus. Cui calculum adjicit Suarez loco paulò antè laudato §. Hinc verò, nullo medio interjecto. Hinc verò ulterius fit, quòd si homo habens solum naturale lumen rationis, ita se gereret, ut nullum novum impedimentum gratiæ adhiberet, infallibiliter opportuno tempore auxilium, vel vocationem gratiæ reciperet, non ex suo merito, sed ex generali illa liberalitate Dei, quæ stat ad omnium ostium, & pulsat. In hoc ergo sensu dixerunt illi Auctores, facienti, quod in se est, Deum non denegare gratiam: & clarius diceretur, non ponenti obicem, & impedimentum per id, quod ex se facere potest, Deum ex sua liberalitate dare gratiam, quam homo promereri non potest. Ita Suarez, cui non latis advertere libuit, quod habet Doctor Angelicus lib. 3. contra Gentes cap. 160. Illi, qui in peccato sunt, vitare non possunt per propriam potestatem, quin impedimentum gratiæ præsent, vel ponant, nisi auxilio gratiæ præveniantur. Quare totam illam lascivientis ingenii forturam, Suarezii iudicio contempto, cum Semipelagianorum errore involvit. Clerus Gallicanus, in celebri Censura,

ra lata in Comitibus generalibus anno 1700. cujus fragmentum representavimus in Additis ad Historiam nostram pag. 25.

Cætera Molinianæ professionis capita, a Daniele ambiciosius elata, ex dictis interpretationem accipiunt, ne quem forte specioso fūco deludant. *Docent*, pergit ille, *nihil nos sine Deo facere posse, quia omnem actum supernaturalem gratiæ, Dei effectum esse profitentur*: Aliis ne minimum quidem pietatis actum edi posse contendunt. Speciosum id quidem: verum, quam illi gratiam volunt, quibusve illam conditionibus illigent, dedimus manifestum.

Inquiunt, subjungit, cum D. Paulo, *neminem posse dicere, Dominus Jesus, nisi in Spiritu Sancto. Ac quemadmodum cum Tridentina Synodo profitentur, neminem sive fidei professione, sive peccati detestatione in Deum posse converti, nisi cum divina misericordia prævenieris, ita illud Christi Domini dictum ingeniant*: Nemo potest venire ad me, nisi Pater meus, qui misit me, traxerit eum. Quis sacra Scripturarum oracula non reverenter excipiat? An-non illa quoque Semipelagiani ipsi, ac Pelagiani se venerari, atque excipere profitebantur? At ut sunt illa rerum, nervorumque plenissima, videndum, num ea illi sensu vacuent, qui, quam descriptimus gratiam prævenientem, admittunt.

Suorum professionem hoc demum epinicio concludit, *Ex his Scripturarum oraculis colligunt, gloriam omnem in Deum conversionis auctorem esse referendam. Ac, licet eidem, ut fides docet, libertate nostra cooperemur, huic tamen uni adscribunt, quod suscepta gratia virtute, libero bene utamur arbitrio*. Quin ita sit colligendum, nullus ibit inficias: num autem ita ex antedictis colligi queat, ac re ipsa colligant Moliniani, haud satis certum. Propriam libero arbitrio laudem debitam contendit Molina in Concordia disp. 9. §. Ut quæ: Deus, & ante receptionem gratiæ, & in ipsa gratiæ receptione, ac postea in augmento illius, suum locum libero relinquit arbitrio: quatenus ita ipse esset auctor omnium bonorum, omniaque ei accepta referrentur, ut nihilominus libero arbitrio propria industria, & laus servaretur. Quod, quo sensu, sit dictum, Auxiliorum Congregatio pronuntiavit, die 21. Januarii anni 1603. Jam quod bonum liberi arbitrii usum attinet, is certè assensu gratiæ præstito maximè constat: nunquam enim melius libero arbitrio utitur homo, quàm cum divini gratiæ motibus obsecundat. Id porro innatæ libertati sexcentis locis adscribit. 1. part. quest. 23. art. 4., & 5. disp. 1. mem. 11. §. Denique. *Sint duo homines justis animo, & corpore, cæterisque adjunctis per omnia pares: ponamusque Deum constituisse eodem prorsus modo utrique opitulari, ac providere; tunc oblata utrique eadem peccandi occasione, ex aspectu ejusdem mulieris pulchra, pro sola innata libera*

*liberate utriusque, fieri potest, ut unus in peccatum consentiat, alter minimè, sed se ipsum cohibeat. Quibus paria habet in Concordia quæst. 14. disp. 12. §. Ex dictis. Ac ne quis de gratiæ duntaxat prævenientis æqualitate dictum existimet, æqualem utrique gratiam adjuvantem obtendit quæst. 14. art. 13. disp. 37. §. Illud. Ab inequali conatu, & influxu liberi arbitrii provenire potest, ut conferente Deo duobus hominibus **ÆQUALE AUXILIUM GRATIÆ ADJUVANTIS**, unus eorum intensius operetur, meliusque se disponat ad gratiam justificantem, quam alius, & ut conferente eisdem inequalia auxilia; æquè operentur, aut is interdum plus, qui minori suffultus est auxilio. Unde quæst. 23. art. 4., & 5. disp. 1. mem. 10. §. Unde quando, assensum arbitrii collata gratia benè utentis, effectum prædestinationis, & gratiæ esse negat, quatenus ab arbitrio est.*

Mensuram cumulat Leonardus Lessius lectione 7. de Prædestinatione, ubi in Deum converso sermone, hæc habet : *Pesuvisti omnia in arbitrio nostro, perinde ac si solis naturæ viribus regnum obtinendum esset. Justificati enim per gratiam tuam, non minùs facile, in accepta justitia perseverare, & legem divinam implere possunt, quàm hominibus politicis per naturam facile est, justitiam, politicam, externamque, & legem ejus implere. Collocasti itaque, & perseverantiam, & prædestinationis complementum, & totam salutem nostram in arbitrio nostro, ut si velimus, salvi simus.*

XXII.

LIBELLI SUMMA.

(*A pag. 93. ad 97.*) Primum, ut vocat, gratiæ congruæ fundamentum ponit, scientiam nempe futurorum, quæ a liberis conditionibus pendent, quam Deo inesse productis Scripturarum oraculis planum facit.

ANIMADVERSIO.

Quàm turpiter hallucinetur Molinianus Disputator, dum suam illam futurorum scientiam, gratiæ congruæ fundamentum committit, *Animadversione* 18., & 19. satis ostendimus. Gratiam congruam non nudâ futurorum, quæ conditione suspensa sunt, scientia niti, sed ea solùm, quæ divino decreto prævia sit, vel ipsis Molinianæ Scholæ tyronibus notum est. Hanc Deo inesse, ni probeat Daniel, ludit operam.

XXIII.

XXIIL

LIBELLI SUMMA.

(Pag. 95.) Sientiam futurorum, quæ liberis conditionibus illigantur, quondam a Thomistis oppugnatam dicit, donec Molinianorum rationibus victi, aliam pugnandi rationem inierint.

ANIMADVERSIO.

Antiqua calumnia est millies confutata. Certè quod habitas divinis auxiliis disputationes attinet, tantum abest, ut certam illic futurorum, quæ a liberis conditionibus pendent, notitiam Deo ereptam voluerint Scholæ Thomisticæ Professores, ut contrà potius Bastidam, quem Daniel imitari gestit, in eo astruendo dogmate inutiliter desudantem duritiis exagitarint, tanquam qui a Thomistis (*Histor. de Annis. lib. 3. capp. 38. & 39.*) negari fingeret, quod summo illi consensu fatebantur, eaque arte subdole moras neceretur, ne lis quantocitiùs Apostolico iudicio finiretur. Quapropter dissimulatum ab eo, aliòque detortum gravissimæ disputationis argumentum, ad legitimos cardines reduxerunt, ab eo capite disputationem exorsi: num quæ Deo inest certa futurorum, quæ conditionibus illigantur, notitia, decreto innixa sit, an illud e contrario antevertat?

Struendæ nobis calumniæ occasionem arripuere quondam aliàs Moliniani, quòd futura conditione suspensa, non nisi ex conjectura dignosci dicerent aliqui de Schola Thomistica. At illos de conjecturali cognitione locutos esse palam est, non, quæ re ipsa in Deo sit, spectata ratione divini decreti, sed, quæ ipsis futuris contingentibus materialiter tantum, ut Schola loquitur, spectatis debeat; prout scilicet in nuda causarum contingentium dispositione continentur, divini decreti, cujus ope noscuntur, consideratione seposita. Legendi ea de re Joannes a Sancto Thoma *tom. 1. in 1. part. disp. 20. quæst. 14. art. 1.*, & Seraphinus Piccinardus *tom. 3. de Approbatione Doctrinæ Sancti Thomæ lib. 7. quæst. 1. art. 3.*

XXIV.

LIBELLI SUMMA.

(*Apag. 98. ad 104.*) Alterum gratiæ congruæ fundamentum jactat, Deum nempe in decretis edendis, futurorum liberorum, quæ est adjecta conditio, notiâ regi. Quod ratione, & autoritate probandum aggreditur. Ratione quidem, quia si quascumque futurorum, & conditionum complexiones scientiæ hujus beneficio novit, haud dubitandum, quin ea, ad sua condenda decreta dirigatur. Maximè cum nec scientiâ simplicis intelligentiæ, qua nuda possibilia contemplatur, nec scientiâ visionis, qua res duntaxat futuras, decretoque jam præfinitas novit, regi queat. Autoritate verò, quia *Sapientia cap. 4.* ereptum ex hac luce puerum innuit Spiritus sanctus, quod illum, si longiorem vitam duceret, sæculi contagione corrumpendum prævidisset: & *Matthæi 24.* brevioris extremæ persecutionis dies significat Christus Dominus, quod ipsos etiam electos casuros prænovisset, si in longum tempus produceretur.

ANIMADVERSIO.

Eam futurorum notiâ, si quocumque Decreto præviam, uti debuerat, demonstrasset, haud ita imprudenter, divini mentis in condendis decretis prælucere colligeret. Verùm cum id, tanquam nihil interesset, ne leviter quidem attigerit, nemo non videt, quàm temerè spuriâ consecutionem eliciat. Qua enim, amabò, forte edendo decreto præluceat, nisi prævia statuatur? Non alia ergo in condendis decretis notiâ regitur Deus, quàm quæ simplicis intelligentiæ a Theologis vocitatur, qua nimirum, & se, & suam omnipotentiam comprehendit. Ex quo enim illi omnipotentia perspecta est, infinita in ejus thesauris contineri media, certò videt, gratias nimirum efficacissimas, quæ voluntates hominum quascumque libuerit, quando, & ubi voluerit, pertrahere tam potenter, quàm suaviter potest; juxta illud Augustini celebre dictum in *Enchiridio ad Laurentium cap. 98.* *Quis tam impiè desipiat, ut dicat, Deum malas hominum voluntates, quas voluerit, quando voluerit, ubi voluerit, in bonum non posse convertere?* Non aliâ illi scientiâ opus est, qua loci, ac temporis opportunitates, temperamenti, ac genii cujusque rationes exploret: quandoquidem, ut loquitur D. Prosper in *Carmine contra ingratos cap. 15.* Omnipotentis Dei gratiæ:

... Tem-

..... Tempus agendi

*Semper adest, quæ gesta velis, non moribus illi
Fit mora; nec caussis anceps suspenditur ullis.*

Quod in Pauli conversione, ut cæteros fileam, demirari licuit, tum maximè ad Christum efficacissima vocatione conversi, cum ardentius impugnaret, spiransque minarum, & cædis in Discipulos fureret: de quo proinde Augustinus cap. 2. de *Prædestin. Sanctorum*: *Aversus*, inquit, *a fide, quam vastabat, eique vehementer adversus, repensè est ad illam gratiâ potentiore conversus*. Aut certè, si quid valent obtinendo gratiæ se ipsa effectui circumstantiæ congruentes, eas saltem scientiâ decretum antevertente explorari, nihil est opus; utpote, quæ ipsomet Dei decreto, ac peculiari benevolentia providentur; utque congruant, divina omnipotentia præstatur. *Ut adulterium non committeres, suasor defuit; ut suasor deesset, ego feci. Locus, & tempus defuit; & ut hæc deessent ego feci Agnosce ergo gratiam ejus, cui debes, quod non admisisti Nullum est enim peccatum, quod faciat homo, quod non possit facere & alter homo, si desit rector, a quo factus est homo*. Ita Deum loquentem inducit Augustinus *Sermone 99*.

Sed nec feliciùs autoritate certat Theologus Molinianus, quàm ratione. Sapientis effatum, *Raptus est, ne malitia mutaret intellectum ejus*; nec non Christi oraculum, *Nisi brevitati fuissent dies illi, non fuisset salva omnis caro; sed propter electos breviabuntur*. Longè aliter, quàm Augustinus, imò ex directo contra Augustini mentem exponit. Utrumque ex Dei præscientia dictum ostendit Daniel, quæ, & futuram pueri, si diutiùs viveret, corruptionem; & futurum electorum, si persecutionis tempus produceretur, errorem certò præviderit: contra ex diametro sanctissimus Doctor lib. de *Prædest. Sanctorum cap. 14*. *Hæc est tota causâ dictum est, a quocumque sit dictum: raptus est ne malitia mutaret intellectum ejus: Dictum est enim secundum pericula vitæ hujus, NON SECUNDUM PRÆSCIENTIAM DEI, qui hoc præscripsit, quod futurum erat idest, quod ei mortem immaturam fuerat largiturus, ut tentationum subtraheretur incerto, non quod peccaturus esset, qui mansurus in tentatione non esset*. Quæ loquendi ratione significat sanctissimus Præsul, Deum pueri immatura ætate prærepti peccatum uti futurum, si diutiùs viveret, minimè cognovisse; sed solis spectatis sæculi periculis, teneram animulam futuris tentationibus subduxisse. Quod idem de contracto postremæ persecutionis tempore sentiendum.

Prælect. P. Serry Tom. II.

B b b b

De-

Demus nihilominus Danieli, quod optat, Deum futuram pueri, si diutius viveret, corruptionem, & futurum electorum, si persecutionis tempus produceretur, errorem certissime prævidisse: Ad Scientiam Mediam confugere non est opus, qua isthæc, necdum edito decreto, perviderit. Satis Deo erit scientia immoto decreto nixa, quam *visionis* Theologorum vulgus appellat: Eodem quippe decreto, quo Deus perseverantiæ donum, ad certum vitæ tempus puero largiri constituit, eum, si diutius viveret, & vitiatæ naturæ infirmitati relinqueretur, tentationum impulsu vincendum, certissime novit. Non absimiliter, quo decreto statuit Deus Electis Antichristi tempore victuris, auxilium efficax impartiri, ad tot, talesve duntaxat tentationes superandas, hoc ipso novit haud dubiè, illos, si plures, majoresve tentationes ingruerent, esse casuros.

Disiectis jam gratiæ congruæ fundamentis tota ruat necesse est moles incumbens, qua parte gratiæ se ipsa efficacis systemati adversatur.

XXV.

LIBELLI SUMMA.

(Pag. 105.) A sacris Scripturis ad Ecclesiæ decisiones transitum facit; in quibus gratiæ se ipsa efficacis, nec nomen, nec definitionem inveniri, pro certo habet.

ANIMADVERSIO.

De his dictum suprâ, *Animadversione* 16., & 17.

XXVI.

LIBELLI SUMMA.

(Pag. 107. 108. 109.) Non videt, quibus Logicæ legibus gratia se ipsa efficax ex quarto Araulicane Synodi *Canone* extundi possit: Si quis, ut a peccato purgemur, Deum voluntatem nostram expectare contendit; non autem, ut etiam purgati velimus, per Sancti Spiritus infusionem, & operationem in nobis fieri confitemur, resistit Spiritui Sancto per Salomonem dicenti: Præparatur voluntas a Domino; & Apostolo salubriter prædicanti: Deus est, qui operatur in nobis velle, & perficere pro bona voluntate.

ANIMADVERSIO.

Oculo, in quem Molinianus humor illapsus est, non licet esse tam acutum; purgato licet. Et quidem si gratia a se ipsa, seu ab omnipotentia Dei, cujus est instrumentum, efficaciam non habet, sed eam a voluntate, sub certis circumstantiis constituta mutatur, nunquid suam ab ipsamet efficaciam expectat? si autem a voluntate efficaciam expectat, annon Deus ab ea, ut purgemur, & purgari velimus, expectare dicendus erit; cum non purgemur, nec purgari velimus, nisi suam collata gratia habeat efficaciam?

Neque officit, quod objicit Logicus Molinianus, Deum ex directione Scientiæ Mediæ gratiam largientem, hanc ipsam uti certum edendæ conversionis instrumentum impartiri. Id quippe non obest, quin hac ipsa hypothesi voluntatem nostram expectare dicatur. Imò cum Scientia Mediæ, futurum sub congruis circumstantiis voluntatis assensum explorans, eundem non efficiat, sed prævideat tantum *pro innata libertate futurum*, uti Molina (*Animadv.* 21., & 32.) figmenti author, & parens disertissimè profitetur: idcirco maxime voluntatem nostram, ut purgemur, purgarique velimus, expectare dicendus est Deus, si gratiam, non nisi ex directione Scientiæ Mediæ efficacem impertit. Nec ipsa in tempore certum conversionis nostræ instrumentum est, nisi expectata hominis voluntate, si nonnisi ex præviso ab æternitate voluntatis assensu, certitudinem habitura prævisa est. Annon, quædò, Deum voluntatem nostram expectare contendit Ludovicus Molina in *Concordia quæst. 14. art. 13. disp. 32. §. Nonum est*, dum ait: *Deus opera nostra bona moralia, quæ a cooperatione libera arbitrii nostri, & non a solo concursu Dei generalis pendent, ut existant, vult in primis voluntate conditionata, si, & nos pro nostra libertate ea velimus: eo pacto, quo vult omnes homines salvos fieri, si, & ipsi velint. Prævidens verò, quæ eorum pro nostra libertate sint futura, complacet in illis, vultque absoluta voluntate, ut sint.*

Arausicanæ Synodi perspecta mens est, si quo capite Semipelagianorum, quos in oculis habuit, situs esset error, paulò penitiùs observetur: li quippè initium salutis, & fidei ita nativis viribus adscribebant, ut tamen ad id versatilem gratiam, ac libertatis nutibus subditam non refugerent. Quocirca lectorum oculis denuo sistam, quod aliàs annotavi: fuisse scilicet, postlatametiam in Jansenium damnationem, ac esse etiamnum hodie Theologos primæ noctæ, ac numero multos, (*Gonerum, Contenfonium, Salmaticenses, Piccinardum, Massoulicum, &c.*) qui Semipelagianos, aut
Bbbb ij omnes,

mnes, aut certe partem illorum alteram, interioris inspirationis gratiam prævenientem, ad initium bonorum operum, ac ipsius etiam fidei propugnasse dicant, adstruantque haud levibus argumentis, partim ex Cassiani, Fausti, Gennadii professione, partim ex datis ad Augustinum Epistolis. Ac re ipsa quidem, de Massiliensibus ita pronunciat doctissimus Aquitanus : *Nec considerans se gratiam Dei, quam comitem non præciam volunt esse meritorum, etiam illis voluntatibus subdere, quas ab ea secundum suam phantasiam NON NEGANTESSE PRÆVENTAS.* Hilarius verò id ab eis summo consensu positum monet, *ad nullum opus, vel incipiendum, nedum perficiendum, quonquam sibi sufficere posse.*

Si quis etiam seposito partium affectu, Augustinum perpendat illis in libris, quæ illos exagitavit, compertum habebit, solam illam gratiam ab eis explosam esse, quæ nocere libertati, necessitatem inducere, inutilem denique correptionem efficere videretur : quæ sanè incommoda nequidem per umbram patitur interioris inspirationis gratia, cujus vis, ac potestas ex voluntatis nutu suspensa est. Imò idem illos de initio fidei, ac de finali perseverantia statuisse notat sanctissimus Præsul *cap. 17. libri de Dono perseverantiae* : *Hi initium fidei, & usque in finem perseverantiam sic in nostra constituunt potestate, ut Dei dona esse non putent, neque ad hæc habenda, atque retinenda Deum operari nostras cogitationes, & voluntates.* Porro Massilienses interioris inspirationis gratiam ad perseverantiam agnoscebant, nec hanc alio sensu in nostra potestate sitam effutiebant, quam quoddam invincibili, indeclinabili, & insuperabili gratia ab Augustino commendata nobis a Deo dari pernegarent (*De Corrept., & Grat. cap. 12.*) Quare sanctissimus Doctor *cap. 7. libri hujus*, veram Massiliensium hypothesein fore ait, si primævæ integritatis privilegio homines potirentur : quæ tamen minùs adhuc vera foret, si interioris inspirationis gratiam respiciissent, quam Augustinus in statu innocentie necessariam agnovit *libro de Correptione, & Gratia.* *Non est hoc, inquit, omnino in viribus liberi arbitrii, quales nunc sunt; fuerat in homine antequam caderet Post casum autem hominis non nisi ad gratiam suam Deus voluit pertinere ut homo non recedat ab eo.*

(*Vide Animadv. 21.*) Neque movere quemquam potest, quod passim apud Augustinum, Prosperum, & Hilarium legere est, contendisse scilicet Massilienses, initium fidei a nobis, non ex Dei dono esse, ex libero arbitrio sobolescere, nec illud Deum in nostris cordibus operari, sed ex bono naturæ usu proficisci. Quasi verò in hypothesei gratiæ interioris, modò veritatis illa sit, liberoque arbitrio subdita, supponi hæc ipsa non possint, ac etiam

debeant? Certè Augustinus gratiam interiorem Adamo, atque Angelis datam contendit, auxilium videlicet sine quo bonum velle non possent: & tamen has ipsas loquendi rationes usurpat, de Adamo, & Angelis sermonem instituens; ob id unum quoddam illos efficaci gratia destitutos contenderet, Auxilio nimirum, quo Deus in eis operaretur, ut vellent, *lib. de Corrept., & Gratia cap. 11. Angeli sancti, qui cadentibus aliis per liberum arbitrium, per idem liberum arbitrium steterunt ipsi Quod tunc ita liberum erat, ut bene velle posset, & male.* Capite 10. *Per ipsum liberum arbitrium in veritate steterunt.* Capite 12. *Perseverare, & non perseverare in hominis relinquebatur arbitrio.* Quid ergo vetat Augustinum, ejusque discipulos, ita de initio fidei juxta Semipelagianorum hypothesim pronuntiasse, tametsi ii internam ad illud gratiam ponerent; ob id videlicet unum, quoddam eam libero arbitrio subditam effutirent? Ratio etiam in promptu est. Cum enim interna inspiratio, Dei dono licet immixta, non nisi versatilis poneretur ab eis, nec ipsa sui tribueret usum, sed e contrario eum, quantus quantus esset, a libero arbitrio emendicaret, a quo indifferentiæ determinationem, applicationemque fortiretur, reliquum erat, ut fidei initium libero arbitrio, ceu primo fonti, atque radici tribueretur. Quamquam in hoc hæretici non essent, sed summè Catholici, quoddam vellent gratiam ad fidei, & salutis initium necessariam, talem esse, cui posset humana voluntas resistere, vel obtemperare.

Quæ cum ita sint, ut ad institutum, unde divertimus, redeamus: non ideò Semipelagiani, Deum, ut a peccato purgemur, voluntatem nostram expectare contendebant, quoddam prorsus inspiratio, & excitatio præcederet; sed quoddam versatilis, & indifferens inspirationis, atque excitationis determinatio, applicatio, & usus a libero expectaretur arbitrio. Quare dum oppositum Arausica Synodus statuit, versatilem, humanisque nutibus subditam gratiam explosisse censenda est; eamque ex opposito statuisset, quæ nulla prorsus ratione voluntatem expectat, sed intimè efficaciam sibi faciat consentientem.

Quamquam etsi daremus, Semipelagianos gratiam prævenientem etiam versatilem, ad salutis initium pernegasse; eosque primos voluntatis conatus, excitanti gratiæ præludentes agnovisse; ab insigni sacræ Synodi depravatione excusari non posset Molinianus Interpretes, qui id unum laudato Canone (*Pag. 109.*) definitum obtendit: *Deum non expectare, ut ipsum voluntas humana determinet, ad nobis gratiam conferendam.* Quandoquidem nihil eo Canone de prima excitantis gratiæ collatione decernitur: nec Deus voluntatem nostram nullatenus expectare dicitur, ut sua nos excitante

tante gratia præveniat, sed ut a peccato purgemur, purgarique velimus. Cujus eam rationem assignat, quod illa ipsa, qua purgari volumus, bona voluntas, Spiritus Sancti infusione fiat in nobis. Ut hinc meritò colligamus, Deum etiam post excitatum misericorditer liberum arbitrium, consensum ejusdem, ut purgari, & justificari velit, nullatenus expectare, sed facere: atque ita efficaciam gratiæ a libera cooperatione, per Scientiam Mediam explorata, nullo pacto pendere, sed illi ipsi esse congenitam.

XXVII.

LIBELLI SUMMA.

(Pag. 110. & 111.) Gratiam se ipsa efficacem extendi non posse ait, ex Concilio Tridentino, sessione 6. de Justificatione, Can. 3. quo tamen, ut ait, universa Ecclesiæ doctrina de Gratia præveniente continetur: *Si quis dixerit, sine Spiritus sancti inspiratione, atque adjutorio hominem credere, sperare, aut pœnitere posse, sicut oportet, ut ei justificationis gratia conferatur, anathema sit.*

ANIMADVERSIO.

Quàm multa ex Capitibus, Canonibusque sessionis sextæ Synodi Tridentinæ a gratiæ se ipsa efficacis defensoribus exerantur, nihil hic attinet enarrare, ut Danielis in iis excutiendis negligentiam rideamus. Legat, qui spartam hanc exequi velit, eruditissimi Patris Antonini Reginaldi, de mente Concilii Tridentini circa gratiam se ipsa efficacem, præclarissimum opus. Age tamen, & in uno sextæ sessionis Canone 3. hæreamus.

Ex hoc gratiam se ipsa efficacem faciliè erui, brevi observatione demonstro. Ubi semel gratia adjuvans, ut ab excitante distinguitur, prævenit voluntatem, se ipsa efficax reputanda est. Quia cum nemo adjuvetur, nisi & ipse aliquid operetur, (hoc enim adjutoris, & adjutorii nomen sonat) fieri nequit, ut gratia adjuvet aliquem, nisi, & is operetur, & agat. Adedque si gratia adjuvans, etiam ut ab excitante distincta est, voluntatem re ipsa prævenit, haud dubiè colligendum, dari gratiam prævenientem, quæcum voluntatis operatio certo, & infallibili nexu connectitur: idque ex ipsius adjutorii natura, non ex voluntatis assensu; cum illud ipsum nexum habeat, ut prævenit voluntatem. Id porro gratiæ se ipsa efficacis nomine intelligi, novit Daniel. Jam verò non solum excitantem, sed etiam adjuvantem gratiam, prævenientem

tem, & ipsam esse, laudatus Canon disertè significat; dum adiutorium non secus ac inspirationem, prævenire hominem statuit, ut credat, speret, poenitentiam agat.

At si quid lucis ea verba desiderant, hanc a *Capite 5. ejusdem sessionis* accipiunt, ubi hæc ipsa prævenientis gratiæ doctrina paulò fusiùs explicatur. *Declarat præterea sancta Synodus, ipsius justificationis exordium in adultis, a Dei per Christum Jesum præveniente gratia sumendum esse: hoc est, ab ejus vocatione, qua, nullis eorum existentibus meritis, vocantur, ut quis per peccata a Deo aversi erant, per ejus excitantem, atque adjuvantem gratiam, ad convertendum se ad suam ipsorum justificationem, eisdem gratiæ liberè assentiendo, & cooperando disponantur.* Quis non hic adjuvantem gratiam, eandem prævenientem vocari videat? In primis enim de gratia præveniente, quæ justificationis exordium est, sermonem habens sacra Synodus, Dei vocationem esse docet, qua per excitantem, & adjuvantem gratiam, ad justificationem homines vocat. Secundò homines per excitantem, & adjuvantem gratiam ad justificationem, & conversionem disponi discernit: dispositionem autem præcedere necesse est. Tertiò, homines ita per excitantem, & adjuvantem gratiam disponi ait, ut utriusque actum, quo assentiuntur, & cooperantur, eliciant. Cooperatio igitur, & assensus, excitantis, & adjuvantis gratiæ effectus est: quod utique fieri nequit, nisi gratia adjuvans, præveniens & ipsa sit.

XXVIII.

LIBELLI SUMMA.

(Pag. 112. 113. 114.) Pergit ad Augustinum, in quo ut primùm gratiæ se ipsa efficacia, & definitionem, & nomen desiderari monuit, observatione dignum ait, Jansenium, ejusque discipulos palam profiteri, Thomistarum systema de gratiâ se ipsa efficaci, hoc est, physicam prædeterminationem ex Augustini mente non esse. Indeque consecutionem hanc elicit: *gravem subesse rationem, ut gratiam se ipsa efficacem, qualis a Thomistis asseritur, Augustini dogma non esse existimemus.*

ANIMADVERSIO.

De primo jam dictum *Animadversione 16., & 17.* Quod alterum attinet, observatione longè dignius existimo, Theologum Molinianum, Jansenii, ejusque defensorum autoritate certare contra Tho-

Thomistas, ubi de internoscenda Augustini mente quæstio vertitur. Certè ut suam illam ex præmissa observatione consecutionem eliciat, Jansenium, ejusque defensores, optimos Augustini interpretes habere debet : aliàs imprudenter sancti Doctoris mentem ex illorum attestatione, atque suffragio colligeret. An ergo Dánieli placeat, ut illos eo titulo, ac nomine habeamus? Id si velit, vereor ut non satis Societatem suam habeat consentientem.

Sed quid lectores suos æquivocis, quid flexibus detinet, & illudit, ut Thomistas a cæteris victricis gratiæ defensoribus damnatos effutiat? Duo gratiæ se ipsa efficacis systemate contineri nemo nescit. Alterum, quod Theologici instituti maximè est, ex Scripturis, Conciliis, ac Patribus delibatum : Alterum ad philosophicas institutiones propius attinens. Primum, quo stat Theologici dogmatis summa, gratiam ponit se ipsa ut Deus est, efficacem, omni, congruentium circumstantiarum consideratione seposita. Atque id nemo verus Augustini discipulus negat. Alterum, quod appendicis instar haberi potest, inquit, qui fieri tandem possit, ut gratia eo pacto efficax, voluntatis suapte natura indifferentis, ac liberæ consensum rapiat, eumque, ut loquitur Augustinus, *indeclinabiliter*, & *insuperabiliter* eliciat? Num sola, quæ gratiæ congenita est, delectatione victrici, an superaddita prædeterminatione aliqua physica, quæ passivam voluntatis indifferentiam tollat? Quo capite Thomistæ ab aliis plerisque Augustini discipulis dissident. Perperam ergo qualecumque illud doctrinæ dissidium exagerat Theologus Molinianus; ut, qui in nonnullis duntaxat Augustiniani systematis appendicibus dissident, in ipsa systematis summa dissidere videantur. Maximè cum, & ipsi gratiæ se ipsa efficacis oppugnatores graviori inter sese dissidio committantur; non civili illo duntaxat, verùm etiam domestico; nec oppositi duntaxat systematis appendices, sed ipsam doctrinæ summam petente.

Addam, Jansenium, ad quem nos Molinianus Actor provocat vel invitos, physicam prædeterminationem minimè susulisse, sed de variis illius admittendæ rationibus disputasse. Pro gratia enim physice prædeterminante decertat, tamquam pro aris, ac focus *lib. 8. de Gratia Salvatoris cap. 3.* cui hunc titulum dedit. *Adjuvatorium Christi determinat, ac etiam PRÆDETERMINAT PHYSICÆ voluntatem, ut velit, & ardentius velit, & ex quo capite istud accidat.* Idque vult unum, illius admittendæ necessitatem, non ex indifferentia voluntatis, aut sub causarum aliori subordinatione, sed ex una læsæ, ac sauciatae voluntatis infirmitate, juxta Augustini sententiam, derivari.

XXIX.

LIBELLI SUMMA.

(*A pag. 115. usque ad 122.*) Duo elidit Augustini loca, ex libro de Gratia Christi petita, quæis gratiam se ipsa efficacem adstruunt aliqui: primum quidem ex *capite* 10. desumptum, his verbis: *Sed nos eam gratiam volumus iste aliquando fateatur, qua futura gloria magnitudo non solum promittitur, verum etiam creditur, & speratur; nec solum revelatur sapientia, verum & amatur; nec, suadetur solum omne, quod bonum est, verum & persuadetur Hanc debet Pelagius gratiam confiteri, si vult non solum vocari, sed esse Christianus.* Alterum ejusdem fermè sententiæ ex *capite* 25. delibatum: *Desinat itaque jam Pelagius, &c. Ex iis scilicet gratiam duntaxat interioris inspirationis, & illuminationis extundi contendit Daniel, qualem Pelagiani profiteri detrectabant; sola legis, atque doctrinæ gratia contenti.*

ANIMADVERSIO.

Sic sanè, qui altissimas, gravissimasque quæstiones extremis laboribus attingunt, expedire se laqueo putant. At qui rem totam ab intimis principiis petunt, haud ita expeditam putant argumenti difficillimi solutionem. Enimverò, qui eo ad gratiam se ipsa efficacem adstruendam momento nituntur; alterum præmittunt Historiæ Pelagianæ caput, multisque probare satagunt: nimirum Pelagianos tertio saltem, ac quarto erroris statu, illuminationis, & inspirationis gratiam agnovisse, illosque nihilominus ab Augustino, tanquam in lege, atque doctrina hærentes fuisse exagitatos, quòd is nudas illas illustrationes, ac suasiones, legis, atque doctrinæ loco haberet: juxta illud ejusdem *Capitis* 10. *Ad doctrinam pertinet, cum suaderetur omne, quod bonum est.* Quo quidem Magistri principio nixus Prosper Aquitanicus, Semipelagianam gratiam in internis certè illustrationibus, ac suasionibus positam, tanquam normam legis habentem exsufflat in *Carmine contra ingratos*:

*Non hoc consilio tantum, hortatuque benigno,
Suadens, atque docens, quasi normam legis haberet
Gratia: sed mutans intus, mentem, atque reformans;
Vasque novum ex fracto fingens, virtute creandi.*

Hæc de postrema Pelagianæ sectæ periodo, Clementi VIII., da-
Prælect. P. Serry Tom. II. C c c c tisque

tisque Cenforibus sententia stetit, in celeberrimis Auxiliorum Congregationibus : eamque subinde gravissimis tractationibus propugnaverunt Thomas de Lemos, Didacus Alvarez, alique primæ notæ Scholæ Thomistica Professores. Jam si sic est, quis non videat in fumum abire Danielis effugium ; aliudque Augustino in animo fuisse, quàm ut illas ipsas a Pelagianis gratias extorqueret, quas ipsimet postrema erroris periodo fatebantur ?

Hoc igitur erat Moliniano Disputatori demonstrandum : Pelagianos postremo erroris agone, nullam internam gratiam agnovisse, solamque gratiæ loco externam legem, atque doctrinam prædicasse. Erant illi Theologorum aliter statuentium fundamenta fustodienda, ut superstructi argumenti vim elideret. At tantum laboris, & operæ in Theologica tractatione non posuit, ut rem omnem a radicibus rimaretur.

Ad hæc, qui Augustini momenta ex libro de Gratia Christi delibata, propositasque ab eo Pelagianæ sectæ Magistris, si Catholici esse vellent, fidei professiones urgere solent, eam præcipuo loco habent, quæ Capite 24. exarata est : *Legant ergo, & intellegant, insueantur, atque fateantur, non lege, atque doctrina insonante forinsecus, sed interna, & occulta, mirabili, ac ineffabili potestate, operari Deum in cordibus hominum non solum veras revelationes, sed etiam bonas voluntates.* Quo ex loco colligunt, gratiam, qua Deus bonas voluntates operatur in nobis, non a scientia futuri consensus, & circumstantiarum exploratrice, sed a divina omnipotentia, supremoque in voluntates imperio certitudinem obtinere ; qui gratiæ se ipsa victricis character est. Ecquid enim tam ineffabilis, tamque mirabilis potestatis esset, tunc solum efficaciter hominem vocare, cum capta circumstantiarum opportunitate consensurus haud dubie prævidetur ? Providæ sapientiæ dicatur id esse, bene est : at mirabilis, & ineffabilis potestatis, nemo dicet, nisi qui verbis abuti velit.

XXX.

LIBELLI SUMMA.

(Apagina 123. ad 130.) Celeberrimum Augustini locum expendit, ex capite 12. libri de Correptione, & Gratia desumptum : *Subvenit enim est igitur infirmitati voluntatis humane, ut divina gratia indeclinabiliter, & insuperabiliter ageretur, &c.* Eaque denude congerit, quæ in peculiari Divi Augustini Defensione (*Defense de S. Augustin contre M. de Launoy.*) commentus erat, ut undecimum, ac duodecimum libri illius caput, (quo sanctissimus Doctor. adju-

torium,

torium quo in statu naturæ lapsæ tam disertè defendit) non de gratia actuali, ad quoslibet pietatis actus necessaria, intelligendum ostenderet; sed de peculiari providentia, qua electos suos per varios vitæ casus, ad beatum tandem finem perducit.

ANIMADVERSIO.

Toto aberrat ostio Theologus Molinianus : ac quo magis de novo sibi invento gloriatur, ac plaudit, eo majori cura venit exagitandus. Quod ut ego feliciùs exequar, falsa a veris, quæ suo illo proculco systemate miscet, cautè secernam.

Certum in primis, Augustinum de gratia perseverantiæ fani, ac lapsi hominis ex instituto disputare, & qua parte una ab altera distinguatur, multis ostendere.

Certum demùm, gratiam perseverantiæ, in statu naturæ lapsæ, in peculiari quadam actuali gratia sitam non esse, qua fiat, ut electi in ipso fidei, ac dilectionis actu animam agant. Ea quippè fors non omnibus accidit.

Certum demùm, magnum illud, & inestimabile perseverantiæ donum, non in solis gratiis actualibus positum esse, quibus electos ad vitæ æternæ meritum comparandum, edendosque pietatis actus efficaciter movet : sed peculiarem etiam providentiam importare, qua Deus ita varios vitæ casus ordinat, disponit, ac dirigit, ut tametsi lapsu temporis, & labantur, & surgant, attamen non nisi in charitate, atque justitia ex hac luce rapiantur.

At falsum omnino est, ea, quæ Augustinus de adjutorio, quo perseverant, & salvantur electi, deque beneficiis, quibus electi certissimè liberantur, iis in capitibus cumulatissimè disputat, de peculiari providentia debere intelligi : ad gratias autem actuales, quibus velle, & perficere operatur in nobis, quæque in perseverantiæ partem veniunt, nullatenùs, aut saltem minùs præcipuè pertinere.

Falsum pariter, quæ de gratia indeclinabiliter, & insuperabiliter agente statuit sanctissimus Doctor, de gratia actuali, nullà omnino ratione accipi posse. Quæ duo a vero procul abire, adversùs novi systematis architectum, demonstrare aggredior.

Futilis, ac ludica in primis est observatio, *ex qua una totam mysterii hujus altitudinem pendere*, ait pag. 123. *Augustiniana Defensionis*. Idcirco scilicet Augustinum, tam disparem integri, ac fani hominis gratiam ad perseverandum posuisse; quòd lapsi hominis perseverantia non ab una, alterave actuali inspiratione pendeat, sed a peculiari insuper providentia, qua Deus ita varios vitæ casus disponit, regit, & ordinat, ut charitate demùm informati animam agant : cum contrà Adami in statu innocentie per-

Cccc ij seve-

severantia, ex unico voluntatis actu penderet, quo Dæmonis tentationem superaret. Ecquis, quæso, id certò futurum Danieli revelavit? Equidem ita in Angelis contigisse, ut primo plenæ libertatis actu confirmationem in gratia, & æternam beatitudinem obtinerent, propugnat Angelica Schola: verùm Adamum in statu innocentie confirmatum iri, ex quo primum tentationi resistisset, negat ubique passim Doctor Angelicus. Sic 1. *part. quæst. 100. art. 2.* cum hanc sibi objectionem, quarto ordine proposuisset: *Angelus adducens Deo, aliis peccantibus, statim est in iustitia confirmatus; ut ulterius peccare non posset: ergo similiter, & homo si tentationi resistisset, confirmatus fuisset:* Respondet: *Ad quartum dicendum, quod non est simile de homine, & Angelo. Nam homo habet liberum arbitrium vertibile, & ante electionem, & post: non autem Angelus, sicut supra dictum est, cum de Angelis ageretur.* Sic in 2. *Sent. dist. 20. quæst. 2. art. 3. ad 5.* Dicendum, quod probabile videtur, quod si Adam in prima tentatione persistisset; nondum statim confirmationem iustitiæ fuisset adeptus. Sic demùm *quæst. 5. de malo art. 4. ad 8.* Dicendum, quod secundum quoddam, si Adam non peccasset tentatus, statim confirmatus fuisset in iustitia; & omnes posteri ejus confirmati in iustitia nascerentur Sed hoc credo esse falsum. Quibus omnibus paria habet *Quodlibeto 5. art. 8.* Et quidem superata priori tentatione, annos longè multos ducere potuit primus homo, antequam ad beatam immortalitatem perveniret. Quis porò certò tpondere audeat, eum toto illo temporis tractu nullam alteram cum Dæmone luctam subiturum, Deo ita permittente, ut ejusdem obedientiam, ac fidem probaret magis?

Quid plura? Demus Adamum priori tentatione superata, statum perleverantiz, iustitiæque confirmationem adeptum fuisse: non illicò consequens foret, filios, ac nepotes, iustitiæ confirmationem jure natalium habituros. Explicatissima Doctoris Angelici sententia est in 2. *Sent. dist. 20. quæst. 2. art. 3. ad 5.* Si tamen, inquit, concedatur, quod Adam confirmatus fuisset statim post victoriam tentationis, adhuc non sequitur, quod filios confirmatos in iustitia genuisset. Quin etiam 1. *parte quæst. 100. art. 2.* probat ex instituto, quod pueri in statu innocentie nati, non fuissent in iustitia confirmati. Fuissent igitur illi, quantumvis ab ortu iusti, & innocentes, tentationibus exercendi. Ecquis sciat quot, quantive, & quam diu? Ingentis, quippe temeritatis est, res ex uno Dei nutu pendentes certò statuere, nulla Scripturarum, ac Traditionis accedente suffragatione.

Figmentum igitur est longè maximum, cui tota novi systematis moles incumbit: Innocentem hominem idè tam diversa ad per-

perseverandum gratia eguisse, quod hæc ex uno duntaxat actu penderet, quo primam vinceret tentationem.

A vero longius abit, quod tam labili, tamque futili fundamento superstruit Theologus Molinianus, de *adjutorio*, quo perseverant, & salvantur electi, deque gratia indeclinabiliter, & insuperabiliter agente; quod novem, ut cætera mittam, argumentis evinco.

I. Si homo nulla naturæ infirmitate, nulla carnis corruptione vitiat, originalis culpæ purus per omnia nasceretur; solaque arbitrii libertate, genioque versatili, peccatis admittendis obnoxius; mortalem hanc vitam degeret, qualem Pelagiani fabulabantur; domini perseverantiæ certitudo ex ea perinde providentia penderet, qua Deus electorum casus ita regere dicitur, ut quicquid illis in diem accidat, beato tandem fine solvantur. Siquidem cum ea in hypothese Pelagiana, electi ob inconstantiam saltem arbitrii, identidem laberentur, & surgerent, in prædestinationis suæ finem certo pervenire non possent, nisi Deus ita cuncta disponderet, ut nonnisi in gratia constituti, ex hac luce raperentur. Attamen Augustinus *Adjutorii* quoque gratiæque indeclinabiliter, & insuperabiliter agentis necessitatem, ex ipsa vitiatæ naturæ infirmitate derivat, geminis illis capitibus ad examen vocatis, ut infirmus, ac vitiatus homo in accepta iustitia perseveret. Non itaque ad peculiarem illam providentiam astruendam collimant, quæ geminis capitibus scripsit sanctissimus Doctor: nec eò tendunt graves illæ, rerumque, atque nervorum plenæ sententiæ, ut id ex naturæ corruptione demonstraret, ac probet, quod omni naturæ corruptione posthabita, perseverantiæ perinde pars magna foret.

II. Agitatas ab Augustino adversus Pelagianos, ac Semipelagianos de gratia controversias, ad actuale, & efficacem potissimè pertinere, nemo nescit: seu hanc ad omnia pietatis opera necessariam evinceret contra primos, seu ad initium fidei, atque in bono perseverantiam, necessariam diceret contra secundos: Hanc porro de duplici stantis, ac lapsi hominis adjutorio concertationem adversus Semipelagianos Adrumetinos institutam esse, palam est. De gratia igitur actuali sermo venit. Atque id adjutorii nomen sonat, ab Augustino toties usurpatum, quod de gratia adjuvante, atque adeo actuali solet accipi.

III. Idem sanctissimus Doctor octavo capite libri ejusdem de *Correptione, & Gratia* peculiari divi Petri confessioni, quæ singulari gratiæ actualis auxilio edenda illi erat, tum in confessorio Pontificum, & Sacerdotum, uti narratur *Aff. 4.* tum maxime tempore passionis suæ, atque martyrii, ea ipsa accommodat, quæ de auxilio quo ad perseverandum necessario, deque gratia indeclinabiliter, & insuperabiliter agente commentatur capitibus undecimo¹,

ac

ac duodecimo. *An audebis dicere, etiam rogante Christo, ne deficeret fides Petri, defecturam fuisse, si Petrus eam deficere voluisset, hoc est, si eam usque in finem perseverare noluisse? Quasi aliud Petrus ullo modo vellet, quam pro illo Christus rogasset, ut vellet. Nam quis ignorat, tunc fuisse perituram fidem Petri, si ea, quæ fidelis erat, voluntas ipsa deficeret; & permanfuram, si eadem voluntas maneret? Sed quia præparatur voluntas a Domino, idè pro illo Christi non posset esse inanis oratio. Quando rogavist ergo, ne deficeret fides ejus, quid aliud rogavist, nisi ut haberet in fide liberrimam, fortissimam, invictissimam voluntatem? Ecce quemadmodum secundum gratiam Dei, non contra eam libertas defenditur voluntatis. Voluntas quippè humana non libertate consequitur gratiam, sed gratiâ potius libertatem, & ut perseveret, delectabilem perpetuatatem, & insuperabilem fortitudinem. Adjutorium igitur, quo fit opus, gratiaque indeclinabiliter, & insuperabiliter agens, ad peculiare etiam pietatis actus (qualis profectò erat Christi confessio, de qua paulò antè dicebamus), gravelsque tentationes certis in occasionibus superandas, ex Augustini sententia, maxime pertinebat.*

IV. Si gratia indeclinabiliter, & insuperabiliter agens, nil nisi peculiaris providentia est, qua Deus ita varios electorum casus ordinat, atque disponit, ut quidquid in diem accidat, sancto tandem fine quiescant; nec ad peculiare pietatis actus pertinere putanda est: nulla igitur peculiari occasione insuperabilem electo fortitudinem tribuet gratia Servatoris; sed ad hoc valebit unice, ut infirmitatem erigat si ceciderit; & ad optatum finem destinatò perducatur. At perseverantiæ gratiam, talem, tantamque certis in casibus esse, ut *insuperabilem fortitudinem* tribuat, Augustini disserta vox est.

V. *Adjutorium quo statui naturæ lapsæ peculiare, de quo disputat Augustinus capite 11. constans servandæ justitiæ propositum operatur, efficitque, ut illam velit electus, ac diligat, contrariosque obices vincat, qui constantiæ, ac perseverantiæ, ut rationem virtutis induit, actus sunt. Hæc prima est gratia, quæ data est primo Adam, sed hac potentior est in secundo Adam. Prima est enim, qua fit, ut habeat homo justitiam si velit: secunda ergo plus potest, quia etiam fit, ut velit, & tantum velit, tantoque ardore diligat, ut carnis voluntatem contraria concupiscentem, voluntate spiritus vincat. Quis verò neget, gratiam ad edendos virtutis actus necessariam, illosque in nobis, atque nobiscum operantem, actualem & ipsam esse?*

VI. Eiusdem adjutorii vim adstruit Augustinus exemplo Martyrum *cap. 12. quorum victorias, fortitudinem, atque constantiam*
Ad-

Adami lapsui, atque socordix opponit. Hoc *Sanctorum martyria* docuerunt. Denique ille Adam, & terrente nullo, & insuper contra Dei terrentis imperium libero usus arbitrio non fletit in tanta felicitate, in tanta non peccandi facilitate: Isti autem, non dico terrente mundo, sed sciviente ne flarent, steterunt in fide; cum videret ille bona præsensia, quæ fuerat relicturus, isti futura, quæ accepturi fuerant, non viderent. Unde hoc, nisi donante illo, a quo misericordiam consecuti sunt, ut fideles essent, a quo acceperunt spiritum non timoris, quo persecutoribus cederent, sed virtutis; & charitatis, & continentix, quo cuncta minantia, cuncta invitantia, cuncta cruciantia superarent? Dicat modò qui volet, gratiam, quæ miram illam fortitudinem indit, quæque virtutis, charitatis, & continentix spiritum donat, externâ duntaxat providentiâ contineri, quæ varios electorum casus ita disponit, ut tamen stabantur in dies, sancto demùm fine quiescant.

VII. Gratiâ, quæ operatur velle, actualem nemo non dicit. At *adjutorium* quod ab Augustino descriptum, uti peculiare naturæ lapsum præsidium, gratiaque indeclinabiliter, & insuperabiliter agens, quæ ita Danieli nostro stomachum movet, illa ipsa gratia est, quæ in electis operatur, ut invictissimè velint, bonamque ipsis voluntatem indit. Tantùm quippè, Augustini verba sunt, *Spiritu Sancto accenditur voluntas eorum, ut idèd possint, quia sic volunt, ideo sic velint, quia Deus operatur, ut velint.* Nam si in tantâ infirmitate vitæ hujus (in qua tamen infirmitate propter elationem reprimendam perfici virtutem oportebat) ipsis relinqueretur voluntas sua, ut in adjutorio Dei, sine quo permanere non possent, manerent si vellent, nec Deus in eis operaretur, ut vellent, inter tot, & tantas tentationes, infirmitate sua voluntas ipsa succumberet, & idèd perseverare non possent, quia deficientes infirmitate, nec vellent, aut non ita vellent infirmitate voluntatis, ut possent. Subventum est igitur infirmitati voluntatis humanæ, ut divinâ gratiâ indeclinabiliter, & insuperabiliter ageretur; & idèd quamvis infirma non tamen deficeret, neque adversitate aliqua vinceretur.... Fortissimo quippè dimisit, atque permisit facere, quod veller; infirmis servavit, ut ipso donante invictissimè, quod bonum est, vellet, & hoc deferere invictissimè nollent.

VIII. Massilienses ex Augustini doctrina, geminis illis capitibus explicata, eaque præsertim loquendi formula (ut *divinâ gratiâ indeclinabiliter, & insuperabiliter ageretur*) offensionem passos esse, ex Hilarii ad Augustinum *Epistola* certò liquet. Molestè ferunt ita dividi gratiâ, quæ vel tunc primo homini data est, vel nunc omnibus datur, ut ille acceperis perseverantiam, non qua fieret, ut perseveraret, sed sine qua per liberum arbitrium perseverare non posset:

set : nunc verò sanctis in regnum per gratiam prædestinatis non tale adiutorium perseverantiæ datur, sed tale, ut eis perseverantia ipsa donetur; non solum, ut sine isto dono perseverantes esse non possint, verum etiam, ut per hoc donum nonnisi perseverantes sint. His verbis Sanctitatis tuæ ita moventur, ut dicant quandam desperationem hominibus exhiberi. Si enim, ajunt, ita Adam adjutus est, ut & stare posset in justitia, & a justitia declinare; & nunc ita sancti juvantur, ut DECLINARE NON POSSINT, (viden' ut ad Augustini verbum, indeclinabiliter, alluderent Massilienses?) vel sic, quidam deseruntur, ut, aut nec accedant, aut si accesserint, & recedant : ad illam voluntatem pertinuisse dicunt exhortationis, vel comminationis utilitatem, quæ, & persiflendi, & desilendi obtinebat liberam potestatem; non ad banc, cui nolle justitiam INEVITABILI necessitate conjunctum est, præter illos, qui sic concreati sunt his, qui cum universa massa damnati sunt, ut exciperentur per gratiam liberandi. Unde in hoc solo volunt, a primo homine, omnium distare naturam, ut illum integris viribus voluntatis juvares gratia volentem, sine qua perseverare non poterat : hos autem amissis, & perditis viribus credentes tantum, non solum erigat prostratos, verum etiam suffulciat ambulantes. Cæterum, quidquidlibet donatum sit prædestinatis, id posse, & amitti, & retineri propria voluntate consentiunt. Quod tunc falsum esset, si verum putarent, eam, quosdam perseverantiam percepisse, ut nisi perseverantes esse non possint. Quis non videat, Massilienses Augustini dictum de gratiis actualibus, in partem perseverantiæ venientibus accepisse : Hilariumque motus illorum faciliè sedaturum, si illi Danielis interpretamentum venisset in mentem, quin Augustinum Epistolis fatigare necesse esset?

Neque aliter dictum accepit D. Prosper, quippè qui Magistrum per Epistolas rogat, ut ostendat, quomodò per istam præoperantem, & cooperantem gratiam, liberum non impediatur arbitrium. Quod minùs appositè quæreretur, nisi Augustinum de actuali gratia locutum, pro certo haberet. Nemo enim adeò fuerit hebes, ut liberum arbitrium externa illa providentia lædi suspicetur, qua quis post varios vitæ casus, ac lapsus, tunc demùm ex hac luce eripitur, dum Deo, fide, & charitate conjunctus est.

Sed, quid interim Augustinus, ut dictis fidem asserat, & Massiliensium offensionibus medeatur? Num fortè id a se de Dei providentia dictum respondit, qua varios vitæ casus ita dirigit, ut electi, quidquid demùm accidat, nonnisi sancto fine quiescant? Audiamus. *Ut non discedamus a Deo*, inquit ille, cap. 7. de Domino perseverantiæ, ostendis dandum esse nonnisi a Deo, cum po-

scen-

scendum ostendit a Deo. Qui enim non infertur in tentationem, non discedit a Deo. Non est hoc omnino in viribus liberi arbitrii, quales nunc sunt; fuerat in homine antequam caderet. Quæ tamen libertas voluntatis in illius primæ conditionis præstantia, quantum valuerit, apparuit in Angelis, qui, Diabolo cum suis cadente, in veritate steterunt, & ad securitatem perpetuam non cecidendi, in qua nunc eos esse certissimi sumus, pervenire meruerunt. Post casum autem hominis, non nisi ad gratiam suam Deus voluit pertinere ut homo non recedat ab eo. Nihil hic de peculiari providentia, quamquam & ipsa perseverantiæ pars magna sit. Unus de gratia actuali sermo est, quam scilicet Oratione Dominica postulamus, quamque cap. antecedenti sanctissimus Doctor ex S. Cypriano Martyre his verbis exponit: Quando autem rogamus ne in tentationem veniamus, admonemur infirmitatis, & imbecillitatis nostræ, dum sic rogamus, ne quis se insolenter extollat, ne quis sibi superbè, & arroganter aliquid assumat, ne quis aut confessionis, aut passionis gloriam suam ducat, cum Dominus ipse humilitatem docens dixerit; Vigilate, & orate ne veniatis in tentationem; Spiritus quidem promptus est, caro autem infirma: Ut dum præcedit humilis, & submissa confessio, & datur totum Deo, quidquid suppliciter cum timore Dei petitur, ipsius pietas præstetur.

IX. Si, quod Daniel de certitudine perseverantiæ contendit, veritatem habet, consequens erit, Latronis poenitentis perseverantiam, aliorumque benè plurium, qui extremis duntaxat vitæ metis admoti fidem catholicam amplectuntur, plenamque sceleribus vitam mutant tùm ferèdè cùm deferunt, ob id unum certitudinis, & indeficientiæ gaudere titulo, quòd ante conversionem ex hac luce erepti non sint. En tibi, si Danieli fidem damus, quòd demùm recidat Magnum illud, & inestimabile, ut Tridentina Synodus loquitur, *perseverantiæ donum*. En quòd demùm devolvatur præscientia illa, ac præparatio beneficiorum Dei, quibus certissimè liberantur quicumque liberantur. *Lib. de Dono perseverantiæ cap. 14.*

Clamat Theologus Molinianus, gratiam actualem nullam esse, cui non possit humana voluntas obistere: nullaque idcirco ratione de gratia actuali accipi posse Augustini dictum, *ut divina gratia indeclinabiliter, & insuperabiliter ageretur*. Antecedens do lubs, atque ut fidei caput agnosco, si de potestate antecedenti (ut Schola loquitur) sermo fiat. Neque aliud sibi voluit Augustinus prægravi illa, atque nervosa loquendi formula, qua consequentem duntaxat resistendi, seu gratiæ declinandæ, ac superandæ potestatem inficiatur. Certè uti voluntatem humanam divinà gratià indeclinabiliter, & insuperabiliter agi docuit Augustinus, ita im-

. Præf. P. Serry Tom. II.

D d d

muta-

mutabiliter moveri docuit D. Thomas quæst. 6. de Malo, art. unico ad 3. pari omnino sermonis energia. Nec dubitandum, quin de actuali gratia sermonem instituat. Neque tamen idcirco sublatam voluit hominis libertatem: Deus, inquit, movet immutabiliter voluntatem propter efficaciam virtutis moventis, quæ deficere non potest: sed propter naturam voluntatis mota, quæ indifferenter se habet ad diversa, non inducitur necessitas, sed manet libertas. Quid itaque sublatam verebimur humani arbitrii libertatem, si de gratia actuali Augustini sententiam accipiamus?

Ergo, instat ille, haud aliud sibi volunt, *indeclinabiliter, & insuperabiliter*, quàm *infallibiliter*; liberumque nobis erit, de infallibilitate, ex Scientiæ Mediæ directione suborta Augustinum interpretari. Spuria est consecutio. Infallibilitas enim ex Auxilii *indeclinabilitate*, ut ita loquar, & *insuperabilitate*, profecta, ex ipsa auxilii conditione, atque natura sobolescit, etsi nullum illi Scientiæ Mediæ lumen affulgeat. Augustinus porro binis illis capitibus intimam ipsam adjutorii naturam expendit, nulla præfulgentis, ac dirigentis Scientiæ Mediæ injecta mentione. Præterea *adjutorii quo* status naturæ lapsæ efficaciam, & infallibilitatem asruit eo loci sanctissimus Doctor, quatenus ab *adjutorio sine quo* status naturæ innocentis distinctum est: quamque uni indeclinabilitatem, & insuperabilitatem adjudicat, alteri negat. At si de infallibilitate ex Scientiæ Mediæ directione sobolescente, Augustinum intelligas, nihil eo in capite inter utrumque adjutorium discriminis intercedet; cum, & ipsum *adjutorium sine quo*, Scientiæ Mediæ lumine præfulgente, effectum suum, si Molinianis fidem adjungimus, certissimè sortiatur: nec alia de causa Deus falli necius futuram Angeli, auxilio *sine quo* duntaxat instructi, perseverantiam certissimè noverit, quàm, quod illam Scientiæ Mediæ lumine exploravit.

Neque movet, quod adjicit Theologus Molinianus: Voluntas arbitrium excisum iri, si ea *insuperabilitas, & indeclinabilitas*, de qua loquitur Augustinus, efficaci, & actuali gratiæ tribuatur; quia sic in causam antecedentem, quæ idcirco necessitatem inferet, refundetur. Sunt hæc Molinianæ Scholæ præjudicia, a Thomistis millies occupata; qui humanæ voluntatis arbitrium, quacumque suppositione antecedenti non tolli, multis evincunt; ac tum maxime, quod a Deo totius libertatis fonte originem ducit: qualis illa profectò est, quæ ex gratia se ipsa efficaci, ac prædeterminante succrescit. Sic sanè Doctor Angelicus 1. part. quæst. 19. art. 8. ubi cum hanc ipsam Danielis objectionem obviam sibi fecisset ordine tertio: *Illud, quod habet necessitatem ex priori, est necessarium absolute, &c.* ita respondet: *Dicendum, quod posteriora habent*

bent necessitatem a prioribus secundum modum priorum. Unde & ea, quæ sunt a voluntate divina, talem necessitatem habent, qualem Deus vult ea habere, scilicet vel absolutam, vel conditionalem tantum. Et sic non omnia sunt necessaria absolute. Cui congruit illud D. Anselmi lib. de Concordia cap. 1. Quoniam, quod Deus vult, non potest non esse; cum vult hominis voluntatem nulla cogi, vel prohiberi necessitate ad volendum, vel ad non volendum, & vult effectum sequi voluntatem, tum necesse est voluntatem esse liberam, & esse, quod vult.

De celeberrimo Augustini loco diximus paulò fusiùs, quàm Animadversionum ratio postulare videbatur. At eam nobis necessitatem imposuit inauditum Danielis paradoxum; quod is tamen aded fidenter ostentat, ut contrarium statuentibus erroris notam affricare non vereatur. Neque enim alia de causâ, D. Augustini vindicias a nobis contra Launojum adornatas vellicare aggressus est, quàm quoddam celebre sancti Doctoris dictum (ut divina gratia indeclinabiliter, & insuperabiliter ageretur) de actuali, & efficaci gratia interpretati, hanc ipsam indeclinabilem, & insuperabilem vocaverimus. At eandem poterat universis Thomistis calumniam importare, quibus hoc idem S. Augustini oraculum efficaci gratiæ accommodare familiare est. Poterat, & Clementi VIII. Pontifici Maximo eandem erroris notam inurere, qui gratiæ efficacis effectum certum, & infallibilem ostensurus articulo 10. celeberrimi scripti, hoc idem Augustini oraculum suo accommodat instituto; quod utique fecisset minus appositè, nisi de gratia actuali locutum sanctissimum Præfulem, pro certò poneret, & indubitato. At sacrum caput humili veneno aspergere non est ausus; haud enim impunè tulisset.

Caterùm num Augustinus geminis illis capitibus ad examen adductis viam ineat, Scholæ Thomisticæ, de gratia hominis innocentis, adversam, (quod ultimo tandem loco Daniel observat) (*Animadv. 39.*) data opportunitate expendemus.

XXXI.

LIBELLI SUMMA.

(*Apag. 130. ad 134.*) Nihil ab Augustino; de summa Dei in corda hominum potestate, supremoque in voluntates imperio dictum contendit, quod non æquè a gratiæ congruæ Defensoribus propugnetur, eoque cum dogmate conciliari perinde non possit.

ANIMADVERSI O.

Sit ita nec ne, videamus. Augustini hæc verba sunt, *capite 14. libri de Correptione, & Gratia*: Cum homines per correptionem in viam iustitiæ seu veniunt, seu revertuntur, quis operatur in cordibus eorum salutem, nisi ille, qui quolibet plantante, atque rigante, & quolibet in agris, vel arbuſtulis operante, dat incrementum Deus; cui volenti saluum facere, nullum hominis resistit arbitrium? Ut quid porro Deo volenti nullum hominis resistit arbitrium? Reponet gratiæ congruæ vindex, quia Deus iis in circumstantiis vocat electos, quas congruentes fore certissimè novit, ut vocanti præstent assensum. Augustinus e contrà, non secus ac gratiæ se ipsa victricis propugnatores, divinæ voluntatis omnipotentis totum istud ascribit; quod nulla ei voluntas tametsi libera possit obsistere, (potestate utique consequenti) illiusque efficaciam superare. Sic enim, subiungit ille, velle, seu nolle in volentis, aut nolentis est potestate, ut divinam voluntatem non impediat, nec superet potestatem Non est itaque dubitandum, voluntati Dei, qui in cælo, & in terra, omnia quæcumque voluit, fecit, & qui etiam illa, quæ futura sunt, fecit, humanas voluntates non posse resistere, quominus faciat ipse, quod vult: quandoquidem etiam de ipsis hominum voluntatibus, quod vult, cùm vult, facit. Nisi forte (ut ex multis aliqua commemorem) quando Deus voluit Sauli regnum dare, sic erat in potestate Israelitarum subdere se memorato viro, sive non subdere, quod utique in eorum erat positum voluntate, ut etiam Deo valerent resistere. Qui tamen hoc non fecit, nisi per ipsorum hominum voluntates, sine dubio habens humanorum cordium, quò placeret, inclinandorum omnipotentissimam potestatem.

Mirum, gratiæ congruæ Defensores ad suam illam exploratricem scientiam perpetuò confugere, ut Deus quando, & ubi res congruunt, homines vocet, ac tum maximè, dum consensuri vocationi prævidentur; ne, & ipsa vocationis gratia in irritum cadat: cùm ex adverso nonnisi ad omnipotentissimam potestatem confugiat Augustinus, quæcumque voluerit, quandocumque voluerit pro imperio certissimè facientem. Quid plura? Ex prævia illa congruentium circumstantiarum, ac futuri consensus exploratione oriri volunt Moliniani, cur liberum non lædatur arbitrium: Augustinus ex opposito factam testantque probat humani arbitrii libertatem, efficacissimà licet gratiâ motam, quia Deus (quæ totius capituli clausula est) magis habet in potestate voluntates hominum, quàm ipsi suas. Hoccine est, nihil ab Augustino de summa Dei

in corda hominum potestate, supremoque in voluntates imperio dictum esse, quod non æquè a gratiæ congruæ Defensoribus propugnatur?

Non absimilia ex aliis longè multis pariformæ, ac roboris, Augustini locis, argumenta exeri possunt, si non leviter, ac defensoriè perstringantur, sed severiori trutina pensitentur.

In Enchiridio ad Laurentium cap. 98. Quis tam impiè desipiat, ut dicat, Deum malas hominum voluntates, quas voluerit, quando voluerit, ubi voluerit, in bonum non posse convertere? Id dicant necesse est, qui irritam vocationem fore putant, nisi exploratis in antecessum congruis circumstantiis fiat. Ac per hoc alteri Augustini dicto repugnant, lib. de Gratia, & Lib. Arb. cap. 20. Hominum voluntates ita esse in Dei potestate, ut eas, quod voluerit, quando voluerit, faciat inclinari.

Libro de Prædestinatione Sanctorum cap. 8. Hac itaque gratiæ, quæ occultè humanis cordibus divinæ largitate tribuitur, a nullo duro corde respuitur. Quorsum ita, si consulas Molinianos, nisi quia sub congruis circumstantiis tum maximè datur, cùm consensus certissimè prævidetur? Longè aliter Augustinus: quia videlicet gratia ipsa prævenienti efficacitate duritiem cordis aufert, ne dissentiat. Ideo quippè tribuitur, inquit ille, ut cordis duritia primitus auferatur.

Capite 10. libri ejusdem: Quando promisit Deus Abrææ in semine ejus fidem gentium, dicens: Patrem multarum gentium posui te: unde dicit Apostolus, Idè ex fide, ut secundum gratiam firma sit promissio omni semini: non de nostræ voluntatis potestate, sed de sua prædestinatione promisit. Promisit enim, quod ipse factururus fuerat, non quod homines: Quia etsi faciant homines bona, quæ pertinent ad colendum Deum; ipse facit, ut illi faciant, quæ præcepit; non illi faciunt, ut ipse faciat, quod promisit: Alioquin ut promissa Dei compleantur, non in Dei, sed in hominum est potestate. Pone nunc fidei gratiam, ex liberi arbitrii, sub opportunis circumstantiis constituti, præviso consensu efficaciam obtinere; fidem gentium, nec de sua prædestinatione, nec de sua potestate promittit Deus, sed de sua præscientia, ac de hominum voluntate: cùm ex præviso voluntis assensu, eximata (ut Molina loquitur) libertate futuro, indifferentis, atque versatilis vocationis determinatio pendeat, sine qua in irritum vocatio recidet: nec jam secundum gratiam firma erit promissio, sed secundum opportunitatem circumstantiarum, a quibus gratia firmitudinem obtinebit.

Libro de Gestis Pelagii cap. 3. Procul dubio plus est agi, quàm regi: qui enim regitur, aliquid agit, & a Deo regitur, ut rectè agat,

agat. Qui verò agitur, agere aliquid ipse vix intelligitur: Et tamen tantam præstat voluntatibus nostris gratia Salvatoris, ut non dubitet Apostolus dicere: Quotquot spiritu Dei aguntur, hi sunt filii Dei. Quibus paria habet libro de Corrept., & Gratia cap. 2: Profectò qui gratiam naturà ipsà versatilem assensu suo efficacem reddit, ob congruentes loci, ac temporis circumstantias, multum agere intelligitur; nec tam ipse agitur, quàm regatur.

Libro de Dono perseverantiæ cap. 6. Tutiores vivimus, si totum Deo damus; non autem nos illi ex parte, & nobis ex parte committimus. Quod alibi sæpius inculcat, nimirum cap. 13. ejusdem libri, & in Enciridio cap. 32. Totum autem Deo non datur, nisi in hypothesi gratiæ per se ipsam efficacis, quæ sola voluntatis humanæ consensionem, & operæ collationem operatur in nobis. Ex adverbio, in hypothesi gratiæ congruæ, Deo nos ipsos ex parte, & nobis ex parte committimus: cùm det ille gratiam, cujus efficaciam ex nostræ voluntatis assensu suspenditur.

Libro de Gratiâ, & Libero Arbitrio cap. 21. Agit omnipotens Deus in cordibus hominum etiam motum voluntatis eorum, ut per eos agat, quod agere ipse voluerit, qui omninò injustè aliquid velle non novit. At qui quæso, fieri potest, ut gratia se ipsa versatilis, ex motu, seu assensione voluntatis efficaciam expectans, ipsum etiam voluntatis motum, atque assensum operetur in nobis? Cùm enim non agat gratia nisi ex efficacia; qua forte fieri potest, ut eum ipsum motum agat, ex quo suspenditur efficacia?

Libro 4. ad Bonifacium cap. 9. Oramus ergo non solum pro nolentibus, verùm etiam pro repugnantibus, & oppugnantibus. Quid ergo petimus, nisi ut fiant ex nolentibus volentes, ex repugnantibus consentientes, ex oppugnantibus amantes? A quo nisi ab illo, de quo scriptum est: Præparatur voluntas a Domino? Quas fundant preces gratiæ congruæ Defensores, haud satis scio; id tamen certum, si ex doctrinæ principiis orare velint, id illos Deum maximè rogaturos, ut opportunas locorum, ac temporum occasiones probè caper, genium exploret, consideratè, accircumspectè cuncta disponat: quod ni fecerit, nunquam volentes ex nolentibus faciet, nunquam ex oppugnantibus amantes, nunquam ex repugnantibus consentientes. Jam si tales illi preces fundere solent, a Deo ergo uti cuncta scientie petunt, non ut a primo rerum principio, supremoque Domino, voluntatem quod voluerit, quando voluerit, pro nutu, atque arbitrio inclinante; atque ita in actu religionis exerendo, a supremi domini recognitione, quæ religionis maximè propria est, procu labantur.

XXXII.

LIBELLI SUMMA.

(Apag. 134. ad 142.) Semipelagianos in usu Scientiæ Mediæ à Molinianis toto cælo distare probat : I. quodd illi ad præscientiam bonorum, malorumve operum, quæ pueri mundo sublati, si diutius viverent, edidissent, confugere soliti essent, ut illos ex meritis prædestinatos, aut reprobos ostenderent : Moliniani non item; II. Quodd illi oonditionatam, ut Schola loquitur, peccatoris conversionem prævideri a Deo dicerent, non ex gratia, sed ex naturæ penæ futuram : isti longè aliter.

ANIMADVERSI O.

Ludit, illuditque vir Molinianus suis servandis finibus nimis intentus. Quasi verò id unum in Semipelagianis damnaverit Augustinus, quodd Deum bonorum, malorumve operum, quæ pueri, si diutius viverent, edidissent, rationem habere dicerent, ut illos idcirco prædestinaret, ac reprobaret : ac non etiam illud alterum exsufflarit, quod ipsis cum Molinianis commune erat, Deum nempe hæc ipsa opera uti futura prævidisse? Quid itaque sibi vult *lib. 2. ad Bonifacium cap. 7.* dum ait : *Quomodd præscivit ea futura, quæ, illis in infantia morituris, quia præscientia illius falli non potest, præscivit potius non futura?* Quid dum *cap. 14. de Prædestinatione Sanctorum*, vulgare Sapientiæ dictum exponens, ita habet : *Dictum est secundum pericula vitæ hujus, non secundum præscientiam Dei, qui hoc præscivit, quod futurum erat, non quod futurum non erat :* Quid dum *lib. 1. de Anima cap. 12.* scribit : *Quomodd rectè dicitur præsciri futurum, quod non est futurum?* Quid denique Prosper fidus Augustini Discipulus, sibi voluit, dum illud Semipelagianorum somnium Magistro narravit, destinata ad ipsum Episto'à : *Quia præterita non extant, futura, quæ non sunt futura confingunt, novoque apud illos absurditatis genere, & non agenda præscita sunt, & præscita non acta sunt?*

Demus itaque Molinianos haud ita turpiter sua illa abuti Scientia Media, ut prædestinari, ac reprobari parvulos dicant, bonorum, malorumve operum prævisione, quæ si adultam ætatem attingerent, edidissent : suos tamen a Semipelagianis nec planè segregat servidus Actor, nec satis Augustino consociat, nisi aut Semipelagianis Scientiam Mediam ignotam ostendat, aut eam Augustino probatam evincat. Qua de re nihilominus toto illo articulo

nihil

nihil habet. Nec imprudenter. Quis enim scientiam illam exploratricem, divinis decretis prælucentem, Semipelagianis ignotam effutire audeat, quibus familiare proloquium erat apud Faustum totius sectæ Coryphæum lib. 2. de Gratia, & Libero Arbitrio capp. 3. 6., & 7. *Nisi præscientia exploraverit, prædestinatio nihil decernit?* Quod de futuris non absolutis, sed conditione suspensis dictum agnoscit Franciscus Suarez *Tractatu de Prædestinatione cap. 6.* Num verò opera bona explorari a Deo dicerent Massilienses, non ex gratia, sed ex natura; quod secundo loco Molinianus Scriptor obtendit, ex Divo Prospero discimus, data ad Augustinum Epistola, ubi hanc illorum professionem esse ait, quam ab antiquis Patribus hauritam temerè jactabant. *Pend omnium par invenitur, & una sententia, qua propositum, & prædestinationem Dei secundum præscientiam receperunt; ut ob hoc Deus alios vasa honoris, alios contumeliæ fecerit, quia finem uniuscujusque præviderit, & SUB IPSO GRATIÆ ADJUTORIO, in qua futurus esset, voluntate, & actione præscierit.* Et paulò suprà, sub initium Epistolæ, id eos sentire narrat: *Qui autem credituri sunt, quive in ea fide, quæ deinceps per Dei gratiam sit juvanda, mansuri sunt, præscisse ante mundi constitutionem Deum; & eos prædestinasse in regnum suum, quo GRATIS VOCATOS dignos futuros electione, & de hac vita bono sine excessuros esse præviderit.* Cui succinit Doctor Angelicus 1. part. *quæst. 23. art. 5.* Semipelagianorum errorem ita referens: *Fuerunt alii, qui dixerunt, quòd merita sequenti prædestinationis effectum, sunt ratio prædestinationis: ut intelligatur, quòd idèò Deus dat gratiam alicui, & prædestinavit se ei daturum, quia præcivit eum BENE USURUM GRATIA.*

(*Vide Animadv. 3.*) Cæterùm Augustinum Scientiæ Mediæ non abusum duntaxat, sed, & usum data opera confutasse, parco pluribus ostendere. Non modò quia nihil ea de re, hocipso, quem eventilamus, articulo, disputat Theologus Molinianus, undè ad eam telam retexendam invitemur: verùm etiam, quia adnotationum, quas adornamus, conditio non patitur, ut tanti moliminis opus aggrediamur. Theologos Salmaticenses, Lemosium, Alvaresium, Gonetum, Contensonium, Juenum, Massoulieum adeat; quisquis eo delectatur argumento.

Unum intantum præterire non possum, quod Daniel præ cæteris observari vult, ut se suosque a Semipelagianis procul abire demonstret: Deum scilicet, ut ait, ex Scholæ Molinianæ sententia, bonum gratiæ usum ex conditione futurum certissimè quidem prævidere, *nequaquam tamen propter hujusmodi bonum usum, gratiam impartiri.* Ita profectò habet Ludovicus Molina *quæst. 23. art. 4., & 5. disp. 1. mem. 11. conclusione 6.* At quo sensu ista

ista dicantur, apertè significat hoc ipso in loco, §. *Illud addendum*, ubi sic scribit : *Quamvis Deus alligatus non fuerit usui liberi arbitrii prævisio, aliisve circumstantiis ex parte adulti prædestinandi, ut hoc, vel illo modo illi providere, ac opitulari constitueret, potuisse tamen ad circumstantias, & ad usum respicere; decensque, ac rationi valdè consentaneum fuisse, ut id ita faceret: in multisque re ipsa ad multa respexisse, constituendo aliqua propter circumstantias, & usum prævisum, quæ alioquin non constitueret.* Quo ex loco intelligere facile est, bonum ulum liberi arbitrii ex æternitate prævisum, causæ quidem, si penes Molinam fides est, aut etiam conditionis vim non habere, quæ Deus stricto veluti jure ad conferendam gratiam adigatur: ex decentia tamen; rationique congruente incitamento, Deum ad eandem impartiendam gratiam invitare. Quod certè Semipelagiano luto haud leviter adhærescit. Unde & hunc universæ Tractationi colophonem apponit: *Ut universim, quoad hætenus dicta, quasi vinorem quamdam propositionem subsumamus, unde nostrum institutum concludamus: quæ auxilia, & dona confert Deus in tempore PROPTER ALIQUEM BONUM USUM LIBERI ARBITRII ANTECEDENTEM;* & quæ peccata permittit, aut quam pœnam aliam infligit propter malum arbitrii usum antecedentem; eadem ex æternitate conferre, permittere, aut infligere statuit propter eundem bonum, aut malum usum prævisum futurum ex hypothesis, quodd hunc, vel illum ordinem rerum condere vellet. Illud etiam, quod ad exaltationem, laudem, & honorem Christi, sanctissimæque illius Mariæ spectat, mihi videtur admodum verisimile, sacratissimis eorum duorum animabus, non solum excellentiora dona Deum conferre decrevisse, sed etiam easdem prævidisse melius, quàm cæteras, PRO SUA INNATA LIBERTATE USURAS SUO ARBITRIO; eaque ratione in tantam dignitatem potius quàm cæteras electas fuisse. Quæ Molinæ verba Danielis observationem falsi convincunt.

XXXIII.

LIBELLI SUMMA.

Augustinum a Molinianæ Scholæ partibus stare probat. I. Quodd scientiam futurorum, quæ conditione suspensa sunt, Deo vindicet *lib. 22. de Civitate Dei cap. 1.* ubi futurum Luciferi, & Adami lapsum Deo, antequam illos creare decerneret, notum ostendit. Et *libro de Correptione, & Gratia cap. 8.* ubi Deo perinde exploratum ait, justos longè multos, si diù viverent, esse casuros.

Præf. P. Serry Tom. II.

E e e e

II. Quodd

II. Quodd Deum ea in decretis edendis, futurorum notitia dirigi doceat, iis ipsis in locis.

III. Quodd *lib. 1. ad Simplicianum quæst. 2.* phrasas istas interferat; gratiam congruam fronte veluti præferentes. *Quamvis multo uno modo vocati sint, tamen quia non omnes uno modo affecti sunt, illi soli sequuntur vocationem, qui ei capiendæ reperiuntur idonei* Igitur non volentis, nec currentis, sed miserentis est Dei, qui hoc modo vocavit, quomodo aptum erat eis, qui secuti sunt vocationem Si vellet etiam ipsorum misereri, posset ita vocare, quomodo illis aptum esset, ut & moverentur, & intelligerent, & sequerentur Illi electi, qui congruenter vocati: illi autem, qui non congruebant, neque contemperabantur vocationi, non electi, quia non secuti, quamvis vocati Et si multos vocet, eorum tamen miseretur, quos ita vocat, quomodo eis vocari aptum est, ut sequantur Cujus miseretur, sic eum vocat, quomodo scit ei congruere, ut vocantem non respuat Cum ergo alius sic, alius autem sic moveatur ad fidem, eademque res sæpe alio modo dicta moveat, alio modo dicta non moveat; aliumque moveat, alium non moveat; quis audeat dicere, Deo defuisse modum vocandi, quo etiam Esau ad eam fidem mentem applicaret, voluntatemque conjungeret, in qua Jacob iustificatus est? Quibus illum alterum Augustini pannulum affuit, ex cap. 14. libri de *Dono perseverantiae*: Ex quo apparet habere quosdam in ipso ingenio divinum naturaliter munus intelligentiæ, quo moveantur ad fidem, si congrua suis mentibus, vel audiant verba, vel signa conspiciant.

ANIMADVERSI O.

Eadem semper oberrat chorda, domesticæ Scholæ præjudiciis occupatus. Et quis, quæso, futura conditione suspensa, quæ re ipsa futura sint (utl Adami, ac Luciferi lapsus) Deo ignota commentus est unquam? Tota, quo medio dignoscantur Thomistas, inter ac Molinianos controversia vertitur: iis, quidem decretum, quo futura fiant, si bona sunt, aut quo permittantur, si mala sint, statuentibus; istis circulationes nescio quas, decreto quolibet, ut dignoscantur ablegato, pro sua cujusque minerva, quæritantibus. Utri feliciter Augustini mentem attingant, ex hisce illius sententiis discite, quæ futura solâ eorundem prædestinatione; atque decreto sciri, constantissimè docet, libro de *Prædestinatione Sanctorum* cap. 9. cùm Semipelagianos illud arrodere animadverteret, quod libro de *sex Quæstionibus Paganorum* scripserat, quæstione 2. Tunc voluisse Christum hominibus apparere, & apud eos prædicari doctrinam suam, quando

quando sciebat, & ubi sciebat, qui in eum fuerant credituri: quasi hanc illorum scientiam decretum omne avertentem, futureque consensus exploratricem admisisset, difficultatem hoc breviresponso occupat: *Cernitisne me sine præjudicio latentis consilii Dei, aliarumque causarum, hoc de præscientia Christi dicere voluisse?* Quibus satis innuit, nullam se istiusmodi scientiam agnovisse; sed eam duntaxat, quæ latenti divinæ voluntatis consilio subnixæ sit. Eodem libro cap. 10. *Prædestinatione sua Deus ea præscivit, quæ fuerat ipse factururus.* Tum cap. 17. lib. de dono persever. *An forte nec ipsa dicunt prædestinata? Ergo nec dantur a Deo; aut ea se daturum esse nescivit.* Quod si, & dantur, & ea se daturum esse præscivit; profectò prædestinavit Si nulla est prædestinatio, quam defendimus, non præsciuntur a Deo: præsciuntur autem: hæc est igitur prædestinatio, quam defendimus. Ac demùm cap. 18. *Deum prædestinasse est, hoc præsciisse, quod fuerat ipse factururus.* Tractatu 68. in Joannem: *Fecit ergo ea futura prædestinando, factururus est operando.* Quæ omnia iidem fermè verbis leguntur lib. de Prædestinatione SS. cap. 17. 18.

Quamquàm, quid juvat multa congerere, ut Augustinum procul ab usurpanda scientia illa decretum antevertente, futureque consensus, ac boni libertatis usus exploratrice, demonstremus: cum ob id maximè Doctori sanctissimo Molinianæ Scholæ primipilus insultet, quod supina illius ignorance Ecclesiam turbarit, virosque non paucos eruditione, ac pietate præcipuos imprudenter offenderit? *Insered*, inquit ille, 1. p. quæst. 23. art. 4. disp. 1. mem. 6. *sub ea caligine D. Augustinus ad hoc non attendit; prædestinationem scilicet ex præscientia usus liberi arbitrii factam esse.* Et in Concordia non longè a fine, post explicatum Scientiæ Mediæ arcanum: *Nos pro nostra tenuitate, rationem totam conciliandi libertatem arbitrii cum divina gratia, præscientia, & prædestinatione, quam tota hac questione tradidimus, sequentibus principiis, ex quibus eam deduximus, quæque variis in locis tradidimus, inniti judicamus.* Quæ si data, explanataque semper fuissent, fortè neque Pelagiana hæresis fuisset exorta neque ex Augustini opinionione, concertationibusque cum Pelagianis, tot fideles fuissent turbati, ad Pelagianosque defecissent; facileque reliquia illa Pelagianorum in Gallia, quarum in Epistolis Prosperi, & Hilarii fit mentio, fuissent extinctæ: ut patet ex iis, in quibus homines illos, cum Catholicis convenisse, & ab eis dissensisse, eadem Epistola testantur: concertationes denique inter Catholicos facile fuissent compositæ.

Si qua igitur futurorum scientia in decretis edendis regitur Deus, non illa utique decretum quodcumque prævolat, sed suo quoque

que decreto subnixæ est. Quod ni ponas, non futura sub conditione res erit, sed merè possibilis reputabitur. At de his recolere, quæ diximus *Animadversione* 24. Ubi haud aliam Deo necessariam scientiam, quæ condendis decretis præfulgeat, demonstravimus, quàm, quæ *simplicis intelligentiæ* a viris de Schola dicitur; qua se nimirum, suamque omnipotentiam comprehendit: simulque perpendimus, an, & quo sensu, ex Augustini mente præscire dicatur Deus, justos aliquos, si diutius viverent, esse casuros.

Illud nobis in præsentia severiori criterio examinandum, quod tanta pompa ex 2. *Quæstione libri* 1. ad *Simplicianum* explicat Theologus Molinianus. Qua in re illud primùm mirari subit, omnes illum ingenii nervos intendere, ut Augustinum gratiæ, ac vocationis congruæ partibus addicat, a quibus illum, quàm longissimè abfuisse monuit Societatis maximum sydus Franciscus Cardinalis Toletus, uti, & sese ab hocce commento professus est alienissimum. Locum integrum tametsi oblongiorem exscribere lubet, ex 54. *Annotatione in cap. 5. Lucæ*, ubi de Matthæi vocatione instituto sermone, D. Chrysostomi sententiam congruæ vocationi specie adfaventem expendit. *Huic doctrinæ adversari videtur, quod ipsemet Paulus de sua vocatione ad Galatas* 1. scripsit: Cum placuit ei, qui me segregavit ab utero matris meæ, & vocavit per gratiam suam, ut revelaret in me filium suum, ut evangelizarem illum in gentibus, continuò non acquievi carni, & sanguini. *Non dicit Paulus, quando novit me obediendum, sed quando illi placuit, qui per gratiam me vocavit. Non expectat Deus semper arbitrium nostrum; quia sua gratia ipsum excitat, ipsique dat vellet, & perficere, & qui etiam rebelles convertit, & compellit voluntates. Tunc ergo vocavit, quando illi placuit, & si ante vocasset, utique respondisset, & obtemperasset. Non ergo ratio, aut tempus vocationis hujus, & similium referri debet in hominis arbitrium, sed in Dei beneplacitum, cui sic visum est, sicque disposuit. Potest autem intelligi Chrysostomus sic; tunc vocasse discipulos, quando sciebat illos obtemperaturos, nimirum per ipsius gratiam. Sciebat enim, quando ipse operaturus erat in eis, ut obtemperarent vocanti, & tunc vocavit, nisi sic intelligas, doctrinam non probo. Nec solum doctrinæ huic Chrysostomi in hac parte non consensio, sed contrariam omnino veram existimo; nimirum tunc vocasse discipulos multos, & præsertim Matthæum, quando plures erant impèditi, magisque destinebantur, ne venirent; sic Petrum, & Andream vocavit, quando retia mittebant in mare, nec expectavit, ut jam essent missa, nec prævenit antequam mitterentur; sed dum mittebant, hoc enim majus adferebat impedimentum; sic Paulum vocavit, quando in via erat, nec prævenit pro-*
fectio.

fectionem ejus, priusquam accepisset literas a summo Sacerdote, & vocavit, dum opus fervebat, minùsque ad obsequendum paratus erat; sic nunc Mattheum vocat, non antequam sederet, sed dum ad ipsum telonium sedebat, & ipsi operi incumbebat; in hoc enim virtus vocantis magis clarescit, & magnitudo gratiæ revelatur; minùsque homo de sua virtute, meritisve potest præsumere TOTUS EST AUGUSTINUS IN HAC DOCTRINA, quam in hac parte probo.

Neque minùs admiratione dignum, quod in astruenda congrua vocatione præsidium fermè omne mutuetur ex libris ad Simplicianum, ab Augustino juvene, ante subortam Pelagianam hæresim adornatis, quibus Bellarminus Societatis lumen alterum, hoc ipso in capite auctoritatem ademit; tanquam doctrinam, libris aliis maturiori ætate contra Pelagianos, ac Massilienses exaratis, contrariam continerent. Augustinus, inquit ille lib. 2. de Gratia, & Lib. Arb. cap. 15. cum scripsit libros ad Simplicianum, adhuc juvenis erat, neque multa invenerat in hac difficillima questione, quæ postea majori diligentia investigavit, & reperit. Tum laudatis nonnullis sanctissimi Præfulis sententiis ex Epistola 194. ad Sixtum, & Epistola 186. ad Paulinum excerptis: Vides, inquit, quàm aliter sapiat Augustinus senex, quàm Augustinus juvenis? Nam senex scripsit ad Sixtum, & Paulinum, juvenis ad Simplicianum. Cui quidem purpurati Scriptoris censuræ nihil officit, quod Augustinus ipse lib. 2. Retractionum cap. 1., libro de Prædestinatione Sanctorum cap. 4., & lib. de Dono perseverantiæ cap. 21. æmulos ad libros Simpliciano inscriptos identidem mittat, sanam illic, castamque sententiam percepturos. Perspicuum quippè est, id non universim a sanctissimo Præfule factum, sed occasione duntaxat liberalis ad gratiam vocationis, ac necessariæ ad initium fidei Dei gratiæ, quam, jam tunc divina revelatione perfusus, prior ad Simplicianum libro, defenderat. Videant, inquit, utrum in libri primi posterioribus partibus, eorum duorum, quos mei Episcopatus initio, antequam Pelagiana hæresis appareret, ad Simplicianum Mediolanensem Episcopum scripsi, remanserit aliquid, quo vocetur in dubium, gratiam Dei non secundum merita nostra dari; & utrum ibi non satis egerim, etiam initium fidei esse donum Dei. Imò nonnulla se minùs limatè, minùsque circumspectè hoc ipso in libro posuisse, haud obscurè innuit, dum adjicit, se proficienter Deo miserante scripsisse, non tamen a perfectione cæpisse. Quare quod attinet subtiliores gratiæ controversias, de ipsis Augustini libris, ante Pelagianam hæresim adornatis, hoc idem citra invidiam dici potest, quod is de veterum Patrum opusculis observavit, cap. 14. libri de Prædestinatione Sanctorum: Quid igitur opus est, ut

illorum scrutemur opuscula, qui priusquam ista heresis oriretur, non habuerunt necessitatem, in hac difficili ad solvendum questione versari: quod procul dubio facerent, si respondere salibus cogerentur?

Utrumque tamen se res habeat, Augustinum ad Simplicianum scribentem, totum in ære suo temerè jactat Molinianus Disputator. Quamquam enim diminutè, minùsque limatè scripserit juvenis, haud tamen abcessit a vero: quæque de congrua vocatione insinuavit identidem, alio planè sensu accipi voluit, quàm quo nunc a Molinianis accipitur. Et quidem Augustinum, de externa duntaxat vocatione congrua disputare, quæ signis, verbis, ac miraculis fiat; non de interna, quæ secretiori divinæ gratiæ illustratione, atque excitatione præstatur, nemo negaverit. Ea quippè vocationis exempla ponit, quæ externum duntaxat excitamentum plus satis innunt. *Nathanael*, inquit *Lib. 1. ad Simplicianum q. 2. unam sententiam, quam ab illo Christo audivit, respondit: Rabbi, tu es Filius Dei..... Miraculo facto in Cana Galilææ, crediderunt in eum Discipuli ejus..... Multi nec suscitatis mortuis crediderunt. De cruce, atque morte ejus consensu etiam Discipuli titubarunt, & tamen Latro tunc credidit, cum eum non præstantiorem videret in operibus, sed consortio crucis æqualem. Unus etiam de numero Discipulorum post ejus resurrectionem, non tam viventibus membris, quàm recensibus cicatricibus credidit: Multi ex eorum numero, a quibus crucifixus est, qui videntes eum miracula facientem contemserant, Discipulis eum prædicantibus, & in nomine ejus talia facientibus crediderunt..... Eadem res sæpe alio modo dicta movet, alio modo dicta non movet. Nihil hic præter signa, miracula, verba memorat Augustinus. Si itaque vocationem hanc, ob id unum in electis congruam, aptam, idoneam, convenientem censuit Augustinus, effectumque in iis sortiri existimavit, quòd illorum genio, inclinationi, ac nativis affectibus planè respondeat; consequens est, Augustinum hæresim putidissimam docuisse: solam nimirum vocationem externam, gratia interna penitus ablegata, ad conversionem, & fidem abundè sufficere.*

Quid ergo? De convenientia, aptitudine, congruitate, quam facit gratia, non natura, intelligendus est Augustinus. Ita scilicet, ut ex tam multis eodem modo externè vocatis, vocantem nonnulli sequantur, quia in eis interna divinæ gratiæ vis pios illos cordis affectus operatur, quæ vocationi capiendæ idonei, aptique fiant. Nec alio sensu, Deum electos suos ita vocare contendit sanctissimus Doctor, quomodò scit eis congruere, ut sequantur, vocantemque non respuant, quàm quòd gratiæ suæ vim, & efficaciam probè norit, quæ fit, ut illis vocatio congruat, eidem quæ ipsi consentiant.

Hanc

Hanc ipsam esse S. Augustini mentem, eandemque gratiam congruam, qualis a Molinianis asseritur, hoc ipso, qui nobis objicitur loco confutasse liquet, egregia illa, ac præclara sententia, qua totam fermè illam quæstionem absolvit. *Quis habet in potestate tali viso attingi mentem suam, quo ejus voluntas moveatur ad fidem? Quis autem animo amplectitur aliquid, quod eum non delectat? Aut quis habet in potestate, ut vel occurrat, quod eum delectare possit, vel delectet cum occurrerit? Cum ergo nos ea delectant, quibus proficiamus ad Deum, inspiratur hoc, & præbetur gratia Dei, non nutu nostro, & industria, aut operum meritis comparatur: quia ut sit nutus voluntatis, ut sit industria studii, ut sint opera charitate ferventia, ille tribuit, ille largitur. Certè si nullus habet in potestate sua, ut eum delectet, quod menti occurrerit, dum vocatur ad fidem; non est igitur in hominis potestate, ut vocatio congrua sit; cum nisi delectet, congrua esse non possit. Si autem id in hominis potestate non est, non igitur a genio, & a nativis affectibus pendet: nihil enim tam in hominis potestate est, quàm, quod a genio, ac nativis affectibus pendere dicitur. Rursus, si divina præstatur gratia, ut vocatio ipsa delectet, divina perinde præstatur gratia, ut congrua sit; ideo quippè delectat, quia congruit. Juxta quod lib. 2. de Peccatorum meritis, & remissione cap. 17. scriptum est: ut autem innotescat, quod latebat, & suave fiat, quod non delectabat, gratia Dei est, quæ hominum adjuvat voluntates. Denique si nutum ipsam voluntatis largitur gratia, suam a nutu voluntatis efficaciam sortiri non potest, quantumcumque locorum, ac temporum adjuncta sint congrua: cum nutum non operetur, nisi ut efficax.*

Quod igitur a Molinianis systema defenditur, ab Augustini hypothese longè distat: nec ab eo nisi vocabuli similitudinem mutatur, qua paulo fidentius abutuntur, ut illudant. Vocatio quippè, de qua disserit Augustinus, in electis congrua meritò nuncupatur, quia hanc ipsis efficacissima gratiæ vis aptam, & idoneam facit; pro cupiditatis superandæ mensura charitatem impartiens, ut terrenus amor cœlesti amore pellatur: quo nihil humanæ infirmitati congruum magis. *Quid enim debet esse jucundius, vel infirmis gratia, qua sanantur, vel pigris gratia, qua excitantur, vel volentibus gratia, qua juvantur?* Epist. 106. At vocationem congruam nuncupant Moliniani, qua nulla magis incongrua, & dignitati gratiæ, & infirmitati naturæ.

Eundem fermè sensum habet, quod ex cap. 14. libri de Dono perseverantiæ petitum est: ac nisi benigniori interpretamento emolliatur, purum putumque Pelagianismum sonabit: cum non nisi naturale intelligentiæ munus, & congrua signa, vel verba desiderare

re videatur sanctissimus Doctor, ut quis moveatur ad fidem? De externa itaque suadendi, movendique vi, quæ verbis, ac miraculis inest, loquitur Augustinus; qua homines ingenio valentiores, *objectivè* duntaxat, ut Schola loquitur, excitantur; ita tamen, ut iners externa illa vocatio maneat, nisi oculo efficacis gratiæ dono trahantur ad fidem. Unde subjungit e vestigio: *Et tamen si Dei altiori judicio a perditionis massa non sunt gratiæ prædestinatione discreti, nec ipsa eis adhibentur, vel dicta divina, vel facta, per quæ possent credere, si audirent usque salia, vel viderent.*

XXXIV.

LIBELLI SUMMA.

(*A pag. 161. ad 170.*) Difficilem gratiæ se ipsa efficacis cum humana libertate concordiam probat, raucida illa, tritaque argutia, quam vertit in omne latus: *Gratia se ipsa efficax, ut à suis Defensoribus ponitur, ipsa sui natura intimum cum voluntatis assensu nexum habet: igitur tam impossibile est non sequi voluntatis assensum, quam res sua ipsarum natura, ac proprietatibus exui; huic itaque gratiæ resisti non potest.* Addit, Thomistas, ut eo se laqueo liberent, & Tridentinæ Synodi Canonem quartum sessionis sextæ elidant, distinctionem *sensus compositi, & divisi*, ab annis centum excogitasse: quam etsi intelligentiâ se non assequi fateatur, oppugnare tamen instituit.

ANIMADVERSIO.

De his cumulatè dictum *Animadversione 14.* ubi congenitam virtutis alicujus efficaciam, ejusque cum effectu infallibilem ex ipsa sui natura connexionem, unâ cum motæ voluntatis indifferentiâ, ejusque in partem alteram potestate coherere, disertissimis exemplis demonstravimus. Jam si quid valent Danielis argumenta, ut gratiæ se ipsa efficacis energia resistendi potentiam submoveri, itaque ita libertatem extingui probet; pari omnino argumentandi forma concludet, Christum Dominum (hæc enim exempla posuimus *Animadversione 14.*) Scriptores Canonicos, Prædestinatos ad regnum, ipsos gratia congrua vocatos, & excitatos, resistendi potentia, ac libertate decollari.

In congerendis Scholæ Thomisticæ distinctionibus non hærebo, quæis futilem illam, ac tritam Danielis argutiam elevant, dum gratiæ se ipsa efficaci negari consensum, eidemque resisti posse respon-

spondent, *potentia antecedenti, non consequenti; potentia possibilitatis, non futuritionis; capacitatis, non positionis; in actu primo, non actu secundo; similitate potentiae, non potentia simultaneis*. Quarum omnium distinctionum explanationes ed. recidunt, ut expeditam non agendi facultatem, gratiaeque obfistendi, negandique consensus potentiam retineat homo, quantumcumque efficaci gratia moveatur; etsi nunquam re ipsa contingat, ut obfistat, negetque consensum.

Unam, tot inter distinctiones, sollicitum habet, quae ab importuno Cavillatore sugillatur: quae nimirum gratiae se ipsa efficaci resisti posse contendunt, *in sensu diviso, non in sensu composito*: cujus quidem eadem fermè, quae cæterarum explicatio est. Id quippe sibi volunt unum, resistendi potentiam cum gratia se ipsa efficaci cohzere, sic tamen, ut dissensus cum efficaci gratia componi re ipsa non possit: uti planè, qui sedet, standi potentiam tenet quidem, tamen sedere, ac stare conjunctim, impossibile sit.

Mixtus se in veterum Theologorum lectione versatum prodit, qui distinctionem hanc, a Thomistis recentioribus, ut Tridentinae Synodi decretum eliderent, excogitatum effudit: ac veluti Thebanæ Sphinxis ænigma ab eruditorum intelligentia, sensuque distinctum, ludis, ac facetiis excipit. Comprimentæ dicacitati, Scholæ Principes laudare sat erit, ætate primos, eruditione summos, autoritate præcipuos; qui hanc ipsam *sensus compositi, ac divisi* distinctionem, jam tum ab annis ante Tridentinam Synodum amplius quadringentis usurparunt, pari omnino verborum forma, eodemque planè sensu, quo in præsentia a Thomistis accipitur: ut videlicet divinæ præscientiæ indeficientiam, decretorumque, atque auxiliorum efficaciam, cum humana libertate conciliarent.

Hugo a S. Victore, qui duodecimo ineunte sæculo Scholas, & Ecclesiam illustravit, *Quæst. 218. in Epistolam ad Romanos*, proposita quæstione, An præscientia necessitatem eveniendi inferat rebus futuris, hanc sibi objectionem obviam facit: *Si Deus præscribit aliquid futurum, illud non potest non evenire, & si hoc est, necessarium eveniet, quicquid Deus præscribit*: Cui e vestigio respondet: *Solutio communis hæc est. Hæc, & similia possunt PER CONJUNCTIONEM, ET DISJUNCTIONEM EXPONI. SENSUS CONJUNCTIONIS HIC EST: Si Deus prævidet, necesse est evenire; id est, non potest simul esse utrumque, ut Deus prævideat, & non eveniat. Et sic est verum. DISJUNCTIONIS SENSUS HIC EST, hoc futurum non potest aliter evenire, quàm eo modo, quo evenit, & quàm sit prævisum. Et hoc est falsum*. Quid aliud Thomistæ recentiores in ore habent, dum gratiæ se ipsa efficaci resisti posse affirmant in sensu diviso, composito negant?

Magister Sententiarum Hugoni ætate haud multum inferior, lib. 1. dist. 38. objectæ sibi difficultati, num res evenire aliter possit, quam a Deo præcisa fuerit, ita respondet: *Possunt hæc CONJUNCTIM INTELLIGI, ut conditio sit implicita, & DISJUNCTIM. Si enim ita intelligas, non potest aliter fieri, quam Deus præciserit; id est, non potest utrumque simul esse, scilicet, quod Deus ita præciserit fieri, & aliter fiat; verum intelligis. Si autem per disjunctionem intelligas, ut dicas, hoc aliter non posse evenire, quam evenit, & quomodo futurum Deus præciserit, falsum est. Hoc enim aliter potest evenire, quam evenit, & tamen Deus hoc modo futurum præciserit. Similiter, & alia determinatio, scilicet impossibile est, illud non evenire, quod Deus præciserit, vel cum Deus præciserit. Si conjunctim intelligas, verum dicis; si disjunctim, falsum.*

Et distinctione 40. exponens, quo sensu propositiones illæ veræ, aut falsæ sint: *Prædestinatus potest, vel non potest damnari, & reprobus potest salvari; hac ipsa utitur distinctione: Alia fit, inquit, intelligentia, si per CONJUNCTIONEM hæc accipiantur dicta, atque si per DISJUNCTIONEM Si enim cum dicis, prædestinatus non potest damnari, & intelligas ita, id est, non potest esse, ut prædestinatus sit, & damnetur, verum dicis, quia conjunctim intelligis; falsum autem, si disjunctim: ut si intelligas istum non posse damnari, quem dico prædestinatum, potuit enim non esse prædestinatus, & ita damnetur. An non porro synonyma ista sunt: sensus compositus, & divisus; & sensus conjunctus, & disjunctus?*

S. Thomas, quæst. 6. de Veritate art. 4. ad 8. Hæc propositio, *Deus potest non prædestinatum prædestinare, vel prædestinatum non prædestinare, IN SENSU COMPOSITO EST FALSA, IN DIVISO VERA. Et ideo omnes locutiones illæ, quæ sensum compositum implicantes, sunt falsæ simpliciter.*

Prima parte quæst. 14. art. 13. ad 3. Hæc propositio, *omne scitum a Deo necessarium est esse; consuevit distingui, quia potest esse de re, vel de dicto. Si intelligatur de re, est divisa, & falsa, & est sensus, omnis res, quam Deus scit, est necessaria. Vel potest intelligi de dicto; & sic est composita, & vera, & est sensus, hoc dictum, scitum a Deo esse est necessarium. Quibus gemina sunt, quæ habet lib. 1. contra Gentes cap. 67.*

Nec distinctionem tantum, sed, & rectum distinctionis sensum aperuit Doctor Angelicus, quæst. 23. de Veritate, art. 5. ad 3. ne perperam, ut ab æmulis sæpe fit, accipiat. *Quamvis non esse effectus divinæ voluntatis, non possit simul stare cum divina voluntate, tamen potentia deficiendi effectum simul stat cum divina volun-*

luntate, non enim sunt ista impossibilia, Deus vult istum salvari, & iste potest damnari: sed ista sunt impossibilia, Deus vult istum salvari, & iste damnatur. Et in 1. ad Annibaldum dist. 47. quæst. unica, art. 4. ad 2. Quamvis contrarium ejus, quod est volitum a Deo non possit stare cum voluntate divina, possibilitas tamen ad contrarium potest stare cum ea, propter contingentiam causæ mediæ, & hoc sufficit ad hoc, quod effectus sit contingens, & non necessarius. Quibus non absimilia leguntur, qu. 6. de Veritate art. 3. ad 7.

Ægidius Romanus D. Thomæ Aquinatis auditor, in 1. Sent. dist. 38. quæst. unica de infallibilitate scientiæ Dei, in responsione ad 4. argumentum. Omne scitum a Deo, inquit, esse necessarium, si propositio intelligatur COMPOSITE, vera est necessitate conditionata: sed si intelligatur DIVISIM, non est vera; eo quod res contingens secundum suam considerata naturam, vel pro ut in suis causis, non relata ad cognitionem, potest evenire, & non evenire.

(Pag. 169.) En tibi planè recens illud, ut loquitur Daniel, Prædeterminantium effugium, ad eludendum Tridentinæ Synodi Canonem excogitatum, vanam illam subtilitatem, facilemque cavillationem: en, inquam, ante annos fermè sexcentos, a summis Scholæ Magistris in usum adhibitam; ac ipso etiam sensu, quod mirandum magis, quo nunc a Thomistis accipitur, & ad finitimas difficultates eliquandas.

At inquit Daniel, cujus palato distinctio ista non sapit, stantis, atque sedentis hominis exemplo paulò ante laudato, firmata: Quod gratia se ipsa efficax cum dissensu stare non possit, ab ipsa efficacis gratiæ natura venit, non ab arbitrio voluntatis: igitur resistendi potentiam adimit gratia, nedum actum. E contrà verò, impotentia standi dum sedeo, libera mihi est; quia liberam originem habet, liberam scilicet sessionem: liberè quippè sedi, ac liberè sedeo; quo ex uno fit, ut stare non possim.

Egregium Disputatorem, cui sacer Theologorum Chorus venerabundus assurgat! Quidni, si sic est, laudatos Scholæ Principes hacce argutia infestatur: Quod æternæ prædestinationis decretum, cum electi hominis damnatione stare non possit, ex ipsa decreti divini natura venit, ejus videlicet lumine falli nescio, atque immoto proposito, non ex arbitrio voluntatis humanæ: igitur incurrendæ damnationis potentiam adimit prædestinatio, nedum actum? Quidni etiam Concellitas suos istà similis formæ argumentatione compellit? Quod gratia congrua cum dissensu, seu renisu voluntatis stare non possit, sin minus ex ipsa per sese gratiæ natura venit, saltem ex ipsa congruitate originem ducit, non ex arbitrio voluntatis:

Ffff ij quod

quodd enim gratia congrua fit, inquit illi, quodd opportunis occasionibus detur, quodd genio, ac temperamento respondeat, quodd placeat, ac delectet, a voluntate non est; juxta illud Augustini lib. 1. ad Simplicianum, quæst. 2. *Quis habet in potestate, ut vel occurrat, quod eum delectare possit; vel delectet, cum occurrerit?* Igitur resistendi potentiam adimit gratia congrua, nedum actum. Viden', ut se suis rebus implicat Molinianus Disputator?

Quare objecti sophismatis consecutio neganda est. Quia tamen si diffensionis, & efficacis gratiæ conjunctio repugnet, ob ipsam efficacis gratiæ naturam cum effectu indivulsè conjunctam; ea nihilominus efficacis gratiæ natura est, ut voluntatem, relicta obstandi potestate, indeclinabiliter, & insuperabiliter moveat: pari que virtute delectabilem perpetuitatem, & insuperabilem fortitudinem largiatur: Lib. de Correp., & Gratia cap. 8., & 12., Unde tam liberè amat homo sub efficaci gratiâ constitutus, quàm liberè sedet quicumque sedet: non quodd amandi sibi causâ sit, ut sedendi; sed quia qui sacri amoris author est Deus, liberum amandi modum inspirat; nec mihi magis liberum accidit, quod a me ipso venit, quàm quod ab illo mihi datum est, qui magis habet in potestate voluntates hominum quàm ipsi suas. Cap. 14.

Quominus id intelligentia assequantur Moliniani, in causâ est, quodd falsò sibi periuadeant, omnem suppositionem antecedentem, unde effectus indeclinabiliter sequitur, libertatem extinguere. Nec satis advertunt, suppositionem antecedentem ex ipso libertatis fonte inanantem, & ex infinita primæ causæ, ceteras omnes juxta cujusque naturam, ac modum præmoventis virtute prodeuntem, libertatem non offendere, sed profundere, uti suprâ Animadversione 30. planum fecimus. Hinc Scholæ Angelus, 1. part. quæst. 19. art. 8. *Cum voluntas divina sit efficacissima, non solum sequitur quodd fiant ea, quæ Deus vult fieri, sed quodd eo modo fiant, quo Deus ea fieri vult.* Et in Responsione ad 2. *Ex hoc ipso, quodd nihil voluntati divinæ resistit, sequitur, quodd non solum fiant ea, quæ Deus vult fieri, sed quodd fiant contingenter, vel necessarîo, quæ sic fieri vult.*

XXXV.

LIBELLI SUMMA.

(A pagina 170. ad 173.) Ad gratiam sufficientem divertit Author, unde istud adversus gratiam se ipsa victricem argumentum elicit a Lectoribus, ut enixè rogat, seriò perpendendum. Quemadmodum, inquit, gratia efficax a se ipsa, cum voluntatis alien-

su ex

fu ex natura sua conjuncta est, ita gratia inefficax cum dissensu indivulsè conjungitur: igitur si gratiæ efficaci dissentiri non potest, inefficaci assentiri non poterit. Igitur, qui hac una inefficaci gratia excitantur, implendorum mandatorum impotentia laborant, peccant invidiâ necessitate, ac demum libertate ad merendum, & demerendum in statu naturæ lapsæ requisita destituuntur.

ANIMADVERSIO.

Est hoc jam dudum rubigine telum exesum, in Daniele, cæterosque gratiæ congruæ Defensores nullo negotio retorquendum. Gratia enim inefficax, seu, ut Molinianorum ore loquar, merè sufficiens, sub iis circumstantiis homini data, sub quibus Scientiæ Mediæ lumine prævisus est dissensus, cum dissensu indivulsè conjungitur, sin minus ex ipsa sufficientis gratiæ natura, saltem ex circumstantiarum importunitate, Scientiæ Mediæ lumine falli nescio in antecellum explorata: igitur sicut gratiæ, spectata circumstantiarum opportunitate prævisa, in actu secundo dissentiri homo non potest; ita inefficaci, merèque sufficienti, spectata ex adverso circumstantiarum importunitate, assentiri non poterit: atque hinc cætera ab Daniele contra nos deducta incommoda consequentur.

Merum igitur sophisma est Danielis argumentum, tametsi semotis strophis, atque ambagibus, de consequenti duntaxat assentiendi, ac dissentiendi potestate sermonem faciat. Aliter enim gratia per se efficax cum voluntatis assensu ex natura sua conjungitur, quàm inefficax gratia cum dissensu ex natura sua conjuncta sit. Ea quippè cum voluntatis assensu ex natura sua conjungitur, quia voluntatis assensum indeclinabiliter, & insuperabiliter operatur: ista cum dissensu indivulsè conjuncta est, non quòd illum ullo pacto operetur, & faciat, (quis enim ita desipiat, ut gratiam sibi fingat, quæ ad dissentiendum ipsimet gratiæ voluntatem inducat?) sed quòd virtute tanta, & energia non polleat, ut voluntatis assensum eliciat. Quapropter quòd efficaci gratiæ voluntas in actu secundo, ut Schola loquitur, & in sensu composito dissentiri non possit, ex gratiæ natura venit, tanquam germana, veraque causa, assensum efficaciter operante. At quòd inefficaci gratiæ voluntas eadem in actu secundo assentiri non possit, non a gratia oritur uti causa, sed a vitio, & infirmitate naturæ, quæ nudis illis excitationibus illecta, satis non habet virium, ut integrum illis præstet assensum.

Si qua itaque implendi præcepti impotentia laborat, quominus illud implere completè possit, impleatque re ipsa, quandiù solis inefficacibus gratiis excitatur, hæc vitio hominis nascitur, aliterque;

que; adedque culpa non vacat. (*Vide animadv. 6.*) Nascitur, inquam, hominis vitio, quia corruptæ naturæ vitio fit, ut satis ad assentiendum integrè, virium non habeat, donec potentioribus prædiis adjuvetur: alitur, & vitio, quia non nisi culpæ hominis deputatur, quoddam sufficientibus auxiliis excitato, efficacia auxilia denegentur, quæ assensum indubitanter elicerent. Quod qua ratione, quove pacto contingat, exponit Doctor Angelicus Q. Q. de Malo docens: Ex indispositione hominis provenire, ut motio primi moventis perfecta non sit, aut ita perfectam operationem producat: quæ indispositio, vel est præcedens peccatum, vel est error, aut ignorantia, vel saltem inadvertentia; propter quorum aliquod motio Dei moventis sufficienter ad bonum, non fit ita efficax, ut perfectam in homine operationem producat. Quæ omnia relata ex culpa hominis sunt. 3. vero contra Gentes cap. 159. Hæc habet: *Licet aliquis per motum liberi arbitrii, divinam gratiam, nec promereri, nec acquirere possit; potest tamen se ipsum impedire, ne eam recipiat.* Unde D. Augustinus lib. 1. Retractionum cap. 15. *Qui cogenti cupiditati bona voluntate resistere non potest, & ided facit contra præcepta iustitiæ, jam hoc ita peccatum est, ut sit etiam pena peccati.*

Si qua etiam homini, efficaci gratia destituto peccandi necessitas inest, hæc non invicta putanda est, sed vincenda; non physica, sed moralis; non antecedens, sed consequens; non imposita, sed quæsitæ vitio voluntatis humanæ; neminemque idcirco a peccato liberum facit. Quia, ut mirè loquitur Augustinus lib. de Perfectione iustitiæ cap. 6. *sola hominis voluntate factum est, ut ad istam necessitatem venires, quam sola hominis voluntas superare non potest.*

XXXVI.

LIBELLI SUMMA.

(*A pag. 174. ad 180.*) Decretorium argumentum ex Apostoli oraculo petitur 1. ad Corinths. 4. *Quid habes, quod non accepisti? si autem accepisti, quid gloriaris, quasi non acceperis?* quo gratiæ congruæ systema petitur, duplici responso declinare nititur. Ne enim concedere compellatur, habere hominem a se ipso voluntatis assensum, ac nutum, deque illo gloriari præ alio posse: Reponit I. Hominem, in hypothesi gratiæ congruæ, prævenienti inspirationi non assentiri sine gratiæ cooperantis, & adjuvantis auxilio. II. Hominem in semetipso gloriari non posse; quia divinæ misericordiæ fuit, quoddam ipsi iis in circumstantiis gratia conferretur, in quibus præ-

vulus

vilis est consensus : nec posse inflari præ alio, cum & alius divinæ inspirationi pariter consensisset, si hanc illi Deus menti, ac genio congruentem opportuna occasione largitus esset.

ANIMADVERSI O.

Quin iis responsis imprudentum ora subliniat, nullus dubito : at num ea perinde probaturi sint, quibus Moliniani systematis arcana rimari datum est, haud satis scio. Non assentiri hominem, inquit ille, prævenienti inspirationi sine gratiæ adjuvantis auxilio : bene est ; at ipsos etiam Massilienses, discretionem unius ab alio, a libero arbitrio petiisse, *sub ipso* tamen *gratiæ adiutorio*, testis est D. Prosper, data ad Augustinum *Epistola*. Id igitur erat a Moliniano Theologo declarandum, an prævenienti inspirationi assentiat vi, & efficacia gratiæ adjuvantis ; alioquin in liberum refundetur arbitrium. Et certè qua forte, si iactis principiis stare velit, vi, & efficacia adjuvantis gratiæ, assensum elici dicet ; cum ipsam gratiæ efficaciam, a voluntatis sub congruis circumstantiis constitutæ consensu, pendere contendat ? Maxime verò cum, ipso Suareño iudice, *lib. 3. Opusculorum cap. 5. n. 4.* Illa etiam gratiæ adjuvantis, & cooperantis *voce indicatur quadam simultanea conjunctio voluntatis, & gratiæ adjuvantis ad eundem actum, vel actionem, ad quam mutuo cooperari dicuntur ; ita ut sub ea ratione neutra alteram antecedit, VEL IMPELLAT ; sed solum simul operentur.*

Ad hæc, gratia cooperans seu adjuvans ex Molinianæ Scholæ decreto, se ipsa indifferens est, atque versatilis. Qua porro ratione fieri potest, ut ab indifferenti principio, voluntatis humanæ determinatio, quæ nutu, & assensione posita est, originem ducat ? Et quidem, si Molinianis fidem adjungimus, quibus divina decreta se ipsis indifferencia, (*Lege Animadv. 26.*) & ex liberi arbitrii consensione suspensa fingere lubet, gratia cooperans determinare non influit, nisi posita liberi arbitrii determinatione, qua indifferens Dei decretum determinari necesse est. Discretionem igitur consentientis a dissentiente non facit gratia cooperans, sed supponit ; quandoquidem is ab isto, non nisi liberi arbitrii determinatione seceratur. Sanè cum influxus gratiæ cooperantis, ex ejusdem Scholæ decreto, pendeat ab influxu liberi arbitrii, ut re ipsa sit ; adeò ut si liberum arbitrium velit, gratia concomitans influxum habeat ; si nolit, non habeat : profectò gratia concomitans non dat bonum usum libero arbitrio, sed vice versa liberum arbitrium dat usum, & exercitium gratiæ cooperanti : atque ita prima discretionis origo a libero arbitrio repetenda venit.

(*Vide Animadv. 21*) Insuper Theologiæ Molinianæ principium est,

est, gratiam adjuvantem, & cooperantem solo nomine a præveniente distingui, nil novi, quod a Deo veniat, superaddere, sed ob unam, quæ supervenit liberi arbitrii consensionem eo titulo cohonestari. Quid aliud igitur sibi volunt, dum hominem prævenienti inspirationi, gratiæ adjuvantis, & cooperantis auxilio, assentiri respondent; nisi posita præveniente gratia, utrique ex æquo communi, alterum nativis viribus assentiri, quin novi quidpiam a Deo, quod assensum operetur, acceperit? hoc scilicet est, quod misso verborum fūco, rotundo ore significat Ludovicus Molina 1. par. quæst. 23. art. 4., & 5. disp. 1. mem. 11. §. Deinde. *Sint duo homines iusti, animo, & corpore, caterisque adjunctis per omnia pares, ponamusque Deum constituisse, eodem prorsus modo utrique ex parte sua opitulari, ac providere. Tunc oblata utrique eadem peccandi occasione ex aspectu ejusdem mulieris pulchræ, pro sola innata libertate utriusque fieri potest, ut unus in peccatum consentiat, alter minimè, sed se ipsum cobibeat. Ac ne nobis gratiam suam adjuvantem obrudat Daniel, uni præ altero datam, cujus ope consensum præstet homo, seque discernat, circulationes illas occupat Molina quæst. 14. ar. 13. disp. 37. §. Illud, *Ab inæquali conatu, & influxu liberi arbitrii provenire potest, ut conferente Deo duobus hominibus ÆQUALE AUXILIUM GRATIÆ ADJUVANTIS, unus eorum intensius operetur, meliusque se disponat ad gratiam iustificantem, quam alius: & ut conferente eisdem inæqualia auxilia, æquè operentur, aut is interdum plus, qui minori sufful- tus est auxilio.**

Dicat modò, si potis est, causæ deperditæ Procurator, discretionem unius ab alio, divinæ gratiæ beneficio fieri, juxta domesticæ Scholæ principia: stabit inconcussa Augustini sententia libro de Prædestinatione Sanctorum cap. 5. *Gratia, quæ bonos discernit a malis, non est communis bonis, & malis.*

Difficultatem ex celebri illo Apostoli dicto petitam nihilo melius expendit secunda responsio 1. Quia Augustinus lib. 12. de Civitate Dei cap. 6. facta duorum hominum hypothese, quos eadem tentatio pulsar, unum ab altero reportatâ victoriâ discretum contendit, tametsi affectibus corporis, & animi pares essent: at potissimæ circumstantiæ a quibus gratiæ congruitas pendere dicitur, eæ profectò sunt, quæ in variis corporis, & animi affectionibus positi sunt: eæ si quidem internæ censentur, intimiùsque cum ex- tendo voluntatis assensu conveniunt, quàm cæteræ quæcumque externæ ex temporis, & loci natura petitiæ. Unius igitur ab altero discretionem a circumstantiis, in quibus confertur gratia, non repetit Augustinus. *Si enim duo aliqui, inquit, æqualiter affecti animo, & corpore videant, unius corporis pulchritudinem, qua visa*
unus

unus eorum ad illicitè perfruendum moveatur, alter in voluntate pudica stabilis perseveret, quid putamus esse causæ, ut in illo fiat, in illo non fiat voluntas mala? Quæ illam res fecit, in quo facta est? Neque enim pulchritudo illa corporis; nam eam non fecit in ambobus: quandoquidem amborum non dispariliter occurrit aspectibus. An caro inuentis in causâ est? cur non & illius? An verò unius? cur non utriusque? Ambos enim, & animo, & corpore equaliter affectos fuisse prædiximus. An dicendum est, alterum eorum occulta maligni spiritus suggestionē tentatum, quasi non eidem suggestioni, & qualicumque suasioni propria voluntate consenserit? &c. Tum paucis interiectis propositæ difficultati respondet; Si eadem sentatione ambo tententur, & unus ei cedat, atque consentiat, alter idem, qui fuerat, perseveret; quid aliud apparet, nisi unum voluisse, alterum noluisse a castitate deficere? Deo scilicet id per gratiam operante, ut nollet malum, & in castitatis bono perseveraret; juxta inconcussum illud Augustini principium: Cerrum est nos velle cum volumus, sed ille facit, ut velimus bonum, de quo dictum est: Præparatur voluntas à Domino... Cerrum est nos facere cum facimus; sed ille facit, ut faciamus, præbendo vires efficacissimas voluntati. Libro de Gratia & Libero Arbitrio cap. 16.

II. Tametsi divinæ misericordiæ dicatur esse, quod cuipiam iis in circumstantiis gratia conferatur, in quibus prævisus est consensus; unius tamen ab altero discretio meritoria, ab illo venire censenda est, unde consensus ipse prævisus est oriturus. Tota enim merentis a non merente discretio in assensu posita est; nec eo præcisè titulo meretur homo, quòd gratiam recipiat, sed quod receptæ gratiæ fideli consensione respondeat. (Vide Animadv. 21.) Porro Deus lumine Scientiæ Mediæ, assensum gratiæ præstitum, ab innata libertate futurum dicitur prævidisse. Discretio itaque meritoria ab innata libertate proficisci censenda est, in hypothefi congruæ vocationis.

III. Quantumcunque gratia congrua supponatur, opportunis occasionibus detur, genioque naturali respondeat; naturâ tamen sua indifferens, atque versatilis dicitur esse, donec eam voluntatis assensus ad certum effectum determinarit, ac fixerit; quo certè voluntatis actu meritum stat. Non itaque a gratiæ congruitate succrescet merentis a non merente discretio, sed ab ipso voluntatis assensu, indifferentem gratiam firmante, ac definiente.

IV. Idèò oblatæ gratiæ consentit homo, seque ab altero non consentiente discernit, quia hæc ipsi apprimè congruit: rursus ideo maximè congruit, quia complexionis, affectui voluntatis, genioque naturali respondet: erit itaque prima consensionis, ac discre-

Præf. P. Serry Tom. II.

G g g

tio-

tionis ratio à genio naturali, complexione, ac voluntatis affectibus repetenda.

Erit fortè, qui dicat, non a genio naturali per se se, sed a proportionè, concentuque gratiæ cum genio repeti oportere. At perperam prorsus, & incalum. Aut enim ea genii cum gratiæ proportio, atque conjunctio, talis, tantaque est, ut certum cum voluntatis assensu nexum habeat, aut non. Si non; fieri ergo quandoque poterit, ut ex duobus æqualis omnino genii affectus, & complexionis, quibus ejusdem proportionis, atque concentus gratiæ præstò erit, unus præstet assensum, neget alter: quo casu unius ab altero discretio, nec a gratiæ, nec ab ejus cum genio proportionè repetetur. Quod enim utrique commune est, unum ab altero non discernit. Si talis e contrario, tantaque proportio illa est, ut certissimam cum voluntatis assensu habeat conjunctionem; in idem læsæ libertatis incommodum recidunt Moliniani, quod in gratiæ se ipsa victricis Defensores perpetuò regerunt, dum ex positione antecedenti, unde effectus certissimè consequatur, libertatem violari conqueruntur. Ea quippè proportio assensum penitus antecedit.

Neque juvat, si ad Scientiæ Mediæ lumen confugeris. Non enim gratiæ congruitas, seu ejusdem cum voluntatis assensu intima, certa que conjunctio ab ipsa Scientia Media originem ducit: sed contrà potius ipsa Scientiæ Mediæ certitudo, atque infallibilitas, ex hujusce conjunctionis, ac proportionis certitudine pendet. Idcirco enim Deum cetò scire contendunt recentiores, hominem in hujusmodi circumstantiis divinæ gratiæ consensurum, quia is ex innata libertate infallibiliter consensurus est; nec suum scientia illa facit objectum, sed contemplatur.

V. Nemo in ordine supernaturali discerni ab alio potest, nisi per id, quod ad ordinem supernaturalem attineat: si enim naturam discretio superat, ab eo profectò debet esse, quod naturam excedat. Circumstantias autem omnes, a quibus congruitas gratiæ pendere dicitur, complexionem, genium, temperamentum, locum, tempus, cætera que adjuncta ad naturæ ordinem attinere, nemo non videt: quò igitur fieri poterit, ut ab iis discretio unius ab alio, de qua loquitur Apostolus, repetatur?

VI. Natura obedientiæ duntaxat potestatem habere dicitur, ad ea, quæ intra gratiæ ordinem continentur. Sic fidei, spei, & charitatis actus, pro gratiæ duntaxat mensura pensantur, a qua una majorem, minoremve perfectionem sortiuntur; nihil ad id conferentibus naturæ dotibus. Hinc a Doctore Angelico, 1. part. quæst. 12. art. 6. divinum lumen beatis mentibus infusum, una, ac sola visionis beatæ mensura ponitur, nativâ intellectus perspicaciâ nihil ad

ad augendam, minuendamve visionis perfectionem conferente : ita nimirum, ut e duobus æquali lumine gloriæ perfusus, nihilo melius Deum videat, cui nativum acumen ingenii majus est. Ut quid itaque naturæ genium, complexionem, temperamentum, cæteraque adjuncta locorum, & temporum obtrudere liceat, quæ gratiam nobis efficacem, & congruam faciant; ut æqua in duobus gratiæ mensura, pro vario cujusque temperamento, effectum sortiatur, aut cedat irrita?

XXXVII.

LIBELLI SUMMA.

(*A pag. 181. ad 190.*) Istum alterum molitur avertere, quo gratiæ congruæ Defensoribus constatur invidia; quasi gratiam libero arbitrio subditam ponant, eandemque voluntatis motum sequi velint. Id a vero perinde abesse contendit, seu de præveniente, seu de cooperante gratiæ objiciatur. De præveniente quidem id falsum esse ait, quia hanc ex Molinianæ Scholæ sententia, nutu duntaxat suo, ac liberali voluntate largitur Deus, nullo liberi arbitrii conatu, nullo voluntatis actu, quo hujus recipiendæ dignus evaserit, provocatus. De cooperante idipsum nihilo verius esse contendit. Quia Deus cooperantis gratiæ beneficio assensum unâ cum voluntate operatur in nobis, quin illum ad eam nobis largiendam, inducamus. Idcirco mittendam, inquit, invidiosam illam loquendi formulam Semipelagianis familiarem, sed a suorum ore, ac mente remotissimam, qua gratiæ *arbitrio subdita* dicitur: nec exprobrandum gratiæ viâtricis oppugnantibus, quod gratiam voluntati subjiciant; sed quod voluntatem divinæ gratiæ liberè assentiri dicant, eidemque sic obsequi velint, ut ejus tamen inspirationem abjicere possit. Quæ illi probra patienter, ac etiam cum gaudio ferunt, in Augustinum perinde, & Tridentinam Synodum recidentia.

ANIMADVERSIO.

Danielem verba dare, cum hanc nobis suorum professionem ostentat, ne gratiam arbitrio subdere videantur, Animadversione 21. cumulatissimè demonstravimus. Unum dictis adjiciam, ut cuique perspicuum fiat, gratiam arbitrio subditam, ex Molinianæ doctrinæ principiis nedum fluere, sed hanc ipsam loquendi formulam, aliasque multò crudiores ab ejusdem Professoribus usurpari.

Gggg ij

Sua-

Suarez in *Opusculis* lib. 3. cap. 12. n. 7. Gratiam prædeterminantem cum libertate conciliari non posse, hac observatione probare nititur: Hoc diceretur quidem rectè, si illud auxilium possum in voluntate, subderetur usui libero ejus, non autem sic ponitur, sed potius subdens voluntatem usui necessario ejus. Gratiam igitur efficacem libero arbitrio subditam dici amat, qui eo maximè nomine physicam prædeterminationem exsufflat, quod hæc libero non subdatur arbitrio.

Lessius *Tractatu apologetico de Gratia* cap. 4. n. 16. Fatendum est, Deum certissimè præscire, ad quam actionem voluntas creata se sit determinatura, & quem concursum habitura ex hypothesis illis generali, SI CONCURSUM MEUM IN EJUS POTESTATE POSUERO. Et cap. 18. n. 1. Ut auxilium dicatur habere efficaciam in actu secundo, expectat consensum voluntatis, CUJUS USUI SUBEST, ita ut hæc efficacia ab usu voluntatis quodammodo pendeat.

At fossam fidentiùs transfiliunt recentiores. Unus instar omnium sit Christophorus de Orthege, qui fusiori non ita pridem hoc de argumento calamo scripsit. *Controversia* 3. de Decreto, disp. 2. quæst. 4. Certamine 3. ita Deum decernentem inducit: Decerno concurrere ad actionem etiam pravam, vel ejus oppositam, vel non concurrere ad illam pro libito voluntatis creatæ: id est, meam illi omnipotentiam ad concurrendum, vel non concurrendum extrinsecus præparo, SUBDOQUE, ut ea utatur creatæ voluntas, non secus atque habitibus infusis, quos ad actus supernaturales ipsi inhaerentes immisso. Tum Certamine 4. n. 6. Deus decreto suo activitatem omnipotentie suæ applicat, AC SUBDIT ARBITRIO VOLUNTATIS CREATÆ Et cum ea sibi applicata, ATQUE ARBITRIO SUO SUBDITA, activitate omnipotentie utitur. Subinde num. 7. Deus suæ omnipotentie activitatem, & virtutem activam creatæ voluntatis arbitrio, AC LIBERÆ DETERMINATIONI SUBDIT. Tandem disp. 3. quæst. 2. Certam. 1. n. 5. Certam. 2. n. 1., & Certam. 4. n. 4. ita prolixam disputationem absolvit: Deus voluntatis suæ, seu quod idem est, omnipotentie suæ activam ad extrinsecam virtutem, quoad usum applicat creatæ voluntati, ut ea sicut habitu sibi infuso utatur, ut diximus: nec concursum suum aliter voluntate suâ prosequi, ac præparare debet, aut potest. Quas assertiones publico Decreto a nobis aliàs in integrum dato, proscriptis Innocentius XI. die 23. Novembris anni 1679. (*Augustinus vindic. pag. 364.*)

Cæterum, quòd voluntatem divinæ gratiæ liberè assentiri doceant Moliniani, sartumque testumque velint Tridentinæ Synodi Canonem, quo liberum arbitrium motum, & excitatum a Deo diiten-

diffentire posse si velit, definitum est; tantum abest, ut id eis vitio dent Scholæ Thomisticæ Professores, ut potius ab ipsis violatum Canonem conquerantur, dum liberum arbitrium gratiâ se ipsa victrici lædi contendunt. Nec injuriâ. Dum enim Calviniaffertionem proscripsit Synodus Tridentina, (*liberum arbitrium motum, & excitatum a Deo non potest diffentire si velit* :) eam utique proscripsisse censenda est, quo sensu a Calvino propugnabatur; aliâs Calvinum minimè peteret, in cujus tamen damnationem conspiravit. At hæc de gratia se ipsa efficaci a Calvino proferebatur, cui uni liberum arbitrium diffentiri non posse contendebat *lib. 2. Institutionum cap. 3.* nec adeo profectò stipes erat, ut hominem nudis, ac meris excitationibus obistere non posse, propugnaret. Itaque in Tridentinæ Synodi Canonem impingunt, qui gratia se ipsa efficaci libertatem ita lædi fabulantur, ut liberum arbitrium eâ motum, & excitatum diffentire non possit.

Et verò dum assentiendi necessitatem ex gratiæ se ipsa efficacis positione colligebat novæ reformationis Architectus, aut consequentiam ex antecedenti rectè fluere censuit Tridentina Synodus, aut ex illo perperam derivari existimavit : si rectè derivari, ac fluere censuit, quid, quæso, intacto antecedenti, in unam consequentiam censuram exercuit ? si minùs fluere, ac derivari existimavit, quid, quæso, læsam arbitrii libertatem, gratiæ se ipsa efficaci hypothesi, ad ravim usque Moliniani vociferantur ?

Non itaque Molinianis succensemus, quòd liberi arbitrii jura sarta, testaque velint, ac de tuendis sacræ Synodi sanctionibus solliciti videantur : sed quòd positos limites prætergressi, illud nos Augustini dictum usurpare compellant : *Vos inimici, & defensores liberum arbitrium defendendo perimitis, quod ad suos limites revocari omnipotentis, & veri defensoris bonitate non vultis*, *lib. 3. Operis imperfecti contra Julianum cap. 104.*

XXXVIII.

LIBELLI SUMMA.

(*Apag. 190. ad 197.*) Tertium istum declinare tentat, quo nimirum gratiæ se ipsa efficacis oppugnatores in jus vocantur, quasi Deum moraliter tantum ad assensum eliciendum concurrere doceant, non item physicè. Quocirca tria reponit. I. Id a Thomistis duntaxat objici ait, physicæ prædeterminationis, a Bannesio non ita pridem excogitatæ, propugnatoribus; non ab aliis gratiæ se ipsa efficacis defensoribus, quæis physica prædeterminatio non sapit, quique gratiam efficacem in sola mentis illustratione, ac

voluntatis excitatione constituunt. II. Deum etiam in Molinianorum hypothefi physicè concurrere ait ad voluntatis assensum : tum quòd gratia præveniens, atque operans, qua Deus, & mentem illuminat, & excitat voluntatem vero, reali, ac physico planè modo id agat : tum quòd gratia cooperans voluntatis assensum, cæterosque animæ motus verè omninò, realiter, ac physicè producat unà nobiscum. III. Thomistis insultat, quòd voluntatis assensum *divinæ gratiæ tribuendum omninò* dicant : utque, quid ea loquendi formula sibi velint, semotis ambagibus proferant, adhortatur.

ANIMADVERSIO.

Num physicam prædeterminationem Banneſius excogitarit, nihilve doctrina, hæc cum Augustino, Doctore Angelico, ac prisciſ Scholæ Magiſtris commune habeat, diligentius expendere, non eſt præſentis inſtituti, & otii. (*S. Thomas ſui interpr.*) Legendum ea de re duntaxat moneo eruditiffimum æquè, ac piiffimum Patrem *Antonium Maſſoulié*, qui conſtans illud Scholæ Thomiſticæ dogma ſpiſſo volumine propugnavit, & ab æmulorum inſultibus egregiè defendit. Hunc ubi Daniel firmis momentis, ac rationibus conſutaverit, liberum demùm faciam, ut Thomiſticæ Scholæ dogma facetiis, ac ſalibus ludat. At erit ille mihi, ſi id egerit, magnus Apollo.

Videor certè mihi alio in mundo verſari, dum in hæc Danielis reſponſa oculos ſpecto. Quafi verò ſoli Molinianos hoc telopeant Thomiſtæ prædeterminationis phyſicæ deſenſores ! At Janſenius ipſe, ad quem nos paulò antè Daniel provocavit, quique uti in propugnanda gratia ſe ipſa victrici, ita in oppugnanda Thomiſtica prædeterminatione, multorum agmen ducit, hæc ipſa ratione Molinianos exagitat, qua Thomiſtæ noſtrates. Imò gratiam in ſtatu naturæ lapſæ phyſicè prædeterminantem agnoſcit unà cum ſuis, totaque virium contentione defendit ; dummodò neceſſitas ejus non aliundè, quàm ex viciatæ naturæ infirmitate repetatur. Poſtquam enim phyſicam prædeterminationem ex naturali voluntatis indifferentia, & omnium cauſarum ſubordinatione petitam, modis peſſimis habuit *cap. 2. libri 8. de Gratia Salvatoris*, iſtum tertio ſubindè capiti titulum præfigit : *Adjuſtorium Chriſti determinat, ac PRÆDETERMINAT ETIAM PHYſICÆ VOLUNTATEM, UT VELIT: Ex eo quo capite iſtud acciſat*. Quod ſubindè fuſè ſatis exequitur. *Qua quavis, inquit, ita ſe habeant, ſantaque inter phyſicam prædeterminationem, prout a Scholaſticis deſendi ſolet, & medicinale Chriſti adjuſtorium diſcrepanſia ſit ; in hoc ſamen, uti diximus, eum ea convenit, quod OFFICIUM* PHI-

PHYSICÆ PRÆDETERMINANDI VOLUNTATEM EI VERE COMPETAT, eoque vocabulo non abstractè, sed concretè sumto meritiò appellari possit. Nam hoc ipso, quo secundum principia S. Augustini, gratia vera Christi est adiutorium, quo struere, atque perficere, prout ab adiutorio sine quo non distinguitur; itemque adiutorium non potentiale, quo velle, & agere possumus si volumus, sed voluntatis, & actionis, quo Deus facit, ut re ipsa velimus, & agamus, prout ea suis locis demonstrata sunt: perspicue patet istud adiutorium esse tale, ut voluntatem cum quacunque alia gratia in potentia constitutam ad actum pertrahat, non si voluerit, (quemadmodum gratia Adami, & Angelorum, cum qua re ipsa steterunt in veritate, proprium fuit) sed ei efficacissimè præbendo, ut velit. Non enim expectat, ut voluntas secum influat, quemadmodum in adiutorio Angelorum etiam Sanctorum accidebat, quorum voluntas ita fortis erat, ut quemadmodum, & quando, & quantum vellet, uteretur aut non uteretur adiutorio: sed facit secum influere voluntatem, applicans eam ad volendum, agendumque, quidquid per eam Deus volendum, agendumque constituerit. Cum enim per terrenas cupiditates voluntas ad non volendum, imò ad repugnandum determinata sit, tollit istam depressionem, atque determinationem in contrarium, & reflectit eam in bonum, non solum si libero arbitrio hoc videatur, & velit, sed ineffabilis sua luce, atque suavitatis faciendo, ut ei sic videatur, & velit. Sic enim Deus avellit cor lapideum, & dat cor carneum, sic animum efficacissima potestate convertit, sic duritiam cordis aufert, sic operatur velle, atque perficere, suo ex nolentibus, & repugnantibus volentes, & consentientes facit. Non enim hoc aliter facit, quam voluntatem inclinando, applicando, determinando; & quia prævenit ipsam voluntatis determinationem, ETIAM PRÆDETERMINANDO, NON SOLUM MORALITER, SED VERA, REALI, ET PHYSICA DETERMINATIONE. Moralis enim prædeterminationis illa dicitur, quæ tantum se habet ex parte objecti, quemadmodum facit ille, qui consulit, suadet, præcipit, rogat, blanditur, sive exterius, sive interius. Sed hæc se habet in ipsa potentia voluntatis, quam propriè suæ suavitatis magnitudine, ad volendum applicat, & applicando determinat, utpote causans in ea hoc ipsum, ut se determinet; ideoque prædeterminat. Hæc ibi Jan-
senius.

Et cap. 1. libri ejusdem, duarum opinionum de physica prædeterminatione, & gratia congrua discrimen assignans, & qua parte illarum quælibet cum Augustino consentiat, ac dissentiat, ad trutinam vocans, physicam prædeterminationem Augustinianæ doctrinæ medullam, ac summam complecti ait; idque unum in ea re-
dun-

dundare, ac superfluere monet, quodd ejusdem necessitatem non ex una infirmitate naturæ Thomistæ derivent, sed ex indifferentia etiam voluntatis, caussarumque subordinatione repetendam existiment. Quod si quis, inquit, discrimen illud duarum istarum sententiarum, vel solum præ oculis habeat, non est difficile animadvertere, quid respondendum sit interroganti, cum utra tandem doctrina de adjutorio medicinali Christi, quam tanquam veram Augustini sententiam ex ejus scriptis undique continentibus produximus, convenire statuenda sit. Dicendum est enim, ex integro cum nulla convenire, sed aliquid ab utraque sumere. Nam a priori accipit, quod voluntati consensum efficaciter inclinando, ATQUE ADEO PRÆDETERMINANDO largitur; a posteriori, quod sit actus quidam vitalis, utpotè cælestis, & Augustini phrasi ineffabilis suavitatis delectatio. Non tamen expectat impulsus voluntatis, ut secum influat, sed ei tribuit: nec hæret quodammodo ex arbitrato voluntatis eligentis, ut velit, aut nolit; sed arbitratum volendi, ad hoc ipsum determinando suavitatis efficacia voluntatem, efficit. Ex quo fit ut, quod in gratia medicinali Salvatoris essentielle, ac formale est, in Augustino illi animadverterint; bi verò, quod quodammodo materiale. Itaque longè propius illi ad veritatem accesserunt: ipsam, quippè medullam gratiæ Christi respectu læsæ voluntatis, hoc est, adjutorii quo, tetigerunt, quæ in ista potenti consensionis efficientia, ac donatione consistit: & per illam ab omni alia spuria gratia, quam Pelagiani, & Semipelagiani prædicarunt, maximèque ab illa gratia sine qua non, quæ stans hominis, & Angelorum voluntati propria est, separatur. Ut sanè meritis dici possit, doctissimos illos viros primæ sententiæ defensores, veram Augustini sententiam de gratia Salvatoris vidisse, atque tenuisse. Quod si quid ei ulterius adjecerunt, ex superfluentibus humanæ Philosophiæ excessibus factum est, qui ad tuendam perspectam veritatem satagentis animi conceptibus, naturalem scientiam in subsidium rapientibus, ebullire solent. Hucusque Janse-
nius, ad quem nos, vel invitos Daniel provocavit.

Alios quid memorem physicè prædeterminationis, ut a Thomistis asseritur, oppugnatores; qui Molinianis nihilofecius vitio vertunt, quod voluntatem infirmam, ac vitiatam physicè prædeterminari a Deo negent? Siquidem quotquot gratiam efficacem prævenientem admittunt, eamque in delectatione viatrici constituunt, quacumque Scientia Media futuri consensus, & circumstantialium exploratrice penitus ablegata, ii certò ultra meras suasiones, atque excitationes Molinianas, quæ motionum moralium loco censentur, etiam propriam, atque physicam motionem prævenientem, & prædeterminantem admittunt; qua rebellis voluntatis con-
tuma-

tumacia superetur, sanetur infirmitas, pravus immutetur affectus, ad consensum demùm determinetur, & applicetur.

Jam quod Daniel secundo loco respondet, gratiam prævenientem, & operantem, juxta suorum hypothefim, vero; ac physico planè modo agere in intellectum, & voluntatem, a summis domesticæ Scholæ Magistris procul abit. Suarez, quem doctrinæ duce amplectitur, lib. 3. *Opusculorum cap. 5. n. 10. Auxilia excitantia*, inquit, *maximè habent vim CAUSSÆ MORALIS* Constat, hoc totum causalitatis genus ESSE MORALE. Et declaratur a simili, nam homo inducens alterum ad malum, vel Dæmon tentans ad peccandum, est causa moralis peccati, quia ad illud excitat, & movet: sic ergo Deus multoque magis, ac perfectiùs est causa moralis boni actus supernaturalis, ad quem eliciendum nos excitat, nostramque præparat voluntatem. DENIQUE TOTA HÆC CAUSALITAS REDUCITUR AD MOTIONEM FINIS, QUÆ METAPHORICA EST, nam per hanc gratiam excitantem fit, ut objectum, quod amandum proponitur, honestius, & amore dignius appareat; & quod timendum, horribilius; quod odio habendum, turpius, & sic de cæteris: Hoc autem fit, vel magis illuminando intellectum, vel aliquo modo disponendo, & inclinando affectum, ex quo judicium practicum intellectus plurimum pender.

Bellarminus lib. 1. de Gratia, & Libero Arbitrio cap. 14. Si consideremus causam illius ejusdem actus MORALEM, id est, causam moventem suadendo, hortando, consulendo, ea solus est Deus. Voluntas autem secundum hoc genus causæ, non est movens, sed tantum mota. Non enim ipsa se voluntas impellit suadendo, & hortando, ut velit, quod non vult; sed Deus per inspirationes suas intus animæ loquens, ei suadet, & persuadet, ut velit. Hæc est igitur gratia operans, quæ prævenis conatum, & industriam nostram, & operatur, ut velimus, quod antea volebamus, sine nobis operantibus, ut velimus, non tamen sine nobis liberè consentientibus, dum volumus.

Quibus adstipulantur Gabriel Vasquez 1. part. quæst. 23. disp. 88. n. 20. §. Docent igitur, & Gregorius de Valentia 1. 2. disp. 8. quæst. 3. de Divisione gratiæ, puncto 3. ubi ad morales duntaxat excitationes allicientes, & invitantes, prævenientis gratiæ vim totam coarctant.

Haud me fugit, physicæ motionis vocem Molinianos aliquos usurpare, ubi de sua præveniente gratia sermonem instituunt: at fucum illos lectoribus facere, quandiu in nudis excitationibus, & suasionibus hærent, Suarezii momenta evidenter ostendunt. Id nominis soli Thomistæ nostrates, quique illis adhærent, usurpant

Præf. P. Serry Tom. II.

H h h h

jure

jure optimo; gratiamque prævenientem verè, propriè, ac etiam physicè movere hominis voluntatem affirmant; quia non solum excitantem gratiam, prævenientem agnoscunt; sed gratiam etiam adjuvantem, & cooperantem, quatenus ab excitante distinguitur, prævenientem esse contendunt: juxta illud S. Fulgentii *lib. de Incarnatione Verbi cap. 17. Tunc verè, reflèque ait, ejus esse hoc velle, cum cum gratia præveniens cæperit adjuvare*: Illudque Gelasii Rom. Pont. *Epistola 7. ad Episcopos per Picenum conscriptos: Ostendit Apostolus, quòd donum gratiæ non ipse præcessit; sed fuisse subsequens; atque monstravit cooperatorem se esse gratiæ subsequendo* (apud Labb. Tom. 5. pag. 306.) Si enim liberum arbitrium cooperatur gratiæ subsequendo, gratia cooperatur arbitrio præveniendo. Verum, quoniam nullam, nisi merè excitantem gratiam, prævenientem agnoscunt, quique cooperantem gratiam, ut est ab excitante distincta, liberam arbitrii nostri cooperationem nullo pacto prævenire contendunt, non aliam, nisi moralem, & metaphoricam, movendim, prævenienti gratiæ adscribere possunt, modò ne verbis abuti velint. Quod multis evincit Suarez libro laudato *cap. 4. n. 12.*

Neque refert, quòd objicit Daniel, simplicem illustrationem, atque excitationem, quæ prævenientem gratiam sitam volunt vocationis congruæ defensores, reale quidpiam esse, ac physicum, mentemque, ac voluntatem afficere. Quis id nesciat? At voluntatem ad assensum eliciendum physico perinde modo non movent, sed morali duntaxat; ut cæteræ quæcumque Angelorum, atque hominum vocationes, motiones, suasiones, adhortamenta. Quandoquidem, ut Suarezius observat, id unum gratia illa excitans præstat in nobis, ut objectum, quod timendum proponitur, horribilius; quod odio habendum, turpius; quod amandum, honestius, & amore dignius appareat. Certè si ob id unum, quòd suasiones, & excitationes, reale quidpiam in se sint, atque physicum, reali quoque, ac physico planè modo in voluntatem agere reputantur; nihil profecto causæ erit, cur non Angeli quoque voluntatem hominis immutare dicantur, efficaciter, atque physicè: cum & ipsi suasionibus, & excitationibus agant, captis etiam congruentibus locorum, ac temporum occasionibus, variisque hominum affectibus exploratis. Et tamen Doctor Angelicus *1. part. quæst. 111. art. 2. solus*, inquit, *Dei est immutare voluntatem*. Et paucis interjectis: *Solus Deus efficaciter potest movere voluntatem; Angelus autem, & homo per modum suadentis*. Canoras itaque nugæ loquuntur, qui cum gratiam prævenientem in meris suasionibus, & excitationibus ponant, physicam tamen movendi vim eidem inditam dicunt, ut imprudentum ora subliniant. Facto scilicet negant, quod verbis affirmant.

Jam verò ex quo physica movendi vis gratiæ prævenienti admittitur, nulla superest, ea in hypothesi, actualis gratia, cui ad movendam hominis voluntatem physica vis inesse possit. Sola quippe, quæ superest, gratia cooperans, non in voluntatem physicè influat, sed in actum, ut ipsa nominis ratio satis probat. *Indicatur enim, ut ait Suarez lib. 3. Opusculorum cap. 5. n. 4. in illa voce quædam simultanea conjunctio voluntatis, & gratiæ adjuvantis ad eundem actum, vel actionem, ad quam mutuo cooperari dicuntur, ita ut sub ea ratione neutra alteram antecedit, vel impellat, sed solum simul operentur.*

De reliquo Danielis insultus, quæis Thomistis exprobat, quòd voluntatis assensum divinæ gratiæ, tribuendum omnino dicant, honori, & gloriæ ducimus. Hæc nos cum Augustino probra lubenter audimus, cap. 6. de *Dono perseverantiæ* scribente: *Tutores vivimus, si totum Deo damus; non autem nos illi ex parte, & nobis ex parte committimus; Cum Chrysostomo libro de Virginitate cap. 36. pronuntiante: Non partim suum, non partim Dei censet Apostolus, sed totum Dei. Hoc gratiæ servi est, nihil proprium ducere, sed omnia herilia; nihil suum putare; sed omnia Domini;* cum D. Bernardo, hoc idem dogma tam piè, quàm eleganter flatuente, *Traçtatu de Gratia, & Libero Arbitrio cap. ultimo. Non partim gratia, partim liberum arbitrium; sed totum singula opere individuo peragunt. Totum quidem hoc, & totum illa: sed ut totum in illo, sic totum ex illa. Nec aliud hac nostra loquendi formula, quæ supercilioso Cenfori stomachum movet, significatum volumus, quàm quod Augustinus, quod Chrysostomus, quod Bernardus suis illis phrasibus voluere. Assensum nimirum, omnino gratiæ tribuendum asserimus, quia nedum nobis assentientibus divina gratia cooperatur, verùm etiam ut assentiamur efficaciter operatur: nedum consentientes, operamque conferentes adjuvat gratia; sed, & ipsam, quoque consensionem, & operæ collationem virtute se ipsa victrici operatur in nobis. Certum est enim nos velle cum volumus, sed ille facit, ut velimus Certum est, nos facere, cum facimus, sed ille facit, ut faciamus, præbendo vires efficacissimas voluntati.* Augustinus lib. de *Gratia, & Lib. Arb. cap. 16.*

ANIMADVERSIONES

In superioris Tractationis Corollaria.

XXXIX.

LIBELLI SUMMA.



Heologicæ Tractationi (*A pag. 197. ad 202.*) nonnullis observationibus finem imponit, quas uti Corollaria, supra mensuram, debitamque, ut putat, difficultatum omnium eliquationem addere gessit.

Harum prima Scholæ Thomisticæ principia, quæ gratia se ipsa efficax superstruitur, Augustinianis opponit, ut sacri dogmatis defensoris intestino dissidio committat; illosque communi utriusque Doctoris Magisterio, pessima fide gloriari demonstret. Eam porro mutuam principiorum repugnantiam, in eo positam dicit, quod gratiæ se ipsa efficacis necessitatem, *ex creaturæ*, ut Schola loquitur, *ab Creatore dependentia* derivavit Doctor Angelicus, si quidem penes illius Discipulos fides est: Augustinus e contra, si ejusdem studiosos audimus, ex naturæ originis vitio fauciata infirmitate repetendam existimavit. Unde duplex confectarium fluere notat. I. Gratiam suapte natura victricem, Thomistarum quidem judicio, ad utrumque innocentis, & lapsi hominis statum æquo titulo pertinere: Augustinianorum verò sententia, ad unam fauciata naturæ conditionem coarctari. II. Haud majorinos, juxta Thomistas, ad malum, quàm ad bonum facultate pollere; parique ad peccatum, & pietatis opus, egere supremi numinis motione: a quo tamen semper abhorruit Augustinus.

ANIMADVERSIO.

Si gratiæ se ipsa victricis necessitatem hac una ratione probasset Doctor Angelicus, quod liberum arbitrium utrinque versatile gerat homo; idemque a Deo, in quovis actu exerendo, pro creaturæ conditione necessario pendeat; alteramque rationem ex vitiatæ naturæ infirmitate petitam nusquam usurpasset; haud ita fortè a veri specie procul abiret Danielis animadversio. Verùm si utramque usurpavit ex æquo, atque illam maximè, quæ ex humanæ naturæ vitio peti solet; an non abibit in sumum objecta inter utrumque

que Doctorem principiorum dissonantia? Quamquam enim daremus ex animo (quod multi autumant gratiæ se ipsa victricis Defensores) Augustinum uni vitiatæ naturæ principio hæsisse firmiter ; id ad summum extendi posset , Augustinum hujusce necessitatē gratiæ ex uno capite petiisse , ex duplici Divum Thomam . Atque hinc nemo colligeret , Præfulis Hipponensis principium ab Angelico Præceptore rejectum esse , sed alterum duntaxat insuper additum , ut dogma Theologicum rationibus etiam Philosophicis communiret .

Porro ad vitiatæ naturæ infirmitatem confugisse perinde Doctorem Angelicum , nemo , nisi in ejus lectione peregrinus , & hospes haberi velit , ibit inficias . 1.2. *quest. 109. art. 2. in corp.* Sic igitur , inquit , *virtute gratuita superaddita virtuti naturæ indiget homo in statu naturæ integræ , quantum ad unum , idest ad operandum , & volendum bonum supernaturale ; sed in statu naturæ corruptæ , quantum ad duo ; scilicet UT SANETUR , & ulterius ut bonum supernaturalis virtutis operetur , quod est meritorium . Ulterius autem in utroque statu indiget homo auxilio divino , ut ab ipso moveatur ad bene agendum .* Et in responsione ad primum , cum ratione philosophica demonstrasset , non ita hominem suorum actuum dominum esse , quin ab externo principio moveri debeat , ita demum colligit : *Unde mens hominis etiam sani non ita habet dominium sui actus , quin indigeat moveri a Deo : ET MULTO MAGIS LIBERUM ARBITRIUM HOMINIS INFIRMI POST PECCATUM , per quod impeditur a bono per corruptionem naturæ .*

Eadem 1.2. eademque questione , articulo 9. *Homo in gratia existens non indiget alio auxilio gratiæ , quasi aliquo alio habitu infuso : Indiget tamen auxilio gratiæ secundum alium modum , ut scilicet a Deo moveatur ad rectè agendum : Et hoc propter duo , primò quidem ratione generali , propter hoc , quòd , sicut supra dictum est , nulla res creata potest in quencumque actum prodire , nisi virtute motionis divinæ .* Secundò **RATIONE SPECIALI , PROPTER CONDITIONEM STATUS HUMANÆ NATURÆ ,** quæ quidem licet per gratiam sanetur quantum ad mentem , remanet tamen in ea corruptio , & infectio quantum ad carnem , per quam servit legi peccati , ut dicitur ad Rom. 7. Quibus similia leguntur art. 3.

Et in *Questionibus disputatis , quest. 3. de Malo , art. 1. ad 9.* Dicendum , quòd aliter loquendum est de homine secundum statum naturæ conditæ , & aliter secundum statum naturæ corruptæ : quia secundum statum naturæ conditæ , homo nihil habebat impellens ad malum , licet bonum naturæ non sufficeret ad gloriæ consecutionem , & ideo indigebat auxilio gratiæ ad merendum : non autem indigebat ad peccata vitanda , quia per hoc , quod naturaliter acceperat , pote-

poterat flare. SED IN STATU NATURÆ CORRUPTÆ HABET IMPELLENS AD MALUM; & ideo indiget auxilio gratiæ ne cadat. Et hic status ex præcedenti culpa provenit.

Dicat modò qui volet, Doctorem Angelicum divinæ motionis necessitatem ex unâ creaturæ a Deo pendentis conditione petiisse; ac de contracta per peccatum originis infirmitate, quam millies Augustinus inculcat, ne leviter quidem cogitasse.

Ablit tamen, ut Augustinum uni vitiatæ naturæ principio ita hæsisse, Danieli concedam, ut ad alteram rationem ex voluntatis indifferentia, & subaltiori causarum omnium subordinatione petitam, nulla unquam occasione confugerit. Nec me multùm Theologorum ita statuentium movet autoritas, quos uti in vindicanda gratia se ipsa victrici Commilitones enixè veneror; ita sanctissimi Doctoris mentem, eo saltem in capite, minùs assecutos existimo. Id quadruplici argumentorum genere Theologi nostrates evincunt.

I. Quòd Augustinus divinas motiones non absimiliter efficaces, ad naturales etiam actus, supremi dominii, atque imperii jure protendat. Sic *cap. 14. libri de Corrept., & Gratia*, de electione Saulis in Regem (quæ sanè rerum merè civilium, ac naturalium ordine censenda est) sermonem habens: *Hoc, inquit, non fecit Deus; nisi per ipsorum hominum voluntates, sine dubio habens humanorum cordum, quò placeret, inclinandorum omnipotentissimam potestatem..... Intus egit, corda tenuit, corda movit, eosque voluntatibus eorum, quas ipse in illis operatus est, traxit.* Sic ergo cum voluerit Reges in terra Deus constituere, magis habet in potestate voluntates hominum, quàm ipsi suas. Certè nuspiam Augustinus majori sermonis nervo gratiæ medicinalis necessitatem, & efficaciam, qua contracta juvatur infirmitas, commendavit. Et *libro de Gratia, & Libero Arbitrio cap. 20.* Scriptura divina, si diligenter inspiciatur, ostendit, non solum bonas hominum voluntates, quas ipse facit ex malis, & a se factas bonas in actus bonos, & in æternam dirigit vitam, verùm etiam illas, que conservant sæculi creaturam, ita esse in Dei potestate, ut eas, quò voluerit, quando voluerit, faciat inclinare. Et *cap. 21.* Agit Omnipotens in cordibus hominum etiam motum voluntatis eorum, ut per eos agat, quòd per eos agere ipse voluerit, qui omnino injusè aliquid velle non novit. Quòd tendunt generalia illa Aristotelicæ, ac Thomisticæ Philosophiæ principia, de quibulvis creaturæ motibus, a primo motore uti primaria eorumdem caussa derivatis, ab Augustino non absimiliter usurpata, *lib. 5. de Genesi ad litteram cap. 20.* Movet itaque Deus occulta potentia universam creaturam. Et *lib. 3. de Trinitate cap. 4.* Voluntas Dei est prima, & summa causa omnium

corporalium specierum, atque motionum. Quin etiam lib. 1. Retractionum cap. 9. ex his ipsis generalibus principiis bonum libertatis utrum ex divina gratia repetendum haud dubiè colligit: *Quia omnia bona, & magna, & media, & minima ex Deo sunt, sequitur, ut ex Deo sit etiam bonus usus liberae voluntatis.*

II. Quodd Augustini momenta non pauca, quæ gratiæ se ipsa efficacis necessitatem ab ipso probatam agnoscunt, quotquot illo Doctore, atque Magistro gloriantur, ad statum innocentiae, a quo procul infirmitas aberat, non absimiliter flecti debeant. Ut orandi necessitas, ad divinum præsidium implorandum, quam rationem millies urget sanctissimus Doctor. Quis enim Adamum etiam innocentem, ad conservanda dona, quæ iusserat, orare non debuisset sibi fingat, dicente Gelasio Summo Pontifice lib. contra Hæresim Pelagianam. De ipsis primis hominibus, qui, dum sua nimium felicitate confidebant, non orando (quod utique nusquam fecisse referuntur) nec de perceptis gratias referendo, nec ut eadem intemperata durarent, suppliciter implorando, incolumes constare nequiverunt.

Humilitatis studium, quo fit, ut totum in pietatis operibus Deo demus, nulla de re gloriemur in nobis, nec propriis viribus nosmet ipsos ab aliis secernamus. Quis id ad statum primi hominis, & Angelorum perinde non referat, de quibus Augustinus ipse Enarratione 3. in Psalmum 32. *Non habuerunt aliquid ex se, sed tanquam supplementum a Domino perceperunt: spiritu enim oris ejus, non pars, sed omnis virtus eorum.* Lib. 11. de Civit. Dei cap. 19. *Inter sanctos Angelos, inquit, & immundos fuisse discretum, ubi dictum est: Et divisit Deus inter lucem, & tenebras solus quippè ille ista discernere potuit.* Et lib. 12. cap. 19. *Si non posuerunt se ipsos facere meliores, quàm eos ille fecerat profectò & bonam voluntatem, qua meliores essent, nisi operante adjutorio Creatoris habere non possent.*

Inscrutabilis hujusce quæstionis altitudo, cur illum trahat, illum non trahat: illi ita suadeatur, ut persuadeatur; isti verò non? Quæ sanè cùm per humani arbitrii velle, vel nolle. solvi non possit, ut loquitur Augustinus, ad intimam vocationis, & gratiæ efficaciam confugere cogit. At parem in Angelis stantibus, & cadentibus altitudinem, demiratus est sanctissimus Præsul lib. 11. de Genesi ad lit. cap. 10. *Sed posset etiam ipsorum (cadentium scilicet Angelorum) voluntatem in bonum convertere, quoniam omnipotens est. Posset planè, Cur ergo non fecit? Quia noluit. Cur noluerit; penes ipsum est.*

Divinæ voluntatis invista vis, qua quidquid vult, quando vult, quomodo vult, indeclinabiliter facit. Sed, & hanc non modò in infir-

infirmi, ac læsi hominis voluntatem, verum etiam in omnes Angelorum, atque hominum voluntates, ac creaturam quamlibet exerceri statuit Augustinus in *Enchiridio ad Laurentium cap. 102. Quamlibet sint voluntates Angelorum, vel hominum, vel bonorum, vel malorum, vel illud, quod Deus, vel aliud volentes, quàm Deus, omnipotentis voluntas Dei semper invicta est*. Et *cap. 96. Neque Deus ob aliud veraciter vocatur Omnipotens, nisi quoniam quidquid vult potest, nec voluntate cujuscumque creaturæ voluntatis Omnipotentis impeditur effectus*.

Aut ergo negandum, Augustinum gratiam se ipsa efficacem iis momentis, ac rationibus demonstrasse, (quod ab eorum, quibuscum agimus, Theologorum animo procul abest) aut ejusdem necessitatem ad Angelorum, atque innocentis hominis statum pariter protendisse, fatendum est.

III. Quod innumera Augustinianæ Theologiæ principia, ab iisdem admissa Theologis, concutere necesse sit, ex quo gratiam se ipsa victtricem a statu naturæ innocentis eliminamus. Hac etenim semel ablegatâ, decreta se ipsis efficacia pari sorte tolluntur: atque ita liberi Angelorum, & innocentium hominum actus a Deo per Scientiam Mediam explorantur. Res non ideo futuræ censentur, quia sciuntur a Deo; sed idè sciuntur, quia futuræ. Prædestinatio non ab immoto decreto, quod ea in hypotesi nullum est, sed a prævisis meritis, ex nativa arbitrii libertate suspensis, certitudinem mutuatur. Quæ tria universam Augustini doctrinam ab imo suffodiunt. Quin, & hoc alterum confestarium fluit: Christum Dominum (cujus longè quàm Adami innocentior natura erat, atque ab omni vitio, & corruptela multò remotior) ex prævisis perinde meritis electum esse; si status innocentiae distincta sit gratia, distincta decreta, distincta scientia, distincta prædestinatio. Cùm tamen Augustinus gratuitam hominum prædestinationem probaturus, Christi Servatoris exemplum præ cæteris urgeat, *lib. de Prædestinatione Sanctorum cap. 15. & lib. de dono Perseverantiae cap. 24.*

IV. Quod Augustinus Angelos stantes majori præ reliquis adjutorio donatos disertissimè fateatur *lib. 12. de Civitate Dei cap. 9. Sine bona voluntate, hoc est, Dei amore, nunquam sanctos Angelos fuisse credendum est. Isti autem, qui cùm boni creati essent, tamen mali sunt, mala propria voluntate aut minorem acceperunt amoris divini gratiam, quàm illi, qui in eadem perseveraverunt; aut si utrique boni aequaliter creati sunt, istis mala voluntate cadentibus, illi amplius adjuti, ad eam beatitudinis plenitudinem, unde se nunquam casuros certissimi fierent, pervenerunt*. Quod utique minùs æquè diceretur, si efficacis necessitas adjutorii ex unâ in-

firmi-

firmitate naturæ, quæ nulla in Angelis erat, peteretur. Futile quippè est, quod ajunt aliqui : amplioris adjutorii nomine uberioriorem habitualis gratiæ copiam designari, aut fortè certam de beatitudinis perennitate notitiam. Neutrum enim veritatem habet. Non primum, quia multi suprèmi Ordinis Angeli, quibus uberior habitualis gratiæ copia pro majori naturæ perfectione collata fuerat, atque ipse etiam cæterorum omnium princeps Lucifer, præcipientes cecidere. Non alterum, quia de illo sermo est adjutorio, quo Angeli ad *beatitudinis plenitudinem pervenere* : Certa autem de beatitudinis perennitate notitia, nonnisi adepta jam beatitudine, habetur, ejusdemque appendix, ac veluti confectarium est.

Non igitur, ut universa concludam, ex una vitiatæ naturæ infirmitate victricis gratiæ necessitatem derivavit Episcopus Hippo-nensis, qui hanc ipsam stantibus Angelis, ne caderent, collatam asseruit : motiones se ipsis efficaces ad naturales etiam actus eliciendos, pro creaturæ conditione necessarias propugnavit : eaque doctrinæ suæ principia posuit, rationumve momenta profecutus est, quæ parem, eo saltem in capite, stantis, ac lapsi hominis fortem ostendant.

Negotium duntaxat facessit aliquod perdifficilis sanctissimi Præsulis locus, ex *libro de Corrept., & Gratia capp. 11., & 12.* de promptus, quo varia gemini status auxilia pro cujusque conditione distinguuntur : ut videlicet innocenti homini, tanquam viribus integro, præstò duntaxat esset adjutorium sine quo non fieret opus bonum, non quo fieret ; lapso, utpotè malè multato, ac viribus fracto, utrumque perindè succurreret : seu, ut Scholæ linguà loquar, innocenti auxilium merè sufficiens, voluntatis nutui subditum adesset unicè ; lapso utrumque, sufficiens nimirum, ac se ipso efficax, infirmam voluntatem imperio subdens.

Verùm & id compendio solvitur, si hoc unum observes, Augustinum, lapsum, & integrum hominem, quo titulo distinguuntur, mutuo contulisse, gratiamque utrique necessariam explicasse, spectatis cujuslibet status peculiaribus meritis, & quid utrique per sese, ac spectata cujusque virium conditione debeatur, attendisse duntaxat : non quid utrique simul, communi sorte, communibusque titulis necessarium videretur. Quare homini sano efficacem gratiam minimè necessariam pronunciavit, speciali videlicet ratione primigeniæ sanitatis ; cum hoc ipso titulo gratia illi duntaxat versatili opus esset : Necessariam e contrario homini lapso efficacem gratiam dixit, spectata nimirum infirmitate naturæ ; cum hac maximè ratione potenti egeret auxilio. Cæterum num aliàs communi quodam titulo, putà creaturæ a Deo pendentis, indifferenteris arbitrii, versatilis voluntatis efficaci adjutorio simul ege-

rent, non expendit eo loci sanctissimus Doctor; quod nihil eximendis Aduerarij Monachorum scrupulis interesset.

Nunc ad illud accedo, quod summæ præ cæteris calliditatis, & inuidiæ est; deductum scilicet ab Daniele Thomistici dogmatis confectarium: *Haud majori nos ad malum, quàm ad bonum facultate pollere; parique ad peccatum, & pietatis opus egere superni numinis motione.* Vah tetram sycophantiam, putidamque calumniam! Quasi verò, quotquot Thomistico nomine gaudent, Lutheri blasphemiam a Tridentina Synodo inuictæ anathema non dicant *can. 6. Si quis dixerit Mala opera ita, ut bona, Deum operari, non permittente solum, sed etiam propriè, & per se; aded ut sit proprium ejus opus non minus proditio Judæ, quàm vocatio Pauli?* Aut iis Augustini verbis sæpius inculcatis non spontè subscribant (*Lib. de novo Cant. c. 8., & de Corrupt., & Grat. c. 11.*) *Liberum arbitrium ad malum sufficit sibi; ad bonum non, nisi adjuvetur ab omnipotenti bono?*

Invidiosum confectarium detestantur, quotquot physicam prædeterminationem admittunt; alteriusque planè generis esse volunt motionem ad bonum, quàm ad malum; ac diversam toto cælo ad utrumque hominis facultatem. Sed & hæc summa calliditas est, Philosophicam opinionem de necessaria ad peccati actum physica motione cum isto de gratia se ipsa victrici dogmate conjunctam obtendere; ut eo objecto tericuloamento, Philosophicarum subtilitatum rudes a divinæ gratiæ professione procul avertat. Quàm dissita, disjunctaque sint duo illa doctrinæ capita, plaudente sacro Consensu, demonstravit Thomas de Lemos in celeberrima de divinis Auxiliis Congregatione, die 10. Januarii anno 1606., & Molinianos Oratores hoc ipsum, quod modò Daniel, confectarium elicientes arena submovit. (*Placuit Cardinalibus omnibus assistentibus ista differentia valdè.*) Ad tertium, inquit, dicendum, nullo modo ex doctrina de physica prædeterminatione sequi, quod Deus sit causa peccati, vel quod ad peccatum physicè prædeterminet. I. Quia potest optimè, quis defendere physicam prædeterminationem pro actibus supernaturalibus, & ex isto capite non coarctatur ad illam defendendam pro actibus aliis facillimis naturalis ordinis, & pro actionibus peccatorum. Et ratio est, quia respectu actuum supernaturalium est peculiaris ratio præter illam generalem subordinationem causæ secundæ ad primam; ob quam specialem rationem (quidquid sit de illa subordinatione generali) est constituenda physica prædeterminatio in voluntate, qua Deus faciat, illam benè operari supernaturales actiones. Quia respectu hujusmodi supernaturalium operationum, cum sint elevatissimæ, & supra voluntatem illam omnino excedentes, oportet, quod Deus immuet,

mutet, & determinet voluntatem ad illas. Quia illa nunquam se determinabit ad id, quod supra ipsam est, nisi ad id immutetur, & determinetur a Deo in actu primo: quod evidentiùs patet in voluntate peccatoris. Quomodo enim, cum sit averſa à Deo, ipsa se convertet, & determinabit ad Deum, nisi Deus priùs illam ad se convertat, & verè faciat, quidd se determinet ad bonum? Propter hanc ergo specialem rationem, etiamsi quis teneret, voluntatem in actionibus, quæ in peccatis sunt, non determinari a Deo, etiam quatenus entitates, & actiones sunt facillimæ, ad quas voluntas se possit determinare; tamen in actionibus supernaturalibus astringeretur foteri physicam determinationem ad supernaturalia opera exercenda.

Eandem illam gratiæ se ipsa victricis oppugnationum artem observavit doctissimus Contentonius lib. 8. Theologiæ mentis, & cordis, dissertatione 1. cap. 2. Specul. 3., suosque, ne vorent hanc, sibi illud patiuntur, egregiè communivit. Illud etiam diligenter observari aucto, quidd licet sententia de prædeterminatione ad actus naturales, atque etiam ad materiale peccati, tanquam probabilior a Thomistis eligatur; non ita tamen ab illis traditur, ut ex præmissione ad actus naturales, vel ad materiale peccati, pendat veritas illa cardinalis de gratia per se efficaci ad actus supernaturales, & meritorios salutis necessaria. Generalem quippè prædeterminationem admittunt duntaxat Thomistæ, ut probabilem secundum rationem naturalem, & non ut necessariè cum fide catholica connexam. Gratiàm verò per se efficacem tenent, ut conclusionem Theologicam, ab Augustino, & Aquinate clarissimè traditam, & post articulos fidei omni exceptione majorem, in proxima, & veluti ultima dispositione definibilem. Unde etiamsi nulla ad actus merè naturales, vel morales physica prædeterminatio admitteretur, eam tamen in ordine supernaturali ad rectè, christianièque vivendum admittendam contendimus, generalemque præmissionem idèd solum astringimus, ut per eam ad gratiam per se efficacem uberius, fortiusque stabiliendam, viam muniamus, ad eamque propugnandam serviat etiam Philosophia. Quare gratiæ per se efficaciæ assertionem unicè querimus, unicè intendimus. Unde, ut optimè Alvarez lib. 3. de Auxiliis disp. 24. n. 27. observavit, Thomistarum nonnulli Deum præmovere ad actum peccati, etiam ut actus est, inficiari sunt, quamvis ad unum omnes gratiæ victricis, & per se efficaciæ omnipotentissimam potestatem a prævisione Scientiæ Mediæ independentem constantissimè asseverent; & de illa processit olim coram Clemente VIII., & durat adhuc Patres Societatis inter, & Dominicanos, disputatio. Hæc observare operæ pretium in hujus dissertationis coronide duxi, quia quàmplurimos

adverti adversarios hac arte Thomistica de gratia sententia invidiam accersere, quod nostra sententia Deum malorum actuum faciat promotorem. Sed, ut dixi, de promotione generali non est principalis, sed tantum accessoria disputatio.

Neque tamen Danielis, aliorumque calliditatem exaggero, quasi philosophicam illam opinionem de necessaria ad peccati actum physica promotione invidiæ patere re ipsa putem. Absit. Hanc nullo negotio amoluntur Thomistæ nostrates, omnemque ab æmulis circumfusam impietatis umbram depellunt, vulgari illa *entitatis*, quæ peccato substat, & *deformatis* posita distinctione: seque nihil eo in capite docere probant, quàm quod Doctor Angelicus in 2. Sentent. dist. 37. quæst. 2. art. 2. Dicendum, quod actus, in quantum actus, a Deo est, & ut sic non habet aliquid, quod deformatem habeat: quod qualiter sit, ita considerari potest. In omnibus enim, in quibus incidit defectus ex causa secunda, & non ex causa prima, oportet, quod quidquid est in effectu deficiente essentia, & bonitatis, totum a prima procedat: quod autem defectus reducatur in causam secundam deficientem ut patet in claudicatione, quæ est a virtute gressiva mediante tibia: per cuius scilicet tibiam curvitatem obliquitas in gressu claudicantis relinquatur. Unde quidquid est ibi de gressu, totum est a virtute gressiva: sed defectus, vel obliquitas gressus non est a virtute gressiva, sed a tibia tantum. Similiter etiam est ordo Dei ad voluntatem causatam, sicut causæ primæ ad causam secundam: idem ex parte Dei nullus defectus incidere potest. Voluntas autem causata ad defectum possibilis est: & idem, quidquid est in actu deficiente, scilicet peccato, de ratione actus, & entis, & boni, totum hoc a primo agente, scilicet Deo, procedit mediante voluntate: sed in ipse defectus, qui est in actu, hoc modo est a voluntate, quod a Deo non procedit; & idem quodcumque nomen deformatem simul cum actu significat, sive in generali, sive in speciali, non potest dici, quod hoc a Deo sit simpliciter: unde non potest dici absolute, quod peccatum sit a Deo, ut homicidium, aut aliquid huiusmodi, nisi cum hac additione, in quantum est actus, & in quantum est ens. Hæc Doctor Angelicus: quibus planè concinunt, quæ habet quæst. 3. de Malo art. 2. cui hunc titulum fecit: *Utrum actio peccati sit a Deo?*

Si cui patet invidiæ dogma Thomisticum, eaque *entitatis*, ad *deformatis* distinctione non penitus amovetur, parem nobiscum invidiam Moliniani subibunt, qui Dei motionem fin minis præviam, at comitem in perpetrando peccato fidenter admittunt. Paris enim impietatis est, Deum peccati socium, & complicem opinari, ac ejusdem autorem, & impulsorem effutire: nec minus reu-

refugit animus, Deum unà nobiscum, & in perpetrando peccato efficaciter operari, quàm voluntatem nostram, ut peccet, efficaciter permovere. Quid ergo, si præstigias illas opportuna *entitatis*, ac *deformatis* distinctione discutiunt Moliniani, seque idcirco ab omni impietatis suspitione remotissimos putant, tam iniquè de Thomistica opinione pronuntiant, quasi perinde purgari non possit?

At vin tu eà in re opinionem audire, cui nigrum theta jure præfixeris, quamque nulla unquam distinctio cohonestet? Dabunt Societatis Theologi Castellani, ac Toletani, de quibus Christophorus Orthega ita refert, *Controversia 3. de Decreto, disp. 2. quæst. 4. cert. 3. §. 8. Audio recentiores aliquos ex nostris, Castellanos, & Toletanos incausè lapsos; ut admiserint, Deum concursu simultaneo, quem solum admittunt, non solum ad materiale peccati, quâ materiale, sed AD FORMALE IPSUM PECCATI PHYSICÈ; CONCURRERE: etsi quia nolens ad eum concursum a creatâ, voluntate trahitur, ac determinatur, nec causâ materialis peccati, quâ materialis, nec formalis, seu peccati absolute talis, dicendus sit.* Sic sanè, qui cæteros violatæ divinæ sanctitatis inculcant, opinionum monstra parturiunt, quæ piæ, castæque aures perhorrescant: excolant culicem, camelum autem deglutiunt.

XL.

LIBELLI SUMMA.

(A pag. 202. ad 205.) Doctorem Angelicum Thomistis physicæ prædeterminationis assertoribus eripere nititur, productis hilce sanctissimi Præceptoris momentis in speciem repugnantibus. *Quæst. 3. de Potentiâ, quæ est de creatione, art. 7. ad 12. Deus voluntati hominis dedit dominium sui actûs, ut non esset obligata ad alteram partem contradictionis.* Ibidem in *Responsione* ad 13. *Causa prima non ita agit in voluntate, ut eam de necessitate ad unum determinet, sicut determinat naturam; & ided determinatio actûs relinquatur in potestate rationis, & voluntatis.* In 2. *Sententiarum, dist. 39. quæst. 1. art. 1. Potentia voluntatis, quantum in se est, indifferens est ad plura: sed quodd determinatè exeat in hunc actum, vel in illum, non est ab alio determinatè, sed ab ipsâ voluntate.* Tum celeberrimum Campanellam in scenam vocat, quodd adversus decreta prædeterminationia, in Thomistarum Scholas nuper invecita librum ediderit.

ANIMADVERSI O.

Quis non hic profundam Divi Thomæ lectionem Danieli gratuletur, qui quatuor admodum lineas ex tantâ librorum mole excubere potuit, ut eum a physicæ prædeterminationis dogmate alienum ostenderet? At Lemos, *tomo 3. Panopliæ a pag. 12. ad 94. ducenta*, & eo amplius Doctoris Angelici momenta congestit, ut hoc illi dogma assereret. Utri felicius labor cesserit dicant, qui cuncta contulerint. Mihi quippè telam hanc novo opere redordiri non vacat; nec ut id oneris mihi sumam, Animadversionum istarum ratio postulat. Hoc dico tantum, Societatis Theologos bene multos D. Thomam physicæ prædeterminationis dogmati adfuisse, haud zgrè primitus falsos esse, donec mutato consilio, aliam loquendi, scribendique rationem inierint. Ita Conimbricense Societatis Jesu Collegium *lib. 2. Phys. cap. 7. quæst. 13. art. 1. Circa modum, quo Deus cum causis secundis ad earum operationes, & effecta concurrat, discutienda se offert* CELEBRIS OPINIO D. THOMÆ 1. *part. quæst. 105., & 1. 2. quæst. 109. art. 1., & quæst. 3. de Potentiâ art. 7., ejusque sectatorum Capreoli in 2. dist. 1. quæst. 2. Ferrariensis 3. contra Gentes cap. 70., & aliorum existimantium, omnes causas secundas, antequam operentur, accipere a Deo influxum quemdam, & motum, qui sit quasi esse intentionale virtutis divinæ, quo ad promendas actiones excitentur; eo modo, quo artium instrumenta, ut dolabra, & securis præviâ motionem a fabro accipiunt, cum ad opus conficiendum applicantur. Viden' quo pacto celebrem illam opinionem, & D. Thomæ, & antiquis ejus discipulis tribuit?*

Ita selecti ex Hispaniâ, Galliâ, Germaniâ, Austriâ, Italiâ, Lusitaniâ Societatis Theologi, qui *librum de Ratione Studiorum* ediderunt, typisque domesticis Romæ mandarunt anno 1586. hanc numero 6. D. Thomæ propositionem inter cæteras adnotarunt, ad cujus defensionem suos adstringi nolunt: *Causas secundas esse propriæ, & univocæ instrumenta Dei; & cum operantur, Deum in illas primum influere, aut eas movere*. Haud itaque dubium illis erat, ita planè Doctorem Angelicum statuisse. Quare & suum illum repudiatarum sententiarum elenchum ita concludunt: *In cæteris, quæ hic excepta non sunt, a D. Thoma nostri non recedant.*

Mitto Bellarminum, Toletum, Perrerrum, & alios, de quibus in Historiâ de Auxiliis fusè dixi, qui hanc ipsam Divo Thomæ sententiam tribuunt. At quò magis Danielis ingenium demireris, Suarezium, quo Magistro triumphat, præterire non possum: qui

quædam

quamvis omnes ingenii nervos intendant, ut Doctorem Angelicum physicæ prædeterminationis assertoribus neget, veritate nihilominus victus, hanc ipsam ab eo, *quæst. 3. de Potentiâ art. 7. ad 7.* differtissimè traditam falsius est, in Opere posthumo de verâ intelligentiâ Auxiliî efficaciæ *cap. 40.* utque laqueum effugeret, commentitiâ retractationem excogitavit. Etenim D. Thomæ ad 7. hujus articuli objectionem recensito responso, ita subjungit: *De quo loco ingenue fateamur, D. Thomam ita ibi sensisse: credimus tamen eum in ea sententia non permansisse; quia neque in Summa, neque in aliis libris Sententiarum, & contra Gentes, illum causalitatis modum Deo tribuit.* Et tamen, si Superis placet, Daniel Magistro doctior, & oculatior physicam prædeterminationem hoc ipso articulo 7. infra decem circiter lineas confutatam, debellatam, exterminatam præsentit. Felicem, cui tam acutam aciem largitus est Deus!

Sed age semoto joco videamus, num illum potius fallacia perspicillia deluserint. Deus, inquit Doctor Angelicus loco a Daniele nobis objecto, *voluntati hominis dedit dominium sui actus, ut non esset obligata ad alteram partem contradictionis.* Quis id neget physicæ prædeterminationis assertor? Quis obligatam divinâ motione hominis voluntatem, suique actus dominio devolutam commentus est, ut dissentire etiam præmota non possit? Audi quo pacto utrumque conciliet Doctor Angelicus, *1. 2. quæst. 109. art. 2. ad 1.*, actusque dominium, & in partem utramlibet facultatem cum motionis necessitate jungat: *Homo est dominus suorum actuum & volendi, & non volendi propter deliberationem rationis, quæ potest flecti ad unam partem, vel ad aliam: sed quoddam deliberet, vel non deliberet, & si hujusmodi etiam sit dominus, oportet, quoddam hoc sit per deliberationem præcedentem: & cum hoc non procedat in infinitum, oportet, quoddam finaliter deveniatur ad hoc, quoddam liberum hominis arbitrium moveatur ab aliquo exteriori principio, quod est supra mentem humanam.* Et *1. contra Gentes cap. 68.* Dominium, quod habet voluntas supra suos actus, per quod in ejus est potestate velle, & non velle, excludit determinationem virtutis ad unum, & violentiam causæ exterioris agentis, non autem excludit influentiam superioris causæ, a qua est ei esse & operari, & sic remanet causalitas in causâ primâ, quæ est Deus, respectu motuum voluntatis.

Haud acutiùs prædeterminationis excidium præsentit Daniel aliis illis Doctoris Angelici verbis ex responso ad 13. Argumentum: *Causa prima ita non agit in voluntate, ut eam de necessitate ad unum determinet, sicut determinat naturam.* An-non id physicæ prædeterminationis assertores affirmant; qui universa pro sua cujusque

jusque naturâ, & conditione moveri volunt; libera quidem, ac ratione urentia, liberè; necessaria, ac rationis expertia, necessariò? Huc mirè faciunt sanctissimi Doctoris verba, 1. *part. quæst.* 83. *art.* 1. *ad* 3. *Deus est prima causa movens & naturales causas, & voluntarias: & sicut naturalibus causis, movendo eas, non aufert, quin actus earum sint naturales; ita movendo causas voluntarias, non aufert quin earum actiones sint voluntariæ: sed potius hoc in eis facit; operatur enim in unoquoque secundum ejus proprietatem.* Explicatius autem, & magis ad institutum nostrum lib. 1. *ad* Annibaldum *dist.* 47. *quæst.* unica, *art.* 4. *Voluntate Dei non solum res in esse producuntur, sed etiam in rebus producendis modum, quo producantur, prædeterminavit. Unde cum voluntas Dei efficaciter impleatur, oportet, quod res fiant, & eodem modo, sicut voluntas divina disposuit.* Quibus gemina sunt, quæ leguntur 1. 2. *quæst.* 10. *art.* 4. *ad* 1.

Neque felicius Propheta vidit, qui cætera laudatæ responsonis verba in malum omen accepit. *Determinatio actus relinquitur in potestate rationis, & voluntatis.* Ita quippè determinatio rationi relinquitur, ut divinam propterea determinationem non effugiat. Hinc Doctor Angelicus in 2. *Sent. dist.* 25. *quæst.* 1. *art.* 1. *ad* 3. *Determinatio actionis, & finis in potestate liberii arbitrii constituitur. Unde remanet sibi dominium sui actus, licet non ita, sicut primo agenti.* Deus quippè ita se determinat, ut non determinetur ab alio: homo verò tametsi se se determinet ob indifferentiam actionis, ob passivam nihilominus indifferentiam determinatur ab alio. Quæ duo secum minimè pugnare docet *quæst.* 6. *de Malo art.* unico *ad* 17. *Voluntas, quando de novo incipit eligere, transmutatur a sua priori propria dispositione, quantum ad hoc quod prius erat eligens in potentia, & postea fit eligens actu. Et hæc quidem transmutatio est ab aliquo movente, in quantum ipsa voluntas movet se ad agendum; & in quantum etiam movetur ab aliquo exteriori agente, scilicet Deo.* Quocirca 1. *part. quæst.* 105. *art.* 4. *ad* 2. hoc generale principium ponit: *Moveri ex se non repugnat ei, quod movetur ab alio.* Idem enim agens, ut liberum est, movet se se, atque determinat; ut secundum est, movetur, ac determinatur ab alio: immò idcirco movetur, ac determinatur, ut ipse se moveat, ac determinet: seu, ut loquitur Augustinus, aguntur, & agunt homines, quin & ad hoc aguntur, ut agent.

Eundem sensum habet locus alter ex lib. 2. *Sententiarum* nobis objectus, ubi voluntas ob sui indifferentiam ab semetipsa determinari dicitur. Si enim idcirco semotam velis determinationem a Deo prodeuntem, secum pugnantem habebimus Scholarum Angelum, qui toties voluntatem ob sui indifferentiam a Deo determinari, moveri, applicari, transmutari, transferri contendit. Loca

Theo-

Theologi nostrates indignant, Lemosius, Alvaresius, Contensonius, Massoulicus.

Cæterum num constantem illam Thomisticæ Scholæ doctrinam edito libello impugnaverit Campanella, minùs moror, utpotè quem a præconcepis præjudiciis tandem abductum, ad domesticæ castra, dum extremum vitæ cardinem premeret, rediisse, multis ostendi, *lib. 4. Historiæ de Auxiliis cap. 27.* At id satis mirari non possum, Campanellam tanto nunc pretio apud Molinianos haberi, quem non ita pridem curto vix asse licitabantur; jamque uti (*Remonstrance a M. l' Archev. de Reims*), virum celeberrimum ab Daniele, cæterisque Sodalibus in cælum efferri, a quibus ante annos aliquot tantum non in culinam detrusus est. *Tametsi visus sit*, inquit Theophilus Raynaudus in *Diatribis* §. 57. *per aliquod tempus cymbalum mundi, tamen reverà est ignorantissimus; ita ut ne ipsos quidem terminos sive Philosophicos, sive Theologicos intelligeret. Sententias autem invebis non modò a S. Thoma, sed etiam a sensu cujusvis sani hominis adeò abhorrentes, ut desipere potius videatur quàm disserere. Hæreses crassæ in ejus libris tam multæ, & tam inexcusabiles occurrunt, ut mirum sit adeò pinguem scriptorem superioribus annis invenire potuisse laudatores.* Theophile; ne mireris; habet ille etiam hodie laudatores, & quidem ex tuis, jamque uti vir celeberrimus commendatur, ex quo illis visus est prædeterminantem gratiam impugnasse.

Non erit tamen operæ dispendium observare, Campanellam, hoc ipso in Opere, quod Daniel noster appellat, nimirum in Centone Thomistico ad Præceptorem Scholasticorum, gratiam congruam deditæ operæ confutasse, Jesuitis ipsis ad marginem ex nomine appellatis. Alii autem, inquit articulo 1. *ajunt, (Jesuitæ) NEC RECTIUS, Deum non prædestinare, nec reprobare ante prævisionem actuum humanorum: item non prædestinari actus liberos per se a Deo, sed ab occasionibus fatalibus; quos quidem actus dicunt a rerum serie, ut vocabulum fati visent, moveri; sic ut agant id, ad quod prædestinati sunt homines. Nam si prædestinatio est post prævisos actus, tunc actus prævisi ex serie orti; non ex libertate ut independente a serie, sunt infallibiles. Et tunc reverà nihil excusatur ex hoc Deus; sive enim per se, sive rerum serie per aliud trahat homines ad suos fines, infallibiliter fiet, quod decretum est, & inevitabiliter ad fines ibunt præcitos, sive præscriptos. Ex quo sequitur, inferentibus libertinis, e Calvini semine, exortis, quòd peccatum non sit peccatum, nisi ex opinione, cum ad ipsum impellamur a Deo, & effectus causarum magis tribui debeat potentiori causæ quàm debiliori, etiamsi absque hac non fiat. Adde quod* Prælect. P. Serry Tom. II. K k k k Cbry-

Chrysostomus super Joannem considerat, quod Judas optima serie positus damnatur, & Cornelius Centurio in pessima salvatur. Ergo voluntas non pendet a serie; nec ejus determinatio, nisi occasionaliter. Anima enim est ratio se ipsam movens, ut Plato, & Patres nostri docuerunt. Hæc ille, quibus gratiæ congruæ defensores attenta sunt.

XLI.

LIBELLI SUMMA.

(*A pag. 206. ad 212.*) Secunda, tertia, & quarta observatione hæc ipsa rursus inculcat Theologus Molinianus, quæ de dissentienti potentia, de sensu composito, & diviso, de gratia cum effectu suo intimè conjuncta, humanamque voluntatem indeclinabiliter, & insuperabiliter agente dixerat a pag. 45., ad 48., a 165., ad 170., a 123., ad 130., & pag. 186. Ut nimirum gratiam se ipsa efficacem cum quarto sextæ sessionis Canone Concilii Tridentini ægrè admodum conciliari demonstret; ejusque defensores difficultatem hanc futilibus, ac sensu vacuis cavillationibus declinare.

ANIMADVERSIO.

Tædet earundem semper argutiarum. Has *Animadversionibus* 14. 30. 34., & 37. abundè diluimus: genuinum Tridentinæ Synodi sententiam, a quo Moliniani desectunt, declaravimus: Thomisticam distinctionem, qua æmulorum sophismata diluunt, a summis Scholæ Magistris petitam ostendimus: indeclinabilem, & insuperabilem gratiæ vim cum effectu intimè conjunctam, cum humana libertate conciliavimus.

XLII.

LIBELLI SUMMA.

(*Pag. 213. 214., & 215.*) Gratiam prædeterminantem cum gratia necessitatem inferente intima affinitate conjungi probat perbellè illa observatione numero quinta: quod ii, qui fatalem necessitatem inferri, seu rectè, seu apertè defendunt, errorem suam gratiæ prædeterminantis umbella tegant, aut etiam nihil se ab ea diversè sentire profiteantur. Quæ duo producta Thesum nescio quæ-

quarum a quibusdam Theologis Duacensibus editarum lacinia, & Leydekerii Calviniani Ministri fragmento confirmat.

Ad restim funiculum addit, vulgatum scilicet Cardinalis Perro-
nii dictum, a Galliz purpurato Scriptore memoratum; dum Pon-
tifici ad partes Dominicanorum inclinanti, pro phytica gratiz mo-
tione, significasse fertur, *se impetraturum ab omnibus Europa se-
clariis, ut huic definitioni subscriberent.*

ANIMADVERSIO.

Egregiam fani capitis observationem! Quidni ergo Augustini do-
ctrinam hac ipsa consideratione impetendam aggreditur? Namque
pari, ac majori etiam audacia, qui gratiam necessitatem inferen-
tem, seu testè, seu apertè defendunt, errorem Augustiniani nomi-
nis umbra tegunt, seque nihil a summo divinæ gratiæ Magistro
diversè sentire profitentur. Imò Augustiniano longè lubentius,
quàm Thomistico nomine gloriantur. Apagè itaque dolosas il-
las, ac mendaces errantium professiones; quibus familiare est,
cum catholicè, rectèque sentientibus doctrina, sensuque conjuncti
videri velle. Quidni & ego clarigationis jure contrariam obser-
vationem opponam? Quandoquidem, & Arminiani hæreseos Se-
mipelagianæ professores, nihil se a Molinianis diversè sentire con-
tendunt.

Janseianos quinque famosarum propositionum defensores, at-
que adeo potiori jure Calvinistas, Thomistico nomine per sum-
mam injuriam gloriari; eosque a gratiæ prædeterminantis profes-
soribus procul abire, ingenuè fassi sunt Societatis Theologi primæ
notæ: & Danielis in iisdem promiscuè confundendis audaciam in
antecessum repressere.

Joannes Martinez de Ripalda lib. 2. Operis adversus errores Mi-
chaelis Baii, disp. 14. sect. 5. Falluntur, inquit, *aperse, qui asser-
tores phyticæ prædeterminationis, a Bajanis* (hoc nomine Janseia-
nos indigitat) *non dividunt: & fallunt Bajani volentes persuade-
re, suam ab eorum sententia non esse diversam.* Tum assignato
quadruplici inter utroque discrimine: *Ex his, inquit, constat Ba-
janos a Thomistarum sententia distare in tradenda definitione, &
condicione libertatis.* Quippè Thomista constantissimè ruentur liber-
tatem non posse cum necessitate antecedente componi; denique
potestate ad utrumque indifferenti adimi libertatem. Bajani verò
libertatem cum necessitate antecedente conjungunt, & indifferentiam
potestatis ad utrumque necessariam ad libertatem instanter explo-
dunt, & absque potestate ad utrumque indifferenti voluntatem hu-

Kkkk ij manam

manam mereri, & demereri posse tuerentur; nec ad hanc libertatem aliam conditionem desiderant, quam voluntariam; & spontaneam, qualis competit dilectioni necessariae Dei. A quo Thomistae procul recedunt. Unde frustra Bajani in sui tutelam eos sibi advocant patronos.

Franciscus Annatus in libro Romae edito, quo tempore Jansenii causa penderet, cui & titulum dedit: *Jansenius a Thomistis gratiae per se ipsam efficacis defensoribus condemnatus*, circa quinque propositiones, quae Romae examinantur, Scholae Thomisticae adversus Danielis obtestationes causam agit, sub ipsum scriptionis initium. *Janseniani Theologi*, inquit, seu ut errorem tegant, seu ut in eo periculo, in quo versantur, Patres Dominicanos habeant propitios, adulatoria quadam simulatione fingunt, pugnare se tantum pro gratia physice praedeterminante, quam vocant gratiam per se ipsam efficacem: nec aliud spectare, quam ut facta recta sit illa doctrina, pro qua tanta contentione disputatum est, sub duobus Pontificibus in Congregationibus de Auxiliis: & quia dicuntur id aliquibus persuasisse, interesse puto, tum communis boni veritatis, quam omnes quaerimus; tum privatae Thomistarum dignitatis, auctoritatisque, quam non expedit in censura damnabilium propositionum implicari, ut omnes intelligant, praecipuos defensores gratiae physice praedeterminantis, & qui causam illam ardentius egere circa tempora dispensationum, contraria omnino posuisse principia principis Jansenianis; quod, ut spero, Lector aded perspicue intelliget ex opposita doctrina illorum Thomistarum ad quinque propositiones Jansenii; ut non dubitem, quin mecum dicturus sit, eos, qui tam facile sibi patiuntur imponi a Jansenistis, alterutram necessario Theologiam nescire, nempe vel Thomisticam, vel Jansenianam. Haec ille, cui maxime procuratae quinque famosarum propositionum damnationis gloriam tribuunt Societatis Scriptores. Iis paria habet in *Informatione de quinque propositionibus ex Jansenii Theologia collectis*, aliisque passim libellis, sub idem ferme tempus elaboratis, ubi duodeviginti Thomisticae, ac Jansenianae doctrinae discrimina Lectorum oculis subjicit.

Joannes Martinonus, seu (quod anagramma purum est) Antoninus Moraines, in *Anti-Jansenio* pag. 708. Nulla est ex quinque illis propositionibus ad summum Pontificem missis, ut eas speciali censura notare dignetur, quam duo illi Ordines (Praedicatorum, & Jesuitarum) non damnent, & censura dignam judicent: nulla, cujus oppositum sibi certum esse non profiteantur: nulla denique, quam utriusque familiae Theologi, quosquos de his rebus scripserunt, non graviter insectati sint.

Stephanus Dechamps, lib. 2. de *Heresi Janseniana*, disp. 3. cap. 3. Quam

Quàm invidiosè novi dogmatis fautores queruntur, per Janseniani latus universam S. Dominici familiam peti! Quàm importunè jactant, eandem esse utriusque causam, nec illum Tridentinæ Synodi fulminibus percuss posse, quin iisdem physica prædeterminationis assertores omnes amburantur! Hoc in circulis apud imperitos, & mulierculas deblaterant; hoc in publicis Doctorum concersationibus urgent acerrimè; hoc in libellis, quos tam frequenter emittunt in lucem, magno verborum apparatu, ac pompa cum omnibus exposulant. At istud tamen falsitatem omnem superat, & ab iis cum stomacho ridetur, quibus utraque opinio nota est, atque perspecta.

Et disput. 6. cap. 9. Gloriantur licet Janseniani, tot se nuperi dogmatis patronos habere, quos physica prædeterminationis defensores extiterunt; verè tamen mihi videor esse dicturus, nullos huic doctrinæ insensiores reperiri, quàm qui post nratam Calvinì barem, ex S. Dominici Ordine, aliisque ejusdem sacramenti Theologis, majòris eruditionis, & ingenii laude floruerunt.

Tot illis Molinianæ Scholæ Professorum suffragiis nixa Schola Thomistica, Danielis insulto elidit; & commentitiam cum Jansenianis, & Calvinianis erroribus consonantiam abundè depellit, quin novis eam argumentis propulsare necesse sit. Solam in iis dictorum constantiam desideramus, quæ minùs profectò in aliquibus patuit; ut planè de fide nostra, (quam laudatis Opusculis integram pronuntiarunt) non ex veritate, sed ex causæ commodis, & pro temporum conditione statuisset videantur. In his est Franciscus Annatus, cujus varia fortuna (ut quidam non illepidè observavit) nedum Thomistarum sortis, sed & fidei arbitra fuit. Dum enim Tolosæ privatus degeret, & in nos pro Scientiæ Mediæ defensione styllum exerceret, eo judice eramus filii tenebrarum, Hæretici, Calvinistæ: Cùm verò Regiam urbem, & Aulam attigit, adversùs Jansenianos depugnaturus, ejus fortunam secuta est fides nostra: nullàque in nobis factà sententiæ mutatione, effecti sumus ex hæreticis, & filiis tenebrarum, filii lucis, Catholici, Orthodoxi, a Calvinianis, ac Jansenianis toto cœlo disjuncti; non utique merito, ac mutatione nostra, quæ nulla fuit, imò nec Christi gratia, sed Annati. Mirum dictu! Fidem Christi gratia non largitur, nisi cogitantibus, & volentibus; Annati verò, fideles nos ex novatoribus, etiam non volentes, imò nec cogitantes effecit. Faxint Superi, ut eandem in Danielis gratia efficaciam experiri aliquando contingat; quod tunc fortè fiet, si quam nunc in Thomistas iram exercet, in Calvinianos aliquando converrat.

Cardinalis Perronii dictum, putidis fabulis accensendum ostendi tam

tam multis vicibus, ut tædeat me, pigeatque, novam in confutando figmento operam ponere. Optandum, ut & ipsos fabellæ buccinatores pigere aliquando possiet; ut tot a me momentis convicti, repressique ab ea disseminanda temperarent. At vereor maximè, ne diu mihi illud Augustini contra Julianum lib. 3. *Operis imperfecti cap. 36.* usurpare necesse sit: *Toties dicere vera me piget, cum toties te dicere vana non pudeat.* Tu interim, amice Lector, si verum amas, fabellæ confutationem lege lib. 3. *Historiæ nostræ de divinis Auxiliis capp. 45. 46. 47.* in Gallicis ejusdem Historiæ Vindictis, *responsione 1. ad primam questionem cap. 16.* in *Epistola* Danieli Jesuitæ inscripta, haud longè a fine.

XLIIL.

LIBELLI SUMMA.

(Pag. 215. & 216.) Gratia efficaciam ex Scientiæ Mediæ directione suspensam, ubivis in Galliæ, Hispaniæ, Italiæ, Germaniæ, Lusitaniæ Academiis traditam dicit: è contra gratia se ipsa efficacis systema, necdum communi Catholicarum Scholarum calculo receptum, ante Bannesium. Quod ut probet, Calvino authore nititur, qui hoc ipsum Theologiæ Thomisticæ caput, suum faciens, adversam illi multorum sæculorum traditionem agnoscit, lib. 2. *Institutionum cap. 3. num. 10.* ubi hæc habet: *Voluntatem movet Deus, non qualiter multis sæculis traditum est, & credendum, ut nostræ postea sit electionis motioni aut obtemperare, aut refragari; sed illam efficaciter efficiendo.*

ANIMADVERSIO.

Pudeat Catholicum Professore, ad denigrandos Romanæ communionis Theologos, de Fide, ac Religione optimè meritos, Calvino authore niti, eundemque uti fidum Ecclesiasticæ Traditionis interpretem ostentare. Gratia efficaciam multorum sæculorum Traditioni adversam dixerit ille; quid ad nos? Dissto fidem adjungant, qui tali doctore, ac Traditionis expositore delectantur: nos alium ambimus. Cur ita Calvinus dixerit, in promptu est: nec mirum, si probet Daniel. Idcirco enim gratiam humanæ voluntatis arbitrium efficaciter efficientem, Majorum Traditioni repugnantem asseruit pseudo-reformationis Architectus, quia eam liberæ obtemperandi, aut refragandi facultati, quam multis sæculis creditam noverat, contrariam judicavit: (qua in re amicus illi Moliniani dexte-

dexteris conferunt.) At qui duo hæc sociari norunt, Reformatoris petulantiam cum supina Traditionis ignoratione conjunctam execrantur.

Quin suos ubivis defensores habeat gratiæ efficacia, ex Scientiæ Mediæ directione suspensa, haud ibo inficias : suis quippè rebus sat bene prospiciunt, quorum interest, ut corrasis undecumque discipulis, Scholæ suæ accessionem haud modicam faciant. At numero illos, autoritate, eruditione, quodque caput est, causæ meritis superare, id verò diffiteor. Quamquàm si numero cæteros vincerent, non ideo tamen meliori jure esse putandi forent ; cùm, & olim *paucos dumtaxat perfectæ gratiæ intrepidus amatores* (*Epist. ad August.*) circumspiceret D. Prosper, qui suas ipsi, in-promovenda Augustini doctrina, operas commodarent.

Cæterùm gratiæ se ipsa efficacis systema, necdum in Catholicas Scholas inductum ante Bannesium (hoc est, ante annum 1581. quo primam ille Prudentii de Monte-major periclitationem repressit) nemo dicat, qui primos adversæ sententiæ Magistros, ac Defensores, vel obiter legerit. Dicti falsitas brevi observatione detegitur. Alterum quippè necesse est : aut gratiam se ipsa victricem, atque efficacem poni, aut ejusdem efficaciam ex Scientiæ Mediæ directione suspendi. Fatetur id Suarez ipse *lib. 2. de Scientia futurorum condit. cap. 4.* Semel non admittenda Scientiæ Mediæ, ut gratiæ efficacia consistat, & infallibilitas divini decreti, & divinæ prædestinationis, debere necessariò admitti præmotionem physicam. Cujus hanc decretoriam rationem assignat : *Quia infallibilis consecutio effectus ex vocatione efficaci intelligi non potest, nisi aut ex physica efficacia, & prædeterminatione causæ, aut ex mera scientia Illa autem scientia non est alia, nisi hæc conditionata.* Ecquis verò scientiam illam conditionatam, seu mediam communi Scholarum calculo receptam dicere audeat ante Bannesium ; Molina ipso Bannesii æmulo, ejusque Sodalibus illius novitatem ultrò fatentibus ; ac etiam, quod mirandum magis, de inducta in Scholas novitate sibi plaudentibus ? Gratiā itaque prædeterminantem, ante id temporis, communi Scholarum assensu receptam fuisse, fatendum est.

Molinæ nota vox est, sub finem editæ *Concordiæ*, post explicatum, ac propalatum Scientiæ Mediæ systema, cui tota gratiæ congruæ moles incumbit. *Longior fui in hac disputatione, quàm optaram Quia tamen res est magni momenti, & valde lubrica ; & hæc nostra ratio conciliandi libertatem arbitrii cum divina prædestinatione, A NEMINE, QUEM VIDERIM HUCUSQUE, TRADITA FUIT, ideo satius hæc duxi paulò fufius explicare, ne forte*

forte eorum pressior explicatio efficeret, quominus mens nostra ab his, qui minus ingenio pollent, perciperetur.

Fonseca, qui inventæ Scientiæ Mediæ gloriæ Molinæ invidit, *tomo 3. Metaphysicæ lib. 6. cap. 2. quæst. 4. sect. 8.* postquam excogitatum a se ante annos triginta Scientiam Mediam declaravit, ita subiungit : Unum illud scrupulum injiciebat, ne hac ratione novum aliquid fortasse induceretur, quod non omni ex parte cum communi Patrum doctrina, aut diligenti Scholasticorum examine, & accurata lima conveniret. NEQUE ENIM QUISQUAM ERAT, qui hoc pacto libertatem arbitrii nostri, cum divina præscientia, aut providentia aperte, & (ut dicitur), in terminis conciliasset.

Vasquez 1. part. disp. 67. cap. 4. de Scientia Media instituto sermone Quid enim, inquit, antiqui Scholastici, qui hactenus scripserunt, tantum meminerint simplicis scientiæ visionis, & simplicis intelligentiæ, parum interest : tum quia ILLI DE HAC SCIENTIA SUB CONDITIONE NIHIL OMNINO DISPUTARUNT Quid igitur si nos aliam ponamus, cujus ipsi mentionem non fecerunt, neque negarunt?

Granado, 1. part. Tract. 5. disp. 3. sectione 2. Suarezium impugnat, qui Scientiam Mediam variis D. Thomæ, veterumque Theologorum testimoniis confirmarat. Fateor, inquit, nullum ex his testimoniis multum urgere. Cujus hanc rationem assignat : quia opinantur, scientiam futurorum, cum divino decreto habuisse infallibilem, & certissimam connexionem : hoc est, ut planius dicam, quia futura non Scientiâ Mediâ, sed notitiâ decreto nixâ cognosci contendunt. Ac tùm postea : Nec mirum est, inquit, si temporum decursu aliquid a THEOLOGIS RECENTIORIBUS EXCOGITATUM SÏT ; præsertim si firmis nitatur fundamentis, ut nostram hanc sententiam nisi persuadent multa, quæ subjiciemus.

Herice, 1. part. Tract. 1. disp. 7. cap. 1. n. 7. & 8. Primores, inquit, Scientiæ Mediæ patroni è nostra Societate sunt. Inter eos princeps Molina deinde P. Petrus Fonseca. Mox de ipso Fonseca hæc habet : Post relata Patrum testimonia satis expressa pro nostra sententia, in admirationem raptus, antiquos Theologos, ait ; ad hæc non attendisse, ET SCIENTIAM HANC E' TENEBRIS, IN QUIBUS TOT SÆCULIS JACUIT, NON ERUISSE. At mantissa obsonium vincit. Subdit, quippè Valentinus Herice, novo illo Scientiæ Mediæ figmento mentem pastus. In qua ego re divinam veneror submisit Providentiam, & singulare ipsius beneficium in nostræ Religionis Magistros collatum agnosco. Nam quo tempore duo Lutheri pestifera dogmata satanico flatu succensa magnum seditionum incendium excitarunt ; & Ecclesiam Dei mul-

multos annos fatigarunt ; alterum , quo falsa Evangelii specie homines ab Ecclesiae reverentia , atque obedientia subtrahere conati sunt , & Romani Pontificis potestatem elevari : alterum , quo liberi nostri arbitrii indifferentiam in operando funditus evertere , remque esse de solo titulo , & jam non liberum , sed servum arbitrium appellandum esse : hoc ergo tempore cum venenum suum magna dissimulatione propinabat Lutherus , serpebatque malum in plures ; (tantum in animo pietatis vinculis exsoluto impotens potest audacia !) contra utrumque dogma minimam nostram Societatem divino munere insignitam erexit Conditor omnium , & instruxit Dominus Exercituum ; eamque sanctissimus Ignatius Fundator noster egregius tam arcte dedidit Romano Pontifici , ut quarto solemniori obedientiae voto contra Lutheri inobedientiam obstrinxit , atque sacravit . Et doctissimos ejusdem familiae scriptores , ut canes ad custodiam , adversus hos lupos advigilantes , CAELESTI LUMINE PERFUDERIT , HACQUE ILLUSTRAYERIT SCIENTIA , qua libertas arbitrii contra Lutherum , & Calvinum , aliofque sectarios defendi possit Itaque ut singulari obedientia venenum inobedientiae , quod homines imbibebat , sanavit Ignatius , ita hac scientia condicionali satanicum dogma contra libertatem funditus evertitur .

Claudet agmen Jesuita Typhanius libro de Ordine , deque priori , & posteriori cap. 24. aperte professus , nullum alium Theologum ante Molinam , ne per somnium quidem , de Scientia Media cogitasse ; nec illam ullibi vel supposuisse , vel adhibuisse .

Si quis autem distincta Theologorum suffragia legere amat , qui gratiam se ipsa victricem ante Bannesium propugnarunt ; doctissimi P. Antonini Reginaldi posthumum opus adeat , ubi tota ferme parte 2. magna pompa , & singulari eruditione proferuntur .

XLIV.

LIBELLI SUMMA.

(Pag. 217. & 218.) Libello finem imponit , dato Lectoribus memento , ut qui gravem istam de gratia se ipsa victrici controversiam addiscere amant , a Thomistarum lectione sibi caveant ; sed praecipuum in Suaresio studium ponant , quo felicius nemo impeditisimas hoc de argumento difficultates eliquavit .

ANIMADVERSI O.

Egregiè monet vir Molinianus, quò suos in fide contineat. Certè Ethnicos Imperatores Christianorum librorum lectionem suis olim interdixisse, ne divinam lucem adspicerent, vetus prodiit Historia : verum futuros his demùm temporibus aliquos, qui artem imitari palam, suaque in commoda transferre vellent, vix quisquam existimasset. Ecce verò a Thomistarum lectione cavendum monet? Nempè, inquit ille, *quia nemo prudens, ubi lis agitur, de partis adversæ meritis ex partis alterius instrumentis iudicium ferret.* Sic fanè : at cur ergo de Scholæ Thomisticæ juribus, ex unius Suarezii lectione statueretur? Legatur itaque Suarez ; non invideo, modò ne partis adversæ Theologi negligantur. Hunc ego cæteris quibusve Societatis Scriptoribus Scholasticis antepono, ac summè veneror : utquæ de illius honore sollicitus vivo, ita Daniele adhortor, ut Cardinalis Perronii (cujus acre iudicium superiori pagina tanti fecit) de eximio viro censuram e Perronianis expungi curet, aliàs periculum est, ne gratiæ congruæ studiosi, ab ejus lectione, invitati licèt, ac moniti deterreantur. (*in Perron. Tit. Suarez*). *Suarez est le plus ignorant homme en antiquité, qu'il est possible. Les Jésuites de Turin n'apportèrent un livre de quoi ils faisoient grand cas. Je leur montray sans de passages, si impertinamment, fortement, & ignoramment tirés, que rien plus, & falsifiés aussi. Le P. Coëffeteau dit qu'on le renvoyoit pour le plus excellent Métaphysicien de tous les Docteurs. Je répondis, mais le plus souvent, ce n'est que sophistiquerie. Céluy d'encre tous les Scholastiques, qui a écrit plus mal de l'Eucharistie, c'est Suarez.* Quod ita Latine ionat. *Suarez in factis, & dogmatibus antiquis, mortalium omnium ignorantissimus est. Librum ab illo editum obulere mihi Jesuitæ Taurinenses, magno apud illos pretio habitum. Quibus ego innumera testimonia intento digito designavi, adeò ineptè, stolidè, & ignoranter ab illo extorta, ut nihil magis, atque etiam omnino falsata. Hunc acutissimum Doctorum omnium Metaphysicum haberi dixit P. Coëffeteau : cui respondi, sit ita ; sapius tamen puris, purisque sophismatibus evanescit. Suarez Scholasticorum omnium pessimè de divina Eucharistia scripsit.*

Hæc dum interim e Perronianis expungi curabit Daniel, alterum ego citra cujusquam seu Thomistarum, seu Molinianorum invidiam, Lectori meo monitum dabo, quo vicissim libello finem imponam : certaue mihi spes est, fore ut tanto ab æquis æstimatoribus plausu accipiat, quanto ab iis risu Danielis monitio excepta est. Tu autem, dilectissime, & venerandissime mihi frater, si ve-

si verè de his quæstionibus instrui desideras, sicut desiderare te convenit; ipsis beati Augustini disputationibus cognoscendis impende curam, ut in confisenda Dei gratia defæcatissimam, ac saluberrimam Evangelicam, Apostolicamque doctrinam intelligentiam consequaris. S. Prosperi verba sunt, sub finem Epistolæ ad Rufinum.

En tota vestra causa impulsæ, prostratæ, contritæ, & sicut pulvis, quem projicit ventus a facie terræ, sic a cordibus eorum, quos decipere cæperatis, si hac voluerint, deposito contentionis studio cogitare, projecta est. S. Augustinus lib. 2. contra Julianum capite 3.

F I N I S.



F A C U L T A S

Reverendissimi P. Magistri Generalis Ordinis Prædicatorum.

Nos FR. ANTONINUS CLOCHE, sacre Theologiæ Professor,
ac totius Ordinis FF. Prædicatorum humilis Magister
Generalis, & servus, salutem.

Tenore præsentium, & Officii nostri autoritate, licentiam facimus tibi Rev. adm. Patri Fr. Jacobo Hyacintho Serry Ordinis nostri, Doctori Sorbonico, & in Serenissimæ Reipublicæ Venetæ Academia Patavina Theologo Primario, typis edendi librum, cui titulus est, *Schola Thomistica Vindicata, seu Gabrielis Danielis e Societate Jesu Tractatus Theologicus adversus Gratiam se ipsa efficacem, censoriis Animadversionibus*, &c. dummodò prius approbatus fuerit a duobus ex Ordine nostro Theologiæ Magistris, aut Theologiæ Professoribus, & servatis alijs de jure servandis. In quorum fidem, &c. Datum Romæ die 17. Novembris 1705.

FR. ANTONINUS CLOCHE Magister Ordinis.

Registrata fol. 182.

FR. JOSEPH M. BROUET Magister & Socius.

A P P R O B A T I O

Theologorum Ordinis Prædicatorum.

Ordinis nomine attentè legimus librum inscriptum, *Schola Thomistica Vindicata*, editum a R. A. P. M. Hyacintho Serry Primario Academix Patavinæ Theologo; nihilque in eo deprehendimus Catholicæ fidei, aut bonis moribus repugnans, imò quamplurima observavimus, quibus tutissima, firmissimæque SS. Augustini, & Thomæ doctrina adversus ejusdem æmulos maximè confirmatur. Datum Venetiis die 1. Januarii 1706.

FR. ANTONIUS BONINCHI Magister.

FR. VINCENTIUS M. FERRO Magister, &
Illustrissimi, ac Reverendissimi DD. Venetiarum
Patriarchæ Theologus.

I N D E X

Materiarum, & Rerum notabilium.

A

- A** *Braham*. Fœdus cum eo a Deo initum quomodo perveret. Pag. 35
- Adamus*. Illius perseverantiam ex unico voluntatis actu, quod dæmonis tentationem superaret, omnino pendisse, gratis asseritur contra D. Thomam. 572
- Adrianus Imper.* Christo Jesu templa consecrare constituit. 85
- Adrumetini Monachi* in partes scissi, Augustini doctrinæ de Gratia partim adherent, sc. doctiores, partim ique pauci dissentiunt, sc. imperiti. 302
- Inter priores fuerunt Valentinus Cœnobiarcha, Sabinus, Florus, alique magnæ eruditionis Monachi; inter posteriores Cresconius, & Felix juvenes, ac malè sensum Augustini intelligentes. 303
- Nullam ad Augustinum legationem, Monasterii nomine, decreverunt. 304.
- Ægidius Romanus* distinctionem sensus compositi, & divisi haud secus, ac hodierni Thomistæ, usurpavit. 395.
- Ælredus Abbas Rievallensis* de Gratia victrici, gratuitaque prædestinatione, juxta Augustini principia disse- rit. 386
- Æternum*, seu *Holam* non semper sacris in literis durationem sonat infinitam, sed etiam longum tempus tantum. 34
- Æthmalotarcha* Judæorum quis, quæve illius auctoritas, ac potestas. 128
- Africani Præfules* Bisacenæ Provinciæ in Sardinia relegati, coacta Synodo, Scytharum Monachorum libellum approbant, Faustii errores confutant, Augustini doctrinam tuerunt. 356
- Ad sedes suas jam reduces Faustii libros expressè damnant, Augustini verò ad Prosperum, & Hilarium laudant; binam Fulgentii Ruspensis lucubrationem adversus Faustum probant, Epistola synodica ad Scythas Monachos data. 360
- Alexander Macedo* cur a Theophrasto Philosopho nec cognitus, nec pro dignitate exceptus sit. 5
- Alexander Severus* Christo Tempa ponere, cumque inter Deos recipere meditatur. 85
- Alexander VII.* Theologos Lovanienfes ad Augustini doctrinam servandam vehementer adhortatur. 405
- S. Ambrosius* ne quisquam seipsum bonorum operum auctorem faciat, monet: quin & bonas cogitationes Deo referendas docet. 455
- Animalium* ferocium nomine impie gentes, mansuetarum pecudum fideles Israelitæ in prophetarum oraculis præfigurantur. 51
- Anna* Deiparæ Mater duplex fortè habuit nomen. 145
- Annatus* (Franciscus.) Illius judicium de Clemente VIII., deque constitutionis ab eo Consultoribus Congregationum de Auxiliis. 518
- Fucata esse agnoscit Jansenianorum cum Thomistis concordiam. 628
- Illi potissimum procuratæ quinque famolarum propositionum damnationis gloriam tribuunt Societatis Scriptores. ibid.
- Illius varia fortuna, Thomistarum sortis, ac fidei arbitra fuit. 629
- S. Anselmus* in doctrina de Gratia Augustinianus est. 381
- Antipater* Herodis magni parens Idumæus genere, aut certè Ascalonita, Apollinis ædituus. 178. & seq.
- Arausicane* Synodi Canones ad extripandas reliquias Pelagianismi editi. cx

ex Augustini sententiis constati. [362](#)
 Eiusdem Synodi Canon [25.](#) exponitur. [528](#)
 Eiusdem Canon [24.](#) genuino sensui restituitur, & probandæ Gratiæ seipsa efficacia plurimum valere, ostenditur. [562. 563](#)
Arius Christi divinitatem inficiatus est. [186](#)
 Triplex Arianorum sectio.
 Ariana hæresis haud totum pervasit Orbem. [263](#)
Arnobius junior inter Augustini cultores jure censetur. [352](#)
Arphaxad nullo medio Cainane genuit Sale. [152](#)
Assimonai cur dicti Machabæi. [169](#)
S. Athanasius Gratiæ, & gratuitæ prædestinationis arcana referavit. [444](#)
 Nullius, nisi Christi Domini meritorum prænotionem, prædestinationem nostram præcessisse agnovit. [445](#)
S. Augustinus in quatuor libris adversus Pelagianorum Epistolas, Bonifacio I. inscriptis, doctrinæ suæ de Gratia, & Prædestinatione consensit, eamque magis confirmavit. [293. & seq.](#)
 Is ab omni opinandi novitate alieno fuit semper animo, quod Pelagiani ipsi ei exproabant. [415. 416](#)
 Gratiam seipsa efficacem docuit. [544](#)
 Multa Scripturæ S. Oracula ad rerum civilium ordinem pertinentia, ordini Gratiæ nonnunquam accommodat. [550](#)
 Semipelagianorum circa salutis initium errore laboravit usque ad Episcopatus exordia. [552](#)
 Duo loca ex libro ejus de Gratia Christi petita, quæ Gratiæ seipsa efficax adstruitur, a prava Danielis interpretatione vindicantur. [561](#)
 Celebris ejusdem Sancti Doctoris locus ex cap. [12.](#) libri de Corrept. & Grat. *Subvenum est* &c. fusè expenditur, & commentaria Danielis expositio multifariam elevatur. [570. & seq.](#)
 Illius in adstruenda Dei in corda hominum omnipotentissima potestate a Molinianis dissonantia exhibetur. [579. 580](#)
 A Molinianæ Scholæ partibus om-

nino alienus ostenditur. [586](#)
 Scientiam mediam Molina judice non agnovit. [587. & 631](#)
 Libros ad Simplicianum adhuc juvenis, & ante subortam hæresim Pelagianam adornavit. [589](#)
 Quæ ex iis operibus Moliniani obiciunt, intelligenda sunt de congruitate, quam facit gratia, non natura. [590. & seq.](#)
 Voluntatis assensum divinæ Gratiæ omnino tribuendum esse docet. [611](#)
 Ipsum non ex vitiatæ naturæ infirmitate, sed & ab indifferentia voluntatis humanæ, causarumque omnium subordinatione, Gratiæ seipsa victricis necessitatem petiisse, multiplici argumento demonstratur. [614. 615](#)
 Momenta, quæ ejusdem Gratiæ necessitatem probat, pro utroque hominis statu militans, ruuntque illius principia, si hæc ab innocentie statu exulat. [615. & seq.](#)
 Difficilis S. Doct. locus ex lib. de Corrept. & Grat. capp. [11. & 12.](#), quo diversa diverso innocentis, & lapsæ naturæ statui tribuere videtur auxilia, expenditur, & expeditur. [617](#)
S. Avitus Viennensis Faulti errores redarguit. [361](#)

B

B *Annesius* Prædeterminationem physicam prior excogitasse immerito dicitur. [606](#)
Baronius refellitur. [171](#)
S. Basilii Magni, & *S. Augustini* doctrina de Gratia mirè consensit. [441](#)
Bellarminus (Cardinalis) negat dari gratias sufficientes, quæ non percipiuntur ab eis, quæ conferuntur. [532](#)
 Libris *S. Augustini* ad Simplicianum auctoritatem adimit. [589](#)
 D. Thomam Præmotionis physicæ assertorem agnoscit. [623](#)
Benedictiones propriæ quo sensu a Jacobo filiis datæ. [173](#)
S. Bernardus in tractatu de Gratia, & libero arbitrio firmiter *S. Augustino* adheret, eamque Ecclesiæ linguam appellat. [381](#)

Be-

Bethlehem Juda natale Christi solum
prænuntiatur. 115

Bonifacius I. S. P. amorem, ac venera-
tionem suam erga Augustinum testa-
tus est. 192

Bonifacii II. S. P. ad Cæsarium Epistolæ
particulæ quedam. 364
Priscis ille Ecclesiæ Patribus Augusti-
num accenset. 413

C

Cæsarius lib. de Gratia, & lib. ar-
bitrio Fausti libros confutavit, Au-
gustini doctrinam defendit, atque il-
lustravit. 361

Cainam secundæ ætatis per mendum ir-
repit in Lucæ Evangelio. 153

Calviniani, alique hæretici quo sensu
se habere sacrificium, & Sacerdotium
contra Judæos contendunt. 26

Campanella sub vitæ finem a præconcep-
tis præjudiciis avocatus, domesti-
cam doctrinam amplexus est. 625

Quondam a Teophilo Raynaudo, ceu
ignorantissimus habitus, nunc a Da-
niele, aliisque sodalibus, uti vir ce-
leberimus commendatur, quod ipsis
visus sit prædeterminantem gratiam
impugnasse. 625

Capitula rescripto Cœlestini adjecta,
ejusdem Pontificis esse, negant in-
geniores Critici. 327

Eisdem Capitulis non modò duo Augu-
stinianæ doctrinæ capita, in erroris
suspicionem a Massiliensibus adducta,
fidei regulis inscribuntur, sed necessa-
ria eorumdem consuetudina proban-
tur. 328

Captivitas Babylonica tempore sacri-
ficia retinebant Judæi. 25

Carthaginensis, & Milevitane Synodi
Patres non solum erroris, aut novita-
tis Augustini dogmata de Gratia mi-
nimè insinularunt, sed divinæ gra-
tiæ hostes novis scriptis exagitandi
provinciam concordie suffragio eidem
demandarunt. 288

Cassiani liber de protectione Dei editus
fuit ante Carmen S. Prosperi de Ingra-
tis, imò & ante obitum S. Augusti-
ni. 333

Proscriptus fuit a Gelasio in Concilio
Rom. a Synodo Arausicana. 334

Item a pluribus Patribus reprobatur.
335

Catharinus (Ambrosius) ob concessum
Luthero, & Calvino Augustinum,
etiam à domesticis suis duris argui-
tur. 391

Cerdon primus Christum verum esse ho-
minem negavit. 185

Chanaam quo sensu Abraham, ejusque
semini data in possessionem æternam.
34. & 44.

Christus cur dictus *Expectatio Gentium*,
quæ illum ignorabant. 18

Quo sensu tota die flagellatus dictus
est. 59

Christi regnum futurum non terrenum
erat, sed cælestis, & quidem morte
sua acquirendum. 60

Ejus divinitas ex pluribus Prophetarum
oraculis comprobatur. 62. & seq.

Christus frequenter a Prophetis Deus
dictus, usurpato nomine Jehovah.
63. & seq.

Christi venditio, quartum Israelis sæ-
culus nunquam condonandum. 162

Christus quo sensu similis Moyse, quo
sensu major. 73

Quo sensu a Deo in Cruce derelictus.
ibid.

Verum se Dei filium dixit, non ado-
ptivum. 72. & seq.

Quo sensu extremi judicii diem se ne-
scire dixit absque æquivoco. 77

Etiam ut Deus, quo sensu dici possit
Minor Patre. 79

De Tribu Juda, ac de Domo David
verè ortus. 132. & seq.

Ex David ortus per lineam Salomonis.
143

Christi virtutum, & miraculorum nar-
rationem Pilatus ad Tiberium mittit.
81. & seq.

Christi apotheosis a Tiberio Cæsare
tentatur apud Rom. Senatum, sed
frustra. ibid.

Christus Incarnationem suam non pro-
moverit. 245. & seq.

Christum pro omnibus mortuum esse,
apertissime docet Augustinus. 315

Chri-

- Christus ex prævis meritis eligi debuit, si status Innocentiz diversa si gratia, diversa prædestinationatio. 616
Vide peculiares titulos rerum de Christo dictarum, maxime Messias.
- Circumcisio* quo sensu perenne signum est dicta. 34
- Circumstantia* congruæ ipso Dei Decreto providentur, utque congruant divina omnipotentia præstatur. 561
- S. *Clemens* R. P. fundamenta jecit, quibus tota de Gratia, & prædestinatione Augustini doctrina innititur. 423
- Eum ex apocrypha illius Epistola Augustino obicit Launojus. 424
- S. *Clemens* Alexandrinus Gratiz, & libertatis humanæ defensor. 437
- Clemens* VIII. controversias de divinis Auxiliis sedaturus, primariam legem edicit, ut cuncta ad S. Augustini mentem exigantur. 404
- Illius de Gratia seipsa efficaci mens. 546
- Quid de postrema Pelagianæ Sectæ periodo senserit. 569
- Celebrem S. Augustini locum ex cap. 12. libri de Corrupt. & Grat. *subventum est*, &c. de actuali gratia intellexit. 579
- Clementis* XI. P. M. damnatio libelli Doctoris Launoji de Ecclesiæ Traditione circa prædestinationem, & gratiam. 257
- Cælestini* I. Rescriptum ad Gallos Episcopos Augustini doctrinam maxime commendat. 325
- In eo Cælestinus distinguit quæ ex Prospero, & Hilario noverat, ab iis, quæ ex propria Sententia de Augustini doctrina pronunciat: quæ duo perperam miscet Launojus. 326
- S. *Congregatio* Ev. Fidei Quæstorum Decretum ejusdæmi Religiosi Instituti adversus gratiam per se efficacem, & gratiam prædestinationem expungit. 407
- Conimbricenses* S. J. Collegium opinionem de præmotione physica D. Thomæ, & antiquis ejus discipulis asserit. 621
- Consubstantialis* vox a Paulo Samosateno primum hæretico sensu iuncta,

Catholicorum deinde omnium usibus consecrata est. 543

Contensonius latum animadvertit discrimen inter philosophicam de prædeterminatione physica quæstionem, & sacrum de gratia seipsa victrici dogma. 619

S. *Cyprianus* Gratiz efficacitatis, ac necessitatis luculentissimus assertor. 433. & seq.

Ejus loca aliquot a Launojo interpolata restituantur, illustrentur. 435

S. *Cyrillus* Alexandrinus gemina de Gratia Augustinianæ doctrinæ capita asseruit, imò & eorum consecraria. 462

D

DAM Tribus Israelitica cur in Apocalypsi prætermissa in recensitione signatorum. 148

Daniel (P. Gabriel) ejus in adornanda hisce temporibus sua adversus gratiam se ipsa efficacem tractatione summa calliditas. 520

A Thomistis violata Sedis Apostolicæ statuta immerito queritur, ipse potius hac in re culpandus. *ibid.*

Mira illius confidentia, quæ ex una libelli sui lectione judicari liquidò posse existimat de utriusque sententiæ meritis circa divinæ gratiæ efficaciam. 524

Libertatem a necessitate ad merendum vel demerendum necessariam, cum gratia sufficiente confundit. 536

Vitreas argutias vana ostentatione commendat. *ibid.*

Scholæ Thomisticæ invidiam consolare satagit, quo ex capite sibi illa potissimum gloriatur. 549

Perperam succensuit Dominicano divinorum Auxiliorum Historico, quodd quarto Historiarum libro Protestantibus a pristinis suis de gratia necessitante erroribus nonnihil jam recessisse probaverit. 542

Gratiam se ipsa efficacem ineptè debuit. 545

Ignorat ea quæ Scholæ suæ Tyronibus obvia sunt. 547

Sa-

Sacra Scripturarum oracula ab gratiæ se ipsa efficacia defensoribus laudari solita futili responso declinat. [548](#)

Suam in eludendis hujusmodi Scripturarum oraculis subtilitatem a Semipelagianis mutuatus est. [551](#)

Sapientię Christi quę effata contra Augustini mentem exponit. [561](#)

Ab insigni sacre Araucanę Synodi depravatione excusari non potest. [565](#)

Imprudenter adversus Thomistas, Jansenii, ejusque discipulorum auctoritate certat. [568](#)

Augustini loca, quę probatur gratia se ipsa efficax, ad solam inspirationis &c. illustrationis gratiam incautę restringit. [569. & seq.](#)

Famulum ejusdem Augustini locum ex cap. 12. lib. de Corrept. & Grat. desumptum: *Subventum est*, &c. non exponendum de gratia actuali, sed de peculiari Dei providentia erga electos, imperitę contendit. [570. 571](#)

Novum ejus de gratia *indeclinabiliter*, & *insuperabiliter* operante commentum novem argumentis exploditur. [573. & seq.](#)

Illius futilis observatio circa disparem gratiam utrique statui necessariam ad perseverandum. [ibid.](#)

Magnum perseverantię donum plurimum deprimit. [577](#)

Se, suosque in usu Scientię Medię a Semipelagianis procul abire, parum feliciter probat. [583](#)

Scholę suę patrocinari S. Augustinum immeritę prædicat. [586](#)

Quę ex libris S. Augustini ad Simplicianum loca recenset, sibi, suisque nihil, aut parum profuit. [586. & 590](#)

Distinctionem sensus compositi, & divisi Thomistas ab annis centum excogitasse, ut Canonem 4. sessionis 6. Concilii Tridentini eliderent, falsę comminiscitur, eamque facilius inepitę deludit. [593](#)

Sophisma quo probare nititur gratiam se ipsa efficacem adimere potentiam resistendi, Exemplis, ac rationibus dissipatur. [596](#)

Aliud quod ex paritate gratię sufficientiæ præcise, P. Serry Tom. II.

ris, & efficacia obijcit argumentum exploditur. [597](#)

Apostoli verba, *Quid habes, quod non accepisti*, &c. *Quis te discernit?* futilibus responsis declinat. [598](#)

Quintuplici ratione refellitur secunda illius responsio, quę se ab iisdem Apostoli verbis nititur expedire. [600](#)

Admissam ab Scholę suę Theologis prævenientem gratiam physicę operari in intellectum, & voluntatem, gratias asserit. [608](#)

Illius insultus honori, & glorię ducunt Thomistę. [610](#)

Gratię se ipsa efficacia defensores intestino bello committere tentat. [612](#)

Deum peccati authorem a Thomistis fieri per summam calumniam dicit. [618](#)

Philosophicam Thomistarum opinionem de physica ad actum peccati præmotione, cum dogmate de gratia se ipsa victrici invidiosę confundit, [ibid.](#)

Præmotionem physicam in eodem S. Thomę articulo debellatam dicit, in quo eam Suarez, cujus magisterio gloriatur, traditam esse tacetur. [623](#)

Quę ex eodem S. Doctore adversum physicam præmotionem momenta congerit. [ibid.](#)

Gratiam prædeterminantem gratię necessitatem inferenti affinem esse lepida observatione probat. [626](#)

Monitum quo suam de gratia efficaci tractationem claudit, iniquum esse ostenditur. [634](#)

David a Jacob moriente minimę prænunciatus. [631](#)

Illi Christus promissus per lineam Salomonis. [644](#)

Deus ex eo, quod miracula patret, non ideo cum hominibus conversari censetur. [63](#)

Christi satisfactioem Deus acceptare tenebatur, & quomodo. [637](#)

Deus personarum acceptor non est, & quomodo. [670](#)

Dionysii Areopagitę de Deo naturę auctore pariente, dum sol obscuratus est, vulgatum dictum. [89](#)

M m m m De-

Doctrinam Augustini sequitur, & servat Romana Ecclesia Variorum de hac re Summorum Pontificum, & Conciliorum sæcc. 6. 7. & 8. testimonia 365. & seq.

Eam quotquot dictis sæculis florere, amplexi sunt, & summis laudibus commendarunt. 368

Item sæculis secutus Summi Pontifices, Præfatus, ac insignes Scriptores. 380

Ea tam procul abest a Lutheri, & Calvini erroribus, ut imd ex ea argumenta petantur ad illos refellendos. 390

Ab omni Baji, Janſeniiq; errore prorsus immunis plurium Summorum Pontificum diplomatibus declaratur. 403

Tum & a S. Congreg. Romanæ Inquisitionis. 407

Illam antiquorum Patrum doctrinæ omnino consonam Pontifices, & Concilia discretè pronuntiant. 413

Ejus antiquitas ab ipſo Auguſtino ostenditur, I. Ex ejus consensione cum Apoſtolo, II. ex Ecclesiæ precibus omni retro ætate, III. ex veterum Patrum testimonio. 416. & seq.

Dominium generale non officit, quò minus satisfactio stricti juris fiat ex bonis sub particulari satisfaciendi dominio positis. 435

Doris prior Herodis Magni uxor quo sensu popularis dicta. 183

E

Ecclesia nonnullos aliquando errores nondum plenè detectos toleravit, nunquam tamen probavit, aut commendavit. 261

Ecclesiæ supplicationes credendi legem statuunt. 315

Ecclesia Gallicana in partes scissa occasione Gottescalchi, S. Augustinum in controversiis de divina Gratia arbitrum habuit. 323

Augustini doctrinam a Janſeniana planè diversam sæpius declaravit. 409

Egeſippi duo distinguendi. 83

Electorum neminem perire, fides docet. 312

Elia Schola inter omnes apud Judæos celeberrima. 104

Elisabeth Jo: Baptiste mater quomodo de filiabus Aaron. 37

S. *Ephrem* Syrus Augustinianum de gr̃a de Gratia, & prædeterminatione statuit. 446

Evodius Uzalæ Episc. arbitrarè ad dirimenda Adrumetinorum dissidia deligitur. 305

Secundùm Augustinum sententiam suam fert. ibid.

Eusebii duas in Christo naturas ante unionem quidem admittebant, sed unicam post unionem. Varia circa hoc illorum commenta. 187

Eorum errores resutantur, momenta convelluntur. a 191. ad 197

Excitationes, & illustrationes, quamvis reale quidpiam sint, atque physicum, physico tamen modo voluntatem non movent. 610

F

Faustus, Gennadius, Arnobius junior, alique erga S. Augustinum malè affecti, censura in Lucidum a Synodis Arelatenſi, & Lugdunenſi lata turpiter abusi sunt. 350

Faulti. & Cassiani Opuscula in Synodo Romana a Gelasio proscripta. 355

Florentinius spuriam Pilati ad Tiburium epistolam vulgat, Actorum transmissorum comitem. 87

Fadus novum quale, & quomodo a Deo cum populo Judaico sancendum. 28 & seq.

Fonsæ S. J. Theologus inventæ Scientiæ Mediæ gloriam Molinæ invidit. 632

S. *Fulgentius* Ruspensis unus ex Africanis Episcopis in Sardinia relegatis, Faulti libros septem aliis impugnavit. 360

Is in sedem suam reſtitutus alios deinde tres addidit Scytis Monachis nuncupatos. ibid.

Futu-

Futura conditionata cognosci a Deo, non inficiantur Thomistæ: verum inter eos, & Molinianos de medio, in quo cognoscuntur, dissidium est. 547. & 558. 559.

G

G *Allicane* Ecclesiæ motus excitati ob Augustini doctrinam de Gratia sedantur, & hanc universi amplectuntur, & in Canones referunt in Synodis Arausicana, & Valentina. 308
Gelasius L Semipelagianos damnat anno 493., & contra Augustini, & Hieronymi obreptatores invehitur. 355
Genealogia Christi Dom. a Matthæo, & Luca descriptæ invicem conciliantur. 132

Eodem cum historia Veteris Testamenti conciliantur. 148

Matthæi Genealogia Josephi progenitores percenset, Lucas progenitores Mariæ. 139

Cur Josephi progenitores percenset Matthæus, qui nullas in Christi generatione partes habuit. 146

Cur tres gradus genealogici a Matthæo prætermissi. 148

Gentes, seu Gentiles. Illorum ad fidem vocatio primus veri Messie character. 11

Gentibus non minus, quàm Judæis salutem allaturus Messias. 12

Gentes præ cæteris idololatæ ad fidem per Christum vocandæ. 13

Gentibus etiam Christus Dominus prænunciatus. 16

Judæis Evangelium repellentibus, assumpti Gentiles, illisque prælati. ibid.

Gentiles assumendi in Levitas, & Sacerdotes. 22. 23

Genussum aliquot Presbyterorum difficultates circa librum de prædestin. Sanct. nullas turbas occasione Augustinianæ doctrinæ Genus, aut in Italia excitas, propterea significant. 321

Gottescalchi damnatio nullam Augustini doctrinæ injuriam infert. 372

- Gottescalchi causa judicata, Augusti-

ni doctrina summo in Ecclesia cultu excipitur. 379. & seq.

Granada S. J. Theologus arguit Suarezum, quod variis D. Thomæ, veterumque Theologorum testimoniis Scientiam Mediam probare voluerit. 631

Gratia unionis, cui innititur Christi satisfactio, antecedit ipsius satisfactio-nem: & id sufficit, ut hæc stricti juris dicatur. 235

Gratis per se efficacis nomine quid intelligatur. 422

Gratia adjuvans, præveniens & ipsa est in mente Concilii Tridentini. 566

Gratia adjuvans & *cooperans* juxta Moliniana principia solo nomine a præveniente distinguuntur, nihilque illi præter liberi arbitrii consensionem accedere opus est. 600

Gratia arbitrio subdita, ex Molinianæ Scholæ principiis fluit. 597

Gratia cooperans in voluntatem physice non influit, sed in actum. 611

Gratia congrua non qualicumque futurorum conditionatorum notitia nititur, sed ea quæ divino decreto prævia sit. 547. & 558

Gratia congrua fundamenta disjiciuntur. 560

Defensores ejus summam Dei in corda hominum potestatem ab Augustino toties commendatam ex integro salvare vix possunt. 579. 580

Quas illi fundere preces debeant, si ex doctrinæ principiis Deum orare velint. 582

Unde tantus sit eorum numerus. 631

Gratia se ipsa efficax. Illius eum humana libertate concordia ipsi etiam S. Augustino difficilis visa est. 540

Hæc duo tamen *conciliari* optime posse, variis exemplis demonstratur. 541

Gratia se ipsa efficacis nomen quis prior usurpaverit, haud satis exploratum. ibid.

Et si primùm Calvinio excidisset, Catholicum tamen sensum a Romanæ communionis Theologis postmodum obtinuit. 543

Eo nomine Calvinianorum de gratia M m m m ij ne

necessitante dogma concludi invidiosè
asseritur. *ibid.*
Innoxium Tridentinis Patribus visum
est. *ibid.*
Gratia se sola efficax variis Patrum, &
Conciliorum testimoniis demonstra-
tur. *ibid.*
Germani illius notio exhibetur. 545
546
Intimam ad Dei omnipotentiam, de-
cretumque, cujus est instrumentum,
relationem importat. *ibid.*
Illius oppugnatores negare hoc ipso
probantur, Deum operari in nobis
velle, ac perficere Christianæ pietatis
opera. 552. & seq.
Hæc ex 3. Canone, sess. 6. Concilii
Trid. probari optimè potest. 566
Indeclinabiliter, & insuperabiliter
operatur. 573. & seq.
Hæc ejus insuperabilitas, & indeclina-
bilis libero voluntatis arbitrio haud-
quaquam officit. 577. 578
A sola ipsius natura, non a Scientiæ
Mediæ directione oriri hæc insupe-
rabilitas potest. *ibid.*
Subtiliores ea de gratia controversiæ ex
libris S. Augustini ad Simplicianum
definientiæ non sunt. 583
Aliter cum voluntatis assensu conjun-
gitur quàm gratia sufficiens cum dis-
sensu. 597
Gratia se ipsa efficacis systema longè ante
Bannesium in Catholicis Scholis rece-
ptum est. 631
Gratia necessitantis assertores Augusti-
niano lubentius nomine gloriantur,
quàm Thomistico. 627
Gratia præveniens, & operans quam Mo-
liniani admittunt, vero ac physico
modo non agit in intellectum & vo-
luntatem. 609
Gratia sufficiens, Illius natura qualis a
Daniele aliisque Molinianis Professio-
ribus tanquam fidei dogma invehitur,
ab Augustini, communique Theologo-
rum mente aliena ostenditur. 525.
526
Vi gratiæ sufficientis, nec iubentur, nec
expectantur a Deo bona opera, quasi
eius unius ope se ipsa exerceant. 527

Ex Can. 25. Concilii Arauscani proba-
ri certò non potest gratia sufficiens. 528
Nec felicius ex cap. *Firmiter* Concil.
Lateranensis extundi potest. 529
Nec demùm ex cap. 11. sess. 6. Concilii
Tridentini. 530
Dari gratias sufficientes, quæ non sen-
tiantur ab eo cui conferuntur, parado-
xum est. 533
Non unius gratiæ sufficientis, ope sua,
cuique potestas inest, peccatoribus ut
convertantur; reprobis ut salventur;
iustis ut in accepta iustitia perseve-
rent. 539
S. *Gregorius* Nazianzenus Dei gratiæ
opera nostra bona assignat. 447
S. *Gregorius* Nyssenus efficaciam, ac ne-
cessitatem Gratiæ docet. 443
Grimani (Joannes) Patriarcha Aquilejen-
sis malevolorum invidia ad Romanæ
Inquisitionis Tribunal delatus, tan-
dem in Tridentina Synodo absolvitur,
eiusque doctrina, tanquam S. Augu-
stino conformis, probatur. Ejus rei
historica synopsis. a 395. ad 401

H

Hæreses de excisa hominis libertate
 sæculo XI. cadente, & XII. in-
eunte instauratæ a princ. piis Augusti-
ni ita non profluunt, ut etiam ex iis
confutentur. 387
Hæreses nullæ tribus prioribus sæculis
fuisse adversus Gratiæ necessitatem, &
potestatem. 422
Hebdomada, Danielis prophetia de Chri-
sto duce intra septuaginta hebdoma-
des orituro explicatur, ac defenditur
contra Judæos. 108
Hebdomades dierum duntaxat, & an-
norum adnotant Sacre literæ, nullas
decenniorum, Jubilæorum, & Sæ-
culorum. 110. 111
De septuaginta hebdomadam initio va-
riæ Interpretum sententiæ. 110
Heli Filius Mathath, non Melchi. 152
Herici S. J. Theologus gratulatur Soci-
tati, quod ejus Theologi Scientiam
Mediam eruerint ex tenebris. 632
He-

Herodes Magnus Judæorum comparatione alienigena. 178. & seq.

Afcalonita-ne fuerit, an Idumæus, dubitatur. 178

Utrumque quo sensu æternum. 180

Judæorum indigena quo sensu dictus a Strabone. 182

Quo titulo Judæos contribules suos ipsemet diceret. 183

Herodiani cur Herodem, tametsi alienigenam, uti Messiam coluerint Jerusalemis. 182

S. *Hieronymus*, visis primis S. Augustini pro Gratia tuenda laboribus, ita ejus doctrinam est demiratus, ut ab hujus argumenti tractatione tota vita sua superederet. 297

Eandem doctrinam se, ut suam, defendere profectetur. 298

Augustino gratulatur, quod totus cum Orbis Catholicus celebret, atque antiquæ fidei conditorem suspiciat. *ibid.*

S. *Hilarius* Pictaviensis divinæ Gratiæ defensor. 443

Historicus (Dominicanus) Congregationum de Auxiliis Innocentii X. Decreto obtemperans, unam facti fidem earum Actis adjudicat. 521

Homo purus, quibuslibet gratiæ donis cumulatus, dignam Deo satisfactionem pro peccato pendere non valuit, sed tantum Homo Deus. 216

Contrariæ Sententiæ fundamenta diluuntur. 218. & seq.

Homine non peccante, Dei Verbum humanam carnem non sumsit, sive passibilem, sive impassibilem. a 238. ad 240

Argumenta in contrarium diluuntur. a 240. ad 243

Hominem lapsum pristina libertate devotum esse, Fidei dogma est. 312

Non est in ejus potestate, ut vocatio congrua sit. 598

Ex vitio, & infirmitate naturæ illius oritur quoddam inefficaci gratiæ voluntas assentiri in actu secundo non possit. 598

Si quæ ipsi gratia efficaci destituto peccandi necessitas insit, consequens est, ac voluta, subindeque culpanda. 199

In statu innocentie gratia se ipsa vitæ indigebat. 617

Et se ipsum movet, ac determinat, & movetur, ac determinatur ab alio. 622

Hormisdas in Responso ad Possessoris Episcopi literas, Fausti libros rejicit, catholicam Augustini de gratia, & libero arbitrio sententiam dicit, ejusque libros, præsertim ad Hilarium, & Prosperum datos commendat. 358

Hugo a S. Victore tam constans Augustini cultor, & sectator, ut alter Augustinus vulgò audiret. 383

Distinctionem sensus compositi, & divisi, qualis nunc a Thomistis usurpatur, adhibuit. 593

Humanitatem in Christo veram fuisse, contra Cerdonianos, alioque eorum assecclas, ostenditur. 189

I

Jansenius Prædeterminationem physicam prorsus non fustulit. 568

Eam suo sensu necessariò admittendam probat. 606

Molinianos arguit non secus ac Thomistæ præmotionis physicæ defensores, quod motiones tantum morales Deo tribuant. *ibid.*

Janseiani Thomistico nomine per summam injuriam gloriantur. 628

Ex damnatione primæ propositionis Jansenianæ non sequitur iustis sufficientem ad orandum gratiam talem adesse, quæ illi ad orandum re ipsa sit satis, ut efficacem ad implenda præcepta gratiam cælo devocent. 535

Ex *tertiæ* item Jansenianæ propositionis damnatione gratiam sufficientem omnibus dum urget præceptum, promiscuè dari, haud bene sequitur. 536

Idolatria dato Apostolis Christi mandato, *Euntes docete omnes Gentes*, destinatione ex tunc abolita. 15

Jechonias quomodo sterilis dictus. 169

Jehovah Dei nomen Christo a Prophetis tributum. 69

De solo Deo vero dicitur. 68

Jeremia locus cap. 33. v. 16. expenditur. *ibid.* & seq.

Jc-

- Jereboam* a Jacob moriente minimè præ-
nunciatus. 121
- Jerofolyma* materialis in sempiternum
everfa. 39
- Jerofolymæ* Spiritualis inftauratio pro-
miſſa. *Vide v. Templum.* 40. & ſeq.
- S. Ignatius* Martyr Chriſti gratiam ſate-
tur. 426
- Incarnatio.* Divini Verbi Incarnationis
per ſe ſpectatæ nulla fuit neceſſitas.
211
- Liberandi hominis plures modi fuerunt
præter Incarnationem. 212
- Injuria* gravitas ex læſæ perſonæ dignita-
te perpenditur, vis verò ſatisfactionis
ex perſonæ ſatisfacientis conditione
reputatur. 218
- Injuria* ſola ablata rei reſtitutione non
refarcitur; aliàs nullum diſcrimen
inter nudam reſtitutionem, atque ſa-
tisfactionem intereſſet. 219
- Innocentius* XII. Auguſtini ac D. Tho-
mæ doctrinam plurimum commendat,
eamque Academiæ Lovaniæſi propo-
nit, quod de hoſtibus orthodoxæ fidei
triumphet. 406
- Joachimi* Chriſti proavi in illius genealo-
gia diſtinguendi. 149
- S. Joannes* Chryſoſtomus in doctrina de
divinis Auxiliis, & prædeſtinatione
Auguſtino ſuffragatur. a 448. uſque
ad 455
- Quo ſenſu intelligendus ſit, cùm do-
cet, Deum expectare bonas homi-
num affectiones, ut merentibus gra-
tiam largiatur. 450
- Loca duo ex Chryſoſtomo adverſus gra-
tiam efficacem a Launojo jactata, ex-
plicantur. 453
- Jonathas* a toto Judaico populo electus in
Ducem. 172
- Joſephus* (Flavius) Veſpaſianum Im-
peratorem, uti Meſſiam agnovit. 182
- Joſias* quomodo genuerit Jechoniam in
tranſmigratione Babilonis. 149
- S. Irenæus* Martyr gratuitam prædeſtina-
tionem diſcretiſſimè attruit. 428
- Judas* filius Jacob. Judæ ſceptrum, de
quo Jacob Genſ. c. 49. non pecu-
liaris eſt Tribus, ſed totius Judaicæ
Genti. 166
- Judæ Tribus ſceptri proprietatem ami-
ſit in Jechonia. 169
- Quas proprias Benedictiones acceperit,
quas toti Judaicæ genti communes.
173
- Judæ ſceptrum in ſpirituale commuta-
tum propria Judæ benedictio cenſenda
eſt. 174
- Judæ ſceptrum ablatum, Herode re-
gnante ex gratia Roman. 176 & ſeq.
- Judæ nomine, a quo non erat auferen-
dum ſceptrum, ſors ipſa, atque poſ-
ſeſſio Tribui illi aſſerta, intelligi ne-
quit. 166
- Cur ſoli Judæ denunciata benedictio,
quæ Judaicæ genti deſtinata erat. 173
- Judas* Iſcariotes ex clectorum numero
non erat, ſed filius perditionis. 312
- Judai.* Cur illorum tam pauci ad Chri-
ſtianam Fidem traducantur. 4
- Qualem ſibi promiſſum Meſſiam ani-
mo ſingant. 4
- Quam præpoſterè mortiferam ſecuti li-
teram, Scripturarum de Chriſto Va-
ticinia interpretentur. 5
- Quæ doctrinæ capita ſtatuenda, atque
probanda, ad falſa illorum de promiſ-
ſo Chriſto præjudicia reſellenda. 6
- Judæorum perfidia, cæcitas, primariæ
adverſus eodem demonſtrationis loco
habenda. 7
- Servari illos toto Orbe diſperſos, ac
perennare, præſtat Eccleſiæ Catholi-
cæ bono. 9
- Judæis Evangelium primò prædican-
dum fuit: eis verò repellentibus,
Gentilibus nunciandum. 16
- Judæi amiſſo Templo, offerendi Sa-
crificii jus amiſerunt. 22
- Nulla nunc apud eos vera Religio. 25
- Calvinianorum exemplo, etſi aliunde
peſſimo, cauſam ſuam tueri nequeunt.
26
- Illorum diſperſio ad Mundi finem du-
ratura. 46
- Quàm vana inſtaurandi Templi ſpe de-
ludantur. 37
- Quinam Judæi per Chriſtum colligen-
di. 44
- Judæi Chriſtum nunquam morituros,
ctiam eo vivente, cœmementi ſunt. 53
- Qua-

- Quenam, & ubi regna sua fingant. 125
- Prædens Judæorum dispersio, ac misera servitus, non aliunde, quam ex morte Christi illata. 162
- Non idem castigati, & exilio damnati, quod Christus noster divinitatis titulos affectarit. 164
- Non idem castigati, quia boni, & Deo dilecti. ibid.
- Judæorum Resp. aristocratiz formam induit post captivitatem Babyloniam. 169
- Vitzæ ac necis potestatem tenuere in suos, etiam regnantibus Herodis filiis, ac nepotibus. 177
- Judæorum Duces non semper electione facti, post captivitatem Babyloniam. 172
- Judæi Cæsareæ habitatores Herodem genere Judæum obtinent. 181
- Judææ sceptrum quo distinctè tempore sublatum sit. 176. & seq.
- Julianus* apostata Jerosolimæ Templum insaurare aggressus portento deterretur. 38
- S. Justinus* Martyr hominum salutem Deo adscribit, in Deo solo spem omnem reponendam, atque ab eo salutem, & auxilium petendum esse, docet. 427
- Testimonium illius ex spuris ejus Questionibus producit in Augustinum Launojus. ibid.
- L
- L** *Launojus* (Joannes). Traditionis illius de Gratia, & prædestinatione adversus D. Augustinum, summa. 255
- Ejus Libelli damnatio. *V. Clementis XI.*
- Launojus Lutheranos, Calvinistas, Janſenistas &c. Discipulis S. Augustini temerè accenset. 265
- Launoji censuræ in Augustinum refutantur. 310. & seq.
- Launojus tanquam iniquus in SS. Augustinum, & Prosperum revincitur. 317.
- Violatæ Catholicæ fidei reus deprehenditur, & semipelagianorum errorem probare convincitur. 323
- Iniquè de amplificato præter jus, & æquum Cælestini Rescripto Prosperum accusat. 337
- Iniquè item S. Augustino nonnullos pseudoreformatorum errores assignat, quos ipſius Augustini verbis Tridentina Synodus confodit. 392
- Iniquè etiam aliquot S. Doctoris sententias erroris insinuat, aut in prævium sensum detorquet, quas vel fidei regulis inferuit, vel inter orthodoxas numeravit eadem S. Synodus. 393
- Judicio ipse suo cadit, universasque D. Augustino affectas calumnias unica periodo subvertit. 410
- Ambrosium adversus Augustinum statuit, illius sensum haudquaquam afsecutus. 456
- Leoſus* Ord. Præd. Theol. Judicium ejus de sufficienti Auxilii notione a Molinianis tradi solita. 525
- Philosophicam de præmotione physica opinionem a sacro dogmate de gratia seipsa victrici plurimum esse dissimam, ac disjunctam, in Congregationibus de Auxiliis felici exitu demonstravit. 618
- Ducenta, & amplius monumenta congestit, ut dogma de Prædeterminatione physica D. Thomæ assereret. 621
- Lex* Mosaicæ a Christo promissa abroganda, novaque condenda. 28
- Sublato Sacerdotio ultra stare non potuit. 27
- Lex, & pactum idem in Scripturis sonant. Cur ita? 30
- Lex vetus quo sensu bona, & tamen abroganda. 32
- In Monte Sina Lex data est uni Judaico populo, a Christo vero alia condenda omnibus Gentibus communis. 29
- Quo sensu perenniter duratura dicta est. 33
- Lex* Leviratus quid ita dicta, & quos astringebat. 140
- Lex* Nova cur ita appellata? 30
- Talis esse debet, ut ad ejus observantiam omnes Gentes obligarentur. 31
- Ver-

Verba, quibus nova Lex promittitur, non comminantis, aut indignantis Dei sunt, sed veterem obliterantis. *ibid.*
 Veteri Lege abrogata, & nova subrogata, non ideo Deus consilia sua mutavit. 32
Libertas primæva hominis duo continebat, immunitatem à culpa, & immunitatem à poenis. Priorem Baptismus restituit, non item posteriorem. 313
 Libertas humana cum gratia seipsa efficaci optime conciliatur. 592
 Illam non offendit, sed profundit suppositio antecedens, quæ ex infinita primæ causæ, primique moventis virtute progreditur. 596
 Liberum hominis arbitrium magis, quàm Gratia potestatem priores Ecclesiæ Patres commendarunt, & cur? 422
Librum Augustini de *Natura, & Gratia* ab Episcopis Africanis missum probavit, & commendavit Innocentius I. 282
 In eo Gratia seipsa victrix, & gratuita prædestinatio defenditur. 284. & seq.
 Libri *Hypognosticon* quando adornati fuerint, variè opinantur Eruditi. 320
 Adversus Pelagianismum editi sunt, *ibid.*
 Fœdus de iis Launoji anacronismus, aliæque aberrationes. *ibid.*
 Eos non modò pro Augustino, sed Augustino, Catholicæque sinceritati manifestissimè adversos pronunciarunt Remigius Lugdunensis, & Prudentius Tricassinus. 321
 Libri de *vocatione Gentium* quem habere Autorem, non eadem est omnium Criticæ peritorum sententia. 339
 A severiori Augustini sententia non deflectunt. 340
 Illorum Autorem, sapientem Ecclesiæ Magistrum vocat Gelasius S. P. 342
 Liber de *Divinis Nominibus* falsò S. Dionysio Areopagitæ ascribitur. Eo frustra utitur Launojus adversus S. Augustinum. 425
Lingua Hebraica quædam habet futura, quæ sola punctorum massoreticorum

mutatione ex activis passiva fiunt, vel è contra. 68

Lucas Evangelista. *V. Genealogia.*

Lucidum in Arelateni Synodo damnatum, fidem S. Augustini discipulorum, totiusque ejus sectæ principem dicit Launojus, sed non probat. 347
 Eum procul ab Augustino, ejusque discipulis abiisse, propositiones ab ipso in Synodo Arelateni ejuratæ luculenter ostendunt. *ibid.*

Lutbero, & Calvino qui Augustini doctrinam favere dicunt, inconsultè nimis faciunt, sanctumque Doctorem ita Ecclesiæ eripiunt, ut vilis fiat apud Hæreticos ejus autoritas. 390

M

Machabai. V. Assamomei.

Magister Sententiarum distinctionem sensus compositi, & divisi non secus ac hodierni Thomistæ, usurpavit. 594

Mardochei dictum (Esth. c. 13.) *Non est qui possit sua resistere voluntati* &c. de temporali Judæorum salute sic debet, intelligi, ut Dei in decernendo quæcumque voluerit, ineluctabili potestati possit accommodari. 549. 550

Ex eo non sequitur, efficaci gratiæ non posse resisti, nisi potentia, ut ajunt, consequente. *ibid.*

Maria Virgo. Eam vere Dei matrem, sive Deiparam & esse, & jure vocari posse contra Nestorianos, defenditur. 202. 203

Maternitatem promeruit quidem merito congrui, at non condigni. 248

Martinus (Joannes) Soc. J. Theol. quinque famosas propositiones a PP. Prædicatoribus damnari fecit. 628

Massilienses. Eorum querimonie adversus Augustinum a Launojo instaurantur. 307

Viso Rescripto Cælestini I. priores Augustini libros, quibus Pelagianos oppugnavat, commendari vocitabant, non verò extremos, quos ad Adrumeti, & Massiliæ sopiendos tumultus, lucubraverat. 335

Hos

Hos etiam extremos Coelestinum, imò potissimè comprobasse, dilucidè ostenditur. 336

Quis eorum concertationis in Augustinum exitus fuerit. 365

Quæ Augustinus de prædestinatione adversus Pelagianos disputaverat, Patrum opinioni contraria obtendebant. 412

Ex doctrina S. Augustini de gratia inclinabiliter, & insuperabiliter operante offensionem passi sunt, quod ipsum de actuali gratia loqui bene noscent. 576

Massonius [P. Antonius O. P. Theol.] physica præmotionis ab æmulorum insultibus defensor egregius. 606

Matthæus Evangelista. V. *Genealogia*. Meritum. Principium meriti non cadit sub merito. 245

Dari potest id, unde meriti valor non oritur, intuitu futuri meriti, secus id, unde totus nascitur meriti valor. 247.

Merita nostra, quibus felicitas æterna obtinenda est, nil vetant, totum Dei esse. 471

Messias, humilis, & pacificus, non bellator & manu fortis. 46. & seq.

De Messia bellatore stulta, & futilia Judæorum commenta. 46

Quo sensu Messias bellicosus, quæve bella geret, & arma tractabit. 48

Messias moriturus, & quidem morte turpissima. 54

Mortis hujus circumstantiæ omnes a Prophetis prænuntiæ. 55. & seq.

Stante adhuc secundo Salomonis Templo, Messias nasciturus ostenditur. 100. & seq.

Vetus Judæorum opinio, Messiam eo tempore venturum fuisse, cum Christus noster re mundo illuxit. 104

Messia oriente, quo sensu peccatis finis futurus. 112

Messias floreante adhuc Romanorum Imperio mortalibus oriturus erat. 113

Item stante adhuc Bethlehemo. 115

Judæ scepro ablato, Judæis & Gentibus oriturus. 117. & seq.

Præf. P. Serry Tom. II.

Messia adventus ob Judæorum peccata minimè dilatus. 160. & seq.

Quam multi Judæorum Messia titulum æmulati sint. 105

V. etiam *Christus*.

Molina. Quæ Discipulorum ejus modestia in suis de divinæ gratiæ Auxiliis tractationibus. 518. 519

Illius doctrina ex sola Ecclesiæ tolerantia doceri permittitur. 523

Quo pacto Deum sua præveniente gratia certè, & infallibiliter operari dicat, ut bonum agamus quod a nobis fieri efficaciter vult. 533

Exteriorē duntaxat gratiam, ac torrenscentem insonantem necessariam putat, ut quis absolute, & simpliciter credat; quamquam non ut ad salutem oportet. 535

Desiderium fidei, primosque ad eam impetrandam conatus, dispositiones, ac motus solis naturæ viribus tribuit. *ibid.*

Eo tantum sensu gratiam dicit dari gratuitè, quod nullum eam meritum anteverrat, non quod nulla præveniat dispositio. 556

Illis dispositionibus sive conatibus prævenientem gratiam ex lege, & pacto debitam esse comminiscitur. 1. *ibid.*

Qua ratione nihil nos sine Deo agere posse concedat. 557

Ira Deum bonorum omnium authorem esse fatetur, ut propria tamen laus, & industria libero hominis servetur arbitrio. *ibid.*

Bonum liberi arbitrii usum innatè libertati adscribit, ejusque assensum gratiæ, ipsius effectum gratiæ negat esse. 554

Deum voluntatem nostram expectare docet. 563

In adstruenda Dei in corda hominum omnipotentissima potestate multum ab Augustino dissidet. 579

Augustino insultat, quod Scientiam Mediam ignoraverit. 587

Quod ab eo ejusque discipulis systema defenditur, ab Augustini hypothese longè distat. 591

Juxta illius principia discretionem *N a n n* unus

unius ab alio, non facit gratia, sed liberum arbitrium. [599.](#) & [600](#)
 Ex ejusdem principii sequitur gratia arbitrio subdita. [603](#)
 Physicæ motionis vocem fucare usurpant ejus discipuli. [610](#)
 Amicas Calvino dexteram conferunt. [631](#)
 Scientiæ Mediæ authorem se jactat Molina. [631](#)
Monachi Scythiæ Augustini sententiam de gratuita prædestinatione vindicant, Fausti libros anathemate feriunt. [356](#)
Monothelita ex erroris] nomenclatura nuncupati, unicam in Christo voluntatem adscribebant. [188](#)
Mundi duratio sex annorum millibus definita ab Eliæ Schola apud Judæos celeberrima. [104](#)

N

N *Abucodonosor* quid in Joachimum tentarit. [122](#)
 A Jacobo moriente nequaquam præ-nunciatus. [121](#)
Natham in Christi genealogia notatus, verus Davidis filius, non Uriæ, & à Davide dumtaxat adoptatus. [137](#)
 Alius profus est à Nathane Propheta. [138](#)
Naturarum in Christo distinctio satis fuit, ut ejus satisfactio alteri fieret. [234](#)
Navarretus [O.P. Theol.] Judicium ejus de gratia sufficiente, qualis a Suaresio exponitur. [525](#)
Nestoriani duas in Christo personas propugnarunt. [188](#)
 Eos contra unica in Christo, & quidem divina persona evincitur a [198.](#) usque ad 200.
 Argumenta illorum diluuntur. 201. 202
Nicolaus Damascenus projectus Herodis adulator a Flavio Josepho confutatus. [179](#)

O

O *Ratio.* Dominicæ Orationis formula Gratiæ efficaciam ostendit. [432.](#) [433](#)

Orationis gratia quibusque peccatoribus obvia, quoties præceptum incumbit, perperam ex fess. [6.](#) Conc. Trid. colligatur. [530](#)
 Orandi re ipsa perinde, ac implendi præcepti gratia efficax esse debet. [534](#)
Origenes Adamaus Pelagianorum amarus, & erroris princeps, tamen interdum de Gratia loquens prælusisse Augustino videtur. [438](#)
Orosius tentat a Tiberio Cæsare Christi apothecosis testis locupletissimus. [84](#)
Ortbea [Christophorus de J.] Variæ illius assertiones ab Innocentio XI. proscriptæ. [596](#)
 Quid de Castellanis, ac Toletanis S. J. Theologis referat. [621](#)

P

P *Aganorum* vetus expostulatio, fatalem necessitatem gratiæ titulo a Christianis cohonestari dictitantium, communem fuisse Ecclesiæ sensum de gratia per se efficaci, & gratuita vocatione, satis probat. [430](#)
Parabola. Ex Scripturæ sacræ Parabolis minus efficax petitur argumentum, nisi penes sensum a Spiritu Sancto intentum accipiantur. [528](#)
Patres Veteris Testamenti Incarnationem Christi non promeruerunt, sed ejus tantam adjuncta, & circumstantias. [247](#)
Patrum auctoritatem Ecclesia semper agnovit, etiam rationum, quibus nituntur, consideratione sepelita. [260](#)
 Patribus Græcis priorum sæculorum consentanea est Augustini doctrina. [414](#)
 Patres in speciem Augustino repugnantes in materia *Gratiæ*, & prædestinationis ab Augustino ipso conciliantur. [419](#)
 Patres priorum sæculorum de quibus ferè scribere solerent. [421](#)
 Patrum priscorum formulæ quædam loquendi ab Launojo sapius objectæ cum Augustino conciliantur. [465.](#) & seq.
Paulus V. Observatio Illustris. Rhe-men-

- mensum Archiepiscopi circa Referiptum Pauli V. ad Generales Prædicatorum, & Jesuitarum Præpositos datum, post solutas Congregationes de Auxiliis. **523**
- Pax*, quam bellator Messias hominibus allaturus erat, non earnis, sed spiritus fuit. **49**
- Peccatum, Peccatores*. Peccatum solum est verus hominis hostis, quem debellaturus erat promissus liberator. ibid.
- Cur à peccatoribus expectet Deus, quod efficacia dumtaxat gratiæ, qua destituuntur, ope exerendum est. **527**
- Peccatores ex cæcatis, & obduratis gratia sufficienti destitui, propugnat illustrium Theologorum bona pars. **536**
- Pelagius, Pelagiani*. Pelagius in Concilio Jerosolymitano, ut fidei suæ rationem redderet, id unum interrogatus est, num ab Augustino confutata deberet. **300**
- Pelagiana hæresis ab Nestoriana orta dicitur, quod ab ea majores vires acceperit. **244**
- Pelagiani nullos ex suis miserunt Romanam ad Bonifacium contra Augustinum, sed literis dumtaxat criminationes suas Romæ, ac Thessaloniciæ publicarunt. **290**
- Eæ literæ Augustini doctrinam specialiter non impetebant, sed plura Ecclesiæ dogmata. **291**
- Duas eas Epistolas refellendas ad Augustinum Bonifacius transmisit. **292**
- Pelagianos Episcopos in Galliis, nisi resipiscant, expelli a Gallicanis Provinciis mandatum fuit ab Imp. Theodosio, & Valentiniano: quod ut efugerent, Pelagianam mitigantes in Semipelagianam hæresim deflexerunt. **309**
- Pelagiani Episcopi in Africa Nestorio adhærentes, non Africam modò, sed totum Orientem commoverunt: ad quas turbas sedandas Ephesina Synodus indicta est. **319**
- Pelagianj postrema erroris sui periodo internam illuminationis, & inspirationis gratiam agnoverunt; nec eos tamen insequi destitit Augustinus. **579**
- Perrerus* [S. J. Theol.] D. Thomam præmotionis physici assertorem agnoscit. **622**
- Perronius* (Cardinalis). Quod ab eo dictum narratur summo Pont. ad partes Dominicanorum inclinati, putidis fabulis accensendum. **629.** & seq.
- Ejus judicium de Suarezio. **634**
- Petrus Lombardus* in controversiis de divina gratia, & prædestinatione Augustinum exscripsit, ejusque libros ultimè editos penè integros desloravit. **385**
- Photius* rectam rescripti Cælestini intelligentiam tradidit, illudque Augustino favere, omni licet in eum affectu vacuus, confitetur. **343**
- Pighius* (Albertus) Theologorum censuris notatur. **391**
- Pilatus* acta de Christi virtutibus, & miraculis ad Tiberium misit. **81**
- Ejus ad Tiberium Epistola apocrypha. **87**
- Pompejus* Judæos subegit, non eis tamen sceptrum eripuit. **122**
- Porphyrius* Judæus refellitur. **112**
- Potentia*. Varii potentie modi, quibus & peccatores converti, & reprobi salvari, & justi perseverare possunt in justitia. **537.** & seq.
- Prædestinationis* gratuite dogma inter certissima fidei dogmata reposuit Augustinus. **317**
- Prædestinationis gratuite nomine quid intelligatur. **422**
- Prædestinationis nostræ duo in Deo Decreta. **469**
- Prædestinationiani*. Hæresim Prædestinationam alij purum figmentum, alij ipsa extitisse opinantur. **345**
- Sive ea fuerit, sive non, nullum inde Augustinianæ doctrinæ præjudicium illatum. **346**
- Prædestinationum errores à S. Prospero confutati longissimè abstant ab Augustini doctrina. **348. 349**
- Prædeterminatio physica*. Hanc non excogitavit Bannesius. **607.**
- Eam admittit Jansenius; modò ex N n n n i j vitia-

viriatæ naturæ infirmitate petatur .

606

Deum non facit authorem peccati . 620
Ea movet Deus universa pro sua cuiusque natura, & conditione . 623

Præscientia quo sensu a prioribus Ecclesiæ Patribus accipitur . 457, 468

Promissiones de Christo mittendo absolute, non hypotheticæ . 159

Propositionum, quas ex Augustino Launojus summam excerpit, errorisque per summam ignorantiam innumerauit, veritas ex sacris maximè literis comprobatur . a 267 usque ad 274

A propositionibus, quas illi perperam Launojus affixit, S. Augustinus vindicatur . a 275 usque ad 278

Propositiones ancipites, quas ex S. Augustino delibavit, & in pravam sensum detorsit Launojus, recto sensu a S. Doctore propugnatae . 278 usque ad 281

Propositiones adversus Augustinum, ejusque doctrinam a Vallisoleana Inquisitione proscriptæ . 408

Propositiones hæc dux : *Deus donat nobis omnipotentiam suam, ut ea utamur, sicut aliquis donat alteri villam, vel librum : & Deus subicit nobis suam omnipotentiam, damnata* . 461

S. Prosperi Responsum ad Genuenses Presbyteros expenditur, & illustratur . 322

Ejus libros inter Orthodoxos recipiendos esse, Gelasius S. P. edixit . 334

Ejusdem sententias in fidei canones transtulit Synodus Arausica . ibid.

Protestantes depositis præjudiciis, pristinos reformatorum suorum errores de gratia necessitatem inferente exuerunt . 541. & seq.

Purificationis Lex a Mosè lata explicatur . 99

Q

Questiones, quas Cælestinus Pontifex contemnere non est ausus, nec astruere necesse habuit, quamnam sint . 331

Quartodecimani Spuriis Pilati Actis de Christi virtutibus turpiter abusi . 85

R

Rabanus, Amolo, & Hincmarus, qui Gottschalchum damnarunt, S. Augustini Sententiam, ut catholicam suspexere, summèque venerati sunt . 375. & seq.

Religio vera stare potest varias inter leges, & hæreses . 17

Nulla nunc apud Judæos vera Religio . 25

Regnum Judææ quo sensu æternum est appellatum . 130

Regnum Juda aliud temporale, aliud spirituale . 161

Regna nunc Judæorum fabulosa, ignota, impervia . 125, 126

Regna nec factio, nec jure obtinent Judæi . 129

Regni Damasci, & Samaritæ quomodo, nascente Christo, devastata . 49.

98

Regnum quartum a Daniele notatum Romanorum est, non Lagidarum, & Seleucidarum . 114

Reprobi quomodo a Deo deserantur . 311

Restrictionum mentalium usus impie Christi exemplo cohonestatur . 77

Ripalda (Joannes Martinus de, S. J. Theol.) Janseianos inter, & Thomistas quadruplex discrimen assignat . 627

Rupertus Tuitiensis Abbas Augustinianæ doctrinæ admirator, & vindex . 384

S

Sabbaticum flumen unde dictum . 126

Sacerdotium Leviticum per Christum abolendum, novumque inducendum . 19. & seq.

Quibus maximè constituitur Leviticum Sacerdotium . 19

Sacerdotium Judæis in poenam sceleris interdictum . 21

Sacerdotii Levitici perennitas quomodo a Deo promissa . 23

Ex sublato Lex Mosaica stare ultra non potuit . 25

54-

Sacerdotium Aaronicum temporarium fuit, & antiquandum, atque ad Gentium nationem transferendum. 22
 Sacerdotium Christi non secundum ordinem Aaronis, sed secundum ordinem Melchisedech futurum. 21
Sacrificia post Christi adventum non in Tabernaculo, aut Templo Salomonico, sed ubique offerenda crant. 22. & 23
Sanctus (Claudius) varium Augustinum in statuenda Sententia asserit: ob idque severe objurgatus fuit. 391
Satisfactio Christi Deo exhibitæ non ex Patris acceptatione sed ex ingenito valore nedum æqua fuit, sed etiam superabundans. 222
 Imò & simpliciter infinita. 225
 Nihilominus & nostra satisfactio requiritur, & cur? 228
 Argumenta contra eondignant, atque infinitam Christi satisfactionem diffipantur. 232
 Satisfactionis æquæ, ac stricti juris quod sit discrimen. 233
 Satisfactio stricti juris esse potest, etiamsi fiat ex bonis aliunde debitis creditori, si alii tituli, quibus ea bona debentur, in eandem recidant materiam. 236
Saul Rex a Jacobo moriente minimè prænunciatus. 121
Scelera quatuor Israelis, de quibus Amos cap. 2., quænam fuerint. 58. & 162
Sceptro Juda ablato Christus mortalibus oriturus erat, juxta Jacobi prophetiam. 117. & seq.
Scientia Media. Illius nomen toto suo opere reticet Daniel. 520
 Ad eam recurrere non est opus, ut certa futurorum conditionum notitia Deo asseratur. 562
 Hæc futurum voluntatis assensum explorat, non efficit. 563
 Semipelagianis ignota non fuit. 584
 Nusquam fuit Augustino probata, non modo quantum ad abulum, sed & quantum ad usum. ibid.
 Authorem illius Molina se jactitat. 631
Scientia simpliciter intelligentia. Ea dirigitur Deus in condendis suis decretis. 560. & 583

Scientia visionis. Per hanc futura conditionata certè cognoscuntur a Deo. 562
Semipelagiani. Hæresis Semipelagianæ dejectio, & profligatio i doctrinæ Augustinianæ triumphus. 354. & seq.
 Semipelagianorum pars altera gratiam prævenientem, & interiorem, verisatilem tamen, ac pendulam, ad bonæ voluntatis initia non negarent. 552. 564
 Quid de eorum erroribus nonnulli celebres Theologi sentiant. 565
 Illorum cum Molinianis in usu *Scientiæ* Mediæ summa affinitas. 582
Serry (P. Hyacinthus O. P. Theol.) a Daniele ludibriis dehonestatus, ab eodem postea eeu eruditus Thomista, ac celeberrimus Dominicanus commendatur. 549
Simon Machabæus a tota Judæorum gente electus in Ducem. 172
Sociniani Judæis scedere juncti in Christi Divinitate abneganda, reselluntur. 74. & seq.
Suarez (Franciscus, Soc. Jesu Theol.) satis esse ait ad hoc ut humana voluntas operetur, quod eam Deus operari sinat aut permittat. 554
 Eorum Theologorum sententiam pie explicat, qui dicunt posse hominem per vires naturæ a liquid efficere, quo primum gratiæ auxilium obtineat. 556
 Docet Deum ex sua liberalitate dare gratiam homini non ponenti obicem, & impedimentum per id, quod ex se facere potest. ibid.
 Gratiam libero arbitrio subditam dici amat. 597
 Moralem duntaxat causalitatem auxiliis excitantibus tribuit. 609
 Præmotionem physicam a D. Thoma disertissime traditam esse, vel invitatus agnoscit. 613
 Fatetur efficaciam gratiæ aliunde peti non posse, quàm vel ex *Scientia Media*, vel ex præmotione physica. 216
 Hunc Author cæteris Societatis scriptoribus anteponeit. 619
 Quid de eo senserit Card. Perronius. 630
Synodi Arelatensis, & Lugdunensis Ludicum

eidum damnando, Augustini doctrinam minimè damnarunt, sed impia Semipelagianorum confectaria ab Augustino, ejusque discipulis apertè rejecta. 349
Synodi Constantiensis solemnis præcatio singulis sessionibus præmissa. 388

T

T *Anaquillus* Faber Actorum Christi a Pilato ad Tiberium transmissorum impugnator refellitur. 85

Tellier (Caroli Mauritiile) Archiepiscopi Remensis Decretum adversus Launoji Traditionem. 473. & seq.

Templum Jerosolymæ nunquam instaurandum. 37. & seq.

Illius instauracionem tentantes Judæi sæpe repressi. 37

Ejus instauracionis spe quàm deludantur Hebræi. 39

Templo Salomonis adhuc stante, Messias nasciturus ostenditur. 100. & seq.

Nulla huic Templo pax temporalis constitit, postquam a Zorobabele instauratum est. 102

Templi profanatores, expilatores, everfores. ibid.

Tertullianus gratiæ necessitatem, & efficaciam tuetur. 431

Theodosius Imp. Augustini doctrinam commendat, eidem ob triumphatum Pelagianismum acclamat, ipsumque ad Ephesinum Concilium invitat. 299

Theologia Theologi. Nonnulli moderni Theologi Theologiam in Dialecticam transformare satagunt, quod maximè deplorandum. 237

Theologi Selecti Societatis Jesu, qui librum de ratione studiorum edidere, præmotionem physicam a D. Thoma doceri innuunt. 622

Alii etiam non pauci, ac primæ notæ *Theologi Jesuitæ* Janfenianos, & Calvinistas a Thomis procul abire ingenuè fassi sunt. 627

S. Thomas docet voluntatem nostram divina gratia moveri *immutabiliter*. 578

Distinctione sensus compositi, & divisi multoties, usus est. 594

Rectus illius distinctionis sensus ab eodem S. Doctore aperitur, ibid.
Gratiæ se ipsa victricis necessitatem ex vitiatæ naturæ infirmitate non secus, ac Augustinus derivavit. 614

Illum a physicæ prædeterminationis dogmate alienum gratis asserit Daniel. 621

Quo pacto dominium voluntatis in suos actus cum divinæ motionis infallibilitate conjungat. 623

Thomisæ. Quo capite a plerisque Augustini Discipulis in tuenda gratia se ipsa efficaci dissident. 568

Distinctiones variz quæ utuntur ad conciliandam libertatem cum gratia efficaci. 592

Voluntatis assensum divinæ gratiæ omnino tribuendum esse docent. 611

Probra quibus a Daniele petuntur cum SS. Augustino, Chrysostomo, & Bernardo libenter audiunt. ibid.

Deum non faciunt auctorem peccati. 618

Quod ipsis hac in parte objicere solent eorum æmuli, adhibita distinctione *emittatis*, ac *desermitatis* ab ipso Doctore Angelico usurpata, atque ab iisdem necessariò admittenda, facile solvi potest. 620

A Janfenianis, & Calvinistis procul recedunt. 627

Tiberius Cæsar Christi apothecosin postulat a Senatu Romano. 81

Rejicitur ejus postulatio variis de causis. 86

Ejus in Christianam Religionem benignitas commendatur. 82

Ejus moderatio laudatur. 86

Disserium de illo jactatum. 88

Toletus (Franciscus Card. è S. J.) Augustinum, uti & sese a gratiæ congruz partibus alienum proficitur. 586

Præmotionem physicam a D. Thoma doceri fatetur. 622

Tridentinum Concilium pseudo-reformatorum errores proscibens, Augustini de Gratia, & prædestinatione Sententiam consecrat. 392

Tridentini Patres gratiæ seipsa efficacis innoxio nomini pepercere, ejusdemque

que intacto principio deductam a Calvino consecutionem anathemate petiverunt. 544
 Tridentinus Canon, quo liberum arbitrium motum, & excitatum a Deo dissentire posse, si velit, definitum est, a Molinianis violatus ostenditur. 605
Trinitatis mysterium ex veteri Testamento probatum. 69
Typhanius (S. J. Theol.) neminem ante Molinam de Scientia Media vel per somnium cogitasse, ait. 633

V

Valentinus (Gregorius de) S. J. Theol. totam prævenientis gratiæ vim ad morales tantum excitationes revocat. 609
Valentina Synodus Semipelagianos errores proscripsit, Augustini doctrinam de gratuita vocatione firmavit. 362
Van-V Vick (Adrianus) quoddam sententiam Augustini de gratia, & prædestinatione Calvinianæ, & Janseianæ hærescos nota inusserit, a S. Congreg. Rom. Inquisitionis ad palinodiam adigitur. 407
Vasquez (Gabriel S. J. Theol.) non alias gratias præter moraliter excitantes agnoscit. 609
 Scientiam Mediam antiquis Scholæ Theologis ignotam fatetur. 632
Vaticinia de Christo venturo absoluta, non hypothetica. 159
Vespasianus Imp. pro Messia habitus a Flavio Josepho. 182
Victima antiquæ per Christum abrogandæ. 21
Vincetii Lirinensis Commonitorium editum fuit antequam Libri de Vocatione Gentium vulgarentur. 342
 Ejus errores in Synodo Arausicana II. primum, deinde & in Tridentina damnati. ibid.

Is Rescriptum Cælestini I. perperam interpretando, in Augustinum torquet, ejusque discipulos, tanquam novatores. ibid.
 Duo in eo fœternenda, primum ex operis instituto tractatum, secundum obliquè, ac testè insinuat. Illud plures habuit laudatores, hoc nemo Catholicorum probavit. 343
Virga tribulationis. Judæorum de illa commenta. 157
Virgo. Parituræ Virginis portentum, certa promissi Messie nota. 92. & seq.
 Legendum omnino in Isaie Oraculo c. 7. Ecce *Virgo* (non juvenula) concipiet. 94
 Eo Vaticinio nec Achazi Regis filii, nec ipsiusmet Isaie filii ortus denunciatur, sed unius Christi. 96. 97
 Virginem aliquando parituram, etiam alia probant Scripturarum Oracula. 99
 Virgo eur *Halmah* hebraicè dicta. 94. & seq.
Viso beatifica. Illius mensura unica, lumen gloriæ. 596
Vitalis Carthaginensis. De eo fabella a Launojo conficta arguitur. 305. & seq.
Voluntatem duplicem in Christo fuisse, adversus Monothelitas asseritur. 204. 205
 Non tamen altera alteri contraria fuit, & quomodo. 206
Vvicleffus in Synodo Constantiensis damnatus, Augustinum patronum suum jactabat: non ob id tamen damnata fuit Augustini doctrina, quam Patres illi summè venerabantur. 388

Z

Zacharias Propheta. Illius Vaticinium, *Aspiciens in quem confixerunt*, defenditur. 69
Zerobabel, de quo Matthæus, alius est a Zerobabele, de quo 1. Paralip. 151

Pag. lin.	Errata	Tiporum ita	emendanda
53 ult.	telura		velum
54 32	obtum escet		obmutescet
72 11	quosque		quousque
89 22	spectato		expectato
115 12	pius		pius
125 40	Simeon dacus		Simeon Jalcus
144 2	stabilium		stabiliam
156 22	Sinimus		sivimus
226 36	Dei vel viriles		Dei -- viriles
233 9	stricti		stricti juris
330 4	auxilior		auxilio
445 2	maturavitna		maturavit, ut
495 4	ex animo		eo animo
543 10	gratiz		gratiz
561 10	gratiz se ipsa effectui		gratiz effectui
587 2	avertentem		antevertentem
592 31	itaque ita		atque ita
600 38	sui quidem		siquidem
620 29	in ipse		is ipse

Cetera levioris momenti prudens Lector animadvertet.





